






100-34-D, 22



A MONSEIGNEVR,
MONSEIGNEVR
LE DVC D'ESPERNON,
PAIR ET COLONNEL
DE L'INFANTERIE
de France.



MONSEIGNEVR,
Tous sont d'accord, que les deux plus grandes choses qui tiennent plus du Ciel, & sont plus en lustre, comme les deux maistres du monde, sont LA VERTV ET LA BONNE FORTVNE, LA SAGESSE ET LE BON-HEVR. De leur préférence il y a de la dispute; chacun a son prix, sa dignité, son excellence. A LA VERTV ET SAGESSE, comme plus laborieuse, suante, & hazardeuse, est deuë par preciput l'estime, & la recompense: A L'HEVR ET BONNE FORTVNE, comme plus haute & diuine, est deuë proprement l'admiration & l'adoration. Cette cy par son
à y

E P I S T R E.

esclat touche & ravit plus les simples & populaires : celle-là est mieux apperceuë & reconnüe des gens de jugement. Rarement se trouvent-elles ensemble en mesme sujet , au moins en pareil degré & rang , estant toutes deux si grandes qu'elles ne peuvent s'approcher & mesler sans quelque ialousie & contestation de la primauté. L'une n'a point son lustre , & ne peut bien trouver son iour en la presence de l'autre : mais venans à s'entre-bien entendre & unir , il en sort une harmonie tres-bien melodieuse , c'est la perfection. De cecy vous estes , MONSIEUR , un exemple tres-riche , & des plus illustres , qui soit apparu en nostre France , il y a long-temps. LA BONNE FORTVNE ET LA SAGESSE se sont tousiours tenuës par la main , & conjointement se sont fait valoir sur le theatre de vostre vie. Vostre BONNE FORTVNE a estonné & transi tout par sa lucur & splendeur : VOSTRE SAGESSE est reconnüe & admirée par tous les mieux sçez & iudicieux. C'est elle , qui a bien sceu mesnager & maintenir ce que la BONNE FORTVNE vous a mis en main. Par elle vous avez sceu non seulement bien remplir , conduire , & releuer LA BONNE FORTVNE : mais vous vous l'estes bastie & fabriquée , selon qu'il est dit , que le Sage est artisan de sa fortune , vous l'avez attirée , faiste & comme attachée & obligée à vous. Je sçay avec tous , que le zele & la deuotion à la vraye reli-

gion, la vaillance & suffisance militaire, la dextérité & bonne conduite en tous affaires, vous ont acquis l'amour & l'estime de NOS ROIS, la bienveillance des peuples, & la gloire par tout. Mais j'ose & veux dire, que c'est VOSTRE SAGESSE, qui a la meilleure part en tout cela, qui couronne & parfait toutes choses. C'est pourquoy instement & ires à propos, ce livre de SAGESSE vous est dédié & consacré : car AV SAGE LA SAGESSE. Vostre nom mis icy au front, est le vray titre & sommaire de ce livre : c'est une belle & douce harmonie, que du modèle oculaire avec le discours verbal, de la pratique avec la theorique. S'il est permis de parler de moy, ie diray confidemment, MONSIEUR, avec vostre permission, que du premier iour que i'eue ce bien de vous voir & considerer seulement des yeux, ce que ie fis fort attentivement : ayant auparavant la teste pleine du bruit de vostre nom, ie fus touché d'une inclination, & depuis ay tousiours porté en mon cœur, une entiere affection & desir à vostre bien, grandeur & prosperité. Mais estant de ceux qui n'ont que les desirs en leur pouvoir, & les mains trop courtes pour venir aux effets, ie l'ay voulu dire au monde, & la publier par cet offre que ie vous fais tres-humblement, certes de tres-riche estoffe, car qui a-il de plus grand en vous, & au monde, que la SAGESSE ? Mais qui meriteroit d'estre plus elaboré & relencé pour vous être

EPISTRE.

présenté. Ce qui pourra estre avec le temps , qui affine
& recuit toutes choses : & de vray voicy un sujet in-
finy , auquel l'on peut adionster tousiours : mais tel
qu'il est ie me fie , qu'il sera humainement receu de
vous , & peut estre employé à la lecture de Messie-
gneurs vos enfans , qui apres l'idée vive , & parron
animé de SAGESSE EN VOUS , y trouueront
quelques traicts & lineamens : & de ma part de-
menteray tousiours,

MONSEIGNEUR,

Vostre très-humble & très-
obeyssant seruiteur,
CHARRON.

*Aduertissement aux Lecteurs sur le subje
de ceste nouvelle Edition.*

Messieurs, Voyant que les liures de la Sageſſe de deffunct Monsieur Charron estoient bien venus parmy le monde, & mesmes que depuis son decez on les auoit fait r'imprimer en diuers endroits ſuiuant l'Edition de Bourdeaux de l'an 1601. d'autant qu'on eſtimoit qu'en la ſeconde Edition de l'an 1604. faite en ceste ville, on a uoit corrigé & retranché pluſieurs articles, i'ay eſtimé eſtre à propos de faire imprimer pour la troiſieſme fois leſdits liures, & pour ſatisfaire au deſir des curieux, i'ay premierement fait faire le corps du liure, ainſi que l'auteur mesmes peu auparauant ſon decez l'auoit reueu & augmenté ſans aucune alteration, & ay fait ſuiure de point en point ſon manuſcript; & puis apres i'ay fait adiouſter les articles de l'Edition de Bourdeaux, leſquels l'auteur a expreſſement voulu eſtre corrigés ou adoucis, lors que ſon liure ſeroit r'imprimé; & finalement, ceux que monsieur le President Iean-nintres-digne Conſeiller d'Eſtat, commis par monsieur le Chancelier à la cenſure & examen de ce liure, a iugé deuoir eſtre changez, & ce que i'en ay fait, ç'a eſté pour contenter vn chacun, & laiſſer la liberté & le moyen aux lecteurs de prendre & choiſir ce qui leur ſemblera eſtre le meilleur: Car en ceste Edition on aura tout ce qui eſt eſ precedentes impressions, tant de Bourdeaux que de Paris & d'ailleurs, avec vne table Alphanetique des matieres qui y ſont traitées, & vn Eloge veritable ou ſommaire de la vie de l'auteur, enſemble vne explication de la figure qui eſt au frontispice de ce volume. Vous ſerez auſſi aduertis, qu'en ceste Edition l'auteur

à transposé les chapitres du premier liure ; autrement qu'ils n'estoient en la premiere Edition de Bourdeaux, ainsi qu'il est remarqué en la table des chapitres, & y a adiousté 6. chapitres entiers, sçavoir 1. 3. 8. 9. 12. & 13. Es deuxiesme & troisieme liures, il n'y a aucunes transpositions, mais il y a plusieurs additions & augmentations, comme vous pourrez voir, si prenez la peine de conferer ceste edition avec la premiere. Prenez en gré mon travail, si vous plaist, & soyez assurez que ce que i'ay fait est, pour vostre contentement, & pour m'acquiter du seruiço que i'ay vouë au public.

De Paris le 1. Iuin 1607.

Le subiect & ordre de ces trois liures.

Le premier liure enseigne à se cognoistre & l'humaine condition, qui est le fondement de Sagesse par cinq grandes & capitales considerations de l'homme, & contient 62. chapitres.

Le second contient les regles capitale de Sagesse, les priuileges & propres qualitez du Sage, & a 12. chapitres.

Le troisieme discontant par les 4. vertus morales, Prudence, Iustice, Force, Temperance, donne les particuliers enseignemens de Sagesse en 43. chapitres.



A B L E D E S C H A P I T R E S

D E C E S T R O I S L I V R E S

de Sagesse.

*Preface, où est parlé du nom, sujet, dessein & methode
de ces œuvres, avec Aduertissement
au Lecteur. page 1.*

L I V R E P R E M I E R Q U I E S T D E L A

cognoissance de soy & de l'humaine condition.

Exortation à s'estudier & cognoistre.

*Preface du premier liure pag. 19.
C'est le ch. de l'Edition 1. de Bourdeaux.*

*Premiere consideration de l'homme, qui est naturelle par toute
les pieces dont il est composé page 33.*

Chap. 1. De la formation de l'homme. page 33

2. Distinction premiere, & generale de l'homme. 37

C'est le 9. chap. de la 1. Edition.

3. Du corps, & premierement de toutes les parties, & as-
siette d'icelles. 38

4. Des proprietéz singulieres du corps humain. 43

C'est le ch. 10. de la 1. Edit.

5. Des biens du corps, Santé, Beauté, & autres. 44

C'est le ch. 1. de la 1. Edit.

6. Des vestemens du corps. 50. *C'est le ch. 14. de la 1. Edit.*

7. De l'ame en general. 51. *C'est le 15. ch. de la 1. Edit.*

8 De l'Ame en particulier, & premierement de la faculté
Vegetative. 67

T A B L E

9. De la faculté sensitive. 68
10. Des sens de nature. 71. *C'est le 12. ch. de la 1. Edit.*
11. Du veoir, ouïr, & parler. 77. *C'est le 13. ch. de la 1. Edit.*
12. Des autres facultez, Imaginative, Memorative, Appetitive. 81
13. De la faculté intellectuelle, & vrayement humaine. 82
14. De l'Esprit humain, ses parties, fonctions, qualitez, raison, inuention, verité. 92. *C'est le 16. ch. de la 1. Edit.*
15. De la Memoire. 107. *C'est le 17. ch. de la 1. Edit.*
16. De l'Imagination & opinion. 108. *C'est le 18. ch. de la 1. Edit.*
17. De la volonté. 111. *C'est le 19. ch. de la 1. Edit.*
- Des passions & affections, aduertissement. 114. *C'est le 20. ch. de la 1. Edit.*
18. Des passions en general. 114.
Des passions en particulier, aduertissement. 119
19. De l'Amour en general. 119. *C'est le 22. ch. de la 1. Edit.*
20. De l'Ambition. 120. *C'est le 22. ch. de la 1. Edit.*
21. De l'auarice & sa contrepassion. 126. *C'est le 23. ch. de la 1. Edit.*
22. De l'Amour charnel. 129. *C'est le 24. ch. de la 1. Edit.*
23. Desirs, cupiditez. 133. *C'est le 25. ch. de la 1. Edit.*
24. Espoir, Desespoir. 134. *C'est le 26. ch. de la 1. Edit.*
25. De la Cholere. 134. *C'est le 27. ch. de la 1. Edit.*
26. Haine. 139. *C'est le 28. ch. de la 1. Edit.*
27. Enuie. 140. *C'est le 29. ch. de la 1. Edit.*
28. Jaloufie. 140. *C'est le 30. ch. de la 1. Edit.*
29. Vengeance. 141. *C'est le 31. ch. de la 1. Edit.*
30. Cruauté. 142. *C'est le 32. ch. de la 1. Edit.*
31. Tristesse. 144. *C'est le 33. ch. de la 1. Edit.*
32. Compassion. 149. *C'est le 34. ch. de la 1. Edit.*
33. Crainte. 150. *C'est le 35. ch. de la 1. Edit.*

DES CHAPITRES.

Seconde consideration de l'homme, qui est par comparaison de luy avec tous les autres animaux. 153. C'est le 8. chap. de la 1. Edition.

Troiesme consideration de l'homme, qui est sur sa vie. 169.

Estimation, briefueté, description de la vie humaine, & ses parties. 169. C'est le 36. ch. de la 1. Edition. *Quatriesme consideration de l'homme morale, par ses mœurs, humeurs, conditions, bien viure & notable.* Preface.

Contenant vne generale peinture de l'homme. 176. C'est le 2. ch. de la 1. Edit.

5. Vanité. 178. C'est le 3. ch. de la 1. Edit.

7. Foiblesse. 184. C'est le 4. ch. de la 1. Edit.

8. Inconstance. 199. C'est le 5. ch. de la 1. Edit.

9. Misere. 201. C'est le 6. ch. de la 1. Edit.

10. Presomption. 220. C'est le ch. 7. de la 1. Edit.

Cinquiesme & derniere consideration de l'homme, par les veritez & differences grandes qui sont en luy, & leurs comparaisons. 31

41. De la difference & inegalité des hommes en general. 231. C'est le 37. ch. de la 1. Edit.

41. Premiere distinction & difference des hommes, naturelle & essentielle, tirée de la diuerse assiette du monde. 234. C'est le 38. ch. de la 1. Edit.

43. Seconde distinction & difference plus subtile des esprits, & suffisances des hommes. 341. C'est le ch. 39. de la 1. Edit.

44. Troiesme distinction & difference des hommes accidentale, de leurs degrez, estats & charges. 244. C'est le ch. 40. de la 1. Edit.

Des estats & degrez des hommes en particulier, aduertissement. 248

45. Du commander & obeyr. 248. C'est le chap. 41. de la 1. Edit.

T A B L E.

46. Du mariage. 250. C'est le ch. 42. de la 1. Edit.
47. Des parens & enfans. 261. C'est le ch. 43. de la 1. Edit.
48. Des Seigneurs & esclaves, maîtres & seruiteurs.
265. C'est le ch. 44. de la 1. Edit.
47. De l'estat, Souveraineté, Souverains. 469
C'est le ch. 45. de la 1. Edit.
50. Des Magistrats. 278. C'est le ch. 46. de la 1. Edit.
51. Des Legislaturs, Docteurs & instructeurs. 179
C'est le ch. 47. de la 1. Edit.
52. Du puple ou vulgaire. 280. C'est le ch. 48. de la 1. Edit.
*Quatriesme distinction & difference des hommes, tirée de
leurs diverses professions, & conditions de vie. Preface.*
284
53. Distinction & comparaison de trois sortes de degrez de
vie. 285. C'est le ch. 49. de la 1. Edit.
54. Comparaison de la vie civile ou sociale avec la soli-
taire. 287. C'est le ch. 50. de la 1. Edit.
55. Comparaison de la vie menée en commun, & menée
en propriété. 290. C'est le ch. 51. de la 1. Edit.
56. Comparaison de la vie rustique & des villes. 291.
C'est le ch. 52. de la 1. Edit.
57. De la profession militaire. 292. C'est le ch. 53. de la 1.
Edit. Cinquiesme & derniere distinction & difference des
hommes tirée des faueurs & defaueurs de la Nature, & de la
fortune. Preface. 294
58. De la liberté & du seruage. 295. C'est le ch. 54. de la 1.
Edit.
56. De la Noblesse. 269. C'est le ch. 55. de la 1. Edit.
60. De l'honneur. 299. C'est le ch. 56. de la 1. Edit.
61. De la Science. 303. C'est le ch. 57. de la 1. Edit.
62. Des richesses & pauvreté. 305. C'est le ch. 58. de la 1.
Edit.

DES CHAPITRES.

VRE SECOND , CONTENANT LES instructions & regles generales de Sageſſe.

*face , auquel y a vne peinture generale de la Sageſſe , &
e Sommaire du liure.* 307

Exemption & affranchiſſement des erreurs & vices
du monde, & des paſſions, &c.

Vniuerſelle & pleine liberte de l'eſprit, tant en iuge-
ment, qu'en volonte, ſeconde diſpoſition à la Sa-
geſſe. 321

Vraye & eſſentielle preud'homnie, premiere & fon-
damentale partie de Sageſſe. 350

Avoir vn but & train de vie, certain, ſecond fonde-
ment de Sageſſe. 376

Eſtudier à la vraye pieté, premier office de Sageſſe.
380

6. Regler ſes deſirs & plaiſirs, ſecond office de Sageſ-
ſe. 402

7. Se porter moderement & eſgalement en proſperité
& aduerſité, troiſieſme office de Sageſſe. 410

8. Obeyr, & obſeruer les loix, couſtumes & ceremo-
nies du pays, comment & en quels ſens, quatrieſme
office de Sageſſe. 423

9. Se bien comporter avec aurray, cinquieſme office-
de Sageſſe.

10. Se conduire prudemment aux affaires, ſixieſme of-
fice de Sageſſe. 442

11. Se tenir toujours preſt à la mort, fruit de Sageſſe,
452

12. Se maintenir en vraye tranquillité d'eſprit, le fruit
& la couronne de Sageſſe, & conſeſion de ce liure.

476

LIVRE TROISIÈME , AUQUEL SONT traictés les aduis particuliers de Sagesse , par les quatre vertus Morales.

Preface.	481
<i>De la prudence premiere vertu.</i>	482
1. De la prudence en general.	482
<i>De la prudence Politique du Souuerain pour gouverner estats. Preface.</i>	486
2. Premiere partie de ceste Prudence Politique , & gou- uernement d'Estat, qui est de la prouision.	488
3. Seconde partie de la Prudence Politique, & du gouuer- nement d'Estat , qui est de l'action & gouvernement du Prince.	519
4. De la prudence requise aux affaires difficiles & mau- uais accidens publics & priuez. Preface.	551
1. Des maux & accidens qui nous menacent.	552
2. Maux & accidens presens, pressans & extremes.	553
3. Affaires douteux & ambigus.	555
4. Affaires difficiles & dangereux.	555
5. Coniurations.	556
6. Trahison.	559
7. Emotions populaires.	560
8. Faction & ligue.	552
9. Sedition.	563
10. La Tyrannie & rebellion.	565
11. Guerres ciuiles.	566
12. Aduis pour les particuliers en toutes les susdites diui- sions publiques.	568
13. Destroubles & diuisions priuées.	571
<i>De la Iustice seconde vertu.</i>	572
De la Iustice en general.	572

DES CHAPITRES.


De la Iustice & deuoir de l'hōme à soy-mesme.	576
<i>De la Iustice & deuoir de l'homme enuers l'homme, aduertissement.</i>	583
Premiere partie, qui est des deuoirs generaux & communs de tous enuers tous, & premierement.	584
. De l'amour ou amitié.	584
1. De la foy, fidelité, perfidie, secret.	594
9. Verité & admonition libre.	598
10. De la flatterie, menterie & dissimulation.	601
11. Du bien fait, obligation & recognoissance.	607
<i>Seconde partie qui est des deuoirs speciaux de certains à certains, par certaine & speciale obligation. Preface</i>	620
12. Deuoir des mariez.	621
13. Mesnagerie.	623
14. Deuoir des parens & enfans.	625
15. Deuoir des maistres & seruiteurs.	662
16. Deuoir des souuerains, & des suiets.	664
17. Deuoir des Magistrats.	671
18. Deuoir des grands & des petits.	676
<i>De la force troisieme versu Preface.</i>	678
19. De la force ou vaillance en general.	678
<i>De la force ou vaillance en particulier.</i>	685
20. Premiere partie des maux externes.	685
21. Des maux externes considerez en leurs effets & fruits.	
<i>Des maux externes en eux mesmes & particulierement. Aduertissement.</i>	694
21. De la maladie & douleur.	695
23. De la captiuité ou prison.	696
24. Du bannissement & exil.	700
25. De la pauureté, indigence, perte de biens.	702
26. De l'infamie.	705

TABLE DES CHAPITRES

27. De la perte d'amis.	705
De la mort.	707
<i>Seconde partie, des maux internes, &c. Preface.</i>	707
28. Contre la crainte.	708
29. Contre la tristesse.	701
30. Contre la compassion & misericorde.	719
31. Contre la cholere.	712
32. Contre la hayne.	716
33. Contre l'enuie.	717
34. Contre la vengeance.	718
35. Contre la jaloufie.	720
<i>De la temperance quatriesme vertu.</i>	720
36. De la temperance en general.	721
37. De la prosperité & aduis sur icelle.	723
38. De la volupté & aduis sur icelle.	722
39. Du manger & boire, & sobrieté.	731
40. Du luxe & desbauche en tous couverts. &c.	734
41. Plaisir charnel, chasteté, continence.	735
43. De la gloire & de l'ambition.	738
43. De la Temperance au parler, & de l'Eloquence.	741

Fin de la table des Chapitres.

ELOGE



ELOGE VERITABLE, OV
SOMMAIRE DISCOVRS DE LA
vie de Pierre Charron Parisien, vi-
uant Docteur és Droicts.

Par G. M. D. R.



PIERRE Charron nasquit à Paris en l'an 1541. & fut baptisé en l'Eglise de S. Hilaire au clos bruneau. Son pere estoit Thibaud Charron, marchand Libraire demeurant rue des Carmes près le Collège des Lombards, & sa mere se nommoit Nicole de la Barre, de laquelle le-
t Thibaud Charron eut 21. enfans, tant males que melles, & en auoit eu quatre autres au parauant de premiere femme. Ainsi Pierre Charron eut 24. rā-
eres que sœurs, desquels n'est resté aucune posteri-
masculine: & combien que ses pere & mere n'eus-
nt grands moyens pour entretenir vn si grād nom-
e d'enfans, si est-ce que reconnoissans que leur
s Pierre estoit estrené fauorablement de Nature
en bel esprit, docile & capable de grandes choses,
eurent soin de le faire bien instruire dès son ieu-
aage aux bonnes lettres: tellement qu'ayant ap-
is en peu de temps les langues Grecque & Latine,
nt y auoit lors de celebres Professeurs en l'Uni-
sité de Paris, il fit bonne provision des scien-
liberales & humaines, & mesmes de la Logi-

E L O G E.

que , Ethique , Physique & Metaphysique : & depuis il estudia en droit Civil & Canon és Vniuersitez d'Orleans & de Bourges, où il fut honoré du tiltre & degré de Docteur és Droicts. Estant de retour à Paris il suivit la profession du Palais , & fut receu Aduocat en la Cour de Parlement , où il frequentoit ordinairement le Barreau, qu'il confessoit estre la plus belle & profitable Escole du monde , ne perdoit aucunes des audiences publiques , & y prit vne telle teincture, que par ses liures & discours on peut tousiours remarquer plusieurs beaux mots & termes de Iurisprudence & de Pratique, & continua cét exercice par cinq ou six ans entiers ; mais preuoyant que le chemin qu'il falloit tenir pour s'aduancer au Palais luy seroit long & difficile, pour n'auoir alliance ny cognoissance avec des Procureurs & Solliciteurs de procez, & ne peuant s'abbaisser & captiuer iusqu'à là, que de les courtiser, caresser & rechercher, pour estre par eux employé aux affaires (tant il auoit l'ame noble & genereuse) il quitta ceste vacation , & s'adonna à bon escient à l'estude de la Theologie , & à la lecture des Peres & Docteurs de l'Eglise , & parce qu'il auoit la langue bien pendue & qu'il s'estoit formé vn stile libre & releué par dessus le commun des Theologiens , il s'exerça à la predication de la parole de Dieu , par permission des Curez & Pasteurs , où incontinent il parut & s'acquist vne merueilleuse reputation entre les plus doctes de ce temps-là, mesmes à l'endroit de plusieurs Euesques & grands Prelats qui estoient lors en ceste ville , & y auoit presse entr'eux à qui le pourroit auoir en son Euesché ou Diocese. Entre autres Messire Arnaud de Pontac Euesque de Ba-

E L O G E.

as Prelat de tres-grande erudition, l'ayant ou
recher en l'Eglise de sainct Paul en l'an 1571. le prit
en telle affection qu'il luy fist quitter le lieu de sa
naissance, & le mena à Xaintes, à Bourdeaux & en
son Euesché de Bazas, & autres lieux de la Gas-
coigne & du Languedoc; où il fist paroistre son
eloquence admirable, qui luy donna vn tel bruiet
& renom, qu'on le recherchoit par tout, & que
les Euesques de diuerses Dioceses où il auoit pres-
ché, luy offroient liberalement les Chanoines
Theologales de leurs Eglises, & autres dignitez &
benefices, & luy faisoient plusieurs dons & pre-
sens. Il a esté successiuellement Theologal de Ba-
zas, d'Ars, de Lethoure, d'Agen, de Caors & de
Condom, Chanoine & maistre d'Escole en l'Eglise
de Bordeaux, & Chantre en l'Eglise de Condom.
La Royne Marguerite Duchesse de Valois le re-
tint pour son Predicateur ordinaire, & le Roy à
present regnant, quoy qu'il fut lors de la Religion
pretendue reformée, s'est delecté & a pris plaisir
extresme d'ouyr ses predications, & l'a plusieurs-
fois honoré de sa presence. Il fut aussi à la suite du
defunct Cardinal d'Armaignac Legat de la Sainte-
té à Auignon, qui l'anoit en tres-grande estime. Il
a grandement profité à l'Eglise de Dieu par ses
Predications qu'il a continuées assiduement par
l'espace de plus de 32. ans & par icelles il a ramené
plusieurs deuoyez au giron de l'Eglise, & a confir-
mé en la foy plusieurs qui branloient au man-
che, tant il estoit homme bien disant & bien vi-
uant. S'estant adonné à la Theologie, il n'a ac-
qué les degrez de Bachelier, Licencié, ny de Docteur
ou Professeur en icelle, & luy suffisoit d'estre

E L O G E.

digne & capable d'avoir tels degrez, & s'est seulement contenté de recevoir l'ordre & caractere de Prestre. Il fut dix sept ou dix-huit ans sans retourner à Paris depuis qu'il en fut sorty, & avoit resolu d'y venir parachever le reste de ses iours, mais parce qu'il aymoit la solitude, il avoit faict vœu d'estre Chartreux, & defaict sur la fin de l'an 1588. il partit de Bordeaux, & passa par Xaintes & par Angers, où il fit quelques doctes predications, & s'en vint en ceste ville lors que les Estats estoient assemblez à Bloys, & se presenta au Prieur de la Chartreuse qui est lez Paris, nommé Jean Michel, homme de sainte vie, qui depuis est mort Prieur general de la grande Chartreuse en Dauphiné, & luy descouvrit son vœu & desir; Mais il ne peut y estre receu, quelque ardente priere & instante poursuite qu'il en fist, & ce seulement à cause de son aage trop avancé, qui estoit de 47. à 48. ans, & s'excusoit on sur ce qu'il falloit de jeunesse s'estre accoustumé à supporter l'austerité de cet Ordre Religieux. Voyant ce refus il s'adressa au Prouncial des Celestins de ceste ville pour estre pareillement receu en leur ordre, où il se trouva pareille difficulté, empeschement & refus. De sorte qu'ayant faict tout ce qui estoit en luy, & ne tenant à luy que son vœu n'eust esté accompli, il fut alléuré par Messieurs Faber Doyen de la Sorbonne, Pyrius Jesuite Elcoissois, & Feuardant Cordelier, tres doctes Theologiens, qu'en conscience il estoit quitte d'un tel vœu, & que librement il pouvoit demeurer au monde comme seculier, & qu'il n'estoit obligé d'entrer en autre ordre de Religion. Tellement qu'en l'année 1589. il repassa par Angers, où il prescha entièrement le Ca-

E L O G E

resme avec tres-grande admiration & edification du peuple, & de là il retourna à Bourdeaux, où il prit cognoissance, & vescu fort familièrement avec Messire Michel de Montagne, Cheualier de l'ordre du Roy, Autheur du liure intitulé, Les Essais, duquel il faisoit vn merueilleux cas, & le sieur de Montagne l'aimoit d'une affection reciproque, & avant que mourir, par son testament il luy permit de porter apres son decez les plaines armes de sa noble famille, parce qu'il ne laissoit aucuns enfans males. Les troubles derniers ayants retenu le sieur Charron en la ville de Bourdeaux depuis l'an 1589. iusques en l'année 1593. il dressa son liure des trois veritez, qu'il fit imprimer en l'an 1594. sans y mettre son nom, qui fut receu fort plaussiblement de tous les sçauans hommes, & sur l'edition de Bourdeaux, on l'imprima deux ou trois fois en ceste ville, & depuis à Bruxelles en Flandres, sous le nom de Benoist Vaillant, Aduocat de sainte Foy, nom inuenté à plaisir, parce qu'on void que par l'auteur de ce liure. en la troisieme verité la cause de la sainte Foy est fort bien plaidée & defendue contre le petit traicté de l'Eglise, auparauant composé par le sieur du Plessis Mornay, la publication de ce liure le fit cognoistre à Messire Antoine d'Ebrazd de S. Sulpice, Euesque & Comte de Caors, lequel sans auoir veu ledict sieur Charron, au seul goust de son liure le fit approcher de luy, le faisant son Vicaire general, & luy donnant la Chanoinie Theologale de son Eglise, qu'il accepta, & y estant il fit imprimer pour la seconde fois son liure à Bourdeaux, en l'an 1595. y mettant son nom, & l'augmenta d'une replique contre sa res-

é iij

E L O G E

ponse qui auoit esté imprimée à la Rochelle, faite à la troisieme Verité. Estant à Caors, le Roy conuoqua à Paris l'assemblée generale du Clergé de son Royaume en ladite année 1595. où il comparut en qualité d'un des deputez, & fut choisi & esleu pour estre le premier Secretaire de l'assemblée, & y estant il fut inuité de prescher en l'Eglise de saint Eustache, la plus populeuse paroisse de Paris, ce qu'il fist le iour de la feste de Toussaincts de l'an 1595. & deux iours apres, depuis il prescha derechef les six Dimanches du Carême en l'an 1596. Estant retourné à Caors, depuis l'an 1599. iusques en l'an 1600. il composa huit discours de la sainte Eucharistie, avec autant de discours Chrestiens de la cognoissance & prouidence de Dieu, de la Redemption du monde, & de la Communion des Saints, ensemble ses liures de Sagesse. Comme il estoit demourant à Caors, Messire Iean du Chemin Euesque de Condom le pourueut de la dignité de Châtre en son Eglise pour l'attirer en son Diocese: mais estant recherché en mesme téps par Messire Charles Miron Euesque d'Angers de venir faire sa demeure en Anjou, il y estoit plus enclin, tellement qu'il balançalong temps & fut en doute où il se deuoit resoudre & arrester, & son affection le portoit de choisir l'Anjou, qu'il estimoit estre le plus beau & plus plaisant sejour de France: Toutesfois il fut empesché d'y demeurer, parce que ceste Prouince d'Anjou n'estoit lors paisible, ains fort trauaillée de la guerre Ciuile: aussi que la Bretagne sa voisine n'estoit encôres reduitte en l'obeyllance du Roy. D'ailleurs la Chanoinie Theologale de Condom vint à vaquer, qui luy fut offerte par ledit Sieur du

E L O G E.

Chemin, laquelle il accepta, & se resolut d'aller faire sa residence à Condom. Ce qu'il fist, & y acheta vne maison qu'il fist bastir de neuf & l'ameubla de beaux & precieux meubles en intention d'y passer le cours de sa vie plus ioyeusement & gaillardement, & d'euter à son pouuoir les incommoditez que la vieillesse apporte ordinairement avec soy. S'estant habitué à Condom il fit imprimer à Bourdeaux ses discours Chrestiens, cy-dessus mentionnez, iusques au nombre de seize, & ses liures de Sagesse és années mil six cens, & mil six cens & vn, par le moyen desquels sa renommée & reputation s'estendit au long & au large, & prist place à l'endroit des plus beaux & rares esprits de la France. Entre autres Messire Claude Dormy Euesque de Bologne sur mer, & Prieur de saint Martin des Champs à Paris, luy escriuit quelques lettres sur le sujet d'iceux, luy tesmoignant qu'il en faisoit grand estat, & qu'ils estoient bien à son goust, & luy fit offre de la Theologale de son Eglise. Ces lettres firent venir l'enuie au Sieur Charron de faire vn troisieme voyage en ceste ville, afin de voir, recognoistre & remercier ledit Sieur Euesque de Bologne, & pareillement pour y faire imprimer ses iures & discours, & autres œuvres nouvelles, n'estant point assez satisfait des impressions qui en uoient esté au precedent faictes à Bourdeaux. Il arriva doncques à Paris le 9. d'Octobre 1603. & quelque temps apres alla saluer ledit sieur Euesque de Bologne, qui le reçut fort benignement, & luy renouuela l'offre de sa Theologale pour luy donner sujet de demeurer en ces quartiers, & ne s'esloigner de la Cour: dont il remercia de bonne

ē iij

E L O G E

volonté, & dit lors à vn sien intime amy Aduocat en la Cour de Parlement, avec sa franchise & liberté accoustumée, qu'il eust assez volontiers accepté ceste Theologale pour quelques années, mais que l'air & le climat froid, humide & proche de la mer, estoit non seulement mal plaisant & triste à son humeur & naturel, ains mal sain, catherreux, & rheumatique, qu'il estoit solitaire du tout, que le Soleil estoit son Dieu sensible, comme Dieu estoit son Soleil insensible, parquoy qu'il craignoit, ne se pouuoir accommoder ny habituer à Bologne sagement ny plaisamment, & partant nullement. Estant a Paris il se logea chez vn Libraire nommé Pierre Bertaud au mont & en la parroisse de S. Hilaire à l'estoile couronnée, pour estre plus proche de Denis du Val maistre Imprimeur qui deuoit imprimer pour la seconde Edition ses Liures de Sagesse, desquels il veid de son viuant trois ou quatre feuilles imprimées. Mais le Dimanche 16. de Nouembre 1603. enuiron vne heure apres midy, estant sorty de sa maison pour aller en ville, il descendit iusques au bas de la rue saint Iean de Beauuais, & estant au coing de ladite rue prest d'entrer en celle des Noyers, il dit à ses gens qu'il se trouuoit tres-mal, & qu'ils prissent garde à luy, & estant soustenu par eux il tomba sur les genoux, & ayant les mains ioinctes & leuées en haut & la face tournée vers le Ciel expira sur le champ, & rendit son ame à Dieu sans aucune apparence de douleur, estant suffoqué d'une Apoplexie de sang, les vaisseaux d'iceluy s'estant tout à coup debondez, dont il ne peut estre guaranty par aucun secours humain. Son corps fut gardé deux iours entiers apres son

E L O G E.

decez, les Medecins ayans recogneu qu'il estoit vraiment mort, veu mesmes que le sang meurtry paroissoit tout au tour de son col, & qu'il commençoit desja à sentir mal, il fut enterré honorablement, & en belle compagnie en l'Eglise S. Hilaire le 18. dudit mois de Nouembre, au sepulchre où ses pere & mere & plusieurs de ses freres & sœurs, & autres parens auoient esté auparauant ensepulturez. Et le iour de ses obseques il eut le visage descouvert & fut reuestu d'habits Sacerdotaux, comme s'il eust esté prest de celebrer le saint Sacrifice de la Messe, & ce suiuant son intention & declaration qu'il en auoit autrefois faite en presence de ses gens pourueu qu'il ne parut rien de difforme en son visage apres sa mort. Il estoit de mediocre taille, assez gras & replet, il auoit le visage tousiours riant & gay, & l'humeur iouiale, le front grand & large, le nez droict, & vn peu gros par le bas, les yeux de couleur perse ou celeste, le teint fort rouge & sanguin, & les cheueux & la barbe tous blancs, quoy qu'il n'eust atteint que l'aage de 62, ans & demy, proche de l'an climacterique de 9. fois sept. Il auoit tousiours vne contenance ioyeuse & nullement triste, il auoit l'action belle, la voix forte, bien intelligible & de longue durée, & le langage masle, nerueux & hardy. Il n'estoit subiect à maladie & ne se plaignoit d'aucune incommodité de vieillesse, fors qu'environ trois semaines deuant que de mourir, il sentoit par fois en cheminant vne douleur dans la poitrine avec vne courte haleine qui le pressoit, & ceste douleur luy passoit sur le champ apres qu'il auoit respiré vne bonne fois à son aise, & qu'il s'estoit vn peu reposé. Ce qu'ayant

E L O G E.

déclaré au défunt Sr Marefcot celebre & tres-fa-
 meux Medecin , decedé depuis peu de mois en çà,
 il confeilla & donna aduis qu'il falloit tirer ce fang
 qui abondoit par trop en luy , & que s'il ne se don-
 noit de garde , le fang le fuffoqueroit, comme il ad-
 uint huit iours apres , pour ne s'estre ledit Sieur
 Charron fait feigner , fuiuant ce confeil. Ses liures
 de Sageffe & discours Chreftiens furent imprimez
 apres son trespas , par l'extreme foin qu'en prit ce
 sien intime amy, dont il l'auoit affectueufement prié
 de fon viuant , nonobftant les trauerses & empes-
 chemens qui luy furent donnez par des hommes
 malitieux ou fuperftitieux qui auoient l'efprit bas,
 foible, & plat, & eftoient, *Perquàm fimiles Noëtris*
quarum oculi tantum splendorem ferre non poterant, &
ad istius Solis lumen caligabant, ne pouuans souffrir ny
 fupporter les esclats & belles pointes de cét efprit
 fingulier , rare, vigoureux, merueilleufement rele-
 ué & diuin. Car on vouloit empescher l'impreffion,
 nommément de fes liures de Sageffe , & pour cét
 effect on y employa l'autorité du Recteur de l'V-
 niuerfité, & d'aucuns Docteurs de Sorbonne, mef-
 mes de Messieurs les Gens du Roy, tant au Parle-
 ment qu'au Chastellet, & outre on y fit interuenir
 Simon Millanges Imprimeur de Bourdeaux , pour
 fon intereft particulier: Il en fut fait plaintes en di-
 uers lieux , au Chastellet , aux requestes de l'Ho-
 stel , en la Cour de Parlement, & au priué Confeil,
 & mefmes elles vindrent iufques aux oreilles du
 Roy, on faifit par trois diuerfes fois les fucilles qui
 en eftoient imprimées , & la minute de l'Autheur:
 Mais par ce que le fidelle amy en auoit deux ou
 trois coppies , & qu'il defiroit faire paroistre par

E L O G E

bonnes preuves que l'amitié qu'il portoit au defunct Sieur Charron n'estoit finie par sa mort, il fit tant qu'enfin tous les liures furent imprimez, & auparavant que de les pouuoir vendre, il en falloit plaider en plusieurs endroits, & finalement Messieurs les Chancelier & Procureur general du Roy, les firent voir à deux Docteurs de Sorbonne, qui baillerent par escrit ce qu'ils trouuoient à redire en ces liures qui ne parloient que de la Sagesse humaine, traitée Moralement & Philosophiquement. Et tout fut mis entre les mains de Monsieur le President leannin Conseiller d'Estat, personnage des plus iudicieux, & experimentez de ce temps, qui les ayant veuz & examinez dit haut & clair, que ces liures n'estoient pour le commun, & bas estage du monde, ains qu'il n'appartenoit qu'aux plus forts & releuez esprits d'en faire iugement, & qu'ils estoient vraiment liures d'Estat, & en ayant faict son rapport au Conspil priué, la vente d'iceux en fut permise au Libraire qui les auoit fait imprimer, & entiere deliurance, & main-leuée de toutes les saisies qui auoient esté faictes: Apres qu'on eust remonstré & iustifié que les liures auoient esté corrigez & augmentez par l'Auther depuis la premiere impression faicte à Bourdeaux, en l'an 1601. & que par ces additions & corrections il auoit éclaircy & fortifié, & en quelques lieux adoucy ses discours sans auoir rien alteré du sens, & de la substance, ce qu'il auoit fait pour fermer la bouche aux malitieux, & contenter les simples, qu'il les auoit fait voir par aucuns de ses meilleurs amis, gens clair-voyans & nullement pedans, qui en estoient bien edifiez, & satisfaits, & que sans cela ils

E L O G E.

ne l'estoient pas, & que sur tout il se soubmettoit & ses livres à la censure, & iugement de l'Eglise Catholique, Apostolique & Romaine.

Ainsi on void que son innocence, naïfueté & candeur de ses mœurs, & sa preud'homme accompagnée de probité, ont enfin vaincu & surmonté les calomnies & medifances de ses aduersaires, & y a grande apparence que ses liures, quoy qu'ils ne soient composez qu'en langage vulgaire, triompheront de l'enuie, & rendront sa memoire perpétuellement recommandable à la posterité. Il auoit bien senty & preueu de son viuant, que son liure de la Sagesse entre-autres, ne seroit pas le bien-venu parmy les esprits foibles, & superstitieux, & qu'il seroit censuré par les presumptueux, rogués, affirmatifs & fiers resolués, gens testus, opiniastres, aheurtez, qui pensent tout sçauoir, & estre les plus sages & aduisez de ce monde, combien que pour la plus part, ils soyent les plus ineptes & ignorans, & dont aucuns sont touchez de maladie presque incurable & sans remede. C'est pourquoy peu de mois auparauant son trespas, il dressa vn petit traité de Sagesse, contenant vn sommaire de son liure, & vne Apologie, & responce aux plaintes & objections qu'on faisoit contre iceluy, qui a esté en l'an 1606. imprimé à part avec quelques discours Chrétiens, par David le Clerc Maistre Imprimeur, qu'il desira estre dedié à Monsieur de Harlay premier President de la Cour de Paris, sçachant bien que pour la defense de ses liures & pour en iuger sans passion, il auoit besoin d'hommes tels que ledit Seigneur, c'est à dire, qui eussent l'esprit hardy, fort, genereux, releué, nullement superstitieux ny popu-

E L O G E.

laire, ce qui a esté fait suivant son desir & intention.

Quant à la maniere d'agir & de traiter les points de doctrine dont il ysoit en ses liures, discours & sermons, il disoit que selon la diuersité des esprits & faulxtez naturelles, imagination, memoire & entendement, il y auoit trois façons de descouurir & declarer en public ses conceptions : l'une qui le conduisoit selon les regles & preceptes de l'art, par etymologies & distinctions du nom & de la chose, definitions, diuisions, subdiuisions, causes, effets, accidens : l'autre par recueil des opinions & allegations des dires d'autrui avec curieuse cotation des lieux, liures & Chapitres : & la dernière par discours libre & releué, qui contient à peu près, & en substance ce que les deux autres ont, mais c'est sans en faire semblant, & sans s'assubiection à l'ordre, & aux regles de l'art. Que la première estoit bonne pour l'escole, & nécessaire pour instruire les apprentifs, que la seconde estoit en usage entre les harangueurs, & Predicateurs, dont la plus part ne faisoient qu'enfiler des allegations, souuent peut estre trop ambitieusement recherchées avec fort peu ou point de discours, que n'ayans rien à dire d'eux-mêmes, & estans sans aucune intention ils faisoient parler autrui : & disoit au rebours du commun, qui estime, sçauant celui qui allegue beaucoup, que c'estoit tesmoignage d'ignorance, & de foiblesse, qu'ils se vouloient vray semblablement faire recommander de grande lecture, & memoire (ce qui n'estoit pas tant comme plusieurs pensoient, s'il n'y auoit du iugement) le plus souuent à faulx enseignes, cōme ceux qui sans auoir iamais veu les fontaines, cou-

E L O G E.

roient aux ruisseaux, furetoient par les tables des liures, *sapiebant per indices*, pilotoient & prenoient de ceux qui auoient fait des recueils & lieux communs, où ils trouuoient la chose route ramassée, & ainsi le debitoient : que les allegations estoient requises aux choses controuersées qui se doiuent établir & defendre par autorité, mais sobrement, & qu'il falloit qu'elles fussent pertinentes, bien choisies & pressantes, & que cette maniere estoit à son aduis la moindre de routes. Et quant à la troisieme, que c'estoit celle qu'il estimoit le plus, & ceux qui faisoient profession de la suyure, qu'il s'y tenoit, & s'y exercoit : Que pour ceste derniere façon il auoit l'antiquité, & l'autorité pour luy, veu que les plus excellens homiliaires du temps passé l'auoient tenuë, & que les anciens en quelque profession que ce fut, en leurs escrits & harangues n'alleguoient point, ou fort rarement, qu'il estoit en outre fondé en bonne raison, parce que ceste maniere, estoit plus genereuse, tenoit plus de iugement, entendement & imagination, parties bien plus notables & heroïques que la memoire, & enfin qu'elle estoit plus libre, & plus plaisante & profitable aux Auditeurs, & Lecteurs, & à celuy qui en vsoit, que toutes les autres, & que par icelle on tendoit plus à la Sagesse qu'à la science, & qu'on s'accoustumoit plus à former le iugement, & par consequent la volonté & la conscience, qu'à remplir la memoire & l'imagination. Pour le regard de ses mœurs, conuersation de vie, & actions, tant en priuë qu'en public, il n'en fera icy escrit autre chose, sinon qu'il se conformoit du tout aux regles & offres qui sont comprises dans les 12. chap. de son second liure de

E L O G E.

Sageſſe, & les pratiquoit fort exactement : Et de quelle religion & creance il eſtoit, en font aſſez de foy ſes liures des trois veritez, qu'il a reueuz & de beaucoup amplifiez depuis l'Edition de l'an 1595. & qui ſeront donnez au public, & dediez à Monſieur l'Illuſtriſſime Cardinal de Joyeuſe, auquel le ſieur Charron auoit vne ſinguliere affection, quand il plaira à ſon heritier vniuerſel, perſonnage d'honneur & de merite, qui a trouué leſdits liures avec leur augmentation, & autre replique à la ſeconde reſponce faiçte à la troiſieſme verité, en l'eſtude de la maiſon de l'Autheur à Condom, tous preſts à mettre ſous la preſſe, leſquels ils a voüez à l'honneur de Dieu, ſouſtien de la verité, & au ſeruire de la vraye Religion. Comme auſſi en font foy ſes diſcours Chreſtiens, qui ont eſté imprimez depuis ſon decez, & font vn iuſte volume, dont il voulut expreſſement les diſcours de la Creation du monde eſtre dediez à Meſſire Philippes des Portes Abbé de Thiron, & de Bomport, Prelat de tres-rare doctrine & de ſinguliere bonté, qui eſt depuis peu de mois en ça decedé, au grand regret de tous leſhommes ſçauans & polis, duquel il auoit extremement deſiré, & affecté la cognoiſſance peu auparauant qu'il mourut, ſçachant qu'en verité il eſtoit du nombre de ceux qui auoient l'eſprit grand, ſublime, & genereux. Sa bonne conſcience paroît auſſi en ce qu'ayant en pluſieurs Chanoines Theologales l'vne apres l'autre, & autres benefices durant le cours de ſa vie, il ne les a iamais voulu reſigner en faueur d'aucune perſonne, afin de n'eſtre repris ny taxé d'auoir choiſi vn ſucceſſeur indigne où incapable, mais il les a ou permutées, ou remiſes pure-

E L O G E.

ment & simplement es mains des Collatents. Il ne faut oublier ny obmettre en ce lieu le testament qu'il fit, & escriuit de sa main le 30. Ianuier 1602. & qui fut aprez son decez ouuert, & enregistré au Greffe de Condom le 10. Decembre 1603. par lequel apres auoir rendu graces tres-humbles à Dieu des biens qu'il auoit receus de luy en sa vie, l'auoit tres-instamment supplié au nom de son infinie & incomprehensible bonté, misericorde de son fils bien aymé nostre Seigneur & Sauueur Iesus-Christ, & de tous ses merites multipliez & respandus par tous ses membres, les Saints Esleus, de luy octroyer pardon, grace & remission de ses offenses, le vouloir prendre & tenir pour sien, l'assister & conduire par son S. Esprit, tant qu'il seroit en ce monde, le conseruer & faire preseruer avec bon sens en son amour & seruice, & au point de sa mort receuoir son esprit à soy, en la compagnie & au repos de ses bien aymez, & inspirer tous les Saints Esleus de prier & interceder pour luy. Il legue entre autres choses à l'Eglise de Condom 200. liures tournois, s'il est enterré en icelle, à la charge qu'au iour de son decez, tous les ans il seroit ditte vne Messe haute en son intention, & vne absolution sur sa fosse: Dauantage il donne aux pauvres Escoliers, & filles à marier deux mil quatre cens escus, dont la rente seroit annuellement & perpetuellement distribuée, moitié à trois ou quatre Escoliers, l'autre moitié à trois, quatre ou cinq pauvres filles, par l'aduis de ses executeurs testamentaires, qu'il ordonna iusques au nombre de cinq: Sçauoir le Maistre d'Escole de saint André, & le Recteur des Iesuites de Bourdeaux, qui seront
selon

ELOGE.

selon le temps , & son heritier institué avec deux de ses amis lesquels trois derniers seront tenus de nommer quelques vns pour succeder en leur place apres leur deceds en ceste administration, gens qui fussent qualifiez, honnestes & charitables, & que trois d'iceux en l'absence des deux autres pourroient ordonner ce que bon leur sembleroit : Et outre donner à Damoiselle Leonor de Montagne, femme du sieur de Camin Conseiller du Roy en son Parlement de Bourdeaux , la bonne Sœur du feu sieur de Montagne Cheualier de l'Ordre du Roy , & sa comere , la somme de 500. escus. Ce sont les mesmes mots du testament , & institué le-dit sieur de Camin son heritier seul & vniuersel, en payant & acquitant les legs contenus par son testament , reuenant peu s'en faut à la somme de 15000. liures tournois pour conclusion , ce qui a esté touché cy-dessus est assez suffisant pour mon-
strer & tesmoigner combien le sieur Charron estoit Religieux , conscientieux & craignant Dieu , qu'il estoit homme bien viuant & charitable , sage prudent & aduisé , grand Philosophe & insigne Orateur, & qu'il estoit richement orné & doué des plus rares & excellentes vertus tant morales & humaines que Chrestiennes & diuines , qui rendront sa memoire honorable & grandement recommandable entre les gens de bien & d'honneur, iusques à la perfection du monde & consommation des siecles.

EXPLICATION DE LA FIGURE
qui est au frontispice de ce liure.

TO V T au plus haut & sur l'inscription du liure, la sagesse est représentée par vne belle femme toute nuë, sans que ses hontes paroissent, *quasi non essent*, en son simple naturel, *quia puram naturam sequitur*, au visage sain, masle, ioyeux, riant, regard fort & magistral : corps droit, les pieds joints, sur vn Cube, les bras croisez, comme s'embrassant elle mesme, comme se tenant à soy sur soy, en soy, contente de soy : Sur sa teste vne couronne de Laurier, & d'Oliuier, c'est victoire & paix : vne espace ou vvide à l'entour, qui signifie liberté : se regardant dedans vn miroir assez esloigné d'elle, soustenu d'vne main sortant d'vn nuage, dans la glace duquel paroist vne autre femme semblable à elle : Car tousiours elle se regarde & se cognoist. A son costé droit ces mots, **I E N E S Ç A Y**, qui est sa devise : Et au costé gauche ces autres mots, **P A I X E T P E U**, qui est la devise de l'Auther signifiée par vne rauc mise en pal, entortillée d'vn rameau d'Oliuier, & enuironnée de deux branches de Laurier en Ouale.

Au deffoubs, y a quatre petites femmes, laides, chetiues, ridees, enchainées, & leurs chaines se rendent & aboutissent au Cube qui est sous les pieds de la Sagesse, qui les mesprise, condamne & foule aux pieds, desquelles deux sont du costé droit de l'inscription du liure, sçauoir Passion & Opinion. La Passion, maigre au visage tout alteré : l'Opinion, aux yeux esgarez, volage, estourdie, soustenuë & par nombre de personnes, c'est le Peuple.

3
Les deux autres sont de l'autre costé de l'inscription:
sçauoir, superstition au visage transi, ioignant les
mains comme vne seruantte qui tremble de peur:
Et la science, vertu ou prud'homme artificielle,
acquise, pedantesque, serue des loix & coustumes,
au visage enflé, glorieux, arrogant, avec les sourcils
releuez, qui lit en vn liure où y a escrit, OVV, NON,
Ceste figure est aussi expliquée par le Sonet suiuant.

SVR SA FIGVRE QVI EST au frontispice de ce liure.


SONET.

*La Sagesse est à nud, droicte & sans artifice,
d'Olme & de Laurier son chef est verdoyant,
Son miroir est tenu des doigts du soudoyant,
Et s'esleue au dessus du Cube de Iustice.
Sous ses pieds au carcan, les meres de tout vice
Forcennent de despit, grommelant, aboyant,
Contr'elle en vain l'effort de leur rage employant,
Tant de Sagesse est fort & forme l'edifice.
La passion s'anime impetueusement;
Le peuple fauorise & porte obstinement
La folle opinion, sourde, auengle & peruerse:
Tremblante & sans sçauoir la superstition
S'estrange d'elle mesme, & la presumption
De la pedanterie est mise à la renuersse.*

C.D.F.E.D.B.

Superanda omnis fortuna ferendo, est.


A ij



DE LA
S A G E S S E
T R O I S L I V R E S.

Preface,

*Où est parlé du nom, subiet, dessein, & methode
de cet œuvre, avec avertissement
au Lecteur.*



Leſt icy requis, dès l'entrée, de ſçavoir que c'eſt que ſageſſe, & comment nous entendons la traiter en cet œuvre, puis qu'il en porte le nom & le titre. Tous en general au premier & ſimple mot de Sageſſe, conçoivent facilement & imaginent quelque qualité, ſuffiſance ou habitude non commune ny populaire, mais excellente, ſinguliere & releuée par deſſus le commun & ordinaire, ſoit en bien ou en mal: Car il ſe prend & uſurpe (peut-eſtre improprement) en toutes les deux, façons, ſapientes ſunt

P R E F A C E.

Ut faciant mala : & ne signifie pas proprement qualité bonne & loüable, mais exquisite, singuliere, excellente en quoy que ce soit, dont se dit aussi bien sage Tyran, Pyrate voleur que sage Roy, Pilote, Capitaine, c'est à dire, suffisant, prudent, aduise: non simplement & populairement, mais excellament.

Hier. 4.
Arist. 1.
5. meta.

Parquoy s'oppose à la sagesse, non seulement la folie, qui est un desreglement & desbauche, & la sagesse est un reglement bien mesuré & proportionné: mais encore la bassesse & simplicité commune & populaire: Car la sagesse est relice, forte & excellente: Ainsi sagesse, soit en bien ou en mal, comprend deux choses, Suffisance, c'est la prouision & garniture de tout ce qui est requis & necessaire; & qu'elle soit en haut & fort degré. Voila ce qu'au premier son, & simple mot de sagesse les plus simples imaginent que c'est: dont ils aduoüent qu'il y a peu de sages, qu'ils sont rares, comme est toute excellence, & qu'à eux de droit appartient de cōmander & guider les autres, que ce sont cōme oracles, dont est le prouerbe, en croire & s'en remettre aux Sages: Mais bien definir la chose au vray, & la distinguer par ses parties, tous ne le sçauent, ny n'en sont d'accord, et n'est pas aisé: Autrement le commun, autrement les Philosophes, autrement les Theologiens en parlent: Ce sont les trois estages & classes du monde: Ces deux precedent par ordre, regles & preceptes, la premiere confusement, & fort imparfaitement.

A iij

2.
Diuision
de sagesse
se.

Or nous pouuons dire qu'il y a trois sortes & degrez de sagesse, Diuine, Humaine, Mondaine, qui respondent à Dieu, Nature pure & entiere, Nature vitiee & corrompue : de toute ces trois sortes, & de chacune d'icelle discourent & parlent toutes ces trois classes du monde que nous auons dit chacune selon sa portee & ses moyens : mais proprement & formellement le commun, c'est à dire, le monde de la mondaine, le Philosophe de l'humaine, le Theologien de la diuine.

3.
Sagesse
mondaine.

1. Iean. 3.

Iacob. 3.

1. Cor. 1.

La mondaine & plus basse (qui est diuerse selon les trois grands chefs de ce bas monde : Opulence, Volupté, Gloire ; ou bien Auarice, Luxure, Ambition : Quicquid est in mundo, est concupiscentia oculorum, concupiscentia carnis, superbia vitæ : dont est appelée par S. Iaques de trois noms Terrena, animalis, diabolica) est reprouuee par la Philosophie, & Theologie, qui la prononce folie deuant Dieu, stultam fecit Deus sapientiam huius mundi : Or n'est-il point parlé d'elle en ce liure, que pour la condamner.

4.
Diuine.

La plus haute, qui est la diuine, est desinie & traittee par les Philosophes & Theologiens un peu diuersement, Je dedaigne & laisse icy tout ce qu'en peut dire le commun, comme prophane, & trop indigne pour estre ouy en telle chose. Les Philosophes la font toute speculative, disent que c'est la connoissance des principes, premieres causes & plus

hauts ressorts de toutes choses, & en fin de la souveraine qui est Dieu, c'est la Metaphysique. Ceste cy reside tout en l'entendement, c'est son souverain bien & sa perfection, c'est la premiere & plus haute des cinq vertus intellectuelles, qui peut estre sans probité, action, sans aucune vertu morale. Les Theologiens ne la font du tout tant speculative, qu'elle ne soit aussi aucunement pratique: car ils disent que c'est la cognoissance des choses divines, par lesquelles se tire un iugement & reglement des actions humaines, & la font double: l'une acquise par estude, & est à peu près celles des Philosophes que ie viens de dire. L'autre infuse & donnee de Dieu, desursû descendens. C'est le premier des sept dons du saint Esprit, Spiritus Domini Spiritus sapientia, qui ne se retrouve qu'aux iustes & nets de peché, in maleuolam animam non introibit sapientia. De ceste sagesse divine n'entendons aussi parler icy, elle est en certain sens & mesure traitée en ma premiere verité, & en mes discours de la Diuinité.

Parquoy s'ensuit que c'est de l'humaine sagesse que nostre liure traite, & dont il porte le nom, de laquelle il faut icy auoir une bricfue & generale peinture, qui soit comme l'argument & le sommaire de tout cet œuvre. Les descriptions communes sont diuerses, & toutes courtes. Aucuns, & la pluspart pensent que ce n'est qu'une prudence, discret-

A iij

tion, & comportement aduisé aux affaires & en la conuersation. Cecy est digne du commun, qui rapporte presque tout au dehors, à l'action & ne considere gueres autre chose que ce qui paroist: il est tout aux yeux & aux oreilles, les mouuemens internes le touchent & luy pesent fort peu: ainsi selon leur opinion la sagesse peut estre sans pieté & sans probité essentielle; c'est une belle mine, une douce & modeste finesse. D'autres pensent que c'est une singularité farouche & espineuse, une austerité refrignée d'opinions, mœurs, paroles, actions & forme de viure, qui pour ce appellent ceux qui sont feruz & touchezz de cet honneur Philosophes, c'est à dire en leur iargon, fantasques, bigeares, heteroclites. Or telle sagesse, selon la doctrine de nostre liure, est plustost une folie & extrauagance. Il faut donc apprendre que c'est d'autres gens que du commun: sçauoir est des Philosophes & Theologiens, qui tous deux l'ont traittée en leurs doctrines morales: ceux là plus au long, & par exprez comme leur vray gibbier, leur propre & formel sujet: car ils s'occupent à ce qui est de la nature, & au faire: la Theologie monte plus haut, s'attend & s'occupe aux vertus infuses, Theorique & Diuines, c'est à dire, à la sagesse diuine & au croire. Ainsi ceux-là s'y sont plus arrestez & plus estendus, reglans & instruisans non seulement le particulier, mais aussi le commun & le public: ensei-

Selon les
Philoso-
phes &
Theolo-
giens.

Compa-
raison
celle des
philoso-
phes &
theolo-
giens.

gnans ce qui est bon & utile aux familles, communautés, Républiques, & Empires. La Theologie est plus chiche & taciturne en ceste part, visant principalement au bien & salut eternal d'un chacun. D'avantage, les Philosophes la traictent plus doucement & plaisamment, les Theologiens plus aufterement & sechement. La Philosophie qui est l'aisnée, comme la nature est l'aisnée de la grace, & le naturel du surnaturel, semble suader gracieusement, & vouloir plaire en profitant, comme la poésie.

Simul & iucunda, & idonea dicere vitæ, Horace

Lectorem delectando pariterq; monendo, reuestuë & enrichie de discours, de raisons, inuentionos & pointes ingenieuses, exēples, similitudes: parée de beaux direz, apophtegmes, mots sententieux ornez d'eloquence & d'artifice. La Theologie qui est venue apres toute refrognée, semble cōmander & enioindre imperieusement & magistralement: Et de fait la vertu & probité des Theologiens est toute chagrine, austere, subiecte, triste, craintive & populaire: la philosophique telle que ce liure enseigne, est toute gaye, libre, ioyeuse, releuée, & s'il faut dire, eniaïée, mais cependant bien forte, noble, genereuse & rare. Certes les Philosophes ont esté excellens en ceste part, nō seulement à la traicter & enseigner, mais encores à la représenter viuement & richement en leurs vies nobles & heroïques, l'entens

icy Philosophes, & sages non seulement ceux qui ont porté le nom de sage, comme Thales, Solon & les autres qui ont esté d'une volée, & du temps de Cyrus, Cresus, Pysistratus: Ny aussi ceux qui sont venus apres, & ont enseigné en public, comme Pythagoras, Socrates, Platon, Aristote, Aristippe, Zenon, Antisthenes, tous chefs de part, & tant d'autres leurs disciples, differents & diuisez en sectes, mais aussi tous ces grands hommes qui faisoient profession singuliere & exemplaire de vertu & sagesse, comme Phocion, Aristides, Pericles, Alexandre, que Plutarque appelle Philosophe aussi bien que Roy, Epaminondas, & tant d'autres Grecs: les Fabrices, Fabies, Camilles, Catons, Torquates, Regules, Lelies, Scipions Romains, qui pour la plus part ont esté genereux d'armées. Pour ces raisons ie suy & employe en mon liure plus volontiers, & ordinairement les aduis & dire des Philosophes, sans toutefois obmettre ou reietter ceux des Theologiens: Car aussi en substance sont ils tous d'accord, & sont rarement differents, & la Theologie ne dédaigne point d'employer & faire valoir les beaux dire de la Philosophie. Si i'eusse entrepris d'instruire pour le cloistre, & la vie consulaire, c'est à dire, professions des conseils Euangeliques, il m'eust fallu suivre ad amussim, les aduis des Theologiens; mais nostre liure instruit à la vie civile, & forme un homme pour le monde, c'est à

Advertis-
sement,

dire à la sagesse humaine & non diuine.

Nous disons donc naturellement & uniuersellement, avec les philosophes & Theologiens, que ceste sagesse humaine est une droiture, belle & noble composition de l'homme entiere, en son dedans, son dehors, ses pensees, paroles, actions, & tous ses mouuemens? c'est l'excellence & perfection de l'homme comme homme, c'est à dire, selon que porte & requiert la loy premiere fondamentale & naturelle de l'homme, ainsi que nous disons un ouvrage bien fait & excellent, quand il est bien complet de toutes ses pieces, & que toutes les regles de l'art y ont esté gardées; celuy est homme sage qui sçait bien excellamment faire l'homme: c'est à dire pour en donner une plus particuliere peinture, qui se cognoissant bien & l'humaine condition, se garde & preserve de tous vices, erreurs, passions, & defauts; tant internes, siens & propres, qu'externes, communs & populaires: maintenant son esprit net, libre, franc, uniuersel: considerant & iugeant, de toutes choses, sans obliger ny iuger à aucune, visant tousiours & se reglant en toutes choses selon la nature, c'est à dire raison, premiere & uniuerselle loy & lumiere inspirée de Dieu, & qui esclaire en nous, à laquelle il ploye & accommode la sienne propre & particuliere, vivant au dehors & avec tous, selon les loix, coustumes, & ceremonies du pays où il est, sans offence de person-

Descrip-
tion de
sagesse
humaine.

Generale

Particuliere.

ne, se portant si prudemment & discrettement en tous affaires, allant tousiours droit, ferme, ioyeux, & content en soy mesme, attendant paisiblement tout ce qui peut aduenir, & la mort en fin. Tous ces traits & parties, qui sont plusieurs, se peuent pour facilité racourcir & rapporter à quatre chefs principaux. Cognoissance de soy, Liberté d'Esprit nette & genereuse, Suiure nature (cettuy-cy a tres-grande estendue, presque seul suffiroit) Vray contentement: lesquels ne se peuent trouver ailleurs qu'au Sage. Celuy qui fault en l'un de ces points, n'est point sage. Qui se méconnoit, qui tient son esprit en quelque espee de seruitude, ou de passions, ou d'opinions populaires, le rend partial, s'oblige à quelque opinion particuliere, & se priue de la liberté & iurisdiction de voir, iuger, examiner toutes choses, qui heurte & va contre nature, sous quelque pretexte que ce soit, suiuant plustost l'opinion, ou la passion, que la raison, qui branle au manche, troublé, inquieté, mal content, craignant la mort, n'est point sage. Voicy en peu de mots la peinture de sagesse & de folie humaine, & le sommaire de ce que ie pretens traicter en cet œuvre, spécialement au second liure, qui par exprez contient les regles, traits & offices de Sagesse, qui est plus mien que les deux autres, & que i'ay pensé vne fois produire seul. Ceste peinture verbale de sagesse est oculairement représentée sur la porte & au fron-

l'espice de ce liure, par une femme toute nuë en un vuide, ne se tenant à rien, en son pur & simple naturel, se regardant en un miroir, sa face ioyeuse, riante & masle, droite, les pieds joints sur un cube, & s'embrassant, ayant sous ses pieds enchesnées, quatre autres femmes cōme esclaves, sçavoir passion au visage alteré & hydeux; opinion aux yeux esgarez, volage estourdie, soustenuë par des testes populaires: superstition toute transie, & les mains jointes; vertu ou prud'homme & science pedantesque au visage enflé: les sourcils releuez, lisant en un liure, ou est escrit, ouy, non. Tout cecy n'a besoin d'autre explication que de ce que dessus, mais elle sera bien au long au second liure.

Pour acquérir & paruenir à ceste sagesse, il y a deux moyens, le premier est en la cōformation originelle, & trempe premiere, c'est à dire au temperament de la semence des parens, puis au lait nourricier, & premiere education, d'où l'on est dit bien nay ou mal nay, c'est à dire bien ou mal formé & disposé la sagesse. L'on ne croit pas combien ce commencement est puissant & important; car si on le sçauoit, l'on y apporteroit autre soin & diligence que l'on ne fait. C'est chose estrange & déplorable qu'une telle nonbalance de la vie, & bonne vie de ceux que nous voulons estre d'autres nous mesmes. Es moindres affaires nous y apportons du soin, de l'attention, du conseil: icy au plus grand & noble, nous n'y pensons point, tout par

7.
Deux
moyens
d'y par-
uenir.

hazard & rencontre. Qui est celuy qui se remuë qui consulte, qui se met en deuoir de faire ce qui est requis, de se garder & preparer comme il faut, pour faire des enfans masles, sains, spirituels & propres à la sagesse? Car ce qui sert à l'une de ces choses, sert aux autres, & l'intention de nature vise ensemble à tout cela. Or c'est à quoy on pense le moins, à peine pense l'on tout simplement à faire enfans, mais seulement cōme bestes, à assouvir son plaisir: C'est une des plus remarquables & importantes fautes qui soit en une Republique, dont personne ne s'aduisse, & ne se plaint, & n'y a aucune loy, reglement, ou aduis public là dessus. Il est certain que si l'on se portoit comme il faut, nous aurions: d'autres hommes que nous n'avons. Ce qui est requis en ce-cy, & à la premiere nourriture, est brièvement dit en nostre troisieme liure, chap. 14.

8.
Acquis.

Le second moyen est en l'estude de la Philosophie, ie n'entēs de toutes ses parties, mais de la Morale (sans toutefois oublier la naturelle) qui est la lampe, la guide, & la règle de vostre vie, qui explique & represente tres-bien la loy de nature, instruit l'homme uniuersellement à tout, en public & en privé, seul, & en compagnie à toute conuersation domestique & ciuile, oste & retranche tout le sauvagein qui est en nous, addoucit & apprivoise le naturel rude, farouche, & sauvage, le duit & façonne à la sagesse. Bref, c'est la vraye sciēce de l'homme, tout le reste au pris d'elle, n'est que vanité, au moins

non nécessaire, ny beaucoup utile : Car elle apprend à bien viure, & bien mourir, qui est tout, elle enseigne une preude prudence, une habile & forte prud'homme, une probité bien aduisee. Mais ce second moyen est presque aussi peu pratiqué, & mal employé que le premier : tous ne se soucient gueres de ceste sagesse, tant ils sont attentifs à la mondaine. Voila les deux moyens d'y paruenir & obtenir la sagesse, le naturel, & l'acquis. Qui a esté heureux au premier, c'est à dire, qui a esté fauorablement estrené de nature, & est d'un temperament bon & doux, lequel produit une grande bonté & douceur de mœurs, à grand marché du second, sans grande peine, il se trouue tout porté à la sagesse. Qui autrement doit, avec grand & laborieux estude & exercice du second rabiller & suppléer ce qui luy defaut, comme Socrates un des plus sages, disoit de soy, que pour l'estude de la Philosophie il auoit corrigé & redressé son mauuais naturel.

Au contraire, il y a deux empeschemens formels de sagesse, & deux cōtre moiens ou acheminemens puissans à la folie, naturel & acquis. Le premier, naturel vient de la trempe & temperament originel, qui rend le cerueau ou trop mol, & humide, & ses parties grassieres & materielles, dont l'esprit demeure sot, foible, peu capable, plat, rauulé, obscur, tel qu'est la pluspart du cōmun : Ou bien trop chaud, ardent & sec, qui rend l'esprit fol, audacieux, vi-

9.
Empeschement
de sagesse, &
moyens
à la folie
Deux.

hazard & rencontre. Qui est celuy qui se remuë qui consulte, qui se met en deuoir de faire ce qui est requis, de se garder & preparer comme il faut, pour faire des enfans masles, sains, spirituels & propres à la sagesse? Car ce qui sert à l'une de ces choses, sert aux autres, & l'intention de nature vise ensemble à tout cela. Or c'est à quoy on pense le moins, à peine pense l'on tout simplement à faire enfans, mais seulement cōme bestes, à assouvir son plaisir: C'est une des plus remarquables & importantes fautes qui soit en une Republique, dont personne ne s'adise, & ne se plaint, & n'y a aucune loy, reglement, ou aduis public là dessus. Il est certain que si l'on se portoit comme il faut, nous aurions: d'autres hommes que nous n'auons. Ce qui est requis en ce-cy, & à la premiere nourriture, est brièvement dit en nostre troisieme liure, chap. 14.

8.
Acquis.

Le second moyen est en l'estude de la Philosophie, ie n'entēs de toutes ses parties, mais de la Morale (sans toutefois oublier la naturelle) qui est la lampe, la guide, & la règle de nostre vie, qui explique & represente tres-bien la loy de nature, instruit l'homme uniuersellement à tout, en public & en privé, seul, & en compagnie à toute conuersation domestique & ciuile, oste & retranche tout le sauvagein qui est en nous, addoucit & apprivoise le naturel rude, farouche, & sauvage, le duit & façonne à la sagesse. Bref, c'est la vraye sciēce de l'homme, tout le reste au pris d'elle, n'est que vanité, au moins

non nécessaire, ny beaucoup utile : Car elle apprend à bien viure, & bien mourir, qui est tout, elle enseigne une preude prudence, une habile & forte prud'homme, une probité bien aduisee. Mais ce second moyen est presque aussi peu pratiqué, & mal employé que le premier : tous ne se soucient gueres de ceste sagesse, tant ils sont attentifs à la mondaine. Voila les deux moyens d'y paruenir & obtenir la sagesse, le naturel, & l'acquis. Qui a esté heureux au premier, c'est à dire, qui a esté favorablement estrené de nature, & est d'un temperament bon & doux, lequel produit une grande bonté & douceur de mœurs, à grand marché du second, sans grande peine, il se trouue tout porté à la sagesse. Qui autrement doit, avec grand & laborieux estude & exercice du second rabtiller & suppléer ce qui luy defaut, comme Socrates un des plus sages, disoit de soy, que pour l'estude de la Philosophie il auoit corrigé & redressé son mauuais naturel.

Au contraire, il y a deux empeschemens formels de sagesse, & deux cōtre moiens ou acheminemens puissans à la folie, naturel & acquis. Le premier, naturel vient de la trempe & temperament originel, qui rend le cerueau ou trop mol, & humide, & ses parties grossieres & materielles, dont l'esprit demeure sot, foible, peu capable, plat, rauulé, obscur, tel qu'est la pluspart du cōmun : Ou bien trop chaud, ardent & sec, qui rend l'esprit fol, audacieux, vi-

9.
Empeschement
de sagesse, &
moyens
à la folie
Deux

Acquis.

cieux : Ce sont les deux extremitéz, sotise & folie, l'eau & le feu, le plomb & le mercure, mal propres à la sagesse, qui requiert un esprit fort, vigoureux & genereux, & neantmoins doux, souple, & modeste. Toutefois ce second semble plus aisé à corriger par discipline que le premier. Le second, acquis, vient de nulle, ou bien de mauuaise culture, & instruction, laquelle entr'autres choses consiste en un heurt & preuention iurée de certaines opinions, desquelles l'esprit s'abbreuue, & prend une forte teinture, et ainsi se rend inhabile & incapable de voir & trouuer micux, de s'esleuer & enrichir: l'on dit d'eux qu'ils sont feruëz & toucheëz, qu'ils ont un heurt & un coup à la teste : auquel heurt si encores la science est iointe, pour ce qu'elle enfle, apporte de la presumption & temerité & preste armes pour soustenir & defendre les opinions anticipées, elle achue de tout de former la folie, & la rendre incurable: foiblesse naturelle, & preuention acquise sont desia deux grāds empeschemens, mais la science, si du tout elle ne les guarit; ce que rarement elle fait, elle les fortifie & rend inuincibles : Ce qui n'est pas au deshonneur ny de cry de la science, cōme l'on pourroit penser, mais plustost à son honneur.

10.
De la
science.
Voyez
de cccy l.
3. 6. 14.

La science est un tres-bon & uile baston, mais qui ne se laisse pas manier à toutes mains: & qui ne le sçait bien manier, en reçoit plus de dommage que de profit, elle enteste & affolli (dit bien un grand habile

habile homme) les esprits foibles & malades, polie
 & parfait les fols & bons naturels : L'esprit foible
 ne fait pas posséder la science, s'en escrimer, & s'en
 servir comme il faut ; au rebours elle le possède & le
 regente, dont il ploie & demeure esclave sous elle,
 comme l'estomach foible chargé de viandes qu'il ne
 peut cuire ny digerer: le bras foible qui n'ayât le pou-
 voir ny l'adresse de bien manier son baston trop fort
 & pesant pour luy, se lasse & s'estourdit tout : L'es-
 prit fort & sage le manie en maistre, en iouye, s'en
 sert, s'en prenant à son bien & aduantage, forme son
 iugement, rectifie sa volonté, en accommode & for-
 tifie sa lumiere naturelle, & s'en rend plus habile:
 Où l'autre n'en devient que plus sot, inepte & avec
 cela presomptueux. Ainsi la faute ou reproche n'est
 point à la science, non plus qu'au vin, ou autre tres-
 bonne & forte drogue, que l'on ne pourroit accom-
 moder à son besoin, non est culpa vini, sed culpa
 bibentis, Or à tels esprits foibles de nature, preoc-
 cupez, enfilez, & empeschez de l'acquis, comme en-
 nemis formels de sagesse, ie fay la guerre par ex press
 en mon liure, & c'est sous ce mot de pedant, n'en
 trouuant point d'autre plus propre, & qui est usurpé
 en ce sens par plusieurs bons auteurs. En son origine
 Grecque il se prend en bonne part, mais es autres lan-
 gues posterieures, à cause de l'abus & mauuaise fa-
 çon de se prendre & porter aux lettres & sciences,
 vile, sordide, questueuse, querelense, opiniastre, ostent-

Du mot
de pe-
dant.

tailue, & presumptueuse, pratiquée par plusieurs; il a esté usuré comme en derision & iniure: & est du nombre de ces mots, qui avec l'aps de temps ont changé de signification, comme tyran, sophiste, & autres. Le sieur du Bellay apres tous vices notez, conclud, comme par le plus grand. Mais ie hay par sur tout vn sçauoir pedantesque, & encores.

Tu penses que ie n'ay rien de quoy me venger, Sinon quatu n'es fait que pour boire & manger. Mais i'ay bien quelque chose encores plus mordante, C'est, pour le faire court, que tu es vn pedante.

Auer-
tissement

Peut-estre qu'aucuns s'offenseront de ce mot, pensant qu'il les regarde, & que par iceluy i'ay voulu taxer & attaquer les Professeurs de lettres & instituteurs, mais il se contenteront, s'il leur plaist, de ceste franche & ouuerie declaration, que ie fay icy, de ne designer par ce mot aucun estat de robe longue, ou profession literaire, tant s'en faut, que ie fay par tout si grand cas des Philosophes, & m'attaquerois moy-mesme, puis que i'en suis & en fais profession, mais vne certaine qualite & degre d'esprits que i'ay depeints cy-dessus, sçauoir, qui sont de capacite & suffisance naturelle fort commune & mediocre, & puis mal cultivez, preuenus, & aheurtez à certaines opinions, lesquels se trouuent sous toute robe, en toute fortune & condition vestue en long & en court; vulgum tam chlamidatos, quam coronam voco. Quel'on me fournisse vn autre mot qui

signifie ces tels esprits, ie le quitteray tres volontiers. Apres ceste miennne declaration, qui s'en plaindra, s'accusera, & se monstrevra trop chagrin. On peut bien opposer au sage d'autres que pedāt, mais c'est en sens particulier, comme le commun, le prophane & populaire, & le fay souuent: mais c'est comme le bas au haut, le foible au fort, le plat au releué, le commun au rare, le valet au maistre, le prophane au sacré: Comme aussi le fol, & de faict au son des mots, c'est son vray opposite, mais c'est comme le deregulé au réglé, le glorieux opiniastre au modeste, le partisan à l'universel, le prevenu & atteint au libre, franc, & net, le malade au sain, mais le pedāt, au sens que nous le prenons, comprend tout cela, & encores plus: car il designe celuy, lequel non seulement est dissemblable & contraire au sage, comme les precedens, mais qui roguement & fierement luy resiste en face, & comme armé de toutes pieces s'eleue contre luy & l'attaque, parlant par resolution & magistralement. Et pource qu'aucunement il le redoute, à cause qu'il se sent descouvert par luy, & venu jusques au fond & au vis, & son ieu troublé par luy, il le poursuit d'une certaine & intestine hayne, entreprend de le censurer, descrier, condamner, s'estimant & portant pour le vray sage, combien qu'il soit le fol nempareil.

Apres le dessein & l'argument de cet œuvre, venons à l'ordre & à la methode. Il y a trois liures, le premier est tout en la cognoissance de soy, & de l'hu-

Il.
Metho-
de de ce
liure.

maine condition preparative à la sagesse, ce qui est traité bien amplement par cinq grandes capitales considerations, dont chacune en a plusieurs sous soy. Le second contient les traits, offices & regles generales & principales de sagesse. Le tiers contient les regles & instructions particulieres de sagesse, & ce par l'ordre & le discours des quatre vertus principales & morales, Prudence, Justice, Force, Temperance, sous lesquelles est comprise toute l'instruction de la vie humaine, & toutes les parties du deuoir & de l'honnesteté. Au reste ie traite & agis icy non scholastiquement ou pedantesquement, ny avec estendue de discours, & appareil d'eloquence, ou aucun artifice: La sagesse (quæ si oculis ipsis cerneretur, mirabiles excitaret amores sui) n'a que faire de toutes ses façons pour sa recommandation, elle est trop noble & glorieuse: mais brusquement, ouvertement, ingenuement: ce qui (peut-estre) ne plaira pas à tous. Les propositions & veritez y sont esseques, mais souvent toutes seches & crues, comme aphorismes, ouvertures & semences de discours.

12.
Aduer-
tissemēt
& Apo-
logic
au le-
cteur.

Aucuns trouuent ce liure trop hardy & trop libre à heurter les opinions communes, & s'en offensent. Je leur respons ces quatre ou cinq mots. Premièrement que la sagesse qui n'est commune ny populaire, a proprement cette liberté & authorité, Iure suo singulari, de iuger de tout (c'est le privilege du sage & spirituel, Spiritualis omnia dijudicat, & à ne

mine iudicatur) & en iugeant, de censurer & condamner (comme la pluspart erronnées) les opinions communes & populaires. Qui le fera doncq ? Or ce faisant ne peut qu'elle n'encontre la male-grace & l'enuie du monde.

D'ailleurs ie me plains d'eux, & leur reproche ceste foiblesse populaire, & delicateſſe feminine, comme indigne & trop tendre pour entendre chose qui vaille, & du tout incapable de sagesſſe : les plus fortes & hardies propositions ſont les plus ſeantes à l'eſprit fort & releué, & n'y a rien d'eſtrange à celui qui ſçait que c'eſt que du mōde : C'eſt foiblesſe de s'eſtonner d'aucune chose, il faut roidir ſon courage, affermir ſon ame, l'endurcir & acerer à iouyr, ſçauoir, entendre, iuger toutes choses, tant eſtranges ſemblent elles : tout eſt ſortable & du gibier de l'eſprit, mais qu'il ne manque point à ſoy meſme : mais auſſi ne doit-il faire, ny conſentir qu'aux bonnes & belles, quand tout le monde en parleroit. Le ſage monſtre egalemeſt en tous les deux ſon courage : Ces delicats ne ſont capables de l'un ny de l'autre, foibles en tous les deux.

Tircement en tout ce que ie propoſe, ie ne pretends y obliger perſonne, ie preſente ſeulement les choses, & les eſtalle comme ſur le tablier. Ie ne me mets point en cholere ſi l'on ne m'en croit, c'eſt à faire aux pedans. La paſſion teſmoigne que la raiſon n'y eſt pas, qui ſe tient par l'une à quelque chose, ne ſ'y tient pas.

B iij



par l'autre. Mais pourquoy se courroucent-ils ? est-ce que ie ne suis pas partout de leur aduis ? Ie ne me courrouce pas de ce qu'ils ne sont pas du mien : de ce que ie dy des choses qui ne sont pas de leur goust ny de commun ? & c'est pourquoy ie les dis : Ie ne dis rien sans raison, s'ils la scauent sentir & goustier, s'ils en ont une meilleure qui destruisse la mienne, ie l'escouteray avec plaisir, & gratification à qui la dira. Et qu'ils ne pensent me battre d'autorité, de multitude d'allegations d'autrui, car tout cela a fort peu de credit en mon endroit, sauf en matiere de religiõ, où la seule authorité vaut sans raison ; C'est là son vray empire, comme par tout ailleurs la raison sans elle, comme a tres-bien reconnu S. Augustin. C'est une iniuste tyrannie & folie enragée, de vouloir assuiettir les esprits à croire & suivre tout ce que les anciens ont dit, & ce que le peuple tient, qui ne sçait ce qu'il dit ny ce qu'il fait : Il n'y a que les fots qui se laissent ainsi mener, & ce liure n'est pas pour eux, s'il estoit populairement receu & accepté, il se trouueroit bien descheu de ses pretentions : Il faut ouyr, considerer & faire compte des anciens, non s'y capriuer qu'avec la raison : & quand on les voudroit suivre, comment fera-on ? Ils ne sont pas d'accord. Aristote qui a voulu sembler le plus habile, & a entrepris de faire le procez à tous ses deuanciers, a dit de plus lourdes absurditez que tous, & n'est point d'accord avec soy-mesme, & ne sçait quelquesfois où

il en est, tesmoin les matieres de l'ame humaine, de l'eternité du monde; de la generation des venes, & des eaux, &c. Il ne se faut pas esbahir si tous ne sont de mesme avis, mais bien se faudroit-il esbahir si tous en estoient: Il n'y a rien plus seant à la nature, & à l'esprit humain, que la diversité. Le Sage divin S. Paul nous met tous en liberté par ces mots: *Que* Rom. 14
chacun abonde en son sens, & que personne ne iuge ou condamne celuy qui fait autrement, & est d'avis contraire: & le dit en matiere bien plus forte & chatouilleuse, non en fait & observation externe, où nous disons qu'il se faut conformer au commun, & à ce qui est prescrit où coustumier: mais encores en ce qui concerne la religion, sçavoir en l'observance religieuse des viandes & des iours. Or toute ma liberté & hardiesse n'est qu'aux pensées, iugemens, opinions, esquelles personne n'a part ny quart, que celuy qui les a chacun endroict soy.

*Nonobstant tout cela plusieurs choses qui pou- 4.
 voient sembler trop crües & courtes, rudes & dures pour les simples (car les forts & relevez ont l'estomach assez chaud pour cuire & digerer tout) ie les ay pour l'amour d'eux expliqué, esclaircy, addoucy en ceste seconde edition, reueüe, & de beaucoup augmentée.*

*Bien veux-je aduertir le Lecteur qui entreprendra 5.
 de iuger de cet oeuvre, qu'il se garde de tomber en aucun de ces sept mesçores, comme ont fait aucuns en la*

B iiii

premiere edition, qui sont de rapporter au droit & deuoir ce qui est du faict : Au faire ce qui est du iuger : A resolution & determination ce qui n'est que proposé, secoüé, & disputé problematiquement & academiquement : A moy & à mes propres opinions, ce qui est d'autrui, & par rapport : A l'estat, profession, & condition externe, ce qui est de l'esprit & suffisance interne : A la religion & creance diuine, ce qui est de l'opinion humaine : A la grace & operation surnaturelle, ce qui est de la vertu, & action naturelle & morale. Toute passion & preoccupation ostée, il trouuera en ces sept poincts bien entendus, de quoy se resoudre en ses doutes, de quoy respondre à toutes les obiections que luy-mesme & d'autres luy pourroient faire, & s'esclaircir de mon intention en cet ceuvre. Que se encores apres tout, il ne se contente & ne l'approuue, qu'il l'attaque hardiment & viuement (car de mesdire seulement, de mordre, & charpenter le nom d'autrui, il est assez aisé, mais trop indigne & trop pedant) il aura tost ou vne franche confession & acquiescement, (car ce liure fait gloire & feste de la bonne foy, & de l'ingenuité :) ou un examen de son impertinence & folie.



DE LA SAGESSE LIVRE PREMIER.

*Qui est la cognoissance de soy, & de
l'humaine condition.*

Exhortation à s'estudier & cognoistre.

Preface du premier Livre.



Le plus excellent & diuin conseil, le meilleur & plus vtile aduertissement de tous, mais le plus mal pratiqué, est de s'estudier & apprendre à se cognoistre: c'est le fondement de sagesse, & acheminement à tout bien: c'est folie n'empareille que d'estre attentif & diligent à cognoistre toutes autres choses plustost que soy-mesme: la vraye science & le vray estude de l'homme, c'est l'homme.

Dieu, nature, les sages, & tout le monde presche l'homme & l'exhorte de faict & de parole, à s'estudier & cognoistre. Dieu eternellemēt & sans cesse se regarde, se cōsidere, & se cognoist. Le monde a toutes ses veües contraintes au dedans, & ses yeux ouuerts à se voir & regarder. Autant est obligé & tenu l'homme s'estudier & cognoistre, comme il

luy est naturel de penser, & il est proche à soy-mesme. Naturetaille à tous ceste besongne. Le mediter & entretenir les pensées est chose sur toutes facile, ordinaire, naturelle, la pasture, l'entretien, la vie de l'esprit, *cuius viuere est cogitare*. Or par où commencera, & puis continuëra-il à mediter, à s'entretenir plus iustement & naturellement que par soy-mesme ? y a-il chose qui luy touche de plus près ? Certes aller ailleurs & s'oublier est chose dénaturée & tres-iniuste. C'est à chacun sa vraye & principale vacatiō, que de penser & biē tenir à soy. Aussi voyons-nous que chaque chose pense à soy, s'estudie la premiere, à des limites, à ses occupations & desirs. Et toy hōme, qui veux embrasser l'Vniuers, tout cognoistre, cōtreroller & iuger, ne te cognois & n'y estudies : & ainsi en voulant faire l'habile & le syndic de nature, tu demeures le seul sot au monde. Tu es la plus vuide & necessiteuse, la plus vaine & miserable de toutes, & neantmoins la plus fiere & orgueilleuse. Parquoy regarde dedāstoy, recognois-toy, tiens-toy à toy, ton esprit & ta volonté, qui se consomme ailleurs, ramene-le à soy-mesme. Tu t'oublies, tu te respands, & te perds au dehors, tu te trahis & te des robes toy-mesmes, tu regardes tousiours deuant toy, ramasse-toy, & t'enferme dedans-toy : examine-toy, espie-toy, cognois-toy :

Nosce teipsum, nec te quasi foris extra.

Respice quod non es, tecum habita, &

Noris quam sit tibi curra supellex.

Tute consule.

Te ipsum concute, nunquid vitiorum

Inseuerit olim natura, aut etiam consuetudo mala.

Par la cognoissance de soy l'homme monte & arrive plustost & mieux à la cognoissance de Dieu, que par toute autre chose, tant pour ce qu'il trouve en soy plus de quoy le cognoistre, plus de marques & traicts de la divinité, qu'en tout le reste qu'il peut cognoistre, que pource qu'il peut mieux sentir, & sçavoir ce qui est & se remue en soy, qu'en toute autre chose. *Formasti me & posuisti super me* **Psalm.**
manum tuam, ideo mirabilis facta est scientia tua j.
tui, ex me : Dont estoit gravée en lettres d'or sur le frontispice du temple d'Apollon, Dieu (selon les payens) de science & de lumiere, ceste sentence. *Cognois toy, comme vne salutatio & vn advertissement de Dieu à tous, leur signifiât que pour avoir accez à la divinité, & entrée en son temple, il se faut cognoistre : qui se mescognoist en doit estre debouté, sic ignoras, ô pulcherrima, egredere, & abi* **Cantit.**
post haedos tuos.

Pour deuenir sage & mener vne vie plus réglée & plus douce, il ne faut point d'instruction d'ailleurs, que de nous. Si nous estions bons escoliers, nous apprendrions mieux de nous, que de tous les liures. Qui remet en sa memoire & remarque bien l'excez de sa cholere passée, iusques où ceste figure l'a emporté, verra mieux beaucoup la laideur de ceste passion, & en aura horreur & hayne plus iuste, que de tout ce qu'en dient Aristote & Platon, & ainsi de toutes les autres passions, & de tous les branles & mouuemens de son ame. Qui se souviendra de s'estre tant de fois mesconté en son iugement, & de tant de mauvais tours que luy a fait sa memoire, apprendra à ne s'y fier plus. Qui notera cōbien de fois il luy est advenu de penser bien tenir

1.
Escelle
à la di-
uinité.

Psalm.

Cantit.

4.
Dispo-
sition à
la sa-
gesse.

taive, & presumptueuse, pratiquée par plusieurs, il a été usurpé comme en derision & iniure : & est du nombre de ces mots, qui avec l'aps de temps ont changé de signification, comme tyran, sophiste, & autres. Le sieur du Bellay apres tous vices notez, conclud, comme par le plus grand: Mais ie hay par sur tout vn sçauoir pedantesque, & encores.

Tu penses que ie n'ay rien de quoy me venger, Sinon quatu n'es fait que pour boire & manger: Mais i'ay bien quelque chose encores plus mordante, C'est, pour le faire court, que tu es vn pedante.

Aduer-
tissement

Peut-estre qu'aucuns s'offenseront de ce mot, pensant qu'il les regarde, & que par iceluy i'ay voulu taxer & attaquer les Professeurs de lettres & instituteurs, mais il se contenteront, s'il leur plaist, de ceste franche & ouuerte declaration, que ie fay icy, de ne designer par ce mot aucun estat de robe longue, ou profession literaire, tant s'en faut, que ie fay par tout si grand cas des Philosophes, & m'attaquerois moy-mesme, puis que i'en suis & en fais profession, mais vne certaine qualite & degre d'esprit que i'ay depeints cy-dessus, sçauoir, qui sont de capacite & suffisance naturelle fort commune & mediocre, & puis mal cultivez, preuenus, & abeurtez à certaines opinions, lesquels se trouuent sous toute robe, en toute fortune & condition vestue en long & en court; vulgum tam chlamidatos, quam coronam voco. Quel'on me fournisse vn autre mot qui

signifie ces tels esprits, ie le quitteray tres volontiers. Apres ceste miexne declaration, qui s'en plaindra, s'accusera, & se monstrela trop chagrin. On peut bien opposer au sage d'autres que pedāt, mais c'est en sens particulier, comme le commun, le prophane & populaire, & le fay souuent: mais c'est comme le bas au haut, le foible au fort, le plat au releué, le commun au rare, le valet au maistre, le prophane au sacré: Comme aussi le fol, & de faict au son des mots, c'est son vray opposite, mais c'est comme le deregle au regle, le glorieux opiniastre au modeste, le partisan d'l'universel, le preuenu & atteint au libre, franc, & net, le malade au sain, mais le pedāt, au sens que nous le prenons, comprend tout cela, & encores plus: car il designe celuy, lequel non seulement est dissemblable & contraire au sage, comme les precedens, mais qui roguement & fierement luy resiste en face, & comme armé de toutes pieces s'eleue contre luy & l'attaque, parlant par resolution & magistralement. Et pource qu'aucunement il le redoute, à cause qu'il se sent descouvert par luy, & veu iusques au fond & au vif, & son ieu trouble par luy, il le poursuit d'une certaine & intestine hayne, entreprend de le censurer, descrier, condamner, s'estimant & portant pour le vray sage, combien qu'il soit le fol nonpareil.

Apres le dessein & l'argument de cet œuvre, venons à l'ordre & à la methode. Il y a trois liures, le premier est tout en la cognoissance de soy, & de l'hu-
Il.
Metho-
de de ce
liure.

maine condition preparative à la sagesse, ce qui est traité bien amplement par cinq grandes capitales considerations, dont chacune en a plusieurs sous soy. Le second contient les traits, offices & regles generales & principales de sagesse. Le tiers contient les regles & instructions particulieres de sagesse, & ce par l'ordre & le discours des quatre vertus principales & morales, Prudence, Justice, Force, Temperance, sous lesquelles est comprise toute l'instruction de la vie humaine, & toutes les parties du devoir & de l'honnesteté. Au reste ie traite & agis icy non scholastiquement ou pedantesquement, ny avec estendue de discours, & appareil d'eloquence, ou aucun artifice: La sagesse (quæ si oculis ipsis cerneretur, mirabiles excitaret amores sui) n'a que faire de toutes ses façons pour sa recommandation, elle est trop noble & glorieuse: mais brusquement, ouvertement, ingennement: ce qui (peut-estre) ne plaira pas à tous. Les propositions & veritez y sont espesses, mais souvent toutes seches & crues, comme aphorismes, ouvertures & semences de discours.

12.

Aduer-
tissemēt
& Apo-
logie
au le-
cteur.

Aucuns trouuent ce liure trop hardy & trop libre à heurter les opinions communes, & s'en offensent. Ie leur respons ces quatre ou cinq mots. Premièrement que la sagesse qui n'est commune ny populaire, a proprement cette liberté & autorité, Iure suo singulari, de iuger de tout (c'est le privilege du sage & spirituel, Spiritualis omnia dijudicat, & à ne-

mine iudicatur) & en iugeant, de censurer & condamner (comme la pluspart erronnées) les opinions communes & populaires. Qu'il le fera doncq ? Or ce faisant ne peut qu'elle n'encontre la male-grace & l'enuie du monde.

D'ailleurs ie me plains d'eux, & leur reproche ceste foiblesse populaire, & delicateffe feminine, comme indigne & trop tendre pour entendre chose qui vaille, & du tout incapable de sagesse: les plus fortes & hardies propositions sont les plus seantes à l'esprit fort & releué, & n'y a rien d'estrange à celui qui sçait que c'est que du mode: C'est foiblesse de s'estonner d'aucune chose, il faut roidir son courage, affermir son ame, l'endurcir & acerer à iouyr, sçauoir, entendre, iuger toutes choses, tant estranges semblent elles: tout est sortable & du gibier de l'esprit, mais qu'il ne manque point à soy mesme: mais aussi ne doit-il faire, ny consentir qu'aux bonnes & belles, quand tout le monde en parleroit. Le sage montre également en tous les deux son courage: Ces delicats ne sont capables de l'un ny de l'autre, foibles en tous les deux.

Tircement en tout ce que ie propose, ie ne pretends y obliger personne, ie presente seulement les choses, & les estalle comme sur le tablier. Je ne me mets point en cholere si l'on ne m'en croit, c'est à faire aux pedans. La passion tesmoigne que la raison n'y est pas, qui se tient par l'une à quelque chose, ne s'y tient pas.

B iij




par l'autre. Mais pourquoy se courroucent-ils ? est-ce que ie ne suis pas partout de leur aduis ? Ie ne me courrouce pas de ce qu'ils ne sont pas du mien : de ce que ie dy des choses qui ne sont pas de leur goust ny de commun ? & c'est pourquoy ie les dis : Ie ne dis rien sans raison, s'ils la scauent sentir & goustier, s'ils en ont une meilleure qui destruisse la mienne, ie l'escouteray avec plaisir, & gratification à qui la dira. Et qu'ils ne pensent me battre d'autorité, de multitude d'allegations d'autrui, car tout cela a fort peu de credit en mon endroit, sauf en matiere de religion, où la seule autorité vaut sans raison ; C'est là son vray empire, comme par tout ailleurs la raison sans elle, comme a tres-bien reconnu S. Augustin. C'est une iniuste tyrannie & folie enragée, de vouloir assuiettir les esprits à croire & suivre tout ce que les anciens ont dit, & ce que le peuple tient, qui ne sçait ce qu'il dit ny ce qu'il fait : Il n'y a que les sots qui se laissent ainsi mener, & ce liure n'est pas pour eux, s'il estoit populairement receu & accepté, il se trouueroit bien descheu de ses pretentions : Il faut ouyr, considerer & faire compte des anciens, non s'y captiuer qu'avec la raison : & quand on les voudroit suivre, comment fera-on ? Ils ne sont pas d'accord. Aristote qui a voulu sembler le plus habile, & a entrepris de faire le procez à tous ses deuanciers, a dit de plus lourdes absurditez que tous, & n'est point d'accord avec soy-mesme, & ne sçait quelquesfois où

il en est, tesmoin les matieres de l'ame humaine, de l'eternité du monde; de la generation des venes, & des eaux, &c. Il ne se faut pas esbahir si tous ne sont de mesme avis, mais bien se faudroit-il esbahir si tous en estoient: Il n'y a rien plus seant à la nature, & à l'esprit humain, que la diversité. Le Sage divin S. Paul nous met tous en liberté par ces mots: Que Rom. 14 chacun abonde en son sens, & que personne ne iuge ou condamne celuy qui fait autrement, & est d'avis contraire: & le dit en matiere bien plus forte & chatouilleuse, non en fait & observation externe, où nous disons qu'il se faut conformer au commun, & à ce qui est prescrit où coustumier: mais encores en ce qui concerne la religion, sçavoir en l'observance religieuse des viandes & des iours. Or toute ma liberté & hardiesse n'est qu'aux pensées, iugemens, opinions, esquelles personne n'a part ny quart, que celuy qui les a chacun endroict soy.

Nonobstant tout cela plusieurs choses qui pou- 4. voient sembler trop crues & courtes, rudes & dures pour les simples (car les forts & releuez ont l'estomach assez chaud pour cuire & digerer tout) ie les ay pour l'amour d'eux expliqué, esclaircy, addoucy en ceste seconde edition, revueüe, & de beaucoup augmentée.

Bien veux-je aduertir le Lecteur qui entreprendra 5. de iuger de cet œuvre, qu'il se garde de tomber en aucun de ces sept mesçores, comme ont fait aucuns en la.

premiere édition, qui sont de rapporter au droit & deuoir ce qui est du faict : Au faire ce qui est du iuger : A resolution & determination ce qui n'est que proposé, secoië, & disputé problematiquement & academiquement : A moy & à mes propres opinions, ce qui est d'autrui, & par rapport : A l'estat, profession, & condition externe, ce qui est de l'esprit & suffisance interne : A la religion & creance diuine, ce qui est de l'opinion humaine : A la grace & operation surnaturelle, ce qui est de la vertu, & action naturelle & morale. Toute passion & preoccupation ostée, il trouuera en ces sept poincts bien entendus, dequoy se resoudre en ses doutes, dequoy respondre à toutes les obiections que luy-mesme & d'autres luy pourroient faire, & s'esclaircir de mon intention en cet œuvre. Que si encores apres tout, il ne se contente & ne l'approuue, qu'il l'attaque hardiment & viuement (car de mesdire seulement, de mordre, & charpenter le nom d'autrui, il est assez aisé, mais trop indigne & trop pedant) il aura tost ou vne franche confession & acquiescement, (car ce liure fait gloire & feste de la bonne foy, & de l'ingenuité :) ou vn examen de son impertinence & folie.



DE LA
SAGESSE
LIVRE PREMIER.

*Qui est la cognoissance de soy, & de
l'humaine condition.*

Exhortation à s'estudier & cognoistre.

Preface du premier Livre.



Le plus excellent & diuin conseil, le meilleur & plus vtile aduertissement de tous, mais le plus mal pratiqué, est de s'estudier & apprendre à se cognoistre: c'est le fondement de sagesse, & acheminement à tout bien: c'est folie n'empareille que d'estre attentif & diligent à cognoistre toutes autres choses plustost que soy-mesme: la vraye science & le vray estude de l'homme, c'est l'homme.

Dieu, nature, les sages, & tout le monde presche l'homme & l'exhorte de faict & de parole, à s'estudier & cognoistre. Dieu eternellemēt & sans cesse se regarde, se cōsidere, & se cognoist. Le monde a toutes ses veües contraintes au dedans, & ses yeux ouuerts à se voir & regarder. Autant est obligé & tenu l'homme s'estudier & cognoistre, comme il

Se co-
gnoistre
est la
premiere
chose
En-
joinct à
tous par
raison.

luy est naturel de penser, & il est proche à soy-mesme. Nature taille à tous ceste besongne. Le mediter & entretenir les pensées est chose sur toutes facile, ordinaire, naturelle, la pasture, l'entretien, la vie de l'esprit, *cuius viuere est cogitare*. Or par où commencera, & puis continuëra-il à mediter, à s'entretenir plus iustement & naturellement que par soy-mesme ? y a-il chose qui luy touche de plus près ? Certes aller ailleurs & s'oublier est chose dénaturée & tres-iniuste. C'est à chacun sa vraye & principale vacatiō, que de penser & biētenir à soy. Aussi voyons-nous que chaque chose pense à soy, s'estudie la premiere, à des limites, à ses occupations & desirs. Et toy hōme, qui veux embrasser l'Vniuers, tout cognoistre, cōtreroller & iuger, ne te cognois & n'y estudies : & ainsi en voulant faire l'habile & le syndic de nature, tu demeures le seul sot au monde. Tu es la plus vuide & necessiteuse, la plus vaine & miserable de toutes, & neantmoins la plus fiere & orgueilleuse. Parquoy regarde dedāstoy, recognois toy, tiens toy à toy, ton esprit & ta volonté, qui se consomme ailleurs, ramene-le à soy-mesme. Tu t'oublies, tu te respands, & te perds au dehors, tu te trahis & te des robes toy-mesmes, tu regardes tousiours deuāttoy, ramasse toy, & t'enferme dedāstoy : examine toy, espie toy, cognois toy :

Nosce teipsum, nec te quāsieris extra.

Respue quod non es, tecum habita, &

Noris quāmsi tibi curra supellex.

Tute consule.

Teipsum concute, nunquid vitiorum

Inscuerit olim natura, aut etiam consuetudo mala.

Par la cognoissance de soy l'homme monte & arrive plustost & mieux à la cognoissāce de Dieu, que par toute autre chose, tant pour ce qu'il trouve en soy plus de quoy le cognoistre, plus de marques & traicts de la diuinité, qu'en tout le reste qu'il peut cognoistre, que pource qu'il peut mieux sentir, & sçavoir ce qui est & se remuer en soy, qu'en toute autre chose. *Formasti me & posuisti saper me* Psalm, *manum tuam, ideo mirabilis facta est scientia tua j. tui, ex me* : Dont estoit gravée en lettres d'or sur le frontispice du temple d'Apollon, Dieu (selon les payens) de science & de lumiere, ceste sentence. *Cognois toy, comme vne salutatio & vn advertissement de Dieu à tous, leur signifiāt que pour avoir accez à la diuinité, & entrée en son temple, il se faut cognoistre : qui se mescognoist en doit estre debouté, sic ignoras, ô pulcherrima, egredere, & abi* Cantit. *post haec ados tuos.*

Pour deuenir sage & mener vne vie plus réglée & plus douce, il ne faut point d'instruction d'ailleurs, que de nous. Si nous estions bons escoliers, nous apprendrions mieux de nous, que de tous les livres. Qui remet en sa memoire & remarque bien l'excez de sa cholere passée, iusques où ceste figure l'a emporté, verra mieux beaucoup la laideur de ceste passion, & en aura horreur & hayne plus iuste, que de tout ce qu'en dient Aristote & Platō, & ainsi de toutes les autres passions, & de tous les branles & mouuemēs de son ame. Qui se souuendra de s'estre tant de fois mesconté en son iugement, & de tant de mauvais tours que luy a fait sa memoire, apprendra à ne s'y fier plus. Qui notera cōbien de fois il luy est advenu de penser bien tenir

3.
Escelle
à la di-
uinité.

Cantit.

4.
Dispo-
sition à
la sa-
gesse.

& entendre vne chose , iusques à la vouloir pleu-
 uir , & en respondre à autrui & à soy-mesme , &
 que le temps luy a puis fait voir du contraire, ap-
 prendra à se deffaire de ceste arrogance importu-
 ne, & quereleuse presumption , ennemie capitale
 de discipline & de verité. Qui remarquera bien
 tous les maux qu'il a couru, ceux qui l'ont mena-
 cé, les legeres occasiōs qui l'ont remué d'un estat
 en vn autre, cōbien de repentirs luy sont venus en
 la teste, se preparera aux mutations futures, & à la
 recognoissance de sa cōdition, gardera modestie,
 se contiendra en son rang, ne heurtera personne, ne
 troublera rien, n'entreprendra chose qui passe ses
 forces: Et voila iustice & paix par tout. Brief, nous
 n'auons point de plus beau miroir & de meilleur
 liure que nous-mesmes , si nous y voulions bien
 estudier, comme nous deuons , tenant tousiours
 l'œil ouuert sur nous, & nous espiant de près.

5.
 Contre
 ceux
 qui se
 mesco-
 gnois-
 sent.

Mais c'est à quoy nous pensons le moins, *nemo in
 sese tentat descēdere*. Dont il aduient que nous don-
 nons mille fois du nez en terre, & retombons tous-
 iours en mesme faute, sans le sētir, ou nous en dou-
 ter beaucoup. Nous faisons biē les sots à nos des-
 pens: Les difficultez ne s'appetçoiuēt en chaque
 chose, que par ceux qui s'y cognoissēt: Car enco-
 res faut-il quelque degré d'intelligence à pouuoir
 remarquer son ignorāce: Il faut pousser à vne por-
 te, pour sçauoir qu'elle est close. Ainsi de ce que
 chacun se voit si resolu & satisfait, & que chacun
 pense estre suffisammēt entendu, signifie que cha-
 cun n'y entend rien du tout: Car si nous nous co-
 gnoissions bien, nous pouruoyrions bien mieux à
 nos affaires: Nous aurions honte de nous & nostre

estat : & nous rendrions bien autres que ne sommes. Qui ne recognoist ses defauts, ne se soucie de les amander : qui ignore les necessitez, ne se soucie d'y pourvoir ; qui ne sent son mal & sa misere n'ad-
 uise point aux reparations, & ne court aux reme-
 des, *deprehendus te oportet priusquam emendes ; sani-
 tatis initium sentire sibi opus esse remedio.* Et voicy
 nostre malheur : car nous pensons toutes choses al-
 ler bien & estre en seureté : nous sommes tant co-
 tents de nous mesmes, & ainsi doublemēt misera-
 bles. Socrates fut iugé le plus sage des hommes, non
 pour estre le plus sçauant & plus habile, ou pour
 auoir quelque suffisance par dessus les autres, mais
 pour mieux se cognoistre que les autres, en se te-
 nant en son rang, faire bien l'homme. Il estoit le
 Roy des hommes : comme on dit que les borgnes
 son roys parmy les aueugles, c'est à dire double-
 ment privez de sens : car ils sont de nature foibles
 & miserables, & avec ce ils sont orgueilleux, & ne
 sentent pas leur mal. Socrates n'estoit que borgne :
 car estant homme comme les autres, foible & mi-
 serable, il le sçauoit bien, & recognoissoit de bon-
 ne foy sa condition, se regloit & viuoit selon elle.
 C'est ce que vouloit dire la Verité à ceux qui
 pleins de presumption par moquerie luy ayent dit, Ioan. 9.
 sommes-nous donc à ton dire aueugles ? si vous
 l'estiez, dit-il, c'est à dire le pensiez estre, vous y
 verriez, mais pource que vous pensez bien y voir,
 vous demeurerez du tout aueugles : car ceux qui
 voyent à leur opiniō, sont aueugles en verité ; & qui
 sont aueugles à leur opinion, ils y voyent. C'est vne
 miserable folie à l'homme, de se faire beste pour ne
 se cognoistre pas bien homme, *homo enim non sic, ut fac*

- *semper intelligas.* Plusieurs grands pour leur servir de bride & de regle, ont ordonné, que l'on leur sonne aïent souvent aux oreilles, qu'ils estoient hommes. - O le bel estude, s'il leur entroit dedans le cœur, comme il frappe à leur oreille ? le mot des Athéniens à Pompeius le Grand, tu es autant Dieu cōmetu te recognois homme, n'estoit pas trop mal dict, au moins c'est estre homme excellent que de se bien cognoistre homme.

La cognoissance de soy (chose tres-difficile & rare, comme se mesconter & tromper, tres facile) ne s'acquiert pas par autrui, c'est à dire, par comparaison, mesure, ou exemple d'autrui.

Plus alijs de te quam tui tibi credere noli.

6 Moyens moins encore par son dire & son iugement, qui de se souvent est court à voir, & desloyal ou craintif à cognoistre parler : N'y par quelque acte singulier, qui sera estre, quelques fois eschappé sans y aubir pensée, poussé faux. par quelque nouvelle, rare, & forte occasion, & qui sera plustost vn coup de fortune, ou vne saillie de quelque extraordinaire enthousiasme, qu'une production vraiment nostre. L'on n'estime pas la grande, grosse, coide d'une mine, de l'eau qui luy est aduenue par vne subite atterrissement & débordement des prochains torrens & ruisseaux. Vn fait courageux ne conclut pas un homme vaillant, ny une cruaute de l'homme iuste. Les circonstances & de vent des occasions & accidens nous emportent & nous changent : & souvent l'on est poussé à bien faire par le vice mesme. Ainsi l'homme est-il tres-fidele à cognoistre. Ny n'est par toutes les choses externes & adiacentes au dehors : offices dignitez, richesses, noblesse, grace,

& applaudissement des grands ou du peuple: Ny par ses deportemens faicts en public, car comme estant en eschec l'on se tient sur ses gardes, se retient, se contraint. La crainte, la honte, l'ambition, & autres passions luy font iouïr ce personage que vous voyez. Pour le bien cognoistre il se faut voir en son privé, & en son particulier à tous les iours. Il est bien souvent tout autre en la maison, qu'en la rue, au Palais, en la place; autre avec ses domestiques qu'avec les estrangers. Sortant de la maison pour aller en public, il va iouïr vne farce: ne vous arrestez pas là, ce n'est pas luy, c'est tout vn autre: vous ne le cognoistriez pas.

La cognoissance de soy ne s'acquiert point par tous ces quatre moyens, & ne devons nous y fier, mais par vn vray, long & assidue estude de soy, vne serieuse & attentive examination, non seulement de ses paroles & actions, mais de ses pensées plus secrètes (leur naissance, progrès, durée, répétition) de tout ce qui se remuë en soy, iusques au fonges de nuict, en s'espiant de près, en se tastant souvent & à toute heure, pressant & pinçant iusques au vif. Car il y a plusieurs vices en nous cachez, & ne se sentent à faulte de force & de moyen, ainsi que le serpent venimeux, qui engourdy de froid se laisse manier sans danger. Et puis il ne suffit pas de recognoistre sa faulte en detail & en individu, & tascher de la reparer, il faut en general recognoistre sa foiblesse, sa misere, & en venir à vne reformation & amendement vniuersel.

Or il nous faut estudier serieusement en ce livre premier à cognoistre l'homme, le prenant en tout sens, le regardant à tous visages, luy tastant le

de ce
premier
liure.

poux, le fondant iusques au vif, entrant dedans avec la chandelle & l'esprounette, fouillant & furetat par tous les trous, coins, recoins, destours, cachots & secrets, non sans cause : Car c'est le plus fin & feint, le plus couuert & fardé de tous, & presque incognoissable. Nous le considerer os donc en cinq manieres, representées en ceste table, qui est le sommaire de ce liure.

Premiere, Naturelle, par toutes les pieces dont il est compolé, & leurs appartenances.

Seconde, Naturelle, & Morale, par comparaison de luy avec les bestes.

Tierce, par sa vie en blot.

Quatriesme Morale, par
 1. Vanité.
 les mœurs, humeurs, }
 conditions, qui se rap- } 2. Foiblesse.
 portent à cinq choses. } 3. Inconstance
 4. Misere.
 5. presumption.

Cinq, confi-
 derations de
 l'homme, &
 de l'humaine
 condition.

1. Naturels.
 2. Esprits & suffisances.
 3. Charges & degrez
 de superiorité & infe-
 riorité.
 4. Professions & con-
 ditions de vie.
 5. Auantages & des-
 auantage Naturel,
 Acquits, Fortuits.

Cinquiesme Na-
 turelle, & Mora-
 le, par les diffe-
 rences qui sont
 entre les hom-
 mes en leurs.

PRE

PREMIERE CONSIDERATION DE L'HOMME, QUI EST naturelle par toutes les pieces dont il est composé.

De la formation de l'Homme.

CHAP. I.



LLE est double & doublement considerable; premiere & originelle, vne fois faite immediatement de Dieu en la creation surnaturelle, seconde & ordinaire en la generation naturelle.

Selon la peinture que nous donne Moyse de l'ouvrage & creation du monde (la plus hardie & riche piece que iamais homme a produit en lumiere, i'en-
tens l'histoire des neuf premiers chapitres de Genese, qui est du monde nay & renay) l'homme a esté fait de Dieu non seulement apres tous les animaux, comme le plus parfait, le maistre & surintendant de tous, *ut præsist piscibus maris, volatilibus cæli, bestiis terræ*: Et en mesme iour que les quatrupedes & terrestres, qui s'approchent plus de luy (bien que les deux qui luy ressemblerent mieux sont pour le dedans le pourceau, pour le dehors le singe) mais encores apres tout fait & acheué, comme la cloture, & le sceau & cachet de ses ceuvres, aussi y a-il empreint ses armoiries & son pourtrait; *Exemplumque Dei quisquis est in imagine parua. Signatum est super nos lumen vultus sui*. Comme vne recapitu-

i.
L'homme
fait le
dernier
Gen. 1.
1. &c.

C

lation sommaire de toutes choses, & vn abrégé du monde, qui est tout en l'homme, mais raccourcy & en petit volume, dont il est appelé le petit monde, & l'univers peut-estre appelé le grand homme. Comme le nœud, le moyen, & lien des Anges & des animaux, des choses celestes & terrestres, spirituelles & corporelles. Et en vn mot la dernière main, l'accomplissement, le chef-d'œuvre, l'honneur & le miracle de nature. C'est pourquoy Dieu l'ayant fait avec délibération & apparat, & *dixit faciamus hominem ad imaginem & similitudinem nostram*, s'est reposé. Et ce repos encorés a esté fait pour l'homme, *Sabbatum propter hominem, non contra*. Et n'a depuis rien fait de nouveau, sinon le faire homme luy-mesme : & c'a esté encorés pour l'amour de l'homme, *propter nos homines, & propter nostram salutem*. Dont se void qu'en toutes choses Dieu a visé à l'homme, pour finalement en luy & par luy, *brevi manu*, rapporter tout à soy, le commencement & la fin de tout.

Iohan.

Nud.

Droit.

1. Tout nud, afin qu'il fust plus beau, estant polynet, delicat, à cause de son humidité deliée, bien temperée & assaisonnée.

2. Droit, tenant & touchant fort peu en terre, la teste droite en haut tendant au ciel, où il regarde, se void & se cognoist cōme en son miroir : tout à l'opposite de la plante qui a sa tette & racine dedans la terre, aussi est l'homme vne plante diuine, qui doit fleurir au ciel : La beste comme au milieu, est de trauers, ayant ses deux extremittez vers les bords ou extremittez de l'horizō, plus ou moins. La cause de cette droiture, apres la volonté de son maistre ouurier, n'est proprement l'ame raisonnable cōme

LIVRE PREMIER

35

il se voit aux courbez, bossus, boiteux, ny la ligne droicte de l'espine du dos, qui est aussi aux serps, ny la chaleur naturelle ou vitale, qui est pareille ou plus grandes en certaines bestes, cōbien que tout cela y peut parauanture seruir de quelque chose: Mais cette droiture est deuë & conuiēt à l'hōme, & comme homme qui est le saint & diuin animal:

Sanctius his animal mentis que capacius alia:

Et comme Roy d'icy bas: Aux petites & particulieres Royautéz y a certaine marque de Majesté, comme il se void au Dauphin couronné, au serpent Basilizé, au Lyon avec son colier, sa couleur de poil & ses yeux, en l'Aigle au Roy des Abeilles Ainsi l'hōme Roy vniuersel d'icy bas marche la teste droite, comme vn maistre en sa maison, regente tout & en vient à bout par amour ou par force, domptant ou appriuoisant.

Son corps fut basti le premier de terre vierge, rousse, dont il en eust son nom propre *Adam*, car l'appellatif estoit desia *Is*: Et icelle mouillée non de pluye encores, mais d'eau de fontaine.

4
Conti-
ment
formé.
Gen. 2.

--- Mixcam flumialibus undis,

Finxit in effigiem.

Par raisō le corps est l'aisné de l'ame, cōme la matiere de sa forme, le domicile doit estre fait & dressé auāt y demeurer, l'attelier auant que l'ouurier y puisse ouurer. Puis l'esprit y fut par le souffle diuin decoulé & insué, & ainsi ce corps animé & fait viuant, *inspirauit in faciem eius spiraculum vita, &c.*

En la generation & conformation ordinaire, & naturelle, qui se fait de semēce au ventre de la fem- Est faite
me le mesme ordre se garde: Le corps est formé le en la
premier par la force tāt elemētaire de l'Energie & matrice

C ij

vertu formatrice qui est en la semēce, aydāt aucu-
 nemēt la chaleur de la matrice, que celeste, qui est
 l'influence & vertu du Soleil, *Sol & homo generant*
hominem. Et de tel ordre que les sept premiers iours
 Conçeu de semē- les semences du pere & mere se prennent, s'vnif-
 ce cail- sent & caillent ensemble, comme cresse, & s'en-
 lée. fait vn corps, c'est la conception, *Nonne sicut lac*
malisti me, & sicut caseum me coagulasti? Les sept
 Châgée d'apres, ceste semence se cuit, espessit, & change en
 masse de chair & de sang informe, rudement &
 matiere propre du corps humain: Les sept troisiē-
 Formée mes suivants, de ceste masse est faict & formé le
 en gros. corps en gros, dont environ le vingtiesme iour
 sont produits les trois nobles & heoriques parties,
 le foye, le cœur, le cerueau, distantes en longueur,
 ouale, ou comme disent les Hebreux, se tenant
 par iointures deliées, qui puis se remplissent de
 chair, à la faqō d'un formy, où y a trois parties plus
 grosses iointes par entre deux deliées: Les 7. quatriē-
 Artieu- mes, qui finissent près du 30. iour, tout le corps s'a-
 lée. cheue, se parfait, articule, organise, dōt il cōmence
 Organi- n'estre plus Embryō: mais capable, cōme vne ma-
 tée. tiere preparée à sa forme, de receuoir l'ame, La-
 quelle ne faut à s'insinuer dedans, & s'en inuestir
 Ani- vers le 37 ou 40. iours, apres les cinq sepmaines
 mée. acheuées. Doublant ce terme, c'est à dire, au troi-
 Mou- siesme mois, cet enfant animé se remuē & se faict
 uante. sentir, le poil & les ongles luy commencent à ve-
 nir. Triplant ce terme qui est au neufliesme mois,
 Produi- il sort & se produit en lumiere. Ces termes ne sont
 se. pas si iustement prefix, qu'ils ne puissent vn peu
 se hastier & tarder, selon la force ou foiblesse de la
 chaleur, tant de la semence que de la matrice, car

estant forte, elle haste, estant foible elle retarde, dont les semences moins chaudes & plus humides d'où sont conceuës les femelles, ont leurs termes plus long, & ne sont animées qu'au 80. iour & encores apres, & ne se remuënt qu'au 4. mois qui est prés d'un quart plus tard que les masles.

Distinction premiere, & Generale de l'Homme.

CHAP. II.

L'Homme, comme vn animal prodigieux, est fait de pieces toutes contraires & ennemies. L'ame est cōme vn petit Dieu, le corps cōme vne beste, vn fumier. Toutesfois ces deux parties sont tellement accouplées, ont tel besoin l'une de l'autre, pour faire leurs fonctions, *Alterius sic Altera poscit opem res, & cōiurat amicè*, & s'embrassent si bien l'une l'autre avec toutes leurs querelles, qu'elles ne peuent demeurer sans guerre, ny se separer sans tourment & sans regret, & comme tenant le loup par les oreilles, chacune peut dire à l'autre, ie ne puis avec toy ny sans toy viure, *nec tecum, nec sine te*.

1.
Divisiō
1. en
deux.

Mais pour ce que de rechef en cete ame il y a deux parties bien differētes, la haute, pure, intellectuelle & diuine, en laquelle la pensee n'a aucune part, & la basse, sensitive & bestiale, qui tient du corps & de la matiere. L'on peut par vne distinction plus morale & politique, remarquer trois parties & degrez en l'homme. L'esprit, l'ame, la chair: dont l'esprit & la chair tiennent les bouts & extremités, comme le ciel & la terre, l'ame mittoyenne, où se font les Meteores, le bruit & la tempeste. L'esprit la tres-haute & tres-heroïque partie, par celle, scintille.

2.
En
trois.

vertu formatrice qui est en la semence, aydāt aucunemēt la chaleur de la matrice, que celeste, qui est l'influence & vertu du Soleil, *Sol & homo generant hominem*. Et de tel ordre que les sept premiers iours les semences du pere & mere se prennent, s'unissent & caillent ensemble, comme crespme, & s'en fait vn corps, c'est la conception, *Nonne sicut lac malisti me, & sicut caseum me coagulasti?* Les sept Châgée d'apres, ceste semence se cuit, espessit, & change en masse de chair & de sang informe, rudement & matiere propre du corps humain: Les sept troisiemes suivants, de cette masse est fait & formé le corps en gros, dont environ le vingtiesme iour sont produits les trois nobles & heoriques parties, le foye, le cœur, le cerueau, distantes en longueur, ouale, ou comme disent les Hebreux, se tenant par iointures deliées, qui puis se remplissent de chair, à la faqō d'un formy, où y a trois parties plus grosses iointes par entre deux deliées: Les 7. quatriemes, qui finissent près du 30. iour, tout le corps s'acheue, se parfait, articule, organise, dōt il cōmence n'estre plus Embryō: mais capable, cōme vne matiere preparée à sa forme, de recevoir l'ame, Laquelle ne faut à s'insinuer dedans, & s'en inuestir vers le 37. ou 40. iours, apres les cinq sepmaines acheuées. Doublant ce terme, c'est à dire, au troisiemes mois, cet enfant animé se remue & se fait sentir, le poil & les ongles luy commencent à venir. Triplant ce terme qui est au neufliesme mois, il sort & se produit en lumiere. Ces termes ne sont pas si iustement prefix, qu'ils ne puissent vn peu se hastier & tarder, selon la force ou foiblesse de la chaleur, tant de la semence que de la matrice, car

Conçu
de semē.
ce cail-
lée.

Châgée

Formée
en gros.

Articu-
lée.
Organi-
sée.

Ani-
mée.

Mou-
uante.

Produi-
se.

estant forte, elle haste, estant foible elle retarde, dont les semences moins chaudes & plus humides d'où sont conceuës les femelles, ont leurs termes plus long, & ne sont animées qu'au 80. iour & encores apres, & ne se remuent qu'au 4. mois qui est prés d'un quart plus tard que les males.

Distinction premiere, & Generale de l'Homme.

CHAP. II.

L'Homme, comme vn animal prodigieux, est fait de pieces toutes contraires & ennemies. L'ame est cōme vn petit Dieu, le corps cōme vne beste, vn fumier. Toutesfois ces deux parties sont tellemēt accouplées, ont tel besoin l'une de l'autre, pour faire leurs fonctions, *Alterius sic Altera poscit opem res, & cōiurat amicè*, & s'ébraissent si bien l'une l'autre avec toutes leurs querelles, qu'elles ne peuvēt demeurer sans guerre, ny se separer sans tourment & sans regret, & comme tenant le loup par les oreilles, chacune peut dire à l'autre, ie ne puis avec toy ny sans toy viure, *nec tecum, nec sine te*.

Mais pour ce que de rechef en cete ame il y a deux parties bien differētes, la haute, pure, intellectuelle & diuine, en laquelle la parole n'a aucune part, & la basse, sensitive & bestiale, qui tient du corps & de la matiere. L'on peut par vne distinction plus morale & politique, remarquer trois parties & degrez en l'homme. L'esprit, l'ame, la chair: dont l'esprit & la chair tiennent les bouts & extremités, comme le ciel & la terre, l'ame mittoyenne, où se font les Meteores, le bruit & la tempeste. L'esprit la tres-haute & tres-heroïque partie, parcelle, scintille.

1.
Divisiō
1. en
deux.

2.
En
trois.

DE LA SAGESSE,

le, image & defluxion de la diuinité est en l'hōme cōme vn Roy en la Republique, ne respire que le bien, & le ciel où il tend; la chair au cōtraire comme la lie d'un peuple hebeté, le marc & la sentine de l'hōme tend tousiours à la matiere & à la terre: l'Ame au milieu, comme les principaux du populaire entre le bien & le mal, est perpetuellement sollicitée de l'esprit & de la chair, & selon le party où elle se range, est spirituelle & bōne, ou charnelle & mauuaise. Icy sont logées toutes les affectiōs naturelles qui ne sont vertueuses ny vitieuses, cōme l'amour de ses parens & amis, crainte de honte, pitié des affligez, desir de bonne reputation.

3.
Son vti-
lié.

Cette distinction aydera beaucoup à cognoistre l'homme, & discerner ses actions pour ne s'y mes- contre comme l'on fait, iugeant par l'escorte & apparence, pensant que ce soit de l'esprit, ce qui est de l'ame, voire de la chair attribuant à la vertu, ce qui est de la nature ou du vice; combien de bonnes & belles actions produites par passion, ou bien par vne inclination & complaisance naturelle; *ut seruianz genio, & suo indulgant animo?*

*Du corps, & premierement de toutes ses parties &
Assiete d'icelles*

CHAP. III.

1.
Diuisiō
du corps
en ses
parties.

2.
Inter-
nes. Plu-
rielles.

LE corps humain est basti d'un tres-grand nombre de pieces, internes & externes: lesquelles sont presque toutes rondes & orbiculaires, ou approchantes de cette figure.

Les internes sont de deux sortes, les vnes en nombre & quantité respanduës par tout ce corps, sça-

voir les Os qui sont comme la base & soustien de tout le bastiment : dedans iceux pour leur nourriture la *Moielle* : les *Muscles* pour le mouvement & la forces : les *Venes* sortans du foye, canals du sãg premier & naturel. *Arteres* venans du cœur, conduits du second sang plus subtil & vital. Ces deux allans plus haut que le foye & le cœur leurs sources, sont plus estroittes que celles qui vont en bas, pour ayder à monter le sang, car le destroit plus serré sert à faire monter les liqueurs, les *Nerfs*, procedans par couples, instrumens du sentiment, mouvement & force du corps, & conduits des esprits animaux, dõt les vns sont mols, & y en a sept paires, qui seruent au sentiment de la teste, Veüe, Ouye, Goust, Parole, les autres durs en 30. paires, procedans par l'espine du dos aux muscles. Les *Tendons*, *Ligamens*, *Cartilages* : Les quatre humeurs, le Sang, la Bile jaune, ou Colere qui ouure, pousse, penetre, empesche les obstructions, iette les excremens, apporte allegresse : la Bile noire, & aspre, ou *Melancholie*, qui prouoque l'appetit à toutes choses, modere les mouvements subits : la *Puante* douce, qui adoucist la force des deux Biles, & toutes ardeurs. Les *Esprits* qui sont les fumées, sortans de la chaleur naturelle, & de l'humeur radicale, & sont en trois degres d'excellence, le Naturel, Vital, Animal : la *Gresse* qui est la partie plus espesse & grasse du sang.

Les autres sont singulieres (sauf les roignons & coüillens qui sont doubles) & assignées en certain lieu. Or il y a quatre lieux ou regiõs, cõme degrez ou corps, officines & ateliers de nature, où elle exerce ses facultez & puissances. La premiere & plus basse est pour la generatiõ en laquelle sont les par-

2. Singulieres.
4. Regiõs de corps.

ties genitales seruant à icelle. La seconde d'après en laquelle s'ont les entrailles, *viscera*, sçavoir l'estomach, tirant plus au costé gauche, rond, plus estroit au fonds qu'en haut, ayant deux orifices ou bouches, l'un en haut pour recevoir, l'autre en bas qui respōd aux boyaux pour ietter & se descharger. Il reçoit, assemble, melle, & cuit les viādes, & en fait *Chyle*, c'est à dire suc blanc, propre pour la nourriture du corps, & lequel encorē s'elaboure dedans les *Venes Meseraiques*, par où il passe pour aller au Foye. Le Foye chaud & humide, plus au costé droit, officine du sang, principe des veines, le siege de la faculté naturelle, nourriciere ou ame vegetative, fait & engēdre le sang du Chyle, qu'il attire des *Venes Meseraiques*, & reçoit en son sein par la *Vene porte*, qui entre en son creux, & puis l'enuoye & distribue par tout le corps, par le moyen de la grāde *Vene Cave* qui sort de sa bosse & des branches d'icelle, qui sont en grand nombre, comme les ruisseaux d'une fontaine. La Rate à main gauche, qui reçoit la descharge & les excremens du Foye: Les Reins, les Boyaux, qui se tenans tous en vn, mais distinguez par six differēces, & six noms, égalēt sept fois la longueur de l'homme, comme la longueur de l'homme égale sept fois la longueur du pied. En ces deux premieres parties, qu'aucuns prennent pour vne (combien qu'il y aye deux facultez bien differentes, l'une generative pour l'espece, l'autre nutritive de l'individu) & la font respondre à la partie plus basse & elementaire de l'univers, lieu de generation & corruption, est l'ame concupiscible.

La troisieme cōparée à la Region Etherée, separée des precedētes par le Diaphragme, & de celle

d'en haut par le destroit de la gorge: en laquelle est l'ame irascible, & les parties pectorales *Præcordia*, sçavoir le *Cœur*, tres-chaud, scitué enuiron la cinquiesme coste, ayant sa pointe sous la mammelle gauche, origine des Arteres, qui tousiours se mouuent & font le *Pouls*, par lesquelles comme canals il enuoye & distribué par tout le corps le sãg vital qu'il a cuit, & par iceluy l'esprit & la vertu vitale. Les *Poulmons* de substance fort mole, rare, & spongieuse, souple à attirer & pousser cõme soufflets, instrumens de la respiration, par laquelle le cœur se rafraischit, attirant le sang, l'esprit, & l'air, & se deschargeant des fumées & excremens qui le pressent, & de la voix par le moyen de l'*aspre artere*.

La quatriesme & plus haute qui respond à la Region celeste est la teste, qui contient le *Cerueau*, froid & spongieux, enuveloppé de deux membranes, l'une plus dure & espesse, qui touche au test, *Dura mater*, l'autre plus douce & deliée qui luy est contiguë, *Pia mater*. D'iceluy sortent & deriuent tous les nerfs & la moëlle qui descend & decoule au long de l'espine du dos. Ce cerueau est le siege de l'ame raisonnable, la source de sentiment & mouuement, & des tres-nobles esprits animaux, faits des esprits vitaux, lesquels montés du cœur par les arteres au cerueau, sont cuits, recuits, élaborés, & subtilisés par le moyen d'une multiplicité de petites & subtiles arteres, comme filets diuersement tissus, repliés, entrelassés par plusieurs tours & retours, comme vn labyrinthe & double rets, *Ret mirabile*, dedans lequel cet esprit vital estant retenu, sejourant, passant & repassant souuent s'affine, subtilise, & perfectionne, &

42 DE LA SAGESSE,
deuient animal, spirituel en souuerain & dernier
degré.

3.
Exter-
nes sin-
gulieres

Les externes & patentes : Si elles sont singulieres, sont au milieu, comme le Nez qui sert à la respiration, odorat, & consolation du cerueau, & à la descharge d'iceluy, tellement que par luy l'air entre & sort, & en bas aux poulmons, & en haut au cerueau. La *Bouche* qui sert au manger & au parler, dont elle est de plusieurs pieces, qui seruent à ces deux : Au dehors des *Levres*, au dedans de la *Langue* extremement souple, qui iuge des saveurs : des *Dents* pour mouldre & briser les morceaux. Le *Nombril*, les deux *Sentines* & voyes de descharge.

4.
Dou-
bles &
pareil-
les,

Si elles sont doubles & pareilles, sont collaterales & esgales, comme les deux *Yeux*, plantez au plus haut estage, comme sentinelles, composez de plusieurs & diuerses pieces, trois humeurs, sept tuniques, sept muscles, diuerses couleurs, avec beaucoup de façon & d'artifice. Ce sont les premieres & plus nobles pieces externes du corps, en beauté, vtilité, mobilité, actiuité, mesmes au fait d'amour, *les ides*, *les quarts*, sont au visage, ce que le visage est au corps, sont la face de la face, & pource qu'ils sont tendres, delicats, & precieux; ils sont munis & remparez de toutes parts, de *Pellicules*, *Paupieres*, *Sourcils*, *Cils*, & *Poils* : les *Oreilles* en mesme hauteur que les yeux, cōme les escoutes du corps, portieres de l'esprit, receueurs & iuges des sons qui montent tousiours : elles ont leurs aduenuës & entrées obliques & tortueuses, afin que l'air & le son n'entraissent tout à coup, dont le sens de l'ouïe en pourroit estre blessé, & n'en pourroit si bien iuger. Les *bras* & *maines* ouvrieres de tou-

tes choses, & instrumens vniuersels: *Les Jambes & Pieds*, soustiens & colonnes de tout le bastiment.

Des proprietéz singulieres du corps humain.

CHAP. IV.

LE corps humain a plusieurs singularitez, dont les vnes luy sont peculieres priuatiuemēt des autres animaux. Les premieres & principales sont la parole, la stature droite, la forme, & le port, de quoy les Sages, mesmes le Stoïques ont fait tant de cas, qu'ils ont dit valoir mieux estre fol en la forme humaine, que sage en la forme brutale: La main c'est un miracle, celle du Singe est peu de cas: Apres sont la nudité naturelle: Le rire & pleurer: Le sens du chatoïllement: Sourcil en la paupiere basse de l'œil: Nombre visible: la Pointe du cœur en la partie fenestre: le Genouil au deuant: Palpitation du cœur: les Artueils des pieds plus longs que des mains: Saigner du nez, chose estrange, veu qu'il a la teste droite, & la beste l'a baissée. Rougir à la honte: Pallir à la crainte: estre ambidextre: Disposé en tout temps aux œuvres de Venus: Ne remuer les oreilles, qui signifie aux animaux les affections internes, mais l'homme les signifie assez par le rougir, pallir, mouuemens des yeux, & du nez.

Les autres luy sont singuliers, non du tout, mais par excellence & auantage, car elles se trouuēt es animaux, mais en moindre degré: sçauoir multitude de muscles & de poils en la teste: Souplesse & facilité du corps, & de ses parties à tout mouuemēt & en tout sens: Eleuation des tetins: Grossueur &

I.
Proprie-
tés sin-
gulieres
du tout

2.
Auan-
tageu-
ses.

abondance de cerueau: Grandeur de vessie: Forme de pied , longue au deuant , courte au derriere: Abondance, clarté, & subtilité de sang: Mobilité & agilité de langue: Multitude & variété de songes, telle qu'il semble estre seul songeant : Esternuement: Brestant de remuëmens des yeux , du nez, des leures.

3.
Contenances diuerses.
Il y a aussi des contenances propres & singuliers, mais differentes, les vnes sont des gestes, mouuemens & contenances artificielles & affectées: D'autres en ont de si propres & naturelles, qu'ils ne les sentent ny ne les recognoissent point, comme pancher la teste, rincer le nez. Mais tous en ont qui ne partent point du discours, ains d'une pure, naturelle, & prompte impulsion, comme mettre la main au deuant, aux cheutes.

Des biens du Corps, Santé, Beauté, & autres.

CHAP. V.

Recô-
manda-
tion de
la San-
té.

LEs biens du corps sont la Santé, Beauté. Allégresse, force, vigueur, adresse & disposition. Mais la santé est la première, & passe tout. La santé est le plus beau & plus riche present que nature nous sçache faire, preferable à toute autre chose, non seulement science, noblesse, richesses, mais à la Sagesse mesme, ce disent les plus austeres Sages, C'est la seule chose qui merite que l'on employe tout, voire la vie mesme pour l'auoir, car sans elle la vie est sans goust, voire iniurieuse, la vertu & la sagesse ternissent & s'esuanoüissent: sans elle: quel secours apportera au plus grand homme qui

soit, toute la sagesse, s'il est frappé du haut mal, d'une Apoplexie ? Certes ie ne luy puis preferer aucune chose que la seule prud'homme, qui est la santé de l'ame. Or elle nous est commune avec les bestes, voire le plus souvent plus avantageuse, forte, & vigoureuse en elles, qu'en nous. Or combien que ce soit vn don de nature, *gaudeant bene nati*, octroyé en la premiere conformation, si est-ce que ce qui vient apres, le lait, le bon reglement de viure, qui consiste en sobriété, mediocre exercice, se garder de tristesse, & toute sorte d'émotion, la conserue fort. La maladie & la douleur sont les contraires, qui sont les plus grands, & peut estre les seuls maux de l'homme, desquels sera parlé cy apres: Mais en ceste conseruation les bestes aussi, suiuant simplement nature qui a donné la santé, ont l'avantage, l'homme s'y oublie souvent, & puis la paye en son temps.

La beauté vient apres, qui est vne piece de grâde ^{2.} Beauté recommandation au cōmerce des hommes. C'est le premier moyē de cōclusion des vns avec les autres, & est vray-semblable que la premiere distinction qui a esté entre les hōmes, & la premiere cōsideration qui donna prééminence aux vns sur les autres, a esté l'aduantage de la beauté: C'est aussi vne qualité puissāte, il n'y en a point qui la passe en credit, ny qui aye tant de part au cōmerce des hōmes, il n'y a barbare si resolu qui n'en soit frappé. Elle se presente au deuant, elle seduit & preoccupe le iugement, donne des impressions, & presse avec grande autorité, dont Socrates l'appelloit vne courtte tyrannie. Platō le priuilege de nature; car il sēble que celuy qui porte sur le visage les faueurs

de la nature imprimées en vne rare & excellente beauté, ayt quelque legitime puissance sur nous, & que tournât nos yeux à soy il y tourne aussi nos affections, & les assuiettisse malgré nous. Aristote dit, qu'il appartient aux beaux de commander, qu'ils sont venerables apres les Dieu, qu'il n'appartient qu'aux auengles de n'en estre touchez. Cyrus, Alexandre, Cesar, trois grands commandeurs des hommes s'en sont seruis en leurs grands affaires, voire Scipion le meilleur de tous: Beau & Bon sont confins, & s'expriment par mesmes mots en Grec & en l'Ecriture sainte. Plusieurs grands Philosophes ont acquis leur sagesse par l'etremise de leur beauté: elle est considerée mesme & recherches aux bestes.

3. Il y a diuerses considerations en la beaulté; celle des hommes est proprement la forme & la taille du corps, les autres beautez s'ont pour les femmes. Il y a deux sortes de beaulté, l'une arrestée, qui ne se remue point, & est en la proportion & couleur deuë des membres, vn corps qui ne soit enflé ny bouffi, auquel d'ailleurs les nerfs ne paroissent point, ny les os ne percent point la peau, mais plein de sang d'esprits & en bon point, ayât les muscles releués, le cuir poly, la couleur vermeille: L'autre mouuante qui s'appelle bonne grace, qui est en la conduite des mouuemens des membres, surtout des yeux: Celle là seule est cōme morte, cette-cy est agente & viuante. Il y a des beautez rudes, fieres, aigres, d'autres douces, voire encores fades.

4. La beaulté est proprement considerable au visage: Il n'y a rien de plus beau en l'homme que l'ame, & au corps que le visage, qui est cōme l'ame r'accour-

4.
Du vi-
age,

cie, c'est la montre & l'image de l'ame, c'est son escusson à plusieurs quartiers, representant le recueil de tous lestitres de sa noblesse, planté & colloqué sur la porte & au frontispice, afin que l'on sçache que c'est là sa demeure & son Palais, c'est par luy que l'on cognoist la personne, c'en est vn abrégé: c'est pourquoy l'art qui imite nature, ne se soucie pour représenter la personne, que de peindre ou tailler le visage.

Au visage humain il y a plusieurs grandes singularitez qui ne sont ny aux bestes: (Aussi à vray dire elles n'ont point de visage) ny au reste du corps humain: Nombre & diuersité de pieces & de façon en icelles, aux bestes le menton, les ioües, le frôt ne sont point, & beaucoup moins de façon: Varieté de couleurs: car en l'œil seul le noir, le blanc, le verd, le bleu, le rouge, le cristalin. Proportion, les siens y sont doubles se respondans l'un à l'autre, & se rapportans si bien, que la grandeur de l'œil est la grandeur de la bouche, la largeur du front est la longueur du nez, la longueur du nez est celle du menton, & des leures. Admirable diuersité des visages, & telle qu'il ne s'en trouueroient deux semblables en tout & partout, c'est vn chef-d'œuvre, qui ne se trouue en toute autre chose: Cette diuersité est tres-vtile, voire necessaire à la société humaine, premierement pour s'entrecognoistre, car maux infinis, voire la dissipation du genre humain s'ensuiuroit, si l'on venoit à se mesconter par la semblance des visages, ce seroit vne pire confusion beaucoup que celle de Babel, l'on prendroit sa fille pour sa sœur, pour vne estrangere, son ennemy pour son amy. Si nos faces n'estoient sem-

5.
Sept
singula-
rité d'i-
celuy.

1.

2.

3.

4.

blables l'on ne scauroit discerner l'homme de la beste, si elles n'estoiēt dissemblables, l'on ne scauroit discerner l'homme de l'homme. C'est aussi vn grand artifice de nature qui a posé en cette partie quelque secret de contenter vn ou autre en tout le monde, car de cette diuersité vient qu'il n'y a personne qui ne soit trouué beau par quelqu'un. Dignité & honneur en sa figure ronde, en sa forme droite, & haute eleuée, nuë & descouuerte, sans poil, plume, escaille, comme aux bestes, visant au ciel. Grace, douceur, venusté plaisante, & agreable iusques à crocheter les cœurs, & raur les volontez, comme a esté dit cy-dessus. Bref, le visage est le throsne de la beauté & de l'amour, le siege du ris & du baiser, deux choses tres-propres à l'homme, tres-agreables, les vrayes & plus exprez symboles d'amitié & de bonne intelligence. Finalement il est propre à tous changemens, pour declarer les mouuemens internes & passios de l'ame, ioye, tristesse, amitié, hayne, enuie, malice, honte, colere, despit, ialousie, & autres. Il est comme la montre de l'orloge, qui marque les heures & momens du temps, estans le mouuemens & roües cachez au dedans : & comme l'air qui reçoit toutes les couleurs & changemens du temps, montre quel temps il fait, aussi dit-on l'air du visage, *corpus animi regit, & detegit, in facie legitur homo.*

8. La beauté du visage gist en vn frōt large & quarré, tendu, clair & serain, sourcils bien rāgez, menus & deliez, l'œil bien fendu, gay, & brillant: le laisse la couleur en dispute: Le nez bien vuidé, bouche petite, levres coralines, menton court & fourchu, jouës releuées, & au milieu le plaisant gelasin, oreille

Descrip
tion de
la beau-
té du
visage.

oreille ronde & bien troussée, le tout avec vnt teint vif, blâc, & vermeil. Toutefois cette peinture n'est pas receuë partout, les opinions de beauté sont bien différentes selon les natiōs. Aux Indes la plus grande beauté est en ce que nous estimons la plus grande laideur, sçauoir en couleur basanée, levres grosses & enflées, nez plat & large, les dents teintes de noir ou de rouge, grandes oreilles pendantes aux hommes, front petit & velu, les tetins grands & pendâts, afin qu'elles puissent les bailler à leurs petits par dessus les espaules, & vsent de tout artifice pour paruenir à cette forme: Sans aller si loin, en Espagne la beauté est vuidée & estrilée, en Italie grosse & massiue: Aux vns plaist la molle & delicate & mignarde, aux autres la forte, vigoureuse, fiere & magistrale.

La beauté du corps, spécialement du visage, doit selon raison demonstrier & tesmoigner vne beauté en l'ame (qui est vne qualité & reglement d'opinions & de iugemens, avec vne fermeté & constāce) car il n'est rien plus vray semblable que la conformité & relation du corps à l'esprit: quād elle n'y est, il faut penser qu'il y a quelque accident qui a interrompu le cours ordinaire, comme il aduient, & nous le voyons souuent: Car le lait de la nourrice, l'institutiō premiere, les compagnies apportent des grands changemens au naturel originel de l'ame, soit en bien soit en mal: Socrates confessoit que la laideur de son corps accusoit iustement la laideur naturelle de son ame, mais que par institutiō il auoit corrigé celle de l'ame. C'est vne foible & dangereuse cautiō que la mine, mais ceux qui démentent leur bonne ph;siognomie, sont

7
Beauté
del'es-
prit &
du
corps;

D

50 DE LA SAGESSE,
plus punissables que les autres, car ils falsifient &
trahissent la bonne promesse que nature a planté
en leur front, & trompent le monde.

Des Vestemens du corps.

C H A P. VI.

Nudité
est na-
turelle.

IL y a grande apparence que la façon d'aller tout
nud, tenuë encores par vne grande partie du
monde, soit l'originelle des hommes, & l'autre de
se vestir artificielle & inuentée pour esteindre la
nature, comme ceux qui par artificielle lumiere
veulent esteindre celle du iour : Car nature ayant
suffisamment pourueu par tout, toutes les autres
creatures de couuerture, il n'est pas à croire qu'elle
ayt pirement traité l'homme, & l'aye laissé seul
indigent, & en estat qu'il ne se puisse maintenir
sans secours estranger : & sont des reproches in-
iustes, que l'on fait à nature, comme marastre. Si
originellement les hommes eussent esté vestus, il
n'est pas vray semblable qu'ils se fussent aduisez
de se despoïiller & mettre tout nuds, tant à cause
de la santé qui eust esté extrêmement offensée en
ce changement, que pour la honte, & toutesfois
il se fait & garde par plusieurs nations, & ne faut
alleguer que c'est pour cacher les parties honteu-
ses, & contre le froid (ce sont les deux raisons
pretendues, contre le chaud, il n'y a point d'appa-
rence) car nature ne nous a point appris y auoir
des parties honteuses; c'est nous mesmes qui par
nostre faute nous nous le disons. *Quis indicauit tibi
quod nudus esses, nisi quod ex ligno quod preceperam
tibi ne comederes, comedis, &* & nature les a desia assez
cachées, mis loin des yeux, & couuers: & au pis al-

lier ne faudroit couvrir que ces parties là seulement, cōme font aucuns en des pais où ils vōt tous nuds; où d'ordinaire ils ne les couurent pas : & qu'est-cela que l'homme n'osant se montrer nud au monde, luy qui fait le maistre, se cache sous la despoüille d'autruy, voite s'en pare? Quand au froid & autres necessitez particulieres & locales, nous sçauons que sous mesme air, mesme ciel, on va nud & habillé, & nous auons bien la plus delicate partie de nous toute descouuerte, dont vn gueux interrogé, cōme il pouuoit aller ainsi nud en hyuer, respondit que nous portons bien la face nuë, que luy estoit toute face, & plusieurs grands alloient tousiours teste nuë, Massinissa, Cesar, Annibal, Seuerus: & y a plusieurs nations qui vont à la guerre & combattent tout nuds. Le conseil de Platon pour la santé est de ne couvrir la teste ny les pieds : & Varron dit que quand il fut ordonné de descouvrir la teste en la presence des Dieux & du Magistrat, ce fut plus pour la santé, & s'endurcir aux iniures du temps, que pour la reuerence. Au reste l'inuétion des couuerts, & maisons contre les iniures du ciel & des hommes, est bien plus ancienne, plus naturelle & vniuerselle que des vestemens, & commune avec plusieurs bestes, mais la recherche des alimens marche bien encores deuant. De l'usage des vestemens, comme des alimens, cy-apres.

Lib. i. c.
19. & 40

De l'Âme en general.

CHAP. VII.

VOicy vne matiere difficile sur toutes, traitée & agitée par les plus sçauāns & sages de toutes Nations, specialemēt Egyptiens, Grecs, Arabes, &

Latins par ces derniers plus maigrement, comme toute la Philosophie, mais avec grãde diuersité d'opinions, selon les diuerses Nations, Religions, professions, sans accord ny resolution certaine. La generale cognoissance & dispute d'icelle, se peut rapporter à ces dix points. Definition, Essence ou Nature, Facultez & actions, Vnité ou Pluralité, Origine, entrée au corps, Residence en iceluy, Siege, Suffisance à exercer les fonctions, la fin & separation du corps.

I. Il est premierement tres-difficile de definir & bien dire au vray que c'est que l'ame, cōme generalement toutes formes, d'autant que ce sont choses relatives, qui ne subsistent point d'elles-mesmes, mais sont parties d'un tout; & c'est pourquoy il y a vne telle & si grande diuersité de definitions d'icelle, desquelles n'y en a aucune receüe sans contredit: Aristote en a refusé douze qui estoient deuant luy, & n'a peu bien establir la sienne.

Aysé à dire ce qu'elle n'est pas. Il est bien aisé à dire ce que ce n'est pas: Que ce n'est pas Feu, Air, Eau: ny le temperament des 4. Elemens ou qualitez, ou humeurs; lequel est tousiours muable, sans lequel l'animal est, & vit: & puis c'est accident & l'ame est substance: Item les Mineraux & les choses inanimées ont bien un temperament des 4. Elemens, & qualitez premieres. Ny sang (car il y a plusieurs choses animées & vivantes sans sang, & plusieurs animaux meurent sans perdre goutte de sang.) Ny principe ou cause de mouuement (car plusieurs choses inanimées meuuent, comme la pierre d'Aymant meut le fer, l'ambre la paille, les medicaments, les racines des arbres coupées & seches tirent & meuuent.) Ny l'acte, ou

vie, ou energie, ou perfection : (car ce mot l'Entelechie est diuersemēt tourné & interpreté du corps viuant: Car tout cela est l'effect & l'action de l'ame & nō l'ame; comme le viure, le voir, l'entēdre & l'action de l'ame. Et puis il s'ensuiuroit que l'ame seroit accident & non substance: & ne pourroit estre sans ce corps, duquel elle est acte & perfection, non plus que le couuercle d'une maison ne peut estre sans icelle, & vn relatif sās correlatif: Bref, c'est dire ce qu'elle fait & est à autrui, nō ce qu'elle est en soi.

Mais de dire ce que c'est, il est tres-mal aisé: l'on peut bien dire tout simplement que c'est vne forme essentielle viuiifiante, qui dōne à la plante vie vegetatiue, à la beste vie sensitive, laquelle comprend la vegetatiue, à l'hōme vie intellectiue, qui comprend les deux autres, cōme aux nōbres le plus grād contient les moindres, & aux figures le pentagone cōtient le tetragone, & cestuy-cy le trigone. J'ay dit l'intellectiue plustost que la raisonnable, qui est cōprise en l'intellectiue, comme le moindre au plus grand: Car la raisonnable, en quelque sens & mesure, selon tous les plus grands Philosophes; & l'experience se trouue aux bestes; mais nō l'intellectiue qui est plus haute, *Sicut equus & mulus, in quibus non est intellectus*. L'ame donc est nō le principe, ce mot ne conuient proprement qu'à l'auteur souverain premier, mais cause interne de vie, mouuemēt, sentiment, entendement. Elle meut le corps, & n'est point meüe, ainsi qu'au contraire le corps est meü & ne meut point: elle meut disie le corps, & nō soy-mesme; car rien ne se meut soy-mesme que Dieu, & tout ce qui se meut soy-mesme est eternal, & maître de soy: Et qu'elle meut le corps, ne l'a point de soy, mais de plus haut.

Et nō ce
qu'elle
est.

27.
Sa na-
ture &
essence.

In hom.
despir.
l. 3. deli.
orb.
Hom. de
Epith.

De quelle Nature & essence est l'Ame, l'humaine s'entend (car la brutale sans aucun doute est corporelle, materielle, esclose & née avec la matiere, & avec elle corruptible) c'est vne question, qui n'est pas si petite qu'il semble: car aucuns l'affirmēt corporelle, les autres incorporelle: cecy est fort accordable si l'on ne veut opiniastrer. Qu'elle soit corporelle, voicy de quoy: les Esprits & Demons bons & meschans qui sont du tout separez de la matiere, sont corporels par le dire de tous les Philosophes & principaux Theologiens, Tertullien, Origene, S. Basile, Gregoire, Augustin, Damascene: combien plus l'ame humaine qui a commerce, & est iointe à la matiere? leur resolution est que toute chose créée, comparée à Dieu, est grossiere, corporelle, materielle, Dieu seul est incorporel. Que tout esprit est corps & de nature corporelle. Apres l'autorité presque vniuerselle, la raison est irrefragable: Tout ce qui est enfermé dedans ce mode finy, est finy, limité en vertu & en substance, borné de superficie, clos & compris en lieu, qui sont les vrayes & naturelles conditions d'un corps. Car il n'y a que le corps qui aye superficie, qui soit referé & enfermé en lieu. Dieu seul est par tout, infiny, incorporel, les distinctions ordinaires *circumscriptiue, definitiue, affectiue*, ne sont que verbales, & ne destruisent en rien la chose, car tousiours il demeure vray que les Esprits sont tellement en lieu, qu'en ce mesme temps qu'ils sont en vn lieu, ils ne peuvent estre ailleurs, & ne sont en lieu ou infiny, ou tres-grand, ou tres-petit, mais esgal à leur mesurée & finie substance & superficie. Et si cela n'estoit ainsi, les esprits ne changeroient point de lieu, ne monteroient ny ne descendroient, comme

L'Eſcriture affirme qu'ils ſont, & par ainſi ſeroient immobiles, indiuiſibles, ſeroient par tout indifféremment: Or eſtil qu'ils changét de lieu, le changement conuainc qu'ils ſont mobiles, diuiſibles, ſubiectſ au temps & à la ſucceſſion d'iceluy, requiſe au mouvement & paſſage d'un lieu à autre, qui ſont toutes qualitez d'un corps. Mais pource que pluſieurs ſimples ſoubs ce mot de corporel, imaginant viſible, palpable, & ne penſent que l'air pur, ou le feu hors la flamme & le charbon ſoient corps, ils ont dit que les eſprits tant ſeparez, que humains ne ſont corporels, comme de vray ils ne le ſont en ce ſens, car ils ſont d'une ſubſtance indiuiſible, ſoit aérée, comme veulent la plus part des Philoſophes & Theologiens, ou celeſte, comme aucuns Hebreux & Arabes, appellans de meſme nom le ciel & l'eſprit eſſence propre à l'immortalité, ou plus ſubtile & deliée encores, ſi l'on veut, mais toujours corporelle, puis qu'elle eſt finie & limitée de place & de lieu, mobile, ſubiect au mouvement & au tēps: Finalement, ſ'ils n'eſtoient corporels ils ne ſeroient pas paſſibles, & capables de ſouffrir comme ils ſont, l'humain reçoit de ſon corps plaifir, deſplaifir, volupté, douleur, auſſi biē à ſon tour, comme le corps de luy, & de ſes paſſiōs, plus des qualitez bonnes, & mauuiſes vertus, vices, affectionſ, qui ſont tous accidens: Et toutant les ſeparez, & demōns que les humains ſont ſuiets aux ſuppllices & tourmens, ils ſont donc corporels, car il n'y a rien de paſſible qui ne ſoit corporel, c'eſt au corps d'eſtre ſujet des accidens.

Or l'ame a vn tres-grād nombre de vertus & facultez, autāt quaſi que le corps a de membres: elle

Ses facultez & actions

on a aux plantes, plus encores aux bestes, & plus beaucoup en l'homme, sçauoir viure, sentir, mou-
 uoir, appeter, attirer, assembler, retenir, cuire, dige-
 res, nourrir, croistre, reietter, voir, oyr, goustier, flai-
 rer, parler, spirer, respirer, engendrer, penser, opi-
 ner, raisonner, contempler, consentir, dissentir,
 souuenir, iuger; toutes lesquelles choses ne sont
 point parties de l'ame, car ainsi elle seroit diuifi-
 ble, & seroit establie d'accidens, mais sont les qua-
 litez naturelles. Les actions viennent apres & sui-
 uent les facultez, & ainsi sont trois degrez, selon la
 doctrine du grand S. Denis, suivie de tous, qu'il
 faut considerer és creatures spirituelles trois cho-
 ses, essence, faculté, operation: Par le dernier, qui
 est l'action, l'on cognoist la faculté, & par celle-cy
 l'essence. Les actions peuuent bien estre empes-
 chées, & cesser tout, sans preiudice aucun de l'ame
 & de ses facultez, comme la science & faculté de
 peindre demeure entiere au peintre, encore qu'il
 aye la main liée, & soit impuissant à peindre: Mais
 si les facultez perissent, il faut que l'ame s'en aille,
 ne plus ny moins que le feu n'est plus ayant perdu
 la faculté de chauffer.

4. Son vrayté. Apres l'essence & nature de l'ame aucunemēt ex-
 pliquée, il se presente icy vne questiō des plus grā-
 des, sçauoir si en l'animal, specialement en l'hom-
 me, il n'y a qu'une ame, ou s'il y en a plusieurs. Il y
 a diuersité d'opinions, mais qui reuiennent à trois.
 Aucuns des Grecs, & à leur suite presque tous les
 Arabes ont pensé (non seulement en chacun hom-
 me, mais generally en tous hommes) n'y auoir
 qu'une ame immortelle: Les Egyptiēs pour la plus
 part ont tenu tout au rebours, qu'il y auoit plura-

lité d'ames en chacun, toutes distinctes, deux en chaque beste, & trois en l'homme, deux mortelles, vegetative & sensitive, & la troisieme intellectuelle, immortelle. La tierce opinion, comme moyennée & plus suivie, tenuë par plusieurs de toutes Nations, est qu'il y a vne Ame en chaque Animal sans plus. En toutes ces opinions il y a de la difficulté. Je laisse la premiere comme trop refutée & reiettee. La pluralité d'ames en chaque animal, & hōme d'une part semble bien estrange & absurde en la philosophie; car c'est donner plusieurs formes à vne mesme chose, & dire qu'il y a plusieurs substances & subiets en vn, deux bestes en vne, trois hommes en vn: d'autre part elle facilite fort la creance de l'immortalité de l'intellectuelle; car estans ainsi trois distinctes, il n'y a aucun incōuenient que les deux meurent, & la troisieme demeure immortelle. L'vnité semble resister à l'immortalité; car comment vne mesme indiuisible pourra elle estre en partie mortelle & en partie immortelle: comme semble toutesfois auoir voulu Aristote. Certes il semble par necessité qu'elle soit ou du tout mortelle, ou du tout immortelle, qui sont deux tres lourdes absurditez: la premiere abolit toute religion & saine philosophie, la seconde fait aussi les bestes immortelles. Neantmoins est bien plus vray semblable qu'il n'y a qu'une Ame en chasque animal, la pluralité & diuersité des facultez, instrumens, actions, ny deroge point, ny ne multiplie en riē cette vnité, nō plus que la diuersité des ruisseaux, l'vnité de la source & fontaine, ny la diuersité des effets du Soleil, eschauffer, esclaire, fondre, secher, blāchir, noircir, dissiper, tarir, l'vnité & simplicité du Soleil, autrement il y auroit vn tres-grād nombre d'ames

en vn homme, & de Soleils au monde: & cette vnit   essentielle de l'ame n'empesche point l'immortalit   de l'humaine en son essence, encor   que les facultez vegetatiue & sensitiue, qui sont accidens, meur  t, c'est    dire, ne puissent estre exerc  es hors le corps, n'ayant l'ame subiect ny instrument pour ce faire, mais si fait bien tousiours la troisi  me intellectuelle, car pour elle, n'a point besoin de corps, combien qu'estant dedans iceluy, elle s'en sert pour l'exercer: Que si elle retournoit au corps elle retourneroit aussi derechef exercer ses facult  s vegetatiue & sensitiue, comme se voit aux resuscitez pour viure icy bas: n   aux necessitez pour viure ailleurs, car tels corps n'ont que faire pour viure de l'exercice de telles facultez. Tout ainsi que le Soleil ne manque pas, ains demeure en soy tout mesme & entier, encor   que durant vne pleine eclipse, il n'esclaire ny eschaufe, & ne fasse ses autres effect  s aux lieux subiets    icelle.

3. Ayant demonstr   l'unit   de l'ame en chaque
 Son ori. iect, voy  s d'o   elle vient, & c  ment elle entre au
 gine. corps. L'origine des Ames n'est pastenu   pareille de tous, i'entens des humaines, car la vegetatiue & sensitiue des plantes & des bestes, est par l'aduis de tous, toute materielle, & en la semence, dont aussi est elle mortelle, mais de l'ame humaine, il y a eu quatre opinions celebres. Selon la premiere, qui est des Stoiciens tenu   par Philon Iuif, puis par les Manicheens, Priscillianistes, & autres: Elle est extraite & produite comme par celle de la substance de Dieu, qui l'inspire au corps, prenans    leur aduantage les paroles de Moys  , *Inspirauit in faciem eius spiraculum vite*: La seconde tenu   par Tertullien, Apollinaris, les Luciferiens, & autres

Chrestiens, dit qu'elle vient & deriue des ames des parens avec la semence, à la façon des ames brutales: la troisieme des Pythagoriciens & Platoniciens, tenuë par plusieurs Rabins & Docteurs Iuifs, puis par Origene & autres Docteurs Chrestiens, dit qu'elles ont esté du cōmencement toutes créées de Dieu, faictes de rien, & reseruées au ciel, pour puis estre enuoyées icy bas, selon qu'il est besoin, & que les corps sont formés & disposez à les recevoir, & de là est venuë l'opinion de ceux qui ont pensé que les ames estoient icy bien ou mal traitées & logées en corps sains ou malades, selon la vie qu'elles auoient mené là haut au ciel auant estre incorporées: Et certes le maistre de la sagesse montre bien, qu'il croit que l'Ame est l'ainée, & auant le corps, *Erumpuer, bonam indolem sortitus, imo bonus cōesset, corpus incontaminatum reperi.* La quatrieme receuë, & qui se tient en la Chrestienté, est qu'elles sont toutes recreées de Dieu, & infuses aux corps préparés, tellement que la creation & infusion se fasse en mesme instant. Ces quatre opinions sont affirmatiues, car il y en a vne cinquiesme plus retenue, qui ne definit rien, & se contente de dire que c'est vne chose secrette & incognuë aux hommes, de laquelle ont esté saint Augustin, Gregoire & autres, qui toutesfois ont trouué les deux dernieres affirmatiues plus vray-semblables que les deux premieres.

De orig.
Ep. l. 18.

157.

Voyons maintenant, quand & comment elle entre au corps, si toute entiere en vn coup, ou successiuelement, l'entēs de l'humaine, car de la brutale n'y a aucune doute, puis qu'elle est naturelle en la semence, selon Aristote le plus suiui, c'est par successiue de temps & par degrez, comme la forme artificielle.

6.

Son entrée au corps.

cielle que l'on feroit par pieces, l'une apres l'autre, la teste, puis la gorge, le ventre, les iambes; d'autant que l'ame vegetative & sensitive toute materielle & corporelle, est en la semence, & avec elle descendue des parens, laquelle conforme le corps en la matrice, & iceluy fait, arriue la raisonnable de dehors, & pour cela n'y a ny deux ny trois ames, ny ensemble, ny successiuelement, & ne se corrompt la vegetative par l'arriuee de la sensitive, ny la sensitive par l'arriuee del'intellectuelle, ce n'est qu'une qui se faict, s'acheue & parfaict avec le temps prescript par Nature. Les autres veulent qu'elle y entre avec toutes les facultez en vn corps, sçauoir lors que tout le corps est organisé, formé, & tout acheué, & qu'auparauant n'y a eu aucune ame, mais seulement vne vertu & energie naturelle, forme essentielle de la semence, laquelle agissant par les esprits qui sont en ladicte semence, avec la chaleur de la matrice & sang maternel, comme par instruments, forme & bastit le corps, agence tous les membres, les nourrit, meut, & accroist : Ce qu'estant fait, cette energie & forme seminale s'esuanoit & se perd, & par ainsi la semence cesse d'estre semence, pendant sa forme par l'arriuee d'une autre plus noble que est l'ame humaine, laquelle fait que ce qui estoit semence ou embryon ne l'est plus, mais est homme.

7.
Son exi-
stence au
corps.

Estant entrée au corps, faut sçauoir de quel genre & sorte est son existence en iceluy, quelle, & comment elle y fait sa residence. Aucuns Philosophes empeschent à le dire, & à bien ioindre & vnir l'ame avec le corps, la font demeurer & resider en iceluy cōme vn maistre en sa maison, le Pilote en son nauire, le cocher en son coche : mais c'est tout de-

struire ; car ainsi ne seroit-elle point la forme ny partie interne & essentielle de l'animal, ou de l'homme , elle n'auroit besoin des membres du corps pour y demeurer , ne se sentiroit en rien de la contagion, mais seroit vne substance toute distincte au corps, subsistant de soy , qui pourroit à son plaisir aller & venir, & se separer du corps sans distinction d'iceluy, & sans diminution de toutes ses fonctions, qui sont toutes absurditez : l'ame est au corps comme la forme en la matiere , estenduë & respanduë par tout iceluy donnant vie, mouvement, sentimēt, à toutes ses parties , & tous les deux ensemble ne font qu'une Hypostase, vn sujet entier, qui est l'animal , & n'y a point de milieu qui les nouë & lie ensemble ; car entre la matiere & la forme il n'y a aucun milieu , ce dit toute la Philosophie : l'ame donc est toute en tout le corps , ie n'adiouste point (encores que soit le dire commun) qu'elle est toute en chasque partie du corps ; car cela implique contradiction , & diuise l'ame.

Or combien que l'ame , comme dit est, soit par tout le corps diffuse & respanduë, si est-ce que pour exploiter & exercer ses facultez elle est plus spécialement & expressément en certains endroits du corps , qu'és autres, esquels est dite auoir son siege, & non y estre toute entiere ; car le reste seroit sans ame & sans forme : Et comme elle a quatre principales & maistresses facultez, aussi luy donne l'on quatre sieges , ce sont les quatre regions que nous auons marqué cy-dessus en la cōposition du corps, les quatre premiers & principaux instrumens de l'Ame : les autres se rapportent & dépendent de ceux-cy, comme aussi toutes les facultez à celles

8.
Son sie-
ge & les
instru-
mens.

cy, ſçauoir pour la faculté genitale les Genitoires, pour la naturelle le Foye, pour la vitale le cœur, pour l'animale & intellectuelle le Cerueau.

9. Il vient maintenant à parler en general de l'exer-
 La ſuffi- cice de ſes facultez: A quoy l'ame eſt de ſoy ſçauan-
 ſance à te & ſuffiſante, d'ôt elle ne faut point à produire ce
 l'exerci- qu'elle ſçait, & bien exercer ſes fonctions, comme
 eede ſes il faut ſi elle n'eſt empeſchée, & moyennant que ſes
 facultez- instrumens ſoient bien diſpoſés : Dont a eſté bien
 & vrayement dit par les Sages, que Nature eſt ſage,
 ſçauante, induſtrieuſe, ſuffiſante maiſtreſſe, qui eſt
 habile à toutes choſes; *Inſta ſunt nobis omnium arriu
 ac virtutum ſemina, magiſter que ex occulto Deus producit
 ingenia*: ce qui eſt aiſé à monter par induction : La
 vegetatiue ſans inſtruction forme le corps en la ma-
 trice tant excellemment, puis le nourrit & le fait
 croiſtre, attirant la viande, la retenant & cuiſant,
 puis rejetant les excremens, elle engendre & refait
 les parties qui defaillēt, ce ſont choſes qui ſe voyēt
 aux plantes, beſtes & en l'hōme. La ſenſitiue de ſoy
 ſans inſtruction fait aux beſtes, & en l'homme, re-
 mouer les pieds, les mains, & autres membres, les
 gratter, frotter, ſecoier, demener les levres, tetter,
 plorer, rire: La raiſonnable de meſmes, non ſelon
 l'opinion de Platon, par reminiſcence de ce qu'elle
 ſçauoit auant entrer au corps, ny ſelon Ariſtote,
 par reception & acquisition, venant de dehors par
 les ſens, eſtant de ſoy vne carte blanche & vuide,
 combien qu'elle ſ'en ſert fort, mais de ſoy ſans in-
 ſtruction, imagine, entend, retient, raiſonne, diſ-
 court. Mais pource que cecy ſemble plus difficile
 de la raiſonnable que des autres, & heurte aucu-
 nement Ariſtote, il en ſera dauantage traitté en

son lieu au discours de l'ame intellectuelle.

Il reste encores le dernier point de l'ame, sa sepa-
 ratio d'auec son corps, laquelle est de diuerses for-
 tes & genres, l'une est l'ordinaire & naturelle par
 mort, cette-cy est differente entre les animaux &
 l'homme: Car par la mort des animaux l'ame meurt
 & est aneantie selon la regle, qui porte que par la
 corruption du subiect la forme se perd & petit, la
 matiere demeure: Par celle de l'homme, l'ame est
 bien separée du corps, mais elle ne se perd, ains de-
 meure, d'autant qu'elle est immortelle.

L'immortalité de l'ame est la chose la plus vni-
 versellement, religieusement (c'est le principal
 fondement de toute religion) & plausiblement re-
 tenuë par tout le monde, l'enten d'une externe &
 publique profession, car d'une serieuse, interne &
 vraie non passant, tesmoin tant d'Epicuriens, li-
 bertins, & mocqueurs; Toutesfois les Saduceens,
 les plus gros Milours des Iuifs n'en faisoient point
 la petite bouche à la nier: la plus vtilement creuë,
 aucunement assez prouuée par plusieurs raisons
 naturelles & humaines, mais proprement & mieux
 establie par le ressort de la Religion, que par tout
 autre moyen. Il semble bien y auoir vne inclina-
 tion & disposition de nature à la croire, car l'hom-
 me desire naturellement alonger & perpetuer son
 estre, d'où vient aussi ce grand & furieux soin &
 amour de nostre posterité & succession: Puis deux
 choses seruent à la faire valoir & rendre plausible,
 l'une est l'esperance de gloire & reputation, & le
 desir de l'immortalité du nom, qui tout vain qu'il
 est, a vn merueilleux credit au monde: l'autre est
 l'impression que les vices qui se desrobent de la

10.
Sa sepa-
ration
du
corps
double.
1. Natu-
relle &
ordi-
naire.

2.
L'im-
morta-
lité de
l'ame.

Receus.

veüe & cognoissance de l'humaine iustice demeurant tousiours en butte à la diuine, qui les chastiera, voire apres la mort ; Ainsi outre que l'homme est tout porté & disposé par nature à le desirer, & par ainsi la croire, la iustice de Dieu la conclud.

3. De là nous apprendrons y auoir trois differences & degrez d'ames, ordre requis à la perfection de l'vniuers. Deux extremes, l'vn de celles qui estans du tout materielles, plongées, enfondrées & inseparables de la matiere ; & ainsi avec elle corruptibles : ce sont les brutales : l'autre au contraire de celles qui n'ont aucun commerce avec la matiere & le corps, comme les Demons immortels : Et au milieu est l'humaine qui comme moyenne n'est du tout attachée à la matiere, ny du tout sans elle, mais est iointe avec elle, & peut aussi sans icelle subsister, & viure. Cet ordre & distinction est vn bel argument pour l'immortalité, ce seroit vn vuide, vn défaut & deformité trop absurde en nature, honteuse à son auteur, & ruineuse au monde, qu'entre deux extremes, le corruptible & incorruptible, il n'y eust point de milieu, qui fust en partie, & l'vn & l'autre : Il en faut par necessité vn qui lie & ioigne les bouts, & n'est autre que l'homme. Au dessous les infimes, & du tout materielles, est ce qui n'en a point, comme les pierres : Au dessus les plus hautes & immortelles, est l'eternel vniue Dieu.

4. L'autre separation non naturelle ny ordinaire, & qui se fait par boutée & par fois, est très-difficile à entendre, & fort perplexe : C'est celle qui se fait par extase & rauissement, qui est fort diuerse, & se fait par moyens fort differents. Car il y en a de

3.
Sapre-
uc.

4.
Non
natu-
relle.

de diuine, telle que l'Eſcriture nous rapporte de Daniel, Zacharie, Eſdras, Ezechiel, ſainct Paul. Il y en a de Demoniacle procurée par les Demôs & eſprits bons ou mauuais, ce qui ſe lit de pluſieurs, comme de Iean Duns dit Leſcot, lequel eſtant en ſon extaſe trop longuement tenu pour mort, fut porté & ietté en terre, mais comme il ſentit les coups que l'on luy iettoit, reuint à ſoy & fut retiré, mais pour auoir perdu le ſang & la teſte caſſée, il mouruſt toſt du tout : Cardan le dit de ſoy & de ſon pere. Et demeure bien veriſié autentiquement en pluſieurs & diuers endroits du monde, de pluſieurs, & preſque touſiours populaires, foibles, & femmes poſſedées, deſquels les corps demeurent non ſeulement ſans mouuement & ſans pouls de cœur & des arteres, mais encores ſans ſentiment aucun des plus cruels coups de fer & de feu, & puis leurs ames eſtans reuenuës, ils ſentoient de tres-grandes douleurs, & racontoient ce qu'elles auoient veu & fait fort loin de là. Tiercement y a l'humaine qui vient ou de la maladie que Hypocrates appelle ſacrée, le vulgaire Malcaduc, *morbis comitialis*, auquel l'on eſcume par la bouche, qui eſt ſa marque, laquelle n'eſt point aux poſſedez, mais en ſon lieu y a vne puante ſenteur : Ou des medicamens narcotiques, ſtupeſians & endormiſſans. Ou de la force de l'imagination, qui s'eſforce & ſe bande par trop en quelque choſe, & emporte toute la force de l'ame. Or en ces trois genres d'extaſe & rauiſſemēt, Diuin, Demoniacle, Humain, la queſtion eſt, ſi l'ame eſt vraiment & realement ſeparée du corps, ou ſi demeurant en iceluy, elle eſt tellement occupée à quelque choſe

Stoiciens, Egyptiens, & autres : non toutesfois de tous en mesme sens, car les vns l'ont admise seulement pour la punition des meschans, comme se lit de Nabuchodonosor changé en bœuf par punition diuine. D'autres & plusieurs grands ont pensé que les ames bonnes & excellentes estâs separées deuenoient Anges, comme les meschantes, Diabes, il eust esté plus doux de les dire semblables à eux, *Non nubent, sed erunt sicut Angeli*. Aucuns ont dit que les Ames des plus meschans estoient au bout de quelque long temps reduites en rien : Mais il faut apprendre la verité de tout cecy, de la Religion & des Theologiens qui en parlent tout clairement.

De l'Ame en particulier, & premierement de la faculté Vegetative.

CHAP. VIII.

A Pres la description generale del'ame en ces dix points, il faut en parler particulieremēt, selon l'ordre de ses facultez, commençant par les moindres, lequel est tel, Vegetatiue, Sensitiue, Apprehensiue; ou Imaginatiue, Appetitiue, Intellectiue, qui est la souueraine & vrayement humaine. Sous chacune y en a plusieurs, qui leur sont subiettes, & comme partie d'icelles, comme se verra en les traittant de rang.

De la Vegetatiue & plus basse, qui est mesme aux plantes, ie n'en veux parler beaucoup, c'est le propre subiet des Medecins, de la Santé & de la Maladie. Dïrons seulement que sous cete faculté, il y en a trois grandes qui s'entresuiuent, car la premiere sert

Les facultez de l'ame;

De la Vegetatiue & ses subiettes;

à la seconde, & la seconde à la troisieme, & non au rebours. La premiere donc est la nourrisante pour la cōseruatiō del'indiuidu, & à icelle plusieurs autres seruent, l'Attractive de la viande necessaire, la Concoctiue, la Digestiue, separant le propre & bō du mauuais & nuisible: La Retentive, & l'expulsive des superfluites: La seconde, accroissante pour la perfection & quātité deuē à l'indiuidu: La troisieme est la Generatiue pour la conseruation de l'espece. Par où il se void que les deux premieres sont par l'Indiuidu, & agissent au dedans de leur propre corps: La troisieme est pour l'espece, agit & a son effect au dehors en autre corps, dont est plus digne que les autres, & approche de la faculté plus haute qui est la Sensitiue: C'est vn grand tour de perfection de faire vn autre chose semblable à soy.

De la Faculté Sensitiue.

CHAP. IX.

Six
eholes
requis
à l'exer-
cice de
cette
faculté.

EN l'exercice de cette faculté & fonction des sens concurrent ces six, dont y en a quatre dedans & deux dehors. Sçauoir l'ame cōme premiere cause efficiente: La faculté de sentir (qui est vne qualité de l'ame, & non elle mesme) c'est à dire, apperceuoir & apprehender les choses externes, ce qui se fait en cinq façons, dont l'on cōstitue cinq sens (de ce nombre en sera parlé au chap. suiuant) sçauoir, Ouyr, Voir, Flairer, Gouster, Toucher.

L'instrument corporel du sens, & y en a cinq, autant que de sens, L'œil, L'oreille, le haut creux du Nez, qui est l'entrée aux premieres ventricules du cerueau, la Langue, la peau vniuerselle du corps.

L'esprit qui deriue du Cerueau origine de l'ame
 4. sensitive, par certains nerfs ausdits iustrumens, par
 lequel esprit & instrumēt, l'ame exerce sa faculté.

5. L'espece sensible ou l'obiet proposé à l'instru-
 ment, qui est different selon la diuersité des Sens.
 L'obiet de la veüe & de l'œil est selon l'aduís cō-
 mun la couleur, qui est vne qualité adherente au
 corps, & y en a six simples, Blanc, Jaune, Rouge,
 Pourpre, Verd & Bleu: Aucuns y adioustent le se-
 ptiesme, Noir: Mais à vray dire ce n'est couleur,
 ains priuation, ressemblant aux tenebres, cōme les
 couleurs plus ou moins à la lumiere: Des compo-
 sées vne infinité: Mais à mieux dire, c'est la lumie-
 re, qui n'est iamais sans couleur, & sans laquelle
 les couleurs sont inuisibles. Or la lumiere est vne
 qualité qui sort du corps lumineux, laquelle se fait
 voir, & toutes choses, si estant terminée & arrestée
 par quelque corps solide, elle reialit & redouble ses
 rayons, autrement si elle passe sans estre terminée,
 elle ne peut estre veüe, si ce n'est en sa racine du
 corps lumineux d'où elle est partie, ny faire voir
 les autres choses. De l'ouye & l'oreille c'est le son,
 qui est vn bruit prouenant du heurt des deux
 corps, & est diuers, les doux & armonieux addou-
 cit & appaise l'esprit, & à sa suite le corps, chasse
 les maladies de tous deux, l'aigu penetrant & ra-
 uissant, au rebours trouble & blesse l'esprit. Du
 goust est la saueur, qui est de six especes simples,
 Doux, Amer, Aigre, Verd, Salé, Aspre: mais il y en
 a plusieurs cōposez. Du flairement, c'est l'odeur ou
 senteur, qui est vne fumée sortant de l'obiet odori-
 ferant, montāt par le nez aux premiers ventricules
 du Cerueau. Le fort & violent nuit fort au Cer-

ueau, comme le son mauuais : Le temperé & bon au contraire, le resioiit, delecte, & conforte. De l'atouchement est Chaud, Froid, Sec, & Humide, Doux ou Poli, Aspre, le mouuement, le Repos, le Chatouillement.

6. Le milieu ou l'entre deux dudit obiet & de l'instrument, qui est l'air non alteré ny corrompu, mais libre & tel qu'il faut.

2. Ainsi le sentiment se fait quand l'espece sensible se presente par le milieu disposé, à l'instrumēt sain & disposé, & qu'en iceluy l'esprit assistant la reçoit & apprehende, tellement qu'il y a de l'action & passion, & les sens ne sont pas purement passifs; car combien qu'ils reçoient & soient frappez par l'objet, si est-ce aussi qu'en quelque sens & mesure ils agissent, en apperceuant & apprehendant l'espece & image de l'obiet proposé.

3. Anciennement & auparavant Aristote on mettoit difference entre le sens de la veüe & les autres sens, & tenoient tous que la veüe estoit active, & se faisoit en iectant hors l'œil, les rayons au objets externes, & les autres sens passifs receuant la chose sensible: Mais depuis Aristote l'on les a fait tous pareils, & tous passifs, receuant en l'instrument les especes & images de choses, les raisons des anciens au contraire sont aisées à soudre. Il y a de plus belles & hautes choses à dire des sens cy-apres.

Cy-
apres
chap. 10

4. Or outre ces cinq sens particuliers qui sont au dehors, il y a au dedans, le sens commun où tous les objets diuers apperceus par iceux, sont assemblez & ramassez pour estre puis comparez, distinguez & discernez les vns des autres; ce que ne peuvent faire les particuliers, estans chacun attentif

à son obiet propre, & ne pouvant cognoistre de celui de son compagnon.

Des sens de Nature.

C H A P. X.

Toute cognoissance s'achemine en nous par les sens, ce dit-on en l'escole, mais n'est pas du tout vray, comme se verra après. Ce sont nos premiers maistres: elle commence par eux, & se resout en eux: ils sont le commencement & la fin de tout: ^{1.} *Importance des sens naturels.* Il est impossible de reculer plus arriere, chacun d'eux est chef & souverain en son ordre, & a grande domination, amenant vn nombre infiny de cognoissance: l'un ne tient ny ne depend ou a besoin de l'autre, ainsi sont-ils esgalement grands, bien qu'ils ayent beaucoup plus d'estendue, de suite, & d'affaires les vns que les autres, comme vn petit royaume est aussi bien souverain en son petit destroit, que le grand en vn grand Estat.

C'est vn axiome entre nous, qu'il n'y a que cinq sens de nature, pour ce que nous n'en remarquons que cinq en nous, mais il y en peut bien auoir davantage, & y a grand doute & apparence qu'il y en a; mais il est impossible à nous de le scauoir, l'affirmer ou nier: Car l'on ne scauroit jamais cognoistre le defect d'un sens, que l'on n'a jamais eu. Il y a plusieurs bestes qui vivent vne vie pleine & entiere, à qui maque quelque vn de nos cinq sens, & peut l'animal viure sans les cinq sens, sauf l'atouchement, qui seul est necessaire à la vie. Nous viuons tres-commodement avec cinq, & peut estre qu'il nous en maque encor vn, ou deux, ou trois: Mais ne se peut

sçauoir : vn sens ne peut descouvrir l'autre : & s'il en manque vn par nature, l'on ne sçauroit trouuer à dire. L'homme né auetue, ne sçauroit iamais conceuoir qu'il ne voit pas, ny desirer de voir ou regretter la veüe, il dira bien peut estre, qu'il voudroit voir: mais cela viêt qu'il a ouy dire ou appris d'autrui, qu'il a à dire quelque chose: La raisõ est que les sens sont les premieres portes, & entrées à la cognoissance. Ainsi l'homme ne pouuât imaginer plus que les cinq qu'il a, il ne sçauroit deuiner s'il y en a dauantage en nature, mais il y en peut auoir. Qui sçait si les difficultez que nous trouuons en plusieurs ouurages de nature, & les effects des animaux, que nous ne pouuons entendre, viennent du defaut de quelque sens que nous n'auons pas ? Des proprietiez occultes que nous appellons en plusieurs choses, il se peut dire qu'il y a des facultez sensitiues en nature, propres à les iuger & apperceuoir, mais que nous ne les auons pas, & que l'ignorance de telles choses vient de nostre defaut. Qui sçait si c'est quelque sens particulier qui descouure aux coqs l'heure de minuit & du matin, & les esmeut à chanter, qui achemine les bestes à prendre certaines herbes à leur guerison, & tant d'autres choses comme cela: personne ne sçautoit dire qu'ouy, ny que non.

3.
Suffi-
sance.

Aucuns essayent de rendre raison de ce nombre des cinq sens, & prouuer la suffisance d'iceux en les distinguant & comparant diuersement. Les choses externes, obiets des sens sont, où tout près du corps, ou esloignez, si tout près, mais qui demeurent dehors, c'est l'attouchement: s'ils entrent, c'est le goust: s'ils sont plus esloignez & presens en

droite ligne, c'est la veüe: si obliques & par reflexiō, c'est l'ouye. On pourroit mieux dire ainsi, que ces cinq estans pour le seruice de l'homme entier, aucuns sont entierement pour le corps, sçauoir, le Goust & l'attouchement, celuy-là pour ce qui entre, celuy-cy pour ce qui demeure dehors. Autres premierement & principalement pour l'ame, la veüe & l'ouye: La veüe pour l'inuention, l'ouye pour l'acquisition & communication, & vn au milieu pour les esprits metoyens, & liens de l'ame & du corps, qui est le flairer. Plus ils respondent aux quatre Elements, & leur qualitez: L'attouchement à la terre, l'ouye à l'air, le goust à l'eau & l'humide, le flairer au feu: La veüe est composée & a de l'eau & du feu à cause de la splendeur de l'œil: Encores disent-ils qu'il y a autant de sens, qu'il y a de chefs & gères de choses sensibles, qui sont Couleur, Son, Odeur, Saueur, & le cinquiesme, qui n'a point de nom propre, obiet del'attouchement, qui est Chand, Froid, Aspre, Raboteux, Poli, & tant d'autres: Mais l'on se trompe, car le nombre des sens n'a point esté dressé par le nombre des choses sensibles, lesquelles ne sont point cause qu'il y en a autant: selon cette raison, il y en auroit beaucoup plus: & vn mesme sens reçoit plusieurs diuers chefs d'obiects: & vn mesme obiet est apperceu par diuers sens: dont le chatouillement des aisselles, & le plaisir de Venus, sont distinguez des cinq sens, & par aucuns compris en l'attouchement: Mais c'est plustost de ce que l'esprit n'a peu venir à la cōgnoissance des choses, que par cinq sens, & que nature luy en a autant baillé qu'il estoit requis pour son bien & sa fin.

4.
Compa
raison.

Leurs comparaisons sont diuerses en dignité & noblesse, la veüe excelle sur les autres en cinq choses, s'estend & apperçoit plus loïn iusques aux estoilles fixes: A plus de choses, car à toutes choses par tout y a lumiere & couleur, obiects de la veüe: Est plus exquisite, exacte & particuliere, iusques aux choses plus menües & minces: est plus prompte & subite apperceuant en vn moment iusques au ciel, d'autant que c'est sans mouuement: Aux autres sens y a mouuement qui requiert du temps. Est plus diuine, les marques de diuinité s'ont plusieurs, la liberté, non pareille aux autres, par laquelle l'œil void ou ne void, dont il a les paupieres promptes à ouurir & fermer: la force à ne trauailler & ne se lasser à voir: son actiueté & puissance à plaire ou desplaire, & contenter, ou mescontenter, signifier & insinüer les penfers, volonte, affections, car l'œil parle & frappe, sert de langue & de main, les autres sont purement passifs: la plus noble est la crainte aux tenebres, qui est naturelle, & vient de ce que l'on se sent priné & destitué d'vn tel guide: d'ot l'on desire cōpagnie pour soulagement: or la veüe en la lumiere est au lieu de compagnie: l'ouye en reuanche a biē plusieurs singularitez excellente, elle est bien plus spirituelle & seruant au dedans: Mais la particuliere comparaison de ces deux qui sont les plus nobles, & du parler, sera au chap. suiua. Au plaisir & desplaisir, cōbien que tous en soient capables, si est ce que l'attouchement peut receuoir tres-grād douleur & presque point de plaisir, le goust au cōtraire grand plaisir & presque point de douleur. en l'organe & instrument, l'attouchement est vniuersel, respandu par tout le corps, pour sentir les

coups du chaud & du froid, les autres sont assignez à certain lien & membre.

De la foiblesse & incertitude de nos sens viennent ignorance, erreurs, & tout mesconte: Car puis que par leur entremise vient toute cognoissance, s'ils nous faillent en rapport, il n'y a plus que tenir: Mais qui le peut dire & les accuser qu'ils faillent, puis que par eux on commence à apprendre & cognoistre? Aucuns ont dit qu'ils ne faillent jamais, & que quand ils semblent faillir, la faute vient d'ailleurs, & qu'il s'en faut prendre plustost à toute autre chose, qu'aux sens: Autres ont dit tout au rebours, qu'ils sont faux, & qu'ils ne nous peuvent rien apprendre de certain, mais l'opinion moyenne est la plus vraie.

Or que les sens soient faux ou non, pour le moins il est certain qu'ils trompent, voire forcent ordinairement le discours, la raison: & en eschange sôt trompez par elle. Voila qu'elle belle science, & certitude l'homme peut avoir, quand le dedans & le dehors est plein de fausseté & de foiblesse; & que ces parties principales, outils essentiels de la science se trompent l'un l'autre. Que les sens trompent & forcent l'entendement, il se void és sens desquels les uns eschauffent en farie, autres adoucissent, autres charoüillent l'ame: Et pourquoy ceux qui se font saigner, insister, cauteriser: destournent-ils les yeux, sinon qu'ils scauent bien l'autorité grande que les sens ont sur leurs discours? la vue d'un grand precipice estonne celui qui se scait bien en lieu assésuré, & en fin le sentiment ne vainc-il pas & renuerse toutes les belles resolutions de vertu & de patience?

6.
Foiblesse & incertitude.

6.
Tromperie mutuelle de l'esprit & des sens.

les bestes, mais bien avec nous mesmes, nostre œil pressé & serré voit autrement qu'en son estat ordinaire, l'ouye resserree reçoit les obiects autrement que ne l'estant: autrement voir, oyr, gousté vn enfant qu'un homme fait, & cestuy-cy qu'un vieillard, vn sain qu'un malade, vn sage qu'un fol. En vn si grande diuersité & contrariété, que faut-il tenir pour certain? Voire vn sens dément l'autre, vne peinture semble releuée à la veüe, à la main elle est platte.

Du Voir, Oyr, & Parler.

CHAP. XI.

CE sont les trois plus riches & excellens joyaux ^{1.} Com-
de tous ceux qui sont en montre, & y a dispu- ^{parai-}
te sur leurs préeminences. Quant à leurs Organes ^{son de}
celuy de la veüe est en sa composition & sa forme ^{ces}
admirable, d'une beauté viue & esclatante, pour la ^{trois;}
grâce variété & subtilité de tant de petites pieces,
d'où l'on dit, que l'œil est vne des parties du corps
qui commencent les premieres à se former, & la
derniere qui s'acheue: Et pour ceste mesme cause
est si delicat, & dit-on, subiect à six vingts mala-
dies: puis vient celui du parler, mais en recompen-
se l'ouye a plusieurs grands aduantages. Pour le
seruice du corps, la veüe est beaucoup plus neces-
saire: Dont il emporte bien plus aux bestes que
l'ouye: Mais pour l'esprit, l'ouye tient le dessus: la
veüe sert bien à l'inuention des choses, qui par elle
ont esté presque toutes descouuertes; mais elle ne
mene rien à perfection: D'auantage la veue n'est ca-
pable, que des choses corporelles & d'indiuidus, &

encores de leur crouste & superficie seulement;
c'est l'outil des ignorans, & imperites, *qui monent
sur ad id quod adest, quodque presens est.*

**Prémi-
nière de
l'ouye.** L'ouye est vn sens spirituel, c'est l'entremetteur
& l'agent de l'entendement, l'outil des sçauans &
spirituels, capable non seulement des secrets & in-
terieurs des indiuidus, à quoy la veüe n'arriue pas,
mais encores des especes, & de toutes choses spiri-
tuelles & diuines, ausquelles la veüe sert plustost
de destourbier que d'aide, d'où y a eu non seulemēt
plusieurs auugles grands & sçauans, mais d'au-
tres encores qui se sont priuez de venës à escient
pour mieux Philosopher, & nul iamais de sourd.
C'est par où l'on entre en la fortesse, & s'en rend-
on maistre, l'on ploye l'esprit en biē ou en mal, tes-
moin la femme du Roy Agamemnon qui fut con-
tenuë au deuoir de chasteté au son de la harpe, &
Dauid qui par mesme moyen chassoit le mauuais
esprit de Saül, & le remettoit en santé: & le ioieur
de flutes, qui amolissoit, & roidissoit la voix de
ce grand Orateur Gracchus; Bref, la science, la ve-
rité & la vertu n'ont point encor d'autre entremi-
se, ny d'entrée en l'ame que l'ouye, voire la Chre-
stiété enseigne, que la foy & le salut est par l'ouye,
& que la veüe y nuit plus qu'elle n'y ayde, que la
foy est la creance des choses qui ne se voyent, la-
quelle est acquise par l'ouye: & elle appelle ses ap-
prêtifs & nouices, auditeurs *αὐτῶν*, Enco-
res adiousteray ie ce mot, que l'ouye apporte vn
grand secours aux tenebres & aux endormis, afin
que par le son ils pouruoyent à leur conseruation.
Pour toutes ces raisons, les Sages recommandent
toute l'ouye, la garde vierge & nette de toute cor-

ruption, pour le salut du dedans: comme pour la seureté de la ville lon fait garde aux portes & murs, afin que l'ennemy n'y entre.

La parole est particulièrement donnée à l'homme, present excellent & fort necessaire: Pour le regard de celuy d'où elle sort. C'est le truchement & l'image de l'ame, *animi index & speculum*, le messenger du cœur; la porte par laquelle tout ce qui est dedans sort dehors & se met en voïe: toutes choses sortent des tenebres & du secret, viennent en lumiere, l'esprit se fait voir; dont disoit vn ancien à vn enfant, parle, afin que ie te voye, c'est à dire ton dedans; Comme les vaisseaux se cognoissent s'ils sont rompus, ouuerts, ou entiers, pleins ou vuides par le son, & les metaux, par la touche, ainsi l'homme par le parler: de toutes les parties du corps qui se voyent & se mōtrent au dehors: celle qui est plus voisine du cœur, c'est la langue par sa racine: Aussi ce qui suit le plus pres la pensée, c'est la parole, de l'abōdāce du cœur la bouche parle. Pour le regard de celuy qui la reçoit c'est vn maistre puissant, & vn regēt imperieux, qui entre en la forteresse, s'empare du maistre, l'agite, l'anime, l'aigrit, l'appaise, l'irrite, le contriste, le resioiuit, luy imprime toute telle passiō qu'il veut, manie & paistrit l'ame de l'escoutāt, & la plie à tout sens, la fait rougir, bleśmir, palir, rire, pleurer, trēbler de peur, tremousser d'estōnement, forcener de colere, tressaillir de ioye, ou trer & transir de passion. Pour le regard de tous, la parole est la main de l'esprit, par laquelle, cōme le corps par la sienne, il prend & donne, il demande conseil & secours & le donne. C'est le grand entre-metteur & courratier, par elle le trafic se fait: *merx à Mercurio*, la paix se traite, les affaires se manient, la

3.
L'force
& au-
thorité
de la
parole.

science & les biens de l'esprit se debitent & distribuent, c'est le lien & le ciment de la societé humaine (moyennāt qu'il soit entēdu) car dit vn ancien, l'on est mieux en la compagnie d'un chiē cogneu, qu'en celle d'un homme duquel le langage est incognu, *ut externus alieno non fit hominis vice*, bref l'outil & instrumēt à toutes choses bōnes & mauuaises, *vita & mors in manibus lingua*. Il n'y a rien meilleur ny pire que la langue : la langue du sage, c'est la porte du cabinet Royal, laquelle s'ouurant, voila incontinent mille choses diuerses se presentent toutes plus belles l'une que l'autre, des Indes Peru, de l'Arabie. Ainsi le sage produit & fait marcher en belle ordonnāce, sentences, & aphorismes de la Philosophie, similitudes, exemples, histoires, beaux mots tirez de toutes les mines & thresors vieux & nouveaux, *qui profert de thesauro suo nona & vetera*, qui seruent au reglement des mœurs, de la police, & de toutes les parties de la vie, & de la mort, ce qu'estant desployé en son temps, & à propos, apporte avec plaisir vne grande beauté & utilité, *mala aurea in lectis argenteis verba in tempore suo*. La bouche du meschant, c'est vn trou puant & pestilentieux, la langue mesdisante, meurtriere de l'honneur d'autrui, c'est vne mer & vniuersité de maux, pire que le fer, le feu, le poison, la mort, l'enfer. *Vniuersitas iniquitatis, ualium iniquitatum, uenenum mortiferum, ignis incendens omnia, mors illius nequissima, uilis potius infernis quam illa*.

4. Or ces deux, L'ouye & la Parole se respondent & rapportent l'une à l'autre, ont vn grand cousinage ensemble, l'un n'est rien sans l'autre, cōme aussi par nature, en vn mesme subiect, l'un n'est pas sans l'autre,

De la
langue
bonne
& mau-
uaise.

Prouer.

Ecclef.

4.

Rap-
port de
l'ouye
& de la
parole.

l'autre. Ce sont les deux grandes portes, par lesquelles l'ame fait tout son trafic, & a intelligence par tout: par ces deux, les ames se versent les vnes dedans les autres, comme les vaisseaux en appliquant la bouche de l'un à l'entrée de l'autre, que si ces deux portes sont closes, comme aux sourds & muets, l'esprit demeure solitaire & miserable: l'ouye est la porte pour entrer, par icelle l'esprit reçoit toutes choses de dehors, & conçoit comme la femelle: la parole est la porte pour sortir, par icelle l'esprit agit & produit comme masle. Par la communication de ces deux, cōme par le choc & hure roide des prieres & fers, sort & faille le feu sacré de verité, car se frottans & limans l'un contre l'autre, ils se desfroüillent, se purifient & s'esclaircissent, & toute cognoissance vient à perfection: Mais l'ouye est la premiere, car il ne peut rien sortir de l'ame qu'il ne soit entré deuant, dont tout sourd de nature est aussi muet: il faut premierement que l'esprit se meuble & se garnisse par l'ouye, pour puis distribuer par la parole, dont le bien & le mal de la parole, & presque de tout l'homme depend de l'ouye, qui bien oyt, bien parle, & qui mal oit, mal parle: de l'usage & de la parole cy-apres.

l. j. c. 41

Des autres facultez, Imaginative, Memorative,

Appetitive,

C H A P. XII.

LA faculté phantastique ou imaginative ayant recueilly & retiré les especes & images appetitives par les sens, les retient, & reserve: tellement qu'estans les objets absens & esloignez, voire l'hō-

me dormant, & les sens clos & assoupis elle les représente à l'esprit & à la pensée, *Phantasmata, idola, seu imagines dicuntur*, & fait à peu près au dedans à l'entendement, ce qu'au dehors l'obiet auoit fait aux sens.

2. La faculté memorative est le Gardoir & le Registre de toutes ces especes & images, apperceuës par les sens, retirées, & cōme seellées par l'imaginatiō.

3. La faculté appetitiue cherche & poursuit les choses qui semblent bonnes & conuenables.

De la faculté intellectuelle, & vrayement humaine.

C H A P. XIII.

1.
Son
siège &
instru-
ment.

DEux choses sont à dire auant tout autre discours, son Siege Instrumēt, & son Action: Le siege del'ame raisonnable, *ubi sedet prouidentia*, est le cerueau & non pas le cœur, comme auant Platon & Hippocrates, l'on auoit communement pensé, car le cœur a sentiment, mouuement, est capable de Sapience. Or le cerueau qui est beaucoup plus grand en l'homme, qu'à tous autres animaux, pour estre bien fait & disposé, afin que l'ame raisonnable agisse biē, doit approcher de la forme d'un nauire, & n'estre point rond, ny par trop grand, ou par trop petit, bien que le plus grand soit moins vicieux, estre cōposé de substāce & de parties subtiles, delicates, & deliées, bien iointes & vnies sans separation, ny entredeux, ayant quatre petits creux ou ventres, dont les trois sont au milieu, rangez de front & collatéraux entr'eux, & derriere eux, tirant au derriere de la tēte, le 4. seul, auquel se fait la preparation & conionction des esprits vitaux, pour

estre puis faits animaux, & portez aux trois Creux de denant, auxquels l'ame raisonnable fait & exerce ses facultez: Qui sont trois, Entendement, Memoire, Imagination, lesquels ne s'exercent point separément & distinctement, chacune en chacun creux ou ventre, comme aucuns vulgairement ont pensé: Mais communément & par ensemble toutes trois en tous trois, & en chacun d'eux à la façon des sens externes qui sont doubles, & ont d'eux creux, en chacune desquels le sens s'exerce tout entier. D'où vient que celui qui est blessé en l'un ou deux de ces trois ventres, comme le Paralytique, ne laisse pas d'exercer toutes les trois, bien que plus foiblement, ce qu'il ne feroit si chacune faculté avoit son creux à part.

Aucuns ont pensé que l'ame raisonnable n'estoit point organique, & n'avoit besoin pour faire ses fonctions d'aucun instrument corporel, pensant par là bien prouver l'immortalité de l'ame: mais sans entrer en un labyrinthe de discours, l'expérience oculaire & ordinaire, dément cete opinion, & convainc du contraire: car l'on sçait que tous hommes n'entendent ny ne raisonnent de mesmes & esgalemēt, ains avec tres-grāde diuersité, & un mesme hōme aussi change, & en un temps raisonne mieux qu'en un autre, en un âge, en un estat & certaine disposition, qu'en un autre, tel mieux en santé qu'en maladie, & tel autre mieux en la maladie qu'en santé: un mesme en un temps preuaudra en Jugemēt, & sera foible en Imagination: D'où peuuent venir ces diuersitez & chāgemens, sinō de l'organe & instrument changeant d'estat? & d'où vient que l'yugnerie, la morsure du chien enragé, vne fièvre ar-

1.
L'ame
raison-
nable
est or-
gani-
que.

déte, vn coup en la teste, vne fumée môtant de l'estomach, & autres accidens feront culbuter & renuerferont entierement le iugement, tout l'esprit intellectuel, & toute la sagesse de Grece, voire cōtraindrôt l'ame de desloger du corps: Ces accidēs purement corporels ne peuuent toucher ny arriuer cette haute faculté spirituelle de l'ame raisonnable, mais seulement aux organes & instrumēs, lesquels estās detraquez & desbauchez, l'ame ne peut biē & reglement agir, & estant par trop forcée & violentée, est contrainte de s'absenter & de s'en aller. Au reste, se seruir d'instrument ne prejudicie point à l'immortalité, car Dieu s'en sert bien, & y accōmode ses actions, & comme selon la diuersité de l'air, region & climat, Dieu produit les hōmes fort diuers en esprit & suffisance naturelle, car en Grece & en Italie, il les produit bien plus ingenieux qu'en Moscouie & Tartarie: aussi l'esprit selon la diuersité des dispositiōs organiques, des instrumēs corporels, raisonne mieux ou moins. Or l'instrument de l'ame raisonnable, c'est le Cerueau & le temperamēt d'iceluy, duquel nous auons à parler.

3. **Temperament** est la mixtion & proportion des
 Du Tē- 4. premieres qualitez, Chaud, Froid, Sec, & Humi-
 pera- de, ou bien vno cinquiēme résultante, cōme l'har-
 mēt du monie de ces 4. Or du temperament du cerueau
 cerueau vient & depēd tout l'estat & l'action de l'Ame rai-
 & de ses sonnable, mais ce qui cause & apporte vne grande
 facul- misere à l'hōme est que les 3. facultez de l'ame rai-
 tez. sonnable, entendement, memoire, imagination, re-
 Enten- quierent & s'exercent par Temperamēs cōtraires.
 dem n. Le Temperament qui sert & est propre à l'enten-
 Sec viel- dement est sec, d'où vient que les aduancez en âge
 leste
 Midy.

prevalent entendement par dessus les ieunes, d'autant que le Cerueau s'essuye & s'asseiche tous jours plus; aussi les melancholiques secs, les affliges, indigens, & qui sont à ieun (car la tristesse & le ieune desseiche) sont prudens & ingenieux, *splendor siccus, animus sapientissimus, vexatio dat intellectionem*: & les bestes du Temperament plus sec, cōme fourmis, abeilles, Elephans, sont prudentes & ingenieuses, cōme les humides, tesmoin le pourceau, sont stupides, sās esprit, & les Meridionaux, secs & moderez en chaleur interne du Cerueau, à cause du violent chaud externe.

Le Tēperament de la memoire est humide, d'où vient que les enfans l'ont meilleure que les vieillards, & le matin apres l'humidité aquisie par le dormir de la nuit plus propre à la memoire, laquelle est aussi plus vigoureuse aux Septētrionaux, l'entēds icy vne humidité non aqueuse, coulante, en laquelle ne se puisse tenir aucune impression, mais aëree, gluāte, grasse & huileuse, qui facilement reçoit & retiēt fort, cōme se voit aux peintures faites en huile: le temperament de l'imagination est chaud, d'où vient que les phrenetiques, moniacles & malades de maladies ardentes, sont excellens en ce qui est de l'imagination, poësie, diuination, & qu'elle est forte en la ieunesse & adolescence (les Poëtes & Prophetes ont fleury en cet aage,) & aux lieux metoïens, entre Septentrion & Midy.

De la diuersité des Tēperamens: il aduient qu'on peut estre mediocre en toutes les trois facultez, mais non pas excellent, & que qui est excellent en l'un des trois, est foible es autres. Que les tēperamens de la memoire & l'entendement soient fort

differeus & contraires, cela est clair, comme le sec & l'humide, de l'imagination qu'il soit contraire aux autres, il ne le semble pas tant : car la chaleur n'est pas incompatible avec le sec & l'humide, & toutefois l'experience montre que les excellens l'imagination sont malades en l'entendement & memoire, & tenus pour fols & furieux : mais cela vient que la chaleur grande qui sert à l'imagination, consomme & l'humidité qui sert à la memoire, & la subtilité des esprits & figures, qui doit estre en la secheresse qui sert à l'entendement, & ainsi est contraire & destruit les deux autres.

De tout cecy il est evident qu'il n'y a que trois principaux temperamens qui seruēt & fassent agir l'ame raisonnable, & distinguēt les esprits, sçauoir le chaud, le sec, & l'humide : Le froid ne vaut à riē, n'est point actif, & ne sert qu'à empescher tous les mouuemens & fonctions de l'ame : & quand il se lit souuent aux auteurs que le froid sert à l'entendement, que les froids du cerueau comme les melancholiques & les Meridionaux, sont prudens, sages, ingenieux, là le froid se prend nom simplement, mais pour vne grande moderation de chaleur. Car il n'y a rien plus contraire à l'entendement & sagesse, que la grande chaleur, laquelle au contraire sert à l'imagination, & selon les trois temperamēts, il y a trois facultez de l'ame raisonnable : mais comme les Temperamēts, aussi les facilitez reçoivent diuers degrez, subdivisions, & distinctions.

Il y a trois principaux offices & differences d'entendement, Inferer, Distinguer, Eslire : Les sciēces qui appartiennent à l'entendement sont la Theologie scolastique, la Theorique de Medecine, la Dia-

Trois
seuls
Tempe-
ramens

le&rique, la Philosophie naturelle & Morale. Il y a trois sortes de difference de memoire, recevoir & perdre facilement les figures, recevoir facilement & difficilement perdre; difficilement recevoir & facilement perdre. Les sciēces de la memoire sont la Grammaire, Theorique de Jurisprudence & Theologie positive, Cosmographie, Arithmetique. De l'imagination y a plusieurs differences, & en beaucoup plus grand nombre que de la memoire & de l'entendement : à elle appartiennent proprement les inuentions, les faceties & brocards, les pointes & subtilitez, les fictions & mensonges, les figures & cōparaisons, la propriété, netteté, elegāce, gētillesse. Parquoy appartiennent à elle la Poësie, l'Eloquēce, musique, & generalēment tout ce qui cōsiste en figure, correspondāce, harmonie & propositiō.

De tout cecy appert que la viuacité, subtilité, promptitude, & ce que le commun appelle esprit, à l'imagination chaude, la solidité, maturité, verité, est à l'entendement sec : l'imagination est active, & leur bruyante, c'est elle qui remue tout, & met tous les autres en besongne : L'entendement est morne & sombre; la memoire est purement passive, & voicy comment. L'imagination premierement recueille les espees & figures des choses tant presentes, par le seruice des cinq sens, qu'absentes par le benefice du sens commun : puis les represente, si elle veut, à l'entendement, qui les considere, examine, cuit & inge, puis elle mesme les met en depost, & conserue en la memoire, comme l'escriuain au papier, pour derechef, quand besoin sera, les tirer & extraire (ce que l'on appelle reminiscence) ou bien si elle veut les recommande à la memoire

7.
Proprie-
té des
facultez

auant les presenter à l'entendement. Parquoy recueillir, representer à l'entendement, mettre en la memoire, & les extraire, sont tous ceuvres d'imagination, & ainsi à elle se rapportent les sens communs, la phantasie, la reminiscence, & ne sont puissances separées d'elle, comme aucuns veulent, pour faire plus de trois facultez raisonnable.

8.
Leur
compa-
raison
en di-
gnité.

Le vulgaire, qui ne iuge iamais biẽ, estime & fait plus de feste de la memoire que des 2. autres, pour ce qu'elle en conte fort, a plus de monstre, & fait plus de bruiet en public: & pense-il que pour auoir bonne memoire l'on est fort sçauant, & estime plus la science que la sagesse: c'est toutesfois la moindre des trois, qui peut estre avec la folie & l'impertinence. Maistres-rarement elle excelle avec l'entendement & sagesse, car leurs temperamens sont

Voyez
à cecy
l. 3. c. 14.

contraires. De cet erreur populaire est venuẽ la mauuaise instruction de la ieunesse qui se void par tout: Ils sont tousiours apres pour luy faire apprendre par cœ̃ur (ainsi parlent-ils) ce que les liures disent, afin de les pouuoir alleguer, & à luy remplir & charger la memoire du bien d'autrui, & ne se souciẽt de luy recueillir & aiguiser l'entendement, & former le iugement pour luy faire valoir son propre bien & ses facultez naturelles, pour le faire sage & habile à toutes choses: Aussi voyons-nous que les plus sçauans qui ont tout Aristote & Ciceron en la teste, sont plus sots & plus ineptes aux affaires, que le mōde est mené & gouuerné par ceux qui n'en sçauent rien. Par l'aduis de tous les Sages, l'entendement est le premier, la plus excellente & la principale piece du harnois: Si elle iouẽ bien, tout va bien, & l'homme est sage, & au rebours, si

elle se mesconte, tout va de trauers: en second lieu est l'imagination, la memoire est la derniere.

Toutes ces differences s'entendront, peut-estre ^{9.} encor mieux par cette similitude, qui est vne peinture ou imitation de l'ame raisonnable. En toute ^{Image destrois facultez de l'ame.} Cour de Iustice y a trois ordres & estages, le plus haut des Iuges, auquel y a peu de bruit, mais grande action, car sans s'esmouuoir & agiter, ils iugent, decident, ordōnent deterninent de toutes choses, c'est l'image du iugement, plus haute partie de l'ame: Le secōd des Aduocats & Procureurs, auquel y a grande agitation & bruit sans action: car ils ne peuvent rien vider, ny ordonner, seulement secōier les affaires, c'est la peinture de l'imaginatiō, faculté remuante, inquiete qui ne s'arreste iamais, non pas pour dormir profond, & fait vn bruit au cerueau cōme vn pot qui bout, mais qui ne resout & n'arreste rien. Le 3. & dernier estage est du greffe & registre de la Cour, ou n'y a bruit ny action, c'est vne pure passion, vn gardoir & reservoir de toutes choses, qui se presente bien la memoire.

Son Action est la cognoissance & intelligence de ^{10.} toutes choses: L'esprit humain est capable d'entē- ^{Son Action.} dre toutes choses visibles, inuisibles, vniuerselles, particulieres, sensibles, insēfibles, *Intellectus est omnia.* Mais soy-mesme ou point selon aucuns (tesmoin vne si grande & presque infinie diuersité d'opinions d'iceluy, cōme s'est veu dessus, des doutes & obiections qui croissent tous les iours) ou bien sombrement, imparfaitement & indirectent par reflexion de la cognoissance des choses à soy-mesme, par laquelle il sent & cognoist qu'il entēd, & a puissance & faculté d'entendre, c'est la manie-

re que les esprits se cognoissent: Le 1. souverain esprit Dieu, se cognoît premier, & puis en soy toutes choses, & le dernier humain tout au rebours, toutes autres choses plustost que soy, & en icelles, comme l'œil en vn miroir: Comment pourroit-il agir en soy, sans moyen & en droite ligne?

II.
Moyen
d'agir.

Mais la question est du moyen par lequel il cognoist & entend les choses. La plus commune opinion venue d'Aristote est que l'esprit cognoist & entend par le ministère des sens, que de soy il est cōme vne carte blanche & vuide, qu'il ne luy arriue rien qui ne soit passé par les sens, *nil est in intellectu, quod non fuerit in sensu*: Mais elle est premierement fausse, car comme tous les sages ont dit ainsi qu'il a esté touché cy-dessus, & renuoyé en ce lieu, les semences de toutes sciences & vertus sont naturellement esparées & insinuées en nos esprits, dont ils peuuent viure riches & ioyeux de leur propre, & pour peu qu'ils soient cultivez, ils foisonnent & abondent fort. Puis elle est iniurieuse à Dieu & à nature, car c'est rendre l'ame raisonnable de pire condition que toute autre chose, que la vegetative & sensitive, qui s'exercent d'elles mesmes, & sont sçauantes à faire leurs fonctions, cōme a esté dit: Que les bestes lesquelles s'as discipline de sens cognoissent plusieurs choses: les vniuersels par les particuliers, par l'aspect d'un homme cognoissent tous les hommes, sont aduisez à euitier les dangers & choses inuisibles, & pour suivre ce qui leur est cōuenable pour eux & leurs petits: & seroit chose honteuse & absurde que ceste faculté si haute & diuine queustast & médiasst son bien des choses si viles & caduques, comme sont les sens: & puis en fin que l'intellect

peut apprendre des sens, lesquels n'apperçoivent que les simples accidens; car les formes, natures, essences des choses nullemēt, moins les choses vniuerselles, les secrets de nature, & toutes choses insensibles: & si l'ame estoit sçauante par l'ayde des sens, il s'ensuiuroit que ceux qui ont les sens plus entiers & plus vifs, seroient plus ingenieux & plus sçauans, & se void le contraire souuent, qu'ils ont l'esprit plus lourd & sont plus mal-habiles, & se sōt plusieurs priuez à esciēt de l'vsage d'iceux, afin que l'ame fist mieux & plus librement ses affaires. Que si l'on dit que l'ame estant sçauante par nature, & sans les sens, tous les hommes seroiēt sçauāns, & tousiours entendroient & raisonneroient de mesmes. Or est-il qu'il y a tant de stupides, & que les entendus font plus foiblement leurs fonctions en vn temps qu'en l'autre: l'ame Vegetative est bien plus vigoureuse en la ieunesse, iusques à re faire les deux tōbées, qu'en la vieillesse & au rebours l'ame raisonnable agit plus foiblement en la ieunesse qu'en la vieillesse, & en certain estat de santé ou maladie qu'en autre. Mais c'est mal argumenté, car quant au premier, on dit que la faculté & vertu d'entendre n'est pas donnée pareille à tous, ains avec grande inégalité, dōt est venu ce dire ancien & noble; en la bouche des Sages, que l'intellect agēt est donné à fort peu, & cette inégalité prouue que la science ne vient des sens, car comme à esté dit, les plus auantagés aux sens, sont souuent les plus detaduātages en science. Quant au 2. que l'on ne fait ses fonctions tousiours de mesmes, il vient de ce que les instrumens, desquels l'ame a besoin pour agir, ne peuent pas tousiours estre disposés cōme

il faut, & s'ils le sônt pour vne sorte de facultez & fô-
 ctiôs, ne le sont pour les autres: Le tēperament du
 cerueau par lequel l'ame agit est diuers & chan-
 geât, estât chaud & humide en sa ieunesse est bon
 pour la Vegetatiue, & mal pour la raisonnable, & au
 contraire froid & sec en la vielleſſe est bon pour la
 raisonnable, mal pour la Vegetatiue: Par maladie
 ardente, le cerueau fort eschauffé, & subtilisé, est
 propre à l'inuention & diuinatiō, mais impropre à
 maturité & solidité de iugement & sagesse: Pour
 tout cela nous ne voulôs pas dire que l'esprit ne tire
 vn grād seruice des sens, & mesmemēt au cōmen-
 cement, en la descouuerture & inuention des cho-
 ses: mais nous disons, pour deffendre l'honneur de
 l'esprit, qu'il est faux qu'il depende des sens, & ne
 puisse rien ſçauoir, entendre, raisonner, discourir
 sans les sens, car au rebours toute cognoissance
 vient de luy, & les sens ne peuuent rien sans luy.

12.

Au reste l'esprit procede diuerſemēt & par ordre
 pour entendre: Il entend du 1. coup tout simplemēt
 & directement, ſçauoir vn Lion, puis par conion-
 ction qu'il est fort: car voyant par les effects de la
 force au Lion, il cōclud qu'il est fort: par diuisiō ou
 negatiue, il entend que le lievre est craintif, car le
 voyât fuir & se cacher, il cōclud que le lievre n'est
 pas fort, parquoy il est peureux. Il cognoist aucuns
 par similitude, d'autres par vn recueil de plusieurs.

*De l'esprit humain, ses parties, fonctions, qualitez,
 raison, inuention, & verité.*

CHAP. XIV.

C'Est vn fond d'obscurité, plein de creux & de
 cathots, vn labyrinthe, vn abyſme confus &

bien entortillé que cet esprit humain & l'œconomie de cette grande & haute partie intellectuelle de l'ame, ou y a tant de pieces, facultez, actions, mouuemens diuers, dont y a aussi tant de noms, & s'y trouuera des doutes & difficultez.

Son premier office est dorecevoir simplement, & apprehender les images & especes des choses, qui est vne passion & impression en l'ame, causée par l'obiet & presence d'icelles, c'est imagination & apprehension.

La force & puissance de paistrir, traiter, & agiter, cuire & digerer les choses receuës par l'imagination, c'est raison, λόγος.

L'action & l'office, ou exercice de cette force & puissance qui est d'assembler, conioindre, separer, diuiser les choses receuës, & y en adiouster encorés d'autres, c'est discours, ratio cination, λογισμός, Διάλογος Διάκρισις.

La facilité subtile, & allegre promptitude à faire toutes ces choses, & penetrer auant en icelles, s'appelle Esprit, *Ingenium*, dont les ingenieux, aigus, subtils, pointus, c'est tout vn.

La repetition, & ceste action de ruminer, recuire, repasser par l'estamine de la raison, & encorés plus elaborer, pour en faire vne resolution plus solide, c'est le iugement.

L'effect eu fin de l'entendement, c'est la cognoissance, intelligence, resolution.

L'action qui suit ceste cognoissance & resolution qui est à s'estendre, pousser & auancer à la chose cogneuë, c'est Volonté *Intellectus extensus & promouus*.

Parquoy toutes ces choses, Entendement, Ima-

gination, Raison, Discours, Esprit, Iugement, &c. Intelligence, Volonté, sont vne mesme essence, mais toutes diuerfes en force, vertu, & action, tesmoin qu'un est excellent en l'une d'icelles, & foible en l'autre : souuent qui excelle en esprit & subtilité, est moindre en iugement & solidité.

2.
Description
générale de
l'esprit à
son ad-
uanta-
ge.

Je n'empesche pas que l'on ne chante les loüanges & grâces de l'Esprit humain, de sa capacité, viuacité, vitesse: ie consens que l'on l'appelle image de Dieu viu, vn degoust de l'immortelle substance, vne fluxion de la diuinité, vn esclaire celeste, auquel Dieu a donné la raison comme vn timon animé pour le mouuoir avec regle & mesure, & que ce soit vn instrument d'une complete harmonie: que par luy y a parentage entre Dieu & l'homme, & que pour le luy ramener, il luy a tourné les racines vers le ciel, afin qu'il eust toujours sa veüe vers le lieu de sa naissance. Bref, qu'il n'y a rien de grand en la terre que l'homme, tié de grand en l'homme que l'esprit: si l'on monte iusqu'à là, l'on monte au dessus du ciel: ce sont tous mots plausibles, dont retentissent les escoles & les chaires.

3.
Sonde-
l'auan-
tage.

Mais ie desire qu'aprestout cela, on vienne à bien sonder & estudier à cognoistre cet esprit, car nous trouuerons qu'apres tout, c'est & à foy, & à autrui vn tres-dangereux outil, vn furet qui est à craindre, vn petit broüillon & trouble feste, vn esmerillon fascheux & importun, & qui comme vn affronteur & ioueur de passe-passe, tous ombre de quelque gentil mouuement subtil & gaillard, forge, inuente & cause tous les maux du monde, & n'y en a que par luy.

Il y a beaucoup plus grande diuersité d'esprits que de corps; aussi y a-il plus grād champ, plus de pieces & plus de façon: nous en pouuons faire trois classes, dont chacune a encor plusieurs degrez: en celle d'embas sont les petits, foibles & comme brutaux, tous voisins des bestes, soit que cela aduiēne de la premiere trempce, c'est à dire, de la sēmenē & temperament du cerueau trop froid & humide, cōme entre les bestes les poissons sont infirmes, ou pour n'auoir esté aucunemēt remuez & réueillez, mais abandonnez à la rouille & stupidité. De ceux-là n'en faut faire mise ny recepte, & ne s'en peut dresser ny establir vne compagnie constante, car ils ne peuuent pas seulement suffire pour eux-mesmes en leur particulier, & faut qu'ils soient tousiours en la tutelle d'autrui, c'est le commun & bas peuple, *qui vigilans sterit: mortui cui vita est prope iam uiuatque uident*, qui ne se sent, ne se iuge. En celle d'en haut sont les grands & tres-rares esprits, plustost demons qu'hommes communs, esprits bien nez, fors & vigoureux: De ceux icy ne s'en pourroit bastir en tous les siecles vne republique entiere. En celle du milieu sont tous les mediocres, qui sont en infinité de degrez: de ceux-cy est composé presque tout le monde: de ceste distinction & autres-cy apres plus au long. Mais il nous faut toucher plus particulièrement les conditions & le naturel de cest esprit, autant difficile à cognoistre, comme vn visage à peindre au vis, lequel sans celle se remuerait.

Premierement, c'est vn agent perpetuel, l'esprit ne peut estre sans agir, il se forge plustost des sujets faux & fantastiques, se pipant à son escient, & al-

4.
Di-er-
firé &
distinc-
tion
des es-
prits.
Voyez
cecy
mieux
auchap
43.

Chap. 33

55.
Descrip-
tion par-
ticuliere

différens & contraires, cela est clair, comme le sec & l'humide, de l'imagination qu'il soit contraire aux autres, il ne le semble pas tant : car la chaleur n'est pas incompatible avec le sec & l'humide, & toutefois l'expérience montre que les excellens l'imagination sont malades en l'entendement & mémoire, & tenus pour fols & furieux : mais cela vient que la chaleur grande qui sert à l'imagination, consomme & l'humidité qui sert à la mémoire, & la subtilité des esprits & figures, qui doit estre en la secheresse qui sert à l'entendement, & ainsi est contraire & destruit les deux autres.

5.
Trois
seuls
Tempe-
ramens

De tout cecy il est evident qu'il n'y a que trois principaux temperamens qui seruēt & fassent agir l'ame raisonnable, & distinguēt les esprits, sçauoir le chaud, le sec, & l'humide. Le froid ne vaut à riē, n'est point actif, & ne sert qu'à empescher tous les mouuemens & fonctions de l'ame : & quand il se lit souuent aux auteurs que le froid sert à l'entendement, que les froids du cerueau comme les melancholiques & les Meridionaux, sont prudents, sages, ingenieux, là le froid se prend nom simplement, mais pour vne grande moderation de chaleur. Car il n'y a rien plus contraire à l'entendement & sagesse, que la grande chaleur, laquelle au contraire sert à l'imagination, & selon les trois temperamens, il y a trois facultez de l'ame raisonnable : mais comme les Temperamens, aussi les facilitez reçoivent diuers degrez, subdivisions, & distinctions.

Il y a trois principaux offices & différences d'entendement, Inferer, Distinguer, Eslire. Les sciēces qui appartiennent à l'entendement sont la Theologie scolastique, la Theorique de Medecine, la Dia-

le&tique, la Philosophie naturelle & Morale. Il y a trois sortes de difference de memoire, receuoir & perdre facilement les figures, receuoir facilement & difficilement perdre: difficilement receuoir & facilement perdre. Les sciēces de la memoire sont la Grammaire, Theorique de Iurisprudence & Theologie positive, Cosmographie, Arithmetique. De l'imagination y a plusieurs differences, & en beaucoup plus grand nombre que de la memoire & de l'entendement: à elle appartiennent proprement les inuentions, les faceties & brocards, les pointes & subtilitez, les fictions & mensonges, les figures & cōparaisons, la proprieté, netteté, elegāce, gētilissime. Parquoy appartiennent à elle la Poësie, l'Eloquēce, musique, & generalēment tout ce qui cōsiste en figure, correspondāce, harmonie & propositiō.

De tout cecy appert que la viuacité, subtilité, 7.
 promptitude, & ce que le commun appelle esprit, Proprie
 à l'imaginatiō chaude, la solidité, maturité, verité, et des
 est à l'entendement sec: l'imagination est actiue, facultez
 bruyante, c'est elle qui remuē tout, & met tous les ordre,
 autres en besongne: L'entendement est morno &
 sombre; la memoire est purement passiue, & voicy
 comment. L'imagination premierement recueille
 les espees & figures des choses tant presentes, par
 le seruice des cinq sens, qu'absentes par le benefi-
 ce du sens commun: puis les represente, si elle
 veut, à l'entendement, qui les considere, examine,
 cuit & inge, puis elle mesme les met en depost, &
 conserue en la memoire, comme l'escriuain au
 papier, pour derechef, quand besoin sera, les tirer
 & extraire (ce que l'on appelle reminiscence) ou
 bien si elle veut les recommande à la memoire.

auant les presenter à l'entendement. Parquoy recueillir, representer à l'entendement, mettre en la memoire, & les extraire, sont tous œuures d'imagination, & ainsi à elle se rapportent les sens corrompus, la phantasie, la reminiscence, & ne sont puiffances separées d'elle, comme aucuns veulent, pour faire plus de trois facultez raisonnable.

8.
Leur
comparaison
en dignité.

Voyez
à cecy
l. 3. c. 14.

Le vulgaire, qui ne iuge iamais biẽ, estime & fait plus de feste de la memoire que des 2. autres, pour ce qu'elle en conte fort, a plus de monstre, & faict plus de bruiet en public: & pense-il que pour auoir bonne memoire l'on est fort sçauant, & estime plus la science que la sagesse: c'est toutesfois la moindre des trois, qui peut estre avec la folie & l'impertinence. Maistres-rarement elle excelle avec l'entendement & sagesse, car leurs temperamens sont contraires. De cet erreur populaire est venuẽ la mauuaise instruction de la ieunesse qui se void par tout: Ils sont tousiours apres pour luy faire apprendre par cœur (ainsi parlent-ils) ce que les liures disent, afin de les pouuoit alleguer, & à luy remplir & charger la memoire du bien d'autrui, & ne se souciẽt de luy resueiller & aiguïser l'entendement, & former le iugement pour luy faire valoir son propre bien & ses facultez naturelles, pour le faire sage & habile à toutes choses: Aussi voyons-nous que les plus sçauans qui ont tout Aristote & Cicéron en la teste, sont plus sots & plus ineptes aux affaires, que le mode est mené & gouverné par ceux qui n'en sçauent rien. Par l'aduis de tous les Sages, l'entendement est le premier, la plus excellente & la principale piece du harnois: Si elle iouẽ bien, tout va bien, & l'homme est sage, & au rebours, si

elle se mesconte, tout va de trauers: en second lieu est l'imagination, la memoire est la derniere.

Toutes ces differences s'entendront, peut-estre ^{9.} encor mieux par cette similitude, qui est vne peinture ou imitation de l'ame raisonnable. En toute ^{Image} ^{destrois} ^{facultez} Cour de Iustice y a trois ordres & estages, le plus ^{de l'a-} ^{me.} haut des Iuges, auquel y a peu de bruit, mais grande action, car sans s'esmouuoir & agiter, ils iugent, decident, ordōnent determinent de toutes choses, c'est l'image du iugement, plus haute partie de l'ame: Le second des Aduocats & Procureurs, auquel y a grande agitation & bruit sans action: car ils ne peuuent rien vuidier, ny ordonner, seulement secouer les affaires, c'est la peinture de l'imaginatiō, faculté remuante, inquiete qui ne s'arreste iamais, non pas pour dormir profond, & fait vn bruit au cerueau cōme vn pot qui bout, mais qui ne resout & n'arreste rien. Le 3. & dernier estage est du greffe & registre de la Cour, ou n'y a bruit ny action, c'est vne pure passion, vn gardoir & reservoir de toutes choses, qui se presente bien la memoire.

Son Action est la cognoissance & intelligence de ^{10.} ^{Son A-} ^{ction.} toutes choses: L'esprit humain est capable d'entendre toutes choses visibles, inuisibles, vniuerselles, particulieres, sensibles, insensibles, *Intellectus est omnia*. Mais soy-mesme ou point selon aucuns (tesmoin vne si grande & presque infinie diuersité d'opinions d'iceluy, cōme s'est veu dessus, des doutes & obiections qui croissent tous les iours) ou bien sombrement, imparfaitement & indirectent par reflexion de la cognoissance des choses à soy-mesme, par laquelle il sent & cognoist qu'il entēd, & a puissance & faculté d'entendre, c'est la manie-

re que les esprits se cognoissent: Le 1. souverain esprit Dieu, se cognoît premier, & puis en soy toutes choses, & le dernier humain tout au rebours, toutes autres choses plustost que soy, & en icelles, comme l'œil en vn miroir: Comment pourroit-il agir en soy, sans moyen & en droite ligne?

II.
Moyen
d'agir.

Mais la question est du moyen par lequel il cognoist & entend les choses. La plus commune opinion venue d'Aristote est que l'esprit cognoist & entend par le ministère des sens, que de soy il est cōme vne carte blanche & vuide, qu'il ne luy arrive rien qui ne soit passé par les sens, *nil est in intellectu, quod non fuerit in sensu*: Mais elle est premierement fausse, car comme tous les sages ont dit ainsi qu'il a esté touché cy-dessus, & renuoyé en celieu, les semences de toutes sciences & vertus sont naturellement esparées & insinuées en nos esprits, dont ils peuuent viure riches & ioy eux de leur propre, & pour peu qu'ils soient cultivez, ils foisonnent & abondent fort. Puis elle est iniurieuse à Dieu & à nature, car c'est rendre l'ame raisonnable de pire condition que toute autre chose, que la vegetative & sensitive, qui s'exercent d'elles mesmes, & sont sçauantes à faire leurs fonctions, cōme a esté dit: Que les bestes lesquelles s'as discipline de sens cognoissent plusieurs choses: les vniuersels par les particuliers, par l'aspect d'un homme cognoissent tous les hommes, sont aduisez à euitier les dangers & choses inuisibles, & pour suivre ce qui leur est cōuenable pour eux & leurs petits: & seroit chose honteuse & absurde que ceste faculté si haute & diuine questast & médiast son bien des choses si viles & caduques, comme sont les sens: & puis en fin que l'intellect

peut apprendre des sens, lesquels n'apperçoivent que les simples accidens; car les formes, natures, essences des choses nullemēt, moins les choses vniuerselles, les secrets de nature, & toutes choses insensibles: & si l'ame estoit sçauante par l'ayde des sens, il s'ensuiuroit que ceux qui ont les sens plus entiers & plus vifs, seroient plus ingenieux & plus sçauans, & se void le contraire souuent, qu'ils ont l'esprit plus lourd & sont plus mal-habiles, & se sōt plusieurs priuez à esciēt de l'vsage d'iceux, afin que l'ame fist mieux & plus librement ses affaires. Que si l'on dit que l'ame estant sçauante par nature, & sans les sens, tous les hommes seroiēt sçauāns, & tousiours entendroient & raisonneroient de mesmes. Or est-il qu'il y a tant de stupides, & que les entendus font plus foiblement leurs fonctions en vn temps qu'en l'autre: l'ame Vegetatiue est bien plus vigoureuse en la ieunesse, iusques à re faire les deux tōbées, qu'en la vieillesse & au rebours l'ame raisonnable agit plus foiblement en la ieunesse qu'en la vieillesse, & en certain estat de santé ou maladie qu'en autre. Mais c'est mal argumenté, car quant au premier, on dit que la faculté & vertu d'entendre n'est pas donnée pareille à tous, ains avec grande inégalité, dōt est venu ce dire ancien & noble; en la bouche des Sages, que l'intellect agēt est donné à fort peu, & cette inégalité prouue que la science ne vient des sens, car comme à esté dit, les plus auantagez aux sens, sont souuent les plus detaduātagez en science. Quant au 2. que l'on ne fait ses fonctions tousiours de mesmes, il vient de ce que les instrumens, desquels l'ame a besoin pour agir, ne peuvent pas tousiours estre disposez cōme

il faut, & s'ils le sônt pour vne sorte de facultez & fô-
 & tiôns, ne le sont pour les autres: Le tēperament du
 cerueau par lequel l'ame agit est diuers & chan-
 geât, estât chaud & humide en sa ieunesse est bon
 pour la Vegetatiue, & mal pour la raisonnable, & au
 contraire froid & sec en la vielleſſe est bon pour la
 raisonnable, mal pour la Vegetatiue: Par maladie
 ardente, le cerueau fort eschauffé, & subtilisé, est
 propre à l'inuention & diuinatiō, mais impropre à
 maturité & solidité de iugement & sagesse: Pour
 tout cela nous ne voulôs pas dire que l'esprit ne tire
 vn grād seruire des sens, & meſmemēt au cōmen-
 cement, en la descouuerture & inuention des cho-
 ſes: mais nous diſons, pour deffendre l'honneur de
 l'esprit, qu'il est faux qu'il depende des sens, & ne
 puisse rien ſçauoir, entendre, raisonner, discourir
 ſans les sens, car au rebours toute cognoiſſance
 vient de luy, & les sens ne peuuent rien ſans luy.

12.

Au reſte l'esprit procede diuerſemēt & par ordre
 pour entendre: Il entend du 1. coup tout ſimplemēt
 & directement, ſçauoir vn Lion, puis par conion-
 ction qu'il est fort: car voyant par les effets de la
 force au Lion, il cōclud qu'il est fort: par diuiſiō ou
 negatiue, il entend que le lievre est craintif, car le
 voyāt fuir & ſe cacher, il cōclud que le lievre n'est
 pas fort, parquoy il est peureux. Il cognoiſt aucuns
 par ſimilitude, d'autres par vn recueil de pluſieurs.

*De l'esprit humain, ſes parties, ſonctions, qualitez,
 raiſon, inuention, & verité.*

CHAP. XIV.

C'Est vn fond d'obſcurité, plein de creux & de
 cahots, vn labyrinthe, vn abyſme confus &

bien entortillé que cet esprit humain & l'œconomie de cette grande & haute partie intellectuelle de l'ame, ou y a tant de pieces, facultez, actions, mouuemens diuers, dont y a aussi tant de noms, & s'y trouuera des doutes & difficultez.

Son premier office est de receuoir simplement, & apprehender les images & especes des choses, qui est vne passion & impression en l'ame, causée par l'obiet & presence d'icelles, c'est imagination & apprehension.

La force & puissance de paistrir, traiter, & agiter, cuire & digerer les choses receuës par l'imagination, c'est raison, λόγος.

L'action & l'office, ou exercice de cette force & puissance qui est d'assembler, conioindre, separer, diuiser les choses receuës, & y en adiouster encores d'autres, c'est discours, ratio cination, λογισμός, Διάφοια Διάφορῶς.

La facilité subtile, & allegre promptitude à faire toutes ces choses, & penetrer auant en icelles, s'appelle Esprit, *Ingenium*, dont les ingenieux, aigus, subtils, pointus, c'est tout vn.

La repetition, & ceste action de ruminer, recuire, repasser par l'estamine de la raison, & encores plus elaborer, pour en faire vne resolution plus solide, c'est le iugement.

L'effect eu fin de l'entendement, c'est la cognoissance, intelligence, resolution.

L'action qui suit ceste cognoissance & resolution qui est à s'estendre, pousser & auancer à la chose cogneuë, c'est Volonté *Intellectus extensus & promouus*.

Parquoy toutes ces choses, Entendement, Ima-

gination, Raison, Discours, Esprit, Iugement, Intelligence, Volonté, sont vne mesme essence, mais toutes diuerfes en force, vertu, & action, tesmoin qu'un est excellent en l'une d'icelles, & foible en l'autre : souuent qui excelle en esprit & subtilité, est moindre en iugement & solidité.

2.
Description
général de
l'esprit à
son ad-
van-
ce.

Je n'empesche pas que l'on ne chante les loüanges & grâces de l'Esprit humain, de sa capacité, de sa pureté, de sa vitesse: ie consens que l'on l'appelle image de Dieu viue, vn degoust de l'immortelle substance, vne fluxion de la diuinité, vn esclaire celeste, auquel Dieu a donné la raison comme vn timon animé pour le mouuoir avec regle & mesure, & que ce soit vn instrument d'une complete harmonie: que par luy y a parentage entre Dieu & l'homme, & que pour le luy ramener, il luy a tourné les racines vers le ciel, afin qu'il eust tousiours sa veüe vers le lieu de sa naissance. Bref, qu'il n'y a rien de grand en la terre que l'homme, rien de grand en l'homme que l'esprit: si l'on monte iusqu'à là, l'on monte au dessus du ciel: ce sont tous mots plausibles, dont retentissent les escoles & les chaires.

3.
Sonde-
l'avan-
tage.

Mais ie desire qu'aprestout cela, on vienne à bien sonder & estudier à cognoistre cet esprit, car nous trouuerons qu'apres tout, c'est & à foy, & à autrui vn tres-dangereux outil, vn furet qui est à craindre, vn petit broüillon & trouble feste, vn esmerillon fascheux & importun, & qui comme vn affronteur & ioüeur de passe-passe, tous ombre de quelque gentil mouuement subtil & gaillard, forge, inuente & cause tous les maux du monde, & n'y en a que par luy.

Il y a beaucoup plus grande diuersité d'esprits que de corps; aussi y a-il plus grand champ, plus de pieces & plus de façon: nous en pouuons faire trois classes, dont chacune a encor plusieurs degrez: en celle d'embas sont les petits, foibles & comme brutaux, tous voisins des bestes, soit que cela aduene de la premiere trempée, c'est à dire, de la semence & temperament du cerueau trop froid & humide, cōme entre les bestes les poissons sont infirmes, ou pour n'auoir esté aucunement remuez & réveillés, mais abandonnez à la rouille & stupidité. De ceux-là n'en faut faire mise ny recepte, & ne s'en peut dresser ny establir vne compagnie constante, car ils ne peuuent pas seulement suffire pour eux-mesmes en leur particulier, & faut qu'ils soient tousiours en la tutelle d'autrui, c'est le commun & bas peuple, *qui vigilans sterit: mortui qui vita est propè iam viuuntque videntur*, qui ne se sent, ne se iuge. En celle d'en haut sont les grands & tres-rares esprits, plustost demons qu'hommes communs, esprits bien nez, fors & vigoureux. De ceux icy ne s'en pourroit bastir en tous les siecles vne republique entiere. En celle du milieu sont tous les mediocres, qui sont en infinité de degrez: de ceux cy est composé presque tout le monde: de ceste distinction & autres cy apres plus au long. Mais il nous faut toucher plus particulièrement les conditions & le naturel de cest esprit, autant difficile à cognoistre, comme vn visage à peindre au vis, lequel sans cesse se remueroit.

Premierement, c'est vn agent perpetuel, l'esprit ne peut estre sans agir, il se forge plustost des sujets faux & fantastiques, se pipant à son escient, & al-

4:
Di er-
fité &
distin-
tion
des es-
prits.
Voyez
cecy
mieux
auchap
43.

Chap 33

55:
Descrip-
tion par-
ticulie-

Agent
perpe-
tuel.

lant contre sa propre creance, que d'estre sans agir, comme les terres oisives, si elles sont grasses & fertiles foisonnent en mille sortes d'herbes sauvages & inutiles, & les faut assuettir à certaines semences, & les femmes seules produisent des amas & pieces de chair informes, ainsi l'esprit si on ne l'occupe à certain subiect, il se desbande & se iette dedans le vague des imaginations, & n'est folie ny resuerie qu'il ne produise, s'il n'a de but estably, il se perd & s'esgare, car estre par tout, c'est n'estre en aucun lieu : l'agitation est véritablement la vie de l'esprit & sa grace, mais elle doit venir d'ailleurs que de soy : s'il va tout sent, il ne fait que traîner & languir, & ne doit estre violenté : car ceste trop grande contention d'esprit trop bandé, rendu, pressé, le trompe & le trouble.

Il est aussi vniuersel qui se mesle par tout, il n'a point de subiect ny de ressort limité : il n'y a chose où il ne puisse iouer son roolle, aussi bien aux subiects vains & de neant, comme aux nobles & de poids, & en ceux que nous pouuons entendre, que ceux que nous n'entendons : car recognoistre qu'on ne le peut entendre ny penetrer au dedans, & qu'il faut demeurer au bord & à l'escorce, c'est vn tres-beau trait de iugement, la science voir la verité peuent loger chez nous sans iugement, & le iugement sans elles, voir recognoistre son ignorance, c'est vn beau tesmoignage de iugement.

7.
Prompt
& sou-
gain. Tiercement, il est prompt & soudain, courant en vn moment d'un bout du monde à l'autre, sans arrest, & sans repos, s'agitant, penetrant & perçant par tout, *Nobis & inquietamini homines data est : nonquam sceler, spargitur vasa, quisquis impatiens, non trasereram*
lausissima

lenissima, non mirum. ex illo celesti spiritu descendit, celestium autem natura semper in motu est. : Cette si grande soudaineté, & vitesse, cette pointe & agilité est d'une part admirable, & des plus grâdes merveilles qui soient en l'esprit ; mais c'est d'ailleurs chose tres-dangereuse, vne grande disposition & propension à la folie, & manie, côme se dira tâost.

Pour ces trois conditions d'agent perpetuel sans repos vniuersel, prompt & soudain il a esté estimé immortel, & auoit en soy quelque marque & estincelle de diuinité.

Or son action est tousiours quester, fureter, tourner sans cesse côme l'affamé de sçauoir, enquerir & rechercher. Ainsi appelle Homere les hommes. Il n'y a point de fin en nos inquisitions : les poursuites de l'esprit humain sont sans terme, sans forme : son aliment est doute, ambiguité : c'est vn mouuement perpetuel, sans arrest & sans but : le monde est vne escole d'inquisition ; l'agitation & la chasse est proprement de nostre gibbier : prendre ou faillir à la prinse, c'est autre chose.

Mais il agit & poursuit ses entreprinſes temerairement & desreglement sans ordre & sans mesure, c'est vn outil vagabond, muable, diuers, contournable : c'est vn instrument de plomb & de cire, il plie, il allonge, s'accorde à tout, plus souple, plus facile que l'eau, que l'air, *flexibilis, omni humore obsequentior, & ut spiritus qui omni materia faciliior, ut tenuior.* C'est le soulier de Theramenes bon à tous pieds : il ne reste que la suffisance de le sçauoir contourner, il va tousiours, & de tort & de trauers, avec le mensonge comme avec la verité.

Il se donne beau ieu & trouueraiſon apparente

Raison par tout, tesmoin que ce qui est impie, iniuste, abominable en vn lieu, est pieté, iuste & honneur ailleurs. à tous. leurs, & ne se sçauriot nommer vne loy, coustume, vilages. creance receuë ou reietée generalement par tout, les mariages entre les proches, les meurtres des enfans, des parents vieils, communication des femmes condamnées en vn lieu, legitimes en d'autres: Platon refusa la robe brodée & parfumée que luy offrit Dionysius, disant estre homme & ne se vouloit restir en femme, Aristippus l'accepta, disant que l'accoustrement ne peut corrompre vn chaste courage. Diogenes lauant ses choux & le voyant passer luy dit, si tu sçauois viure de choux tu ne ferois la court à vn tiran; Aristippus luy respond, si tu sçauois viure avec les Rois tu ne lauerois pas des choux. On preschoit Solon de ne pleurer point la mort de son fils, car c'estoient larmes inutiles & impuissantes, c'est pour cela, dit-il, qu'elles sont plus iustes, que i'ay raison de plorer: La femme de Socrate redoubloit son dueil, de ce que les Iuges le faisoient mourir iniustement: comment, fit-il, aymerois tu mieux que ce fut iustement? Il n'y a aucun bien, dit vn Sage, sinon celuy à la perte duquel l'on est preparé: *in aquo enim est dolor amissæ rei, & timor amittendæ*. Au rebours, dit l'autre, nous serons & embrassons le bien d'autant plus estroite, & avec plus d'affection, que nous le voyons moins seur, & craignons qu'il nous soit osté. Vn Philosophe Cynique demandoit à Antigonus vne dragme d'argent, ce n'est pas present de Roy, respondit-il; donne moy donc vn talent, dit le Philosophe: ce n'est pas present pour vn Cynique. Quelqu'un disoit d'un Roy de Sparte fort clement, &

debonnaire: Il est fort bon, car il l'est mesmes aux meschans: comme seroit-il bon, dit l'autre, qu'il n'est pas mauuais aux meschans? Voila comme la raison humaine est à tous visages: vn glaue double, vn baston à deux bouts, *ogni medaglia ha il suo riuerso*: Il n'y a raison qui n'en aye vne contraire, dit la plus saine & plus sene philosophie: ce qui se monstreroit par tout qui voudroit.

Or ceste grande volubilité & flexibilité vient de plusieurs causes, de la perpetuelle alteration & mouuement du corps, qui iamais n'est deux fois en la vie en mesme estat: Des obiects qui sont infinis, de l'air mesmes & serenité du ciel.

Tales sunt hominum mentes, quali pater ipse

Iupiter auctiferas lustrauit lampade terras,

& de toutes choses externes: Internement, des secousses & branles que l'ame se donne elle mesme par son agitation, & meü par ses propres passions: aussi qu'elle regarde les choses par diuers visages, car tout ce qui est au monde a diuers lustres & diuerses considerations, c'est vn pot à deux anses, disoit Epictete, il eust mieux dit, à plusieurs.

Il aduient de là qu'il s'empestre en sa besongne, ^{12.} comme les vers de soye, ils s'embarasse: car com- Dont il me il pense remarquer de loing ie ne sçay qu'elle s'empe- apparence de clairté, & verité imaginaire, & y veut stre. courir: voicy tant de difficultez qui luy trauersent ^{13.} la voye, tant de nouuelles questes l'esgarent & Sa fin est la verité & l'enyurent. laquel- le il ne peut acquerir ny trou- uer.

Sa fin à laquelle il vise est double, l'vne plus cõ- laquel- mune & naturelle est la verité où téd sa queste & sa le il ne peut acquerir ny trou- uer. pour suite. Il n'est desir plus naturel, que le desir de querir

cognoistre la verité. Nous essayös tous les moyens

Voyez que nous pésons y pouuoir seruir : mais enfin tous
 c 34 cy. nos efforts sont courts, car la verité n'est pas vn ac-
 apres quest, ny chose qui se laisse prendre & manier, &
 t. I. encores moins posseder à l'esprit humain. Elle lo-
 ge dedans le sein de Dieu, c'est là son giste & sa re-
 traite: l'homme ne sçait & n'entend rien à droict,
 au pur & au vray comme il faut, tournoyant touf-
 iours & tatonnant à l'entour des apparences, qui
 se trouuent par tout aussi bien au faux qu'au vray :
 nous sommes naiz à quester la verité : la posseder
 appartient à vne plus haute & grande puissance.
 Ce n'est pas à qui mettra dedans ; mais à qui fera
 de plus belles courses. Quand il aduiendrait que
 quelque verité se rencontraist entre ses mains, ce
 seroit pat hazard, il ne la sçauroit tenir, posseder, ny
 distinguer du mensonge. Les erreurs se reçoient
 en nostre ame, par meisme voye & conduits que la
 verité, l'esprit n'a pas de quoy les distinguer & choi-
 sir : autant peut faire le sot de celuy qui dit vray,
 comme celuy qui dit faux. Les moyens qu'il em-
 ploye pour la descouurir, sont raison & experien-
 ce, tous deux tres foibles, incertains, diuers, on-
 doyans. Le plus grand argument de la verité, c'est
 le general consentement du monde. Or le nombre
 des fols surpasse de beaucoup celuy des sages : &
 puis comment est-on paruenue à ce consentement ;
 que par contagion & applaudissement donné sans
 iugement & cognoissance de cause, mais à la suite
 de quelques vns qui ont commencé la danse ?

L'autre fin moins naturelle, mais plus ambitieu-
 se est l'invention, à laquelle il tend comme au plus
 haut point d'honneur, pour se monstrier & faire
 valloir : c'est ce qui est plus estimé & semble estre

vne image de diuinité. De ceste suffisance d'inuention sôt produits les ouurages qui ont rauy tout le monde en admiration : & s'ils ont esté avec vtilité publique, ils ont desiré leurs auteurs. Ceux qui ont esté en subtilité seule sans vtilité, ont esté en la peinture, statuaire, architecture, perspective, comme la vigne de Zeuxis, la Venus d'Apelles, la statuë de Memnon, le cheual d'Airain, la colombe de bois d'Architas, la vache de Myron, la mouche & l'aigle de Mottroyal, la sphere de Sapor Roy des Perles, celle d'Archimedes & ses autres engins. Or l'art & l'inuention semble non seulement imiter nature : mais la passer, & ce non seulement en particulier & indiuidu (car il ne se trouue point de cors d'homme ou beste en nature si vniuersellement bien fait, comme il se peut représenter par les ouuriers) mais encore plusieurs choses se font par art, qui ne se font point par nature : i'entéds outre les cōpositions & mixtions, qui est le vray gibbier & le propre subiet de l'art, témoin les extractions & distillations des eaux & des huiles faictes de simples, ce que nature ne fait point : mais en tout cela il n'ya pas lieu de si grāde admiration que l'on pense, & à proprement & loyalement parler, il n'y a point d'inuention que celle que Dieu reuele : car celles que nous estimons & appelons telles, ne sont qu'observations des choses naturelles, argumens & conclusions tirées d'icelles, comme la peinture & l'optique des ombres, les horloges solaires des ombres, des arbres : l'imprimerie des marques & seaux des pierres precieuses.

Par tout cy dessus il est aisé à voir combien l'esprit humain est temeraire & dangereux mesmement,

est tre-
dange-
reux.

s'il est vif & vigoureux : car estant si remuant, si libre & vniuersel, & faisant les remuëmés si déreglement, vsant si hardiment de sa liberté par tout, sans s'asseruir à rien, il vient à secoüer aysement les opinions communes & toutes regles, par lesquelles l'on le veut brider & contraindre, comme vne iuste tyrannie : Entreprendra d'examiner tout, & iuger la pluspart des choses plausiblement receües du monde, ridicules & absurdes, trouuât par tout de l'apparence, passera par dessus tout : & ce faisant il est à crainde qu'il s'esgare & se perde : & de fait nous voyons que ceux qui ont quelque viuacité extraordinaire, & quelque rare excellence, cōme ceux qui sont au plus haut estage de la moyenne classe cy-dessus dite, sont le plus souuent desreglez & en opiniōs & en mœurs. Il y en a bien peu à qui l'on se puisse fier de leur conduicte propre, & qui puissent sans temerité voguer en la liberté de leurs iugemens au delà des opinions cōmunes. C'est miracle de trouuer vn grand & vif esprit bien reglé & moderé, c'est vn tres-dangereux glaiue qui ne le sçait bien conduire, & d'où viennent tous les desordres, reuoltes heresies & troubles au monde que delà ? *Magni errores non nisi ex magnis ingeniiis : nihil sapientia odiosius acumine nimio.* Sans doute celuy a meilleur téps, plus lōgue vie, est plus heureux & beaucoup plus propre au regime de la Repub. dit Thucydide, qui a l'esprit mediocre, voire au dessous la mediocrité, que qui l'a tāt eleué & transcendant, qui ne sert qu'à se donner du tourment & aux autres. De grandes amitez naissent les grâdes inimitiez, dessâtez vigoureuses les mortelles maladies : aussi des rares & viues agitations de nos ames.

les plus excellentes manies & plus detraquées. La sagesse & la folie sont fort voisines. Il n'y a qu'un demy tour de l'une à l'autre: cela se voit aux actions des hommes incensés. La Philosophie nous apprend que la melancolie est propre à tous les deux. De quoy se fait la subtile folie que la plus subtile sagesse? C'est pourquoy, dit Aristote, il n'y a point de grand esprit sans quelque mellage de folie, & Platon, qu'en vain un esprit raffiné & sain frappe aux portes de la Poësie. C'est en ce sens que les sages & plus braues Poëtes ont approuvé de folier & iortir des gons quelquefois, *Insanire incundum est; dulce desipere in loco: non potest grande & sublime quidquam nisi mota mens, & quamdiu apud se est.*

C'est pourquoy on a eu bonne raison de luy donner des barrières estroittes: on le bride & le garot- 16.
 te de religions, loix, coustumes, sciences, prece- Pour-
 ptes, menasses, promesses mortelles & immortel- que v le
 les, encores voit-on que par sa desbauche il fran- faut bri-
 chit tout, il eschappe à tout, tant il est de nature re- der &
 uesche, fier, opiniastre, dont le faut mener par atti- retenu.
 fice: l'on ne l'aura de force, *Naturâ consumax est Senec.*
animus humanus, in contrarium atq; arduum nitens,
sequiturque facilius quàm ducitur, ut generosi & no-
biles equi melius facili frano reguntur. Il est bien plus
 seur de le mettre en tutelle, & le coucher que le
 laisser aller à sa poste: car s'il n'est bien nay, bien
 fort & bien réglé, comme ceux de la plus haute
 classe qu'auons dit cy-dessus, ou bien foible, mol,
 & mouffe, comme ceux de la plus basse marche,
 certes il se perdra en la liberté de ses iugemens:
 parquoy il a besoin d'estre retenu, plus besoin de
 plomb que d'aïles, de bride que d'esperon: A quoy

principalement ont regardé les grâds Legiflateurs & fondateurs d'Estats : les peuples fort mediocrement spirituels vivent en plus de repos que les ingenieux. Il y a eu plus de troubles & seditiôs en dix ans en la seule ville de Floréce, qu'en cinq cens ans aux pays des Suiffes & Grifons, & en particulier les hommes d'une commune fuffifance font plus gens de bien, meilleurs citoyês, font plus souples, & font plus volontiers ioug aux loix, aux superieurs, à la raison, que ces tant vifs & clair-voyans, qui ne peuuent demeurer en leur peau : l'affinement des esprits n'est pas l'affagissement.

17. L'esprit a ses maladies, ses defauts & ses tares aussi bien que le corps, & beaucoup plus, & plus dangereux, & plus incurables, mais pour le connoistre il les faut distinguer : les vns sont accidentaux, & qui luy arriuent d'ailleurs; nous en pouuôs remar-

Accid. quer trois causes ; la disposition du corps, car les **taux** maladies corporelles qui alterent le temperamêt, **proue-** alterent aussi tout manifestement l'esprit & le iugement : ou bien la substance du Cerceau & des **nans de** organes de l'ame raisonnable est mal composée, **trois** soit dès la premiere conformation, comme en ceux **causes** du **corps.** soit de la teste mal-faiçte, toute rôte, ou pointuë, ou trop petite, ou par accidêt de heurt ou blessure.

Du La seconde est la contagion vniuerselle des opi- **monde.** nions populaires & erronées receuës au môde, de laquelle l'esprit preuenü & atteint, ou qui pis est, abrëuüé & coiffé de quelques opinions fantasques, va tousiours & iuge selon cela, sans regarder plus auant ou reculer en arriere: car tous les esprits n'ont pas assez de force ou vigueur pour se garantir & sauuer d'un tel deluge.

La troisieme beaucoup plus voisine est la maladie & corruption de la volonté, & la force des passions, c'est vn monde renuersé: la volonté est née pour suiure l'entendement comme son guide, son flambeau: mais estant corrompuë & saisie par la force des passions, force aussi & corrompt l'entendement; & c'est d'où vint la pluspart des faux iugemens, l'enuie, la malice, la haine, l'amour, la crainte nous font regarder, iuger & prendre les choses toutes autres, & tout autrement qu'il ne faut, dont l'on cria tant, *iuger sans passion*: delà vient que l'on obscurcit les belles & genereuses actions d'autrui par des viles interpretations; l'on controuue des causes, occasions & intentions, mauvaises ou vaines, c'est vn grãd vice & preuue d'une nature maligne, & iugement bien malade, il n'y a pas grande subtilité ny suffisance en cela, mais de malice beaucoup. Cela vient d'enuie qu'ils portēt à la gloire d'autrui, ou qu'ils iugent les autres selon eux, ou bien qu'ils ont le goust alteré & la veuë si troublée qu'ils ne peuuent conceuoir la splendeur de la vertu en sa pureté naïfue. De cette mesme cause & source vient que nous faisons valoir les vertus & les vices d'autrui, & les estendons plus qu'il ne faut, des particularitez en tirons des consequences & conclusiōs generales: s'il est amy tout luy sied bien, ses vices mesmes seront vertus; s'il est ennemy ou particulier, ou de party contraire, il n'y a rien de bon. Tellement que nous faisons honte à nostre iugement, pour assouir nos passions: mais cecy va bien encores plus loing, car la pluspart des impietés, heresies, erreurs en la creance & religion, si nous y regardons bien, est née de

prena de iuger & condamner les autres, & encores celles que l'on n'entend pas. L'on dit bien vray que le plus beau & heureux partage que Dieu aye fait, est du iugement; car chacun se contente du sien, & en pense avoir assez. Or ceste maladie vient de la mesconnoissance de soy; nous ne sentons iamais assez au vray la foiblesse de nostre esprit: ainsi la plus grande maladie de l'esprit, c'est l'ignorance, non pas des arts & sciences, & de ce qui est dedans les liures, mais de soy-mesme, à cause dequoy ce premier liure a esté fait.

De la Memoire.

CHAP XV.

LA memoire est souuent prise par le vulgaire pour le sens & entendement, mais c'est à tort: car par raison comme a esté dit, & par experience, l'excellence de l'un est ordinairement avec la foiblesse de l'autre, c'est à la verité vne faculté fort vrile pour le monde, mais elle est de beaucoup au dessous de l'entendement, & est de toutes les parties de l'ame la plus delicate & plus frêle. Son excellence n'est pas fort requise, si ce n'est à trois sortes de gens, aux negociateurs, aux ambitieux de parler (car le magasin de la memoire est volontiers plus plein & fourny que celuy de l'invention, or qui n'en a, demeure court, & faut qu'il en forge & parle de soy) & aux menteurs, *mendacem oportet esse memorem*. Le defaut de memoire est utile à ne mentir gueres, ne parler gueres, oublier les offenses. La mediocrité est suffisante par tout.

De l'imagination & opinion.

CHAP. XVI.

Effets
de l'I-
magi-
nation
mer-
veil-
leux.

L'Imagination est vne tres-puissante chose, c'est celle qui fait tout le bruit, l'esclat, le remuement du monde vient d'elle (comme nous auons dit-cy dessus estre la faculté de l'ame, seule, ou bié la plus actiue & remuante :) Ses effets sont merueilleux & estranges : elle agit non seulement en son corps & son ame propre, mais encóres en celle d'autrui : & produit effects contraires. Elle fait rougir, pallir, trembler, tremousser, tressuer, ce sont les moindres & plus doux : elle oste la puissance & l'usage des parties genitales, voire lors qu'il en est plus besoin, & que l'on y est plus aspre, non seulement à soy mesmes mais à autrui, témoin les liaisons dont le monde est plein, qui sont pour la pluspart impressiós de l'apprehésion & de la crainte : Et au contraire sans effort, sans obiect & en songe elle assouui les amonreux desirs, fait changer de sexe, témoin Lucius Cassirius, que Plin dit auoir veu estre chagé de femme en homme le iour de ses nopces, & tât d'autres : marque honteuse mêt voir tué & fait auorter le fruiet dedás le ventre, fait perdre la parole, & la dóné à qui ne l'a iamais eüe, côme au fils de Cresus, oste le mouuement, sentiment, respiratió. Voila quât au corps. Elle fait perdre le sens, la cognoissance, le iugemét, fait devenir fol & insensé, témoin Gallus Vibius, qui pour auoir trop bandé son esprit à comprendre l'essence & les mouuemens de la folie, desloca & desnoüa son iugement, si qu'il ne le peût remettre : fait deuiner les

choses secretes & à venir, & cause les enthousiasmes, les productions & merueilleuses inuentions, & rault en extase: tellement tuë & fait mourir, témoin celuy à qui on desbande les yeux pour luy lier sa grace, & fut trouué roide mort sur l'eschafaut. Bref c'est d'elle que viét la pluspart des choses que le vulgaire appelle miracles, visions, enchantemens. Ce n'est pas tousiours le diable ou esprit familier, côme incontinent l'ignorant pense, quand il ne peut trouuer le ressort de ce qu'il voit, ny aussi tousiours l'esprit de Dieu (à ces mouuemens surnaturels on ne touche point icy) mais le plus souuent c'est l'effect de l'imagination, ou de celle de l'agent qui dit & fait telles choses, ou du patient & spectateur, qui pèse voir ce qui n'est point: ce qui est requis en tel cas, & qui est excellent est de scauoir prudemmet discerner quel ressort ioüe, naturel ou surnaturel, vray ou faux, *Descriptio spirituum*, & ne precipiter son iugement côme fait la pluspart mesmes des populaires qui n'en ont gueres.

En cette partie & faculté d'ame se tient & loge l'opinion qui est vn vain & leger, crud & imparfait iugement des choses, tiré & puisé des sens extérieurs & du bruit commun & vulgaire, s'arrestât & tenant bon en l'imagination, & n'arriuant iamaïs iusques à l'entendement, pour y estre examiné, cuit & élaboré, & en estre fait raison: qui est vn vray, entier & solide iugement des choses, dont elle est inconstante, incertaine, volage, trompeuse, vn tres-mauuais & dangereux guide, & qui fait teste à la raison, de laquelle elle est vne ombre & image, mais vaine & fausse: elle est mere de tous maux, confusions, desordres: d'elle viennent tou-

res passions, & les troubles : c'est la guide des fols, des sots, du vulgaire, comme la raison des sages & habiles.

3. Ce n'est pas la verité ny le naturel des choses qui nous remuë & agite ainsi l'ame, c'est l'opinion, selon yn dire ancien: les hōmes sont tourmentez par les opinions qu'ils ont des choses, non par les choses mesmes, *opinionē sapiens quātm re laboramus: plura sunt quę nos tenent, quātm quę premunt.* La verité & l'estre des choses n'entre ny ne loge chez nous de soy-mesme, de sa propre force & autorité: s'il estoit ainsi, toutes choses seroient receuës de tous, toutes pareilles & de mesme façon, sauf peu plus, peu moins, tous seroient de mesme creance, & la verité qui n'est iamais qu'une & uniforme, seroit embrassée de tout le monde: Or il y a si grande diuersité, voire contrariété d'opinions par le monde, & n'y a chose aucune de laquelle tous soient généralement d'accord, pas mesmes les sçauans & les mieux nez: qui montre que les choses entrent en nous par composition, se rendent à nostre mercy & denotion, & logent chez nous comme il nous plaist, selon l'humeur & la trempe de nostre ame. Ce que ie ctoy, ie ne puis faire croire à mon compagnon: mais qui plus est, ce que ie croy auourd'huy si fermement, ie ne puis respondre que ie le croiray encores ainsi demain, voire il est certain que ie le trouueray & iugeray tout autre, & autrement vne autre-fois. Certes les choses prennent en nous telle place, tel goust & couleur, que nous leur en dōnons, & telle qu'elle est la cōstitution interne de l'ame. *omnia munda mundis, immunda immundis.* Comme les accoustremens nous eschauf-

sent non de leur chaleur, mais de la nostre qu'ils conseruent, comme aussi ils nourrissent la froideur de la neige & de la glace, nous les eschauffons premierement de nostre chaleur, & puis en recompense ils nous conseruent la nostre.

Presque toutes les opinions que nous auons, nous ne les auons que par autorité; nous croyons, iugeons, agissons, viuons, & mourons à credit, selon que l'vsage public nous apprend: & faisons bien, car nous sommes trop foibles pour iuger & choisir de nous mesmes: mais les sages ne font pas ainsi, comme sera dit.

Volonté

CHAP. XVII.

LA volonté est vne grande piece de tres-grande importance, & doit l'homme estudier sur tout à la bien regler, car d'icelle depend presque tout son estat & son bien: elle seule est vrayement nostre & en nostre puissance, tout le reste, entendement, memoire, imagination nous peut estre osté, alteré, troublé par mille accidens, & non la volonté. Secondement, c'est elle qui entraine & emporte l'homme tout entier, qui a donné la volonté n'est plus à soy, & n'a plus rien de propre. Tiercement, c'est elle qui nous rend & nous denomme bons ou meschans, qui nous donne la trempe & la teinture. Comme de tous les biens qui sont en l'homme, la preud'homme est le premier & principal, & qui de loin passe la science, l'habilité: aussi faut-il dire que la volonté, où loge la bonté & vertu, est la plus excellente de toutes, & de fait pour entendre & sçauoir les belles, bonnes, &

Preémi-
nence &
import-
tance de
la vo-
lonté,
compar-
aison
d'icelle
avec l'en-
tende-
ment.

honestes choses, ou meschantes & deshonestes, l'homme n'est bon, ny meschant, honneste ny deshoneste, mais pour les vouloir, & aymer : L'entendement à bien d'autres prééminences, car il est à la volonté comme le mary à la femme, le guide & le flambeau au voyageur, mais en celle cy, il cede à la volonté.

La vraye difference de ces facultez est en ce que par l'entendement les choses entrent en l'ame, & elles les reçoit, comme portent les mots d'apprendre, concevoir, comprendre, vrais offices d'iceluy, & y entrent non entiers & telles qu'elles sont, mais à la proportion, portée & capacité de l'entendement, dont les grandes & hautes se racourcissent & abaissent aucunemēt par cette entrée, comme l'Océan n'entre tout entier en la mer Mediterannée, mais à la proportion de l'emboucheure du destroit de Gibraltar. Par la volonté au contraire l'ame sort hors de soy & va se loger & viure ailleurs en la chose animée, en laquelle elle se transforme, & en porte le nom, le tiltre & la liurée, estant appelée vertueuse, vitieuse, spirituelle, charnelle, dont s'ensuit que la volonté s'enoblit aimant les choses dignes & hautes, s'auilit s'addonnāt aux moindres & indignes, comme la femme selon le party & mary qu'elle prend.

3. L'experience nous apprend que trois choses aiguissent nostre volonté, la difficulté, la rareté, & l'absence, ou bien crainte de perdre la chose; comme les trois contraires la relasche, l'aisance, l'abondance ou satieté, & l'assiduele presence & iouissance assuree: les trois premiers donnent prix aux choses, les autres trois engendrent mespris: nostre
volonté

volonté s'aiguise par le contraire, se depite contre le desny : au rebours, nostre appetit mesprise & outre passe ce qui luy est en main, pour courir à ce qu'il n'a pas. *Permissum fit vile nefas : quod licet ingratum est, quod non licet acius vrit* ; voire cela se voit en toutes sortes de voluptés, *omnium rerum Voluptas ipso, quod debet fugere periculo crescit*. Tellement que les deux extremitéz, la faute & l'abondance, le desir & la iouissance, nous mettent en mesme peine : cela fait que les choses ne sont pas estimées iustement comme il faut, & que nul Prophete n'est receu en son pays.

Comment il faut mener & reigler sa Volonté se dira cy, apres. liu. 2. chap. 2. & liu. 3. chap. 9.

Passions & affections.

Aduertissement.

LA matiere des passions de l'esprit est tres-grande & planteureuse, tient vn grand lieu en cette doctrine de sagesse : à les sçauoir bien cognoistre & distinguer, ce qui se fera maintenant en ce liure : aux remedes de les brider, regir & moderer generaux, c'est pour le second liure : aux remedes particuliers d'vne chacune au troisieme liure, suiuant la methode de ce liure mise au preface. Or pour en auoir icy la cognoissance, nous en parlerons premierement en general en ce chapitre, puis particulièrement de chacune aux chapitres suiuaus : Et n'ay point veu qui les depeigne plus naïuement & richement que le sieur du Vair en ses petits liurets moraux, desquels ie me suis fort seruy en ceste matiere passionnée.

L. 2. c. 6.
& 7. l. 1.
és Verrus
de force
& tem-
perance

Des Passions en general.

CHAP. XVIII.

1.
Descript:
de passio.

Passion est vn mouuement violent de l'ame en sa partie sensitiue lequel se fait ou pour suivre ce que l'ame pense luy estre bon, ou pour fuir ce qu'elle pense luy estre mauuais.

2.
Leur es-
motion.

Mais il est requis de bien sçauoir cōment se font ces mouuemēs, & cōment ils naissent & s'eschauffent en nous; ce que l'on peut représenter par diuers moyens & comparaisons, premièrement pour le regard de leur esmotion & impetuosité: L'ame qui n'est qu'une au corps, a plusieurs & tres-diuerfes puissances, selon les diuers vaisseaux, où elle est retenüe, instrumens desquels elle se sert, & obiects qui luy sont proposés. Or quand les parties où elle est enclōse ne la retiennent & occupent qu'à proportion de leur capacité, & selon qu'il est necessaire pour leur droit vsage, ses effects sont doux, benins & bien réglés: mais quand au contraire ses parties prennent plus de mouuement & de chaleur qu'il ne leur en faut, elles s'alterent & deuiennent dommageables: comme les rayons du soleil, qui vagans à leur naturelle liberté, eschauffent doucement & tiedement, s'ils sont recueillis & remis au creux d'un miroir ardent, brulent & consument ce qu'ils auoient accoustumé de nourrir & viuifier. Au reste elles ont diuers degrés en leur force & esmotion, & sont en ce distinguées par plus & moins, les mediocres se laissent gouter & digerer, s'expriment par paroles, & par larmes,

les grandes & extremes estonnent toute l'ame, l'accablent & luy empeschent la liberté de ses actions, *cura leues loquuntur, ingentes stupent.*

Secondement, pour le regard du vice, desreglement & iniuste qui est en ses passions, nous pouvons à peu pres comparer l'homme à vne republique, & l'estat de l'ame à vn estat royal, auquel le souverain pour le gouvernement de tant de peuples a des Magistrats, auxquels pour l'exercice de leurs charges, il donne loix & reglemens, se reservant la cognoissance des plus grands, & importants accidens: De cet ordre depend la paix & prosperité de l'estat: au contraire si les Magistrats qui sont comme mettoient entre le Prince & le peuple, se laissent tromper par facilité, ou corrompre par faveur, & que sans deferer à leur souverain & aux loix par luy establies, ils employent leur autorité à l'execution des affaires, ils remplissent tout de désordre & confusion. Ainsi en l'homme l'entendement est le souverain, qui a sous soy vne puissance estimative & imaginative comme vn Magistrat, pour cognoistre & iuger par le rapport des sens, de toutes choses qui se presenteront, & mouvoir nos affections pour l'execution de ses jugemens. Pour sa conduite & reglement en l'exercice de sa charge, la loy & lumière de nature luy a esté donnée, & puis il a moyen en tout doute de recourir au conseil de son supérieur & souverain, l'entendement: Voila l'ordre de son estre heureux, mais le malheur est que cette puissance qui est au dessous de l'entendement, & au dessus des sens, à laquelle appartient le premier iugement des choses, se laisse la pluspart du temps corrompre ou trôper,

3.
De leur
vice &
desregle-
ment.

Opin: 6.

dont elle iuge mal & temerairement, puis elle manie & remue nos affections mal à propos, & nous remplit de trouble & d'inquietude. Ce qui trouble & corrompt cette puissance, ce sont premierement les sens, lesquels ne comprennent pas la vraye & interne nature des choses, mais seulement la face & forme externe, & rapportant à l'ame l'image des choses, avec quelque recommandation fauorable, & quasi vn preiugé de leurs qualitez, selon qu'ils les trouuent plaisants & agreables à leur particulier, & non vtiles & necessaires au bien vniuersel de l'homme : Puis s'y melle le iugement souuent faux & indifferent du vulgaire. De ces deux faux aduis & rapport des sens & du vulgaire, se forme en l'ame vne inconsiderée opinion, que nous prenons des choses, qu'elles sont bonnes ou mauuaises, vtiles ou dommageables, à suivre ou fuir : qui est certainement vne tres-dangereuse guide, & temeraire maistresse : car aussi tost qu'elle est conceüe, sans plus tien deferer au discours & à l'entendement, elle s'empare de nostre imagination, & comme dedans vne citadelle, y tient fort contre la droite raison, puis elle descend en nostre cœur, & remue nos affections, avec des mouuemens violés d'esperance, de crainte, de tristesse, de plaisir : Bref fait sousteuer tous les fols & seditieux de l'ame, qui sont les passions.

Je veux encores declarer la mesme chose, par vne autre similitude de la police militaire. Les sens sont & sentinelles de l'ame veillans pour la conseruation, & messagers ou courriers pour seruir de ministres & instrumens à l'entendement partie souueraine de l'ame : Et pour ce faire ils ont receu

puissance d'appercevoir les choses, en tirer les formes, & les embrasser ou rejeter, selon qu'elles leur semblent agreables ou facheuses & qu'elles consentent ou s'accordent à leur nature : Or en exerçant leur charge, ils se doiuent contenter de recognoistre, & donner auis de ce qui se passe, sans vouloir entreprendre de remuer les hautes & fortes puissances, & par ce moyen mettre tout en alarme & confusion. Ainsi qu'en vne armée souuent les sentinelles, pour ne sçauoir pas le dessein du chef qui commande, peuuent estre trompées, & prendre pour le secours les ennemis desguisés, qui viennent à eux, ou pour ennemis ceux qui viennent à leur secours : aussi les sens pour ne pas comprendre tout ce qui est de la raison, sont souuent deceus par l'apparence, & iugent pour amy ce qui nous est ennemy. Quand sur ce pensément, & sans attendre le commandement de la raison, ils viennent à remuer la puissance concupiscible & l'irascible, ils font vne sedition & vn tumulte en nostre ame, pendant lequel la raison n'y est point ouye, ny l'entendement obey.

Voyons maintenant leurs regimens, leurs rangs, genres, & especes Toute passion s'esmeut sur l'apparence & opinion ou d'un bien, ou d'un mal : si d'un bien, & que l'ame le considere tel tout simplement, ce mouuement s'appelle amour : S'il est present & dont l'ame iouisse en soy mesme, il s'appelle plaisir & ioye : s'il est à venir, s'appelle desir : si d'un mal, comme tel simplement, c'est haine, s'il est present, en nous mesmes, c'est tristesse & douleur, si en autrui, c'est pitié, s'il est à venir, c'est crainte. Et celles-cy qui naissent en nous par l'ob-

4.
Distinction des passions selon l'objet & le subiect.
De la concupiscible six. 3.
de bien & 3. de mal.

En l'irascible
cinq 2.
du bien
& 3. du
mal.

ieût du mal apparent, que nous fuyons & abhorrons, descendent plus avant en nostre cœur, & s'enleuent plus difficilement. Voila la premiere bande des seditieux qui troublent le repos de nostre ame, sçauoir en la partie concupiscible; desquels encores que les effects soient tres-dangereux, si ne sont ils pas si violens, que de ceux qui les fuyent: Car ces premiers mouuemens-là, formés en ceste partie, par l'obiet qui se presente, passent incontinent en la partie irascible, c'est à dire, en cet endroit, ou l'ame cherche les moyés d'obtenir ou éuiter ce qui luy semble bon ou mauuais. Et lors tout ainsi comme vne roüe qui est desia esbranlée, venant à recevoir vn nouveau mouuement, tourne de grande vitesse, aussi l'ame desia emeuë de la premiere apprehension, adioustant vn secôd effort au premier, se manie avec beaucoup plus de violence qu'auparuant, & souleue des passions bien plus puissantes & plus difficiles à dompter; d'autant qu'elles sont doubles, & ja accouplées aux premieres, se liant & soustenant les vnes les autres, par vn mutuel consentement, car les premieres passions qui se forment sur l'obiet du bien apparent, entrant en consideration des moyens de l'acquérir, excitent en nous ou l'espoir ou le desespoir. Celles qui se forment sur l'obiet du mal à venir, font naistre ou la peur, ou au cōtraire l'audace du mal present, la cholere, & le courroux, lesquelles passions sont estrangement violentes, & renuersent entierement la raison: qu'elles trouuent desia esbranlée. Voila les principaux vents d'où naissent les tempestes de nostre ame: & la cauerne d'où ils sortent, n'est que l'opinion (qui est ordinairement faulse, vague, in-

certaine, contraire à nature, verité, raison, certitude) que l'on a, que les choses qui se presentent à nous sont bonnes ou mauuaises : car les ayant apprehendées telles, nous les recherchons ou fuions avec vehemence, ce sont nos passions.

Des passions en particulier.

ADVERTISSEMENT.

IL sera traité de leur naturel, pour y voir la folie, vanité, misere, iniustice, & laideur, qui est en elles, afin de les cognoistre & apprendre à les iustement hayr. Les aduis pour s'en garder seront aux liures suiuaus, ce sont les deux parties du medecin, declarer la maladie, & donner les remedes, voicy les maladies de l'esprit. Au reste nous parlerons icy premierement de toutes celles qui regardent lo bien apparent, qui sont amour & les especes, desir, espoir, desespoir, ioye; & puis toutes celles qui regardent le mal qui sont plusieurs, cholere, hayne, enuié, ialousie, vengeance, cruauté, crainte, tristesse, compassion.

Liv. 3:
aux vertus de
foie: &
tempera-
ce.

De l'Amour en general.

CHAP. XIX.

LA premiere maistresse & capitale de toutes passions, est l'amour; qui est de diuers subiects, & de diuerses sortes & de grés; il y en a trois principaux genres, auxquels tous se rapportent, nous parlons du vicieux & passionné, car du vertueux, qui est amitié, charité, dilection, sera parlé en la vertu de la

Distinction d
l'amour
& com
paraïse

Iustice; sçauoir l'Ambition ou superbe, qui est l'amour de grandeur & honneur, l'Auarice, amour des biens, l'Amour voluptueux & charnel. Voilà les trois goulphes & precipices d'où peu de gens se sauuent, les trois pestes & corruptions de tout ce qu'auons en maniment, esprit, corps, & biens, les armures des trois capitaux ennemis du salut & repos humain, le diable, la chair, le monde: Ce sont à la verité trois puissances: les plus communes & vniuerselles passions dont l'Apostre a party en ces trois tout ce qui est au monde, *quicquid est in mundo, est concupiscentia oculorum, aut carnis, aut superbia vitæ*. L'Ambition comme spirituelle, est plus noble & hautaine que les autres: L'amour voluptueux comme plus naturel & vniuersel (car il est mesmes aux bestes, où les autres ne se trouuent point) il est plus violent, & moins vicieux, ie dy violent tout simplement, car quelquesfois l'Ambition l'emporte, mais c'est vne maladie particuliere: l'auarice est la plus sottise & maladiue de toutes.

De l'Ambition.

CHAP. XX.

r.
Descrip-
tion.

L'Ambition (qui est vne faim d'honneur & de gloire, vn desir glouton, & excessif de grâdeur) est vne bien douce passion, qui se coule aisément és esprits plus genereux, & ne s'en tire qu'à peine. Nous pensons deuoir embrasser le bien, & entre les biens nous estimons l'honneur plus que tout, voila pourquoy nous le courons à force; l'ambicieux veut estre le premier, iamais ne regarde der-

riere : mais toujours deuant, à ceux qui le precedent : & luy est plus grief d'en laisser passer vn deuant, qu'il ne prend de plaisir d'en laisser mille derriere, *habet hoc totum omnis ambitio, non respicit.* Elle est double, l'une de gloire & honneur, l'autre de grandeur & commandement : celle-là est vtile au monde, & en certain sens permise, comme il sera dit, ceste cy peñicieule. Senec.

L'ambition a sa semence & sa racine naturelle en nous : il y a vn proverbe qui dit, que *nature se contente de peu*, & vn autre tout contraire, que *nature n'est iamais saine ny contente*, toujours desire, veut monter, & s'enrichir, & ne va point seulement le pas, mais court à bride abbatuë, & se ruë à la grandeur & à la gloire, *Natura nostra imperij est avida, & ad implendam cupiditatem praecept.* Et de force qu'ils courent, souuent se rompent le col, comme tant de grands hommes à la veille & sur le point d'entrer & iouir de la grandeur qui leur auoit tant cousté : C'est vne passion naturelle, tres-puissante, & en fin qui nous laisse bien tard, dont quelqu'un l'appelle la chemise de l'ame, car c'est le dernier vice duquel elle se despoüille. *Etiā sapientibus cupido gloria nouissima exurit.* 2.
Est naturelle.

L'ambition comme c'est la plus forte & puissante passion qui soit, aussi est-elle la plus noble & hautaine, sa force & puissance se montre en ce qu'elle maistrise & surmonte toutes autres choses, & les plus fortes du monde, toutes autres passions & cupiditez, mesmes celle de l'amour, qui semble toutes fois contester de la primauté avec ceste cy. Comme nous voyons en tous les grands, Alexandre, Scipion, Pompée & tant d'autres, qui ont 3.
Sa force & primauté.
Surmontant l'amour.

courageusement refusé de toucher les plus belles dames qui estoient en leur puissance, brulant au reste d'ambition, voire ceste victoire de l'amour seruoit à leur ambitioⁿ, sur tout en Cesar: car iamais homme ne fut plus addonné aux plaisirs amoureux, & de tout sexe, & de toutes sortes, témoins tant d'exploits, & à Rome, & aux pays estrangers, ny aussi plus soigneux & curieux de sa personne: toutesfois l'ambition l'emportoit tousiours: iamais les plaisirs amoureux ne luy firent perdre vne heure de temps qu'il pouuoit employer à son agrandissement: l'Ambition regentoit en luy souverainement: & le possédoit plainement. Nous trouuons au rebours qu'en Marc-Antoine & autres, la force de l'amour a fait oublier le soin & la conduite des affaires. Mais quand toutes deux seroient en égale balance, l'ambition emporteroit le prix. Ceux qui veulent l'amour plus forte, disent qu'elle tient à l'ame & au corps: & que tout l'homme en est possédé, voire que la santé en dépend: Mais au contraire, il semble que l'ambition est plus forte, à cause qu'elle est toute spirituelle. Et de ce que l'amour tient aussi au corps, elle en est plus foible, car elle est sujette à satieré, & puis est capable de remedes corporels, naturels, & estrangers, comme l'experience le monstre de plusieurs qui par diuers moyens ont adoucy, voire esteint l'ardeur & la force de ceste passion; Mais l'Ambition n'est capable de satieré, voire elle s'esguise par la iouissance, & n'y a remede pour l'éteindre, estant toute en l'ame mesme, & en la raison.

4.
Le soin
de sa vie.

Et le vainq aussi l'amour non seulement de la santé, de son repos, (car la gloire & le repos sont cho-

es qui ne peuent loger ensemble) mais encores de sa propre vie, comme montra Agrippina mere de Neron, laquelle desirant & consultant pour faire son fils Empereur, ayant entendu qu'il le seroit, mais qu'il luy cousteroit la vie, respondit le vray mot d'Ambition, *Occidat modo imperet.*

Tiercement l'ambition force toutes les loix, & la conscience mesmes, disans les docteurs de l'ambition, qu'il faut estre par tout homme de bien, & perpetuellement obeir aux loix, sauf au point de regner, qui seul merite dispense, estant vn si friant morceau, qu'il vaut bien que l'on en rompe son ieusne, *si violandum est ius, regnandi causa violandum est, in ceteris pietatem colas.*

Elle foule & mesprise encores la reuerence, & le respect de la religion, témoin Hieroboam, Mahomet, qui ne se soucie, & permet toute religion, mais qu'il regne : & tous les Heresiarches, qui ont mieux aimé estre chef de part en erreur & menterie, avec mille desordres, qu'estre disciples de verité : Dont a dit l'Apostre, que ceux qui se laissent embaboüiner à ceste passion & cupidité, font naufrage & s'esgarcent de la foy, & s'embarassent en diuerfes peines.

Bref, elle force & emporte les propres loix de nature; les meurtres des parens, enfans, freres, sont venus de là : témoin Absalon, Abimelech, Athalia, Romulus, Sei Roy des Perles, qui tua son pere & son frere, Soliman Turc ses deux freres : ainsi rien ne peut resister à la force de l'ambition, elle met tout par terre, aussi est-elle hautaine, & ne loge qu'aux grandes ames, voire aux Anges.

Ambition n'est pas vice ny passion des petits

5.
Les loix

6.
La religion

7.
Fert de la nature.

8.

Est passion
haute.

compagnons, ny de petits & communs efforts, & actions journalieres; la renommée & la gloire ne se prostituë pas à si vil pris; elle ne se donne & ne suit pas les actions simplement & seulement bonnes & vtilles, mais encores rares, hautes, difficiles, estranges & inusitées. Ceste grande faim d'honneur & de reputation basse & belistresse, qu'il la fait conquies enuers toutes sortes de gens, & par tous moyens, voire abiects, à quelque vil prix que ce soit, est vilaine & honteuse: c'est honte d'estre ainsi honoré: il ne faut point estre auide de gloire, plus quel'on n'en est capable: de s'enfler & s'esleuer pour toute action vtile & bonne, c'est monstrier le cul en haussant la teste.

9.
S'exerce
diuersement.

L'ambition a plusieurs & diuers chemins, & s'exerce par diuers moyens, il y a vn chemin droit & ouuert, tel qu'ont tenu Alexandre, Cesar, Themistocles, & autres. Il y en a vn autre oblique & couuert, que tiennent plusieurs Philosophes, & Professeurs de pieté, qui viennent au dedans par derriere, semblables aux tireurs d'auiron, qui tirent & tendent au port luy tournant le dos, ils se veulent rendre glorieux de ce qu'ils mesprisent la gloire. Et certes il y a plus de gloire à fouler & refuser les grandeurs, qu'à les desirer & en iouir, comme dit Platon à Diogene, & l'ambition ne se conduit iamais mieux selonc loy, que par vne voye égarée & inusitée.

10.
Est vne
folie.

C'est vne vraye folie & vanité qu'ambition, car c'est courir & prendre la fumée au lieu de la lueur, l'ombre pour le corps, attacher le contentement de son esprit à l'opinion du vulgaire, renoncer volontairement à sa liberté, pour suivre la passion

des autres, se contraindre à déplaire à soy-mesme pour plaire aux regardans, faire prédre ses affectiōs aux yeux d'autrui ; n'aymer la vertu qu'autant qu'elle plaist au vulgaire ; faire du bien non pour l'amour du bien, mais pour la reputation ; c'est ressembler aux tonneaux qu'on perce : l'on n'en peut rien tirer, qu'on ne leur donne du vent.

L'ambition n'a point de borne : c'est vn gouffre ^{IX.} qui n'a ny fond ny rive, c'est le vuide que les Philo- ^{Infamia- ble.} sophes n'ont encores peu trouuer en la nature : vn feu qui s'augmente avec la nourrice, que l'on luy donne. En quoy elle paye iustement son maistre, car l'ambition est iuste seulement en cela, qu'elle suffit à sa propre peine, & se met elle mesme au tourment. La rouë d'Ixion est le mouuement de ses desirs, qui tournent & retournent continuellement de haut en bas, & ne donnent aucun repos en son esprit.

Ceux qui veulent flatter l'ambition, disent qu'elle sert à la vertu, & est vn aiguillon aux belles ^{II.} actions : Car pour elle on quitte les autres vices, & ^{Ses excu- ses val- nes.} en fin elle mesme pour la vertu : mais tant s'en faut, l'ambition cache bien quelquesfois les vices, mais ne les oste pas pourtant, ains les couue pour vn temps, sous les trompeuses cendres d'une malicieuse feintise, avec esperance de les r'enflammer tout à fait, quand ils auront acquis assez d'autorité, pour les faire regner publiquement, & avec impunité. Les serpens ne perdent pas leur venin pour estre engourdis par le froid, ny l'ambitieux ses vices pour les courir par vne froide dissimulation : Car quand il est paruenue où il se demandoit, il fait sentir ce qu'il est : & quand l'ambition quit-

teroit tous les autres vices, si ne quitte elle iamaï soy-mesme. Elle se pousse aux belles & grandes actions, le profit en reuiet au public : mais qui les fait, n'en vaut pas mieux ; ce ne sont œuvres de vertu, mais de passion. Elle se targue aussi de ce beau mot, Nous ne sommes pas naiz pour nous, mais pour le public : les moyens que nous tenons à monter, & apres estre arrivés aux estats & charges, monstrent bien ce qui en est, que ceux qui sont en la danse se battent la conscience, & trouueront qu'il y a autant ou plus du particulier, que du public.

*Aduis & remedes particuliers contre ce mal
seront l. 3. c. 42.*

De l'auarice & sa contrepassion.

CHAP. XXI.

1.
Quest.
ce:

AYmer & affectionner les richesses, c'est auarice, non seulement l'amour & l'affection, mais encores tout soin curieux entour les richesses, sent son auarice, leur dispensation mesmes, & la liberté trop attentiuement ordonnée & artificielle : Car elles ne valent pas vne attention, ny vn soin penible.

2.
Sa force:

Le desir des biens & le plaisir à les posseder n'a racine qu'en l'opinion, le desreglé desir d'en auoir est vne gangrene en nostre ame, qui avec vne venimeuse ardeur, consomme nos naturelles affections, pour nous remplir de virulentes humeurs. Si tost qu'elles est logée en nostre cœur, l'honneste & naturelle affection, que nous deuons à nos pa-

rens & amis & à nous mesmes, s'enfuit ; Tout le reste comparé à nostre profit, ne nous semble rien : nous oublions enfin & mesprisons nous mesmes, nostre corps & nostre esprit, pour ces biens, & comme l'on dit, nous vendons nostre cheual pour auoir du foin.

Auarice est passio vilaine & lasche des sots populaires, qui estiment les richesses, comme le souverain bien de l'homme, & craignent la pourreté, comme son plus grand mal, ne se contentent iamais des moyens necessaires, qui ne sont refusés à personne, ils pesent les biens dedâs les balances des orfeures, mais nature nous apprend à les mesurer à l'aune de la necessité. Mais qu'elle folie, que d'adorer ce que nature mesmes a mis sous nos pieds, caché sous terre, comme indigne d'estre veu, mais qu'il faut fouler & mespriser ? Ce que le seul vice de l'homme a arraché des entrailles de la terre, & mis en lumiere pour s'entretenir, *In lucem propter quæ pugnaverimus excutimus : non erubescimus summa apud nos haberi, quæ fuerunt in aëre terrarum.* La nature semble en la naissance de l'or, auoir aucunement presagé la misere de ceux qui le deuoient aimer, car elle a fait qu'és terres où il croist, il ne vient ny herbes, ny plante, ny autre chose qui vaille, comme nous annonçât qu'és esprits où le desir de ce metal naistra, il ne demeurera aucune scintille d'honneur ny de vertu : Que se degrader iusques-là, que de servir & demeurer esclave de ce qui nous doit estre subiect, *Apud sapientem diuitiæ sunt in seruitute, apud stultum in imperio.* Car l'auare est aux richesses non elles a luy, & il est dit, auoir des biens comme la sievre, laquelle tient & gourmande l'homme, non luy elle :

3.
Folie &
misere de
l'auarice
en cinq
points.

teroit tous les autres vices, si ne quitte elle iamais soy-mesme. Elle se pousse aux belles & grandes actions, le profit en reuiet au public : mais qui les fait, n'en vaut pas mieux ; ce ne sont œuvres de vertu, mais de passion. Elle se targue aussi de ce beau mot, Nous ne sommes pas naiz pour nous, mais pour le public : les moyens que nous tenons à monter, & apres estre arriuez aux estats & charges, monstrent bien ce qui en est, que ceux qui sont en la danse se battent la conscience, & trouueront qu'il y a autant ou plus du particulier, que du public.

*Aduis & remedes particuliers contre ce mal
seront l. 3. c. 42.*

De l'auarice & sa contrepassion.

CHAP. XXI.

1.
Quest.
ce:

AYmer & affectionner les richesses, c'est auarice, non seulement l'amour & l'affection, mais encores tout soin curieux entour les richesses, sent son auarice, leur dispensation mesmes, & la liberté trop attentiuement ordonnée & artificielle : Car elles ne valent pas vne attention, ny vn soin penible.

2.
Sa force:

Le desir des biens & le plaisir à les posseder n'a racine qu'en l'opinion, le desreglé desir d'en auoir est vne gangrene en nostre ame, qui avec vne venimeuse ardeur, consomme nos naturelles affections, pour nous remplir de virulentes humeurs. Si tost qu'elles est logée en nostre cœur, l'honneste & naturelle affection, que nous deuons à nos pa-

rens & amis & à nous mesmes, s'enfuit ; Tout le reste comparé à nostre profit, ne nous semble rien : nous oublions enfin & mesprisons nous mesmes, nostre corps & nostre esprit, pour ces biens, & comme l'on dir, nous vendons nostre cheual pour auoir du foin.

Auarice est passio vilaine & lasche des sots populaires, qui estiment les richesses, comme le souverain bien del'homme, & craignent la pource, comme son plus grand mal, ne se contentent iamais des moyens necessaires, qui ne sont refusés à personne, ils pesent les biens dedas les balances des orfeures, mais nature nous apprend à les mesurer à l'aune de la necessité. Mais qu'elle folie, que d'adorer ce que nature mesmes a mis sous nos pieds, caché sous terre, comme indigne d'estre veu, mais qu'il faut fouler & mespriser ? Ce que le seul vice de l'homme a arraché des entrailles de la terre, & mis en lumiere pour s'entretenir, *In lucem propter qua pugnaremus excutimus : non erubescimus summa apud nos haberi, quæ fuerunt ima terrarum.* La nature semble en la naissance de l'or, auoir aucunement presagé la misere de ceux qui le deuoient aimer, car elle a fait qu'és terres où il croist, il ne vient ny herbes, ny plante, ny autre chose qui vaille, comme nous annonçât qu'és esprits où le desir de ce metal naistra, il ne demeurera aucune scintille d'honneur ny de vertu : Que se degrader iusques-là, que de servir & demeurer esclave de ce qui nous doit estre subiect, *Apud sapientem diuitiæ sunt in seruitute, apud stultum in imperio.* Car l'auare est aux richesses non elles a luy, & il est dit, auoir des biens comme la fièvre, laquelle tient & gourmande l'homme, non luy elle :

3.
Folie &
miserere
l'auarice
en cinq
points.

Que d'aymer ce qui n'est bon, ny ne peut faire l'homme bon, voire est commun en la main des plus meschans du monde, qui peruertissent souuent les bonnes mœurs, n'amendent iamais les mauuâises; sâs lesquelles tant de sages ont rendu leur vie heureuse, & pour lesquelles plusieurs meschans ont eu vne mort mal'heureuse: Bref attacher le vif avec le mort, côme faisoit Mezentius, pour le faire lâguir, & plus cruellement mourir l'esprit avec l'excremēt & escume de la terre, & embarrasser son ame en mille tourments & trauerses, qu'ameine celle passion amoureuse des biens, & s'empescher aux filets & cordages du malin, comme les appelle l'Ecriture Saincte, qui les descrie fort, appellant iniques espines, larron du cœur humain, lacqs & filets du diable, idolatrie, racine de tous maux. Et certes qui verroit aussi bien la rouille des ennuis qu'engendrent les richesses dedâs les cœurs côme leur esclat & splendeur, elles seroient autant hayes, côme elles sont aimées, *Desunt inopia multa, Auaritia omnia, in nullum auarus bonus est in se pessimus.*

4.
Passion
contraire
à l'auari-
ce.

C'est vne autre cōtraire passion vicieuse, de hayr & reietter les biens & richesses, c'est refuser les moyens de bien faire, & practiquer plusieurs vertus, & la peine qui est beaucoup plus grande à bien commander & vser des richesses, que de n'en auoir point, se gouuerner mieux à l'abondance, qu'en la poureté. En ceste cy n'y a qu'une espee de vertu, qui est ne raualler point de courage, mais se tenir ferme. En l'abondance y en a plusieurs, temperance, moderation, liberalité, diligence, prudence, &c. Là il n'y a qu'à se garder, icy il y a aussi à se garder, & puis à agir. Qui se despoüille des biens est

est bien plus quitte & à deliure pour vaquer aux choses hautes de l'esprit, c'est pourquoy plusieurs & Philosophes & Chrestiens l'ont pratiqué par grandeur de courage. Il se descharge aussi de plusieurs devoirs & difficultez qu'il y a à biē & loyalement se gouverner aux biens, en leur acquisition, conseruation, distribution, vsage, emploie : qui le fait pour cette raison fuit la besongne, & au contraire des autres est foible de cœur, & luy dirois volontiers, vous les quittez, ce n'est pas qu'ils ne soiēt vtiles, mais c'est que ne sçauiez vous en seruir, & en biē vser ne pouuoir souffrir les richesses, c'est plustost foiblesse d'ame, que sagesse, dit Seneque.

Del' Amour Charnel.

CHAP. XXII.

C'Est vne sievre & furieuse passiō que l'amour charnel, & tres-dāgereuse à quis'y laisse transporter, car où en est-il? Il n'est plus à soy, sō corps aura mille peines à chercher le plaisir, son esprit mille gehennes à seruir son desir, le desir croissant deuendra fureur: comme elle est naturelle aussi est elle violente & commune à tous, dont en son actiō elle esgale & apparie les fols & les sages, les hommes & les bestes, elle abestit & abrutit toute la sagesse resolution, prudence, contemplation, & toute operation de l'ame; De là Alexandre cognoissoit qu'il estoit mortel, comment aussi du dormir, car tous deux suppriment les facultez de l'ame.

La Philosophie se mesle & parle librement de toutes choses, pour en trouuer les causes, les iuger & regler, si fait bien la Theologie; qui est encores

1.
Elle est forte, naturelle & commune;

2.
Pour quoy hon- teuse,

plus pudique & retenuë : Pourquoi non, puisqu'il tout est de sâiurisdiction & cognoissancelle Soleil esclaire sur les fumiers sans en rien tenir ou sentir : s'effaroucher ou s'offenser de paroles, est preuue de grand foiblesse, ou d'estre touché de maladie. Cецy soit dit pour ce qui suit & autres pareils s'il y en a. Nature d'une part nous pousse avec violence à cette action : tout le mouuement du monde se resoult & se rend à cet acconplage de masse & de femelle : & d'autre part nous laisse accuser, cacher, & rougir pour icelle, comme insolente, des-hônestes. Nous l'appellons honteuse & les parties qui y seruēt honteuses, pourquoi donc tant honteuse, puisqu'il tant naturelle, & (se tenant en ses bornes) si iuste, legitime, necessaire ? & que les bestes sont exemptes de cette honte ? Est-ce à cause de la contenance qui semble laide ? Pourquoi laide, puis que naturelle ? Au pleurer, rire, mascher, baïller, le visage se contrefait encores plus ? est-ce pour seruir de bride & d'arrest à vne telle violence ? Pourquoi donc nature cause elle telle violence ? Mais c'est au contraire, la honte sert d'aiguillon & d'allumette comme se dira : est-ce que les instrumens d'icelle se remuent sans nostre consentement, voire contre nostre volonté ? Pour cette rai-

Les
mouue-
mens
non vo-
lontai-
res,

son aussi les bestes en deuroient auoir honte, & tant d'autres choses se remuent de soy-mesmes en nous sans nostre consentement, qui ne sont vicieuses ny hôteuses, non seulement internes & cachées, comme le pouls & mouuement du cœur, artères, poulmōs, les outils & parties qui seruēt à l'appetit du manger, boire, descharger le cerueau, le ventre, & font leurs compressions & dilatiōs outre & sou-

uent contre nostre aduis & volonté, tesmoin les eternuëmens, & baillemens, seignée, larmes, hoquets, & fluxions qui ne sont de nostre liberté, ce cy est du corps: L'esprit oublie, se souleue, croit, meseroit, & la volonté mesmes qui veut souuer ce que nous voudrions qu'elle ne voulut pas: mais externes & apparentes: le visage rougit, pallit, blesmit, le corps engraisse & amégrit, le poil grisonne, noircit, blanchit, croist, se herisse, la peau fremit, sans & contre nostre consentement: est-ce qu'en cela se montre plus au vray la pureté & foiblesse humaine? si fait elle au manger, boire, doulour, lasser, se descharger, mourir, dont l'on n'a pas de honte. Quoy que soit, l'action n'est aucunement en soy & par nature honteuse, elle est vraiment naturelle, & non la honte, tesmoin les bestes, que dis je les bestes? la nature humaine, dit la Theologie, se maintenât en son premier original estat, ny eust senty aucune honte, comme de fait, d'où vient la honte que de foiblesse, & la foiblesse que du peché, n'y ayant rien en nature & de soy honteux? N'estant la cause de cette honte en la nature, il la faut chercher ailleurs elle est dont artificielle. Serait-ce point vne inuention forgée au cabinet de Venus pour donner pris à la besongne & en faire venir dauantage l'enuie? C'est avec vn peu d'eau allumer plus de feu, cōme fait le mareschal, c'est couuer & embrasser l'enuie de voir que cacher, d'ouyr & scauoir que c'est que de parler bas, & faire la petite bouche; c'est donner goust & apporter estime aux choses que les traicter mysterieusement, retenuëment, avec le respect & pudeur. Au rebours vne lâche, facile, toute libre & ouuerte permissiō &

commodité affadit, oste le goult & la pointe.

3.
En quel
sens vi-
cieuse.

Ceste action donc en soy & simplement prinse, n'est point honteuse, ny vicieuse, puis que naturelle & corporelle, non plus que les autres pareilles actions: voire si elle est bien conduite, iuste, vile, necessaire, pour le moins autant que le manger & boire. Mais ce qui l'a fait tant decrier est, que tres-rarement y est gardée moderation, & que pour se faire valoir & paruenir à ses exploits, elle fait de grands remuëmens, se sert de tres-mauuais moyës, & entraîne apres, ou bien fait marcher deuant, grande suite de maux, tous pires que l'action voluptueuse: les despens montent plus que le principal, c'est pescher, comme l'on dit, en filets d'or & de pourpre. Et tout cela est purement humain, les bestes qui suivent la simple nature, sont nettes de tout ce tracas: Mais l'art humain d'une part en fait vn grand guare-guare; plante à la porte la honte pour en desgouter: d'autre part (ô la piperie) y eschauffe & esguise l'enuie, inuête, remuë, trouble, & renuerse tout pour y arriuer (témoin la poësie qui ne rit point comme en ce subiect, & ses inuentions sont mousses en toute autre chose) & trouue meilleure toute autre entrée, que par la porte, & legitime voye, & tout autre moyen escarté, que le commun du mariage. *Advis & remedes particuliers contre ce Vice sont au l. 3. c. 47.*

Desirs, Cupiditez.

CHAP. XXIII.

7.
Abisme
infini de
desirs.

IL ne naist, & ne s'esleue point tant de flots & d'ondes en la mer, comme de desir au cœur de l'homme, c'est vn abyfme, il est infiny, diuers, in-

constant, confus, & irresolu, souvent horrible, & detestable, mais ordinairement vain & ridicule en ses desirs.

Mais avant toute œuvre, ils sôt bien à distinguer: I.
 Les vns sont naturels, ceux-cy sont iustes & legi- Distin-
 times, sont mêmes aux bestes, sôt limitez & courts, tion de
 l'on en voit le bout, selon eux personne n'est indi- delices.
 gēt; de ceux-cy sera parlé cy-apres au long, car ce Natu-
 ne sont à vray dire passions. Les autres sont outre rels ne-
 nature, procedés de nostre opinion & fantaisie, ar- cessai-
 tificiels, superflus, que nous pouuons, pour les di- res.
 stinguer par noms des autres, appeler cupiditez. l. a. c. 6.
 Ceux-cy sont puremēt humains, les bestes ne sça-
 uent que c'est, l'hōme seul est deregłé en ses appe-
 tits; ceux-cy n'ont point de bout, sont sans fin, ce Non
 n'est que cōfusion, *Desideria naturalia finita sunt, ex* natu-
falsa opinione nascētia, ubi defināt non habent. Nullus rels.
enim terminus falso est, via eunti aliquid extremū est Senec.
error immensus est. Dont selon eux persōne ne peut
 estre riche & content. C'est d'eux proprement ce
 que nous auons dit au commencement de ce cha-
 pitre, & que nous entendons icy en cette matiere
 des passions. C'est pour ceux cy que l'on suē &
 travaille, *ad superuacua sudatur*, que l'on voya-
 ge par mer & par terre, que l'on guerroye, que l'on
 letuē, l'on se noye, l'on se trahit, l'on se perd,
 dont a esté tres-bien dit: que cupidité estoit racine
 de tous maux. Or il aduiant souvent (iuste puni-
 tion) que cherchans d'assouir ses cupiditez, & se
 saouler des biens & plaisirs de la fortune, l'on perd
 & l'on se priue de ceux de la nature; dont disoit
 Diogenes à Alexandre apres auoir refusé son ar-
 gent, que pour tout bien il se retirast de son soleil,

Espoir, Desespoir.

CHAP. XXIV.

Les desirs & cupiditez s'eschauffent & redoublent par l'esperance, laquelle allume de son doux vent nos fols desirs, embrase en nos esprits vn feu d'vne espeece fumée, qui nous esbloüit l'entendement, & emportant avec soy nos pensées, les tient penduës entre les nuës, nous fait songer en veillant. Tant que nos esperances durent, nous ne voulõs point quitter nos desirs: c'est vn iouiet avec lequel nature nous amuse. Au contraire quand le desespoir s'est logé chez nous, il tourmente tellement nostre ame, de l'opinion de ne pouuoir obtenir ce que nous desirons, qu'il faut que tout luy cede; & que pour l'amour de ce que nous pensons ne pouuoir obtenir, nous perdions mesmes le reste de ce que nous possedons. Cette passion est semblable aux petits enfans, qui par despit de ce que l'on leur oste vn de leurs iouiets, iettent les autres dedans le feu: elle se fasche contre soy mesme, & exige de soy la peine de sã malheur. Apres les passions qui regardent le bien apparent, venons à celles qui regardent le mal.

De la Cholere.

Description.

LA cholere est vne folle passiõ, qui nous pousse entierement hors de nous, & qui cherchant le moyen de repousser le mal qui nous menasse, ou qui nous a desia atteint, fait bouillir le sang en no-

stro cœur, & leue de furieuses vapeurs en nostre esprit, qui nous auenglent, & nous precipitent à tout ce qui peut contenter le desir que nous auons de nous venger. C'est vne rage courte, vn chemin à la manie, par sa prompte impetuosité & violence, elle emporte, & surmonte toutes passions, *repentina & vis vniuersa eius est.*

Les causes qui disposent à la cholere sont foiblesse d'esprit, comme nous voyons par experience les femmes, vieillards, enfans, malades, estre plus choleres: *inualidum omne natura quævulum est*: l'on se trompe de penser qu'il y a du courage, où y a de la violence; les mouuemens violens ressemblent aux efforts des enfans & des vieillards qui courent quand ils pensent cheminer, il n'y a rien si foible qu'un mouuement deregulé, c'est la scheté & foiblesse que se cholerer. Maladie d'esprit, qui le rend tendre & facile aux coups, comme les parties ulcerées au corps ou la santé interessée s'estonne & blesse de peu de chose, *nusquam sine querela aguntur*: la perte d'un denier ou l'omission d'un gain met en cholere un autre; un rire, ou regard de sa femme, courrouce un ialous: Le luxe, la vaine delicateffe, ou amour particulier, qui rend l'homme chagrin & despitieux, le met en cholere, pour peu qu'il luy arriue mal à propos, *nullares magis iracundiam alit quam luxuria*: cet amour de petites choses, d'un verre, d'un chien, d'un oiseau, est vne espece de folie, qui nous travaille, & nous iette souvent en cholere: Curiosité trop grande, *qui nimis inquirat*, *seipsum inquietat*: c'est aller quester, & de gayeté de cœur se ietter en la cholere, sans attendre qu'elle vienne, *sæpe ad nos ira venit, sæpius nos ad illam*.

1.
Sescau-
les.

2.

3.

4.

5. Legereté à croire le premier venu: Mais la princi-
 6. pale & formelle c'est l'opinion d'estre mesprisé, &
 autrement traité que ne devons, ou de fait ou de
 parole & contenance: c'est d'où les choses se pre-
 tendent iustifier.

Ses si-
 gnes,

Ses signes & symptomes sont tres-manifestes, &
 plus que de toute autre passion, & si estranges
 qu'ils alterent & changent l'estat entier de la per-
 sonne, le transforment & defigurent, *ut sit difficile,*
utrum magis destabile vitium, aut de forme: Les vns
 sont externes, la face rouge & difforme, les yeux
 enflambez, le regard furieux, l'oreille sourde, la
 bouche escumante, le cœur haletant, le poulx fort
 esmeu, les veines enflées, la langue begayante, les
 dents serrez, la voix forte & enrouée, le parler pre-
 cipité, bref elle met tout le corps en feu & en fievre.
 Aucuns s'en sont rompus les venes, l'urine leur a
 esté supprimée, la mort s'en est ensuiuie. Quel
 doit estre l'estat de l'esprit au dedans, puis qu'il
 cause vn tel desordre au dehors? La colere du pre-
 mier coup en chasse & bannit loin la raison & le
 iugement, afin que la place luy demeure toute en-
 tiere: puis elle remplit tout de feu, fumée, tene-
 bres, bruit, semblable à celui qui mit le maistre
 hors sa maison, puis y mit le feu, & se brusla vif de-
 dans, & comme vn nauire qui n'a ny gouuernail,
 ny patron, ny voiles, ny auiron, qui court fortune à
 la mercy des vagues, vents & tempestes, au milieu
 de la mer courroucée.

Similit.

4.
 Ses ef-
 fets,

Ses effects sont grands, souuent bien miserables
 & lamentables: la cholere premierement nous
 pousse à l'iniustice: car elle se dépite & s'éguise par
 oppositiō iuste, & par la cognoissāce que l'on a de

s'estre courroucé mal à propos : Celuy qui est esbranlé & courroucé sous vne fausse cause , si on luy presente quelque hōne defense ou excuse, il se depite contre la verité & l'innocence, *pertinaciores nos facit iniquitas ira , quasi argumentum fit iustæ iras- cendi, grauior irasci*. L'exemple de Piso sur ce propos est bien notable, lequel excellent d'ailleurs en vertu (ceste histoire est assez cogneüe) meü de cholere , en fit mourir trois iniustement , & par vne trop subtile accusation le rendit coupables pour en auoir trouué vn innocent , contre sa premiere sentence. Elles s'eguisse aussi par le silence & la froideur, par où l'on pense estre dedaigné, & soy & sa cholere : ce qui est propre aux femmes lesquelles souuent se courroucent , afin que l'on se contre-courrouce, & redoublent leur cholere iusques à la rage, quand elles voyent que l'on ne daigne nourrir leur courroux : ainsi se monstre bien la cholere estre beste sauuage, puis que ny par defense ou excuse, ny par non defense ou silence, elle ne se laisse gaigner ny adoucir. Son iniustice est aussi en ce qu'elle veut estre iuge & partie , qu'elle veut que tous soient de son party, & s'en prend à tous ceux qui ne luy adherent. Secondement pource qu'elle est inconsiderée & estourdie, elle nous tette & precipite en de grands maux, & souuent en ceux mesmes que nous fuyons, ou procurons à autrui , *dædanas dum exigit*, ou autres pires. Ceste passion ressemble proprement aux grâdes ruines, qui se rompent surce, sur quoy elles tombent : elle desire si violemment le mal d'autrui, qu'elle ne prend pas garde à eüter le sien: elle nous entraue & nous enlance, nous fait dire & faire chose indignes, hon-

toufes, meſſeantes. Finalement elle nous emporte ſi outrément qu'elle nous fait faire des choſes ſcandaleuſes & irreparables, meurtres empoisonemens, trahiſons, dont apres ſ'enſuiuent de grands repentirs : témoin Alexandre le Grand, apres auoir tué Clytus, dont diſoit Pythagoras que la fin de la cholere c'eſtoit le commencement du repentir.

Cette paſſion ſe païſt en ſoy, ſe flatte & ſe chatouïlle, voulant perſuader qu'elle a raiſon, qu'elle eſt iuſte, ſ'excusant ſur la malice & indiscretion d'autrui : mais l'iniuſtice d'autrui ne la ſçautoit rendre iuſte, ny le dommage que nous receuons d'autrui, nous la rend velle : elle eſt trop eſtourdie pour rien faire de bien : elle veut guarir le mal par le mal, donner à la cholere la correſtiõ de l'offenſe, ſeroit corriger le vice par ſoy-meſme. La raiſon qui doit commander en nous ne veut point de ces officiers-là, qui font de leur teſte ſans attendre ſon ordonnance, elle veut tout faire par compas, comme la nature : & pource la violence ne luy eſt pas propre. Mais quoy, direz vous, la vertu verra-elle l'insolence du vice, ſans ſe deſpiter ? aura elle ſi peu de liberté, qu'elle ne ſ'oſe courroucer cõtre les meſchans ? la vertu ne veut point de liberté indecente, il ne faut pas qu'elle tourne ſon courage contre ſoy, ny que le mal d'autrui la puiſſe troubler : le ſage doit auſſi bien ſupporter les vices des meſchans ſans cholere, que leur proſperité ſans enuie. Il faut qu'il endure les indiscretions des temeraires avec la meſme patience, que le medecin fait les iniures du phrenetique : il n'y a pas plus grande ſageſſe ny plus vtile au monde, que d'endurer la

folie d'autrui ; car autrement il nous arriue que pour ne l'auoir pas endurer, nous la faisons nostre. Cecy qui a esté dit si au long de la cholere cō- uient aussi aux passions suivantes, haine, enuie, vengeance, qui sont choleres formées. *Auis & reme- des particuliers contre ce mal, sont l. 3. c. 31.*

Hayne.

CHAP. XXVI.

HAyne est vne estrange passion, qui nous trouble estrangement & sans raison, & qui a il au monde qui nous tourmente plus que cela? Par ceste passion nous mettons en la puissance de ce que nous hayssons, de nous affliger & vexer, la veüe nous en esmeut les sens, la souuenance nous en agite l'esprit & veillant & dormant. Nous nous la representons avec vn despit & grincemēt de dents, qui nous met hors de nous, & nous deschire le cœur, & par ce moyen receuons en nous mesmes la peine du mal que nous voulons à autrui : celui qui hait est patient, le hay est agent, au re- bours du son des mots, le hayneur est en tourmēt, le hay est à son aise. Mais que hayssons nous? les hommes, les affaires? Certes nous ne hayssons rien de ce que nous deuons: Car s'il y a quelque chose à hayr en ce monde, c'est la hayne mesme, & semblables passions contraires à ce qui doit commander en nous: Il n'y a au monde que cela de mal pour nous. *Auis particuliers contre ce mal sont l. 3. c. 32.*

Enuie.

CHAP. XXVII.

ENuie est sœur germaine de la haine ; misérable passion & beste farouche , qui passe en tourment toutes les gehennes : c'est vn regret du bien que les autres possèdent , qui nous ronge fort le cœur, elle tourne le biē d'autrui en nostre mal : comment nous doit elle tourmenter , puis que le bien & le maly cōtribuent ? Pendant que les enuieux regardent detrauers les biens d'autrui , ils laissent gaster le leur , & en perdent le plaisir. *Admis & remedes particuliers contre ce mal sont l. 3. c. 35.*

Ialousie.

CHAP. XXVIII.

1.
Qu'est
ce.

Ialousie est passion presque toute semblable & de nature & d'effet à l'enuie, sinon qu'il semble que par l'enuie, nous ne considerons le bien qu'en ce qu'il est arriué à vn autre, & que nous le desirōs pour nous ; & la ialousie est de nostre bien propre, auquel nous craignons qu'un autre participe.

2.
Sa foi-
blesse.

Ialousie est maladie d'ame foible, forte & inepte, maladie terrible & tyrannie, elle s'infinuē sous titre d'amitié mais apres estre en possession, sur les mesmes fondemens de bien veillance , elle bastit vne haine capitale : la vertu , la santé, le merite , la reputation, sont les boute-feux de ceste rage.

3.
Son ve-
nin.

C'est aussi vn fiel qui corrompt tout le miel de nostre vie : elle se mesle ordinairement es plus douces & plaisantes actions : lesquelles elle rend si

aigres & si ameres que rien plus : elle change l'amour en haine ; le respect en desdain , l'assurance en desfiâce : Elle engendre vne curiosité pernicieuse de se vouloir esclaircir de sō mal , auquel il n'y a point de remede qui ne l'empire & ne l'engrege : car ce n'est que le publier , arracher de l'ombre & du doute pour le mettre en lumiere , & le tromper par tout , & estendre son malheur iusques à ses enfans *Auis & remedes particuliers contre ce mal*
font l. 3. c. 35.

Vengeance.

CHAP. XXIX.

LE desir de vengeance est premierement passion lasche & effeminée , d'ame foible & basse se pressée & foulée , témoin que les plus foibles ames sont les plus vindicatives & malicieuses , comme des femmes & enfans ; Les fortes & genereuses n'en sentent gueres , la mesprisent & dedaignent , ou pour ce que l'iniure ne les touche pas , ou pour ce que l'iniuriant , n'est digne qu'on s'en remuë , l'on se sent beaucoup au dessus de tout cela ; *Indignus Casaris ira :* Les gresles , tonnerres & tēpestes , & tout le bruit qui se fait en l'air , ne trouble ny ne touche les corps superieurs & celestes , mais seulement les inferieurs & caduques , ainsi les indiscretions & petulences des fols ne heurtent point les grandes & hautes ames ; tous les grands , Alexandre , Cesar , Epaninōdas , Scipion , ont esté si esloignez de vengeance , qu'au contraire ils ont bien fait à leurs ennemis.

Secondement , elle est cuisante & mordante , comme vn ver qui rongé le cœur de ceux qui en sont

Passion
lasche.

Similitud.

Cui-
sante.

infectez, les agite de iour, les réveille de nuit.

3.
Iniuste.

Elle est aussi pleine d'iniustice, car elle tourmente l'innocent, & adionste affliction: c'est à faire à celui qui a fait l'offence de sentir le mal & la peine, que donne au cœur le desir de vengeance, l'offense s'en va charger, cōme s'il n'auoit pas assez de mal de l'iniure ia receuë; tellement que souuent & ordinairement, cependant que cestuy-cy se tourmente à chercher les moyens de la vengeance, celui qui a fait l'offense rit & se donne du bon temps. Mais elle est bien plus iniuste encores aux moyens de son execution, laquelle souuent se fait par trahison & vilains artifices.

4.
Dangereuse.

Finalemēt l'execution outre qu'elle est penible, elle est tres dangereuse, car l'experience nous apprend, que celui qui cherche à se vanger, il ne fait pas ce qu'il veut, & son coup ne porte pas; mais ordinairement il aduiēt ce qu'il ne veut pas, & pensant creuer vn œil à son ennemy, il se creue tous les deux, le voila en crainte de la iustice, & des amis de la partie, en peine de se cacher & fuir de lieu en autre.

5.
Tuer n'est pas se venger.

Au reste tuer & acheuer son ennemy, ne peut estre vengeance, mais pure cruauté, qui vient de couardise & de crainte: se venger c'est le battre, le faire bouquer, & non pas l'acheuer: le tuāt l'on ne luy fait pas ressentir son courroux, qui est la fin de la vengeance. Voila pourquoy l'on n'attaque pas vne pierre, vne beste, car elles sont incapables de goûter nostre reuanche. En la vraye vengeance il faut que le vengeur y soit pour en receuoir du plaisir, & le vengé pour sentir & souffrir du desplaisir, & de la repentance. Estāt tué il ne s'en peut repen-

tir, voire il est à l'abry de tout mal, ou au rebours le vengeur est souvent en peine & en crainte. Tuer donc est tesmoignage de couïardise, & de crainte, que l'offensé se ressentant du desplaisir, nous recherche de pareille: l'on s'en veut deffaire du tout, & ainsi c'est quitter la fin de la vengeance, & blesser sa reputation, c'est vn tour de precaution & non de courage, c'est y proceder seurement, & non honorablement, *qui occidit longè non vlciscitur, nec gloriam ass. quitur. Aduis & remedes particuliers contre ce mal sent l. 3. c. 34.*

Cruauté.

C H A P. XXX.

C'EST vn vilain & detestable vice que la cruauté; & contre nature, dont aussi est-il appelé inhumanité. 2.
Lasche
& coui-
ards,

La cruauté vient de foiblesse & lascheté, *omnis ex infirmitate feritas est*, & est fille de couïardise, la vail-
lance s'exerce seulement contre la resistâce, & s'ar-
reste voyant l'ennemy à sa mercy: *Romana virtus, percere subiectis, debellare superbos*: La lascheté ne
pouuant estre de cerolle, pour dire qu'elle en est
prend pour sa part le sang & le massacre: les meur-
tres des victoires s'exercent ordinairement par le
peuple, & officiers du bagage. Les cruels, aspres
& malicieux sont lasches & poltrons: les tyrans
sont sanguinaires, pource qu'ils craignent, & ne
peuvent s'asseurer qu'en exterminant ceux qui les
peuvent offenser, dont ils s'attaquent à tous iusques
aux femmes: car ils craignent tous, *cuncta ferit dum
cuncta timet*: les chiens couïards, mordent & des-
chirent dans la maison les peaux des bestes sau-

uages: qu'ils n'ont osé attaquer aux champs. Qui rend les guerres ciuiles & populaces si cruelles, si non que c'est la canaille & lie du peuple qui les mene? l'Empereur Maurice aduertty qu'un soldat Phocas le deuoit tuer, s'enquit qu'il estoit, & de quel naturel, & luy ayant esté dit par son gendre Philippes, qu'il estoit lasche & couïard, il conclud qu'il estoit meurtrier & cruel. Elle vient aussi de malignité interne d'ame, qui se plaist & delecte au mal d'autrui, monstres, comme Calicula.

Tristesse.

C H A P. XXXI.

Tristesse est vne langueur d'esprit, & vn des-
 couragemēt engendré par l'opiniō que nous
 auons d'estre affligez de grands maux: c'est vne
 dangereuse ennemie de nostre repos, qui flétrit in-
 continent nostre ame, si nous n'y prenōs garde, &
 nous oste l'vsage de discours, & le moyen de pour-
 uoir à nos affaires, & avec le tēps enrouille & moi-
 sit l'ame, abbatar dit tout l'homme, endort & assou-
 pit sa vertu, lors qu'il se faudroit éveiller pour s'op-
 poser au mal, qui le mene & le presse, mais il fau-
 droit descourir la laideur & folie, & les pernicieux
 effets, voire l'iniustice qui est en cestepassiō couïar-
 de, basse & lasche, afin d'apprendre à la haïr & fuir
 de toute sa puissance cōme tres-indigne des sages,
 selon la doctrine des Stoiciens. Ce qui n'est pas du
 tout tant aisé à faire, car elle s'exculc & se couure
 de belles couleurs de nature, pieté, bonté, voire
 la plus part du monde tasche à l'honorer & favori-
 ser: ils en habillent la sagesse, la vertu, la consciēce.

Or

Or premierement, tant s'en faut qu'elle soit naturelle, comme elle veut faire croire, qu'elle est partie formelle & ennemie de la nature, ce qui est aisé à monstrier. Quant aux tristes ceremonies, & duels publics tant affectez & pratiquiez par les anciens & encores à present: (Cecy ne touche point l'honnesteté & moderation des obseques & funerailles, ny ce qui est de la pieté & religion) quelle plus grande imposture & plus vilaine happelourde pourroit-on trouver par tout ailleurs? combien de feintes, & mines contrefaites & artificielles avec coust & despense, & en ceux-là à qui le fait touche & qui ioüent le ieu, & aux autres qui s'en approchent & font les officieux? Mais encor pour accroistre la fourbe, on loüe des gens, pour venir pleurer & ietter des cris & des plaintes qui sont au sceu de tous, toutes feintes & extorquées avec argent & larmes qui ne sont ietées que pour estre veuës, & tarissent si tost qu'elles ne sont plus regardées; où est-ce que nature apprend cela? Mais qu'est-ce que nature abhorre & condamne plus? c'est l'opinion (mere nourrice comme dit est, de la pluspart des passions) tyrannique, faulx & populaire, qui enseigne qu'il faut pleurer entel cas. Et si l'on ne peut trouver de larmes & tristes mines chez soy, il en faut acheter à beaux deniers comptans chez autrui, tellement que pour bien satisfaire à ceste opinion, faut entrer en grande despense, de laquelle Nature, si nous la voulons croire, nous deschargeroit volontiers. Est-ce pas volontairement & tout publiquement trahir la raison, forcer & corrompre la nature, prostituer sa virilité, & se mocquer du monde, & de soy?

K

Parti-
culiers.

mesme, pour s'asservir au vulgaire, qui ne produit qu'erreur, & n'estimer rien qui ne soit fardé & déguisé; Les autres tristesses particulieres ne sont non plus de la Nature cōme il semble à plusieurs: car si elles procedoient de la Nature; elles seroient communes à tous hommes, & les toucheroient à peu près tous esgalement: or nous voyons que les mesmes choses qui attristent les vns, resjouissent les autres, qu'une prouince & une personne rit de ce dont l'autre pleure: que ceux qui sont près des autres qui se lamentent, les exhortent à se resoudre & quitter leurs larmes. Escoutez la plus-part de ceux qui se tourmentent, quand vous avez parlé à eux, ou qu'eux-mesmes ont prins le loisir de discourir sur leurs passions, ils confessent que c'est folie que de s'attrister ainsi: & loüeront ceux qui en leurs aduersitez auront faict teste à la fortune, & opposé un courage masle & genereux à leurs afflictions. Et il est certain que les hommes n'accomodent pas leur dueil à leur douleur, mais l'opinion de ceux avec lesquels ils vinent: & si l'on y regarde bien, l'on remarquera que c'est l'opinion qui pour nous ennuyer, nous represente les choses qui nous tourmentent, ou plustost qu'elles ne doiuent, mais par anticipation, crainte & apprehension de l'aduenir: ou plus qu'elles ne doiuent.

Contre
nature.

Mais elle est bien contre nature puis qu'elle enlaidit & efface tout ce que nature a mis en nous de beau & d'aymable, qui se fond à la force de cette passion, comme la beauté d'une perle se dissout dedans le vinaigre: c'est pitié lors que de nous voir, nous en allons la teste baissée, les yeux fichez

en terre, la bouche sans parole, les membres sans mouvemens, les yeux ne nous seruent que pour pleurer, & diriez que nous ne sommes rien que des statues suantes, & comme Niobé, que les Poëtes disent auoir esté conuertie en pierre, par force de pleurer.

Or elle n'est pas seulement contraire & ennemie de nature, mais elle s'attaque encore à Dieu, car qu'est-elle autre chose qu'une plainte temeraire & outrageuse contre le Seigneur de l'Vniuers, & la loy commune du monde, qui porte que toutes choses qui sont sous le ciel de la Lune sont muables & perissables? si nous sçauons ceste loy, pourquoy nous tourmentons-nous? si nous ne la sçauons, dequoy nous plaignons-nous: sinon de nostre ignorance de ne sçauoir ce que nature a escrit par tout les coins du monde? Nous sommes icy non pour donner la loy, mais pour la receuoir, & suivre ce que nous y trouuons estably, & nous tourmentant au contraire, ne sert que pour donner double peine.

Après tout cela, elle est tres pernicieuse & dommageable à l'homme: & d'autant plus dangereuse, qu'elle nuit sous couleur de profiter: sous vn faux semblant de nous secourir, elle nous offense, de nous tirer le fer de la playe, l'enfonce iusques au cœur: & ses coups sont d'autant plus difficiles à parer, & ses entreprises à rompre, que c'est vne enemy domestique, nourry & esleué chez nous, que nous auons mesmes engendré pour nostre peine.

Au dehors par sa deformité & contenance nouvelle, toute alterée & contrefaite, elle deshonore & infame l'homme: quand eile entre

4.
Iniusta
& im-
pie.

5.
Perni-
cieuse.

6.
Extrê-
mement
melle-
ante et
femi-

chez nous, elle nous remplit de honte, tellement que nous n'osons nous montrer en public, voire mesmes en particulier à nos amis: depuis que nous sommes vne fois saisis de ceste passion, nous ne cherchons que quelque coin, pour nous accroupir & muſſer de la veuë des hommes. Qu'est-ce à dire cela? sinon qu'elle se condamne ſoy-mesmes, & recognoist combien elle est indecente? ne direz-vous pas que c'est quelque femme surprise en desbauche, qui se cache, & craint d'estre recognuë? Apres regardez ſes vestemens & ſes habits de dueil, estrangers & effeminez, qui montrent que la tristesse oſte tout ce qu'il y a de maſle & genereux, & nous donne toutes les contenance & infirmitiez des femmes. Aussi les Thraces habilloient en femmes les hommes qui estoient en dueil: & dit quelqu'un, que la tristesse rend les hommes Eunuques: les loix Romaines premieres plus maſles & genereuses, defendoient ces effeminées lamentations, trouuant horrible de ſe deſnaturer de ceste façon, & faire chose cōtraire à la virilité, permettant ſeulement ces premieres larmes qui ſortent de la premiere pointe, d'une freſche & recente douleur, qui peuvent tomber mesmes des yeux des Philosophes, qui gardent avec l'humanité la dignité, qui peuvent tomber des yeux, ſans que la vertu tombe du cœur.

7.
Inter-
nement.

Or non ſeulement elle fane le viſage, change & deſguiſe deſhonneſtement l'homme au dehors: mais penetrant iuſques à la moëlle des os, *Tristitia exsiccat ossa*, fleſtrit aussi l'ame, trouble ſon repos, rend l'homme inepte aux choses bonnes & dignes d'honneur, luy oſtant le gouſt, l'enuie, & la

disposition à faire chose qui vaille, & pour soy & pour autrui, & non seulement à faire bien, mais encore à le recevoir. Car mesmes les bonnes fortunes qui luy arriuent luy desplaisent : tout s'aigrit en son esprit, comme les viandes en l'estomach débauché: Bref, elle enfielle nostre vie, & empoisonne toutes nos actions.

Elle a ses degrez, la grande & extreme, ou bien Distinction. qui n'est pas du tout telle de soy, mais qui est arrivée subitement par surprise & chaude allarme, saisit, transtite, rend perclus de mouvement & sentiment, comme vne pierre, à l'instar de ceste miserable mere Niobé.

Dirigit visu in medio, calor ossa reliquit,

Labitur, & longo vix tandem tempore fatat.

Dont le peintre represente diuersement, & par degrez le ducil des parens & amis d'Iphigenia en son sacrifice, quant se veint au pere, il le peignit le visage couuert, comme ne pouuant l'art suffisamment exprimer ce dernier degré de ducil? voire quelquefois tuë tout à fait: la mediocre ou bien la plus grande, mais qui par quelque laps de temps s'est relaschée, s'exprime par larmes, sanglots, soupirs, & plaintes, *Cura leues loquuntur, ingentes stupent.* Aduis & remedes particuliers contre ce mal sont l. 3.

6.29.

Compassion.

CHAP. XXII.

NOus soupirons avec les affligez, compatissons à leur mal, ou pource que par vn secret consentement nous participons au mal les vns des

K iij

autres, ou bien que nous craignons en nous mesmes, ce qui arrive aux autres.

2.
Foible
& iniuste.

Ch. 30.

Mais cecy se faict doublement, dont y a double misericorde: l'une fort bonne, qui est de volonté, & par effect secourir les affligez sans se troubler ou affliger soy mesme, & sans se ramollir ou relascher de la Iustice ou de la Divinité: C'est la vertu tant recommandée en la Religion, qui se trouve aux Saints & aux Sages: l'autre est vne passion d'ame foible, vne sottise & feminine pitié qui vient de mollesse, trouble d'esprit, loge volontiers aux femmes, enfans, aux ames cruelles & malicieuses (qui sont par consequent lasches & couardes, comme a esté dit en la cruauté) qui ont pitié des meschans qui sont en peine, dont elle produit des effects iniustes, ne regardant qu'à la fortune, estat & condition presente, & non au fonds & merite de la cause. *Advis & remedes particuliers contre ce mal sont l. 3. c. 30.*

Crainte.

CHAP. XXIII.

1.
Description.

LA crainte est l'apprehension du mal aduenir laquelle nous tient perpetuellement en ceruelle, & deuanee les maux dont la fortune nous menace.

Nous ne parlons icy de la crainte de Dieu, tant recommandée en l'Ecriture, ny ne mesmes de toute celle qui vient d'Amour, & est vn doux respect enuers la chose aymée, loüable aux subiects & tous inferieurs enuers leurs superieurs: Mais de

la viciense qui trouble & afflige, qui est l'engeance de peché, besonne de la honte, toutes deux d'une ventrée, sorties du maudit & clandestin mariage de l'esprit humain, avec la persuasion diabolique: *Timeo eò quod nudus essem & abscondi me.*

C'est vne passion fausse & malicieuse, & ne peut rien sur nous qu'en nous trompant & seduisant: Sa ma-
 elle se sert de l'aduenir, ou nous ne voyons goutte, lice &
 & nous iette là dedans comme dedans vn lieu ob- tyran-
 scur, ainsi que les larrons font la nuict: afin d'entre- nie.
 prendre sans estre recognus, & donner quelque grand effroy avec peu de subiect, & là elle nous tourmente avec des masques de maux, comme on fait des Fees aux petits enfans, maux qui n'ont que vne simple apparence, & n'ont rien en soy pour nous nuire, & ne sont maux que pource que nous les pensons tels. C'est la seule apprehension que nous en auons, qui nous rend mal ce qui ne l'est pas, & tire de nostre bien mesmes, du mal pour nous en affliger. Combien en voyons-nous tous les iours, qui de crainte de deuenir miserables le sont deuenus tous à fait, & ont tourné leurs vaines peurs en certaines miseres? Combien qui ont perdu leurs amis pour s'en deffier, combien de malades de peur de l'estre? Tel a tellement apprehendé que sa femme luy faussoit la foy, qu'il en est fesché de langueur: tel a tellement apprehendé la pauvreté qu'il en est tombé malade. Bref, il y en a qui meurent de la peur qu'ils ont de mourir: & ainsi peut-on dire de tout ce que nous craignons, ou de la plus-part, la crainte ne sert qu'à nous faire trouuer ce que nous fuyons. Certes la crainte est de tous maux le plus grand & le plus fascheux,

car les autres maux ne sont maux que tant qu'ils sont, & la peine n'en dure que tant que dure la cause : mais la crainte est de ce qui est, & de ce qui n'est point, & de ce qui paravanture ne sera jamais, voire quelquesfois de ce qui ne peut du tout estre. Voila donc vne passion ingenieusement malicieuse & tyrannique, qui tire d'un mal imaginaire, des vrayes & bien poignantes douleurs, & puis fort ambitieuse de courir au deuant des maux, & les deuanter par pensée & opinion.

2. La crainte non seulement nous remplit de maux & fouuent à fausses enseignes, mais encores, elle gaste tout le bien que nous auons, & tout le plaisir de la vie, ennemie de nostre repos : il n'y peut auoir plaisir de iouyr du bien que l'on craint de perdre, la vie ne peut estre plaisante si l'on craint de mourir, le bien disoit vn ancien, ne peut apporter plaisir, sinon celuy à la perte duquel on est préparé.

3. C'est aussi vne estrange passion, indiscrete & inconsiderée, elle vient aussi souuent de faute de iugement, que de faute de cœur : elle vient des dangers, & souuent elle nous iette dedans les dangers : Car elle engendre vne faim inconsiderée d'en sortir, & ainsi nous estonne, trouble, & empesche de tenir l'ordre qu'il faut pour en sortir : elle apporte vn trouble violent, par lequel l'ame effrayée se retire en soy-mesme, & se debat pour ne voir le moyen d'euitier le danger qui se presente. Outre le grand descouragemēt qu'elle apporte, elle nous saisit d'un tel estonnement, que nous en perdōs le iugement, & ne se trouue plus de discours en nous, nous fait fuir sans qu'aucun nous poursuiue, voir :

souvent nos amis & le secours ; *adeo pauper etiam auxilia formidat.* Il y en a qui en sont venus insensés, voire mesme les sens n'ont plus leur vſage : nous auons les yeux ouuerts & n'en voyons pas, on parle à nous & nous n'escoutons pas, nous voulons fuir & ne pouuons marcher.

La mediocre nous donne des ailles aux talons, la plus grande nous cloüe les pieds & les entraue. Ainsi la peur renuerſe & corrompt l'hōme entier, & l'esprit, *Pauor sapientiam omnem mihi ex animo expectorat,* & le corps, *Obstupui, steteruntque coma, vox faucibus hæsit.* Quelquesfois tout à coup pour son ſeruice, elle ſe iette au deſeſpoir, nous remet à la vaillance, comme la legion Romaine ſous le Conſul Sempronius contre Annibal, *Andacem fecerat ipse timor.* Il y a bien des peurs & frayeurs ſans aucune cauſe apparente, & comme d'une impuſſion celeſte qu'ils appellent terreurs paniques, *Terrores de caelo, arescentibus hominibus præ timore,* telle qu'a-
Luc. 12.
 uint vne fois en la ville de Carthage : des peuples & des armées entières en ſont quelquefois frappées. *Auuiſ & remedeſ particuliers contre ce mal ſont l. 3. cap. 28.*

S E C O N D E C O N S I D E R A T I O N
 de l'homme, qui eſt par comparaiſon de luy
 avec tous les autres animaux.

C H A P. XXIV.

NOus auons conſideré l'homme tout entier & ſimplement en ſoy, maintenant conſide-
1.

Com-
paraiso
vtile &
difficile
en la-
quelle
l'hôme
est sus-
pect,

rons-le par comparaison avec les autres animaux, qui est vn tres-beau moyen de le cognoistre: Ceste comparaison est de grande estendue, a force pie-ces, de grande science & importance, tres-utile, si elle est bien faiete, mais qui la fera? l'homme? Il est partie & suspect, & de faict, il n'y procede pas de bonne foy: Cela se montre bien en ce qu'il ne tient point de mesure & de mediocrité: tantost il se met beaucoup au dessus de tout, & s'en dit maître, desdaigne le reste: il leur taille les morceaux, & leur distribuë telle portion de facultez & de forces que bon luy semble. Tantost comme par despit il se met beaucoup au dessous, il gronde, se plaint, iniurie nature comme cruelle maitre, se faict le rebut & le plus miserable du monde. Or tous les deux sont esgalement contre raison, verité, modestie. Mais comment voulez-vous qu'il chemine droictement & esgalement avecques les autres animaux, veu qu'il ne le faict pas avec l'homme son compaignon, ny avec Dieu, comme se montrera. Elle est aussi fort difficile à faire: car comment peut l'homme cognoistre les branles internes & secrets des animaux, ce qui se remuë au dedans d'eux? Or estudions à la faire sans passion.

Chap.
de la
presomp-
tion.

2.

Premierement, la police du monde n'est point si fort inegale, si difforme & desreglée, & n'y a point si grande disproportion entre les pieces que celles qui s'approchent & se touchent, ne se ressemblent peu plus, peu moins. Aussi y a-il vn grand voisinage & cousinage entre l'hôme, & les autres animaux. Ils ont plusieurs choses pareilles & communes: & ont aussi des differences, mais non pas

si fort esloignées & disparateilles, qu'elles ne se tiennent : l'homme n'est du tout au dessus ny du tout au dessous : tout ce qui est sous le Ciel, dit la Sa-

Eccleſ.

Parlons premierement des choses qui leur sont communes, & à peu près pareilles, qui sont engendrer, nourrir, agir, mouvoir, viure, mourir. *Idem interitus hominis & Iumentorum, & aqua utriusq; conditio.* Et ce sera contre ceux qui se plaignent, disans, que l'homme est le seul animal disgracié de nature, abandonné, nud sur la terre nue, sans conuert, sans armes, lié, garrotté, sans instruction de ce qui luy est propre, là où tous les autres sont reueſtus de coquilles, gouffes, escorces, poils, laines, bourre, plumes, escailles. Armez de grosses dents, cornes, griffes, pour aſſaillir & deffendre : Instruits à nager, courir, voler, chanter, chercher sa pasture; & l'homme ne ſçait cheminer, parler, manger, ny rien que pleurer, sans apprentiſſage & peine. Toutes ces plaintes, qui regardent la composition premiere & condition naturelle, ſont iniuſtes & fauſſes, noſtre peau eſt auſſi ſuffiſamment pourueüe contre les iniures du temps que la leur, teſmoin pluſieurs nations (comme a eſté dict) qui n'ont en-

3. Choses communes.

Eccleſ. 4

1. Nudité ch. 6.

1. Em-maillotement.

1. Pleurer.

3. la plupart des animaux se pleint, gemit quelque
 Pleurer. temps après leur naissance. Quât aux armes, nous
 4. en auons de naturelles, & plus de mouuemens des
 Armes. membres, & en tirons plus de seruices naturelle-
 ment, & sans leçon. Si quelques bestes nous sur-
 passent en cet endroit, nous en surpassons plu-
 sieurs autres. L'usage du manger est aussi en eux
 5. & en nous tout naturel, & sans instruction. Qui
 Man- doute qu'un enfant arriué à la force de se nourrir,
 ger. ne sceust quester sa nourriture ! Et la terre en pro-
 duit & luy en offre assez pour sa nécessité, sans au-
 tre culture & artifice, tesmoignant de nations, qui
 sans labourage, industrie & soin aucun vivent
 6. plantureusement. Quant au parler, l'on peut bien
 Parler. dire, que s'il n'est point naturel, il n'est point ne-
 cessaire: mais il est commun à l'homme avec tous
 animaux. Qu'est ce autre chose que parler, ce-
 ste faculté que nous leur voyons de se plaindre, se
 resionyr, s'entr'appeller au secours, se conuier à
 l'amour ? & comme nous parlons par gestes &
 mouuement des yeux, de la teste, des mains, des
 espauls (en quoy se font scauans les muets) aussi
 font les bestes ; comme nous voyons en celles qui
 n'ont pas des voix, lesquelles toutesfois s'entre-
 font des offices mutuels ; & comme à certaine
 mesure les bestes nous entendent, aussi nous les
 entendons. Elles nous flattent, nous menacent,
 nous requierent, & nous elles. Nous parlons à
 elles, & elles à nous, & si nous ne nous entre-en-
 tendons parfaitement, à qui tient-il ? à elles ou à
 nous ? c'est à deuiner. Elles nous peuvent bien
 estimer bestes par ceste raison ; comme nous el-
 les ; mais encores nous reprochent-elles, que

nous ne nous entre-entendons pas nous mêmes. Nous n'entendons pas les Basques, les Bretons, & elles s'entre-entendent bien toutes, non seulement de même espèce, mais, qui plus est, de diverse; en certain abbayer du chien, le cheval cognoist qu'il y a de la cholere; & en autre voix il cognoit qu'il n'y en a point. Au reste elles entrent en intelligence avec nous. Et la guerre aux combats, les elephans, les chiens, les chevaux s'entendent avec nous, font leur mouvement accordans à poursuiure, arrester, donner, reculer, ont paye solde, & part au butin, comme il s'est pratiqué en la nouvelle conquête des Indes. Voila des choses communes à tous & à peu près pareilles.

7.
Intelli-
gences
mutuel-
les.

Venons aux differences & aduantages des vns sur les autres: l'homme est singulier & excellent en aucunes choses par dessus les animaux: & en d'autres les bestes ont le dessus, afin que toutes choses soient ainsi entre-lassées & enchainées en ceste generale police du monde, & de nature. Les aduantages certains de l'homme, sont les grandes facultez de l'ame, la subtilité, viuacité, & suffisance d'esprit à inuenter, iuger, choisir: la parole pour demander & offrir aide & secours, la main pour executer ce que l'esprit aura de soy inuenté, & appris d'autrui. La forme aussi du corps, grande diuersité de mouuemens des membres, dont il tire plus de seruices de son corps.

4.
Diffe-
rences
& ad-
uanta-
ges
de l'hō-
me.

Les aduantages des bestes, certains & hors de dispute, sōt ou généraux ou particuliers: les généraux sont santé & vigueur du corps, beaucoup plus entiere, forte, & consistante en elles, parmy lesquelles

5.
Des be-
stes, ge-
neraux,

ne se trouue point tāt de borgnes, sourds, boiteux, muets, maladifs, defectueux & mal-nez comme parmy les hommes. Le serain ne leur nuict point, ne sont subiects aux defluxions, d'où sont causées presque toutes maladies. L'homme couuert de toict & de pavillon à peine s'en peut-il garder: Moderation d'appetits & d'actions, innocence, seurté, repos & tranquillité de vie, vne liberté pleine & entiere sans honte, crainte, ny ceremonie aux choses naturelles & licites (car l'homme est seul, qui a à se desrober & se cacher en ses actions, & duquel les defauts & imperfections: offensent les compagnons) exemptions de tant de vices & desreglemens, superstition, ambition, auarice, enuie, les songes mesmes de nuict ne les trauaillent point comme l'homme, ny tant de fantaisies & pen-
sements. Les particuliers sont l'habitation & demeure pure, haute, saine, plaisante des oiseaux en la region de l'air: La suffisance d'aucuns arts, comme de bastir aux arondelles & autres oiseaux, tistres & coudre aux aragnées, de la Medecine en plusieurs animaux, musique aux rossignols. Les effects & proprietes merueilleuses, inimitables, voire inimaginables, comme la propriété du poisson Remora à arrester les plus grands vaisseaux de mer, comme il se lit de la galere Capitaineſſe de Marc Antoine, & le mesme de celle de Caligula: de la Torpille à endormir les membres d'autrui bien esloignez & sans les toucher: de l'herisson à pressentir les vents, du Cameleon & du Poulpe à prendre les couleurs. Les pronostiques comme des oyseaux en leurs passages de contrée en autre, selon les saisons diuerses, de toutes bestes meres à

Particuliers.

1.

2.

3.

cognoistre , de tout leurs petits qui doit estre le meilleur : car estant question de les sauuer du danger, ou rapporter au nid , elles commencent toujours par le meilleur, qu'elles sçauent & pronostiquent tel. En toutes ces choses l'homme est de beaucoup inferieur , & en plusieurs il n'y vaut du tout rien : l'on y peut adiouster si l'on veut la longueur de vie, qui en certains animaux passe sept ou huit fois le plus long terme de l'homme.

Les aduantages que l'homme pretend sur les bestes, mais qui sont disputables, & qui peut-estre sont au rehours pour les bestes contre l'homme, sont plusieurs. Premièrement, les facultez raisonnables, discours, ratiocination, discipline, iugement, prudence. Il y a icy deux choses à dire, l'une est de la verité du fait. C'est vne question grande, si les bestes sont priuées de toutes ces facultez spirituelles : l'opinion qui tient qu'elles n'en sont pas priuées, ains qu'elles les ont, est la plus authentique & plus vraye. Elle est tenuë des plus graues Philosophes, mesmement de Democrite, Anaxagoras, des Stoiciens, Galië, Porphyre, Plutarque, soustenuë par ceste raison. La composition du cerueau, qui est la partie, de laquelle l'ame se sert pour ratiociner, est toute pareille & mesmes aux bestes qu'aux hommes, confirmée par experience. Les bestes des singuliers concluent les vniuersels, du regard d'un homme seul cognoissent tous hommes, sçauent conioindre & diuiser, & distinguer le bon du mauuais pour leur vie, liberté, & de leurs petits. Voire se lisent & se voyent, si l'on y veut bien prendre garde, plusieurs traicts faicts par les bestes, qui surpassent la suffisance, subtilité

6:

Aduantages
disputables.I.
Ratiocinatio.
Questio
si les bestes ratiocinent.

arracher les dars & iavelots des corps avec fort peu de douleur qui est aux Elephans: le chien dont parle Plutarque, qui en vn ieu public sur l'escha-faut contrefaisoit le mort, tirant à la fin, tremblât, puis se roidissant, se laissant entrainer, puis peu à peu se reuenant & leuant la teste, faisoit le ressus-cité, tant de singeries & de tours estranges, que font les chiens des basteleurs, les ruses & inuen-tions, de quoy les bestes se couurent des entreprin-tes que nous faisons sur elles: la mesnagerie & grande prouidence des fourmis à estendre au de-hors leurs grains pour les esuenter, seicher, afin qu'ils ne moisissent & corrompent, à ronger le bout du grain, afin qu'il ne germe & ne se fasse se-mence; la police des mouches à miel, où y a si grande diuersité d'offices & de charges, & vne si grande constance.

Pour rabbattre tout cecy aucuns malicieusement rapportant toutes ces choses à vne inclination na-turelle, seruite & forcée: cōme si les animaux agis-
soient par vne necessité naturelle à la façon des
choses inanimées, comme la pierre qui tombant
en bas, le feu qui monte en haut: mais outre que
cela ne peut estre, ny entrer en imagination, car il
faut enumeratiō de parties, comparaison, discours
par cōionction & diuision, & consequences: aussi
ne sçauoient ils dire, que c'est que cette inclinatiō
& instinct naturel: ce sont des mots qu'ils vsurpēt
mal à propos, pour ne demeurer sourds & muets.
Encores ce dire se retorque cōtr'eux: car il est sans
comparaison plus noble, honorable, & ressem-
blant à la diuinité, d'agir par nature, que par art &
apprentissage: estre conduit & mené par la main

7.
Oppo-
sitiō de
l'instinc
naturel.

L

de Dieu, que par la sienne : reglement agir par naturelle & inévitable condition, que reglement par liberté fortuite & temeraire.

Par cette opposition d'instinct naturel ils les veulent aussi priver d'instruction & discipline, tant active que passive, mais l'expérience les dément : car elles la reçoivent, tesmoins les pies, perroquets, merles, chiens, chevaux, comme a esté dit, & la donnent, tesmoins les rossignols, & sur tout les Elephans, qui passent tous animaux en docilité, & toute sorte de discipline & suffisance.

8.

Quant à cette faculté de l'esprit, dont l'homme se glorifie tant, qui est de spiritualiser les choses corporelles & absentes, les despoüillant de tous accidens, pour les concevoir à sa mode, *nam intellectum est in intelligente admodum intelligentis*, les bestes en font de mesmes, le cheval accoustumé à la guerre dormant en sa litiere tremousse & fremit, comme s'il estoit en la meslée, conçoit vn son de tambour, de trôpette, vne armée : le levrier en songe haletant, alongeant la queue, secouant les iarets, conçoit vn lievre spirituel : les chiens de garde grondent en songeant, & puis iappent tout à fait, imaginant vn estranger arriuer. Pour conclurre ce premier point, il faut dire, que les bestes ratiocinent, vsent de discours & iugement, mais plus foiblement & imparfaitement que l'homme. Elles sont inferieures en cela à l'homme, & non pas qu'elles n'y ayent du tout point de part. Elles sont inferieures à l'homme, comme entre les hommes, les vns sont inferieurs aux autres, & aussi entre les bestes s'y trouve telle difference : mais encores y a il plus grande difference entre les hommes : car comme se dira apres, il y a plus

grande distace d'homme à homme, que d'homme à beste. Mais pour tout cela l'on ne peut pas inferer une equalité ou pariage de la beste avec l'homme (combien que comme Aristote dit, il y a des hommes si foibles & hebetéz qu'ils ne different de la beste que par la seule figure) & que l'ame brutale soit immortelle cōme l'humaine, ou l'humaine mortelle cōme la brutale : ce sont des illations malicieuses. Car outre qu'en cette faculté de raisonner, l'homme a un très-grand anātage par dessus elles, enēores y a il d'autres facultez plus hautes & toutes spirituelles, par lesquelles l'homme est dit l'image & ressemblāce de Dieu, & est capable de l'immortalité, esquelles la beste n'a point de part, & sont signifiées par l'intellect, qui est plus que la ratiocination simple. *Nolite sieri sicut equus & mulus, in quibus non est intellectus.*

L'autre point à dire en cette matiere est, que cete préeminence & auantage d'entendēmēt, & autres facultez spirituelles, que l'homme pretend, luy est bien cher vendu, & luy porte plus de mal que de bien, car c'est la source principale des maux qui le pressent, vices, passions, maladies, irresolution, trouble, de l'espoir dequoy sont quittes les bestes, à faute de ce grād auantage, témoin le pourceau de Pyrrho, qui mangeoit paisiblement au nauire durant la grande tēpeste, qui tressilloit de peur toutes les personnes qui y estoient. Il seble que ces grādes parties de l'ame ont esté demēées aux bestes, à tout le moins retrāchées & baillées chetiues & foibles pour leur grand bien & repos, & données à l'homme pour son grand tourment : car par icelles il s'agite & travaille, se fasche du passé, s'estonne & se

trouble pour l'aduenir : voire il imagine, apprehende & craint des maux qui ne sont & ne serot point. Les animaux n'apprehendēt le mal, que lors qu'ils le sentent : estans eschappez sont en pleine seureté & repos. Voila comment l'homme est le plus miserable par où l'on le pensoit plus heureux : dont il semble qu'il eust mieux valu à l'homme, n'estre point doüé & garny de toutes ces belles & celestes armes, puis qu'il les tourne cōtre soy à son mal & sa ruine. Et de fait nous voyons que les stupides & foibles d'esprit, vivent plus en repos, & ont meilleur marché des maux & accidens, que les forts spirituels.

10.
2. Sci-
gneurie
& com-
mande-
ment.

Vn autre aduantage que l'homme pretend sur les bestes, est vne seigneurie & puissance de commander, qu'il pense auoir sur les bestes : mais outre que c'est vn aduantage, que les hommes mesmes ont & exercent les uns sur les autres, encores cecy n'est-il pas vray. Car on est ce cōmander de l'homme, & cet obeyr des bestes, C'est vne chimere ; & les hommes craignent plus les bestes, qu'elles ne font les hommes. L'homme a bien à la verité grande preeminence par dessus les bestes, *et præsi præbus maris, volatilibus celi, bestis, reyna.* Mais est à cause de la belle & droite forme, de la sagesse & perfection de son esprit : mais non pas, qu'il leur commande, ny qu'elles luy obeyssent.

Genes. 1.

II.
3. Liber-
té, serui-
tude.

Il y a encores vn autre aduantage où l'on de cestuy cy prétend par l'homme, qui est vne plaine liberté reprochant aux bestes la seruitude, captiuité & subiection. mais c'est bien mal à propos. Il y a bien plus de subiet & d'occasion de le reprocher à l'homme, témoin les esclaués, non, seulement faitz

par force : & ceux qui descendent d'eux, mais encores les volontaires, qui vendent à purs deniers leur liberté, qui la donnent de gayeté de cœur, ou pour quelque commodité contre les escrimeurs anciens à outrance, les femmes à leurs Dames, les soldats à leurs Capitaines. Or il n'y a rien de tout cela aux bestes : elles ne s'asservissent jamais les vnes aux autres : ne vont point à la Servitude, ny actiuellement ny passivement, ny pour asservir ny pour estre asservies : & sont en toutes façons plus libres que les hommes. Et ce que l'homme va à la chasse, prend, tuë, mange les bestes, aussi est-il prins, tué, mangé par elles à son tour, & plus noblement, de viue force, non par finesse & par art comme il fait, & non seulement d'elles, mais de son compagnon, d'un autre homme, chose bien vilaine : les bestes ne s'assemblent point en troupe, pour aller tuer, destruire, ravager & prendre esclave un autre troupe de leurs semblables, comme font les hommes.

Le quatriesme & grand avantage pretendu par l'homme est en la vertu, mais de la morale il est disputable : (l'entens morale materiellement pour l'action externe) car formellement la moralité bonne ou mauuaise vertu & vice (qui ne peut estre sans le franc arbitre, & est matiere de merite & demerite) ne peut estre en la beste : la recognoissance, l'amitié officieuse, la fidelité, la magnanimité, & tant d'autres, qui consistent en société & conuersion, sont plus viues, plus expressees & constantes qu'au commun des hommes. Hircanus le chien de Ly Amachus demeura sur le lit de son maistre mort sans vouloir jamais manger ny boi-

re: & se ietta au feu où fut mis le corps de son maître: & s'y laissa bruler avec luy: tout le mesme en fit vn autre appartenant à vn certain Pirrhus: celui du sage. Hesiodé decela les meurtriers de son maître: vn autre de mesme en presence du Roy Pirrhus & de toute son armée: vn autre qui ne cessa, comme afferme Plutarque, allât de ville en ville, iusques à ce qu'il eust fait venir en la iustice le sacrilege & voleur du Temple d'Athenes. L'histoire est celebre du Lyō hôte & nourricier d'Androdus esclaue son medecin, qu'il ne voulut toucher, luy ayāt esté exposé, ce qu'Appion dit auoir veu à Rome. Vn Elephan ayant par cholere tué son gouuerneur, par repentance ne voulut plus viure, boire, ny manger. Au contraire il n'y a animal au monde, iniuste, ingrat, mesconnoissant, traistre, perfide, menteur, & dissimulé au prix de l'homme. Au reste puis que la vertu est en la moderation de ses appetits, & à brider les voluptez, les bestes, sont biē plus reglées que nous, & se cōtiennent mieux dedans les bornes de nature. Car non seulemēt elles ne sont point touchées ny passionnées de cupiditez non naturelles, superflues & artificielles, qui sont vicieuses toutes, & infinies, comme les hommes qui y sont pour la plus-part tous plongez, mais encores aux naturelles, comme boire & māger, l'acointāce des masles & femelles, elles y sont beaucoup plus moderées & retenues: Mais pour voir qui est plus vertueux & vicieux de l'homme ou de la beste, & faire à bon escient hôte à l'hōme deuant la beste, prenons la plus propre & conuenable vertu de l'hōme, c'est cōme porte sō nom, l'humanité: cōme le plus estrāge & contrai-

re vice, c'est cruauté. Et en cecy les bestes ont bien dequoy faire rougir l'homme, en ces huit mots, Elles ne s'attaquent & n'offensent gueres ceux de leur genre, *Maiores serpentibus ferarumque concordia quam hominum* : Ne se combattent que pour tres-grandes & iustes causes, defense & conseruation de leur vie, liberté, & leurs petits: Avec leurs armes naturelles & ouuertes : par la seule viue force & vaillance, d'une à une, comme en duels, & non en troupe ny par dessein : ont leurs combats courts & tost expédiez, iusques à ce que l'une soit blessée ou qu'elle cede: & le combat finy, la querelle, la haine, & la colere est aussi terminée. Mais l'homme n'a querelle que contre l'homme : pour des causes non seulement legeres, vaines, & friuoles, mais souuent iniustes: avec armes artificielles & traistresses, par fraudes & mauuais moyens : en troupe & assemblée faite avec dessein : fait la guerre fort longuement, & sans fin iusques à la mort : & ne pouuant plus nuire, encores la haine & la cholere dure.

La conclusion de cette comparaison est que vainement & mal l'homme se glorifiant par dessus les bêtes. Car si l'homme a quelque chose plus qu'elles, cōme est principalement la viuacité de l'esprit & de l'entendement, & les grandes facultez de l'ame: aussi en eschange est il suiet à mille maux, dont les bestes n'en tiennent rien, inconstance, irresolution, superstition, soin penible des choses à venir, ambition, auarice, enuie, curiosité, detractiō, mensonge, vn mode d'appetits desreglez, de mécontentemens & d'ennuis. Cet esprit dont l'homme fait tant de feste, luy apporte vn million de maux, & plus lors qu'il s'agit & s'efforce. Car non seule-

Humani-
té,
cruauté.

12.

Conclu-
sion de
cette se-
conde
confé-
ration.

Folie
manie.

Voyez
cy des-
sus c. 14.
art. 15.

ment il nuit au corps, trouble, rompt & lasse la force & les fonctions corporelles, mais encores soy-mesmes s'empesche. Qui iette les hommes à la folie, à la manie, que la pointe, l'agilité, & la force propre de l'esprit : les plus subtiles folies & excellentes manies viennent des plus rares & viues agitations de l'esprit, comme des plus grandes amitez naissent les plus grandes inimitiez, & des santez vigoureuses, les mortelles maladies. Les melancholiques, dit Platon, sont plus capables de science & de sagesse, mais aussi de folie. Et qui bien regardera, trouuera qu'aux eleuations & saillies de l'ame libre, il y a quelque grain de folie, ce sont à la verité choses fort voisines.

13.
Exhor-
tation.

Pour simplement viure bien selon nature, les bestes sont de beaucoup plus auantagées, viuent plus libres, assurees, moderées, contentes. Et l'homme est sage qui les considere, qui s'en fait leçon & son profit : en ce faisant il se forme à l'innocence, simplicité, liberté, & douceur naturelle, qui reluit aux bestes, & est toute alterée & corrompue en nous par nos artificielles inuentions, & desbauches, abusant de ce que nous disons auoir par dessus elles, qui est l'esprit & iugement. Et Dieu tant souuent nous enuoye à l'eschole, & à l'exemple des bestes : du Milan, de la Cicogne, Arondelle, Torterelle, Fourmy, du Bœuf & de l'Asne & de tant d'autres. Au reste il le faut souuenir qu'il y a quelque commerce entre les bestes & nous, quelque relation & obligation mutuelle, ne fust-ce que parce qu'elles sont à vn mesme maistre, & de mesme famille que nous, il est indigne d'vser de cruauté enuers elles, nous deuons la iustice aux

hommes, la grace & la benignité envers les autres creatures, qui en sont capables.

TROISIÈME CONSIDÉRATION
de l'homme, qui est par sa vie.

Estimation, brièveté, description de la vie humaine, & ses parties.

CHAP. XXXV.

C'Est vn premier & grand poinct de sagesse, de sçauoir bien iustement estimer la vie, la tenir & conseruer, la perdre ou quitter, la garder & conduire, autant & comme il faut : il n'y a peut-estre chose en quoy l'on faille plus, & où l'on soit plus empesché. Le vulgaire sot, imperit : l'estime vn souverain bien, & la prefere à toutes choses, iusques à la racheter, & l'allonger de quelque delay, à toutes les conditions que l'on voudra, pensant qu'elle ne sçauroit estre trop cherement achetée : car c'est tout : c'est son mot, *vitā nihil carius*, il estime & ayme la vie pour l'amour d'elle mesme, il ne vit que pour viure. Ce n'est merueille s'il faut en tout le reste, & s'il est tout confit en erreurs, puis que des l'entrée & en ce premier point fondamental, il se méconte si lourdement. Elle pourroit bien aussi estre trop peu estimée, par insuffisante ou orgueilleuse mescognoissance : car tombant en bonnes & sages mains, elle peut estre instrument tres-vtile à soy & à autrui. Et ne puis estre de cet aduis prinstout simplement, qui dit, qu'il est tres-bon de n'estre point, & que la meilleure vie est la plus

I.
De l'esti-
ma-
tion &
valeur
de la vie

courte, *optimum non nasci, aut quam citissime aboleri.* Et n'est assez ny sagement dit, quel mal & qu'importe quand ie n'eusse iamais esté? On luy peut repliquer, où seroit le bien qui en est venu, & n'estant aduenu, ne fust-ce pas esté mal? C'est espeece de mal que faute de bien: quel qu'il soit, encores que non necessaire: ces extremittez sont trop extremes & vicieuses, bien qu'inegalement: mais semble-il bien vray ce qu'a dit vn Sage, que la vie est vn tel bien que personne n'en voudroit, si l'on estoit bien aduerty que c'est auant la prendre. *Vitam nemo acciperet si daretur scientibus.* Bien va que l'on y est dedans, auant qu'en voir l'entrée, l'on y est porté tout à veuglettes: or se trouuant dedans, les vns s'y acoquinent si fort qu'à quelque pris que ce soit, ils n'en veulent pas sortir: les autres ne font que gronder & se dépiter: Mais les Sages voyans que c'est vn marché qui est fait sans eux (car l'on ne vit, ny l'on ne meurt pas, quand, ny comme lon veut) que bien qu'il soit rude & dur, ce n'est toutes fois pour tousiours, sans regimber & rien troubler s'y accōmodent comme ils peuuent, & s'y cōduisent tout doucement, faisans de necessité vertu, qui est le trait de sagesse & habileté, & ce faisant viuent autant qu'ils doiuent, & non pas tant qu'ils peuuent comme les fots. Car il y a temps de viure, & temps de mourir: & vn bon mourir vaut mieux qu'un mal viure, & vit le sage tant que le viure vaut mieux que mourir: la plus longue vie n'est pas tousiours la meilleure.

Senec.

De cecy
voyez
ch. 11. du
l. 2.

2.
De la lo
gueur &

Tous se pleignent fort de la briefueté de la vie humaine, non seulement le simple populaire, qui n'en voudroit iamais sortir, mais encores qui est plus

estrage, les grāds & sages en font le principal chef ^{briefue} de leurs plaintes. A vray dire la plus grande partie ^{té de} d'icelle estant diuertie & employée ailleurs, il ne ^{vie.} reste quasi rien pour elle, car le temps de l'enfāce, vieillesse, dormir, maladies d'esprit, ou de corps, & tant d'autres est inutile & impuissant à faire chose qui vaille, estant defalqué & rabbatu, le reste est peu: toutesfois sans y opposer l'opinion contraire, qui tient la breueté de la vie pour vn tres-grand bien & don de nature, il semble que cette plainte n'a gueres de iustice ne de raison, & vient plustost de malice. Que seruiroit vne plus longue vie? pour simplement viure, respirer, manger, boire, voire ce monde? que faut-il tant de temps? Nous auons tout veu, sceu, gousté en peu de temps; le sçachant, le vouloir tousiours ou si long temps pratiquer, & tousiours recommencer, à quoy est bō cela? Qui ne se souleroit de faire tousiours vne mesme chose? s'il n'est fascheux, pour le moins est-il superflu: c'est vn cercle roulant ou les mesmes choses ne font que reculer & s'approcher, c'est tousiours recōmencer & retistre mesme ouurage. Pour y apprendre & profiter dauantage, & paruenir à plus ample cognoissance & vertu, ô les bōnes gens que nous sommes, qui ne nous cognoistroit: nous ménageōs tres-mal ce que l'ō nous baille, & en perdons la plus part, l'employans non seulemēt à vanité & inutilité mais à malice, & au vice, & puis nous allons crier & nous plaindre, que l'on ne nous en baille pas assez. Et puis que sert ce tant grand amas de science & d'expériēce, puis qu'il en faut en fin déloger, & délogeant tout à vn coup oublier & perdre tout, ou bien mieux, & autrement sçauoir

Cap. 34.

Senec.

tout? Mais di-tu, il y a des animaux qui triplent & quadruplent la vie de l'homme; ie laisse les fables qui sont en cela, mais soit ainsi, aussi y en a il, & en plus grand nombre, qui n'en approchent pas, & ne vivent le quart de l'homme, & peu y en a il qui arriuent à son terme. Par quel droit, raison, ou privilege, faut il que l'homme viue plus long temps que tous? pour ce qu'il employe mieux, & à choses plus hautes & plus dignes sa vie? Par cette raison il doit moins viure que tous, il n'y a point de pareil à l'homme, à mal employer sa vie, en meschanceté, ingratitude, dissolution, intemperance, & tout desreglement de mœurs, comme a esté dit & monstre cy dessus en la comparaison de luy avec les bestes, tellement que comme ie demandoys tantost à quoy seruiroit vne plus longue vie? maintenant ie dy, & quels maux au monde si la vie de l'homme estoit fort longue? que n'entreprendroit-il, puis que la breueté qui luy coupe le chemin, & luy rompt le dé, comme l'on dit, & l'incertitude d'icelle, qui oste tout courage, ne le peut arrester, viuant comme s'il auoit tousiours à viure? Il craint bien d'une part se sentant mortel, mais il ne se peut tenir de conuoiter, esperer, entreprendre comme s'il estoit immortel. *Tanquam semper victuri viuitis, nunquā vobis fragilitas vestra succurrat: omnia tanquam mortales timetis, tanquam immortales concupiscitis.* Et puis qu'à besoin nature de toutes ces belles & grandes entreprises & occupations, pour lesquelles tu penses t'appartenir vne plus longue vie qu'à tous animaux? Il n'y a donc point de lieu à l'homme de se plaindre, mais bien de se courroucer contre luy: nous auons assez de

vie, mais nous n'en sommes pas bons mesme gens;
 elle n'est pas courte, mais nous la faisons telle: nous
 n'en sommes pas necessiteux mais prodigues, *non*
inopes vite, sed prodigi. Nous la perdons, dissipons
 & en faisons matché, comme de chose de neant,
 & qui regorge; nous tombons tous en l'une de
 ces trois fautes, l'employer mal, l'employer à rien,
 l'employer en vain, *magna cura par elabitar male*
agentibus, maxima nihil gentibus, tota aliud agentibus.
 Personne n'estudie à vivre: l'on s'occupe plu-
 tost à toute autre chose, on ne scauroit rien bien
 faire par acquit, sans soin & attention. Les autres
 reseruent à vivre iusques à ce qu'ils ne puissent plus
 vivre, à la fin de la vie alors qu'il n'y aura plus que
 la lie & le marc, quelle folie & misere! voir y en
 a qui ont prestost acheué que commencé à vivre,
 & s'en vont sans y auoir bien pensé: *quidam vivere*
incipiunt cum de sinendur, quidam ante de ferunt quam
impotentem se esse mala hoc quoque habet stulticia
semper incipit finire. Regardez les hommes, comme on vit
 La vie presente n'est qu'une entrée & issue de
 comedie, un flux perpetuel d'erreurs, un flux
 d'adnaures, une suite de miseres diuerses enchaî-
 nées de tous costez, il n'y a que mal qui coupe, que
 mal qui se prepare, & le mal pousse de mal, comme
 la vague pousse l'autre, la peine est toujours pre-
 sente, & d'un brio de bien nous degoit; la bestie de
 l'augleterre possede le commencement de la vie,
 le mulet est tout en peine & travail: & la fin est
 douloureuse, mais toute conuiee en erreur. *non qui oloq*
 La vie humaine a ses incommoditez & miseres
 communes, ordinaires, & perpetuelles: elle en a
 aussi de particulieres & distinctes, selon que les

Seneca
 Voyez
 la 3. le
 cha. 6.

3.
 descrip-
 tion de
 la vie
 humai-
 ne.

parties, aage, & faisons sont différentes; enfance, ieunesse, virilité, vieillesse; chacun a ses propres & particulieres tares.

5.
Com-
paraisō
de la
ieunes-
se à la
vieil-
lesse.

La pluspart du monde parle plus honorablement & fauorablement de la vieillesse; comme plus sage, meure, modérée, pour accuser & faire rougir la ieunesse comme vicieuse, folle, débauchée, mais c'est iniustement: car à la verité les défauts & vices de la vieillesse sont en plus grand nombre, & plus grands & importuns que la ieunesse: elle nous attache encores plus derides en l'esprit qu'au visage, & ne se voit point d'âmes qui en vieillissant ne sentent l'aigreur & le moisir: avec le corps l'esprit s'vise & s'empire, & vient en fin en enfantillage, *bis pueri senes*. La vieillesse est vne maladie necessaire & puissante, qui nous charge impereceptiblement de plusieurs imperfections. On veut appeller sagesse vne difficulté d'humeurs, vn chagrin & degoust des choses presentes, vne impuissance de faire comme deuant: la sagesse est trop noble pour se seruir de tels officiers: vieillir n'est pas assagir, ny quitter les vices, mais seulement les changer, & empirer. La vieillesse condamne des voluptez, c'est pource qu'elle est incapable de les goûter, comme le chien d'Ethiophe, elle dit qu'elle n'en veut point, c'est pource qu'elle n'en peut iuyr, elle ne les laisse pas proprement, ce sont elles qui la desdaignent, elles sont tousiours emouuées & en fesse, il ne faut pas que l'impuissance corrompe le iugement, lequel doit en la ieunesse congnostre le vice en la volupté, & en la vieillesse la volupté au vice. Les vices de la ieunesse sont temerité, promptitude, indiscrète, desbauche, & des-

bordement aux voluptez, qui sont choses naturelles, prouenant de ce sang boüillant, vigueur & chaleur naturelle, & par ainsi excusables : mais ceux de la vieillesse sont bien autres. Les legeres sont vne vaine & caduque fierté, babil ennuyeux, humeux espineux & insociables, superstition, soin des richesses, lors que l'usage en est perdu, vne sotte auarice & crainte de la mort, qui vient proprement non de faute d'esprit & de courage, comme l'on dit, mais de ce que le vieillard s'est longuement accoustumé, accommodé, & comme acoquiné à ce monde, dont il l'aime tant, ce qui n'est aux ieunes. Outre ceux-cy il y a enuie, malignité, iniustice, mais ce qu'il y a de plus sot & ridicule en elle, est qu'elle se veut faire craindre & redouter, & pour cetient elle vne morgue austere, & desdaigneuse, pensant par là extorquer crainte & obeyssance, mais elle se fait mocquer d'elle : car cette mine fiere & tyrannique, est receüe avec moquerie & risée de la ieunesse, qui s'exerce à l'affiner & l'amuser, & par dessein & complot luy celer & desguiser la verité des choses. Il y a tant de fautes d'une part en la vieillesse & tant d'impuissance de l'autre, & est si propre au mespris, que le meilleur acquest qu'elle puisse faire, c'est d'affection & amitié, car le commandement & la crainte ne sont plus ses armes. Il luy sied tant mal de se faire craindre : & quand elle le pourroit, encores doit elle plustost se faire aimer & honorer.

QUATRIESME CONSIDERATION

*morale de l'homme par ses mœurs, humeurs,
conditions, bien vivre & notable.*

*Preface, contenant la generale peinture de
l'homme.*

Toutes les peintures & descriptions que les sages, & ceux qui ont fort estudié en cette science humaine, ont donné de l'homme, semblent toutes s'accorder & reuenir à marquer en l'homme quatre choses, vanité, foiblesse, inconstance, misere : l'appellant, despoüillé du temps, iouiet de la fortune, image d'inconstance, exemple & monstre de foiblesse, trebuchet d'enuie & de misere, songe, fantosme, cendre, vapeur, rosée du matin, fleur incontinent espanouie & fanée, vent, foin, vessie, ombre, feuilles d'arbres emportées par le vent, orde semence en son commencement, esponge d'ordures & sac de miseres en son milieu : puantise & viande de vers en sa fin : bref, la plus calamiteuse & miserable chose du monde. Iob vn des plus suffisans en cette matiere tant en theorique qu'en pratique l'a fort au lōg dépeint, & apres luy Salomō, en leurs liures. Plin pour estre court semble l'auoir bien proprement representé, le disant estre le plus miserable, & ensemble le plus orgueilleux de tout ce qui est au monde, *solum ut certum si nihil esse certi, nec miserius quicquam homine aut superbius.* Par le premier mot (de miserable) il comprend toutes ces precedentes peintures, & tout ce que les autres ont dit : mais en l'autre (le plus

plus orgueilleux) touche vn autre grand chef bien important : & semble en ces deux mots auoir tout dict. Ce sont deux choses que se heurter & empêcher, que misere & orgueil, vanité & presumption : voila vne estrange monstrueuse nature que l'homme.

D'autant que l'homme est composé de deux pieces fort diuerses, esprit & corps, il est malaisé de le bien descrire entier & en bloc. Aucuns rapportant au corps tout ce que l'on peut dire de mauuais de l'homme, le font excellent & l'esleuant par dessus tout, pour le regard de l'esprit : mais au contraire tout ce qu'il y a de mal, nō seulement en l'homme, mais au monde, est forgé & produit par l'esprit : & y a bien plus de vanité, incōstance, misere, presumption en l'esprit, qu'au corps : auquel peu de chose est reprochable au prix de l'esprit : dont Democrite appelle cet esprit vn monde caché de miseres, & Plutarque le prouue bien par vn liure exprez, & de ce subiect Or nous considererons icy l'homme plus au vif qu'en'auons encores faict, & le pincerons où il ne se demangeoit pas, & rapporterons tout à ces cinq points : Vanité, Foiblesse, Incōstance, Misere & Presumption, qui sont ses plus naturelles & vniuerselles qualitez : mais les deux dernieres le touchent de plus prés. Au reste il y a des choses communes à plusieurs des cinq, que l'on ne sçait bien à laquelle l'attribuer plustost, & specialement la Foiblesse & la Misere.

I. *vanité.*

CHAP. XXXVI.

LA vanité est la plus essentielle & propre qualité de l'humaine nature. Il n'y a point d'autre chose en l'homme, soit malice, malheur, inconstance, irresolution (& de tout cela y en a toujours à foison) tant cōme de vaine inanité, sottise & ridicule vanité. Dont rencōtroit mieux Democrite se riant & moquant par desdain de l'humaine condition, qu'Heraclite qui pleuroit & s'en donnoit peine, par où il tesmoignoit d'en faire compte & estime. Et Diogenes qui donnoit du nez, que Timon le hayneux & fuyard des hommes, Pindare là exprimé plus au vif, que toute autre, par les deux plus vaines choses du monde, l'appellant songe de l'ombre, *οὐκ ἔστιν οὐρανὸς ἀστεροὶς*.

C'est ce qui a poussé les sages à vn si grād mespris des hommes; dont leur estant parlé de quelque grād dessein & belle entreprise, la iugeans telle, souloient dire, què le monde ne valoit pas que l'on se mist en peine pour luy (ainsi respondit Statilius Brutus, luy parlant de la conspiration contre Cèsar) que le sage ne doit rien faire pour soy, que ce n'est raison que les Sages & la sagesse se mettent en danger pour des fots.

2
Pensées.

Ceste vanité se demonstre & tesmoigne en plusieurs manieres, premierement en nos pensées & entretiens priuez, qui sont bien souuent plus que vains, frivoles & ridicules: ausquels toutesfois nous consommons grand temps, & ne le sentons point. Nous y entrons & y seiournons, & en sortons insensiblement, qui est bien double vanité & grāde

inadvertance de soy. L'un se promenant en vne sale regarde à compasser ses pas d'une certaine façon, sur les carreaux ou tables du plancher: Cét autre discourt en son esprit longuement & avec attention comment il se comporteroit s'il estoit Roy, Pape, ou autre chose, qu'il sçait ne pouvoit iamais estre: & ainsi se paist de vent, encor moins; car de chose qui n'est & ne sera point: Cetuy-cy songe fort comment il composera son corps, les contenance, son maintien, ses paroles d'une façon affectée, & se plaist à le faire, comme chose qui luy sied fort bien, & à quoy tous doiuent prendre plaisir. Mais quelle vanité & sotte inanité en nos desirs & souhaits, d'où naissent les creances & esperances encor plus vaines? Et tout cecy n'auoient pas seulement lors que n'auons rien à faire, & que sommes engourdis d'oisiueté, mais souuent au milieu & plus fort des affaires: Tant est naturelle & puissante la vanité, qu'elle nous desrobe & nous arrache des mains la verité, solidité & substance des choses, pour nous mettre au vent & au rien.

Encor vne plus sotte vanité est ce soin penible de ce qui se fera icy, apres qu'en seront partis. Nous estendons nos desirs & affection au delà de nous & de nostre estre: voulons pouruoir à nous estre fait des choses lors que ne serons plus. Nous désirons estre loüez apres nostre mort, quelle plus grande vanité? Ce n'est pas ambition, comme l'on pourroit penser, qui est vn desir d'honneur, sensible, & perceptible: Si ceste loüange de nostre nom peut accommoder & seruir en quelque chose à nos enfans, parens, & amis suruiuans, bien soit, il y a de l'vtilité: Mais desirer comme bien, vne

3
Soin de
l'aduenir

chose qui ne nous touchera point, dont n'en sentirons rien, c'est pure vanité, comme de ceux qui craignent que leurs femmes se marient apres leur decez, desirant avec grande passion qu'elles demeurent veufues, & l'achetent bien cherement en leurs testaments, leur laissant vne grande partie de leurs biens à ceste condition. C'est vanité, & quelquefois iniustice. C'est bien au rebours de ces grands hommes du temps passé, qui mourans exhortoient leurs femmes à se marier tost & engendrer des enfans à la republique. D'autres ordonnent que pour l'amour d'eux on porte telle & telle chose sur soy, ou que l'on face telle chose à leurs corps mort : nous consentons peut-estre d'eschapper à la vie, mais non à la vanité.

4. Voicy vne autre vanité : nous ne viuons que par relation à autrui : nous ne nous soucions pas tant quels nous soyons en nous en effet & en verité, cōme quels nous soyons en la connoissance publique : tellement que nous nous defaudrons souuent, & nous priuons de nos commoditez & biens, & nous nous gehennōs pour former les apparences à l'opinion commune. Cecy est vray non seulement aux choses externes, & du corps, en la despenſe & em-ploie de moyens, mais encores aux biens de l'esprit, qui nous semble estre sans fruit, s'ils ne se produisent à la veüe & approbation estrangere, & si les autres n'en iouïssent.

5. Nostre vanité n'est pas seulement aux simples
 Agitations d'esprit. pensees, desirs & discours : mais encores elle agite, secoue & tourmente & l'esprit & le corps, souuent les hommes se remuent & tourmentent plus pour des choses legeres & de neant, que pour des

grandes & importantes. Nostre ame est souuent agitee par des petites fantaisies, songes, ombre & resueries sans corps & sans suiet, elle s'embroüille & se trouble de cholere, despit, tristesse, ioye, faisant des chasteaux en Espagne. Le souuenir d'un adieu, action & grace particuliere nous frappe & afflige plus, que tout le discours de la chose importante. Le son des nōs, & de certains mots prononcez piteusement, voire des souspirs & exclamatiōs nous penetrent iusques au vif comme scauent & pratiquēt biē les harāguez, affrōteurs, & vendeurs de vēt & fumee. Et ce vent surprend & emporte quelquesfois les plus fermes & assurez, s'ils ne se tiennent sur leurs gardes, tant est puissante la vanité sur l'hōme. Et non seulement les choses petites & legeres nous secoüent & agitent, mais encores les faussetez & impostures, & que nous scauons telles (chose estrāge) de façon que nous prenōs plaisir à nous piper nous mesmes à esciēt, nous paistre de fausseté & de rien (*ad fallendum nos metipsos ingeniosissimi sumus*) telmoin ceux qui pleurent & s'affligent à ouyr des contes, & voir des tragedies, qu'ils scauent estre inuentees & faites à plaisir, & souuēt des fables qui ne furēt iamais, diray-je encor de tel qui est coiffé, & meurt apres vne qui scait estre laide, vieille, soüillee, & ne l'aymer point: mais pour ce qu'elle est bien peinte & plastree, caqueteresse, ou fardee d'autre imposture, laquelle il scait & recognoit tout au long & au vray.

Venons du particulier de chacun à la vie commune, pour voir combien la vanité est attachee à la nature humaine, & non seulement vn vice privé & personel. Quelle vanité & perte de temps

6.
Vistres
& office
de cour-
toise.

M iij

aux visites, salutations, accueils & entretiens mutuels, aux offices de courtoisie harangues, ceremonies, aux offres, promesses, louanges; combien d'hyperbole, d'hypocrisie, de fausseté & d'imposture au veu & sçeu de tous, qui les donne, qui les reçoit, & qui les oyt; tellement que c'est un marché & complot faict ensemble de se moquer, mentir & piper les vns les autres. Et faut que celui là, qui sçait que l'on luy ment impudemment, en dise grand mercy: & ceroy. cy qui sçait que l'autre ne l'en croit pas, tienne bonne mine effrontee; s'attendant & se guettant l'un l'autre, qui commencera, qui finira, bien que tous deux voudroient estre retirez. Combien souffre l'on d'incommodité? l'on le feint, l'on se contrefait & deguise, l'on endure le ferein, le chaud, le froid; l'on trouble son repos, sa vie, pour ces vanitez courtisânes: & laisse-on affaires de poids pour du vent? Nous sommes vains aux despès de nostre aise, voire de nostre santé & de nostre vie. L'accident très-leger foule au pied la substance, & le vent emporte le corps, tant l'on est esclaire de la vanité: & qui feroit autrement feroit tenu pour un sot & mal entendant son monde: c'est habilité de bien iouer ceste farce & sottise de n'estre pas vain. Estans venus au propos & deuis familiers, combien de vains, inutiles, faux, fabuleux, controuuez (sans dire les meschans & pernicioeux qui ne sont de ce compte) combien de vanteries & vaines iactances? L'on cherche & se plaist on tant à parler de soy, & de ce qui est sien, si l'on croit auoir faict ou dit, ou posseder quelque chose, que l'on estime; l'on n'est point à son aise, que l'on ne face sçauoir & sentir aux

autres. A la premiere commodité l'on la compte, l'on la fait valoir, l'on l'encherit, voire l'on n'attend pas la commodité, l'on la cherche industriemēt. De quoy que l'on parle, nous nous y mettons toujours, avec quelque aduantage : nous voulons que l'on nous trouue & sēte par tout, que l'on nous estime, & que tout ce que nous estimons.

Mais pour monstret encore mieux combien l'innanité a de credit & d'épire sur la nature humaine, souuenōs-nous que les plus grands remuēmens du monde, les plus generales & effroiables agitations des estats, des empires, armées, batailles, meurtres, procez, & querelles, ont leurs causes bien legeres redicules & vaines, tesmoins les guerres de Troye & de Grece, de Sylla & Marius, d'oū sont ensuiuies celles de Cesar & Pompée, Auguste & Antoine. Les Poētes ont bien signifié cela, qui ont mis pour vne pōme la Grece & l'Asie à feu & à sang: les premiers ressorts & motifs sont de neant, puis ils grossissent, tesmoins de la vanité & folie humaine. Souuent l'accident fait plus que le principal, les circonstances menuēs piquent & touchent plus viuement que le gros de la chose & le subiect mesmes. La robe de Cesar troubla plus Rome, que ne fit sa mort & les vingt & deux coups de poignard qui luy furent donnez.

Finalemēt la couronne & la perfection de la vanité de l'homme se monstre en ce qu'il cherche, se plaist & met la felicité en des biens vains & frivoles, sans lesquels il peut bien & commodement viure, & ne se soucie pas, comme il faut, des vrayes & essentiels. Son cas n'est que vent: tout son bien n'est qu'en opiniō & son songe, il n'y a rien de pareil

M iij

7.

Agitatiōs
publi-
ques &
vniuers-
selles.

8

Felicité
& con-
tēmēt.

ailleurs, Dieu a tous biens en essence, & les maux en intelligence: l'homme au contraire possède ses biens par fantaisie, & les maux en essence. Les bestes ne se contentent, ny ne se paissent d'opinions & de fantaisies, mais ce qui est present, palpable & en verité. La vanité a esté dōnée à l'homme en partage: il court, il bruit, il meurt, il fuit, il chasse, il prēd vn ombre, il adore le vent. Vn festu est le gain de son iour: *vanitati creatura subiecta est etiam nolens, vniuersa vanitas omnis homo viuans.*

I I. Foiblesse.

CHAP. XXXVII.

VOicy le second chef de ceste cōsideration & cognoissance humaine: cōment la vanité seroit elle autre que foible & fresse? Ceste foiblesse est bien confessee & auoüee de tous, qui en cōtent plusieurs choses aisees à appercevoir de tous: mais n'est pas remarquee telle, ny és choses qu'il faut, comme sont celles, où il semble estre plus fort & moins foible, au desirer, au iōür & vser des choses qu'il a, & qu'il tient, à tout bien & mal, bref ceiles où il se glorifie, en quoy il pēse se preualoir & estre quelque chose, sōt les vrays tesmoins de sa foiblesse. Voions cecy mieux par le menu.

I. **Premierement** au desirer, l'homme ne peut asseoir son cōtētement en aucune chose, & par desir mesme & imagination. Il est hors nostre puissance de choisir ce qu'il nous faut, quoy que nous ayons desiré, & qu'il nous aduienne, il ne nous satisfaiēt point, & allons beans après les choses incognuēs & aduenir, d'autant que les presentes ne nous saou-

Au desirer & choisir.

lent point, estimons plus les absentes. Que l'on baille à l'homme la carte blanche, que l'on le mette à mesme de choisir, tailler, & prescrire, il est hors de sa puissance de le faire tellement qu'il ne s'en desdise bien tost, en quoy il trouue à redire, & ne vueille adiouter, oster, ou chāger, il desire ce qu'il ne scauroit dire. Au bout du cōte rien ne le cōtente, se fache & s'ennuye de mesme.

La foiblesse est encores plus grande au iouyr & vser des choses, & en plusieurs manieres. Premièrement en ce qu'il ne peut manier & se servir d'aucune chose en sa pureté & simplicité naturelle. Il les faut déguiser, alterer & corrompre, pour l'accommoder à nostre mal: les elemens, les metaux, & toutes choses en leur naturel ne sont propres à nostre vsage, les biens, les voluptez & plaisirs ne se peuvent laisser iouyr sans meslange de mal & d'incommodité, *medio de fonte leporum surgit amarum aliquid, quod in ipsis floribus angat.* L'extreme volupté a vn air de gemissement & de plainte, estant venue à sa perfection, c'est foiblesse, & defaillance, langueur, vn extreme & plein contentement a plus de seuerité rassise, que de gayeté enioüee: *ipsa felicitas se nisi temperat, premit*: D'où disoit vn ancien, que Dieu nous vend tous les biens qu'il nous enuoye: c'est à dire, qu'il ne nous en donne aucun pur, que nous ne l'achetions au poids de quelque mal. Aussi la tristesse n'est point pure & sans quelque alliage de plaisirs, *labor voluptasque dissimillima natura, societate quadam naturali inter se sunt iuncta, est quadam flere voluptas.* Ainsi toutes choses en ce monde sont mixtionnees & detrempees avec leur cōtraire: les mouuemēts & plis du visage qui seruent

3
Au iouyr
& vser.

au rire, seruēt auffi au pleurer, comme les peintures nous apprennent. Et nous voyons que l'extrémité de rire se mefle aux larmes. Il n'y a point de bonté en nous ; qu'il n'y aye quelque teinture vicieuse, *omnes iustitie nostræ sunt tanquam pannus menstruata*, comme se montrera tantost en son lieu. Il n'y a auffi aucun mal, sans quelque bien : *nullum sine authoramento malum est*. Toujours à quelque chose, sert malheur, nul mal sans bien, nul bien sans, mal en l'hōme, tout est meslé, rien de pur en nos mains. Secondemēt, tout ce qui nous aduient, nous le prenons & en iouïssons de mauuaise main, nostre goust est irresolu & incertain, il ne sçait rien tenir ny iouir de bonne façon : De là est venuë la question interminable du souverain bien. Les choses meilleures fouuēt en nos mains par nostre foiblesse, vice & insuffisance, s'empirent, se corrompent, deuiennent à rien, nous sont inutiles, voire quelquefois contraires & dommageables.

⁴ Mais la foiblesse humaine se monstre richement au bien & au mal ; en la vertu & au vice : c'est que l'homme ne peut estre, quand bien il voudroit, du tout bon ny du tout meschant. Il est impuissant à tout. Quant au bien & à la vertu, considerons 3. poinct, le 1. est, qu'on ne peut faire tout bien, ny exercer toute vertu, d'autant que plusieurs vertus sont incōpatibles, & ne peuvent demeurer ensemble au moins en vn mesme subiet, comme la continence filiale & viduale, qui sont entierement differentes, le cœlibat & le mariage, estans les deux seconds estats de viduité & de mariage bien plus pénibles & affaireux, & ayant plus de difficulté & de vertu que les deux premiers de filiage & de cœli-

Au bien
& au mal

bat, qui ont aussi plus de pureté, de grace, & d'aifance. *virgo fœlior, vidua laboriosior, in illa gratia: in ista virtus coronatur.* La constance qui est en la pauvreté, indigence, aduersité & celle qui est en l'abondance & prospérité, la patience de médiocrité & la libéralité. Cecy est encor plus vray des vices, qui sont opposites les vns aux autres.

Le second est, que bien souuent l'on ne peut accomplir ce qui est d'une vertu, sans le hurt & offense d'une autre vertu, ou d'elle mesme: d'autant Terul. qu'elles s'entr'empeschent: d'où vient que l'on ne peut satisfaire à l'un qu'aux despens de l'autre. Et de cecy ne s'en faut prendre à la vertu, ny penser que les vertus se contrarient, car elles sont tres-bien d'accord: Mais à la foiblesse & condition humaine estant tout sa suffisance & son industrie si courte & si foible, qu'elle ne peut trouuer vn reglement certain vniuersel, & constant à estre homme de bien: & ne peut si bien aduiser & pourvoir que les moyens de se bien faire ne s'entr'empeschent souuent. Prenons exemple de la charité & de la iustice, si ie rencontre mon parent ou mon amy en la guerre de contraire party, par Iustice ie le dois tuer, par charité de l'espargner & sauuer: Si vn homme est blessé à la mort, où n'y est aucun remede, & n'y reste qu'un languir tres-douloureux, c'est œuvre de charité de l'acheuer, comme fit celuy qui acheua Saül à son instante priere, mais qui seroit puny par Iustice, comme fut celuy là par Dauid & iustement, Dauid estant ministre de la iustice publique, & non de la charité priuee: voire estre trouué prez de luy en lieu escarté, où il y a doute du meurtrier, bien que ce soit pour luy faire office d'humana-

nité est tres dangereux : & ny peut aller de moins que d'estre trauaillé par la iustice, pour respondre de cet accident, dont l'on est innocent. Et voila cōment la iustice non seulement heurte de la charité, mais elle même s'entraue & s'ēpesche, dōt est tres-bien dit & au vray, *summū ius, summa iniuria*.

6 Le troisieme plus notable de tous, l'on est contraint souuēt de se seruir & vser de mauuais moyēs pour euitier & sortir d'un plus grand mal, ou pour paruenir à vne bonne fin: tellement qu'il faut quelquesfois legitimer & autoriser non seulement les choses qui ne sont point bonnes, mais encorēs les mauuaises, cōme si pour estre bon, il falloit estre vn peu meschāt. Et cecy se void par tout en la police, iustice, verité & religion.

7
Police.

Lib. 1.
Cap. 2.

En la police, combien de choses mauuaises permises & en vſage public, non seulement par conuenance ou permission: mais encōre par approbation des loix, comme se dira apres en son lieu, *ex senatusconsultis & plebiscitis scelera exercentur*. Pour descharger vn estat & republique de trop de gens, ou de gens boüillans à la guerre, qu'elle ne peut plus porter cōme vn corps replet de mauuaises, ou trop d'humeurs, l'on les enuoye ailleurs s'accommoder aux despēs d'autrui: comme les François, Lōbards, Goths, Vandales, Tarartes, Turcs. Pour euitier vne guerre civile, l'on en entretient vne estrangere. Pour instruire à temperance, Licurgus faisoit enyurer les Ilotes serfs, pour par ce débordement faire prendre horreur de ce vice. Les Romains pour dresser le peuple à la vaillance & mespris des dangers & de la mort, dresſoient les spectacles furieux des gladiateurs & escrimeurs à outrance.

Ce qu'ils firent au commencement des criminels, puis des serfs innocens, en fin des libres, qui se donnoient à cela; les bordeaux aux grandes villes, les v-sures, les diuorces en la loy de Moïse, & en plusieurs autres nations & religions, permis pour cuitier plus grands maux: *ad duritiā cordis eorum.*

En la iustice, laquelle ne peut subsister & estre en 8
exercice sans quelque meſlange d'iniustice, nō seu- ^{Iustice.}
lement la commutative, cela n'est pas estrange, il
est aucunement necessaire, & ne ſçauroit on viure,
& trafiquer en ſemble, ſans leſion, offense & dom-
mage mutuel, & les loix conuient à la leſion qui eſt
au deſſous la moitié de iuſte prix: Mais encores la
distributive, comme elle meſme confeſſe, *summum*
ius ſumma iniuria: & omne magnam exemplum ha-
bet aliquid ex iniquo, quod contra ſingulos utilitate
publicare rependitur. Platon permet, & le ſtile eſt tel
en pluſieurs endroits, d'attirer par fraudes, & fauſ-
ſes eſperances de faueur ou pardon le criminel à
deſcouvrir ſon fait. C'eſt par iniuſtice, piperie, & ^{Des Ge-}
impudence vouloir arriuer à la iuſtice. Et que di- ^{henes.}
rōs nous de l'inuention des gehennes, qui eſt plu-
ſtoſt vn eſſay de patience, que de verité? Car celuy
qui les peut ſouffrir, & ne les peut ſouffrir cachera
la verité. Pourquoi la douleur fera-elle pluſtoſt di-
re ce qui eſt, que ce qui n'eſt? ſi l'on penſe que
l'innocent eſt aſſez patient pour ſupporter les tour-
mens, & pourquoi ne le fera celuy qui eſt coulpable,
eſtant queſtion de ſauuer ſa vie? *Illa tormenta*
gubernat dolor, moderatur natura cuiuſque tum animi
tum corporis, regit quaſitor ſpecti libido, corrumpit
ſpes, infirmat metus, ut in tot rerum anguſtiis nil veri-
tati loci relinquatur, pour excuſe on dit que la cor-

ture estonne le coupable, l'affoiblit & luy fait confesser sa fausseté : & au rebours fortifie l'innocent : mais il s'est tant souuent veu le contraire, cecy est captieux & à dire, vray vn pauvre moyen, plein d'incertitude & de doute. Que ne diroit & ne feroit-on pour fuyr à telles douleurs ? *Etenim innocentes mentiri cogit dolor* : tellement qu'il aduient que le iuge qui dōne la gehenne, afin de ne faire mourir l'innocent, il le fait mourir & innocent & gehenné. Mille & mille ont chargé leurs testes de faulx accusations, mais au bout du conte est ce pas grande iniustice & cruauté, de tourmenter & rompre vn homme, de la faute duquel on doute encores ? Pour ne le tuer sans occasion, l'on luy fait pire que le tuer : s'il est innocent & supporte la peine, quelle raison luy est il faicte du tourment iniuste ? il sera absous, grand mercy. Mais quoy, c'est le moins mal que la foiblesse humaine aye peu inuenter.

9
Verité.

Si l'homme est foible à la vertu, il est encores plus à la verité, soit eternelle & diuine, ou temporelle & humaine : Celle là l'estonne par son esclat, l'at terre par son esclat comme la viue clarté du Soleil, l'œil foible du Hibou : Et s'il s'y opiniastre, il succombera accablé, *qui scrutator est Maiestatis, opprimetur à gloria*, tellement que pour luy en donner quelque air & quelque goust, il la luy faut déguiser, temperer, couvrir de quelque ombre. Celle cy humaine, le blesse, & qui la luy presente est souuent tenu pour ennemy *veritas odium parit*. C'est chose estrange, l'homme desire naturellement sçauoir, & pour y paruenir remuë toutes choses, neantmoins il n'y peut paruenir : Si elle se

presente, il ne la peut comprendre, s'il la comprend il s'en offense: Ce n'est pas sa faute, car elle est tres-belle, amiable, cognoissable, mais c'est la foiblesse humaine qui ne peut recevoir vne telle splendeur. L'homme est fort à desirer & foible à reprendre & tenir. Les deux principaux moyens qu'il employe, pour paruenir à la cognoissance de la verité sont, la raison & l'experience. Or tous deux sont si foibles & incertains (bien que l'experience plus) que n'en pouuons rien tirer de certain. La raison a tant de formes, est tant ployable, ondoyante, comme a esté dit en son lieu. L'experience encores plus, les euenemens sont tousiours dissemblables: il n'y a rien si vniuersel en la terre que la diuersité, rien si rare & difficile, & quasi impossible que la semblance. Et si l'on ne peut remarquer la dissemblance: c'est ignorance & foiblesse, ce qui s'entend de parfaite, pure & entiere semblance & dissemblance: car à vray dire tous les deux s'ont par tout, il n'y a aucune chose qui soit entierement semblable & dissemblable à vn autre. C'est vn ingenieux & merueilleux melange & destremplement de nature: Mais apres tout, qui decouure mieux la foiblesse humaine que la religion? Aussi est-ce son intention de faire bien sentir à l'homme son mal, sa foiblesse, son rien, & par là le faire recourir à Dieu, son bien, sa force, son tout. Premièrement elle la luy presche, inculque, reproche, l'appellât poudre, cédre, terre, chair, sang, foin. Puis elle la luy insinüe & fait sentir d'une tres-belle & noble façon, introduisant Dieu humilié, affoibly, abbaisé pour l'amour de luy, parlant, promettant, iurant, courrouçant, menaçant: bref traittant & agissant avec l'homme d'une maniere

Chap. 14.
semblance.
ce. dissemblance.

10.
Religion

basse, foible, humaine, ainsi qu'un pere qui begaye
 & fait le petit avec ses petits: Estant telle, si gran-
 de & invincible la foiblesse humaine, que pour luy
 donner quelque accez & commerce avec la Divini-
 té & l'approcher de Dieu, il a fallu que Dieu se soit
 abbaissé au plus bas, *Deus quia in altitudine sua à no-
 bis parvulis apprehendi non poterat, ideo se stravit ho-
 minibus*, puis par effet ordinaire, car tous les prin-
 cipaux & plus saints exercices, les plus solennelles
 actions de la religion, ne sont-ce pas les vrayes sym-
 ptomes & argumens de foiblesse & maladie hu-
 maine? les sacrifices qui ont esté anciennement en
 usage par tout le monde, & encores sont en quel-
 ques endroits non seulement des bestes, mais aussi
 des hommes vivants, voire des innocents, n'estoit-ce
 pas des honteuses marques de l'infirmité & misere
 humaine? premierement pour-ce que c'estoient
 des enseignes & tesmoignages de sa condamnation
 & malediction (car c'estoient des protestations
 publiques d'avoir merité la mort, & d'estre sacrifié
 comme des bestes) sans laquelle n'y eust jamais eu
 d'offrandes sanglants, sacrifices propitiatoires, ex-
 piatoires. Secondement à cause de la bassesse du
 dessein & de l'intention qui estoit de penser appai-
 ser, flatter & gratifier Dieu par le massacre & le
 sang des bestes & des hommes, *sanguine non colēda
 Deus, quæ enim ex trucidatione immerentium volup-
 tas est*? Certes Dieu aux premiers siècles, encores
 la foible enfance du monde & la simple nature, les
 a bien accepté des gens de bien à cause d'eux & de
 leurs deuotions. *Respexit Dominus ad Abel & ad
 munera eius*, prenant par sa bonté en bonne part,
 ce qui se fait en intention de l'honorer & servir,
 & encores

encore depuis étant le monde encores apprentif & grossier *sub pedagogo*, tout confit en ceste opinion si vniuerselle, que quasi naturelle. Je ne touche point icy le mystere particulier de la religion Iudaïque qui les employoit pour figures : c'est vn des beaux traits de la religion, & assez frequent, de conuertir ce qui est humain ou naturel, & corporel en vſage ſaint, ſacré, & en tirer vn fruit ſpiritucl. Mais ce n'eſtoit que Dieu y print plaisir, ny que ce fuſt choſe par aucune raiſon bonne de ſoy, teſmoin les Prophetes & plus clair voyāſ qui l'ōt toujours dit franchement, *ſi voluiſſes ſacrificium dediſſem, utique holocauſtis non delectaberis, ſacrificium & oblationem nouiſti, Holocauſtum pro peccato non poſtulaſti, non accipiam de domo tua vitulos, &c.* & ont rappellé & conuié le mōde à vn autre ſacrifice plus ſpiritucl, & plus digne de la Diuinité ; *Sacrificium Deo ſpiritus : aures autem perforaſti mihi vt facerem voluntatem tuam, & legem tuam medio cordis mei : Immola Deo ſacrificium laudis miſericordiam volo non ſacrificium.* Et enfin le fils de Dieu docteur de verité eſtāt venu pour ſeuter & déniaiſer le mōde, les a du tout abolis, ce qu'il n'eut fait ſi c'eut eſſé choſe de ſoy, & eſſentiellement bonne, & eut plu à Dieu ſon Pere : car au rebours, *Pater non tales querit, ſed tales qui adorent in ſpiritu & veritate.* Et certes, c'eſt vn des plus beaux effets, & fruits de la Chreſtienté apres l'abolition des idoles. Dōt Iulien l'Empereur ſon ennemy capital cōme en deſpit d'elle en faiſoit plus que iamais autre n'en fit au mōde, taſchant de les remettre ſus avec l'idolatrie. Parquoy laiſſons-les, voyons les autres pieces principales de la religion. Les Sacremēs en matiere vile & commune

Sacré-
ment

N

Peniten-
ce.

Iurement.

de pain, vin, huile, eau, & en action externe de
mesme, ne sont-ce pas tesmoignages de nostre po-
ureté & bassesse? La penitence remede vniuersel à
nos maladies, est chose de foy toute honteuse, foi-
ble, voire mauuaise, car le repentir, la tristesse &
affliction d'esprit est mal. Le iurement qu'est-ce
qu'un symptome & marque hôteuse de la méfian-
ce, infidelité, ignorance, impuissance humaine, &
en celuy qui l'exige & en celuy qui le réd, & en ce-
luy qui l'ordonne, *Quod amplius est, à malo est*. Voi-
la cōment la religion guarit & remede à nos maux
par moiens non seulement petits & foibles, ainsi
le requerant nostre foiblesse, *stulta & infirma mundi
elegit Deus*: mais qui ne sont aucunement de valeur,
ny sont bons en foy, mais bons en ce qu'ils seruent
& sont employez contre le mal, comme les Medec-
cines: Ils destruisent leur auteur, sōt causés par le
mal & chassent le mal: ce sont biens comme les gi-
bets & les roües en vne republique, cōme l'esternu-
mēt & autres descharges venāt de mauuaises cau-
ses & remedes à icelles. Bref, ce sont biens tels qu'il
seroit beaucoup meilleur qu'il n'y en eust iamais
eu, cōme aussi ny en eust-il iamais eu si l'hōme eust
esté sage, & se fust preserué en l'estat auquel Dieu
l'auoit mis, & n'y en aura plus si tost qu'il sera deli-
uré de cette captiuité pour arriuer à la perfection.

II.
Au mal.

Tout ce que dessus montre cōbien est grande la
foiblesse humaine au bien, en police, iustice, verité,
religion enuers Dieu, mais qui est plus estrāge, elle
est aussi tres-grande au mal: car l'homme voulant
estre meschant encores ne le peut il estre du tout
& ny laisser rien à faire: Il y a tousiours quelque re-
mors & craintive consideration, qui ramolit & re-

lâche la volonté & reserve encores quelque chose à faire: ce qui a causé à plusieurs leur ruine, bien qu'ils eussent là dessus proietté leur salut. C'est foiblesse & sottise, dont est venu le Prouerbe à leurs despens, *Qu'il ne faut jamais folier à demy.* Mot dit par iugemēt, mais qui peut auoir & bon & mauvais sens. De dire qu'il faille faire tousiours au pis sans aucune reserve ny respect, c'est vne tres-pernicieuse doctrine. Et tres-bien dit le Prouerbe contraire. *Les plus courtes folies sont les meilleures.* Mais aussi en certains cas, la voye mediocre est tres-dangereuse, comme à l'endroit d'un ennemy redoutable que l'on tient à la gorge, comme l'on tient le loup par les oreilles: Il le faut ou gagner du tout par courtoisie ou du tout l'esteindre & s'en deffaire, cōme ont tousiours practiqué les Romains, & tres-prudemment, entre autres à l'endroit des Latins ou Italiens, à la remonstrance de Camilus, *Pacem in perpetuum parere vel seruicndo ignoscendo;* car en tel cas faire à demy, c'est tout perdre, cōme firent les Samnites, qui à faute de practiquer ce Conseil qui leur fut donné par vn bon vieillard expérimenté à l'endroit des Romains, qu'ils tenoient enferrez, la payerēt bien cher, *aut conciliandus aut tollendus hostis:* le premier de la courtoisie est plus noble, honorable & à choisir, & ne faut venir au second, qu'à l'extremité, & lors que l'ennemy n'est capable du premier. Par tout ce que dessus se mōstre l'extreme foiblesse humaine au bien & au mal: il ne peut ny faire ny fuir tout bien & tout mal: & ce bien ou mal qu'il fait ou fuit, se n'est purement ny entiere-ment: & ainsi n'est en sa puissance d'estre en tous sens tout bon, ny du tout meschant.

Aux re-
prehen-
sions &
refus.

Remarquons encores plusieurs autres effets & tesmoignages de la foiblesse humaine. Ceste foiblesse est relative de n'oser ny pouuoir reprendre autrui, ny estre repris, volontiers qui est foible ou courageux en l'un l'est aussi en l'autre. Or c'est vne grande delicateste se priuer ou autrui d'un si grand fruit pour vne si legere & superficielle piqueure, qui ne fait que toucher & pincer l'oreille. A ce pareil est & voisin cet autre de ne pouuoir refuser avec raison, n'y aussi receuoir & souffrir doucement vn refus.

13.
Faux
soupçons
& accu-
sations.

Aux fausses accusations & mauuais soupçons, qui courent & se font hors iustice, il se trouue double foiblesse; l'une qui est aux interressez, accusez, & soupçonnez, c'est de se iustifier & excuser trop facilement, soigneusement, & quasi ambitieusement. *Mendax infamia terret quem nisi mendosum*; C'est trahir son innocence, mettre sa conscience & son droit en compromis & en arbitrage que de plaider ainsi, *perspicuitas argumentatione eleuatur*. Socrates en iustice mesme ne le voulut faire ny par soy ny par autrui, refusant d'employer le beau plaider du grand Lyllias; & ayma mieux mourir. L'autre est au cas contraire, c'est quand l'accusé & preuenu courageux ne se soucie de s'excuser ou iustifier: parce qu'il mesprise l'accusation & l'accusant comme indignes de responce & iustification, & ne se veut faire ce tort d'entrer en telle lice pratiqué par les hommes genereux, par Scipion sur tous, plusieurs fois, d'une fermeté merueilleuse: lors les autres s'en offensent, ou estimans cela trop grande confidence & orgueil, & se picquans de ce qu'il sent trop son innocence, & ne se desmet pas, ou

bien imputas ce silence & mespris à faute de cœur, defiance de droit, impuissance de se iustifier. O foible humanité que l'accusé ou soupçonné se defende ou ne se defende, c'est foiblesse & lacheté. Nous luy desirons du courage à ne s'excuser, & quand il l'a, nous sommes foibles à nous offenser.

Vn autre argument de foiblesse est de s'assubiettir & accoquiner à vne certaine façon de viure particuliere, c'est mollesse poltronne, delicateste indigne d'un honneste homme, qui nous rend incommodés & desagreables en conuersation, & tendres au mal, au cas qu'il faille changer de maniere de faire. C'est aussi honte de n'oser ou laisser par impuissance à faire ce que l'on void faire à les compagnons. Il faut que telles gens s'aillent cacher, & viure en leur foiyer : la plus belle façon est d'estre souple & ployable à tout, & à l'excès mesmes si besoin est, pouuoir, oser, & scauoir faire toutes choses & ne faire que les bonnes. Il fait bon prendre des reigles, mais non s'y asservir.

Il semble appartenir à la foiblesse, & estre vne grande sottise populaire, de courir apres les exemples estrangers & scholastiques, apres les allegations, ne faire estat que de témoignages imprimez, ne croire les hommes, s'ils ne sont en liure, ny verité si elle n'est vieille. Selon cela les sottises si elles sont en moule, elles sont en credit & en dignité. Or il s'y fait tout les iours deuant nous des choses, que si nous auions l'esprit & la suffisance de les bien recueillir, esplucher, iuger vigement, & trouuer leur iour, nous en formerions des miracles & merueilleux exemples, qui ne cedét en rien à ceux du temps passé, que nous admirons tant, & les ad-

14.
Mollesse
& deli-
cateste.

15.
Queste
des li-
ures.

Aux re-
prehen-
sions &
refus.

Remarquons encores plusieurs autres effects & tesmoignages de la foiblesse humaine. Ceste foiblesse est relative de n'oser ny pouuoir reprendre autrui, ny estre repris, volontiers qui est foible ou courageux en l'un l'est aussi en l'autre. Or c'est vne grande delicatelle se priuer ou autrui d'un si grand fruit pour vne si legere & superficielle piqueure, qui ne fait que toucher & pincer l'oreille. A ce pareil est & voisin cet autre de ne pouuoir refuser avec raison, n'y aussi receuoir & souffrir doucement vn refus.

13.
Faux
soupçons
& accu-
sations.

Aux fausses accusations & mauuais soupçons, qui courent & se font hors iustice, il se trouue double foiblesse; l'une qui est aux interessez, accusez, & soupçonnez, c'est de se iustifier & excuser trop facilement, soigneusement, & quasi ambitieusement. *Mendax infamia terret quem nisi mendosum*; C'est trahir son innocence, mettre la conscience & son droit en compromis & en arbitrage que de plaider ainsi, *perspicuitas argumentatione eleuatur*. Socrates en iustice mesme ne le voulut faire ny par soy ny par autrui, refusant d'employer le beau plaider du grand Lylias; & ayma mieux mourir. L'autre est au cas contraire, c'est quand l'accusé & preuenu courageux ne se soucie de s'excuser ou iustifier: parce qu'il mesprise l'accusation & l'accusant comme indignes de responce & iustification, & ne se veut faire ce tort d'entrer en telle lice pratiqué par les hommes genereux, par Scipion sur tous, plusieurs fois, d'une fermeté merueilleuse: lors les autres s'en offensent, ou estimans cela trop grande confidence & orgueil, & se picquans de ce qu'il sent trop son innocence, & ne se desmet pas, ou

bien imputas ce silence & mespris à faute de cœur, defiance de droit, impuissance de se iustifier. O foible humanité que l'accusé ou soupçonné se defende ou ne se defende, c'est foiblesse & lâcheté. Nous luy desirons du courage à ne s'excuser, & quand il l'a, nous sommes foibles à nous offenser.

Vn autre argument de foiblesse est de s'assubettir & accoquiner à vne certaine façon de viure particuliere, c'est mollesse poltronne, delicatessen indigne d'un honneste homme, qui nous rend incommodés & desagreables en conuersation, & tendres au mal, au cas qu'il faille changer de maniere de faire. C'est aussi honte de n'oser ou laisser par impuissance à faire ce que l'on void faire à les compagnons. Il faut que telles gens s'aillent cacher, & viure en leur foiyer : la plus belle façon est d'estre souple & ployable à tout, & à l'excès mesmes si besoin est, pouuoir, oser, & scauoir faire toutes choses & ne faire que les bonnes. Il fait bon prendre des reigles, mais non s'y asservir.

Il semble appartenir à la foiblesse, & estre vne grande sottise populaire, de courir apres les exemples estrangers & scholastiques, apres les allegations, ne faire estat que de témoignages imprimez, ne croire les hommes, s'ils ne sont en liure, ny verité si elle n'est vieille. Selon cela les sottises si elles sont en moule, elles sont en credit & en dignité. Or il s'y fait tout les iours deuant nous des choses, que si nous auions l'esprit & la suffisance de les bien recueillir, esplucher, iuger vitement, & trouuer leur iour, nous en formerions des miracles & merueilleux exemples, qui ne cedét en rien à ceux du temps passé, que nous admirons tant, & les ad-

14.

Mollesse
& delicatessen.

15.

Queste
des li-
ures.

mirons pource qu'ils sont vieux, & sont escrits,

Encores vn tesmoignage de foiblesse est, que l'homme n'est capable que des choses mediocres, & ne peut souffrir les extremités : Car si elles sont petites, & en leur montre viles, il les desprise & dédaigne comme indignes, & s'offence de les considérer : si elles sont fort grandes & esclattantes, il les redoute, les admire, & s'en scandalise. Le premier touche principalement les grands & subtils, le second se trouue aux plus foibles.

17.

Choses
subites.

Elle se monstre aussi bien clairement à l'ouïe, veüe, & au coup subit des choses nouvelles & inopinées, qui nous surprennent & saisissent à l'improvu : car elles nous estonnent si fort, qu'elles nous ostent les sens & la parole,

Dirigit visu in medio, calor ossa reliquit,

Labitur & longo vix tandem tempore fatur.

Quelquesfois la vie mesmes : soient-elles bonnes, témoin la Dame Romaine qui mourut d'aise voyant son fils retourné de la déroute, Sophocles & Denys le Tyran : soient mauuaises, comme Diodorus, qui mourut sur le champ de honte, pour ne pouoir développer vn argument.

18.

Braueries
& sub-
missions.

Encores cestuy-cy, mais qui sera double & de deux façons contraires. Les vns cedent & sont vaincus par les larmes & humbles supplications d'autrui, & se piquent de courage & de la brauerie : les autres au rebours ne s'esmeuent par toutes les submissions & plaintes ; mais se laissent gagner à la constance & resolution. Il n'y a point de doute que le premier ne vienne de foiblesse : aussi se trouue-il volontiers es ames molles & vulgaires. Mais le second n'est sans difficulté, & se trouue en

toute sorte de gens. Il semble que se rendre à la vertu, & à vne vigueur masle & genereuse, est d'ame forte aussi & genereuse. Et il est vray, s'il se fait par estimation & reuerence de la vertu, comme fit Scâderbeg receuât en grace vn soldat pour l'auoir veu prendre party de se defendre contre luy. Pompeius pardonnant à la ville des Mâmertins en cōsideration de la vertu du citoyen Zenon, l'Empereur Conrad pardōnant au Duc de Bauieres & autres hommes assiegez, pour la magnanimité des femmes, qui luy desroboient & emportoient sur leurs testes. Mais si c'est estonnement & effroy de son éclat, comme le peuple Thebain, qui perdit le cœur oyant Epaminondas accusé, raconter ses beaux faits, & luy reprocher avec fierté son ingratitude, c'est foiblesse & lascheté. Le fait d'Alexandre méprisānt la braue resolution de Betis pris avec la ville de Gaza où il cōmandoit, ne fut de foiblesse ny de courage, mais de cholere, laquelle en luy ne receuoit bride ny moderation aucune.

III. Inconstance.

CHAP. XXXVIII.

L'Homme est vn sujet merueilleusemēt diuers & ondoyāt, sur lequel il est tres malaisé d'y asseoir iugement asseuré, iugement, dis-je, vniuersel & entier; à cause de la grande contrarieté & dissonance des pieces de nostre vie. La pluspart de nos actiōs ne sont que saillies & boutées, poussées par quelques occasions: ce ne sont que pieces rapportées. L'irresolution d'une part, puis l'inconstance & l'instabilité est le plus commun & apparēt vice de

la nature humaine. Certes nos actions se contredisent souvent de si estrange façon, qu'il semble impossible qu'elles soient partie de mesme boutique. Nous changeons & ne le sentons, nous nous échapons, dérobons, *ipsi nobis furto subducimur* : Nous allons apres les inclinations de nostre appetit, & selon que le vent des occasiōs nous emporte, non selon la raison, *at nil potest esse equabile, quod non à certa ratione proficiatur*. Aussi nos esprits & nos humeurs se meuvent avec les mouuemens du temps. La vie est vn mouuement inegal, irregulier multi-forme. En fin nous nous remuōs & troublons nous mesmes par l'instabilité de vostre posture. *Nemo non quotidie consilium mutat & votum: modo uxorem vult, modò amicum; modò regnare vult, modò non est eo officiosior, seruus nunc pecuniam spargit, nunc rapit, modò frugi videtur & gravis, modò prodigus & vanus, mutamus subinde personam.*

Quod petijt, spernit, repetit quod nuper omisit.

Æstuat, & vita disconuenit ordine toto.

L'homme est l'animal de tous le plus difficile à sonder & cognoistre, car c'est le plus double & contrefait, le plus couuert & artificiel, & y a chez luy tant de cabinets & d'arriere-boutiques, dont il sort tantost homme, tantost satyre? tant de soupirails, dont il souffle tantost le chaud, tantost le froid, d'où il sort tant de fumée. Tout son branler & mouuoir n'est qu'un cours perpetuel d'erreur: le matin naistre, le soir meurir; tantost aux cepts, tantost en liberté, tantost vn Dieu, tantost vne meuche. Il rit & pleure d'une mesme chose. Il est content & mal content. Il veut & ne veut, & ne sçait en fin ce qu'il veut. Tantost il est tant

comblé de ioye & d'allegresse qu'il ne peut demeurer en sa peau, tantost tout luy desplait, & ne se peut souffrir en soy-mesme, *modò amore nostri, modò odio laboramus.*

IIII. Misere.

CHAP. XXXIX.

VOicy le grand principal trait de sa peinture, il est, comme a esté dit, vain, foible, fressle, inconstant au bien, à la felicité, à l'ayse : mais il est fort robuste, constant, & endurcy à la misere. C'est la misere mesme incarnée & toute viue? c'est en vn mot exprimer l'humanité: car en luy est toute misere? & hors de luy il n'y en a point au monde. C'est le propre de l'hōme d'estre miserable; le seul homme, & tout homme est tousiours miserable, *Homonatus de muliere breui viuens tempore repletur multis miserijs.* Qui voudroit représenter toutes les parties de la misere humaine, faudroit discourir toute sa vie, son estre, son entrée, sa durée, sa fin. Je n'entreprend donc pas cette besongne, ce seroit œuvre san fin: & puis c'est vn sujet commun traité par tous: mais ie veux icy conter certains points qui ne sont pas communs, ne sont pas pris pour miseres, ou bien que l'on ne sent & l'on ne considere pas assez, combien qu'ils soient les plus pressans, si l'on scauoit bien iuger.

Le premier chef & preuue de la misere humaine est, que la production, son entrée est honteuse, vile, vilaine, mesprisée, sa sortie, sa mort, & ruine, glorieuse & honorable. Dont il semble estre vn monstre & contre nature, puis qu'il y a honte à le faire,

I.
Misere
propre
de l'hō-
me.

2.
En son
cōmen-
cement
& la fin

hōneur à le desfaire. *Nostri nosmet pœnitet & pudet.*

1. Sur cecy voicy cinq ou six petits mots. L'action de planter & faire l'homme est honteuse, & toutes ses parties, les approches, les apprests, les outils, & tout ce qui y sert, est tenu & appelé hōteux: & n'y a rien si honteux en la nature humaine. L'action de le perdre & tuër honorable, & ce qui sert est glorieux, l'on le dore & enrichit, l'on s'en pare, l'on le porte au costé, en la main, sur les espaules.

2. L'on dédaigne d'aller voir naistre vn hōme, chacun court & s'assemble pour le voir mourir, soit au liēt, soit en la place publique, soit en la campagne raze.

3. On se cache, on tuë la chandelle pour le faire; l'on le fait à la dérobee: c'est gloire & pompe de le desfaire; l'on allume les chandelles pour le voir mourir, l'on l'exécute en plein iour, l'on sonne la trompette, l'on le combat & en fait-on carnage en plein

4. midy. Il n'y a qu'une maniere de faire les hommes: pour les desfaire & ruiner mille & mille moyens,

5. inuentions, artifices. Il n'y a aucun loyer, honneur, ou recōpense assignée pour ceux, qui sçauent faire multiplier, conseruer l'humaine nature, tous honneurs, grādeurs, richesses, dignitez, empires, triomphes, trophées, sont decernez à ceux, qui la sçauent affliger, troubler, destruire. Les deux premiers hōmes du mōde, Alexandre & Cesar, ont desfait chacun d'eux (cōme dit Pline) plus d'un milliō d'hommes, & n'en ont fait, ny laissé apres eux. Et ancien-

nement pour le seul plaisir & passer temps, aux yeux du peuple, se faisoient des carnages publics d'hommes, *homo sacra res per iocum & lusum occiditur: satis spectaculi in homine mors est: innocentes in ludum veniunt ut publica voluptatis bestiae fiant.*

Seneq.
Terrull.
de spe.
Nat.

Il y a des nations, qui maudissent leur naissance, benissent leur mort. Quel monstrueux animal, qui se fait horreur à soy-mesme ? Or rien de tout cecy ne se trouue aux bestes, ny au monde.

Le second chef & tesmoignage de sa misere est au retrancher des plaisirs, si petits & chetifs qui luy appartiennent (car des purs, grands, & entiers il n'en est capable, comme a esté dit en sa foiblesse) & au rabattre du nombre & de la douceur d'iceux: si ce n'est qu'il se face pour Dieu, quel monstre qui est ennemy de soy-mesme, se desrobe & se trahit soy-mesme, à qui ses plaisirs pesent, qui se tient au mal-heur ? Il y en a qui éuitent la santé, l'allegresse, la ioye, comme chose mauuaise.

O miseri quorum gaudia crimen habent.

Nous ne sommes ingenieux, qu'à nous mal mener, c'est le vray gibier de la force de nostre esprit.

5.
Se forger
des maux

Il y a encores pis, l'esprit humain n'est pas seulement rabat-joye, trouble feste, ennemy de ses petits naturels & justes plaisirs, comme ie viens de dire, mais encores il est forger de maux. Il se peint & figure, craint, fuit, abhorre comme bien grands maux, des choses qui ne sont aucunement maux en soy & en verité, & que les bestes ne craignent point, mais qu'il s'est feint par son propre discours & imagination estre tels, comme sont n'estre auancé en honneur, grandeur, biens: Item couuage, sterilité d'enfans, la mort. Car à vray dire, il n'y a que la douleur, qui soit mal, & qui se sente. Et ce qu'aucuns sages semblent craindre ces choses, ce n'est pas à cause d'elles, mais à cause de la douleur, qui quelquesfois les accompagne près: Car souuent elle deuance, & est avant-coureuse

de la mort, quelquesfois fuit la disette des biens de credit & honneurs. Mais ostez de ces choses la douleur, le reste n'est que fantaisie, qui ne loge qu'en la teste de l'homme, qui se taille de la besogne pour estre miserable, & imagine des fins des faux maux outre les vrais, employant & estendant sa misere, au lieu de la chatrer & raccourcir : les bestes ne sentent & sont exemptes de ces maux, & par ainsi nature ne les iuge pas tels.

5.
Est né &
propre à
la dou-
leur.

- Quant à la douleur, qui est le seul vray mal, l'homme y est du tout né, & tout propre, les Mexicaines saluënt les enfans sortant du ventre de leurs meres en ces mots, *Enfant tu es venu au monde pour endurer; endure, souffre & tais-toy.* Que la douleur soit cōme naturelle à l'homme; & au contraire l'indolence & le plaisir chose estrangere, il appert par ces trois mots. Toutes les parties de l'homme sont capables de douleur, fort peu capables de plaisir.
- 1 Les parties capables de plaisir n'en peuvent recevoir, que d'une sorte ou deux : mais toutes peuvent recevoir vn tres grand nombre de douleurs, toutes differentes, chaud, froid, piqueure, froisseure, foudre, esgratigneure, escorcheure, meurtrissure, cuison, langueur, extention, oppression, relaxation, & infinis autres qui n'ont point de nom propre, sans conter ceux de l'ame; tellement que l'homme est plus puissant à souffrir, qu'à exprimer.
 - 2 L'homme ne peut gueres durer au plaisir, le plaisir du corps est feu de paille; s'il duroit, il apporteroit de l'ennuy & déplaisir : mais les douleurs durent fort long temps : n'ont point leurs certaines saisons comme les plaisirs. Aussi l'empire & commandement de la douleur est bien plus grande, plus uni-
 - 3

universel, plus puissant, plus durable, & en un mot plus naturel, que du plaisir.

A ces trois l'on peut adiouster autres trois, la
douleur & desplaisir est bien plus frequent, & viét
bien souuent : le plaisir est rare. Le mal vient faci-
lement de soy-mesme, sans estre recherché, le plai-
sir ne vient point volontiers, il le faut chercher, &
souuent acheter plus cher qu'il ne vaut. Le plaisir
n'est iamais pur, ains tousiours destrempé & meslé
avec quelque aigreur; & y a tousiours quelque
chose à redire : mais la douleur & le desplaisir sou-
uét tout entier & tout pur. Apres tout cela le pire
de nostre marché, & qui montre euidentement la
misere de nostre condition, est que l'extreme vo-
lupté & plaisir ne nous touche point tant, qu'une
legere douleur, *segnius homines bona, quam mala
sentiunt*, nous ne sentons point l'entiere santé com-
me la moindre des maladies, *pungit in cutè vix sum-
ma violatum plagula corpus, quando valere nihil quem-
quam mouet.*

Ce n'est pas assez, que l'homme soit de fait & par
nature miserable, & qu'outre les frais & substan-
tiels maux, il s'en feigne & s'en gorge de faux &
fantastiques comme dit est : Il faut encorés qu'il
les estende, allonge, & face durer & viure tant les
vrais, que les faux, plus qu'ils ne peuuent, tant il
est amoureux de misere, ce qu'il fait en diuerses fa-
çons. Premièrement, par memoire du passé, & an-
ticipation de l'aduenir, nous ne pouuons faillir d'e-
stre miserables, puis que nos principaux biens, dōt
nous nous glorifions, sont instrumens de miseres,
Memoires & prouidence, *futuro torquemur & præ-
serato, multa bona nostra nobis nocent, timoris tor-*

1.

2.

3.

9.

Par me-
moire &
anticipa-
tion.

mentum memoria reducit providentia anticipat, nihil presentibus tantum miser est. Est-ce pas grande envie d'estre miserable, que de n'attendre pas le mal qu'il vienne, mais de l'aller rechercher, le prouoquer à venir, comme ceux qui se tuent de la peur qu'ils ont de mourir, c'est à dire, preoccuper par curiosité ou foiblesse, & vaine apprehension, les maux & inconueniens & les attendre avec tant de peine & d'alarme, ceux mesme qui par aduéture ne nous doiuent point toucher. Ces gens icy veulent estre miserables avant le temps, & doublement miserables, par vn reel sentiment de la misere, & par vne longue premeditation d'icelle, qui souuent est cent fois pire que le mal mesme. *Minus afficit sensus fatigatio, quam cogitatio.* L'estre de la misere ne dure pas assez, il faut que l'esprit l'allonge, l'estende, & auant la main s'en entretienne. *Plus dolet quam necesse est, qui ante dolet quam necesse est. Quadam magis, quadam antequam debeant, quadam cum omnino non debeant, nos torquent: Aut augemus dolorem, aut fingimus, aut precipimus.* Les bestes se gardent bien de ceste folie & misere, & ont à dire grād mercy à nature de ce qu'elles n'ont point tant d'esprit, tant de memoire, & de prouidence. Cesar disoit bien que la meilleure mort estoit la moins premeditée. Et certes la preparation à la mort a donné à plusieurs plus de tourment, que la souffrance mesme. Je n'entens icy parler de ceste premeditation vertueuse & philosophique, qui est la trempe, par laquelle l'ame est renduë inuincible, & est fortifiée à l'espreuve cōtre tous assauts & accidens, de laquelle sera parlé: mais de ceste peureuse, & quelquesfois fausse & vaine apprehension des maux

qui peuvent aduenir, laquelle afflige & noircit de fumee toute la beauté & serenité de l'ame, trouble tout son repos & sa ioye, il vaudroit mieux du tout s'y laisser surprendre. Il est plus facile & plus naturel n'y penser point du tout. Mais laissons encore ceste anticipation de mal, tout simplement le soin & le pensement penible & beant apres les choses aduenir, par esperance, desir, crainte & vne tres grande misere; Car outre que nous n'auons aucune puissance sur l'aduenir, moins que sur le passé (& ainsi c'est vanité comme a esté dit) il nous en demeure encores du mal & dommage, *Calamitosus est animus futuri anxius*, qui nous desrobe le sentiment, & nous oste la iouïssance paisible des biens presens, & empesche de nous y rasseoir & contenter.

Ce n'est pas encores assez; car afin qu'il ne luy manque iamais matiere de misere, voire qu'il y en aye tousiours à foison, il va tousiours furetant & recherchant avec grand estude les causes & alimens de misere: Il se fourre aux affaires de gayeté de cœur, & tels que quand ils s'offriroient à luy, il leur deuroit tourner le dos: ou bien par vne inquietude miserable de son esprit, où pour faire l'habile, l'empesché, & l'entendu: c'est à dire le sot & miserable, il entreprend & remue besongne nouvelle, ou s'entremesse de celle d'autrui. Bref, il est si fort & incessamment agité de soin, & pensemens, non seulement inutiles & superflus, mais espineux, penibles & dommageables, tourmenté, par le present, ennuyé du passé, angoissé pour l'aduenir, qu'il semble ne craindre rien plus, que de ne pouuoir pas estre assez miserable.

7.

Par recherche
inquiété.

dort l'on peut iustement s'escrier, ô pources gens! combien endurez vous de maux volontaires, outre les necessaires que la nature vous enuoye; Mais quoy? l'homme se plaist en la misere, il s'opiniastre à remédier & remettre continuellement en memoire les maux passez. Il est ordinaire à se plaindre, il encherit quelquesfois le mal & la douleur: pour petites & legeres choses, il se dira le plus miserable de tous, *est quæ tam dolendi voluptas*. Or c'est encores plus grande misere de trop ambitieusement faire valoir la misere, que ne la cognoistre & ne sentir pas. *Homo animal querulum, cupidè suis incumbens miserijs.*

8

Par incō
patibili-
té.

Ne conterons-nous pas pour misere humaine, puis que c'est vn mal commun & general aux hommes, qui n'est point aux beites, que les hommes ne peuuent bien s'accommoder & faire leur profit sans le dommage & reculement les vns des autres; maladie, folie, desbauche, perte, mort. Nous nous entre empeschons, heurtons, & pressons l'un l'autre, tellement, que les malheurs, mesmes sans y penser ny le vouloir, d'un desir quasi insensible, & innocemment, souhaitent la mort, le mal, & la peine d'autrui.

9

Aux re-
medes de
misere.

Le voila donc bien miserable & naturellement & volontairement, en verité & par imagination, par obligation, & de gayeté de cœur. Il ne l'est que trop, & il craint de ne l'estre pas assez: & est toujours en queste & en peine de s'en rendre encores dauantage. Voyons maintenant comment, quand il vient à le sentir & s'ennuyer de quelque certaine misere (car il ne se laisse iamais de l'estre en plusieurs façons, sans le sentir) il fait pour en sortir, & quels

quels sont les remèdes contre le mal. Certes tels qu'ils importunent plus que le mal mesme qu'il veut guarir : de sorte que voulant sortir d'une misere, il ne la fait que changer en une autre, & peut estre pire. Mais quoy, encores le changement le delecte, au moins le soulage, il pense guerir le mal par une autre, cela vient d'une opinion qui tient le monde enchanté & miserable, qu'il n'y a rien utile, s'il n'est penible, rien ne vaut s'il ne couste, l'aisance luy est suspecte. Cecy vient encores de plus haut ; c'est chose estrange, mais veritable, & qui conuainc l'homme d'estre bien miserable, qu'aucun mal ne s'en va que par un autre mal, soit au corps, soit en l'ame. Les maladies spirituelles & corporelles ne sont guaries & challees, que par tourment, douleur, peine, les spirituelles par penitences, veilles, ieusnes, haïres, prisons, disciplines, qui doiuent estre vrayement afflictions & poignantes, nonobstant la resolution & deuotion à tres volontiers les souffrir ; car si elles venoient à plaisir, ou profit, & commodité, elles n'auroient point d'effect, ce seroient exercices de volupté, & d'auarice, ou mesnageries, & non de Penitence & contrition ; les corporelles de mesme par medecines, incisions, cauterres, dietes ; comme sentét bien ceux, qui sont obligez aux regles medecinales, lesquels sont battus d'une part du mal qui les point, & d'autre de la regle, qui les ennuye. Item, les autres maux. L'ignorance par grand, long, & penible estude. *Qui addit scientiam, addit & laborem,* La disette & pauvreté par grand soin penible, veille, travail, sueur, *In sudore vultus tui.* Dont pour l'esprit & pour le corps, le labour & travail est pro-



pre à l'homme, comme à l'oyseau le voler.

II.
Misères
spirituel-
les.

De l'en-
tende-
ment.

Toutes ces misères susdites sont corporelles, ou bien mixtes & communes à l'esprit, & au corps? & ne montent gueres plus haut que l'imagination & fantaisie. Considerons les plus fines & spirituelles, sont bien plus misères, comme estant erronees & malignes, plus actives & plus siennes, mais beaucoup moins senties & aduoüees, ce qui rend l'homme encores plus & doublement miserable, ne sentant que ses maux mediocres, & non les plus grands, voire on ne les luy ose dire ny toucher, tant il est confit & deploré en sa misere: Si faut-il en passant & tout doucement en dire quelque chose, au moins les guigner & monstrier au doigt de loin, afin de luy donner occasion d'y regarder & penser, puis que de soy-mesme il ne s'en aduise pas. Premièrement, pour le regard de l'entendement, est-ce pas vne estrange & piteuse misere del humaine nature? qu'elle soit toute confite en erreur & aueuglement: la plus-part des opinions communes & vulgaires, voire les plus plausibles & receuës avec reuerence, sont fausses & erronees, & qui pis est la plus-part incommodes à la société humaine. Et encores que quelques sages qui sont en fort petit nombre, sentent mieux que le cōmun, & iugent de ces opinions comme il faut, si est-ce que quelquefois ils s'y laissent emporter, sinon en toutes & tousiours, mais à quelque-vnes & quelquesfois: il faut estre bien ferme & constant pour ne se laisser emporter au courant, bien sain & préparé pour se garder net d'une contagion si vniuerselle: les opinions generales receuës avec applaudissement de tous, & sans contradiction sont com-

me vn torrent, qui emporte tout : *proh, superi quantum mortalia pectora ceca noctis habent? ô miseras hominum mentes & pectora ceca, qualibus in tenebris vita quantisque periculis degitur hoc æquodcumque est?* Or ce seroit chose bien longue de spécifier & nommer les folles opinions, dont tout le monde est abreuvé. Mais en voicy quelques-vnes, qui seront traitées plus au long en leurs lieux.

1. Juger des aduis & conseils par les euenemens, qui ne sont aucunement en nostre main, & qui dépendent du ciel. Voyez l.
3. ch. 1.

2. Condamner & reietter toutes choses; mœurs, opinions, loix, coustumes, obseruances, comme barbares & mauuaises, sans sçauoir que c'est & les cognoistre, mais seulement parce qu'elles nous sont inusitées, & esloignées de nostre commun & ordinaire. V. l. 2. c. 8.

3. Estimer & recommander les choses à cause de leur nouuelleté, ou rareté, ou estrangere, ou difficulté, quatre engeolleurs, qui ont grand credit aux esprits populaires: & souuent telles choses sont vaines, & non à estimer, si la bonté & vtilité ny sont iointes: dont iustement fut mesprisé du Prince celuy qui se glorifioit de sçauoir de loin ietter & passer les grains de mil par les trous d'aiguille. V. l. 2. c. 1. 10.

4. Generalement toutes les opinions superstitieuses, dont sont affublez les enfans, femmes, & esprits foibles.

5. Estimer les personnes par les biens, richesses, dignitez, honneurs, & mespriser ceux qui n'en ont point, comme si l'on iugeoit d'un cheual par la bride & la selle. Au mes.
me.

6. Estimer les choses non selon leur vraye, natu-

reille, & essentielle valeur, & qui est souuent interne & secrette, mais selon la monstre & la parade, ou le bruit commun.

7. Penser bien se venger de son ennemy en le tuant, car c'est le mettre à l'abry & au couuert de tout mal, & s'y mettre soy : c'est luy oster tout le ressentiment de la vengeance, qui est toutesfois son principal effect ; cecy appartient aussi à la foiblesse.

8. Tenir à grand iniure & desestimer comme miserable vn homme : pour estre coqu : car quel plus grande folie en iugemēt, que d'estimer moins vne personne pour le vice d'autrui, qu'il n'approuue pas ? Autāt ce semble en peut-on dire d'un bastard.

9. Estimer moins les choses presentes, ou qui sont nôtres, & desquelles nous iouïssons paisiblement : mais les estimer quād on ne les a point, ou pource qu'elles sont à autrui, comme si la presence & le posseder raualoit de leur valeur, & le non auoir leur accroissoit.

Virtutem incolumem odimus.

sublatam ex oculis querimus inuidi :

C'est pourquoy nul n'est Prophete en son pays. Aussi la maistrise & l'autorité engendre mespris de ce qu'on tient & regente, les maris regardent desdaigneusement leurs femmes, & plusieurs peres leur enfans ; veux-tu, dit le bon compaignon, ne l'aymer plus, espouse-là. Nous estimons plus le cheual, la maison, le valet d'autrui, pour ce qu'il est à autrui & non à nous. C'est chose bien estrange d'estimer plus les choses en l'imagination qu'en la realité, comme on fait toutes choses absentes & estrangeres, soit auant les auoir, ou apres les auoir

eues. La cause de ce en tous les deux cas se peut dire, qu'avant les avoir, l'on les estime, non selon ce qu'elles valent : mais selon ce que l'on s'est imaginé qu'elles sont, ou qu'elles ont esté vantées par autrui : & les possédant l'on ne les estime que selon le bien & le profit que l'on en tire : Et apres qu'elles nous sont ostées l'on les considere & regrette toutes entieres & en blot, ou auparavant l'on en jouïssoit & vsoit-on que par le menu, & par pieces successivement : car l'on pense qu'il y aura toujours du temps assez pour en jouïr : & à peine s'apperçoit-on de les avoir & tenir. Voila pourquoy le ducil est plus gros & le regret de ne les avoir, que le plaisir de les tenir : mais en cecy il y a bien autant de foiblesse, que de misere. Nous n'avons la suffisance de jouïr, mais seulement de desirer. Il y a vn autre vice tout contraire, qui est de s'arrester & agreer tellement à soy-mesmes & à ce qu'on tient, que de le preferer à tout le reste, & ne penser rien meilleur. Si ceux-cy ne sont plus sages que les autres, au moins sont-ils plus heureux.

10. Faire le zelé à tout propos, mordre à tout, prendre à cœur & se monstrier outré & opiniastre en toutes choses, pourveu qu'il y aye quelque beau & specieux pretexte de justice, religion, bien public, amour du peuple.

Cydeust
chap. 31.

11. Faire l'attristé, l'affligé & pleurer en la mort ou accident d'autrui, & penser que ne s'en souvoit point ou que bien peu, c'est faute d'amour & d'affection, il y a aussi de la vanité.

12. Estimer & faire conte des actions, qui se font avec bruit, remuement, esclat, de desestimer celles,

V. l. c. 2.
10.

qui se font autrement, & penser que ceux qui procedent de ceste façon sombre, douce, & morne, ne font rien; sont comme sommeillans & sans action, bref estimer plus l'art que la nature. Ce qui est enflé, bouffé & relevé par estude, qui esclatte, bruit, & frappe le sens (c'est tout artifice) est plus regardé & estimé, que ce qui est doux, simple, vny ordinaire, c'est à dire naturel, celuy-là nous esueille, cestuy-cy nous endort.

13. Apporter de mauuaises & sinistres interpretations aux belles actions d'autrui, & les attribuer à des viles & vaines ou vicieuses causes, ou occasions, comme ceux qui rapportent la mort du ieune Caton à la crainte qu'il auoit de Cesar, dont se picque Plutarque; les autres encores plus fortement à l'ambition. C'est vne grande maladie de iugement, qui vient ou de malice & corruption de volonté & de mœurs, ou d'enuie contre ceux qui valent mieux qu'eux, ou de ce vice de ramener la creance à sa portee, & mesurer autrui à son pied, ou bien plustost que tout cela, à foiblesse pour n'auoir pas la veuë assez forte & asseurée à conceuoir la splendeur de la vertu en sa pureté naïfue. Il y en a qui font les ingenieux & subtils à deprauer ainsi, & obscurcir la gloire des belles actions; en quoy ils montrent beaucoup plus de mauuais naturel, que de suffisances, c'est chose aisée, mais fort vilaine.

14. Descrier & chastier tant rigoureusement & honteusement certains vices, comme crimes extremement vilains & puans, qui ne sont toutesfois que mediocre, & ont leur racine & leur excuse en la nature, & d'autres vraiment extremes & contre nature; comme le meurtre pourpensé, la trahison

& perfidie, la cruauté, ne les auoir à si grande honte, ny ne les chastier avec tant de Haro.

15. Voicy encores apres tout, vn vray tesmoignage de la misere spirituelle, mais qui est fin & subtil, c'est que l'esprit humain en son bon sens, paisible, rassis & sain estat, n'est capable que des choses communes, ordinaires, naturelles, mediocres. Pour estre capable des diuines, surnaturelles, comme de la diuination, prophetie, reuelation, inuention, & comme l'on dit, entrer au cabinet des Dieux, faut qu'il soit malade, disloqué, déplacé de son assiette naturelle, & comme corrompu, *corruptus*; ou par extrauagance, extase, enthousiasme, par assoupissement: d'autant que comme l'on sçait, les deux voyes naturelles d'y paruenir sont la faueur & le sommeil. Et ainsi l'esprit n'est iamais si sage, que quand il est fol, ny plus vaillant, que quand il dort: Iamais ne rencontre mieux, que quand il va de costé & de trauers: ne va, ne vole, & ne voit si haut: que quand il est abbattu, & au plus bas. Et ainsi faut qu'il soit miserable, comme perdu & hors de loy, pour estre heureux. Cecy ne touche aucunement la disposition diuine, car Dieu peut bien à qui & quand il luy plaist se reueler, & que l'homme demeure en sens rassis, comme l'Ecriture raconte de Moysé & autres.

16. Finalement, y pourroit-il auoir plus grãde faute en iugement, que n'estimer point le iugement, ne l'exercer, releuer, & luy preterer la memoire & l'imagination ou fantaisie? Voyons ces grãdes, doctes, & belles harangues, discours, leçons, sermons, liures, quel'on estime & admire tant, produites par les plus grands hommes de ce siecle (i'en excepte

quelques-vns & peu) qu'est-ce tout cela, qu'un entassement & enfileure d'allegations, un recueil & ramas du bien d'autrui) œuvre de memoire, & diuerse leçon, & chose tres-aïsee, car cela se trouue tout trié & arrangé: tant de liures sont faictz de ce-là (avec quelques pointes & un bel agencement, œuvre de l'imagination, & voila tout? Ce n'est souuent que vanité, & n'y reluit aucun trait de grand iugement, ny d'inſigne vertu: Auſſi ſouuent ſont les auteurs d'un iugement foible & populaire, & corrompus en la volonté. Combien eſt-il plus beau d'ouïr vn payſan, vn marchand parlant en ſon patois, & diſant de belles propoſitions & veritez, toutes ſeches & creuës, ſans art, ny façon, & donnant des aduiſ bons & vtils, produits d'un ſain, fort & ſolide iugement?

II
De la vo-
lonté.

En la volonté y a bien autant ou plus de miſeres, & encores plus miſerables, elles ſont hors nombre; en voicy quelques-vnes.

1. Vouloir pluſtoſt apparoir homme de bien, que de l'eſtre; l'eſtre pluſtoſt à autrui qu'à ſoy.

2. Eſtre beaucoup plus prompt & volontaire à la vengeance de l'offenſe, qu'à la recognoiſſance du bien-faict, tellement que c'eſt coruée & regret que recognoiſtre, plaſir & gain de ſe venger, preuve de nature maligne, *gratia oneri eſt, ultio in qua ſtu habetur.*

3. Eſtre plus aſpre à hayr qu'à aymer, à meſdire qu'à louer, ſe paſtre & mordre plus volontiers & avec plus de plaſir au mal qu'au bien d'autrui, le faire plus valoir, s'eſtendre plus à en diſcourir, y exercer ſon ſtile, teſmoin tous les Eſcriuains, Orateurs & Poëtes, qui ſont laſches à retirer le bien

eloquens au mal. Les mots, les inuentions, les figures, pour mesdire, brocarder, sont bien autres? plus riches, plus emphatiques, & significatifs, qu'au bien dire & louer.

4. Fuir à malfaire, & entendre au bien, non par le bon ressort purement, par la raison naturelle, & pour l'amour de la vertu, mais pour quelque autre consideration estrangere, quelquefois lasche & sordide de gain & profit, de vaine gloire, d'esperance, de crainte, de coustume, de compagnie, bref non pour soy en son deuoir simplement, mais pour quelque occasion & circonstance externe. Tous sont gens de bien par occasion & par accident. Voila pourquoy ils le sont inegalement, diuersement, non perpetuellement, constamment, uniformement.

5. Aimer moins celuy que nous auons offensé, à cause que nous l'auons offensé, chose estrange, ce n'est pas tousiours de crainte qu'il en vucille prendre sa reuanche, car peut estre l'offensé ne nous en veut pas moins de bien, mais c'est de ce que sa presence nous accuse & nous ramenteoit nostre faute & indiscretiõ. Que si l'offensant n'ayme pas moins, c'est preuue qu'il ne l'a pas voulu offencer: car ordinairement qui a eu la volonté d'offenser, ayme moins après l'offensé, *Qui offende, mai non perdat.*

6. Autant en peut-on dire de celuy à qui nous sommes fort obligez, sa presence nous est en charge, nous ramenteoit nostre obligation, nous reproche nostre ingratitude, ou impuissance, l'on voudroit, qu'il ne fust point afin d'estre deschargé: meschant naturel. *Quidam quo plus debent, magis odunt: leue es alienum debitorum facit, graue inimicorum.*

7. Prendre plaisir au mal, à la peine, & au danger d'autrui, desplaisir en son bien, aduancement, prosperité, (i'entends que soit sans aucune cause ou esmotion certaine & particuliere de haine, c'est autre chose, prouenant du vice singulier de la personne.) ie parle icy de la condition commune & naturelle par laquelle sans aucune particuliere malice, les moins mauuais prennent plaisir à voir des gens courir fortune sur mer, se fâchent d'estre precedez de leurs compagnons, que la fortune dise mieux à autrui qu'à eux, rient quand quelque petit mal arriue à vn autre, cela telmoigne vne semence malicieuse en nous.

Conclu
sion des
miseres
spirituel-
les.

12. En fin pour monstrier combien grande est nostre misere, ie diray que le monde est réply de trois sortes de gens, qui y tiennent grâde place en nombre & reputation: les superstitieux, les formalistes, les pedans, qui bien que soient en diuers subiets, ressorts, & theatres (les trois principaux, religion, vie ou conuersion, & doctrine) si sont-ils battus à mesme, coin, esprits foibles mal nez, ou tres-mal instruits, gens tres-dangereux en iugement, touchés de maladie presque incurable. C'est peine perdue de parler à ces gens-là pour les faire rauiser: car ils s'estiment les meilleurs & plus sages du monde: l'opiniaistreté est là en son siege. Qui est vne fois feru & touché au vif de ces maux-là, il y a peu d'esperance de sa conualescence. Qui a-il de plus inepte & ensemble de plus testu, que ces gens-là? Deux choses les empeschent, comme a esté dict, foiblesse & incapacité naturelle, & puis l'opinion anticipée de faire bien mieux que les autres. Je ne fay icy que les nōmer & monstrier au doigt, car

en leurs lieux icy cotez leur faute sera monstree.

Les superstitieux, iniurieux à Dieu, & ennemis de la vraye religion, se courent de pieté, zele, & affection enuers Dieu, iusques à s'y peiner & tourmèter plus que l'on ne leur commande, pensant meriter beaucoup, & que Dieu leur en sçait gré, voire leur doit de reste, que ferez-vous à cela? Si vous leur dites qu'ils excèdent & prénent les choses à gauche, pour ne les entendre pas bien, ils n'en croient rien, disant que leur intétion est bõne (par où ils se pensent sauuer) & que c'est par deuotion. D'ailleurs, ils ne veulent pas quitter leur gain, ny la satisfaction qu'ils en reçoient, qui est d'obliger Dieu à eux.

I.
Supersti-
cieux V.
l. 2. chap.
1.

Les Formalistes s'attachent tout aux formes & au dehors, pensant estre iustes & irreprehenfibles en la poursuite de leurs passions & cupiditez, moyennant qu'ils ne fassent rien contre la teneur des loix, & n'obmettent rien de formalitez. Voila vn Richard qui a ruiné & mis au desespoir des pauvres familles, mais ç'a esté en demandant ce qu'il a pése estre sien, & ce par voye de iustice, qui le peut conuaincre d'auoir mal fait? O combien de bienfaits sont obmis, & de meschancetez se commettent sous le couuert des formes, lesquelles l'on ne sent pas! Dont est bien verifié. Le souverain droict, l'extreme iniustice, & a esté bien dit, Dieu nous garde des Formalistes.

2.
Forma-
listes, l.
2. cap. 30.

Les Pedans Clabaudes apres auoir questé & pilloté avec grand estude & peine la science par les liures, en font monstree, & avec ostentations, questueusement & mercenairement la desgorgent & mettent au vent. Y a-il gens au monde plus ineptes aux affaires, plus impertinents à toutes

3.
pedans
l. 1. cap.
13.

choses, & ensemble plus presomptueux & opinia-
stres? en toute langue & nation, pedant, clerc, ma-
gister, sont mots de reproches: faire sottement
quelque chose, c'est le faire en clerc: ce sont gens
qui ont la memoire pleine du sçavoir d'autrui, &
n'ont rien de propre. Leur iugemēt, volonte, con-
sciencen'en valent rien mieux, mais habiles, peu
sages, & prudens, tellement qu'il semble que la
science ne leur serue que de les rendre plus sots,
mais encores plus arrogans, caquetens: ravallent
leurs esprits & abbastardissent leur entendement,
mais enflent leur memoire. Icy sied bien la misere
que nous venons de mettre la derniere en celles
de l'entendement.

V. Presomption.

CHAP. XL.

VOicy le dernier & le plus vilain traict de
peinture: c'est l'autre partie de la descriptiō
que donne Plin: c'est la peste de l'homme, & la
mere nourrice des plus faulles opinions & publi-
ques & particulieres, vice toutesfois naturel &
originel de l'homme. Or ceste presomption se doit
considerer en tous sens, haut, bas, & à costé de-
dans & dehors, pour le regard de Dieu: choses
hautes & celestes, basses, des bestes, de l'homme
son compaignon, de soy-mesme: & tout reuient à
Luc. 18. deux choses: s'estimer trop & n'estimer pas assez
autrui: *qui in se confidebant & aspernabantur alios.*
Parlons vn peu de chacun.

Presom- Premièrement, pour le regard de Dieu (& c'est
ptio 1. au chose horrible:) Toute superstition & faute en re-

ligion, ou faux service de Dieu, vient de n'estimer pas assez de Dieu, ne sentir pas, & n'avoir pas les opinions, conceptions, créances de la Divinité assez hautes, assez pures. Je n'entends pas cet assez, à proportion de la grandeur de Dieu, qui ne reçoit point de proportion, état infiny. Et ainsi est-il impossible de les avoir assez pour ce regard: mais j'entends assez pour le regard de ce que pouvons & devons. Nous n'élèveons ny guindons pas assez haut & ne roidissons assez la pointe de nostre esprit, quand nous imaginons la divinité, comme assez: nous la conceuons tres-baslement: Nous la servons de mesmes tres-indignement, nous agissons avec elle plus vivement, qu'avec certaines créances: Nous parlons non seulement de ses œuvres, mais de sa Majesté, volonté, jugemens, avec plus de confiance, & de hardiesse, que l'on ne feroit d'un Prince, ou autre homme d'honneur. Il y a plusieurs hommes, qui refuseroient un tel service & recognoissance, & se tiendroient offensés & violez, si l'on parloit d'eux, & que l'on employast leur nom si vilement & sordidement, l'on entreprend de le mener, flatter, ployer, composer avec luy, afin que ie ne dise, brauer, menacer, gronder, & despiter. Cesar disoit à son Pilote, qu'il ne craignist de voguer & le conduire contre le destin & la volonté du Ciel & des astres, se fiant sur ce que c'est Cesar qu'il meine: Auguste ayant esté batu de la tempeste sur mer: se prit à desfier le Dieu Neptune: & en la pompe desieux Circenses fit oster son image du rang où elle estoit parmy les autres Dieux, pour se vanger de luy. Les Thraces quand il tône & esclaire se mettent à tirer fleches contre le Ciel, pour

regard de
Dieu.

V. 1. ch.
10.

V. 1. 2. ranger Dieu à raison, Xerxes fouëta la mer & escriuit vn cartel de deffi au mont Athos. Et comme l'on dit d'un Roy Chrestien voisin du nostre, qu'ayant receu vne bastonnade de Dieu, iura de s'en venger, & voulut que de dix ans on ne le priaist, & ne parlat-on de luy.

Voyez l.
3. c. 1.

Audax lapeti genus.

Nil mortalibus arduum

Cælum ipsum petimus stultitia, neque

Per nostrum patimur scelus.

Iracunda Iouem ponere fulmina.

Et laissant ces extrauagances estranges, tout le commun ne verifie-il pas bien clairement le dire de Plinè, qu'il n'y a rien plus miserable, & ensemble plus glorieux que l'homme? Car d'une part il se feint de tres-hautaines & riches opinions de l'amour, soin & affection de Dieu enuers luy, comme son mignon, son unique, & cependant il le sert tres-indignement: comment se peuuent accorder & subsister ensemble vne vie & vn seruice si chetif & miserable d'une part, & vne opinion & creance si glorieuse & si hautaine de l'autre? C'est estre Ange & pourceau tout ensemble; c'est ce que reprochoit vn grand Philosophe aux Chrestiens, qu'il n'y auoit gens plus fiers & glorieux à les ouïr parler, & en effect plus lasches & vilains: c'est vn ennemy qui parle par iniure, mais qui touche bien iustement les hypocrites.

Il nous semble aussi, que nous pensons & importons fort à Dieu, au monde, à toute la nature, qu'ils se peinent & ahanent en nos affaires, ne veillent que pour nous, dont nous nous esbahissons des accidens qui nous arriuent, & cecy se voit encores

mieux à la mort. Peu de gës se resoluent & croient que ce soit leur dernière heure : & presque tous se laissent lors piper à l'esperance. Cela vient de presumption, nous faisons trop de cas de nous, & nous semble que l'univers a grand interest à nostre mort; que les choses nous faillent à mesure que nous leur faillons, ou qu'elles mesmes se faillent à mesure qu'elles nous faillent, quelles vont mesme branle avec nous, comme à ceux qui vont sur l'eau, que le ciel, la terre, les villes se remuent, nous pensons tout entraîner avec nous; nul de nous ne pense assez n'estre qu'un.

Après cela l'homme croit, que le ciel, les estoil-
 lee, tout ce grand mouvement celeste, & branle du 3
Du Ciel.
 monde n'est fait que pour luy, *Tot circa unum caput
 tumultuantes deos.* Et le pource miserable est bien ri-
 dicule. Il est icy bas logé au dernier & pire estage
 de ce monde, plus esloigné de volupté celeste, en
 la cloaque & sentine de l'univers, avec la bourbe
 & la lie; avec les animaux de la pire condition, su-
 jet à recevoir tous les excremens & ordures, qui
 luy pleuvent & tombent d'enhaut sur la teste, &
 ne vit que de cela, & à souffrir les accidents qui
 luy arriuent de toutes parts & se faict croire qu'il
 est le maistre commandant à tout, que toutes crea-
 tures, mesmes ces grands corps lumineux, incor-
 ruptibles, desquels il ne peut sçavoir la moindre
 vertu, & est contraint tout transi les admirer, ne
 branlent que pour luy, & son service. Et pour-
 ce qu'il mandie, chetif qu'il est, son viure, son en-
 tretenir, ses commoditez, des rayons, clarté &
 chaleur du Soleil, de la pluye, autres dégouts du
 ciel & de l'air, il veut dire, qu'il iouïst du ciel, & des

elemens, comme si tout n'auoit esté fait, & ne se remuoit que pour luy. En ce sens l'oison en pourroit dire autant, & peut estre plus iustement & cōstamment. Car l'homme qui reçoit aussi souuēt des incommoditez de là haut, & n'a rien de tout cela en sa puissance, ny en son intelligence, & ne les peut deuiner, est en perpetuelle transle, fièvre & crainte, que ces corps superieurs ne branlēt pas bien à propos, & à point nommé pour luy, & qu'ils luy causent sterilité, maladies, & toutes choses contraires, tremble sous le faix: or les bestes reçoient tout ce qui vient d'en haut, sans allarme, ny apprehension de ce qui aduendra, & sans plainte de ce qui est aduenu, comme faict incessamment l'homme, *non nos causa mundo sumus hyemem æstatemque referendi: suas ista leges habent, quibus diuina exercentur: nimis non suspicimus si digni nobis videmur, propter quæ tanta mouetur, non tantæ calæ nobiscum societas est, ut nostro fato sit ille quoque syderum fulgor.*

Seneq.

4
Des ani-
maux.

Pour le regard des choses basses, terrestres, sçauoir tous animaux, il les desdaigne & destime comme du tout elles n'appartenoient au mesme maistre ouurier, & n'estoient de mesme mere, & de mesme famille avec luy, comme si elles ne le touchoient & n'auoient aucune part ou relation à luy. Et de là il vient à en abuser & exercer cruauté, chose qui rejaillit cōtre le maistre commun & vniuersel, qui les a faictes, qui en a soin & a dressé des loix, pour leur bien & conseruation, les a aduantagees en certaines choses, renuoye l'homme souuēt vers elles, comme à vne escole: mais cecy est le sujet du chap. 34. cy-dessus.

Or tout cecy ne déroge aucunement à la doctrine
com-

commune que le monde est fait pour l'homme, & l'homme pour Dieu; car outre l'instruction que l'homme tire en general de toute chose, haute & basse, pour cognoistre Dieu, soy, son deuoir, encores en particulier de chacune, il en tire profit, ou plaisir, ou seruice. De ce qui est par dessus soy qu'il a moins en intellrgence & nullement en sa puissance, ce Ciel azuré tant richement contrepoincé d'estoiles, & ces flambeaux roulants sans cesse sur nos testes, il n'en a ce bien que par contemplation, il monte & est porté en admiration, crainte, honneur, reuerence de leur Auteur & maistre souverain de tout, & en ce sens a esté bien dit par Anaxagoras, que l'homme estoit créé pour contēpler le Ciel & le Soleil, & par les autres Philosophes appellās l'hōme *ἐργασχόπον*, des choses basses il en tire secours, seruice, commodité. Mais se persuader qu'en faisant toutes ces choses, l'on n'aye pensé qu'à l'hōme, & qu'il soit la fin & le but de tous ces corps lumineux & incorruptibles, c'est vne trop folle & hardie presumption.

Finalemēt, mais principalement ceste presumption doit estre cōsiderée en l'hōme mesme, c'est 6.
à dire, pour le regard de soy & de l'hōme son com- De l'hō.
pagnon, au dedans, au progrez de son iugement, & me. mef.
de ses opinions, & au dehors en communication & me. l
conuersation avec autrui. Surquoy nous cōsidererōs trois choses, comme trois chefs qui s'entresuiuent, où l'humanité mōstre bien en sa sorte foiblesse, la folle presumption. La premiere ou croire ou mescroire (icy n'est questiō de Religion, ny de la foy & creance diuine, & se faut souuenir de l'ad-
uerissement mis au preface) où sont à noter deux

Trois de-
grez de
presom-
ption hu-
maine.

supposant que cela est bien vray ; il n'en est rien : on traite, agite les fondemens & effets de milles choses, qui ne furent iamais, dont le *pro & contra* est faux : Combien de bourdes, faux & supposez miracles, visions & revelation, receuë au monde, qui ne furent iamais ? (Les vrayz miracles auctorisez par l'Eglise sont à part, l'on ne touche point à cela.) Et pourquoy croira-t'on vne merueille, vne chose non humaine ny naturelle, quand l'on peut destourner & eluder verification par voye naturelle & humaine ? La verité & le mensonge ont leurs visages conformes, le port, goust, & les alleures pareilles. nous les regardons de mesme œil, *ita sunt finitima falsa veris, ut in precipitem locum non debeat se sapiens committere.* L'õ ne doit croire d'un homme que ce qui est humain, s'il n'est auctorisé par approbation surnaturelle & sur-humaine. qui est Dieu seul, qui seul est à croire en ce qu'il dit, pour ce qu'il le dit.

L'autre vice contraire est vne forte & audacieuse temerité de condamner & reietter, comme faulx toutes choses, quel'on n'entend pas, & qui ne plaisent & ne reuiennent au goust. C'est le propre de ceux qui ont bone opinion d'eux mesmes, qui sont les habiles & les entendus, spécialement, heretique, Sophistes, pedans : car se sentans auoir quelque pointe d'esprit, & de voir vn peu plus clair que le cõmun, ils se donnent loy & autorité de decider & resoudre de toutes choses. Ce vice est beaucoup plus grand & vilain que le premier, car c'est folie enragee de penser sçauoir iusques où, va la possibilité, les ressorts & bornes de la nature, la portee de la puissâce & volõté de Dieu, & vouloir

ranger à foy & à la suffisance le vray & le faux des choses, ce qui est requis pour ainsi & avec telle fiereté & assurance résoudre & définir d'icelles. Car voicy leur jargon, cela est faux, impossible, absurd. Et cōbien y a-il de choses, lesquelles pour vntemps nous auons reiettees avec rīsee, comme impossibles, que nous auons esté contrains d'aduouer apres, & encores passer outre à d'autres plus estranges? & au rebours combien d'autres nous ont esté comme articles de foy, & puis vains men-songes?

7.
2. Affir-
mer, con-
damner.

La seconde, qui suit & vient ordinairement de ceste premiere, est d'affirmer, ou reprobuer certainement & opiniastrement ce que l'on a legerement creu ou mescreu. Ce second degré adiouste au premier opiniastreté, & ainsi accroist la presumption. Ceste facilité de croire avec le temps s'endurcit & degenerate en opiniastreté innuincible & incapable d'amendement, voire l'on va iusques là, que souuent l'on soustient plus les choses que l'on sçait & que l'on entend moins, *maiores enim fidei homines adhibent ijs, quæ non intelligunt: cupiditate humani ingenij lubentius obscura creduntur*, l'on parle de toutes choses par resolution. Or l'affirmation & opiniastreté sont signes ordinaires de bestise & ignorance, accompagnée de folie & arrogance.

8.
3. Per-
suader.

La troisieme, qui suit ces deux, & qui est le faiste de presumption, est de vouloir persuader, faire valoir, & receuoir à autrui ce que l'on croit, & les induire voire imperieusement avec obligation de croire, & inhibition d'en douter. Quelle tyrānie? Quiconque croit quelque chose, estime que c'est œuvre de charité de le persuader à vn autre : &

pour ce faire ne craint point d'adiouster de son invention autāt qu'il voit estre necessaire à son compte, pour suppleer au defaut & à la resistance, qu'il pense estre en la conception d'autrui. Il n'est rien à quoy communément les hommes soient plus tendus, qu'à donner voye à leurs opinions: *nemo sibi tātum errat, sed alius erroris causa & author est.*

Où le moyē ordinaire faut, l'on y adiouste le commandement, la force, le fer, le feu. Ce vice est propre aux dogmatistes, & à ceux qui veulent gouverner, & donner loy au monde. Or pour venir à bout de cecy & captiuer les creances à soy ils vsent de deux moyens: par le premier ils introduisent des propositions generales & fondamētales, qu'ils appellent principes & presuppositions, desquelles ils enseignent n'estre permis de douter ou disputer: sur lesquelles ils bastissent apres tout ce qui leur plaist, & menent le monde à leur poste: qui est vne piperie, par laquelle le monde se remplit d'erreurs & mensonges. Et de faict, si l'on vient à examiner ces principes, l'on y trouuera de la fausseté & de la foiblesse autāt ou plus qu'en tout ce qu'ils en veulent tirer & dependre: & se trouuera tousiours au-
Coper-
tant d'apparence aux propositions contraires. Il y a
en a de nostre temps qui ont changé & renuersé
Paracel:
les principes, & regles des anciens en l'Astrologie,
en la Medecine, en la Geometrie, en la nature & mouuēment des vents. Toute proposition humaine a autant d'autorité, que l'autre, si sa raison n'en fait la difference: La verité ne depēd point de l'autorité ou témoignage de l'homme: Il n'y a point de principes aux hommes, si la diuinité ne les leur auclé: tout le reste n'est que songe & fumée. Or

ces Messieurs icy veulent que l'on croye & reçoive ce qu'ils disent, & que l'on s'en fie à eux, sans iuger ou examiner ce qu'ils baillent : qui est vne injustice tyrannique. Dieu seul, comme a esté dit, est à croire en tout ce qu'il dit, pource qu'il le dit, *qui à semetipso loquitur mendax est*. L'autre moyé est par supposition de quelque fait miraculeux, reuelation & apparition neuuelle & celeste, qui a esté dextremét practiqué par des legiflateurs, generaux d'armes, ou chefs de part. La persuasion premiere prinse du sujet mesmes saisit les simples, mais elle est si tendre & fressle, que le moindre heurt, mesconte, ou mesgarde, qui y suruiendrait, escarboüilleroit tout : Car c'est grand merueille, comment de si vains commencemens & friuoles causes son sorties les plus fameuses impressiōs. Or ceste premiere impression franchie deuient apres à s'enfler & grossir merueilleusement, tellement qu'elle vient à s'estendre mesmes aux habiles, par la multitude des croyans, des tesmoins, & des ans, à quoy l'on se laisse emporter, si l'on n'est bien fort préparé : Car lors il n'est plus besoin de regimber & s'en enquerir, mais simplement croire : Le plus grand & puissant moyé de persuader, & la meilleure touche de verité, c'est la multitude des ans & des croyans : or les fols surpassent de tāt les Sages, *sanitatis patrocinium est insātarīā turba*. C'est chose difficile de refoudre son iugement contre les opinions communes. Tout ce dessus se peut cognoistre par tant d'impostures, badinages, que nous auons veinastre comme miracles, & rauir tout le monde en admiration, mais incontinent estouffez par quelque accident, ou par l'exacte recherche des clair-

voyans, qui ont éclairé de près, & descouvert la fourbe: que s'ils eussent eu encores du temps pour se meurir & se fortifier en nature, c'estoit fait pour jamais. Ils eussent esté receus & adorez generalement. Ainsi en est il de tant d'autres, qui ont (faueur de fortune) passé & gagné la creance publique, à laquelle puis on s'accommode, sans aller recognoistre la chose au giste, & en son origine, *nam ad liquidum fama perducitur*; Tant de sortes de Religion au monde, tant de façons superstitieuses, qui ont encores mesmes dedans la Chrestienté demeurees du paganisme, & dont on n'a peu du tout sevrer les peuples. Par tout ce discours nous voyons à quoy nous sommes, puis que nous sommes menez par tels guides.

*CINQVIESME ET DERNIERE CON-
sideration de l'homme par les grandes varietez &
differences qui sont en luy, & leurs
comparaisons.*

De la difference & ingalité des hommes en general.

CHAP. XLI.

IL n'y a rien en ce bas mode où il se trouue tât de differences qu'entre les hommes, & differēces esloignées en mesme sujet & espee. Si on veut croire Pline, Herodote, Plutarque, il y a des formes d'hōmes en certains endroits, qui ont fort peu de ressemblāce à la nostre: & y en a de métistes & ambigües entre l'humaine & la brutale. Il y a des contrées où les hommes sont sans teste, portans les

yeux & la bouche en la poitrine, où ils s'ont androgynes, où ils marchent de quatre pattes, où ils n'ont qu'un œil au front, & la teste plus semblable à celle d'un chien qu'à la nostre, où ils sont moitié poisson par en bas, & vivent en l'eau, où les femmes accouchent à cinq ans & n'en vivent que huit: où ils ont la teste si dure & le front, que le fer n'y peut mordre & rebrousse contre; où ils se changent naturellement en loups, en iumens, & puis encores en hommes, où ils sont sans bouche, se nourrissant de la senteur de certaines odeurs; où ils rendent la semence de couleur noire, où ils sont fort petits & nains, ou tous fort grands & geans, où ils vont tous nus, où ils sont tous pelus & velus, où ils sont sans parole, vivans par les bois comme bestes, cachez dedans les cavernes, & dedans les arbres. Et de nostre temps nous auons descouvert & touché à l'œil & au doigt, où les hommes sont sans barbe, sans usage de feu, de bled, vin, où est tenuë pour la plus grande beauté ce que nous estimons la plus grande laideur, comme a esté dit deuant. Quant à la diuersité des mœurs se dira ailleurs. Et sans parler de toutes ces estrangetez, nous sçauons que quant au visage il n'est possible trouuer deux visages en tout & partout semblables, il peut aduenir de se mesconter & prendre l'un pour l'autre, à cause de la ressemblance grande, mais c'est en l'absence de l'un: car en presence de tous deux, il est aisé de remarquer la difference quand bien on ne la pourroit exprimer. Aux ames y a bien plus grande difference, car non seulement elle est plus grande sans comparaison d'homme à homme, que de beste à beste: mais (qui est bien

Chap. 5.
l. 2. c. 8.

encherir) il y a plus grande difference d'homme à homme, que d'homme à beste : car vn excellent animal est plus approchant de l'homme de la plus basse marche, que n'est cét hōme d'vn autre grand & excellent. Cette grande difference des hommes vient des qualitez internes & de la part de l'esprit, où y a tant de pieces, tāt de ressorts, que c'est chose infinie, & des degrez sans nombre. Il nous faut icy pour le dernier apprendre à cognoistre l'homme, par les distinctions & differences qui sont en luy : or elles sont diuerses, selon qu'il y a plusieurs places en l'homme, plusieurs raisons & moyens de les confiderer & comporter. Nous en donnerons icy cinq principales, auxquelles toutes les autres se pourront rapporter, & generalement tout ce qui est en l'homme, esprit, corps, naturel, acquis public, priué, apparēt, secre : & ainsi cette cinquieme & derniere consideration de l'homme aura cinq parties, qui seront cinq grandes & capitales distinctions des hommes, sçauoir

La premiere naturelle, & essentielle, & vniuerselle de tout l'homme, esprit & corps.

La seconde naturelle & essentielle principalement, & aucunement acquise, de la force & suffisance de l'esprit.

La tierce accidentale de l'estat, condition & deuoir, tiree de la superiorité & inferiorité.

La quatrieme accidentale de la condition & profession de vie.

La cinquiesme & derniere des faueurs, & des faueurs de la nature, & de la fortune.

PREMIERE DISTINCTION ET DIFFERENCE des hommes naturelle & essentielle, tiree de la diuerse assiette du monde.

CHAP. XLII.

1.
Diuerfité
des hom.
mes viēt
de la di-
uerse as-
siette du
monde.

LA premiere plus notable & vniuerselle distinction des hommes, qui regarde l'esprit & le corps, & tout l'estre de l'homme, se prend & tire de l'assiette diuerse du monde, selon laquelle le regard & l'influence du ciel & du Soleil, l'air, le climat, le terroir, sont diuers. Aussi sont diuers non seulement le teint, la taille, la complexion, la contenance, les mœurs, mais encores les facultez de l'ame, *plaga cœlinō solum ad robur corporū, sed & animorum facit. Atheniense cœlum ex quo etiam acutiores Attici, crassū Thebis ideō pingues Thebani & valentes.* Dōt Platon remercioit Dieu qu'il estoit né Athenien & non Thebain.

Ainsi que les fruiets & les animaux naissent diuers selon les diuerses contrées, aussi les hommes naissent plus ou moins belliqueux, iustes, temperans, docils, religieux, chastes, ingenieux, bons, obeissans, beaux, sains, forts. C'est pourquoy Cyrus ne voulut accorder aux Perses d'abandonner leur pais aspre & bossu, pour aller en vn autre doux, & plain, disant que les terres grasses & molles font les hommes, & les fertils les esprits infertiles.

2.
Partage
du mōde
en trois.

Suiuant ce fondement nous pouuons en gros partager le mōde en trois parties, & tous les hommes en trois sortes de naturel : nous ferons donc trois assiettes generales du monde, qui sont les deux

extremitez de Midy & Nort, & la moyenne. Chaque partie & assiette sera de soixante degrez ; l'une de Midy est sous l'Æquateur , trente degrez deçà & trente delà, c'est à dire, tout ce qui est entre les deux Tropiques, vn peu plus, où sont les regions ardentes & les Meridionaux, l'Afrique & l'Æthiopie au milieu d'Orient & d'Occident, l'Arabie, Calicut, les Moluques, les Iaves, la Taprobane vers Orient ; le Peru & grands Mers vers Occident. L'autre moyenne est de trente degrez outre les Tropiques, tant deçà que delà vers les Poles, où sont les regions moyennes & temperees, toute l'Europe avec la mer Mediterannee, au milieu d'Orient & Occident ; toute l'Asie tant petite que grande, qui est vers Orient, avec la Chine & le Japon, & l'Amerique Occidentale. La tierce qui est de trente degrez, qui sont les plus près des deux Poles de chaque costé, où sont les regions froides & glaciales, peuples Septentrionaux, la Tartarie, Moscouie, Estotilans, & la Magellane, qui n'est pas encores bien descouverte.

Suiuant ce partage general du monde, aussi sont differens les naturels des hommes en toutes choses, corps, esprit, religion, mœurs, comme se peut voir en ceste petite table. Car les

3.
Et des
naturels.

1. Au corps.	Septentrionaux sont { Hauts & grâs pitul teux, sanguins, blâcs, & blôds, sociables, la voix forte, le cuir mol & velu; grâds mangeurs & beu veurs, & puissans,	Moyens sôt mediocres & tempe rez en tous tes ces cho ses comme nentres. ou biē par ticipans vn peu de routes ces deux ex tremitez & tenans plus de la re gion, de la quelle ils sont plus voisins.	Meridionaux sôt Petits. Melancholiques, froids, & secs, noirs, solitaires, La voix gresle Le cuir dur avec peu de poil & crespu. Abstinés, foibles, Ingenieux, sa ges, prudēs, fins, opiniâtres. Superstitieux, contemplatifs, Nō guerriers, & lasches, paillards jaloux, cruels & inhumains.
2. Esprit.	{ Grossiers, lourds, stupides, fots. Faciles, legers, in constans.		
3. Reli gion.	{ Peu religieux & deuoteux.		
4. mœurs.	{ Guerriers, vaillâs pe nibles, chastes excepts de jalousie, cruels, & inhumains.		

4.
Preuves
de ces
différen
ces du
corps.

Toutes ces différences se preuvent aisément. Quant à celles du corps elles se cognoissent à l'œil, & s'il y a quelques exceptions, elles sont rares & viennent du mélange des peuples, ou bien des vents, des eaux, & de la situation particulière des lieux, d'ôt vne montagne fera vne notable différence en mesme degré; voire mesme pays & ville: ceux de la ville haute d'Athenes estoient tout d'autre humeur, dit Plutarque, que ceux du port de Pyree: vne montagne du costé de Septentrion rendra la vallee qui sera vers le midy toute meridionale, & au contraire aussi.

2.
Esprit.

Quant à celles de l'esprit, nous sçauons que les arts mecaniques & ouvrages de main sont de Septentrion, où ils sont penibles: les sciences speculatives

sont venuës du midy. Cesar & les anciens appellent les Egyptiës tres-Ingenieux & subtils : Moÿse est dit instruit en leur sagesse : la Philosophie est venue de là en Grece, la majorité commence plustost chez eux, à cause de l'esprit & finesse : les gardes des Princes mesmes Meridionaux, sont de Septentrion, comme ayans plus de force & moins de finesse & de malice : ainsi les Meridionaux sont sujets à grandes vertus & grands vices, cōme il est dit d'Annibal : les Septentrionaux ont la bonté & simplicité. Les sciēces moyēnes & mixtes, politiques, loix & eloquēce sont aux nations metoyēnes, auxquelles ont flory les grands Empires & Polices.

Pour le 3. point, les religions sont venuës du Midy, Egypte, Arabie, Chaldee, plus de superstition en Aphrique qu'au reste du monde, tesmoin les vœux tant frequens, les temples tant magnifiques. Les Septentrionaux, dit Cesar, peu soucieux de religions sont attentifs à la guerre & à la chasse.

Quant aux mœurs, premierement touchant la guerre : il est certain que les grandes armées, arts, instrumens & inuentions militaires, sont venuës de Septentrion : les peuples de là Scythie, Goths, Vandales, Huns, Tartares, Turcs, Germains, ont battu & vaincu toutes les autres nations, & ravagé tout le monde, dont est tant souuent dit, que tout mal vient d'Aquilon. Les duels & combats sont venus de là : Les Septentrionaux adorent le glaiue fiché en terre, dit Solinus, invincibles aux autres nations, voire aux Romains qui ont vaincu le reste, & ont esté destruits par eux ; aussi s'affoiblissent & s'alangourissent au vent du Su, & allant vers Midy, cōme les Meridionaux venās au Nort,

2.
Religions.

3.
Mœurs.

redoublent leurs forces. A cause de fiereté guerrière, ils ne peuvent souffrir qu'on leur commande par brauerie, ils veulent la liberté, au moins les commandemens electifs. Touchant la chasteté & la jalousie, en Septentrion vne seule femme à vn homme, dit Tacitus, encores suffit elle pour plusieurs, dit Cesar: nulle jalousie, dit Munster, où les hommes & femmes se baignent ensemble avec les estrangers. En midy la Polygamie est par tout receüe: toute l'Afrique adore Venus, dit Solinus: les Meridionaux meurent de jalousie, à cause dequoy ils ont les Eunuques gardiẽs de leurs fẽmes, que les grãds Seigneurs ont en grãd nombre, comme des haras.

Quant à la cruauté, les extremittez sont semblables, mais pour diuerses causes, cõme se verra tantost aux causes: les punitions de la rouë & les empalemens des vifs sont venus de Septrention: les inhumanitez des Moscouites & Tartares sont toutes notoires. Les Allemans, dit Tacite, ne punissent les coupables iuridiquemẽt mais les tuent cruellemẽt comme ennemis. Ceux de Midy aussi escorchent tous vifs les criminels, leur appetit de vengeance est si grand qu'ils en deuiennent furieux s'ils ne l'assouissent: Au milieu sont benins & humains. Les Romains punissoient les plus grands crimes du bannissement simple, les Grecs vsoiẽt du breuuage doux & ciguë pour faire mourir les condamnez: Et Ciceron dit que l'humanité & la courtoisie est partie del Asie mineur, & deriuee au reste du monde.

5. La cause de toutes ces differences corporelles & spirituelles, est l'inequalité & difference de la chaleur naturelle interne, qui est en ces pays & peu-

La cause
des sus-

ples : ſçavoir forte & vehemente aux Septentrion-
 naux, à cause du grand froid externe, qui la reſſerre dites dif-
 & renferme au dedans, comme les caues & lieux feres ces
 profonds ſont chauds en Hyuer, & les eſtomachs
ventres brems calidiores, foibles aux Meridionaux
 eſtant diſſipée & attirée au dehors, par la vehemē-
 ce de l'externe, comme en Eſté les ventres & lieux
 de deſſous terre ſont froids : Moyēne & temperée
 en ceux du milieu. De ceſte diuerſité, diſ je, & ine-
 qualité de chaleur naturelle viennent ces différen-
 ces, non ſeulement corporelles, ce qui eſt aiſé de
 remarquer, mais encores ſpirituelles ; Car les Me-
 ridionaux à cause de leur temperament froid, ſont
 melancholiques, & par ainſi arreſtez, cōſtans, con-
 templatifs, ingenieux, religieux, ſages : Car la ſa-
 geſſe eſt aux animaux froids comme aux Elephans,
 qui cōme le plus melancholique de tous animaux,
 eſt le plus ſage, docile, religieux, à cause du ſang
 froid. De ce temperament melancholique auiēt auſſi
 que les Meridionaux ſōt paillars, à cause de la me-
 lancholie ſpumeuſe, abradente, & ſalace, comme
 il ſe void aux lieures ; & cruels, parce que cette me-
 lancholie abradente preſſe violemment les paſſiōs
 & la vengeance. Les Septentrionaux pituiteux &
 ſanguins de temperament, tout au contraire, aux
 Meridionaux, ont les qualitez toutes contraires,
 ſauf qu'ils cōuiennent en vne choſe, c'eſt qu'ils ſont
 auſſi cruels & inhumains, mais c'eſt par vne autre
 raiſon, ſçavoir par défaut du iugement, dont com-
 me beſtes ne ſe ſçauent commander & ſe contenir :
 Ceux du milieu ſanguins & choleres ſont tempe-
 rez d'une belle humeur, ioyeux, diſpoſts, actifs.

Nous pourrons encores plus exquiſement &

subtilement représenter le diuers naturel de ces trois sortes de peuples, par application & comparaison de toutes choses, comme se pourra voir en ceste petite table, où se voit que proprement appartient, & se peut rapporter aux

	Septentrionaux.	Moyens.	Meridionaux.
Qualitez dames.	Le sens commun.	Discours & ratiocination.	Intellect.
	Force cōme des ours & bestes.	Raison & iustice d'hommes:	Finesse de renards, & Religiō de gēsd'huins
Planet. tes.	Mars. } guerre, Lune. } chasse.	Jupiter } Empereurs Mercur. } Orateurs.	Saturne. } contēplatiō Venus } amour
	Art & manufature.	Prudence, cognoissance du biē & du mal	Sciēce du vray & du faux.
Actions & parties de repu- blique.	Ouvriers artisans soldats. Executer & obeir.	magistrats pour voyans, iuger, commander.	Pōtifes, Philosophes contempler
	Jeunes mal habiles.	hommes faits, manieurs d'affaires.	Vieillards graves, sages, pensifs

Les autres distinctions plus particulieres se peuvent rapporter à ceste cy generale de Midy & Nort: car l'on peut rapporter aux conditions des Septentrionaux ceux d'Occident, & ceux qui vivent aux montaignes, guerriers, fiers, amoureux de liberté, à cause du froid qui est aux montaignes, aussi ceux qui sōt esloignez de la mer, plus simples & entiers: Et au contraire aux conditions des Meridionaux, l'on peut rapporter les Orientaux, ceux qui vivent aux valees. effeminez, delicats, à cause de la fertilité, d'où vient la volupté: Aussi les Maritimes trompeurs

peurs & fins à cause du commerce & du trafic avec diuerſes ſortes de gens & nations.

Par tout ce diſcours, il ſe void qu'en general ceux de Septentrion ſont plus aduantagez au corps, & ont la force pour leur part ; & ceux du Midy en l'eſprit, & ont pour eux la fineſſe : ceux du milieu ont de tout, & ſont temperés en tout : Auſſi ſ'apprend par là, que leurs mœurs ne ſont à vray dire ny vices ny vertus, mais œuvres de nature : laquelle du tout corriger & du tout y renoncer, il eſt plus que difficile ; mais adoucir, temperer, & remener à peu près les extremités à la medioſité, c'eſt l'œuvre de vertu.

*SECONDE DISTINCTION ET
difference plus ſubtile des eſprits, & ſuffi-
ſance des hommes.*

CHAP. XLIII.

Cette ſeconde diſtinction, qui regarde l'eſprit & la ſuffiſance, n'eſt ſi apparente & perceptible comme les autres, & vient tant du naturel que de l'acquis, ſelon laquelle y a trois ſortes de gens au monde, comme trois claſſes & degrez d'eſprits. En l'un & le plus bas ſont les eſprits foibles & plats, de baſſe & petite capacité, nez pour obeir, ſeruir, & eſtre menés, qui en eſſect ſont ſimplement hommes. Au 2. & moyen eſtage ſont ceux, qui ſont de mediore iugement, font profeſſion de ſuffiſance, ſcience, habileté, mais qui ne ſe ſentent & ne ſe iugent pas aſſez, ſ'arreſtent à ce qu'on tient communément, & on leur baille du premier coup, ſans d'auantage ſ'enquerir de la verité & ſource des cho-

Trois
ſortes &
degrez
de gens
au monde.

Q

ses, voire pensent qu'il ne l'est pas permis : & ne regardent point plus loing que là où ils se trouuent; pensent que par tout est ainsi, ou doit estre, que si c'est autrement, ils faillent & sont barbares. Ils s'asservissent aux opinions & loix municipales du lieu où ils se trouuent deslors qu'ils sont esclous non seulement par obseruance & vsage, ce que tous doiuent faire, mais encor de cœur & d'ame: & pensent que ce qu'on croit en leur village est la vraye touche de verité (cecy ne s'entend de la verité diuine releuee, ny de religion) c'est la seule, ou bien la meilleure regle de bien viure. Ces gens sent de l'escole & du ressort d'Aristote; affirmatifs, positifs, dogmatistes, qui regardent plus l'vtilité que la verité, ce qui est propre à l'vsage & trafic du monde, qu'à ce qui est bon & vray en foy. En cette classe y a tres-grand nombre & diuersité de degrez, les principaux & plus habiles d'entr'eux gouvèrnerent le monde, & ont les commãdemens en main. Au 3. & plus haut estage sont les hommes dotiez d'un esprit vif clair, iugement fort ferme & solide, qui ne se contentent d'un ouy dire, ne s'arrestent aux opinions communes & receuës, ne se laissent gagner & preoccuper à la creance publique, de laquelle ils ne s'estonnent point, sçachant qu'il y a plusieurs bourdes, faussetez & impostures receuës au monde avec approbation & applaudissement, voire adoration & reuerence publique, mais examinent toutes choses qui se proposent, sondent meurement, & cherchent sans passion les causes, motifs, & ressorts iusques à la racine, ayants mieux douter & tenir en suspends leur creance, que par vne trop molle & lasche facilité ou legereté, ou pre-

titipation de iugement, le paistre de faulxeté & af-
 firmer ou se tenir asseurez de chose, de laquelle ils
 ne peuvent auoir raison certaine. Ceux-cy sont en
 petit nombre, de l'eschole & ressort de Socrates
 & Platon, modestes, sobres retenus, considerans
 plus la verité & realité des choses, que l'vtilité, &
 s'ils sont bien nais, ayans avec ce dessus la probité,
 & le reglement des mœurs, ils sont vrayement sa-
 ges, & tels que nous cerchons icy. Mais pource que
 ils ne s'accordent pas avec le commun quand aux
 opinions, voyent plus clair, penetrent plus auant:
 ne sont si faciles, ils sont soupçonnez & mal esti-
 mez des autres, qui sont en beaucoup plus grand
 nombre, & tenus pour fantasques & Philosophes:
 c'est par iniure qu'ils vsent de ce mot. En la 1. de
 ces trois classes y a bien plus grand nombre, qu'en
 la seconde, & en la seconde qu'en la troisieme,
 Ceux de la premiere & derniere, plus basse & plus
 haute, ne troublent point le monde, ne remuēt rien,
 les vns par insuffisance & foiblesse, les autres par
 grande suffisance, fermeté & sagesse. Ceux du mi-
 lieu font tout le bruit, & les disputes qui sont au
 monde: presumptueux, tousiens agités & agitans.
 Ceux de la plus basse marche, cōme le fonds, la lie,
 la sentine, ressemblent à la terre, qui ne fait que re-
 cevoir & souffrir ce qui vient d'enhaut. Ceux de la
 moyenne ressemblent à la region de l'air, en laquel-
 le se forment tous les meteores, & se font tous les
 bruits & alterations; qui puis tombent en terre.
 Ceux du plus haut estage, ressemblent à l'Ether &
 plus haute region voisine du Ciel; seraine, clai-
 re, nette, & paisible. Ceste difference d'hommes
 vient en partie du naturel de la premiere com-

position & temperament du cerueau, qui est diffé-
rent, humid, chaud, sec, & par plusieurs degrés: dont
les esprits & iugemens sont ou fort solides, coura-
geux, ou foibles, craintifs, plats: en partie de l'instru-
ction & discipline, aussi de l'expérience & hantise
du mode, qui sert fort à se desmaier & mettre son
esprit hors de page. Au reste il se trouue de toutes
ces trois sortes de gens, sous toute robe, forme
& condition, & des bons & des mauuais, bien di-
uersement.

2.
Autre di-
stinction.

L'on fait encores vn autre distinction d'esprit &
suffisances, car les vns se font voye eux mesmes &
ouuerture, se conduisēt seuls. Ceux-cy sont heureux
de la plus haute taille, & biē rares, les autres ont be-
soin d'aide, mais ils sont encores doubles, car les
vns n'ont besoin que d'estre esclairez, c'est assez
qu'il y aye vn guide & flambeau qui marche deuāt,
ils suyront volontiers & bien aisément. Les autres
veulent estre tirez, ont besoin de compulsoir, & que
l'on les prenne par la main. Je laisse ceux qui par
grande foiblesse, comme ceux de la plus basse mar-
che, ou par malignité de nature, comme il y en a en
la moyenne, qui ne sont bons à suyre, ny ne se lais-
sent tirer & conduite gens desesperés.

TROISIÈME DISTINCTION

*& difference des hommes accidentale, de
leurs degrés; estats, & charges.*

CHAP. XLII.

CETTE distinction accidentale, qui regarde
les estats & charges, est fondée sur deux prin-
cipes & fondemens de la société humaine, qui sont
commander & obeyr, puissance & subiection su-

periorité & inferiorité, *imperio & obsequio omnia constant.* Ceste distinction se verra premierement mieux en gros, en ceste table.

Divisiō premiere & generale.	1. Priuee, laquelle est au	Familles & mesna- ges, & est de quatre façons.	Mariage du mary à la fē- me; ceste cy est la source de la société humaine.
			Paternelle, des parēs sur les enfans, ceste cy est vrayement naturelle.
Toute puissan- ce & subie- ction,	où		Herile, dou- ble, sçauoir des.
			Seigneurs sur les es- claves. Maistres sur leurs seruiteurs
			Patronelle, des patrons sur leurs affranchis, de laquel- le l'usage est peu frequēt.
		Corps & colleges, cōmunautēz ciui- les sur les particuliers membres de la communauté.	
	2. publi- que, la- quelle est ou	Souueraine, qui est de trois façons, & sont trois sortes d'estats, <i>cunctas nationes & vr- bes, populus aut primo- res, aut singuli regunt,</i> sçauoir.	Monar- chie. An Aristocra- tie de peu. Democra- tie de tous. Seigneurs
		Subalterne, qui est en ceux qui sont supe- rieurs & inferieurs, pour diuerses raisons, lieux, personnes, comme sont les	particu- liers en plusieurs degrez. Officiers de la sou- ueraine- té, qui sont de grade di- uisé.

Cette puissance publique, soit souveraine, soit subalterne, reçoit des subdivisions qu'il faut sçavoir. La souveraine, qui est triple, comme dit est, pour le regard de la maniere du gouvernement, est encores triple, c'est à dire chacune de ces trois est conduite en trois façons, dont est dite royale, ou seigneuriale, ou Tyrannique Royale, en laquelle le souverain (soit il vn, ou plusieurs, ou tous obeyssant aux loix de nature, garde la liberté naturelle, & la propriété des biens aux sujets. *Ad reges potestas omnis, pertinet ad singulos proprietates: Omnia Rex imperio possidet, singuli domino*; Seigneuriale où le souverain seigneur des personnes & des biens, par le droit des armes, gouvernant ses sujets comme esclaves; Tyrannique, où le souverain mesprisant toutes loix de nature, abuse des personnes & des biens de ses sujets, differant du Seigneur, comme le voleur de l'ennemy de guerre. Des trois Estats souverains le Monarchique, & des trois gouvernemens le Seigneurial, sont les plus anciens, grands, durables, Auguste, comme anciennement Assirie, Perse, Egypte, & maintenant Ethiopie, la plus ancienne qui soit, Moscouie, Tartarie, Turquie, le Peru. Mais le meilleur & plus naturel estat & gouvernement est la Monarchie Royale: les Aristocraties fameuses sont jadis Lacedemonie & maintenant Venise; les Democraties, Rome, Athenes, Carthage, Royales en leur gouvernement.

Des seigneurs particuliers.

La puissance publique subalterne, qui est aux seigneurs particuliers, est de plusieurs sortes & degrez, principalement cinq, sçavoir Seigneurs Tributaires, qui doivent tribut seulement.

Feudataires, vassaux simples, qui doiuent foy &

hommage pour le fief. Cest trois peuvent estre souverains.

Vassaux liges qui outre la foy & hommage, doivent estre vraiment souverains.

Subiets naturels soyent vassaux ou censiers ou autrement, lesquels doivent subiection & obeyssance, & ne se peuvent exempter de la puissance de leur souverain, & sont seigneurs.

La puissance publique subalterne, qui est aux officiers de la souveraineté, est de plusieurs sortes & pour le regard de l'honneur & de la puissance, reviennent à cinq degrez.

Premier & plus bas des infames, qui doivent demeurer hors la ville, executeurs derniers de la justice.

4.
Des officiers.

2. De ceux qui n'ont ny honneur ny infamie, sergents, trompettes.

3. Qui ont honneur sans cognoissance & puissance, Notaires, Receueurs, Secretaires.

4. Qui ont avec honneur, puissance & cognoissance, mais sans Jurisdiction, les gens du Roy.

5. Qui ont Jurisdiction, & par ainsi tout le reste, & ceux-cy s'appellent proprement Magistrats : desquels y a plusieurs distinctions, principalement ces cinq, qui sont toutes doubles.

1. { Maieurs, Senateurs,	2. { Politiques,
en { Mineurs, Juges,	en { Militaires.

3. { Civils,	4. { Titulaires en office formé,
en { Criminels,	en { Commissaires.

5. { Perpetuels, comme doivent estre les moindres & en nombres.

en { Temporels & muables, comme doivent estre les grands.

Q. iij

DES ESTATS ET DEGREZ DES
hommes en particulier, suivant ceste
precedente table.

ADVERTISSEMENT.

ICy est parlé en particulier des pieces de ceste table, & distinction de puissance & subiections (commencant par les priuees & domestiques) c'est à dire, de chaque estat & profession des hommes, pour les recognoistre, c'est icy le liure de la cognoissance de l'homme, car les devoirs d'un chacun seront au troisieme liure en la vertu de iustice, ou de mesme ordre tous ces estats & chapitres se reprendront. Or auant entrer faut sommairement parler du commander & obeir, deux fondemens & causes principales de ses diuersités d'estats & charges.

Du Commander & Obeir.

CHAP. XLV.

CE sont, comme a esté dit, deux fondemens de toute société humaine, & de la diuersité des estats & professions. Ces deux sont relatifs, se regardent, & requierent, engendrent, & conseruent mutuellement l'un l'autre: & sont pareillement requis en toute assemblée & communauté, mais qui sont obligez à vne naturelle enuie, contestation & médisance ou plainte perpetuelle. La populaire rend le souverain de pire condition qu'un charretier, la Monarchique le met au dessus de Dieu. Au commander est la dignité, la difficulté (ces deux

vont ordinairement ensemble) la bonté, la suffisance, toutes qualitez de grandeur. Le commander, c'est à dire, la suffisance, le courage, l'autorité est du Ciel & de Dieu, *Imperium non nisi diuino futo datur: omnis potestas à Deo est*: dont dit Platon, que Dieu n'establit point des hommes, c'est à dire, de la commune sorte & suffisance, & purement humaine par dessus les autres, mais ceux qui d'une touche diuine, & par quelque singuliere vertu & don du Ciel surpassent les autres, dõt ils sont appelés *heroes*. En l'obeyr est l'utilité, l'aisance, la nécessité, tellement que pour la conseruation du public, il est encor plus requis que le bien commander: & est beaucoup plus dangereux le desir d'obeyr ou le mal obeyr, que le mal cōmander. Tout ainsi qu'au mariage, bien que le mary & la femme soyent également obligez à la loyauté & fidelité, l'ayent tous deux promis par mesmes mots, mesmes ceremonies & solemnitez, si est-ce que les inconueniens sortent sans comparaison plus grands de la faute & adultere de la femme que du mary: Aussi bien que le commander & obeyr soyent pareillement requis en tout estat & compagnie, si est-ce que les inconueniens sont bien plus dangereux de la desobeyssance des subiets, que de la faute des commandans. Plusieurs estats ont longuement roulé & assez heureusement duré sous de tres-meschans Princes & Magistrats, les subiets s'y accommodans & obeyssans: Dont vn sage interrogé, pourquoy la Republique de Sparte estoit si florissante si c'estoit pource que les Roys commandoyent bien: mais plustost, dit-il, pource que les Citoyens obeyssent bien: Mais si les subiects refusent d'obeyr,

& secoüent le ioug, il faut que l'estat donne d'une
à terre.

Du Mariage.

CHAP. XLVI.

Combien que l'estat du mariage soit le premier & plus ancien, le plus important, & comme le fondement & la fontaine de la société humaine, d'où sourdent les familles, & d'elles les Republiques, *Prima societas in coniugio est, quod principium urbis, seminarium Reipublicæ*, si est-ce qu'il a esté desestimé & descrié par plusieurs grands personnages, qui l'ont iugé indigne de gens de cœur & d'esprit, & ont dressé ces objections contre luy.

2.
Objection
contre le
mariage.

Premierement, ils ont estimé son lien & son obligation iniuste, vne dure & trop dure captivité, d'autant que par mariage on s'attache, & s'assuiettit par trop au soin & aux humeurs d'autrui. Que s'il aduient d'auoir mal rencontré, s'estre mesconté au choix & au marché, & qu'on aye pris plus d'os que de chair, on demeure miserable toute sa vie. Quelle iniquité & iniustice pourroit estre plus grande, que pour vne heure de fol marché, pour vne faute faite sans malice & par mesgarde, & bien souuent pour obeyr & suiure l'aduis d'autrui, l'on soit obligé à vne peine perpetuelle? Il vaudroit mieux se mettre la corde au col, & se ietter en la mer la teste la premiere, pour finir ses iours bien-tost, que d'estre tousiours aux peines d'enfer, & souffrir sans cesse à son costé la tempeste d'une rage & manie, d'une bestise opiniastre, & autres miserables conditions: dont l'un adit: Que qui auoit inuenté ce

peud & lien de mariage, auoit trouué vn bel & specieux expedient, pour se venger des humains, vne chausse-trappe ou vn filet pour attraper les bestes, & puis le faire languir à petit feu. L'autre a dit, que marier vn sage avec vne folle, ou au rebours, c'estoit attacher le vif avec le mort, qui estoit la plus cruelle mort inventée par les tyrans, pour faire mourir le vif par la compagnie du mort,

Par la seconde accusation, ils disent que le mariage est vne corruption & abastardissement des bons & rares esprits, d'autant que les flatteries & mignardises de la partie que l'on ayme, l'affection des enfans, le soin de la maison, & auancement de la famille, relaschent, destrempent, & ramolissent la vigueur & la force du plus vif & genereux esprit, qui puisse estre, tesmoin Samson, Salomon, Marc-Antoine: dont au pis aller il ne faudroit marier, que ceux qui ont plus de chair que d'esprit, vigoureux, au corps & foibles d'ames, les attacher à la chair, & leur bailler la charge des choses petites & basses selon leur portée. Mais ceux qui foibles de corps ont l'esprit grand, fort & puissant, est-ce pas grand dommage de les enfermer & garroter à la chair & au mariage, comme l'on fait les bestes à l'estable? Nous voyons mesmes cela aux bestes, car les nobles qui sont de valeur & de seruice, cheuaux, chiens, l'on les eslongne de de l'accointance de l'autre sexe, l'on ne met au haras que les bestes de moindre estime. Aussi ceux qui sont destinez tant hommes que femmes à la plus venerable & sainte vacation, & qui doiuent estre comme la cresse & la moüelle de la Chrestienté, les gens d'Eglise & de religion, sont exclus de mariage. Et c'est pource

que le mariage empesche & destourne les belles & grandes eleuations d'ame, la contemplation des choses hautes, celestes & diuines, qui est incompatible avec le tabust des affaires domestiques, à cause dequoy l'Apostre prefere la solitude de la continence au mariage. L'utilité peut bien estre du costé du mariage, mais l'honnesteté est de l'autre costé.

Puis il trouble les belles & sainctes entreprises? comme S. Augustin recite, qu'ayant desseigné avec quelques autres siens amis, dont il y en auoit de mariez, de se retirer de la ville & des compagnies, pour vaquer à l'estude de sagesse & de vertu, leur dessein fust bien tost rompu & interuetty par les femmes de ceux qui en auoiét : & a dit aussi vn sage, que si les hommes se pouuoient passer des femmes, qu'ils seroient visitez & accompagnez des Anges.

Plus le mariage empesche de voyager parmy le monde, & les estrangers, soit pour apprendre à se faire sage, ou pour enseigner les autres à l'estre, & publier ce que l'on sçait : Bref le mariage non seulement apoltronit ou accroupit les bons & grands esprits, mais priue le public de plusieurs belles & grandes choses, qui ne peuvent s'exploiter demeurant au sein & au gyron d'une femme, & au tour des petits enfans. Mais ne fait il pas beau voir, & n'est-ce pas grand dommage, que celuy qui est capable de gouverner & policer tout vn monde, s'amuse à conduire vne femme & des enfans? Dont respondit vn grand personnage, quand on luy parla de se marier; qu'il estoit nay pour commander aux hommes, & non à vne femmelette, pour conseiller & gouverner les Rois & Princes, & non pas des petits enfans.

A tout cela : on peut dire que la nature humaine n'est pas capable de perfection, & de chose ou n'y ait à redire, comme a esté dit ailleurs : les meilleurs remedes, & expediens sont tousiours vn peu malades, meslez d'incommoditez : ce sont tous maux necessaires : ç'a esté le meilleur que l'on a peu adviser pour sa conseruation & multiplication. Aucuns, comme Platon & autres, ont voulu subtiliser & inuenter des moyens pour euites ces espines ? mais outre qu'ils ont fait & forgé des choses en l'air, qui ne se pouuoient bien tenir longuement en vſage, encores leurs inuentions, quand elles seroient mises en pratique, ne seroient pas, sans plusieurs incōmoditez & difficultez. L'homme les cause & les produit luy-mesme par son vice & intemperance, & par ses passions contraires, & n'en faut pas accuser l'estat, ny autre que l'homme, qui ne ſçait bien vſer d'aucune chose. Et peut on dire encor', qu'à cause de ces espines & difficultez, c'est vne eschole de vertu, vn apprentissage, & vn exercice familier & domestique, & disoit Socrates le Docteur de sagesse, à ceux qui luy obiectoyent la teste de sa femme, qu'il apprenoit par là en la maison à estre constant & patient par tout ailleurs, & à trouuer douces les poinctures de la fortune. Et puis en fin on ne contredit pas que celuy qui s'en passe, ne face encores mieux. Mais à l'honneur du mariage, le Chrestien dit que Dieu l'a institué, au paradis terrestre, auant toute autre chose, en l'estat d'innocence & perfection : voila quatre recommandations, la quatriesme passe tout, & sans replique. Depuis le fils de Dieu l'a approuué & honoré de sa presence, son premier miracle, & miracle

3.
Reſpōſe
à iceux.
chap. 37.

fait en faueur dudit estat ; & des gens mariez, & l'a honoré de ce priuilege, qu'il sert de figure de cette grande vnion de luy avec son Eglise, & pour ce il a esté appellé Mystere, & grand.

4.
Du tout
grand
bien, ou
grand
mal.

A la verité le mariage n'est point chose indifférente ou médiocre, c'est du tout vn grand bien ou grand mal, vn grand repos ou vn grand trouble, vn paradis, ou enfer: est vne ttes-douce & plaisante vie, s'il n'est bien fait, vn rude & dangereux marché, vne bien epineuse & pesante liaison, s'il est mal rencontré: c'est vne conuention, où se verifie bien à point, ce que l'on dit *homo homini Deus, aut lupus*.

Le bon
est vn
trace
bien.

Mariage est vn oturage basti de plusieurs pieces, il y faut vn rencontre de beaucoup de qualitez; tant de considerations, outre & hors les personnes mariées. Car quoy qu'on die, l'on ne se marie seulement pour soy; la posterité, la famille, l'alliance, les moyens y pesent beaucoup: voyla pourquoy il s'en trouue si peu de bons, & ce qui s'en trouue si peu, c'est signe de son prix & de sa valeur, c'est la condition de plus grandes charges: la Royauté est aussi pleine de difficultez, & peu l'exercent bien & heureusement. Mais ce que nous voyons souuent qu'il ne se porte pas bien, cela vient de la licence & desbauche des personnes, & non de l'estat & institution du mariage dont il se trouue plus commode aux ames bonnes, simples, & populaires, où les delices, la curiosité, l'oisiuete le troublent moins: humeurs desbauchées: les ames turbulentes & détraquées ne sont propres à ce marché.

Mariage est vn sage marché, vn lien & vne cou-

sture sainte & inviolable, vne conuention honorable, s'il est bien façonné & bien pris, il n'y a rien plus beau au monde, c'est vne douce société de vie, pleine de constance, de fiance, & d'un nombre infiny d'vtils & solides offices, & obligations mutuelles: c'est vne compagnie non point d'amour, mais d'amitié. Ce sont choses fort distinctes que l'amour & l'amitié, comme la chaleur de fièvre & maladiue, & la chaleur naturelle & saine. Le mariage a pour sa part l'amitié, l'utilité, la iustice, l'honneur, la constance; vn plaisir plait voirement, mais sain, ferme, & plus vniuersel. L'amour se fonde au seul plaisir, & l'a plus vif, aigu, & cuisant: peu de mariages succedent bien, qui sont commécez & acheminez par les beautés & desirs amoureux; il y faut des fondemens plus solides & constans, & y faut aller d'aguet: cette bouillante affection n'y vaut rien, voire est mieux conduit le mariage par main tierce.

6.
Description
tion simple &
sommaire de mariage.

Cecy est bien dit sommairement & simplement pour vne plus exacte description, nous sçauons qu'au mariage y a deux choses, qui luy sont essentielles, & semblent contraires, mais ne le sont pas: sçauoit vne égalité, comme sociable & entre pareils; & vne inégalité, c'est à dire, superiorité & inferiorité. L'égalité consiste en vne entiere & parfaite cōmunication & communauté de toutes choses, ames, volontez, corps biens; loy fondamentale du mariage, laquelle en aucuns lieux s'entend iusques à la vie & la mort, tellement que le mary mort, faut que la femme suiue incontinent. Cela se pratique en aucuns lieux par loix publiques du pays, & souuent de si grand ardeur, qu'estant plusieurs femmes à vn mary, elles contestent & plaident publi-

7.
Plus en
sçavoir.

quement à qui aura l'honneur d'aller dormir (c'est leur mort) avec leur espoux, alleguant pour l'obtenir & y estre preferés, leur bon service, qu'elles estoient les mieux armées, & ont eu de luy le dernier baiser, ont eu enfans de luy.

Et certamen habent lethi, quæ vina sequatur

Coniugium, pudor est non licuisse mori.

Ardent victrices, & flamma pectora præbent

Imponuntque suis ora perusta viris.

En autres lieux s'observoit, non par les loix publiques, mais par les pactes & conventions du mariage, comme fut entre Marc-Antoine & Cleopatra. Cette egalité aussi consiste en la puissance, qu'ils ont sur la famille en commun, dont la femme est dite compagne du mary, dame de la raison & famille, comme le mary le maistre & seigneur; Et leur autorité coniointe sur toute la famille, est comparee à l'Aristocratie.

8.
Inégalité,

La distinction de superiorité & inferiorité, consiste en ce que le mary a puissance sur la femme, & la femme est suiète au mary: Cecy est selon toutes loix & polices, mais plus ou moins selon la diversité d'icelles. Par tout la femme, bien qu'elle soit beaucoup plus notable & plus riche, est suiète au mary: Cette superiorité & inferiorité est naturelle, fondée sur la force, & suffisance de l'un, foiblesse & insuffisance de l'autre. Les Theologiens la fondent bien sur d'autres raisons tirees de la Bible; l'homme a esté fait le premier de Dieu seul & immédiatement, par exprés, pour Dieu son chef, & à son image, & parfait, car nature cōmence tousiours par chose parfaite: la femme faicte en second lieu apres l'homme, de la substance de l'homme, par occasion, & pour

& pour autre chose, *mulier est vir occasionatus*, pour servir d'ayde & de second de l'homme, qui est son chef, par ainsi imparfaite. Voila par l'ordre de la generation. Celuy de la corruption & de peché, preuue le mesme; la femme a esté la premiere en preuarication & de son chef a peché, l'homme second, & à l'occasion de la femme; la femme donc derniere au bien, & en la generation, occasionnée, premiere au mal, & occasion d'iceluy, est iustement assubiectié à l'homme, premier au bien & dernier au mal.

Cette superiorité & puissance maritale a esté en aucuns lieux telle que la paternelle, sur la vie & la mort, comme aux Romains par la loy de Romulus, le mary pouuoit tuer la femme en quatre cas, adultère, supposition d'enfans, fausses clefs; & auoir beu du vin. Aussi chez les Grecs dit Polybe, & les anciens Gaulois, dit Cæsar, la puissance maritale estoit sur la vie & la mort de la femme. Ailleurs & là mesme depuis, cette puissance a esté moderée: mais presque par tout la puissance du mary & la subiection de la femme porte, que le mary est maistre des actions & vœux de sa femme, la peut corriger de paroles & tenir aux ceps, la battre de coups est indigne de femme d'honneur, dit la loy, & la femme est tenuë de tenir la condition, de suiure la qualiré, le pays, la famille, domicile, & le rang de mary, doit accompagner & suiure le mary par tout en voyage, en exil, en prison, errant, vagabond, fugitif. Les exemples sont beaux de Sulpitia, suiuant son mary. Lentulus prescript & relegué en Cicile: Frithree son mary Phalatis banny, Ipsicrates femme du Roy Mythridates

9.

Puissance
maritale.Dion ha-
licar. l. 2.
Lib. 2. li.
6. bel. 24.

R

Corn.
Tasit.

vaincu par Pompée s'en allant & errant par le monde. Aucuns adioustent à la guerre & aux prouinces, où le mary est enuoyé avec charge publique. Et la femme ne peut estre en iugement, soit en demandant ou defendant, sans l'autorité de son mary, ou du Iuge à son refus: & ne peut appeler son mary en iugement sans permission du Magistrat.

10.

Ses regles di-
uerses.

De la polygamie
& repudiation.

Le mariage ne se porte pas de mesme façon, & n'a pas mesmes loix & regles par tout; selon les diuerses religions & nations, il a ses regles ou plus lasches & larges, ou plus estroittes: selon la Chrestienté la plus estroite de toutes, le mariage est fort subiet & tenu de court. Il n'a que l'entree libre, la duree est toute contraire, dependant d'ailleurs que de nostre vouloir. Les autres nations & religions, pour rendre le mariage plus aisé, libre, & fertile, recoiuent & pratiquent la polygamie, & la repudiation, liberte de prendre & laisser femmes; accusent la Chrestienté d'auoir tollu ces deux; & par ce moyen preiudicié à l'amitié & multiplication, fins principales du mariage: d'autant que l'amitié est ennemie de toute contrainte; & se maintenant mieux en vne honneste liberte. Et la multiplication se fait par les femmes: comme nature nous montre richement aux loups, desquels la race est fertile en la production de leurs petits, iusques au nombre de douze ou treize, & lurs pasant de beaucoup les autres animaux vtils, desquels on tue si grand nombre tous les iours, & si peu de loups, & toutesfois c'est la plus sterile de toutes. Ce qui vient de ce que de si grand nombre il y a vne seule femelle, qui le plus souvent profite peu, & ne porte point, estouffée par la multitu-

de des masses concurrens & affamez, la plus grande partie desquels meurt sans produire, à faute de femelle. Aussi void on combien la polygamie profite à la multiplication, parmi les nations qui la reçoivent: Juifs, Mahumetans, & autres Barbares, qui font des amas de trois à quatre cét mille combatans. Au contraire le Christianisme tient plusieurs personnes attachées ensemble, l'une des parties estât sterile, quelques fois toutes les deux: lesquels colloquez avec d'autres, l'un & l'autre laisseroit grande posterité: mais au mieux toute sa fertilité consiste en la production d'une seule femme. Finalement ils reproche que cette restriction Chrestienne produit des desbauches & adulteres: mais à tout cela l'on respond, que le Christianisme ne considere pas le mariage par des raisons purement humaines, naturelles, temporeiles, mais le regarde d'un autre visage, & à ses raisons plus hautes & nobles, comme il a esté dit, ioint que l'experience montre en la plus part des mariages, que la cōtrainte sert à l'amitié, principalemēt aux ames simples & debonnaires, qui s'accommodent facilement, où ils se trouuent attachez: Et quand aux desbauches, elles viennent du déreglement des mœurs, qu'aucune liberté n'arreste. Et de fait les adulteres se trouuent en la polygamie & repudiation, témoin chez les Juifs, & David, qui ne s'en garda, pour tant de femmes qu'il eust, & au contraire ont esté long temps incognus en des polices bien réglées, ou ny auoit poligamie ny repudiatio, témoin Sparte, & Rome long temps apres sa fondation. Il ne s'en faut donc pas prédre à la religion, qui n'enseigne que toute netteté & continence.

II.
Polyga-
mie di-
verses,

La liberté de la polygamie, qui semble aucune-
ment naturelle, se porte diuerfement selon les di-
uerfes nations & polices. Aux vnes toutes les fem-
mes à vn mary viuent en commun, & font en pa-
reil degré & rang, & leurs enfans de mefmes : ail-
leurs il y en a vne, qui est la principale & comme
maistresse & les enfans heritent aux biens, hon-
neurs, & tiltre du mary : les autres femmes font te-
nuës à part, & portent en aucuns lieux titre de
femmes legitimes, & ailleurs font concubines, &
leurs enfans pensionnaires seulement.

II.
Repudia-
tion di-
verses.

L'usage de la repudiation de mefmes est diffe-
rent, car chez aucuns, comme Hebreux, Grecs,
Armeniens ; l'on n'exprime point la cause de la se-
paration ; & n'est permis de reprendre la femme
vne fois repudiée, bien est permis de se remarier à
d'autres : mais en la loy Mahumetane, la separation
se fait par le Iuge, avec cognoissance de cause, sauf
que ce fut par consentement mutuel, laquelle
doit estre adultere, sterilité, incompatibilité d'hu-
meurs, entreprise sur la vie de sa partie, choses di-
rectement & capitalement contraires à l'estat &
instituition du mariage : & est loisible de se repren-
dre toutes & quantes fois qu'ils voudront. Le
premier semble meilleur, pour tenir en bride les
femmes superbes, & les facheux maris : le second
qui est d'exprimer la cause, deshonne les parties,
empesche de trouuer party, decouure plusieurs
choses, qui deuroient demeurer cachees. Et ad-
uenant que la cause ne soit pas bien verifiée, &
qu'il leur faille demeurer ensemble, s'ensuyuent
empoisonnemens & meurtres souuent incognus
aux hommes, comme il fut decouvert à Rome

auparavant l'usage de la repudiation, où vne femme surprise d'auoir empoisonné son mary, en accuse d'autres, & celle-cy d'autres, iusques à soixante dix de mesme crime, qui furent toutes executées: mais le pire a esté que l'adultere demeure presque partout sans peine de mort, & seulement y a divorce & separation de compagnie, introduit par Iustinien, homme du tout possédé de sa femme, qui fit passer tout ce qu'elle peut à l'aduantage des femmes, d'où il sort vn danger de perpetuel adultere, desir de la mort de sa partie, le delinquant n'est point puny, l'innocent iniurié demeure sans reparation. *Du deuoir des mariez, voyez l. 3. c. 12.*

DES PARENS ET ENFANS.

CHAP. XLVII.

IL y a plusieurs sortes & degrez d'autorité & puissance humaine, publique & priuée, mais il n'en y a point de plus naturelle ny plus grãde, que celle du Pere sur les enfans, ie dy pere, car la mere, qui est soiette à son mary, ne peut proprement auoir les enfans en sa puissance & subiectiõ: mais elle n'a pas tousiours ny en tous lieux esté pareille. Anciennement presque par tout elle estoit absolue & vniuerselle sur la vie, la mort, la liberté, les biens, l'honneur, les actions & deportemens des enfans, comme sont de plaider, se marier, acquerir biens, sçauoir chez les Romains par la loy expresse de Romulus, *parentum in liberos omne ius esto relegandi, vendendi, occidendi*, exceptez seulement les enfans au

I.
Puissance
paternelle.
Dion.

Halie II.
3. antiq.
Rom. I.
in suis
D. delib.
posh.

Aul. Gel.
lib. 20.
Cl. 8. eth.
ch. 20.
Ji. 6. bel.
Cal.
Prosper.
Aquitain.
in epist.
Sigism.

Deut. 31.

2.

Ses rai-
sons &
fruits,

deffous trois ans, qui ne peuvent encores auoir mesdit ny mesfait : Laquelle loy fut renouvellee depuis par la loy des douze tables, par laquelle estoit permis au pere de vendre ses enfans iusques à trois fois, chez les Perses selon Aristote, chez les anciens Gaulois, comme dit Cesar & Prosper: chez les Moscouites & Tartares, qui les peuvent vendre iusques à la quatriesme fois. Et semble qu'en la loy de nature cette puissance aye esté, par le fait d'Abraham voulant tuer son fils. Car si cela eust esté contre le deuoir, & hors la puissance du pere, il n'y eust iamais consenty: & n'eust iamais pensé que ce fust esté Dieu, celuy qui le luy mandonnoit, s'il eust esté contre la nature: & puis nous voyons qu'Isaac n'y a point résisté, ny allegué son innocence, sçachant que cela estoit en la puissance du pere. Ce qui ne deroge aucunement à la grandeur de la foy d'Abraham; car il ne voulut sacrifier son fils, en vertu de son droit ou puissance, ny pour aucun demerite d'Isaac, mais purement pour obéir au commandement de Dieu. Et la loy de Moysé de mesme, sauf quelque modification. Voyla qu'elle a esté cette puissance anciennement en la pluspart du monde, & qui a duré iusques aux Empereurs Romains chez les Grecs, elle n'a pas esté si grande & absolue, ny aux Egyptiens, toutesfois s'il aduenoit que le pere eust tué son fils à tort & sans cause, il n'estoit point puny, sinon d'estre enfermé trois iours prez du corps mort.

Or les raisons & fruiets d'une si grande & absolue puissance des peres sur leurs enfans, tres-bonne pour la culture des bonnes mœurs, chasser les vices, & pour le bien public, estoient premiere-

ment de contenir les enfans en crainte & en devoir : puis à cause qu'il y a plusieurs fautes grandes des enfans, qui demeureroient impunies au grand preiudice du public, si la cognoissance & punition n'estoit qu'en la main de l'autorité publique, soit pource qu'elles sont domestiques & secretes, ou qu'il n'y a point de partie & poursuivant. Car les parens qui le sçavent & y sont plus interessez, ne les descrieront pas, outre qu'il y a plusieurs vices, desbauches, intolêces, qui ne se punissent jamais par Iustice. Ioint que surviennent plusieurs choses à demesler, & plusieurs differens entre les parens & enfans, les freres & sœurs, pour les biens ou autres choses, qu'il n'est pas beau de publier, qui sont assoupies & esteintes par cette autorité paternelle. Et la loy n'a point pensé que le pere abusast de cette puissance, à cause de l'amour tant grâde, qu'il porte naturellement à ses enfans, incompatible avec la cruauté; qui est cause qu'au lieu de les punir à la rigueur, ils intercedent plustost pour eux, quand ils sont en iustice, & n'ont plus grand tourment, que voir leurs enfans en peine; & bien peu ou point s'en est-il trouvé, qui se soit servy de cette puissance, sans tres-grande occasion, tellement que c'estoit plustost un espouventail aux enfans, & tres-vtile, qu'une rigueur de fait.

Or cette puissance paternelle (cōme trop aspre & dāgereuse, s'est quasi de soy-mesme perdue & abolie: car ça esté plus par desaccoustumance, que par la loy expresse, & a cōmencé de decliner à la venue des Empereurs Romains. Car dō le tēps d'Auguste ou biē tost apres, elle n'estoit plus envi-

3.
Se dera;
de ce
ruyne.

lib. 1. de
clem.

Salust. in
bell.
Catilin.
Valer.
Maxim.

1. in au-
t. ad leg.
Cornel.
D. l. in
fuis de
lib. &
posth. 1.
2. Cod.
de par.
potest.

Deut.

guerre, dont les enfans deuindrent si fiers & insolens cōtre leurs peres, que Senecque parlāt à Nerō disoit, qu'on auoit veu punir plus de parricides, depuis cinq ans derniers, qu'en sept cens ans auparavant, c'est à dire, depuis la fondatiō de Rome. Auparauant s'il aduenoit que le pere tuast ses enfans il n'estoit point puny, comme nous apprenons par exemples de Fuluius Senateur, qui tua son fils pour ce qu'il estoit participant à la cōiuration Catilinaire, & de plusieurs autres Senateurs, qui ont fait les procez criminels à leurs enfans en leurs maisons, & les ont condamnez à mort, comme Cassius Tratius, ou à exil perpetuel, comme Manlius Torquatus son fils Syllanus. Il ya bien eu des loix apres qui enioignent que le pere doit presenter à la iustice ses enfans delinquans, pour les faire chastier, & que le iuge prononcera la sentence telle que le pere voudra, qui est encore vniuersige de l'antiquité, & voulant oster la puissance au pere, ils ne l'osent faire qu'à demy, & non ouuertement. Ces loix posterieures n'approchent de la loy de Moyse qui veut qu'à la seule plainte du pere, faite deuant le iuge, sans autre cognoissance de cause, le fils rebelle & contumax soit lapidé, requerant la presence du iuge, afin que la punition ne se face secretement ou en cholere, mais exemplairement. Et ainsi selon Moyse la puissance paternelle est plus libre & plus grāde, qu'elle n'a esté depuis les Empereurs : mais depuis sous Constantin le Grand, & puis Theodose, finalement sous Iustinien elle a esté presque du tout esteinte. De là est aduenu que les enfans ont appris à refuser à leurs parens obeyssance, leurs biens & leurs se-

cours, & à plaider contre eux: chose honteuse de voir nos Palais pleins de tels procez. Et les en a on dispensez, sous pretexte de deuotion & d'offrande, cōme chez les Iuifs désauparauāt Iesus-Christ Matt. 15. comme il leur reproche: & depuis en la Chrestienté, selon l'opinion d'aucuns, voire les tuer, ou en se defendāt, ou s'ils se rendent ennemis de la republique: combien que iamais il n'y sçauroit auoir assez iuste raison de tuer les parens, *nullum tantum scelus admitti potest à patre, quod sit parricidio vindicandum, nullum scelus rationem habet.*

Or l'on ne sent pas quel mal & preiudice est aduenue au monde, du raualllement & extinction de la puissance paternelle. Les republiques auxquelles elle a esté en vigueur, ont fleury. Si l'on y cognoissoit du danger & du mal, l'on la pourroit aucunement moderer & regler, mais de l'abolir comme elle est, il n'est ny beau, ny honneste, ny expedient, mais bien dommageable, comme nous venons de dire.

Du deuoir reciproque des parens & enfans, voyez liure troisieme chap. 14.

SEIGNEURS ET ESCLAVES,

Maistres & seruiteurs.

CHAP. XLVIII.

L'Usage des esclaves & la puissance des Seigneurs I.
ou Maistres sur eux pleine & absolue, bien Usage
que ce soit chose vſitee par tout le monde & de des esclaves
tout tēps (sauf depuis quatre cens ans qu'elle s'est un-
ſclafchee, mais qui se retourne mettre ius.) si est- uersel &
contre
nature.

elle comme monstrueuse, & honteuse en la nature humaine, & qui ne se trouue point aux bestes, lesquelles ne courent ny ne consentent à la captiuité de leurs semblables, ny actiuement ny passiuemēt. La loy de Moysē l'a permis comme d'autres choses, *ad duritiā cordis eorum*, mais non de telle qu'ailleurs; car ny si grande & absolue, ny perpetuelle, ains modérée & bornée court à sept ans au plus: La Chrestienté la laissée, la trouuant vniuerselle par tout, comme aussi d'obeyr aux Princes & Maistre idolatres, & telles autres choses, qui ne se pouuoient du premier coup & tout hautement esteindre, mais facilement & tout doucement avec le temps les a abolis.

2.

Distinction.

Tacit. de mort.
German.Exod 21.
Deut 15.

Il y en a de quatre sortes naturels, nés d'esclaves; forcés & fait par droit de guerre; iustes, dits de peine à cause de crime, ou debte, dont ils sont esclaves de leurs creanciers, au plus sept ans selon la loy des Iuifs, mais tousiours iusques au payemēt ailleurs; volontaires qui sont de plusieurs sortes, comme ceux qui jouēt à trois dés, ou vendent à pris d'argent leur liberté, comme iadis en Allemagne, & encores maintenant en la Chrestienté mesmes, ou qui se donnent & voient esclaves d'autrui à perpetuité, ainsi que pratiquoient anciennement les Iuifs, qui leur perçoient l'oreille à la porte en signe de perpetuelle seruitude. Et cette sorte de captiuité volontaire est la plus estrange de toutes, & la plus contre nature.

3.

Cause des esclaves.

C'est l'auarice qui est cause des esclaves forcez; & la poltronnerie cause des volontaires: les seigneurs ont esperé plus de gain & de profit à garder qu'à tuer: & de fait la plus belle possession, & le

plus riche bien estoit anciennement des esclaves, Par là Crassus devint le plus riche des Romains, qui avoit outre ceux qui le servoient, cinq cens esclaves, qui rapportoient tous les iours gain & profit de leurs mestiers & arts questuares. Apres en avoir tiré long service & profit, encores en faisoient ils argent en les vendant.

C'est chose estrange de lire les cruautéz exercées par les seigneurs contre les esclaves, par l'approbation mesmes ou permission des loix : il leur faisoient labourer la terre, enchainez comme encores en Barbarie, coucher dedans les creux & fosses, estans venus vieils ou impotens & inutiles, estoient vendus, ou bien noyez & iettez dedans les estangs, pour la nourriture des poissons : non seulement pour vne petite & legere faute, comme casser vn verre, on les tuoit ; mais pour le moindre soupçon, voire tout simplement pour en avoir le passe-temps, comme fit Flaminius l'un des hommes de bien de son temps : Et pour donner plaisir au peuple, ils estoient contrains de s'entretuer publiquement aux arenes : si le maistre estoit tué en sa maison, par qui que ce fust, les esclaves innocens estoient tous mis à mort, tellement que Pedanius Romain estant tué, bien que l'on sceust le meurtrier, si est-ce que par ordonnance du Senat quatre cens esclaves siens furent tuez.

C'est aussi d'autre part chose estrange, d'entendre les rebellions, elevations & cruautéz des esclaves contre les Seigneurs en leur rang, quand ils ont peu, non seulement en particulier par surprinse, trahison, comme vne nuit en la ville de Tyr, mais en bataille rangée par mer & par terre, dont est

4.
Cruautés
des sei-
gneurs,
contre
leurs es-
claves.

5.
Et des
esclaves
auant a
leurs sei-
gneurs.

venu le proverbe, *Autant d'ennemis que d'esclaves.*

6.
Diminution d'esclaves.

Or comme la Religion Chrestienne, & puis la Mahumetane a creu, le nombre des esclaves decru, & la seruitude a relasché, d'autant que les Chrestiens & (puis comme à l'enuie & comme singes) les Mahumetans ont affranchy tous ceux, qui se sont mis de leur religion & estoit le moyen pour les y appeller, tellement qu'environ l'an douze cens, il n'y auoit presque plus d'esclaves au monde, sinon où ces deux religions n'auoient point encore d'autorité.

7.
Accroissement de pauvres & vagabons.

Mais comme le nombre des esclaves a diminué, le nombre des pauvres mendiants & vagabons a creu : car tant d'esclaves affranchis, sortis de la maison & subiection des Seigneurs, n'ayans de quoy viure, & faisans force enfans, le monde a esté remply de pauvres.

8.
Retour à la seruitude.

La pauvreté puis apres les a fait retourner en seruitude : & estre esclaves volontaires, iouians, troquans, vendans leur liberté, afin d'auoir leur nourriture & vie assurée, ou mettre leurs enfans à leur aise. Outre cette cause & cette seruitude volontaire, le monde est retourné à l'usage des esclaves, parce que les Chrestiens & Mahumetans se faisans la guerre sans cesse, & aux Payens, & gentils Orientaux & Occidentaux, bien qu'à l'exemple des Juifs n'ayent point d'esclaves de leur nation, ils en ont des autres nations, lesquelles encores qu'ils se mettent de leur religion, les retiennent toutesfois esclaves par force.

La puissance & autorité des maîtres sur leurs seruiteurs, n'est gueres grâde ny imperieuse, & ne peut aucunement preiudicier à la liberté des serui-

teurs, mais seulement peuvent ils les chastier & corriger avec discretion & moderation. Elle est encores moindre sur les mercenaires, sur lesquels ils n'ont aucun pouuoir, ny correction. *Le deuoir des maistres & seruiteurs est l. c. 15.*

DE L'ESTAT, SOUVERAIN-
neté, & Souuerains,

CHAP. XLIX.

A Pres la puissance priuée, faut venir à la publique de l'estat. L'estat, c'est à dire, la domination, ou bien l'ordre certain en commandant & obeyssant, est l'appuy, le ciment, & l'ame des choses humaines: c'est le lien de la société, qui ne pourroit autrement subsister: c'est l'esprit vital, qui fait respirer tant de milliers d'hommes, & toute la nature des choses.

I.
Descri-
ption &
nécessité
de l'estat.

Or nonobstant que ce soit le soustien de tout, si est-ce chose mal-assurée, tres-difficile, subiette à changemens, *arduum & subiectum fortune cunctare gendi onus*, qui decline, & quelquesfois trebuche par des causes occultes & incognuës, & tout en vn coup de plus haut au plus bas, & non par degrez, comme il auoit demeuré long temps à s'eleuer. Il est aussi exposé à la haine & des grands & des petits, dont il est aguetté, suiet aux embusches & dangers. Ce qui aduient aussi souuent des mœurs mauuaises, des souuerains, & du naturel de la souueraineté, que nous allons dépeindre.

2.
Naturel
del'estat.
Tact.

Souueraineté est vne puissance perpetuelle &

3.
Descri-
ption de
souve-
raineté.

absoluë sans restriction de temps ou de condition: Elle consiste à pouuoir donner loy à tous en general, & à chacun en particulier, sans le consentement d'autrui, & n'en receuoir de personne? Et, comme dit vn autre, à pouuoir déroger au droit ordinaire: la souveraineté est dite telle & absoluë, pour ce qu'elle n'est sujette à aucunes loix humaines ny siennes propres. Car il est contre nature à tous de se donner loy, & commander à soy-mesme en chose qui depende de sa volonté. *Nulla obligatio consistere potest, quæ à voluntate premitentis statim caput*, ny d'autrui, soy viuant, ou de ses predecesseurs, ou du pays, la puissance souveraine est comparée au feu, à la mer, à la beste sauvage, elle est tresmalaisée à dompter & traiter, ne veut point estre desdite, ny heurtée, & l'estant est tres-dangereuse, *potestas res est quæ moneri docerique non vult, & castigationem agrè ferri.*

4.
Ses pro-
prietez.

Ses marques & proprietez font iuger en dernier ressort, ordonner de la paix, & de la guerre, créer & destituer Magistrats & officiers, donner graces, & dispenses contre les loix, imposer tributs, ordonner des monnoyes, receuoir les hommages, Ambassades, sermens: mais tout reuiet & est compris sous la puissance absoluë de donner & faire la loy à son plaisir: l'on en nomme encores d'autres legeres, comme le droit de la mer & du bris, confiscation pour crime de leze Majesté, puissance de changer la langue, tiltre de Majesté.

La grandeur & souveraineté est tant desirée de tous, c'est pource que tout le bien qui y est, paroist dehors, & tout son mal est au dedans: Aussi que commander aux autres est chose tant belle & diuine, tant grande & difficile. Pour ces mesmes rai-

sons sont estimez & reueuez pour plus qu'hômes. Cette creance est vtile pour extorquer des peuples le respect & obeyssance nourrice de paix, & de repos. Mais en fin ce sont hommes iettez & faits au moule des autres, & assez souuent plus mal nez & mal partagez de nature que plusieurs du cômun: il semble que les actions, pource qu'elles sont de grands poids & importance, soient aussi produites par causes pesantes & importantes, mais il n'en est rien, c'est par mesme ressort que celles du cômun. La mesme raison qui nous fait tancer avec vn voisin, dresse entre les Princes vne guerre, celle qui fait foïetter vn laquay, tombant en vn Roy, fait ruiner vne Prouince. Ils veulent aussi legerement que nous, mais ils peuuent plus que nous, pareils appetits agitet vne mouche & vn Elephât. Au reste outre les passions, defauts & conditions naturelles, qu'ils ont communes avec le moindre de ceux qui les adorent, il ont encores des vices & des incommoditez, que la grandeur & souueraineté leur apporte, dont ils leur sont peculiers.

Les mœurs ordinaires des grands sont, orgueil indomptable, *durus & veri insolens, ad recta flecti regius non vult tumor*: violence trop licentieuse, *id esse regni maximum pignus putant, si quicquid alijs non licet, solis licet: quod non potest vult posse qui nimium potest*, leur mot fauorit, est *quod libet licet*, soupçon, jalousie, *suapte, natura, potentia anxij*, voire iusques à leurs enfans, *suspectus semper inuisusque dominantibus quisquis proximus destinatur, adeo ut displiceant etiam civilia filiorum ingenia*: d'où vient qu'ils sont souuent en allarme & en crainte, *ingenia regnum prona ad fermidinem*.

6.

Mœurs
des sou-
uerains.
Senec.

Tacit.

8.

Leurs
miseres
& in-
commo-
ditez.

Les aduantages des Roys & des Princes Souuerains par dessus le peuple, qui semblent si grands & éclatans sont en verité bien legers & quasi imaginaires : mais ils sont bien payez par des grands vrays & solides desaduantages & incommoditez. Le nom & tiltre de souuerain, la monstre, le dehors est beau, plaisant, & ambitieux, mais la charge & le dedans est dur, difficile & bien espineux. Il y a del'honneur, mais peu ou point de repos & de ioye, c'est vne publique & honorable seruitude, vne noble misere, vne riche captiuité, *Aurea, & fulgide compedes, clara miseria*, tesmoin ce qu'en ont dit & fait Auguste, Marc Aurele, Pertinax, Diocletian; & la fin qu'ont fait presque tous les douze premiers Cefars, & tant d'autres apres eux. Mais pource que peu croyent cecy, & se laissent deuoir à la belle mine, ie veux plus particulièrement coter les incommoditez & miseres, qui accompagnent les souuerains.

I.

En leur
charge.

Premierement, la difficulté grande de bien iouer leur roolle, & s'acquitter de leur charge, car que doit-ce estre que de reigler tant de gens, puis qu'à reigler soy-mesme il y a tant de difficulté? Il est bien plus aisé & plus plaisant de suiure que de guider: n'auoir à tenir qu'une voye toute tracée que la tracer, à obeyr qu'à commander: respondre de soy seul que des autres encorés, *ut satius multo iam sit parere quietum, quam regere imperio pes velle*. Ioint qu'il semble requis que celuy qui commande soit meilleur que ceux à qui il commande, ce disoit ce grand commandeur Cyrus; Cette difficulté se montre par la rareté, tât peu sont tels qu'ils doiuent estre. Vespasien a esté seul, dit Tacite, de ses predecesseurs

cesseurs qui s'est rendu meilleur, & selon le dire d'un ancien, tous les bons Princes se pourroient bien grauer en vn anneau.

Secondement, aux voluptez & plaisirs, dont on pense qu'ils ont bien meilleure part que les autres. Ils y sont certes de pire cōdition que leurs priuez, car outre que ce lustre de grandeurs les incommode à la iouissance de leurs plaisirs, à cause qu'ils sont trop éclairez, & trop en butte & en eschec, ils sont contreroollez & espiez iusques à leurs pēsees, que l'on veut deuiner & iuger. Encores la grāde aisance facilité de faire ce qu'il leur plaist, tellement que tout ploye souz eux, oste le goust & l'aigte-douce pointe, qui doit estre aux plaisirs, lesquels ne resjouyssent que ceux qui les goustent, & rarement, & avec quelque difficulté, qui ne donne loisir d'auoir soif, ne sçauoir auoir plaisir à boire: la satieté est ennuyeuse & fait mal au cœur.

Pinguis amor nimiumque potens in tadia nobis

Vertitur: & stomacho dulcis ut esca nocet.

Il n'est rien si empeschant & si degousté que l'ambondāce: voire ils sont priuez de toute vraye & viue action, qui ne peut estre sans quelque difficulté & resistance: ce n'est pas aller, viure, agir à eux, c'est sommeiller & comme insensiblement glisser.

Le troisieme chef de leurs incommoditez est au mariage: les mariages populaires sont plus libres & volontaires, faits avec plus d'affection, de franchise & de contentement. Vne raison de cecy peut estre que les populaires trouuent plus de partis de leur sorte à choisir, les Roys & Princes qui ne sont pas en foule, comme on sçait, n'ont pas beaucoup à choisir. Mais l'autre raison est meilleure, qui est que

9.
Aux plaisirs & actions de la vie.

10.
En leurs mariages.

les peuples en leurs mariages ne regardent qu'à faire leurs affaires & s'accommoder : les mariages des Princes sont souvent forcez par la necessity publique ; sont pieces grandes de l'estat & outils servans au bien & repos general du monde. Les grâds & Souverains ne se marient pas pour eux memes, mais pour le bien de l'Estat duquel ils doiuent estre plus amoureux & jaloux que de leurs femmes & enfans. A cause dequoy il faut souvent qu'ils entendent à des mariages, où n'y a amour ny plaisir, & se font entre personnes qui ne se cognoissent & ne se virent jamais, & ne se portent aucune affection, voire tel grand prend vne grande, que s'il estoit moindre il ne la voudroit pas, mais c'est pour servir au public, pour affermer leurs estats & mettre en repos les peuples.

II.
4. Essais
d'hon-
neur.

Le quatriesme est, qu'ils n'ont aucune vraye part aux essais que les hommes font les vns contre les autres par jalousie d'honneur & de valeur aux exercices de l'esprit ou du corps, qui est vne des plus plaisantes choses qui soit au commerce des hommes. Cela vient que tout le monde leur cede, tous l'esparignent & aiment mieux celer leur valeur, & trahir leur gloire, que de heurter & offenser celle de leur Souverain, s'ils cognoissent qu'il aye affection à la victoire. C'est à la verité par force de respect les traiter desdaigneusement & injurieusement, dont disoit quelqu'un, que les enfans des Princes n'apprennent rien à droit, qu'à manier chevaux, pource qu'en tout autre exercice, chacun fléchit sous eux, & leur donne gaigné : mais le cheual, qui n'est ny flatteur ny courtisan met aussi bien par terre le Prince, que son escuyer.

Plusieurs grands ont refusé des loüanges & approbations offertes disans, Je les estimerois, accepterois & m'en ressentirois, si elles partoient de gens libres qui osassent dire le contraire & me taxer aduenant subiet de le faire.

Le cinquième est, qu'ils sont priuez de la liberté d'aller & voyager par le monde, estés comme prisonniers en leurs pays, voire dans leurs Palais mesmes, comme enuoloppez de gens, de parleurs & regardans, & ce par tout où ils sont, en toutes leurs actions, voire iusques à leur chaire percée, dont le Roy Alphonse disoit, qu'en cela les asnes estoient de meilleure condition que les Roys.

12.
s. Priu-
tion de
voyage.

Le sixiesme chef de leurs miseres & qu'ils sont priuez de toute amitié & société mutuelle, qui est le plus doux & le plus parfait fruit de la vie humaine, & ne peut estre qu'entre pareils ou presque pareils. La disparité si grande les met hors du commerce des hommes, tous ces seruices, humiliez & bas offices, leur sont rendus par ceux qui ne les peuuent refuser, & ne viennent d'amitié, mais de subiection, ou pour s'agrandir, ou par coustume & contenance, tesmoin que les meschans Roys sont aussi bien seruis, reuerrez, que les bons; les haïs que les aymez; on n'y cognoist rien, mesme appareil, mesme ceremonie; dont respondit l'Empereur Iulian à ses courtisans qui le loüoient de sa bonne iustice. Je m'orgueillirois parauanture de ces loüanges, si elles estoient dites de gens qui osassent accuser, & vituperer mes actions contraires quand elles y seroient.

13.
De mu-
tuelle &
cordiale
amitié.

Le septième point de leurs miseres pire, pentestre, que tous, & plus pernicious au public, est qu'ils

14. **Ignorance des choses & captivité.** ne sont point libres au choix des personnes, ny en la science vraye des choses. Il ne leur est permis de sçauoir au vray l'estat des affaires, ny de cognoistre, & par ainsi n'y employer & appeller tels qu'ils voudroient bien, & seroit bien requis. Ils sont enfermez & assiegez de certaines gés, qui sont ou de leur sang propre, ou qui pour la grandeur de leurs maisons, & offices, ou par prescription, sont si auant en autorité, force & maniement des affaires, qu'il n'est loisible sans mettre tout au hazard, les mescontenter, reculer, ou mettre en jalousie. Or ces gens là qui couurent & tiennent cōme caché le Prince, empeschent que toute la verité des choses ne luy apparaisse, & qu'autres meilleurs & plus vtils ne s'en approchent, & ne soient cognus ce qu'ils sōt: c'est pitié que de voir que par les yeux & n'entendre que par les oreilles d'autrui, comme font les Princes. Et ce qui acheue de tous points cette misere, c'est qu'ordinairement & comme par vn dessein, les Princes & grands sont possédez par trois sortes de gens, pestes du genre humain, Flatteurs, Inuêteurs d'impôts, Delateurs, lesquels sous beau & faux pretexte de zele & amitié enuers le Prince comme les deux premiers, ou de prou-d'homme & reformation, comme les derniers, gastent & ruinent & le Prince & l'Etat.

La huitième misere est qu'ils sont moins libres & maistres de leurs volōtez que tous autres, car ils sont forcez en leurs procedures, par mille considérations & respects, dont il faut souuent qu'ils captiuent leurs desseins, desirs & volonte, *in maxima fortuna minima licentia*. Et cependant au lieu d'estre plaints, ils sont plus rudement traitez & iugé, que

tous autres : car l'on veut deviner leurs desseins, penetrer dedans leurs cœurs & intentions, ce que ne pouvant, *Abditos Principis sensus & si quid occultius parat exquirere illicitum anceps nec ideo assequare*, & regardant les choses par autre visage, ou n'entendant assez aux affaires d'Estat, requierent de leurs Princes ce qui leur semble qu'ils doiuent, blasment leurs actions ; ne veulent souffrir d'eux ce qui est necessaire & leur font le procez bien rudement.

Finale-
ment, il aduient souuent qu'ils font vne fin totalement miserable, non seulement les tyrans & usurpateurs, cela leur appartient, mais encores les vrais titulaires, tesmoin tant d'Empereurs Romains apres Pompée le Grand, & Cesar, & de nos jours Marie Roynie d'Escoffe passée par main de bourreau, & Henry III. assassiné au milieu de quarante mille hommes armez, par vn petit moine, & mille tels exemples. Il semble que comme les orages & tempestes se piquent contre l'orgueil & hauteur de nos bastimens, il y aye aussi des esprits enuieux des grandeurs de çà bas.

*Vsq̃ue adeò res humanas vis abdita quædam
Obterit, & pulchros fasces seu àsq̃ue secures
Proculcare, ac ludibrio sibi habere videtur.*

Bref, la condition des souuerains est dure & dangereuse : leur vie pour estre innocente est infiniment laborieuse, si elle est meschante, ils sont à la haine & médifance du monde : & en tous les deux cas, ils sont exposez à mille dangers : car plus grand est le Seigneur, & moins se peut il fier, & plus luy faut-il se fier : Voila pourquoy c'est chose comme annexee à la souveraineté d'estre trahie.

MAGISTRATS.

CHAP. L.

1.
Distinction.

IL y a grãde distinction & diuers degrez de Magistrats tant en hõneur qu'en puissance, qui sont les 2. choses cõsiderables pour les distinguer, & qui n'ont rien de commun ensemble: & souuent ceux qui sont les plus honorez ont moins de puissance, comme Conseiller du priuẽ Conseil, Secretaires d'Estat. Aucuns n'ont que l'vn des deux: autres tous les deux; & de tous diuers degrez, mais sont proprement dits Magistrats qui ont tous les 2.

2. Les Magistrats qui sont metoyens entre le souverain & les particuliers, en la presence de leur souverain n'ont point puissance de commander. Comme les fleuves perdent leur nom & puissance à l'emboucheure de la mer, & les Astres en la presẽce du Souuerain: cõme aussi la puissance des Magistrats est tenuẽ en souffrance en la presence du Souuerain: comme aussi la puissance des Magistrats inferieurs & subalternes en la presence des superieurs. Entre esgaux n'y a point de puissance ou de superioritẽ, mais les vns peuuent empescher les autres par opposition & preuention.

3. Tous Magistrats iugent, condamnent & commandent, ou selon la loy, & lors leur sentence n'est qu'exécution de la loy, ou selon l'equitẽ, & tel iugement s'appelle, le deuoir ou office de Magistrat,

4. Les Magistrats ne peuuent changer ny corriger leurs iugements, si le Souuerain ne le permet sup

peine de faux : ils peuvent bien reuoquer leurs mandemens ou les soustenir, mais ils ne peuvent reuoquer ce qu'ils ont iugé, & prononcé avec connoissance de cause.

LEGISLATEURS, DOCTEURS,
Instrueteurs.

CHAP. LI.

C'Est vne des vanitez & folies de l'homme de prescrire des loix & des regles qui excedent l'usage & la forme humaine, comme aucuns Philosophes & Docteurs font: Ils proposent des Images de vie releuees, ou bien difficiles & austeres, que la prattique en est impossible, au moins pour long-temps, voire l'essay en est dangereux à plusieurs: ce sont des peintures en l'air, comme les Repub. de Platon & de Morus, l'Orateur de Ciceron, le Poëte d'Horace, belles & excellentes imaginations, mais cherchez qui les mettra en usage. Le souverain & parfait Legislatent & Docteur s'est bien gardé de cela, lequel & en soy-mesme, sa vie & sa doctrine, n'a point cherché ces extrauagances & formes esloignees de la commune portee & capacité humaine, dont il appelle son ioug & sa tasche douce & aisee, *iugum meum suauis, & onus meum leue*. Et ceux qui ont dressé leur compagnie sous son nom: ont tres-prudemment auisé que bié qu'ils facét profession singuliere de vertu, deuotiō, & de seruir au public sur tous autres, neâtmoins ils ont trespeu de difference de la vie commune & ciuile. Or premierement y a en cecy de l'iniustice, car il faut garder

proportion entre le commandement & l'obéissance, le deuoit & le pouuoir, la reigle & l'ouurier : & ceux-cy s'obligent & les autres à estre necessairement en faute, taillans à escient de la besongne plus qu'ils n'en sçauroient faire : & souuent ces beaux faiseurs de regle sont les premiers moqueurs, car ils ne fût rien, & souuent tout au rebours de ce qu'ils enioignent aux autres à la Pharisaïque ; *imponunt onera grauiā, & nolūt ea digito mouere*. Ainsi font quelques Medecins & Theologiens : le monde vit ainsi, l'on instruit, l'on enioint de suiure certaines regles & preceptes, & les hōmes en tiennēt d'autres, non seulement par desreglement de vie & de mœurs, mais souuent par opinion & iugement contraire.

2. Encores vne autre faute pleine d'iniustice, sont beaucoup plus scrupuleux, exacts & rigoureux aux choses libres & accidentales, qu'aux necessaires & substanciellles aux positives & humaines, qu'aux naturelles & diuines, ressemblants à ceux qui veulent bien prester, mais non payer leurs debtes le tout à la Pharisaïque, comme leur crie & reproche le grand Docteur celeste, tout cela est hypocrisie & mocquerie.

PEUPLE OV VULGAIRE.

CHAP. LII.

LE peuple (nous entendons icy le vulgaire, la tourbe & lie populaire, gés sous quelque couuert que ce soit, de basse, seruite & mecanique condition) est vne beste estrange à plusieurs testes & qui ne se peut bien descrire en peu, de mots, in-

constant & variable sans arrest non plus que les vagues de la mer, il s'esmeut, il s'accoise, il approuve & reprouve en vn instant mesme chose, il n'y a rien plus aisé que le pousser en telle passion que l'on veut: il n'ayme la guerre pour sa fin, ny la paix pour le repos, sinon entant que de l'un à l'autre il y a toujours du changement: La confusion luy fait desirer l'ordre, & quand il y est, luy desplaist. Il court toujours d'un contraire à l'autre, de tous les temps le seul futur le repaist, *hi vulgi mores odisse praesentia, ventura cupere, praeterita celebrare.*

Leger à croire, recueillir & ramasser toutes nouvelles, sur tout les fascheuses tenant tous rapports pour veritables & assurez: avec vn sifflet ou sonnette de nouveauté l'on assemble comme les mouches au son du bassin.

Sans iugement, raison, discretion: son iugement & sa sagesse, trois dez & l'auenture, il iuge brusquement & à l'estourdie de toutes choses, & tout par opinion, ou par coustume, ou par plus grand nombre, allant à la file comme les moutons qui courent apres ceux qui vont deuant, & non par raison & verité. *Plebi non iudicium, non veritas: ex opinione multa, ex veritate pauca indicat.*

Tacitus.
Cicero.

Enuieux & malicieux, ennemy des gens de bien, contempteur de vertu, regardant de mauvais œil le bon-heur d'autrui, fauorisant au plus foible & au plus meschant, & voulant mal aux gens d'honneur, sans sçauoir pourquoy, sinõ pour ce que sont gens d'honneur, & que l'on en parle fort, & en bien.

Peu loyal & veritable; amplifiant le bruit, encherissant sur la verité, & faisant toujours les choses plus grandes qu'elles ne sont, sans foy ny tenue.

La foy d'un peuple & la penſee d'un enfant ſont de meſme duree, qui change non ſeulement ſelon que les intereſts changent, mais auſſi ſelon la difference des bruits, que chaque heure du iour peut apporter.

6.

ſaluſt.

Mutin ne demandant que nouveauté, querement, ſeditieux, ennemy de paix & de repos, *ingenio mobili, ſeditioſum, diſcordioſum, cupidum rerū novarum, quieti & otio aduerſum*, ſur tout quand il rencontre un chef: car lors ne plus ne moins que la mer bonnaſſe de nature, ronfle, eſcume & fait rage, agitée de la fureur des vents: ainſi le peuple ſ'enfle, ſe hauſſe & ſe rend indomptable: oſtez luy les chefs, le voila abbatu, eſſarouché & demeuré tout planté d'eſſroy, *ſine rectore præceps, pauidus, ſocors: nil auſura plebs principibus amotis.*

Tacit.

7.

Souſtient & fauoriſe les broüillons & remueurs de meſnage, il eſtime modeſtie poltronnerie, prudence lourdiſe, au contraire il donne à l'impetuofité bouillante le nom de valeur & de force: préfere ceux qui ont la teſte chaude & les mains fretillâtes à ceux qui ont le ſens raſſis & qui peſent les affaires, les vanteurs & babillars aux ſimples & retenus.

8.

Ne ſe ſoucie du public ny de l'hôneſteté, mais ſeulement du particulier, & ſe pique ſordidement pour le profit. *Privata cuique ſtimulatio, vile decus publicum.*

Tacit.

Touſiours gronde & murmure contre l'Eſtat, tout bouffi de médifance & propos inſolens contre ceux qui gouvernent & commandent. Les petits & pauvres n'ont autre plaifir, que de meſdire des grands & des riches, non avec raiſon, mais par enuie, ne ſont iamais contents de leurs gouverneurs & de l'Eſtat preſent.

Mais il n'a que le bec, langues, qui ne cessent, esprits qui ne bougent, monstrent duquel toutes les parties ne sont que l'âgues qui de tout parle & rien ne sçait, qui tout regarde & rien ne voit, qui rit de tout & de tout pleure, prest à se mutiner & rebeller, & non à combattre: son propre est d'essayer plutôt à se couer le ioug qu'à bien grader sa liberté, *procacia plebis ingenia, impigra lingua, ignavi animi.* 10.

Ne sçachant iamaïs tenir mesure, ny garder vne mediocrité honneste: ou tres-basement & vilement il sert d'esclau, ou sans mesure il est insolent & tyranniquement il domine: il ne peut souffrir les mors doux & temperé, ny iouyr d'une liberté reglée, court tousiours aux extremités, trop se fiant ou mesfiant, trop d'esperoir ou de crainte. Ils vous feront peur si vous ne leur en faites; quand ils sont effrayez vous les baffouez & leur sautez à deux pieds sur le ventre, audacieux & superbes si on ne leur monstre le baston, dont est le Prouerbe, oins-le, il te poindra, poins-le il t'oindra, *nil in vulgo modicum, terrere in paucant, ubi periculum impune contemni: abdacia turbidum nisi vim metuat, aut seruit humiliter, aut superbe dominatur: libertatem, quæ mediæ, nec spernere nec habere.*

Tresingrat enuers ses bien-faïcteurs. La recompense de tous ceux qui ont bien merité du public, a tousiours esté vn bannissement, vne calomnie, vne conspiration, la mort. Les histoires sont celebres de Moyse & tous les Prophetes, de Socrates, Aristides, Phocion, Licurgus, Demosthene, Themistocles: & la Verité a dit qu'il n'en eschappoit pas vn de ceux qui procuroient le bien & le salut du peuple: & au contraire il chérit ceux qui l'opri-

Tacit.
Salust.

II.

Tacitus.
Lilius.

12.

Marius I

ment il craint tout, admire tout.

13.

Bref, le vulgaire est vne beste sauvage, tout ce qu'il pense n'est que vanité, tout ce qu'il dit est faux & erronné, ce qu'il reprouue est bon, ce qu'il ap-

Senec.

prouue est mauuais, ce qu'il loue est infame, ce qu'il fait & entreprend n'est que folie, *non tam bene cum rebus humanis geritur, ut meliora pluribus placeant: argumentum pessimi turba est*, la tourbe populaire est

mere d'ignorance; iniustice, inconstance, idolatre de vanité, à laquelle vouloir plaire ce n'est iamais

li. 2. c. 2.

fait: c'est son mot, *vox populi, vox Dei*, mais il faut dire *vox populi, vox stultorum*. Or le commencement de sagesse est se garder net, & ne se laisser emporter aux opinions populaires. Cecy est pour le second liure que nous approchons.

QUATRIESME DISTINCTION

& difference des hommes, tiree de leurs diuerses professions & conditions de vie.

PREFACE.

VOicy vne autre differéce des hommes tiree de la diuersité de leurs professions, conditions, & genres de vie: les vns suivent la vie civile & sociale, les autres la fuyent pour se sauuer en la solitude; les vns aimét les armes, les autres les haissent: les vns vivent en commun, les autres en propriété, les vns se plaisent d'estre en charge & mener vie publique, les autres se cachent & demeurét priuez; les vns sont courtisans & du tout à autrui, les autres ne courtisent qu'eux mesmes, les vns se tiennent és villes, les autres aux champs, aimans la vie

rustique. Qui fait mieux & quelle vie est à préférer, il est difficile à dire promptement, & peut-être impertinent, toutes ont leurs avantages, & des avantages, leurs biens & leurs maux. Ce qui est plus à voir & considérer en ce cy, comme sera dit, c'est que chacun sçache bien choisir selon son naturel, pour & plus facilement & plus heureusement s'y comporter. Mais nous dirons vn petit mot de chacune en les comparāt ensemble: mais ce sera apres auoir parlé de la vie commune à tous, qui a trois degrez.

*Distinction & comparaison des trois sortes
de degrez de vie.*

CHAP. LIII. !

IL y a trois sortes de vie, cōme trois degrez: l'vne priuee d'vn chacun au dedans, & en la poitrine, où tout est caché, tout est loisible: la seconde en la maison & famille, en ses actions priuees & ordinaires, où n'y a point d'estude n'y d'artifice, desquelles nous n'auons à rendre conte: la tierce est publique aux yeux du monde. Or tenir l'ordre & regle en ce premier estage bas & obscur, est bien plus difficile & plus rare qu'aux deux autres, & au second qu'au tiers; la raison est qu'où n'y a point de Iuge, de controolleur, de regardant, & ou nous n'imaginons point de peine ou recompense, nous nous portons bien plus laschement & nonchalemment, comme aux vies priuées, ou la conscience & la raison seule nous guide, qu'aux publiques, ou nous sommes en eschec & en butte aux yeux & iugement de tous, ou la gloire, la crainte du reproche de mauuaïse reputation, ou quelque autre

les peuples en leurs mariages ne regardent qu'à faire leurs affaires & s'accommoder : les mariages des Princes sont souvent forcez par la necessity publique ; sont pieces grandes de l'estat & outils servans au bien & repos general du monde. Les grâds & Souverains ne se marient pas pour eux memes, mais pour le bien de l'Estat duquel ils doiuent estre plus amoureux & jaloux que de leurs femmes & enfans. A cause dequoy il faut souvent qu'ils entendent à des mariages, où n'y a amour ny plaisir, & se font entre personnes qui ne se cognoissent & ne se virent jamais, & ne se portent aucune affection, voire tel grand prend vne grande, que s'il estoit moindre il ne la voudroit pas, mais c'est pour servir au public, pour assseurer leurs estats & mettre en repos les peuples.

II.
4. Essais
d'hon-
neur.

Le quatriesme est, qu'ils n'ont aucune vraye part aux essais que les hommes font les vns contre les autres par jalousie d'honneur & de valeur aux exercices de l'esprit ou du corps, qui est vne des plus plaisantes choses qui soit au commerce des hommes. Cela vient que tout le monde leur cede, tous l'espargnent & aiment mieux celer leur valeur, & trahir leur gloire, que de heurter & offenser celle de leur Souverain, s'ils cognoissent qu'il aye affection à la victoire. C'est à la verité par force de respect les traiter desdaigneusement & injurieusement, dont disoit quelqu'un, que les enfans des Princes n'apprennent rien à droit, qu'à manier chevaux, pource qu'en tout autre exercice, chacun fléchit sous eux, & leur donne gaigné : mais le cheval, qui n'est ny flatteur ny courtisan met aussi bien par terre le Prince, que son escuyer.

Plusieurs grands ont refusé des loüanges & approbations offertes disans, Je les estimerois, accepterois & m'en ressentirois, si elles partoient de gens libres qui osassent dire le contraire & me taxer aduenant subiet de le faire.

Le cinquième est, qu'ils sont priuez de la liberté d'aller & voyager par le monde, estâs comme prisonniers en leurs pays, voire dans leurs Palais mesmes, comme enuoloppez de gens, de parleurs & regardans, & ce par tout où ils sont, en toutes leurs actions, voire iusques à leur chaire percée, dont le Roy Alphonse disoit, qu'en cela les asnes estoient de meilleure condition que les Roys.

12.

5. Priuation de voyage.

Le sixiesme chef de leurs miseres & qu'ils sont priuez de toute amitié & societé mutuelle, qui est le plus doux & le plus parfait fruit de la vie humaine, & ne peut estre qu'entre pareils ou presque pareils. La disparité si grande les met hors du commerce des hommes, tous ces seruices, humiliez & bas offices, leur sont rendus par ceux qui ne les peuvent refuser, & ne viennent d'amitié, mais de subiection, ou pour s'agrandir, ou par coustume & contenance, tesmoin que les meschans Roys sont aussi bien seruis, reuerrez, que les bons; les hais que les aymez; on n'y cognoist rien, mesme appareil, mesme ceremonie; dont respondit l'Empereur Iulian à ses courtisans qui le loüoient de sa bonne iustice. Je m'orgueillirois parauanture de ces loüanges, si elles estoient dites de gens qui osassent accuser, & vituperer mes actions contraires quand elles y seroient.

13.

De mutuelle & cordiale amitié.

Le septième point de leurs miseres pire, pentestre, que tous, & plus pernicious au public, est qu'ils

14. **Ignoran-** ne sont point libres au choix des personnes, ny
ce des en la science vraye des choses. Il ne leur est permis
choses & de sçauoir au vray l'estat des affaires, ny de co-
captiui- gnoistre, & par ainsi n'y employer & appeller tels
té. qu'ils voudroient bien, & seroit bien requis. Ils
 sont enfermez & assiegez de certaines gés, qui sont
 ou de leur sang propre, ou qui pour la grandeur de
 leurs maisons, & offices, ou par prescription, sont
 si auant en autorité, force & maniement des affai-
 res, qu'il n'est loisible sans mettre tout au hazard,
 les mescontenter, reculer, ou mettre en jalousie.
 Or ces gens là qui couurent & tiennent cōme ca-
 ché le Prince, empeschent que toute la verité des
 choses ne luy apparaisse, & qu'autres meilleurs &
 plus vtils ne s'en approchent, & ne soient cognus
 ce qu'ils sōt: c'est pitié que de voir que par les yeux
 & n'entendre que par les oreilles d'autrui, comme
 font les Princes. Et ce qui acheue de tous points
 cette misere, c'est qu'ordinairement & comme par
 vn dessein, les Princes & grands sont possédez par
 trois sortes de gens, pestes du genre humain, Flat-
 teurs, Inuêteurs d'impôts, Delateurs, lesquels sous
 beau & faux pretexte de zele & amitié enuers le
 Prince comme les deux premiers, ou de preu-
 d'homme & reformation, comme les derniers,
 gastent & ruinent & le Prince & l'Etat.

La huitième misere est qu'ils sont moins libres
 & maistres de leurs volōtez que tous autres, car ils
 sont forcez en leurs procedures, par mille conside-
 ratiōs & respects, dont il faut souuent qu'ils capti-
 uent leurs desseins, desirs & volonteiz, *in maxima*
fortuna minima licentia. Et cependant au lieu d'estre
 pleints, ils sont plus rudement traitez & iugé, que

tous autres : car l'on veut deviner leurs desseins, penetrer dedans leurs cœurs & intentions, ce que ne pouvant, *Abditos Principis sensus & si quid occultius parat exquirere illicitum anceps nec ideo assequare*, & regardant les choses par autre visage, ou n'entendant assez aux affaires d'Estat, requierent de leurs Princes ce qui leur semble qu'ils doiuent, blasment leurs actions ; ne veulent souffrir d'eux ce qui est nécessaire & leur font le procez bien rudement.

Finale-
ment, il aduient souuent qu'ils font vne
fin totalement miserable, non seulement les tyrans
& usurpateurs, cela leur appartient, mais encores
les vrais titulaires, tesmoin tant d'Empereurs Ro-
mains apres Pompée le Grand, & Cesar, & de nos
jours Marie Royné d'Escoffe passée par main de
bourreau, & Henry III. assassiné au milieu de qua-
rante mille hommes arméz, par vn petit moine, &
mille tels exemples. Il semble que comme les ora-
ges & tempestes se piquent contre l'orgueil &
hauteur de nos bastimens, il y aye aussi des esprits
enueux des grandeurs de çà bas.

*Vsq̃ue adeò res humanas vis abdita quadam
Obterit, & pulchros fasces seu àsq̃ue secures
Proculcare, ac ludibrio sibi habere videtur.*

Bref, la condition des souuerains est dure & 17.
dangereuse : leur vie pour estre innocente est in-
finiment laborieuse, si elle est meschante, ils sont
à la haine & médifance du monde : & en tous
les deux cas, ils sont exposez à mille dangers : car
plus grand est le Seigneur, & moins se peut il fier,
& plus luy faut-il se fier : Voila pourquoy c'est
chose comme annexée à la souueraineté d'estre
trahie.

16.
Fin misé-
rable.

17.
Conclu-
sion de
leurs tri-
stes.

MAGISTRATS.

CHAP. L.

1.
Distinction.

IL y a grãde distinction & diuers degrez de Magistrats tant en hõneur qu'en puissance, qui sont les 2. choses cõsiderables pour les distinguer, & qui n'ont rien de commun ensemble: & souuent ceux qui sont les plus honorez ont moins de puissance, comme Conseiller du priuẽ Conseil, Secretaires d'Estat. Aucuns n'ont que l'un des deux: autres tous les deux; & de tous diuers degrez, mais sont proprement dits Magistrats qui ont tous les 2.

2. Les Magistrats qui sont metoyens entre le Souuerain & les particuliers, en la presẽce de leur Souuerain n'ont point puissance de commander. Comme les fleuues perdent leur nom & puissance à l'emboucheure de la mer, & les Astres en la presẽce du Souuerain: cõme aussi la puissance des Magistrats est tenuẽ en souffrance en la presẽce du Souuerain: comme aussi la puissance des Magistrats inferieurs & subalternes en la presẽce des superieurs. Entre esgaux n'y a point de puissance ou de superioritẽ, mais les vns peuuent empescher les autres par opposition & preuention.

3. Tous Magistrats iugent, condamnent & commandent, ou selon la loy, & lors leur sentence n'est qu'exẽcution de la loy, ou selon l'equitẽ, & tel iugement s'appelle, le deuoir ou office de Magistrat.

4. Les Magistrats ne peuuent changer ny corriger leurs iugements, si le Souuerain ne le permet luy

peine de faux : ils peuvent bien reuoquer leurs mandemens ou les soustenir, mais ils ne peuvent reuoquer ce qu'ils ont iugé, & prononcé avec cognoissance de cause.

LEGISLATEURS, DOCTEURS,
Instructeurs.

CHAP. LI.

C'Est vne des vanitez & folies de l'homme de prescrire des loix & des regles qui excedent l'usage & la forme humaine, comme aucuns Philosophes & Docteurs font: Ils proposent des Images de vie releuees, ou bien difficiles & austeres, que la prattique en est impossible, au moins pour long-temps, voire l'essay en est dangereux à plusieurs: ce sont des peintures en l'air, comme les Repub. de Platon & de Morus, l'Orateur de Ciceron, le Poëte d'Horace, belles & excellentes imaginations, mais cherchez qui les mettra en usage. Le souverain & parfait Legislatent & Docteur s'est bien gardé de cela, lequel & en soy-mesme, sa vie & sa doctrine, n'a point cherché ces extrauagances & formes esloignées de la commune portee & capacité humaine, dont il appelle son ioug & la tasche douce & aisée, *iugum meum suauē, & onus meum leue*. Et ceux qui ont dressé leur compagnie sous son nom: ont tres-prudemēt auisé que biē qu'ils facēt profession singuliere de vertu, deuotiō, & de seruir au public sur tous autres, neātmoins ils ont trespeu de difference de la vie commune & ciuile. Or premierement y a en cecy de l'iniustice, car il faut garder

proportion entre le commandement & l'obeïſſance, le deuoir & le pouuoir, la reigle & l'ouurier : & ceux-cy s'obligent & les autres à eſtre neceſſairement en faute, taillans à eſciant de la beſongne plus qu'ils n'en ſçauroient faire : & ſouuent ces beaux faiſeurs de regle ſont les premiers moqueurs, car ils ne fôrent rien, & ſouuent tout au rebours de ce qu'ils enioignent aux autres à la Pharifaique ; *Imponunt onera grauiâ, & nolunt ea digito mouere.* Ainſi ſont quelques Medecins & Theologiens : le monde vit ainſi, l'on inſtruit, l'on enioint de ſuiure certaines regles & preceptes, & les hômes en tiennét d'autres, non ſeulement par deſreglement de vie & de mœurs, mais ſouuent par opinion & iugement contraire.

2. Encores vne autre faute pleine d'iniuſtice, ſont beaucoup plus ſcrupuleux, exacts & rigoureux aux choſes libres & accidentales, qu'aux neceſſaires & ſubſtanciellés aux poſitiues & humaines, qu'aux naturelles & diuines, reſſemblants à ceux qui veulent bien preſter, mais non payer leurs debtes le tout à la Pharifaique, comme leur crie & reproche le grand Docteur celeſte, tout cela eſt hypocriſie & mocquerie.

PEUPLE OV VULGAIRE.

CHAP. LII.

LE peuple (nous entendons icy le vulgaire, la tourbe & le populaire, gés ſous quelque couuert que ce ſoit, de baſſe, ſeruite & mecanique condition) eſt vne beſte eſtrange à pluſieurs teſtes & qui ne ſe peut bien deſcrire en peu, de mots, in-

constant & variable sans arrest non plus que les vagues de la mer, il s'esmeut, il s'accoise, il approuve & reprouve en vn instant mesme chose, il n'y a rien plus aisé que le pousser en telle passion que l'on veut: il n'ayme la guerre pour sa fin, ny la paix pour le repos, sinon entant que de l'un à l'autre il y a tousiours du changement: La confusion luy fait desirer l'ordre, & quand il y est, luy desplaist. Il court tousiours d'un contraire à l'autre, de tous les temps le seul futur le repaist, *hi vulgi mores odisse praesentia, ventura cupere, praeterita celebrare.*

Leger à croire, recueillir & ramasser toutes nouvelles, sur tout les fascheuses tenant tous rapports pour veritables & assurez: avec vn sifflet ou sonnette de nouveauté l'on assemble comme les mouches au son du bassin.

Sans iugement, raison, discretion: son iugement & sa sagesse, trois dez & l'auenture, il iuge brusquement & à l'estourdie de toutes choses, & tout par opinion, ou par coustume, ou par plus grand nombre, allant à la file comme les moutons qui courent apres ceux qui vont deuant, & non par raison & verité. *Plebi non iudicium, non veritas: ex opinione multa, ex veritate pauca indicat.*

Tacitus.
Cicero.

Enuieux & malicieux, ennemy des gens de bien, contempteur de vertu, regardant de mauuais œil le bon-heur d'autrui, fauorisant au plus foible & au plus meschant, & voulant mal aux gens d'honneur, sans sçauoir pourquoy, sinõ pour ce que sont gens d'honneur, & que l'on en parle fort, & en bien.

Peu loyal & veritable; amplifiant le bruit, encherissant sur la verité, & faisant tousiours les choses plus grandes qu'elles ne sont, sans foy ny tenuë.

La foy d'un peuple & la pensée d'un enfant sont de même durée, qui change non seulement selon que les intérêts changent, mais aussi selon la différence des bruits, que chaque heure du jour peut apporter.

6. Mutin ne demandant que nouveauté, querement, seditieux, ennemy de paix & de repos, *ingenio mobili, seditiosum, discordiosum, cupidum rerum novarum, quieti & otio adversum*, sur tout quand il rencontre un chef: car lors ne plus ne moins que la mer bouasse de nature, ronfle, escume & fait rage, agitée de la fureur des vents: ainsi le peuple s'enfle, se hausse & se rend indomptable: ostez luy les chefs, le voila abbattu, effarouché & demeuré tout planté d'effroy, *sine rectore princeps, pauidus, fœcior: nil ausura plebs principibus amotis*.

7. Soustient & fauorise les broüillons & remueurs de mesnage, il estime modestie poltronnerie, prudence lourdisse, au contraire il donne à l'impetuosité bouillante le nom de valeur & de force: préfere ceux qui ont la teste chaude & les mains fretillâtes à ceux qui ont le sens rassis & qui pesent les affaires, les vanteurs & babillars aux simples & retenus.

8. Ne se soucie du public ny de l'honesteté, mais seulement du particulier, & se pique sordidement pour le profit. *Privata cuique stimulatio, vile decus publicum*.

Toujours gronde & murmure contre l'Estat, tout bouffi de médifance & propos insolens contre ceux qui gouvernent & commandent. Les petits & pauvres n'ont autre plaisir, que de mesdire des grands & des riches, non avec raison, mais par enuie, ne sont iamais contents de leurs gouverneurs & de l'Estat present.

Mais il n'a que le bec, langues, qui ne cessent, esprits qui ne bougent, monstrent duquel toutes les parties ne sont que l'agues qui de tout parle & rien ne sçait, qui tout regarde & rien ne voit, qui rit de tout & de tout pleure, prest à se mutiner & rebeller, & non à combattre: son propre est d'essayer plutôt à se couer le ioug qu'à bien grader sa liberté, *procacia plebis ingenia, impigra lingua, ignavi animi.*

10.

Tacit.
Salust.

11.

Ne sçachant iamaïs tenir mesure, ny garder vne mediocrité honneste: ou tres-basement & vilement il sert d'esclau, ou sans mesure il est insolent & tyranniquement il domine: il ne peut souffrir les mors doux & temperé, ny iouyr d'une liberté reglée, court tousiours aux extremités, trop se fiant ou mesfiant, trop d'esperoir ou de crainte. Ils vous feront peur si vous ne leur en faites; quand ils sont effrayez vous les baffouez & leur sautez à deux pieds sur le ventre, audacieux & superbes si on ne leur montre le baston, dont est le Prouerbe, *oïns-le, il te poindra, poïns-le il t'oindra, nil in vulgo modicum, terrere in paucant, ubi perlimuerint impune contemni: abdacia turbidum nisi vim metuat, aut seruit humiliter, aut superbe dominatur: libertatem, quā mediā, nec spernere nec habere.*

Tacitus.
Liuius.

Tres ingrat enuers ses bien-faïcteurs. La recompense de tous ceux qui ont bien merité du public, a tousiours esté vn bannissement, vne calomnie, vne conspiration, la mort. Les histoires sont celebres de Moysc & tous les Prophetes, de Socrates, Aristides, Phocion, Licurgus, Demosthene, Themistocles: & la Verité a dit qu'il n'en eschappoit pas vn de ceux qui procuroient le bien & le salut du peuple: & au contraire il cherit ceux qui l'opri-

12.

Marci.

rustique. Qui fait mieux & quelle vie est à préférer, il est difficile à dire promptement, & peut-estre impertinent, toutes ont leurs avantages, & des avantages, leurs biens & leurs maux. Ce qui est plus à voir & considérer en ceey, comme sera dit, c'est que chacun sçache bien choisir selon son naturel, pour & plus facilement & plus heureusement s'y comporter. Mais nous dirons vn petit mot de chacune en les comparāt ensemble: mais ce sera apres auoir parlé de la vie commune à tous, qui a trois degrez.

*Distinction & comparaison des trois sortes
de degrez de vie.*

CHAP. LIII. !

IL y a trois sortes de vie, cōme trois degrez: l'vne priuee d'vn chacun au dedans, & en la poitrine, où tout est caché, tout est loisible: la seconde en la maison & famille, en ses actions priuees & ordinaires, où n'y a point d'estude n'y d'artifice, desquelles nous n'auons à rendre conte: la tierce est publique aux yeux du monde. Or tenir l'ordre & regle en ce premier estage bas & obscur, est bien plus difficile & plus rare qu'aux deux autres, & au second qu'au tiers; la raison est qu'où n'y a point de Iuge, de controolleur, de regardant, & où nous n'imaginons point de peine ou recompense, nous nous portons bien plus laschement & nonchalemment, comme aux vies priuées, où la conscience & la raison seule nous guide, qu'aux publiques, où nous sommes en eschec & en butte aux yeux & iugement de tous, où la gloire, la crainte du reproche de mauuaise reputation, ou quelque autre

passion nous meine, or la passion nous commande bien plus viurement que la raison, dont nous nous tenons prests & sur nos gardes, d'où il auient que plusieurs sont estimez & tenus saincts, grands & admirables au public, qu'en leur priué n'y a rien de loüable. Ce qui se fait en public est vne force, vne feinte: en priué & en secret est vne force, & qui voudroit bié iuger de quelqu'un, il se faudroit voir à son à tous les iours, en son ordinaire & naturel, le reste est tout contrefait. *Vniuersus mundus exercet histrioniam*, dont disoit vn sage, que celuy est excellent, qui est tel au dedans & par soy mesme, qui est au dehors par la crainte des loix, & du dire du monde. Les actions publiques sont esclattantes, auxquelles on est attentif quand l'on les fait, comme les exploits de guerre, oppiner en vn conseil, regir vn peuple, conduire vne ambassade: les princes & domestiques sont sombres, mornes, tancer, rire, vendre, payer, conuerſer avec les siens, on ne les considere pas, on les fait sans y penser: les secretes & internes encor plus, aimer, hayr, desirer.

2. Et puis il y a icy encor vne autre consideration, c'est qu'il se fait par hypocrisie naturelle des hommes, que l'on fait plus de cas & est l'on plus scrupuleux aux actions externes, qui sont en montre, mais qui sont libres, peu importantes, & quasi toutes en contenances & ceremonies, dont elles sont de peu de goust, & aussi de peu d'effect, que aux internes; secretes & de nulle montre, mais bien requises & necessaires, dont elles sont fort difficiles. D'icelles despend la reformation de l'ame, la moderation des passions le reglement de la vie; voire par l'acquit de ces externes l'on vient à vne

nonchalance des internes.

Or ces trois vies, Interne, Domestique, Publique, qui n'en a qu'une à mener, comme les Hermites, a bien meilleur marché de conduire & ordonner sa vie, que celuy qui en a deux, & celuy qui n'en a que deux est de plus aisée condition, que celuy qui a tous les trois.

COMPARAISON DE LA VIE
civile ou sociale avec la solitaire.

CHAP. LIV.

Ceux qui estiment & recommandent tant la vie solitaire & retirée, comme un grand sejour & seure retraite du tabast & brouillis du monde, & moyen propre pour se garder & maintenir net & quitte de plusieurs vices, d'autant que la pire part est la plus grande, de mille n'en est pas un bon, le nombre des fols est infiny, la contagion est tres-dangereuse en la presse, semblent avoir raison, iusques là : car la compagnie mauuaise est chose tres-dangereuse : à quoy pensant bien ceux qui vont sur mer, qu'aucun n'entre en leur vaisseau qui soit blasphemateur, dissolu, meschant : un seul Jonas à qui Dieu estoit courroucé pensa tout perdre : Bias plaisamment à ceux du vaisseau, qui au grand danger crioient appellants le secours des Dieux, Taisez-vous, qu'ils ne sentent que vous estes icy avec moy. Albuquerque Viceroy des Indes pour Emanuel Roy de Portugal, en un extreme peril sur mer print sur ses espaules quelque icunne garçõ, afin que son innocẽce luy seruist de garèt

Compa-
raison de
ces deux
vies.

& de faueur enuers Dieu. Mais de la penser meilleure, plus excellente & parfaite, plus propre à l'exercice de vertu, plus difficile, aspre, laborieuse & penible, comme ils veulent faire croire, se trompent bien lourdement: car au contraire c'est vne grande descharge & aisance de vie, & n'est qu'une bien mediocre profession, voire vn simple apprentissage & disposition à la vertu. Ce n'est pas entrer en affaires, aux peines & difficultez, mais c'est les fuir, s'en cacher, pratiquer le conseil d'Épicure, (cache ta vie:) C'est se tapir & recourir à la mort, pour fuyr à bien viure. Il est certain que l'estat de Roy, Prestre, Pasteur, est plus noble beaucoup, plus parfait, plus difficile, que celui de Moine & d'Hermite, & de fait jadis les compagnies des Moines estoient des seminaires & apprentissages, d'où on tiroit gens pour éleuer aux charges Ecclesiastiques, & des preparatifs à plus grande perfection. Et celui qui vit ciuilement ayant femme, enfans, seruiteurs; voisins, amis, biens, affaires, & tant de parties diuerses, auxquelles faut qu'il satisfasse, & responde reglement & loyalement, a bien sans comparaison plus de besongne, que celui qui n'a rien de tout cela, & qui n'a à faire qu'à soy: la multitude, l'abondance est bien plus affaireuse que la solitude, la disette. En l'abstinence il n'y a qu'une chose en la conduite & en l'usage de plusieurs choses diuerses, y a plusieurs considérations & diuers deuoirs: il est bien plus facile de se passer des biens, honneurs, dignitez, charges, que y bien gouverner & bien s'en acquitter. Il est bien plus aisé du tout se passer de femme, que bien deuement & de tout point viure & se maintenir avec la femme, enfans, &

tout

tout le reste qui en despend, ainsi le celibat est plus facile que le mariage.

De penser aussi que la solitude soit vn asile & port asseuré contre tous vices, tentations, & destourbiens, c'est se tromper, il n'est pas vray en tous sens. Contre les vices du monde, le bruit de la presse, les occasions qui viennent de dehors, celz est bon, mais la solitude a ses affaires, & ses difficultez internes & spirituelles, *Iuit in desertum & tentaretur à diabolo.* Aux ieunes hommes imprudens & mal aduisez, la solitude est vn dangerueux baston, & est à craindre que s'entretiens tous seuls, ils entretiennent de meschantes gens, comme disoit Crates à vn ieune homme qui se promenoit tout seul à l'escart. C'est là que les fols machinent de mauvais desseins, ourdissent des mal encontres, aiguës & affilent leurs passions & meschans desirs. Souuent pour euitier Charybdis on tombe en Scylla, fuyr n'est pas eschapper, c'est quelquefois empirer son marché, & se perdre. *Non vitat sed fugit : magis autem periculis patemur auersi.* Il faut estre sage, bien fort & asseuré pour estre laissé entre ses mains : souuent on ne scauroit estre en plus dangereuses mains que les siennes, *Guarda me, Dios de mi,* dit excellemment le prouerbe Espagnol, *nemo est ex imprudentibus qui sibi relinqui debeat ; solitudo omnia mala persuaadet.* Mais pour quelque considération princee ou particuliere, encorés que bonne en soy (car souuent c'est lascheté, foiblesse d'esprit, dépit, ou autre passion) s'enfuyr & se cacher ayant moyen de profiter à autrui, & secourir au public, c'est estre deserteur, enseuelir le talent, cacher la lumière, fautes subiettes à la rigueur du iugement.

COMPARAISON DE LA
vie menée en commun, & menée
en propriété.

CHAP. LV.

A Vcuns ont pensé que la vie menée en commun, en laquelle il n'y a point de mien & tien, mais où toutes choses sont en communauté, rend plus à perfection, & tient plus de charité & concorde. Cecy peut auoir lieu en compagnie de certain nombre de gens, cōduite par certaine regle, mais en vn estat & republique non: dont Platon l'ayant vne fois ainsi voulu, pour chasser toute auarice & dissention, se r'aduifa: car comme la pratique monstre, non seulement il n'y a point d'affection cordiale, à ce qui est commun à tous, & comme dit le prouerbe, *L'asne du commun est tousiours malbasté*, mais encores la cōmunauté tire à soy tousiours des querelles, des murmures & des haynes, comme il s'est veu tousiours, voire dedans l'Eglise primitiue.

Luc. 48.

Act. 6.

Crescente numero discipulorum, factum est murmur Græcorum aduersus Hebræos. La nature d'amour est telle que des gros fleuves, qui portent les grandes charges, s'ils sont diuisez n'en portent point, aussi estant diuisé à toutes personnes & toutes choses, pert la force & rigueur. Mais il y a degrez de communauté, viure, c'est à dire manger & boire ensemble est tresbon, comme il estoit aux meilleurs & plus anciennes republiques de Lacedemone & de Crete, car outre que la modestie & discipline est mieux retenuë, il y a vne tres-vtile communication; mais

penser auoir tout commun, comme vouloit Platon
 vn coup, car après il se r'aduifa, c'est peruertir tout.

COMPARAISON DE LA VIE

Rustique, & des villes.

CHAP. LVI.

Cette comparaison n'est fort malaisée à faire à l'amateur de sagesse, car tous les biens & avantages sont presque d'un costé, spirituels & corporels, liberté, sagesse, innocence, santé, plaisir. Aux champs l'esprit est bien plus libre & à soy : és villes les personnes, les affaires siennes & d'autrui, les querelles, visites, deuis, entretiens, combien desrobent-ils de temps ? *amici fures temporis*. Combien de troubles apportent-ils, de destournement, de desbauches : les villes sont prisons mesmes aux esprits, comme les cages aux oyseaux & aux bestes. Ce feu celeste qui est en nous ne veut point estre enfermé, il ayme l'air, les champs, dont Columelle dit que la vie champestre est parente de la sagesse, *consanguinea*, laquelle ne peut estre sans les belles & libres pensées & meditations. Or est il difficile de les auoir & nourrir parmy le tracas & tabust de villes. Puis la vie rustique est bien plus nette, innocente & simple, és villes les vices sont en foule, & ne sentent point, ils passent & se fourrent par tout pelle-messe, l'usage, le regard, le rencontre si frequent & contagieux en est cause. Pour le plaisir & santé tout le Ciel estendu apparoit, le Soleil, l'air, les eaux, & tous les Elemens sont libres, exposez & ouverts de toutes parts, nous soubs-
 tient, la terre se montre tout à descouvert, les fruits

Prese-
 rence de
 la vie rur-
 fique.

sont devant nos yeux tout cela n'est point és villes, en la presse des maisons, tellement que viure aux villes c'est estre au monde, banni & forclos du monde. D'avantage la vie champestre est toute en exercice, en action, qui aiguise l'appetit, entretient la santé, endurecit & fortifie le corps. Ce qui est à la recommandation des villes est l'utilité, ou privée, c'est la part des marchans & artisans; ou publique, au maniement de laquelle sont appelez peu de gens, & anciennement on le tiroit de la vie rustique, & y retournoient, ayans acheué leur charge.

De la profession militaire.

CHAP. LVII.

I.
Sa recô-
manda-
tion.

L'Occupation & profession militaire est noble en la cause, car il n'y a utilité plus iuste ny plus universelle que la protection du repos & grandeur de son pais: Noble en son execution, car la vaillance est la plus forte, plus genereuse, & plus heroïque de toutes les vertus: Honorable, car des actions humaines la plus grande & pompeuse est la guerrière, & à qui tous honneurs sont decernez: Plaisante, la cōpagnie de tant d'hommes nobles, ieunes, actifs, la veüe ordinaire de tant d'accidens, spectacles, liberté & conuersation sans art, vne façon de vie malle, sans ceremonie, la varieté de tant d'actions diuerses, ceste courageuse harmonie de la musique guerrière, qui nous entretient & nous eschauffe, & les oreilles & l'ame, ces mouuemens guerriers qui nous ravissent de leur horreur & espouuement, cette tempeste de sons & de cris, cette effroyable ordonnance de tant de milliers d'hommes, avec

tant de fureur, d'ardeur & de courage.

Mais au contraire, l'on peut dire, que l'art & l'expérience de nous entre des faire entretenir, de ruiner & perdre nostre propre espece, semble des nature, venir d'alienation de sens; c'est vn grand témoignage de nostre foiblesse & imperfection, & ne se trouue point aux bestes, ou demeure beaucoup plus entiere l'image de nature. Quelle folie, quelle rage, faire tant d'agitations, mettre en peine tant de gens; courir tant de dangers & hasards par mer & par terre, pour chose si incertaine & douteuse, comme est l'issue de la guerre, courir avec telle faim & telle aspreté apres la mort, qui se trouue partout, & sans esperance de sepulture aller tuer ceux que l'on ne hait pas, que l'on ne veid iamais? Mais d'où vient cette grande fureur & ardeur, car l'on ne t'a fait aucune offense? Quelle frenesie & manie d'abandonner son corps, son temps, son repos, sa vie, sa liberté à la mercy d'autrui; S'exposer à perdre ses membres, & à chose pite mille fois que la mort, au fer & au feu, estre trépané, tenaillé, decoupé, deschiré, rompu, captif & forçat à iamais? Et ce pour seruir à la passion d'autrui, pour cause que l'on ne sçait si elle est iuste, & est ordinairement iniuste: car les guerres sont le plus souuent iniustes, & pour tel que tu ne cognois, qui ne se soucie, ny ne pensa iamais à toy, mais veulx monter sur ton corps mort ou estropié, pour estre plus haut, & voir de plus loing? Je ne touche icy le deuoir des subiects à leur Prince & à leur patrie, mais les volontaires, libres, & mercenaires.

2.

Son accusation

CINQUIESME ET DERNIERE

*distinction & difference des hommes, tirée des
faveurs & défaveurs de la nature
& de la fortune.*

P R E F A C E,

Ceste derniere distinction & difference est toute apparente & notoire, & qui a plusieurs membres & considerations, mais qui reuiennent à deux chefs, que l'on peut appeler avec le vulgaire bon-heur, & mal-heur, grandeur & petitesse. Au bon-heur & grandeur appartiennent santé, beauté, & les autres biens du corps, liberté, noblesse, honneur, dignité, science, richesses, credit, amys : Au mal-heur & petitesse appartiennent tous les contraires, qui sont priuations de tous ces biens là. De ces choses vient vne tres-grande diuersité, car l'on est heureux en l'vne de ces choses, ou en deux, ou en trois, & non és autres, & ce plus ou moins, par vne infinité de degrez : peu ou point y en a d'heureux ou mal-heureux en tous. Qui a la pluspart de ces biens, & spécialement trois, Noblesse, Dignité, ou Authorité, & richesses, est estimé grand quin'a aucun de ces trois, est estimé des petits Mais plusieurs n'ont qu'vn ou deux ; & sont moyens entre les grands & petits. Nous faut parler de chacun vn peu.

De la santé, beauté, & autres biens naturels du corps, Chap. 1.
Chap. 19.
a esté dit cy-dessus : aussi de leurs contraires,
Maladie, Douleur.

DE LA LIBERTÉ ET
du seruage.

CHAP. LVIII.

LA liberté est estimée d'aucuns vn souverain bien, & le seruage vn mal extreme, tellement que plusieurs ont plus estimé mourir, & cruellement, que devenir esclaves, voire, que tomber en danger de voir la liberté publique ou la leur interressee. Il y peut avoir en cecy du trop comme en toutes autres choses. Il y a double liberté, la vraye de l'esprit en la main d'un chacun, & ne peut estre ravie ny endommagée par autrui, ny par la fortune mesmes : au rebours, le seruage de l'esprit est le plus miserable de tous, servir à ses cupiditez, se laisser gourmander à ses passions, mener aux opinions, ô la piteuse captivité. La liberté corporelle est vn bien fort à estimer, mais suiet à la fortune : & n'est iuste ny raisonnable (s'il n'y est iointe quelque autre circonstance) de la preferer à la vie, cōme les anciens, qui choisissoient & se donnoient plustost la mort que de la perdre, & estoit reputé à grande vertu, estimant la servitude vn tres-grand mal. *Servitus obedientia est fracti animi & obiecti, arbitrio carentis suo.* De tres-grands & tres-sages ont servi, Regulus, Valerianus, Platon, Diogenes, & de tres-meschans & iniques : & n'ont pour cela em-

piré leur propre condition, demeurant en effect & au vray plus libres que leurs maistres.

Noblesse.

CHAP. LIX.

1. **N**oblesse est vne qualité par tout non commune, mais honorable, introduite avec grande raison & vtilité publique.

2. Elle est diuerse, diuerfement prinse & entendue, selon les nations & les iugemens, l'on en donne plusieurs especes; selon la plus generale & commune opinion & vsage, c'est vne qualité de race. Aristote dit que c'est antiquité de race & de richesses. Plutarque l'appelle vertu de race *ἀρετὴ γένους*, entendant vne certaine qualité & habitude continuée en la race. Quelle est cette qualité ou vertu, tous n'en sont du tout d'accord, sauf en ce qu'elle soit vtile au public: Car à aucuns & la pluspart c'est la militaire, aux autres c'est encores la politique, la literaire, des sçauans, la palatine des officiers du Prince; mais la militaire a l'aduantage: car outre le service qu'elle rend au public comme les autres, elle est penible, laborieuse, dangereuse, dont elle en est plus digne & recommandable: Aussi a-elle emporté chez nous comme par preciput, le titre honorable de vaillance. Il faut donc, selon cette opinion, y auoir deux choses en la vraye & parfaite noblesse. Profession de cette vertu & qualité vtile au public, qui est comme la forme: Et la race comme le suiet & la matiere: c'est à dire continuation longue de cette qualité par plusieurs degrez de races, & par temps immemorial, dont ils sont

appelez à nostre jargon gentils, c'est à dire de race, maison, famille, portant de long temps mesme nom, & faisant mesme profession. Parquoy celuy est vrayement & entierement noble, lequel fait profession singuliere de vertu publique, servant bien son Prince & sa patrie, estant sorty de parens & ancestres qui ont fait le mesme.

Il y en a qui separent ces deux, & pensent que l'un d'eux seul suffise à la Noblesse, sçavoir la vertu & qualité seule, sans consideration aucune de race & des ancestres : c'est vne noblesse personelle & acquise, & si on la prend à la rigueur, elle est rude; qu'un sorty de la maison d'un boucher ou vigneron soit tenu pour noble, quelque service qu'il puisse faire au public. Toutesfois cette opinion a lieu en plusieurs nations, nommément chez les Turcs, mespriseurs de la Noblesse de race & de maison, ne faisant compte que de la personelle, & actuelle vaillance militaire: Ou bien l'antiquité de race seule, sans profession de la qualité, cette-cy est au sang, & purement naturelle.

S'il faut comparer ces deux simples & imparfaites noblesses, la pure naturelle à bien iuger est la moindre, bien que plusieurs en parlent autrement, mais par grande vanité. La naturelle est vne qualité d'autrui, & non sienne, *Et genus Et proavos Et quæ non fecimus ipsi, Vix ea nostra puto: nemo vixit in gloriam nostram; nec quod ante nos fuit nostrum est*: & qui y a il plus inepte que de se glorifier de ce qui n'est pas sien? Elle peut tomber en un homme vicieux, vaillant, tres-mal nay, & en soy vrayement vilain.

Elle est aussi inutile à autrui, car elle n'entre point en communication ny en commerce, comme

3.
Distinction.

4.
Noblesse naturelle.

fait le silence, la iustice, la bonté, la beauté, les richesses. Ceux qui n'ont en soy rien de recommandable que cette noblesse de chair & de sang, la font fort valoir, l'ont toujours en bouche, en enflent les ioues & le cœur, (ils veulent mesnager ce peu qu'ils ont de bon) à cela les cognois-on, c'est signe qu'il n'y a rien plus, puis que tant & toujours ils s'y arrestent. Mais c'est dure vanité, toute leur gloire vient par chetifs instrumens, *ab utero, conceptu, partu,* & est ensevelie sous le tombeau des Ancestres. Comme les criminels pourfuyuis ont recours aux autels & sepulchres des morts, & anciennement aux statues des Empereurs: ainsi ceux-cy destituez de tout merite & subiet de vray honneur, ont recours à la memoire & armoyries de leurs majeurs. Que sert à vn aueugle que ses parens ayent eu bõne veuë, & au begue l'eloquence de son ayeul, & neantmoins ce sont gens ordinairement glorieux, altiers, mesprisans les autres; *contemptor animus & superbia commune nobilitatis malum.*

Acquise
& personnelle

La personnelle & l'acquise a ses conditions toutes contraires, & tres-bonnes; elle est propre à son possesseur, elle est toujours en suiet digne, & est tres-utile à autrui. Encores peut-on dire qu'elle est plus ancienne & plus rare que la naturelle. Car c'est par elle que la naturelle a commencé, & en vn mot, c'est la vraye qui consiste en bons & utiles effets, non en songe & imagination, vaine & inutile, & procurent de l'esprit, & non du sang, qui n'est point autre aux nobles qu'aux autres. *Quis generosus? ad virtutem à natura bene compositus animus facit nobilem, cui ex quacumque conditione supra fortunam licet surgere.*

Senec.

Mais elles sont tres-volontiers & souuent ensemble, & c'est chose parfaite: la naturelle est vn <sup>6. Con-
jointes</sup> acheminement & occasion à la personnelle: les choses retournent facilement à leur principe & naturel, Comme la naturelle a prins son commencement & son estre de la personnelle, aussi elle ramene & conduit les siens à elle, *fortes creatur fortibus: hoc unum in nobilitate bonum et nobilibus imposita necessitudo videatur, ne à maiorum virtute degenerent*; se sentir sorty de gens de bien, & qui ont merité du public, est vne obligation & puissant aiguillon aux beaux exploits de vertu: il est laid de forligner & démentir sa race.

La noblesse donnée & octroyée par le benefice & rescript du Prince, si elle est seule, elle est honteuse & plus reprochable qu'honorable; c'est vne noblesse en parchemin, acheptée par argent ou faueur, & non par le sang comme elle doit: si elle est octroyée, pour le merite, & les services notables, lors elle est censée personnelle, & acquise, comme a esté dit.

De l'honneur.

CHAP. LX.

L'Honneur, disent aucuns, & mal, est le prix & la recōpense de la vertu; ou moins mal, la reconnaissance de la vertu, ou bien vne prerogative de bonne opinion, & puis du deuoir externe enuers la vertu, c'est vn priuilege qui tire sa principale essence de la vertu. Autres l'ont appelé son ombre qui la suit, & quelquefois la precede, comme elle fait le corps. Mais à bien parler, c'est l'éclat d'une belle & vertueuse action, qui reiallit de nostre ame

I.
Description
d'honneur.

fait le silence, la iustice, la bonté, la beauté, les richesses. Ceux qui n'ont en soy rien de recommandable que cette noblesse de chair & de sang, la font fort valoir, l'ont toujours en bouche, en enflent les ioues & le cœur, (ils veulent mesnager ce peu qu'ils ont de bon) à cela les cognois-on, c'est signe qu'il n'y a rien plus, puis que tant & toujours ils s'y arrestent. Mais c'est dure vanité, toute leur gloire vient par chetifs instrumens, *ab utero, conceptu, partu,* & est ensevelie sous le tombeau des Ancestres. Comme les criminels pourfuyuis ont recours aux autels & sepulchres des morts, & anciennement aux statues des Empereurs: ainsi ceux-cy destituez de tout merite & subiet de vray honneur, ont recours à la memoire & armoyries de leurs majeurs. Que sert à vn aveugle que ses parens ayent eu bone veüe, & au begue l'eloquence de son ayeul, & neantmoins ce sont gens ordinairement glorieux, altiers, mesprisans les autres; *contemptor animus & superbia commune nobilitatis malum.*

Acquise
& personnelle

La personnelle & l'acquise a ses conditions toutes contraires, & tres-bonnes; elle est propre à son possesseur, elle est toujours en suiet digne, & est tres-vtile à autrui. Encores peut-on dire qu'elle est plus ancienne & plus rare que la naturelle. Car c'est par elle que la naturelle a commencé, & en vn mot, c'est la vraye qui consiste en bons & vtiles effets, non en songe & imagination, vaine & inutile, & procurent de l'esprit, & non du sang, qui n'est point autre aux nobles qu'aux autres. *Quis generosus? ad virtutem à natura bene compositus animus facit nobilem, cui ex quacunque conditione supra fortunam licet surgere.*

Senec.

Mais elles sont tres-volontiers & souuent en-semble, & c'est chose parfaite: la naturelle est vn
acheminement & occasion à la personnelle; les cho-
ses retournent facilement à leur principe & naturel,
Comme la naturelle a prins son commencement
& son estre de la personnelle, aussi elle ramene &
conduit les siens à elle, *fortes creantur fortibus : hoc*
unum in nobilitate bonum ut nobilebus imposita necessitu-
do videatur, ne à maiorum virtute degenerent ; se sentir
forty de gens de bien, & qui ont merité du public, est
vne obligation & puissant aiguillon aux beaux ex-
ploits de vertu : il est laid de forligner & démentir
la race.

La noblesse donnée & octroyée par le benefice & rescript du Prince, si elle est seule, elle est hon-
teuse & plus reprochable qu'honorable; c'est vne
noblesse en parchemin, achetée par argent en fa-
ueur, & non par le sang comme elle doit: si elle est
octroyée, pour le merite, & les services notables,
lors elle est censée personnelle, & acquise, comme
a esté dit.

De l'honneur.

CHAP. LX.

L'Honneur, disent aucuns, & mal, est le prix & la recōpense de la vertu; ou moins mal, la recognoissance de la vertu, ou bien vne prerogatiue de bonne opinion, & puis du deuoir externe enuers la vertu, c'est vn priuilege qui tire sa principale essence de la vertu. Autres l'ont appelé son ombre qui la suit, & quelquefois la precede, comme elle fait le corps. Mais à bien parler, c'est l'éclat d'vne belle & vertueuse action, qui reiallit de nostre ame

à la veüe du monde, & par reflection en nous mesmes, nous apporte vn tesmoignage de ce que les autres croyent de nous, qui se tourne en vn grand contentement d'esprit.

L'honneur est tant estimé & recherché de tous, que pour y paruenir l'on entreprend, l'on endure, l'on mesprise toute autre chose, voire la vie toutefois, c'est vne chose bien exile, mince, mal asseurée, estrangere, & comme en l'air fort esloignée de la chose honorée; car non seulement il n'entre point en elle, ne luy est point interne, ou essentielle, mais encores il ne la touche pas (estant le plus souuent icelle morte ou absente, & qui n'en sent rien) il s'arreste & demeure seulement au dehors à la porte, à son nom, qui reçoit & porte tous les honneurs & deshonneurs, louanges & vituperes, d'où l'on est dit auoir bon nom ou mauuais nom. Tout le bien ou le mal que l'on peut dire de Cesar est porté par ce sien nom. Or le nom n'est rien de la nature & substance de la chose, c'est seulement son Image qui la represente, sa marque qui la confronte & separe des autres, vn sommaire qui la comprend en petit volume, l'enleue & l'emporte toute entiere, le moyen d'en iouyr & vser (car sans les noms n'y auroit que confusion, se perdrait l'vsage des choses, periroit le monde, comme richement enseigne l'histoire de la tour de Babel) bref l'entredoux & le metoyen de l'essence de la chose, & de son honneur ou deshonneur, car il touche la chose, & reçoit tout le bien ou mal que l'on en dit. Or l'honneur, auant arriuer au nom de la chose, fait vn tout quasi circulaire, comme le Soleil, complet en trois poses principales, l'œuure, le cœur, la langue. Car il

commence & se conçoit, comme en la matrice & racine, en ce qui sort & est produit de beau, bon, vtile de la chose honoree, c'est (dit a esté) l'esclat d'une belle action. *Celi enarrant gloriam Dei: pleni sunt celi & terra gloria tua*, car quelque valeur, merite & perfection que la chose aye en soy & au dedans, si elle ne produit rien d'excellent, est du tout incapable d'honneur, & est comme si elle n'estoit point; de là il entre en l'esprit & intelligence, où il prend vie, & se forme en bonne, haute, & grande opinion: finalement sortant hors de là, & porté par la parole verbale ou escrete, s'en retourne par reflection, & va fondre & finir au nom de l'Auteur de ce bel ouvrage, où il auoit commencé, comme le Soleil au lieu d'où il est party, & porte lors le nom d'honneur, de loüange, de gloire & renom.

Mais pour quelles actions est deu l'honneur, c'est la question. Aucuns pensent que c'est generally pour bien faire son deuoir, & ce qui est de sa profession, encores qu'il ne soit point éclatant ny fort vtile, comme celuy qui sur l'eschaffaut iouë bien le personnage d'un varlet, n'est pas moins loüé que celuy qui represente le Roy, & à celuy qui ne peut trauailler en statues d'or, celles de pierre ou de terre en luy peuent faillir, où il peut aussi bien montrer la perfection de son art: Tous ne peuent s'employer ny ne sont appelez au maniement des grandes affaires, mais la loüange est à bien faire ce que l'on a affaire. Cecy est trop raualer & auilir l'honneur; qui n'est pas vn commun ny ordinaire loger pour toutes personnes, & toutes actions iustes & legitimes: Toute chaste femme, tout homme de bien n'est pas l'honneur. Les sages y requierent

encores deux choses, ou trois, l'un est la difficulté, peine ou danger ; l'autre est l'utilité publique, c'est pourquoy il est proprement deu à ceux qui administrent & s'acquittent bien des grandes charges, que les actions soyent tant que l'on voudra priuément & communément bonnes & vtilles, elles auront l'approbation & bonne renommée parmy les cognoissans, la seureté & protection des loix, mais non l'honneur qui est public, & a plus de dignité, de splendeur & d'éclat. Aucuns y adioustent la troisieme, c'est que l'action ne soit point d'obligation, mais de supererogation.

4.

Deur
d'hon-
neur, ch.
20.

Le desir d'honneur & de gloire, & la queste de l'approbation d'autrui, est vne passion vicieuse, violente, puissante, de laquelle a esté parlé en la passion d'ambition : mais tres-vtile au public, à contenir les hommes en leur deuoir, à les esveiller, & eschauffer aux belles actions, tesmoignage de la foiblesse & insuffisance humaine, qui à faute de bonne monnoye employe la courtte & la faulce. Or en quoy & iusques où elle est excusable, & quand vituperable, & que l'honneur n'est la recompense de la vertu, le dira apres.

li. 3. en la
vertu de
tempe-
rance.

5.

Marques
d'hon-
neur.

Les marques d'honneur sont fort diuerses, mais les meilleures & plus belles sont celles qui sont sans profit & sans gain, & qui sont telles que l'on n'en puisse estrener & faire part aux vicieux, & ceux qui par quelque bas office auroient fait service au public : Elles sont meilleures & plus estimées. Plus elles sont de soy vaines, & n'ayent autre prix que simplement marquer les gens d'honneur & de vertu, comme elles sont presque par toutes les polices, les couronnes de laurier, de chesne,

certaine façons d'accoustremens, prerogative de quelque surnom, presseance aux assemblees, les ordres de Cheualerie. C'est aussi par occasion quelquefois plus d'honneur, de n'avoir pas ces marques d'honneur les ayant merité, que de les avoir. Il m'est bien plus honorable, disoit Caton, que chacun demande pourquoy l'on ne m'a point dressé de statuë en place, que si l'on demandoit pourquoy l'on m'en a dressé.

De la science.

CHAP. LXI.

LA Science est à la verité vn bel instrument, vn outil tres-vtile à qui en sçait bien vser, mais en quel tang il la faut tenir, tous n'en sont d'accord, surquoy se commettent deux fautes contraires, l'estimer trop & trop peu. Les vns l'estimēt tant qu'ils la preferent à toute autre chose, & pensent que c'est vn souverain bien, quelque espee & rayon de divinité, la cherchent avec faim, despense & peine grande, les autres la mesprisent, & dés-estiment ceux qui en font profession, la mediocrité est plus iuste & asseurée. Je la mets beaucoup au dessous de la prudence, d'homme, santé, sagesse, vertu, & encores au dessous de l'habileté aux affaires: mais apres cela, ie la mettrois aux mains & en concurrence avec la dignité, noblesse naturelle, vaillance militaire, & les laisserois volontiers disputer ensemble de la presseance: si j'estois pressé d'en dire mon aduis, ie la feroiy marcher tout à costé d'elles, ou bien incontinent apres.

Comme les sciences sont differentes en suiets &

Voyez
l. 3. c. 4.
bien au
long.

matieres en l'apprentissage & acquisition, aussi sont elles en l'vtilité, honnesteté, necessité, & encores en la gloire & au gain; les vnes sont Theoriques, & en pure speculation, les autres pratiques, & en action. Item les vnes sont reales, occupees en la cognoissance des choses qui sont hors de nous, soient eiles naturelles, ou surnaturelles; les autres sont particulieres, qui enseignent les langues, le parler, & le raisonner. Or desia sans aucun doute, celles qui ont plus d'honesteté, vtilité, necessité & moins de gloire, vanité, gain mercenaire, sont de beaucoup à preferer aux autres. Parquoy tout absolument les pratiques sont les meilleures, qui regardent le bien de l'homme, apprennent à bien vivre & bien mourir, bien commander, bien obeyr, dont elles doiuent estre serieusement estudiees, par celuy qui pretend à la Sagesse, & desquelles cec oeuvre est vn abbrege & sommaire, sçauoir Morales, Economiques, Politiques. Après elle, sont les Naturelles, qui seruent à cognoistre tout ce qui est au monde à nostre vsage, & ensemble admirer la grandeur, bonté, sagesse, puissance du maistre Architecte. Toutes les autres, ou sont vaines, ou bien elles doiuent estre estudiees sommairement, & en passant, puis qu'elles ne seruent de rien à la vie, & à nous faire gens de bien. Dont c'est dommage, & folie d'y employer tant de temps, despense & de peine, comme l'on fait. Il est vray qu'elles seruent à amasser des escus, & de la reputation parmy le peuple, mais c'est aux polices, qui ne sont pas du tout bien saines.

DES

DES RICHESSES ET PAUVRETE.
CHAP. LXII.

CE sont les deux elements, & sources de tous
desordres, troubles & remuements, qui sont
au monde: Car l'excessiue richesse des vns les hauf-
se & pousse à l'orgueil, aux delices, plaisirs, desdain
des pauvres, à entreprendre & attenter: l'extreme
pauvreté des autres les mène en enuie, jalousie ex-
treme, despit, desespoir, & à tenter fortune. Platon
les appelle pestes des Repub. Mais qui des deux est
la plus dāgereuse, il n'est pas tout resolu entre tous:
selon Aristote, c'est l'abondance, car l'estat ne doit
point redoubter ceux qui ne demandent qu'à vi-
ure, mais bien les ambitieux & opulens, Selon Pla-
ton, c'est la pauvreté, car les pauvres desesperent
sont terribles & furieux animaux, n'ayans plus de
pain, excessiuelement chargez d'impôts, apprennent
de la maistresse d'escole necessité ce qu'ils n'eussent
iamais osé d'eux mesmes, & oseront; car ils sont en
nombre. Mais il y a bien meilleur remede à ceux-
cy, qu'aux riches: & est facile d'empescher ce mal,
car tandis qu'ils auront du pain, qu'ils pourront e-
xercer leur mestier & en viure, ils ne se remueront
point. Parquoy les richesses sont à craindre à cau-
se d'eux mesmes, & de leur vice & condition: les
pauvres à cause de l'impudence des gouverneurs.

Or plusieurs Legislatours & policeurs d'estats,
ont voulu chasser ces deux extremités, & ceste
grande inegalité de biens de fortunes, & y rappor-
ter vne mediocrité & egalité, qu'ils ont appellé
mere nourrice de paix & d'amitié, & encor d'autres


1.
Deux
sources
des trou-
bles.

2.
Contre
l'egalité
& in-
égalité
des biens.

y ont voulu mettre la communauté, ce qui ne peut estre que par imagination. Mais outre qu'il est de tout impossible d'y apporter égalité à cause du nombre des enfans qui croistra en vne famille, & non l'autre, & qu'à peine a elle peu estre mise en pratique, bien qu'on s'y soit efforcé, & qu'il aye beaucoup cousté pour y paruenir : encor ne seroit-il à propos ny expedient, ce seroit par autre voye retomber en mesme mal. Car il n'y a haine plus capitale qu'entre égaux : l'enuie & ialousie des égaux, est le seminaire des troubles, seditions, & guerres ciuiles. Il faut de l'inegalité, mais moderee : harmonie n'est pas és sons tous pareils, mais differens & bien accordans. *Nihil est aequalitate inaequalius.*

3.

Cette grande & difforme inegalité des biens viée de plusieurs causes, spécialement de deux : l'une est aux prestations iniques, comme sont les vsures & interests, par lesquelles les vns mangent, rongent, & s'engraissent de la substance des autres : *qui deuorant plebem meum sicut escam panis*. L'autre est aux dispositions, soit entre vifs, alienations, donations, dotations à cause de mariage : ou testamentaires & à cause de mort. Par tous lesquels moyens, les vns sont excessiuement auantagez sur les autres, qui restent pauvres, les filles riches & héritieres sont mariées avec les riches, d'où sont desmembrees & aneanties aucunes maisons, & les autres releuees & enrichies. Toutes lesquelles choses doiuent estre reglees & moderees, pour sortir des bouts & extremittez excessiues, & approcher aucunement de quelque mediocrité & egalité raisonnable : car : entiere, il n'est possible ny bon ny expedient, comme dit est. Et cecy se traictera en la vertu de Iustice.




DE LA SAGESSE. LIVRE SECOND.

Contenant les instructions & regles
generales de Sagesse.

PREFACE.

*Auquel y a vne peinture generale de Sagesse,
& le sommaire du liure.*



AYANT au liure precedent ouuert à l'homme plusieurs & diuers moyes de se cognoistre, & toute l'humaine condition, qui est la premiere partie, & vn tres-grand acheminement à la sagesse, il faut maintenant entrer en la doctrine d'icelle, & entendre en ce second liure ses regles, & ses aduis generaux, reseruant les particuliers au liure suiuant & troisieme. C'estoit vn preallable, que d'appeller l'homme à soy à se taster, sonder, estudier, afin de se cognoistre & sentir ses defauts & sa miserable condition, & ainsi se rendre capable des remedes salutaires & necessaires, qui sont les aduis & enseignemens de sagesse.

1.

Mais c'est chose estrange, que le monde soit si peu soucieux de son bien & amandement. Quel naturel que de ne se soucier que sa besongne soit bien faite? On veut tant viure, mais l'on ne se soucie de sçavoir bien viure. Ce que l'on doit le plus & vniquemēt sçavoir, c'est ce que moins l'on sçait, & se soucie sçavoir. Les inclinations, desseins, estudes, essays, sont (comme nous voyons) des ieunesses si diuers, selon les diuers naturels, compagnies, instructions, occasions: mais aucun ne jette les yeux de ce costé là, aucun n'estudie à se rendre sage; personne ne prend cela à cœur, l'on y pense pas seulement. Et par fois c'est en passant, l'on entend ce-la cōme vne nouvelle, qui se dit, où l'on n'a point d'interest, le mot plait bien à aucuns, mais c'est tout: la chose n'est de mise ny de recherche en ce siècle d'une si vniuerselle corruption & contagion. Pour appercevoir le merite & la valeur de sagesse, il en faut auoir ja quelque air de nature, & quelque teintue: S'il faut s'essayer & s'esuertuer, ce sera plustost & plus volontiers pour chose qui a ses effets, & ses fruits esclatans, glorieux, externes & sensibles, tels qu'à l'ambition, l'auarice la passion, que pour la sagesse qui a les sens doubles, tōmbres, internes, & peu visibles, ô combien le monde se méconte! il aime mieux du vent avec bruit, que le corps, l'essence sans bruit: l'opinion & reputation, que la verité. Il est bien vrayement homme (cōme il a esté dit au premier liure) vanité & misere, incapable de sagesse. Chacun se sent de l'air qu'il haleine, & où il vit, suit le train de viure suivi de tous, comment voulez-vous qu'il s'en aduise d'un autre? Nous nous suivons à la piste, voire nous nous pres-

sons, eschauffons, nous nous coiffons & inuestif-
sons les vices & passions les vns des autres: person-
ne ne crie hola: nous faillôs, nous nous mescontôs.
Il faut vne speciale faueur du ciel, & ensemble vne
grande & genereuse force & fermeté de nature,
pour remarquer l'erreur commun que personne
ne sent, de s'aduiser de ce dequoy personne ne s'ad-
uise, & se refondre à tout, autrement que les autres.

Il y en a bien aucuns & rares, ie les voy, ie les
sen, ie les fleure & les haleine avec plaisir & admi-
ration; mais quoy ils sont ou Democrites ou He-
racrites? les vns ne font que se mocquer & gausser,
pensant assez monstrier la verité & sagesse, en se
mocquant de l'erreur & folie. Ils se rient du mon-
de, car il est ridicule; ils sont plaisans; mais ils ne
sont pas assez bons & charitables. Les autres sont
foibles & pauvres; ils parlent bas & à demy bou-
che; ils déguisent leur langage: ils meslent & estouf-
fent leurs propositions, pour les faire passer tout
doucelement parmy tant d'autres choses, & avec
tant d'artifice que l'on ne les apperçoit quasi pas.
Ils ne parlent pas sec, distinctement, clairement
& acertés, mais ambiguëment comme oracles. Je
vien apres eux & au dessous d'eux: mais ie dy de
bonne foy ce que i'en pense & en crois claire-
ment & nettement. Je donne icy vne peinture &
des leçons de sagesse, qui sembleront peut-estre à
aucuns nouuelles & estrangers, & que personne
n'a encoré donné ny traité de ceste façon, & ne
doute pas que les malicieux, gens qui n'ont la pa-
tience ny la force de iuger doucement & meure-
ment des choses, mais de troublémēt; condamnent
tout ce qui n'est de leur goust, & de ce qu'ils ont

desia receu, n'y mordent. Et qui en peut estre asseuré? Mais ie me fie que les simples & debonnaires, & les ætheriens & sublimes en iugeront equitablement. Ce sont les deux bouts & estages de paix & serenité. Au milieu sont tous les troubles, tempestes & les Meteores, comme il a esté dit.

L. 1. c. 45.
Division
de ce li-
vre en
quatre
parties.
1. prepa-
ration.

Pour auoir vne rude & generale cognoissance de ce qui est traité en ce liure, & de toute la doctrine de Sagesse, nous pourrons partir ceste matiere en quatre poincts ou cōsiderations; la premiere est des preparatifs à la sagesse, qui sont deux, l'un est exemption & affranchissement de tout ce qui peut empescher de paruenir à elle, qui sont ou externes erreurs & vices du monde; ou internes, les passions: l'autre est vne pleine, entiere & vniuerselle liberte d'esprit. Ces deux premiers, & les plus difficiles rendent l'homme capable & propre à la sagesse, car ils vident & nettoient la place, afin qu'elle soit plus ample & capable à receuoir vne grande choie, qui est sagesse, *magna & speciosa res est sapientia, vano illi loco opus est, supernacua ex animo tollenda sunt*, & c'est le premiet: puis la rendent ouuerte libre & toute preste à la receuoir, c'est le second.

2.
Fonde-
ment.

La seconde est des fondements de sagesse, qui sont aussi deux, vraye & essentielle prud'homme, & auoit vn certain but & train de vie. Ces deux regardent nature, nous reglent & accommodent à elle: le premier à l'vniuerselle, qui est la raison, car preud'homme n'est autre chose, comme se dira: le second à la particuliere d'un chacun de nous, car c'est le choix du genre de vie propre & commode au naturel d'un chacun.

La troisieme est la leuée de ce bastiment, c'est

à dire des offices & fonctions de sagesse, qui sont offices
 six, dont les trois premiers sont principalement
 pour chacun en soy, qui sont pieté, reglement, in-
 terne de ses desirs & pensees, & doux comporte-
 ment en tous accidens de prosperité & aduersité:
 les autres trois regardant autrui, qui sont l'obser-
 uation telle qu'il faut des loix, coustumes & cere-
 monies, conseruation douce avec autrui, & pru-
 dence en tous affaires. Ces six respondent & com-
 prennent les quatre vertus morales, les premier,
 quatrième & cinquième proprement appartiennent
 à la Iustice à ce que deuons à Dieu & au pro-
 chain: le second & troisieme à la force & tempe-
 rance: le sixième proprement à la Prudence. Et
 pource ces six sont la matiere & le subiet du troi-
 sième liure, qui traicte au long les quatre vertus
 morales, & en particulier les offices & deuoir du 41
 sage, mais en ce liure ils sont traictez en general. Fruits.

La quatrième est des effets & fruiets de sagesse,
 qui sont deux, se tenir prest à la mort, & se main-
 tenir en vraye tranquillité d'esprit, la couronne
 de sagesse & le souuerain bien. Ce sont en tout
 douze regles & leçons de sagesse en autant de cha-
 pitres, qui sont les propres & peculiers traicts &
 offices du sage, qui ne se trouuent point ailleurs.
 l'entends au sens que nous le prenons & descriuons
 icy? Car encores qu'aucunes d'icelles, comme la
 preud'homme, l'observation des loix, semblent
 se trouuer en autres du commun & prophanes,
 mais non telles que nous le dépeignons & requie-
 rons icy. Celuy est donc sage lequel se maintenant
 vrayement libre, franc & noble se conduit en tou-
 tes choses selon nature, accommodant la sienne

propre & particuliere à l'vniuerselle, qui est Dieu, viuant & se portant deuant Dieu, avec tous & en tous affaires, droit, ferme, ioyeux, content, & assuré, attendant de mesme pieds toutes choses qui peuuent aduenir, & la mort la derniere.

*EXEMPTION ET AFFRANCHIS-
sement des erreurs, & vices du monde,
& des passions.*

Premiere disposition à la Sagesse.

CHAP. I.

IL faudroit icy, pour la premiere leçon & instruction à la Sagesse, mettre la cognoissance de foy & de l'humaine condition, car le premier en toutes choses est de bien cognoistre le sujet avec lequel on a affaire, que l'on traite & manie, pour le mener à perfection: mais nous tenons cela desia pour fait, c'est le sujet de tout nostre premier livre: Seulement pouuons nous dire icy pour vne repetition sommaire de tout le precedent, que l'homme aspirant à la sagesse doit sur toutes choses, & auant tout ceuvre bien se cognoistre & tout homme: c'est la vraye science de l'homme, tres-vtile, & de tres-grand estude, fruit & efficace, car l'homme c'est tout, propre au sage, le seul sage se cognoist, & qui bien se cognoist sage est, tres difficile, car l'homme est extremement fardé & desguisé; non seulement l'homme à l'homme, mais chacun à soy mesme: chacun prend plaisir à se tromper, se cacher, se dérober & trahir, *Ipsi nobis furte sub-*

ducimur, Se flattant & chatoüillant pour se faire rire, atenuant ses deffauts, enrichissant ce qu'il a de bon, conuiant & fermant les yeux pour ne se voir bien clair; tres-rare & soucié de bien peu, d'ot n'est merueilles si la sagesse est si rare. Car tant peu y a qui en sçachent bien la 1. leçon, ny qui l'estudient, personne n'est maistre à soy-mesme ny gnere à autrui. Aux choses non necessaires & estrâgeres, tant y a de maistres & de disciples, en cette-cy p. int; nous ne sômes iamais chez nous ny au dedâs, nous musôs toujours au dehors, l'hôme cognoit mieux toutes autres choses que soy. O misere! O insipience! Pour estre sçauant en ceste part, faut cognoistre toutes sortes d'hommes de tous airs, climats, naturels, âges, estats, professions (à cecy sert le voyager & l'histoire) leurs mouuemens, inclinations, actions, non seulement publiques, c'est les moins, elles sont toutes feintes & artificielles, mais priuees, & spécialement les plus simples & naïues, produites de leur propre & naturel ressort: Et aussi toutes celles qui le touchent & interessent particulieremēt, car en ces deux se descouure le naturel: Puisqu'il les apporte toutes ensemble, pour en faire corps entier, & iugement vniuersel: mais spécialement qu'il entre en soy mesme, se taste, se sonde bien attentiuement, qu'il examine chascue pensee, parole, action. Certes en fin il apprendra que l'homme est en verité d'une part vne fort chetive, foible, pitieuse & miserable chose, & en aura compassion, & d'autre part le trouuera tout enflé & gonflé de vent d'orgueil, presumption, desirs dont il en aura dépit, desdain & horreur. Or il a esté suffisamment iufques au vif depeint & representé au precedent li-

ure par diuers moyens, en tout sens, & à tous visages, c'est pourquoy nous ne parlerons d'auantage icy de cette cognoissance de l'homme & de soy. Mais bien mettons nous icy pour premiere regle de sagesse, le fruit de cette cognoissance, afin que la fin & le fruit du premier liure soit le commencement & l'entree de ce second. Ce fruit est de se garder & preseruer de la contagion du monde, & de soy même: ce sont deux maux & deux empêchemens formels de sagesse, l'un externe, ce sont les opinions & les vices populaires, la corruption generale du monde, l'autre interne, ce sont les passions nostres: desia combien cecy est difficile, & comment se pourra l'on defendre & garder de ces deux. La sagesse est difficile & rare, c'est icy le plus grand & presque le seul effort qu'il y a pour paruenir à la Sagesse, il se faut emanciper & arracher de cete miserable captiuité double, publique & domestique, d'autrui & de nous mesmes, si nous y voulons auoir accès à la sagesse: cecy gagné, le reste sera aysé. Parlons de ces deux maux distinctement.

2.
Exem-
tion des
erreurs
populai-
res.

Quant à l'extreme nous auons cy deuant assez amplement dépeint le naturel populaire, les humeurs estranges du monde & du vulgaire; par où il est aisé de scauoir ce qui peut sortir de luy. Car puis qu'il est idolatre de vanité, enuieux, malicieux, iniuste, sans iugement, discretion, mediocrité, que peut-il deliberer, opiner iuger, resoudre, dire, ny faire bien & à droit: Nous auons aussi comme par exemple rapporté & cotré (en representât la misere humaine) plusieurs grâdes fautes que cōmet generalmente le mode en iugemēt & en volonté, par où il est aisé de cognoistre qu'il est tout cōfit en er-

reur & en vice. A quoy s'accordent les dires de tous les sages, que la pire part est la plus grande, de mille n'en est pas vn bon; le nombre des fols est infiny: la contagion est tres-dangereuse en la presse.

Par quoy ils conseillent non seulement ne tremper point, & se preserver net des opinions, desseins, & affections populaires, comme toutes basses, foibles, indigestes, impertinentes, & fort souuent fausses, au moins fort imparfaites: mais encores de fuir sur tout, la tourbe, la compagnie & conuersation du vulgaire, d'autant que l'on n'en approche iamais sans son dommage & empirement. La frequentation du peuple est contagieuse & tres-dangereuse aux plus sages & fermes qui puissent estre: car qui pourroit soustenir l'effort & la charge des vices venans avec si grande troupe? Vn seul exemple d'avarice ou de luxe fait beaucoup de mal: la compagnie d'un homme delicat amolit peu à peu ceux qui vivent avec luy. Vn riche voisin allume nostre conuoitise, vn homme desbauché & corrompu frappe par maniere de dire & applique son vice, ainsi qu'une rouille, au plus entier & plus net. Qu'auendra-il donc de ces mœurs, auxquels tout le monde court à bride abbatue?

Mais quoy? Il est tres-rare & difficile de ce faire: c'est chose plausible & qui a grande apparence de bonté & iustice, que suivre la trace approuuée de tous; le grand chemin battu trompe facilement, *la est via ad mortem, & multi per eam: mundus in maligno positus*: nous allons les vns apres les autres, comme les bestes de compagnie, ne fondons iamais à raison, le merite, la iustice, nous suivons l'exemple, la coustume, & comme à l'enuy nous tresbuchons

& tombons les vns sur les autres, nous nous pressons & attirons tous au precipice, nous faillons & perissons à credit, *alienus primus exemplis*. Or celuy, qui veut estre sage, doit tenir pour suspect, tout ce qui plait & est approuué du peuple, du plus grand nombre, & doit regarder à ce qui est bõ & vray en soy, & non à ce qui le semble, & qui est le plus vñté & frequeté, & ne se laisser coiffer & emporter à la multitude, qui ne doit estre cõptee que pour vn. *Vnus mihi pro populo, & poculus pro vno*. Et quand pour l'abbatre & arrester court, l'on dira, tout le monde, dit, croit, fait ainsi, il doit dire en son cœur, tant pis, voycy vne meschante caution, ie l'en estime moins, puisque tout le monde l'approuue: comme le sage Phocion, lequel voyant le monde applaudir tout haut à quelque chose, qu'il auoit prononcé, se tournant vers les amis assistans, leur dit, me seroit-il eschappé sans y penser quelque sottise, ou quelque lasche & meschante parole, que tout ce peuple icy m'approuue? *Quis placere potest populo, cui placet virtus? malis artibus queritur popularis fauor*. Il faut donc tant qu'il est possible, fuir la hantise & frequentation du peuple, sot, imperit, mal complexionné, mais sur tout se garder de ses iugemens, opinions, mœurs vicieuses, & sans faire bruit tenir tousiours son petit bureau à part. *Quod scio non probat populus, quod probat populus ego nescio. Sapiens non respicit quid homines iudicent, non ita pñā populus, sed ut sydera mundi contrarium inter intēdūt, ita hic aduersus opiniones omnium vadis, demeurant au monde sans estre du monde, comme le roignon couuert & fermé de gresse, & n'en tient rien: non estis de mundo, ideo odit vos mundus: pñā propheta*

num vulgus & arceo. C'est solidité tant recommandée par les sages, qui est descharger son ame de tous vices & opinions populaires, & la r'auoir de cette confusion & captiuité, pour la reietter à soy, & la mettre en liberté.

L'autre mal & empeschement de sagesse, dont il se faut bien garder, qui est interne & par ainsi plus dangereux, est la confusion & captiuité de ses passions, & tumultuaires affections, desquelles il se faut despoüiller & garantir afin de se rendre vuide & net comme vne carte blanche, pour estre sujet propre à y recevoir la teinture & les impressions de la Sagesse, contre lesquelles s'opposent formellement les passions: dont a esté dit par les Sages, qu'il est impossible même à Iupiter d'aymer & estre en cholere, estre touché de quelque passion, & estre sage tout ensemble. La sagesse est vn maniement réglé de nostre ame, avec mesure & proportion: c'est vne equabilité & vne douce harmonie de nos iugemens, volontez, mœurs, vne santé constâte de de nostre esprit: & les passions au rebours ne sont que bonds & volees, accès & recés fieux de folie, saillies & mouuemens violens & temeraires.

Nous auons assez depeint les passions au liure precedent, pour les auoir en horreur, les remedes & moyens de s'en défaire: & les vaincre, generaux (car les particuliers contre chacune, seront au troisieme liure, en la vertu de force & de temperance) sont plusieurs & differents, bons & mauuais: & c'est sans conter cette bonté & felicité de nature, si bien attrempee & assaisonnée, qui nous rend calmes, sereins, exempts & nets de passions fortes, & mouuemens violens, & nous tient en belle as-

5.
seconde
partie, exempts
des passions.

6.
Remede
des generaux
cōtre les
passions.

fiette, equible, vnis, fermes & acérés contre l'effort des passions, chose tres rare. Cecy n'est pas remede contre le mal, c'est exemption de mal, & la santé mesme: Mais des remedes contre icelles nous en pouuons remarquer quatre.

7. Stupidi-
té. Le premier, impropre & nullement loüable, est vne stupidité & insensibilité à ne sentir & n'apprehender point les choses, vne apathie bestiale des ames basses & plattes du tout, ou bien qui ont l'apprehension toute emoussée, vne ladrerie spirituelle, qui semble auoir quelque air de santé, mais ce ne l'est pas. Car il n'y peut auoir sagesse & constance, où n'y a point de cognoissance, de sentiment & d'affaires, & ainsi c'est complexion & non vertu. C'est ne sentir pas le mal & non le guerir: neantmoins cest estat est beaucoup moins mauuais, que le cognoistre, sentir, se laisser gourmander & vaincre, --- *Prætulærim delirus inersque videri,
Dum meæ delectent mala me, vel denique fallant;
Quàm sapere & ringi.*

8. Contre
passion. Le second remede ne vaut gueres mieux que le mal mesme, toutefois le plus en vſage, c'est quand l'on vainc & l'on estouffe vne passion par vne autre passion plus forte: car iamais les passions ne sont en égale balance. Il y en a tousiours quelque vne (comme aux humeurs du corps) qui predomine, qui regente & gourmande les autres. Et nous attribuent souuent tres-faussement à la vertu & sagesse, ce à quoy elle n'a pas pensé, & qui vient de passion: mais c'est beaucoup encor pour ces gens-là, quand les passions, qui maistrisent en eux, ne sont pas des pires.

3. Le troisieme remede & bon (encores qu'il ne soit

le meilleur (est prudent & artificiel, par lequel l'on se desrobe, l'on fuit, l'on se tapit & se cache aux accidens, & à tout ce qui peut picquer, esueiller ou eschauffer les passions. C'est vne estude & vn art, par lequel on se prepare avant les occasions, en destournant les aduenues aux maux, & l'on pourroit à ne les sentir point, comme fit ce Roy qui cassa la belle & riche vaisselle, que l'on luy auoit donné, pour oster de bon heure toute matiere de courroux. L'oraison proprement de ces gens-cy est, *Et ne nos inducas in tentationem*. Par ce remede, qui se picque au jeu, ne jouë point, les gens d'honneur prompts & choleres fuyent les altercations contentieuses, arrestent le premier bransle d'émotion. Car quand l'on est dedans, il est mal ayfé de s'y porter bien sagement & discrettement: nous guidons leurs affaires en leurs cōmencemens, & les tenōs à nostre mercy: mais apres qu'ils se sont ébranlez & eschauffez, ce sont eux qui nous guident & emportent. Les passions sont bien plus aisées à euitier qu'à moderer, *exscinduntur animo facilius quam temperantur*: pour ce que toutes choses sōt en leur naissance foibles & tendre. En leur petitesse l'on n'en descouure pas le danger, & en leur force l'on en trouue plus le remede, comme voyōs en plusieurs, qui facilement & legerement entrent en querelle, procès, dispute, puis sont forcez d'en sortir honteusement, & faire accords lasches & vilains, cherchant des fausses interpretations, mentans & se desmentans eux mesmes, trahissans leur cœur, plastrans & pallians le fait, qui sont tous remedes pires cent fois que le mal qu'ils veulēt guair, *malus non incipit, quam desinit*, de la faute de

prudence ils retombent en faute de cœur : c'est au contraire du dire de Bias, entreprendre froidement, mais pour suiure ardemment. C'est comme les fots tachez du vice de mauuaise honte, qui sont mols & faciles à accorder tout ce qu'on leur demande, & puis sont faciles à faillir de parole, & à se desdire. Parquoy il faut aux affaires & aux cōmerce des hommes, tout du commencement estre prudent & aduisé.

10.
Vertu.

Le quatriesme & meilleur de tous, est vne viue vertu, resolution & fermeté d'ame, par laquelle on void & on affronte les accidents sans trouble, on les luttres & on les combat. C'est vne forte, noble, & glorieuse impassibilité toute contraire à l'autre premiere, qu'auons dit basse & stupide. Or pour s'y former & y paruenir, seruent de beaucoup, & sur tous les discours precedens. Le discours est maistre des passions, la premeditation est celle, qui donne la trempe à l'ame, & la rend dure, accree & impenetrable à tout ce qui la veut entamer. Le moyen propre pour appaiser & addoucir ces passions est les bien cognoistre, examiner & iuger quelle puissance elles ont sur nous, & quelle nous sur elles. Mais sur tout le souuerain remede est de ne croire, & ne se laisser iamais emporter à l'opinion, qui est ce qui foment & allume nos passions, & est, comme a esté dit, fausse, folle, volage & incertaine, la guide des fols & du vulgaire, mais se laisser tout doucement mener à la raison, & à la nature, qui est la guide des Sages, meure, solide & arrestée. De ceste matiere encor cy apres au long.

11.
Presom-
pion.

Mais sur toutes passions se faut tres-soigneusement garder & deliurer de ceste philautie, presumption,

ption, & folle amour de soy mesmes, pestes de l'homme, ennemy capital de sagesse, vraye gangrene, & corruption del'ame; par laquelle nous nous adorons & demeuronstant contents de nous, nous nous escoutons & nous croyons nous mesmes. Or nous ne scaurions estre en plus dangereuses mains que les nostres. C'est vn beau mot venu originellement du langage Espagnol, *O Dieu garde moy de moy*. Cette presumption & fol amour de soy, vient de la mes-cognoissance de soy, de la foiblesse, de son peu, tant en general de l'infirmité & misere humaine, qu'en particulier de la sienne propre & personnelle: & iamaïs homme qui aura vn grain de cette folie, ne paruiendra à la sagesse. La bonne foy, la modestie, la cognoissance cordiale & serieuse de son peu, est vn grand tesmoignage de bon & sain iugement, de droite volonté, & ainsi vne belle disposition à la sagesse.

V N I V E R S E L L E E T P L E I N E
liberté d'esprit tant en iugement qu'en
volonté Seconde disposition à
la Sagesse.

CHAP II.

L'Autre disposition à la Sagesse, qui suit ceste premiere (qui nous a mis hors cete captiuité & confusion externe & interne, populaire & passionnee) c'est vne pleine, entiere, genereuse & seigneuriale liberté d'esprit, qui est double, scauoir du iugement & de la volonté.

La premiere du iugement consiste à considerer

X

Liberté
de iuge-
ment.

Quel est
xpl
quée & a
trois
parties.

iuger, examiner toutes choses, & ne s'obliger ny attacher à aucune, mais demeurer à soy, libre, vniuersel, couuert & prest à tout. Voicy le haut point le plus propre, droict & vray priuilege du sage & habile homme, mais que tous ne sont capables d'entendre, d'aduouer, & encores moins de bien practiquer: C'est pourquoy il nous le faut icy establir: contre les incapables de sagesse. Et premierement, pour euitier tout mécôte, nous expliquons les mots, & en donnons le sens. Il y a icy trois choses qui s'entretiennent, causent & conseruent, qui sont, iuger de toutes choses, n'espouser ny ne s'obliger à aucune, demeurer vniuersel & ouuert à tout. Par iuger, nous n'entendons pas resoudre, affirmer, determiner; Cecy seroit contraire au second, qui est ne s'obliger à rien, mais c'est examiner, peser, balancer les raisons & contreraisons de toutes parts, le poids & merites d'icelles, & ainsi quester la verité. Aussi ne s'attacher ny s'obliger à aucune, ce n'est pas s'arrester & demeurer court, beant en l'air, & cesser de faire, agir & proceder aux actions & deliberations requises: Car ie veux qu'és actions externes & communes de la vie, & en tout ce qui est de l'usage ordinaire, l'on s'accorde & accommode avec le commun, nostre regle ne touche point le dehors & le faire, mais le dedans, le penser, & iuger secret & interne: & encores en secret & interne, ie consens que l'on adhere, & l'on se tienne à ce qui semble plus vray semblable, plus honneste, plus vtile, plus commode, mais que ce soit sans determination: resolution, ou affirmation aucune: ny condamnation des autres aduis & iugemens contraires, ou diuers, vieux, ou nouveaux, ains se tenir

touſſours preſt à recevoir mieux ſ'il apparoiſt, ne trouver mauvais ſi l'on heurte & conteſte ce que nous penſons le meilleur, voire le deſirer : Car c'eſt le moyen d'exercer le premier, qui eſt iuger & eſtre touſſours en queſte de la verité. Ces trois, diſ-je, ſ'entretiennent & conſervent, car qui iuge bien & ſans paſſion de toutes choſes, trouve par tout de l'apparence & de la raiſon qui l'empêche de ſe reſoudre, craignant de ſ'eſchauder en ſon iugemēt, dont il demeure indéterminé, indifférent & uni-verſel : Au rebours celui qui ſe reſout ne iuge plus, il ſ'arreſte & acquieſce à ce qu'il tient, & eſt partisan & particulier : Au premier ſont contraires les ſots, ſimples, & foibles, au ſecond les opiniâtres affirmatifs, au troiſième tous les deux qui ſont particuliers : Mais tous trois ſont pratiqués par le ſage, modeste, diſcret, & temperé, queſteur de vérité, & vray Philoſophe. Il reſte pour l'explication de cette noſtre propoſition, de dire que par toutes choſes, & aucune choſe (car il dit, iuger toutes choſes, ne ſ'aſſurer d'aucune) nous n'entendons les veritez diuines qui nous ont eſté reuelees, lesquelles il faut recevoir ſimplement avec toute humilité & ſubmiſſion, ſans entrer en diuiſion ny diſcution, là faut baiffer la teſte, brider & captiuer ſon eſprit *captivantes intellectum ad obſequium fidei* : mais nous entendons toutes les autres choſes ſans exceptiō. Cete ſimple explication ſuffiroit peut-eſtre à un eſprit equitable, pour luy faire recevoir cette regle de ſageſſe, mais pour ce que je voy & ſens un tas de gens glorieux, reſolus, affirmatifs, qui veulent regêter le monde & le mener à baguete, & cōme les premiers ont juré à certains principes & eſpouſé certaines o-

pinions, ils veulent que tous les autres en fassent de mesme, dont ils s'opposent à cette noble liberté d'esprit. Il est besoin de plus amplement l'establiſſir & affermer, & traicter par ordre ces trois points & membres d'icelle

2.
Le 1. iu-
ger de
tout.

Le premier est de iuger de tout, c'est le propre du Sage & spirituel, dit vn des premiers & ſouuerains ſages, *ſpiritualis omnia dijudicat & à nemine indica- tur* : Le vray office de l'homme, ſon plus propre & plus naturel exercice, ſa plus digne occupation est de iuger. Pourquoy est-il homme diſcourant, rai- ſonnant, entendant ? Pourquoy a il l'eſprit, pour faire, comme l'on dit, des Chasteaux en Eſpagne & ſe repaiſtre de ſottises & vanitez, comme faiſt la plus part du monde ? *Quis unquam oculos tenebrarum cauſa habuit* ? Certes pour voir, entendre, iuger toutes choſes, dont il est bien nommé le Syndic, le Surintendant, le Contreroolleur de nature, du monde, des œuvres de Dieu : Le vouloir priuer de ce droit, c'est vouloir qu'il ne ſoit plus homme, mais beſte, le faire ſingulierement, excellemment, c'est au Sage, ſi ne iuger point heurte le naturel ſimple & propre de l'homme, que ſera-ce au Sage qui est autant par deſſus le commun des hommes, comme celui du commun est par deſſus les beſtes ? C'est donc merueilles que tant de gens (ie ne dy les ſoi- bles & idiots qui n'ont la faculté & le moyen de l'exercer) qui ſont ou ſont les entendus & ſuffiſans, renoncent & ſe priuent à eſcienſ de ce droit & au- thorité ſi naturelle, ſi iuſte, & ſi excellente, les- quels ſans rien examiner ny iuger ſeulement, re- çoiuent approuuent tout ce qui ſe preſente, ou pour ce qu'il a beau ſemblant & belle apparence,

ou pour ce qu'il est en vogue, en credit & obser-
 uance commune, voire pensent qu'il ne soit pas
 permis d'en doubter ou l'examiner, s'abbestissant
 & dégradans de cette façon, ils sont bien fiers &
 glorieux en d'autres choses, mais en cecy sont
 craintifs & raualliez, qui toutesfois leur appar-
 tient si iustement, & qui est avec tant de raisons.
 Puis qu'entre mille mensonges n'y a qu'une veri-
 té, mille opinions de mesme chose, vne seule ve-
 ritable, pourquoy n'examineray je avec l'outil de
 la raison, qu'elle est la meilleure, plus vray, rai-
 sonnable, honneste, vtile commode? Est-il possi-
 ble que tant de loix, coustumes, opinions,
 mœurs differentes & contraires aux nostres qu'il
 y a au monde, il n'y ait que les nostres bonnes:
 Que tout le reste du monde se soit mesconté? Qui
 l'osera dire, & qui doute que les autres n'en di-
 sent tout autant des nostres, & que cestuy-cy qui
 ainsi condamne ces autres, s'il y fut né & nourry ne
 les trouuast meilleures, & ne les preferast à cel-
 les cy qu'il estime maintenant les seules bonnes,
 à cause qu'il les a accoustumées? Enfin à celuy qui
 seroit si hardy & si fol de le dire, ie luy responderay
 que ce cet aduis & réglé sera pour le moins bonne
 pour tous les autres, affin qu'ils se mettent à iuger
 & examiner tout, & qu'en ce faisant ils trouuent
 les nostres meilleures. Or sus donc le Sage iugera
 de tout, rien ne luy eschappera qu'il ne mette sur
 le bureau & en la balance: C'est à faire aux pro-
 phanes & aux bestes se laisser mener comme des
 bueles, ie veux bien que l'on viue, l'on parle, l'on
 face comme les autres & le commun, mais non
 que l'on iuge comme le commun, voire ie veux

que l'on iuge le commun. Qu'aura le sage & sacré par dessus le prophane, s'il faut encores qu'il aye son esprit, la principale & heroïque piece, esclau du commun? le public & commun se doit contenter que l'on se conforme à luy en toutes les apparences; qu'a-il affaire de mon dedans, de mes pensées & iugemens? Ils gouverneront tant qu'ils voudront ma main, ma langue, mais non pas mon esprit s'il leur plaît, il a vn autre maistre, Empeschcr la liberté de l'esprit l'on ne scauroit, le vouloir faire c'est la plus grande tyrannie qui puisse estre, le sage s'en gardera bien actiuement & passiuement, se maintiendra en sa liberté, & ne troublera celle d'autrui.

3.
Effet de
ce pre-
mier
trait.
Le sage
autre au
dedans &
au de-
hors,

Or iouïssant ainsi le sage de ce droit sien à iuger & examiner toutes choses, il aduiendra souuent que le iugement & la main, l'esprit & le corps se contrediront, qu'il fera au dehors d'une façon & iugera autrement au dedans, iouera vn roolle deuant le monde, & vn autre en son esprit, il le doit faire ainsi pour garder iustice par tout. Le dire general, *uniuersus mundus exercet histrioniam*, se doit proprement & vrayement entendre du sage, qui est autre au dedans qu'il ne monstre au dehors: s'il estoit au dehors tel que dedans, il ne seroit de mise ny de recepte, il heurteroit par trop le monde: S'il estoit au dedans tel qu'au dehors, il ne seroit plus sage, il iugeroit mal, seroit corrompu en son esprit. Il doit faire & se porter au dehors pour la reuerence publique & n'offenser personne, selon que la loy, la coustume & ceremonie du pays porte & requiert: Et au dedans iuger au yray ce qui en est, selon la raison vniuerselle, se-

don laquelle souuent il aduendra qu'il condamnera ce qu'au dehors il fait, *sapiens faciet quæ non probabit, ut ad maiora transitum inueniat, nec relinquet bonos mores, sed tempori aptabit: omnia quæ imperiti faciunt & luxuriosi faciet, sed non eodem modo nec eodẽ proposito, multa sapientes faciunt quia homines sunt, non quia sapientes.* Il se portera aux choses & aux faits, comme Ciceron aux paroles qui disoit ie laisse l'usage du parler au peuple, & ie me garde la science des mots, *loquendum & extra viuendum ut multi, sapiendum ut pauci.* Donnons en quelque exemples, & premierement des choses bien legeres: I'osteray humblement mon bonnet, & tiendray la teste nue deuant mon Superieur, car ainsi le porte la coustume de mon pais, & ne laisseray pas de iuger que la façon d'Orient est bien meilleure de saluer & faire la reuerence, mettant la main sur la poitrine, sans se descouvrir au preiudice de la santé, & s'incommoder en plusieurs façons. Au rebours si i'estois en Orient, ie prendroys mon repas assis à terre, ou accoudé & demy couché, regardant la table de costé, comme ils font là, & iadis faisoit le Sauueur avec ses Apostres, *recumbentibus, discumbentibus*, & ne laisseroys de iuger que la façon de s'asseoir haut à table, & la face droite vers icelle, comme la nostre, est plus honneste, plus seante & commode. Ces exemples sont de peu de poids & y en a mille pareils. Prenons-en de plus pesans, ie veux & consens que les morts soient enterrez & abandonnez à la mercy des vers, de la pourriture & puantise, car c'est maintenant la façon commune, & presque generale par tout, mais ie ne laisseray pas de iuger que

la façon ancienne de les brusler & recueillir des cendres est beaucoup plus noble & plus nette : les donner & recommander au feu, le plus noble des elemens, ennemy de pourriture & puantise, voisin du ciel, signe de l'immortalité, tenant de la divinité, & duquel l'usage est plus propre & peculier à l'homme, qu'à la terre, qui est la lie, le marc, & l'ordure des elemens, la sentine du monde, mere de corruption, & aux vers qui est l'extreme ignominie & horreur, & par ainsi apparier & traiter de mesme l'homme & la beste : la religion mesme enseigne & commande de disposer de cette façon de toutes reliques, comme de l'Agneau Paschal que l'on ne pouvoit manger, des Hosties consacrees, des linges teints en huyles sacrees, pourquoy n'en fera-il fait de mesme de nos corps & reliques ? Faites ie vous prie pire si vous pouuez que les mettre en terre à la corruption : cela ce semble deuroit estre pour ceux qui sont punis du dernier supplice, & gens infames, & que les reliques des gens de bien & d'honneur fussent plus dignement traitees. Certes, de toutes les manieres de disposer des corps morts qui reuiennent à cinq, sçauoir les donner aux quatre Elemens, & aux vêtres des animaux, la plus vile, basse honteuse, est les enterrer, la plus noble & honorable est les brusler. Ayons en encores vn autre, ie veux & consens que mon Sage d'aux choses naturelles face la petite bouche, qu'il cache & couure les parties & les actions, que l'on appelle honteuses, & qui feroit autrement i'en aurois horreur & tres-mauuaise opinion, car pres-que tout le monde vit ainsi : mais ie veux bien cependant qu'il iuge que de soy, simplement, & se-

l'on nature elles ne sont non plus honteuses que le nez & la bouche, le boire & le manger, n'ayant Nature, c'est Dieu, rien fait de honteux, mais c'est par ailleurs que par nature, sçavoir par l'ennemy de Nature qui est le peché : La Theologie encores plus pudique que la Philosophie, nous dit qu'en la Nature entiere & non encore alteree par le faict de l'homme elles n'estoient point honteuses, honte n'estoit point, elle est ennemie de Nature, c'est l'engeance de peché. Je consens de m'habiller comme ceux de mon pays & de ma professiõ, & si i'estoy né ou habitué en ce pays où ils vont nuds, i'en feroys de mesme, mais ie ne laisse pas de iuger que toutes les deux façons ne sont gueres bonnes, & si i'auois à choisir & ordonner, ie prendroy la façon mediocre de ce pays où ils se couurent d'un seul & simple couuert, assez leger, aysé sans façon ny despense, trouuant mauuaise nostre maniere, & pire encores que d'aller nud, d'estre si fort enueloppé & enfermé de si grande multitude & varieté de couuerts, de diuerses estoffes, iusques à quatre, cinq, six, l'un sur l'autre, dont les vns sont doubles, qui vous tiennent pressez, contraints & subiects avec tant de costures, pieces, attaches, sans parler de la dissolution & autres excez abominables & condamnés par toutes bonnes loix : ie me contenteray de ces exemples icy, le mesme en pourroit-on faire de toutes loix, coustumes, mœurs, & de ce qu'il est du fait, combien encores plus des opinions, & de ce qui est du droit ?

Si quelqu'un dit que j'ay mal iugé en toutes ces exemples, & que generallement si la liberté est

4.
Obie-
ction.

donnée de iuger de toutes choses, il y a danger que l'esprit s'esgarera & se perdra, se coiffant & remplissant des foles & fausses opinions. Je respond au premier qui me touche en particulier, que c'est chose tres-aysee que ie n'aye pas trouué le vray en toutes ces instances, & est chose fort hardie d'en accuser personne, car c'est vouloir dire que l'on sçait où est, & quel est le vray és choses, & qui le sçait? Or ne trouuer pas le vray, ce n'est pas mal iuger; mal iuger c'est mal peser, balancer, confronter, c'est à dire examiner les raisons, & mal les niueler à la premiere naturelle & vniuerselle, (encores pour bien faire ces deux, il ne s'en suit pas que l'on aye trouué la verité) or pour le dire simplement ie n'en croy rié, si l'on ne le montre: si l'on le montre par d'autres raisons contraires, plus fortes & puissantes, ie luy diray vous soyez le bien venu: ie vous attendois: les oppositions & contradictions raisonnées sont les vrais moyens d'exercer cet office du iuge. Je n'auoy ces opinions qu'en attendant que vous me les ostassiez, & m'en baillassiez de meilleures, & pour respondre plus au fonds & à l'obiet general du danger qu'il y a en cette liberté outre qu'il a dit & le sera encores plus par exprez en la 3. leçon de sagesse & chapitre suiuant, que la regle qu'il faut tenir en iugeant, & en toutes choses est nature, la naturelle & vniuerselle raison, suiuant: laquelle on ne peut iamais faillir; voicy l'autre membre de ceste liberté iudicieuse que nous allons traiter au long, qui fournira de remede à ce danger pretendu.

L'autre point de ceste liberté seigneuriale d'esprit est vne indifference de goust, & surseance d'ar-

5.
L. 1. No.

rest & resolution, par laquelle le sage considerant ^{s'oblige} froidement & sans passion toutes choses, comme ^{à rien.} dit, est, ne s'aheurte, ne iure, ne se lie, ou s'oblige à aucune, se tenant tousiours prest à recevoir le vray ou plus vray semblable qui luy apparoiſtra, & disât en son interne & secret iugement, ce que les anciens en leurs externes & publics, *ita videtur*, il semble ainsi, il y a grâde apparéce de ce costé-là que si quelqu'un s'y oppose & contredit sans s'esmouvoir, il est prest à entendre les raisons contraires & les recevoir, les trouvant plus fortes & meilleures, & tous jours au dernier aduis qui luy demeure, il pèse qu'il y a ou peut avoir mieux, mais qu'il n'apparoist encores. Cete surseance est fondée premièrement sur ces propositions tant celebres parmy les sages, qu'il n'y a rié de certain, que nous ne sçauons rien, qu'il n'y a rié en nature que le doute, rié de certain que l'incertitude, *solum certum nihil esse certi, bonū scio quod nihil scio*: Que de toutes choses l'ô peut également disputer, que nous ne faisons que questionner, enquerir, tastonner à l'entour des apparences, *scimus nihil opinamur verisimilia*, que la verité n'est point de nostre acquêt, inuention, ny prise, quand elle se rendroit entre nos mains, nous n'auons de quoy nous la vendiquer, nous en asseurer & la posséder; que la verité & le menſonge entrent chez nous par mesme porte, & y tiennent pareille place & credit, s'y maintiennent par mesmes moyens; qu'il n'y a opinion aucune tenuë de tous & par tout, aucune qui ne soit debatue & contestée, qui n'en aye vne cōtraire tenuë & soustenuë, que toutes choses ont deux anses & deux visages, qu'il y a raisõ par tout, & n'y en a aucune qui n'aye

la contraire, elle est de plomb, elle plie tourne, & s'accommode à tout ce que l'on veut. Bref, c'est la doctrine & la pratique de tous les Sages ? plus grands & plus nobles Philosophes, qui ont fait expresse profession d'ignorer, douter, enquerir, chercher. Les autres encorés qu'ils ayent esté dogmatistes & affirmatifs, c'est toutèfois de mines & paroles seulement pour montrer iusques où alloit leur esprit au pourchas & queste de la verité, *quàm docti fingunt magis quàm norunt*, donnant toutes choses non à autre, ny plus fort titre que probabilité & vray semblance, & les traittans diuersement, tantost d'un visage & en vn sens, tantost d'un autre, par demandes problematiquemēt, plustost enquerant qu'instruisant, & montrant souuent qu'ils ne parlent pas à certes, mais par ieu, & par exercice. *Nontam id sensisse quod dicerent, quàm exercere ingenia materia difficultate voluisse videntur.* Et qui croira que Platon aye voulu donner sa Republique & ses idees, Pythagoras ses Nombres, Epicure ses Atomes pour argent cōtant ? Ils prenoiēt plaisir à pourmener leurs esprits en des inuentions plaisantes & subtiles, *quæ ex ingenio finguntur, non ex scientia vi.* Quelques-fois aussi ils ont estudié à la difficulté pour couvrir la vanité de leur subiet, & occuper la curiosité des esprits. Et Aristote le plus resolu de tous, le Prince des dogmatistes & affirmatifs, le Dieu des pedans, combien de fois se trouue il empesché, & ne sçait à quoy se resoudre au fait de l'ame, il est presque tousiours dissemblable à soy, & tant d'autres choses plus basses qu'il n'a sceu trouuer ny entendre, confessant quelquefois ingenuement la grande foiblesse humaine à trouuer & cognoistre la verité.

Ceux qui sont venus apres d'esprit pedantesque, presumptueux, qui font dire à Aristote & autres tout ce qui leur plaist, & tiennent bien plus opiniastrement, leurs opinions qu'eux ne firent jamais, & les desavoueroient pour disciples s'ils retournoient, hayssent & condamnent arrogamment ceste regle de sagesse, ceste modestie & surseance Accademique, faisant gloire de s'opiniastres à vn party à tort ou à trauers, aymant mieux vn affirmatif testu & contraire à leur party, contre lequel ils puissent donner & exercer leur mestier, qu'un modeste & paisible qui doute & surseoit son iugement, contre lequel leur coups s'esmoussent, c'est à dire, vn fol qu'un sage, semblables aux femmes, qui ayment mieux qu'on les contredise iusques à iniures, que si par froidenr & mespris l'on ne leur disoit rien, par où elles pésent estre desdaignées & condamnées, en quoy ils montrent leur iniquité. Car pourquoy ne sera-il loisible de douter & considérer comme ambiguës les choses sans rien déterminer come à eux d'affirmer? Pourquoy ne sera il permis de candidement confesser que l'on ignore, puis qu'en verité l'on ignore, & tenir en suspens & souffrance ce de quoy ne sommes asseurez, contre quey il y a plusieurs oppositions & raisons? Il est certain, selon tous les sages, que nous ignorons beaucoup plus de choses que n'en sçauons, que tout nostre sçauoir, est la moindre partie & presque rien au regard de ce que nous ignorons; les causes de nostre ignorance, sont infinies, & de la part des choses trop esloignées ou trop voisines, trop grandes ou trop petites, trop, ou trop peu durables, perpetuellement changeantes, & de la nostre, & la maniere de les

6.
Obient
au con-
traire,

cognoistre, qui n'est encores bien apprise : Et ce que nous pensons sçauoir, nous ne le sçauons, ny ne le tenons pas bien, tesmoin que l'on nous l'arrache souuent des poings, & si l'on ne l'arrache pour ce que nostre opiniastreté est plus forte, au moins l'on nous la conteste, l'on nous y trouble. Or comment serons-nous capables de sçauoir plus & mieux si nous nous aheurtons, arrestons & reposons à certaine chose, & de telle façon que nous ne cherchons rien plus n'y n'examinons d'auantage ce que nous pensons tenir ? Ils tiennent à honte & foiblesse cette surseance, pour ce qu'ils ne sçauent que c'est, & n'apperçoient que les plus grands en ont fait profession, ils rougiroyent, & n'auroient iamais le cœur de dire franchement, Je ne sçay, tant ils sont frappez d'opinion, & presumption de science, & ne sçauent pas qu'il y a vne sorte d'ignorance & de doute, plus docte & asseurée, plus noble & genereuse que toute leur science & certitude : c'est ce qui a rendu Socrates si renommé, & tenu pour le plus sage : c'est la science des sciences, & le fruit de tous nos estudes : c'est vne modeste, candide, innocente, & cordiale recognoissance de la hautesse mysterieuse de la verité, & de nostre poure condition humaine, pleine de tenebres, foiblesse, incertitude : *Cogitationes mortalium timide, incertae, adimentiones nostrae : Deus nouit cogitationes hominum, quoniam vanae sunt.* Je diray icy que j'ay fait grauer sur la porte de ma petite maison que j'ay fait bastir à Condom l'an 1600. c. mot, *Je ne sçay.* Mais ils veulent que l'on se sous-mette souuerainement & en dernier ressort à certains principes, qui est vne iuste tyrannie. Je consens bien que l'on les employe en

tout iugement, & que l'on en face cas, mais que ce soit sàs pouuoir regimber, ie m'y oppose fort & ferme. Qui est celuy au monde qui aye droit de commander & donner la loy au monde, s'assuietir les esprits, & dōner des principes qui ne soient plus examinables, que l'on ne puisse plus nier ou douter, que Dieu seul le Souuerain esprit & le vray principe du monde, qui seul est à croire; pour ce qu'il le dit? Tout autre est suiet à l'examen & à opposition, c'est foiblesse de s'y assuietir. Si l'on veut que ie m'assuietisse aux principes, ie diray comme le Curé à ses paroissiens en matiere du temps, & comme vn Prince des nostres aux Sectaires de ce siecle en fait de Religion, accordez-vous premierement de ces principes, & puis ie m'y sous-mettray. Or il y a autant de doute & de dispute aux principes qu'aux conclusions, en la These qu'en l'hypothese, dont y a tant de Sectes entr'eux si ie me rends à l'vne, i'offense toutes les autres. Ils diront aussi que c'est vne grande peine de ne se pouuoir resoudre, demeurer tousiours en doute & perplex, voire qu'il est difficile de se tenir longuement en cét estat. Ils ont raison de le dire, car ils se sentent ainsi en eux mesmes, cela est aux fols & aux foibles: aux fols presomptueux, partisans, passionnez, preuenus & aheurtez à certaines opinions qui condānent fierement toutes les autres, encores qu'ils soient conuaincus ne se rendent iamais, se despitent & mettent en cholere, ne recognoissent bonne foy: s'ils sont contrains de changer d'aduis, les voila retournez autant resolus & opiniastres en leur nouueauté aduis qu'ils estoient auparauant au premier, ne scauent rien tenir sans passion, & iamais ne disputent pour

apprendre & trouver la verité, mais pour soustenir ce qu'ils ont desia espousé & iuré. Telles gens ne sçauent rien, & ne sçauent que c'est que sçauoir, à cause qu'ils pensent sçauoir & bien tenir la verité en leur manche: Pour ce que vous pensez venir vous n'y voyez rien dict le Docteur de verité aux glorieux & presomptueux, *si quis existimet se scire aliquid nondum cognouit quemadmodum oportet eum scire*: Aux foibles qui n'ont la force de se tenir droit sur leurs pieds, faut qu'ils soyent appuyez, ne peuvent viure sinõ en mariage, ny se maintenir libres, gens nais à la fertitude, craignent les lutins, ou que le loup les mange s'ils estoient seuls. Mais aux Sages, modestes, retenus, c'est au rebours la plus seur affiette, le plus heureux estat de l'esprit, qui par ce moyen se tient ferme, droit, rassis, inflexible, toujours libre & à foy: *hoc liberiores & solutiores sumus, quia integra nobis iudicandi potestas manet*. C'est vn tres-doux, paisible & plaissant sejour, où l'on ne craint point de faillir ny se mesconter, l'on est à labry & hors de tous dangers de participer à tât d'erreurs produits par la fantaisie humaine, & dõt tout le monde est plein, de s'embarasser en querelles, diuisions, disputes, d'offenser plusieurs partis de se desmentir & desdire sa creance, de changer, se repentir, se r'aduiser: Car combien de fois le temps nous a-il faict voir que nous estions trompez & mescontez en nos pensees & nous a forcé de changer d'opinions? Bref, c'est se tenir en repos & tranquillité d'esprit, loin des agitations & des vices qui viennent de l'opinion de l'cience que nous pensons auoir des choses, car de là viennent l'orgueil, l'ambition, les desirs immodegez, l'opiniaistreté, presom-

presomption, amour de nouuelleté, rebellion, desobeyssance: d'où viennent les troubles, sectes, heresies, seditions, que des fiers, affirmatifs & opiniastrés résolus, non des Academiques, des modestes, indifferens, neutres, sursoyans, c'est à dire, sages. Mais ie leur diray bien d'auantage; c'est la chose qui fait plus de seruice à la pieté, religion, & operation diuine que toute autre qui soit, bien loin de la heurter: seruice, dis-je, tant pour la generation & propagatiō que pour la conseruation. La Theologie, mesmes la mystique, nous enseigne que pour bien preparer nostre ame à Dieu, & à l'impression du S. Esprit, il la faut vuider, nettoyer; dépouiller & mettre à nud de toute opinion, creāce, affection; la rendre comme vne carte blanche: morte à soy & au monde, pour y laisser viure & agir Dieu, chasser le vieil possesseur pour y establir le nouveau; *expurgate vetus fermentum; exuite veterē hominem*, dōt il semble que pour planter & installer la Chrestienté en vn peuple mescreant & infidelle, comme maintenant en la Chine, ce seroit vne tresbelle methode de commencer par ces propositions & persuasions: Que tout le sçauoir du monde n'est que vanité & mensonge, Que le monde est tout confit, deschiré & vilainé d'opinions phantasques forgees en son propre cerueau: que Dieu a bien creé l'homme pour cognoistre la verité, mais qu'il ne peut cognoistre de soy, ny par aucun moyen humain. Et faut que Dieu mesmes au sein duquel elle reside, & qui en fait venir l'enuie à l'homme, la reuele, comme il a fait: mais que pour se preparer à cette reuelation, il faut auparavant renoncet & chasser toutes opiniōs & creances, dont l'esprit

est des-ja anticipé & abbrevué & le luy presenter blanc, nud, & prest. Ayant bien battu & gagné ce point & rendu les hommes comme Accademiens & Pyrroniens, faut proposer les principales de la Chrestienté, comme enuoyés du ciel, apportés par l'Ambassadeur & parfait confident de la diuinité, autorisé & confirmé en son temps par tant de preuues merueilleuses & tesmoignages tres-authentiques : voila comme cette innocente & candide surseance & vacuité de resolution est vn grád moyé à la vraye pieté, non seulement à receuoir comme ie viens de dire, mais à conseruer : car avec elle n'y aura iamais d'heresies & opinions trices, particulieres-extrauagâtes : iamais Accademicien ou Pyrronien ne sera heretique, ce sôt choses opposites : l'ô dira peut estre qu'il ne sera iamais aussi Chrestien ny Catholique, car aussi bien fera-il neutre & sursoyant à l'vn qu'à l'autre : c'est mal entendre ce qui a esté dit, c'est qu'il n'y a point de surseance, ne lieu de iuger, ny liberté, en ce qui est de Dieu. Il le faut laisser mettre & grauer ce qu'il luy plaira & non autre. I'ay fait icy vne digression à l'honneur de cette nostre regle contre ses haineurs, Reuenons.

7.
3. partie
Vniuers.
salut d'
d'esprit.

Après ces deux iuger de tout, surseoir la determination, vient en tiers lieu vniuersalité d'esprit, par laquelle le sage iette sa veuë & consideration sur tout l'vniuers, il est citoyen du monde côme Socrates, il embrasse d'affection tout le genre humain, il se promene par tout comme chez soy, void côme vn Soleil d'vn regard égal, ferme, indifferent côme d'vne haute guette, tous les changemens, diuersités & vicissitudes des choses, sans varier, & se tenât tousiours mesmes à soy, qui est vne liuree de

la diuinité, aussi est ce le haut priuilege d'usage, qui est l'image de Dieu en terre. *Magna & generosa res animus humanus, nullos, sibi poni nisi communes & cum Deo terminos patitur. Non idem sapientē qui ceteros terminos includit, omnia illi secula ut Deo seruiunt: nullū seculū magnis ingenij claustrum, nullū non cogitationi peruium tempus. Quā naturale in immensum mentem suam extendere, in hoc à natura formatus homo ut paria dijs velit, ac se in spatium suum extendat.* Les plus beaux & plus grands esprits sont les plus vniuersels, comme les plus bas & plats sont les plus particuliers: c'est sottise & foiblesse de penser que l'on doit croire, faire viure par tout comme en son village, son pays, & que les accidens qui aduiennent icy touchent & sont communs au reste du monde: le sot, si l'on recite y auoir d'autres mœurs, coustumes, loix, opinions contraires à celles qu'il voit tenir & visiter, où il les mescrôit, & dit que ce sont fables, ou bien il les abomine & condamnent promptement comme barbarie; tant il a l'ame partiale, teinte & asservie aux siennes inunicipables, lesquelles il estime seules vraies, naturelles, vniuerselles. Chacun appelle barbarie ce qui n'est de son goust & usage, & semble que nous n'auons autre touche que verité & raison que l'exemple & l'Idée des opinions & usage du pays où nous sommes, Telles gens ne jugent rien ny ne peuuent, sont esclaves de ce qu'ils tiennent, la forte preuention & anticipatiō d'opinions les possede entierement, ils en sont tellement coiffes qu'ils ne s'en peuuent plus deffaire ny desdire: Or la partialité est ennemie de liberté, & maistrise le palais preuenu & frappé d'un

goust particulier, ne peut plus bien iuger des autres, l'indifferent iuge de tous : Qui est attaché en vn lieu, est banny & priué de tous les autres : la carte teinte d'une couleur n'est plus capable des autres, la planche l'est de toutes : le iuge preueu, inclinant & fauorable à vne part, n'est plus droit, entier, ny vray iuge. Or il se faut affranchir de cette brutalité & se presenter comme en vn tableau cette grande image de nostre mere nature en son entiere majesté, remarquer là dedans vn Royaume, vn Empire voire, tout ce monde visible, comme le trait d'une pointe tres-delicate, & y lire vne si generale & constanée varieté, en toutes choses, tant d'humeurs, de iugemens, creances, coustumes, loix, tant de remuëmens d'estats, changemens de fortunes, tant de victoires & conquestes enseuelies, tant de pompes, cours, grâdeurs esuanoüyes : par là l'on apprend à se cognoistre; n'admirer rié, ne trouver rien nouveau : ny estrange, s'affermir & resoudre par tout. Pour obtenir cet esprit vniuersel, cette generale indifference, que l'on considere ces quatre ou cinq points.

1
Lia. 1 c.
3. & 42.

2
En cell.
ure ch. 8.

La grande inégalité, & difference des hommes au naturel, forme composition dont a esté ja parlé.

La grãde diuersité des loix, coustumes, mœurs, religions, opinions, vsances, dont sera cy apres parlé.

Les diuerses opinions, raisons dire des Philosophes touchant l'vtilité & pluralité, l'eternité & temporalité, commencement & fin, la duree & continuation, les aages, estats changemens, vicissitudes du monde & de ses parties. Les Prestres Egyptiens dirent à Herodote, que depuis leur premier Roy (dont y auoit plus d'onze mille ans, du-

quel & de tous les suiuan, luy firent voir les effigies en statues tirees au vif) le Soleil auoit changé quatre fois de toutes. Les Chaldéens du temps de Diodore (comme il dit) & Ciceron tenoyent registre de quatre cens mille tant d'ans. Platon dit que ceux de la ville de Saïs auoient des memoires par escrii de huit mille ans, & que la ville d'Athenes fust bastie mille ans auant ladite ville de Saïs. Aristote, Pline & autres, ont dit que Zoroastre viuoit six mille ans auant l'aage de Platon. Aucuns ont dit que le monde est de toute eternité, mortel, & renaissant à plusieurs vicissitudes: d'autres & les plus nobles Philosophes ont tenu le monde pour vn Dieu, fait par vn autre Dieu plus grand ou bien comme Platon assure, & autres argumētent par ces mouuemens, que c'est vn animal composé de corps & d'esprit: lequel esprit logeant en son centre s'espand par Nombres de musique en sa circonférence, & les pieces aussi le Ciel, les estoiles composées de corps & d'ame, mortelle à cause de leur composition immortelle par la determination du Createur, Platon dit, que le monde change de visage en tout sens, que le ciel, les estoiles, le Soleil, changent & renuersent par fois leur mouuement, tellement que le deuant vient derriere, l'Orient se fait Occident; selon l'opinion ancienne fort authentique, & des plus fameux esprits, digne de la grandeur de Dieu, & bien fondée en raison, il y a plusieurs mondes, d'autant qu'il n'y a rien, vn, & seul en ce monde, toutes especes sont multipliées en nombre, par où semble n'estre pas vray semblable que Dieu aye fait ce seul ouurage sans compaignon, & que tout soit espuisé en cet indiuidu, au

4. moins la Theologie dit bien que Dieu en peut faire plusieurs & infinis, car s'il n'en pouvoit faire plus que cettuy visible, la puissance seroit finie, car ce monde est finy. Ce que nous auons appris de la descouuerte du monde nouveau, Indes Orientales & Occidentales, par ou nous voyons premierement que tous les Anciens se sont mescontés, pensans auoir trouué la mesure de la terre habitable, & cōprins toute la Cosmographie, sauf quelques Isles escartées, mes croyans les Antipodes: car voyla vu monde à peu pres, comme le nostre tout en terre ferme, habité, peuplé, policé, distingué par Royaumes & Empires; garny de villes qui surpassent en beauté, grandeur, opulences, toutes celles qui sont en Asie, Aphrique, Europe, il y a plusieurs milliers d'années & qui doute que d'icy à quelque temps ne s'en descouure encores d'autres? Si Ptolomée & les anciens se sont trompez autrefois, pourquoy ne se peut tromper encores celuy qui diroit que maintenant tout est descouvert & trouué? Le m'en voudroy bien fier en luy.

5. Secondement, que les Zones que l'on pensoit ignoramment inhabitables, à cause du chaud & froid excessif, sont tres-habitees.

6. Tiercement, qu'en ces nouvelles terres, presque toutes les choses que nous estimons icy tant, & les tenõs nous auoir esté premieremēt reuelees & enuoyees du ciel, estoient en creance & obseruance cōmune (d'où qu'elles soyent venuës ie ne touche point là, qui en ose determiner) plusieurs mille ans auparauāt qu'en enssions ouy les premieres nouvelles, soit au fait de Religion, cōme la créace d'un seul premier hōme pere de tous, du deluge vniuer-

fel, d'un Dieu qui vesquit autrefois en homme vierge & S. du iour du iugement, du purgatoire resurrectiō des morts, obseruation des ieusnes, Carefmes, Celibat des Prestres, ornemens d'Eglise, Surplis, Mytre, eau beniste, adoratiō de la croix, circōcision pareille à la Iuifue & Mahumetane. Au fait de la police, cōme que les aînez succedēt à tout le bien, que le promeu à vn beau & grand grade: préd vn nouveau nom & quitte le sien, subsides tyranniques, armoiries, sauts de batteleurs, musique d'instrumens, toutes sortes de nos ieux; Artillerie, Imprimerie. Par tous ces discours, nous tirōs aisément ces conclusions: Que ce grād corps que nous appellons le mōde, n'est pas ce que nous pēsons & iugeōs; Que ny en sō tout, ny en ses parties, il n'est pas tousiours mesmes, ains en perpetuel flux & reflux; Qu'il n'y a rien dit, tenu, creu en vn temps & lieu qui ne soit pareillement dit, tenu, creu, & aussi cōtredit, reprouué, condāné ailleurs; estant l'esprit humain capable de toutes choses, roulāt tousiours ainsi le mōde, tantost le mesme, tātost diuers; Que toutes choses sont enfermées & comprises dedās ce cours & reuolution de nature, suiēt à la naissance, changement, fin à la mutation des temps, lieux, climats, eiels, airs terroirs. Et de ces conclusions nous apprendrons à n'espouser rien, ne iurer à riē, n'admirer rien, ne se troubler de rien; mais quoy qu'il aduienne, quel'on crie, tempeste, se resoudre à ce point, que c'est le cours du monde, c'est nature qui fait des siennes: mais pouruoir par prudence, qu'aucune chose ne nous blesse par nostre foiblesse & lascheté. C'est assēs dit de cette parfaite liberté du iugement, establie de ces trois pie,

ces; iuger de tout, ne iuger rien, estre vniuersel, en laquelle ie me suis plus arresté, pour ce que ie sçay qu'elle n'est du goust du monde, est ennemie du pedantisme, aussi bien que la sagesse, mais qui est le beau fleuron de sagesse qui nous preserue de deux escueils contraires, où se perdent ordinairement les populaires, sçauoir testuës, opiniâstres, honteuses, desdites, repentins, changemens, & l'on se maintient en vne douce, paisible & asseurée modestie & grande liberté d'esprit, noble & magnifique vniuersalité. C'est cette grande qualité & suffisance de Socrates, le Coriphée des sages, par l'adueu de tous, duquel il est dit, comme discourt Plutarque, qu'il n'enfentoit point, mais seruant de sage femme, faisoit enfanter les autres. C'est à peu près & en quelque sens l'Ataraxie des Pyrhoniens, la naturalité & indifférence des Academicies, de laquelle est germain ou procede ne s'estonner de rien: ne rien admirer, le Souuerain bien de Pythagoras, la magnanimité d'Aristote.

Nil admirari prope res est, vna Numici.

Solaque quæ possit facere & seruare beatum.

Est-ce pas chose estrange que l'homme ne la veut goustier, voire s'offense d'en ouyr parler, ayme mieux demeurer esclau, courir d'un party à un autre, que d'estre à soy, viure du sien, estre par dessus tout, & aller par tout egaleme[n]t? N'ya-il pas lieu de s'escrier avec Tybere, & beaucoup plus iustement, *O homines ad seruitutem nati!* Quel mōstre de vouloir toutes choses libre, son corps, les membres, ses biens, & non son esprit, qui toutefois seul est né à la liberté? L'on veut bien se seruir de tout ce qui est au mōde, qui vient d'Orient, d'Oc-

cident, pour le bien & service du corps, nourriture, santé ornement, & le tout accommoder à son usage, mais non pour la culture de son esprit, son exercice, bien & enrichissement, mettent leur corps aux champs & tiennent leur esprit, en serre.

L'autre liberté qui est de volonté, doit estre encores en plus grande recommandation au sage. Nous ne parlôs pas icy du liberal arbitre de l'homme, à la façon des Theologiens, Nous disons que l'homme sage pour se maintenir en repos & liberté doit mesnager sa volonté & ses affections en ne se donnant & affectionnant qu'en bien peu de choses, & icelles iustes (aussi les iustes sont en petit nombre, si l'on iuge bien) & encores sans violence & aspreté. Il vient icy à combattre (ou pour plus doucement parler) expliquer & bien entendre deux opinions populaires & plausibles au monde, l'une enseigne d'estre prompt & volontaire au service d'autrui, s'oublier, pour le prochain, & principalement, pour le public, au prix duquel le particulier ne vient point en consideration: l'autre s'y porte courageusement avec agitation, zele & affection. Qui ne fait le premier, est accusé de n'avoir aucune charité: Qui ne fait le second, est suspect d'estre froid, & n'avoir le zele ou la suffisance qu'il faut & n'estre amy. On a voulu faire valoir ces deux opinions outre raison & mesure: & n'y a rien que l'on aye dit là dessus: car les chefs souviert preschent les choses selon qu'elles seruent, & non selon qu'elles sont: Et souvent les opinions les plus vraies, ne sont pas les plus commodes. Et puis voyant que nous ne tenons que trop à nous, & d'un attache fort naturelle, ils nous en veulent

7

2 Partie
Liberté
de vo-
lonté.

distrainé & tiré au loin, comme pour redresser un bois courbé, on le recourbe au rebours.

8.
P. Inture
des au-
tres &
seruis.

Mais ces opinions mal entendues & mal prises, comme elles sont de plusieurs, apportent de l'injustice, du trouble, de la peine, & du mal beaucoup, comme l'on peut voir en ceux qui mordent à tout, se donnent à loüage & s'asservissent à autrui, non seulement ils se laissent emporter & saisir, mais encores ils s'ingèrent à tout, autant à ce qui ne les touche, comme à ce qui les touche, aux petites comme aux grandes : & souvent non pour autre chose, que pour s'embesogner & s'agiter, *in negotiis sūt negotij causa*, & ne pouuoir se tenir ny arrester, comme s'ils n'auoient rien à faire chez & au dedās d'eux, & qu'à faire d'affaires internes, essentiels, propres & domestiques, ils en cherchent ou prennent d'estrangers : Ils sont bon mesnagers ou auares de leur bourse, mais prodigues de leur ame, vie, temps, affection, & volonté ; desquelles seules choses la mesnagerie est vtile & loüable ? & s'adonnant à quelque chose, c'est avec telle passion & violence qu'ils ne sont du tout plus à eux mesmes, s'engagent & s'enfoncent du tout. Les grāds demandēt de telles gēs, qui se passionnent & se tiuent par eux, & vsent de promesses & grands artifices, pour les y faire y enir ; & trouuent tousiours des fols qui les en croient, mais les sages s'engardent bien.

Cecy est premierement iniuste, trouble entierement l'estat, & chasse le repos & la liberté de l'esprit. C'est ne sçauoir ce qu'un chacun de nous se doit, & de combien d'offices un chacun est obligé à soy-mesme. En voulant estre officieux & seruibables à autrui, ils sont importuns & iniustes à eux

mesmes. Nous auons tous assez d'affaires chez & au dedans de nous, sans s'aller perdre au dehors, & se donner à tous : il se faut tenir à soy mesme. Qui oublie à honnestement, sainement, & gayement viure, pour en seruir autrui, est mal aduisé, & prend vn mauuais & desnature party. Il ne faut espouser & s'affectionner qu'à peu de choses, & icelles iustes.

Secondement, cette aspre intention & passionnée affection trouble tout, & empesche la conduite de l'affaire au quel l'on s'adonne si fort : comme en la precipitation la trop grande hastiueté se donne mesme la jâbe, s'entraue & s'arreste : *Ipsa se velocitas implicat, unde festinatio tarda est. Qui nimium properat, serius absoluit.* Aussi estât enyuré de cete intention violente on s'embarasse, on s'enferme, on se iette à l'indiscretion, à l'iniustice, on apporte de l'aigreur & du soupçon aux autres, de l'impatience aux euenemens cōtraires ou tardifs, & qui ne sont à souhait : *Malè cuncta ministrat impetus.* Cela se voit non seulement aux affaires serieux, mais encores vains & friuoles, comme au ieu, où celuy qui est saisi & transporté d'une si ardente soif de gagner, se trouble & pert. Celuy qui va moderelement est tousiours chez soy, sans se picquer, conduit son fait & plus auantageusement, & plus seurement & plus gayement : Il feint, il ploye, il differe tout à son aise selon le besoin : s'il faut d'atteinte, c'est sans tourment & affliction, prest & entier pour vne autre nouvelle charge : marche tousiours la bride à la main, *festinat lente.*

Tiercement, cette violente & tât aspre affectiō, infecte & corrompt mesme le iugement : Car suy-

10.

11.

uât au party & desirant son desauantage, ils forcent, s'il en vient au rebours, luy attribuer des faulx loüanges & qualitez, & au party cõtraire faulx accusatiõs, interpretent tous prognostiques & euenemẽs à leur poste, & les font seruir à leur dessein. Faut-il que tous ceux du party cõtraire & malade soient aussi meschans, & que tous vices leur conuiennent; voire & encores ceux qui en disent & remarquent quelque bien, soient suspects estre de leur party; ne peut il pas estre qu'un honneste hõme au reste, au moins en quelque chose se trouue embarqué & suyue un mauvais party? Que la passion force la volonté, mais qu'elle emporte encores le iugment, & la face faire le sot, c'est trop: c'est la piece souueraine & derniere qui doit tousiours maintenir son autorité; & faut candidemẽt & de bonne foy recognoistre le bien qui est aux aduersaires & le mal qui est en ceux que l'on suit. Hors le nud du debat & le fonds, il faut garder equanimité & indifference, & n'allonger point la cholere au delà des affaires. Voila les maux, que nous apporte cette trop grãde affection à quelque chose que ce soit: par tout, voire à estre bon & iuste, il y peut auoir du trop.

12
Adults.

Mais pour tenir regle en cecy, il se faut souuenir que la principale & plus legitime charge, que nous auons, c'est à chacun sa conduite. C'est pourquoy nous sommes icy, nous deuons nous maintenir en tranquillité & liberté; Et pour ce faire le souuerain remede est de se prester à autrui, & ne se donner qu'à soy, prendre les affaires en main non à cœur, s'en charger & non se les incorporer, soigner & n'õ passionner, ne s'attacher & mordre qu'à bien peu,

& se tenir toujours à soy. Ce conseil ne cōdamne point les offices deus au public. à ses amis, à son prochain, tant s'en faut, l'hōme sage doit estre officieux & charitable, appliquer à soy l'vsage des autres hōmes & du mōde, & pour ce faire doit cōtribuer à la société publique les offices & deuoirs, qui le touchēt. *Qui sibi amicus est, hunc omnib. scito esse amicum.* Mais i'y requiers moderatiō & discretiō double, l'vne de ne se prendre pas à tout ce qui se presente, mais à ce qui est iuste & necessaire; & cela ne va pas beaucoup loin; l'autre que ce soit sans violence & sans trouble. Il faut desirer peu & ce peu moderemēt, s'en.besongner peu & tranquillement, & aux charges que l'on prend, apporter les pas, les paroles l'attention, la sueur, les moyens, & au besoin le sang & la vie, mais sans vexation & passion se tenant toujours à soy, en santé & repos. L'on vient bien & fait on bien son effet sans cette ardeur, & cette tant grāde contention de volonté. Et se trompent fort ceux, qui pensent que l'affaire ne se fait pas bien, & n'y a point d'affectiō, s'il n'y a du bruit, de la tempeste, de l'esclat. Car au rebours cela empêche & trouble la bonne conduite, cōme a esté dit. O combien de gens se hazardēt tous les iours aux guerres, dōt il ne leur chaut, & s'pressent aux dangers des batailles: desquelles la perte ne leur trouble aucunement le dormir, & c'est pour ne faillir à leur deuoir: & en voila vn en sa maisō, qui n'oseroit auoir regardé le dāger qui se passōne de l'issuē de cete guerre: & en a l'ame plus trauaillée, que le soldat qui y emploie sa vie, sō sãg.

Au reste il faut bien sçauoir distinguer & separer nous mesmes d'auec nos charges publiques, vn

350 DE LA SAGESSE,
chacun de nous joué deux roolles & deux person-
nages, l'un estrange & apparet; l'autre propre & es-
sentiel. Il faut discerner la peau de la chemise: l'ha-
bile hōme fera bien la charge, & ne laissera pas de
bien iuger la sottise, le vice, la fourbe, qui y est. Il
l'exercera, car elle est en vsage en son pays, elle est
vtile au public, & peut estre à soy, le mōde vit ain-
si, il ne faut rien gaster. Il se faut servir & se preua-
loir du monde tel qu'on le trouue, cependant le
considerer comme chose estrange de soy; sçauoir
bien de soy jouir à part, & se communiquer à un
sien bien confidant, au pis aller à soy mesme.

V R A Y E E T E S S E N T I E L L E
*preud'homme; premiere & fondamentale
partie de sagesse.*

CHAP. III.

AYant appresté & disposé nostre Écolier à la
sagesse, par les aduis precedens, c'est à dire,
l'ayant purifié & affranchy de tous maux, & mis en
bel estat d'une liberté pleine & vniuerselle, pour a-
uoir veuë, cōnoissance & maistrise sur toutes cho-
ses (qui est le priuilege du sage & spirituel *spirituā-
lis omnia dijudicat*) il est maintenant temps de luy
donner les leçons, & les regles generales de sagesse.
Les deux premieres serōt cōme preallables & pre-
supposées comme fondement, dont la premiere &
principale sera la probité & preud'homme.

7. Je n'auray point, peut estre grand affaire à establir
cette propositiō, que la preud'homme soit la pre-
miere, principale & fōdamentale partie de sagesse;

car tous (soit en verité & à bon escient, ou par belle mine, de honte & crainte de dire le contraire) en font grand feste, l'honorent & recômandent toujours en premier lieu, se disent estre ses seruiteurs & affectionnés pourfuyans, mais j'auray de la peine à montrer & persuader qu'elle est la vraye & essentielle, que nous requerons icy. Car celle, qui est en vogue & en credit, dont tout le monde se contente, qui est la seule cogneuë, recherchée & possedee (i'en excepte tousiours quelque peu de sages) est bastrade, artificielle, faulx, & contrefaite.

Premierement, nous scauons que souuent nous sommes menés & poussés à la vertu & à bien faire par des ressorts melchans & reprouués, par defect & impuissance naturelle, par passion, & par le vice mesme. La chasteté, sobriété, temperance, peuvent arriuer en nous par defaillance corporelle, le mespris de la mort, patience aux infortunes, & fermeté aux dangers, vient souuent de faute d'aprehension & de iugement, la vaillance, la liberalité, la iustice mesmes de l'ambition, la discretion, la prudence, de crainte, d'auarice. Et combien de belles actions a produit la presumption & temerité: ainsi les actions de vertue sont souuent que masques, elles emportent le visage, mais elles n'en ont pas l'essence, elles peuvent bien estre dites vertueuses par la cōsideration d'autrui, & du visage qu'elles portent en public, mais en verité & chez l'ouurier, non, car il se trouue que le profit, la gloire, la coustume & autres telles causes estrangeres nous ont induit à les faire. Quelquefois elles sont produites par stupidité & bestise,

2.

Preuve
de pres-
d'homme.

dont il est dit que la sagesse & la bestise se rencontrent en mesme point de goust, & resolution, à la souffrance des accidens humains. Il est donc très-dangereux de iuger de la probité ou improbité d'un homme par les actions, il faut sonder au dedans quels ressorts causent ce mouvement, & donnent le branle: les meschans font souuét des bonnes & belles choses, les bons & les meschans se gardent pareillemét de mal faire, *oderunt peccare boni & mali*. Parquoy pour descouurir & sçauoir quelle est la vraie preud'homme, il ne se faut arrêter aux actions, ce n'est que le marc & le plus grossier, & souuent vne happelourde & vn masque: il faut pénétrer au dedans, & sçauoir le motif qui fait iouer les cordes qui est l'ame & la vie, qui dōne le mouvement à tout. C'est par là qu'il faut iuger, c'est à quoy vn chacun doit pouruoir qu'il soit bon & entier, c'est ce que nous cherchons.

3
Preu.
d'homme
populai-
re & se-
lon le
stile du
monde.

La preud'homme, cōmunemét estimée la vraie, tant preschée & recommandée du monde, de laquelle font profession expresse ceux qui ont le titre & la reputacion publique d'estre gens de bien & les plus entiers, est scholastique & pedantesque, serue des loix, contrainte sous l'esperance & la crainte, requise, apprinse & produite de la consideration & submission des religions, loix, coustumes, commandemens des superieurs, exemples d'autrui, subiette aux formes prescrites, feminine, paoureuse, & troublee de scrupules & de doutes; *sunt quibus innocentia non sibi metum non placet*, laquelle non seulement par le monde est diuerse & variable, selon la diuersité des religions, des loix, des exemples, des formes (car changeans les ressorts, il faut

il faut bien que les mouvemens aussi changent) mais encores en soy inegale, ondoyante, & deambulatoire, selon les accez, recez, & succez des affaires, des occasions qui se presentent, des personnes avec qui l'on a affaire, comme le batteau poussé par le vent & les auirons, qui branle & marche inegalement, par secousses, boutees, & bouffees: bref, ce sont gens de bien par accident, par occasion, par ressorts externes & estranges, non en verité & en essence. Ils ne le sentent & ne s'en aduisent pas, mais il est aisé de les descouvrir & les en convaincre, en leur secoüant vn peu la bride, & les sondant de près, mais sur tout par l'inegalité & diuersité qui se trouuent en eux: car en mesme faict ils feront diuers iugemens, & se porteront tout de diuerse façon, tantost le petit pas, tantost le grand galop. Ceste diuersité inegale vient de ce ce que les occasions & ressorts externes qui les agitent, s'ensuent, se multiplient & grossissent, ou s'attiedissent, rabaisissent plus ou moins, comme accidens, *quæ recipiunt magis & minus.*

Or la vraye prud'hōmie, que ie requiers en celuy qui veut estre sage, est libre & franche, masle & genereuse, riante & ioyeuse, égale, vniforme, & constante, qui marche d'vn pas ferme, fier, & hautain, allant tousiours son train, sans regarder de costé ny derriere, sans s'arrester & alterer son pas & ses alleures pour le vent, le temps, les occasions, qui se changent, mais non pas elle, i'entends en iugement & en volonté, c'est à dire, en l'ame, ou reside & a son siege la prud'homie: Car les actions externes, principalement les publiques, ont vn autre ressort, comme sera dit en son lieu: le la veur

4.
Description de la
vraye
prud'
homie.

icy descrite, aduertissant premierement que suivant le dessein de ce liure declaré au preface ie traite de la prud'homme & sagesse humaine, comme humaine, par laquelle on est dit homme de bien & sage, & non de la Chrestienne, combien qu'encores en diray ie vn mot.

Nature
enjoinct
la pru-
dhomie.

Le ressort de cette prud'homme est Nature, laquelle oblige tout homme d'estre & se rendre tel qu'il doit, c'est à dire, se conformer & regler selon elle. Nature nous est ensemble & maistresse qui nous enjoinct & commande la prud'homme, & loy ou instruction qui nous l'enseigne. Quant au premier, il y a vne obligation naturelle, interne & vniuerselle à tout homme d'estre homme de bien, droit, entier, suivant l'intention de son auteur & facteur. L'homme ne doit point attendre ny chercher autre cause, obligation, ressort ou motif de sa prud'homme, & n'en scauroit iamais auoir vn plus iuste & legitime, plus puissant, plus ancien, il est tout aussi tost que luy, nay avec luy. Tout homme doit estre & vouloir estre homme de bien, pource qu'il est homme, qui ne se soucie de l'estre est vn monstre, renonce à soy-mesme, se desment, se destruit, par droit n'est plus homme, & deuroit par effect desister de l'estre, il l'est à tort. Il faut que la prud'homme naisse en luy par luy-mesme, c'est à dire, par le ressort interne que Dieu y a mis & non par aucun autre externe estranger, par aucune occasion ou induction. Personne ne veut d'vne volonté iuste & reglée vne chose gastée, corrompue, autre que sa nature ne porte : il implique contradiction de desirer ou accepter vne chose, & ne se soucier qu'elle vaille rien, l'homme veut auoir bon-

tes les pieces bones & saines, son corps, sa teste, ses yeux, son iugement, sa memoire, voire ses chausses & ses bottes ; pourquoy ne voudra-il aussi avoir la volonte & conscience bonne, c'est à dire, estre bon & sainct tout entier ? Je veux donc qu'il soit bon & aye sa volonte ferme & resoluë à la droicte & prud'homme, pour l'amour de soy-mesme, & à cause qu'il est homme, sçachant qu'il ne peut estre autre sans se renoncer & destruire, & ainsi sa prud'homme luy sera propre, intime, essentielle, cōme luy est son estre, & comme il est à soy-mesme. Ce ne sera donc point pour quelque consideration, externe & venant de dehors quelle qu'elle soit, car telle cause estant accidentale, & du dehors peut venir à faillir ou s'affoiblir & chāger, & lors toute la prud'homme appuyee sur icelle en fera de mesme : s'il est prud'homme pour l'honneur & la reputation, ou autre recompense, estant en la solitude, hors d'esperance qu'on le sçache, il cessera de l'estre, ou le fera froidement & laschement. Si pour la crainte des loix, magistrats, punitions, pouvant frauder les loix, circonvenir les iuges, éviter ou éluder les preuves, & se cacher à la science d'autrui, il ne le fera point : voila vne prud'homme caduque, occasionnee, accidentale, & bien chetive : c'est toutesfois celle qui est en vogue & en vsage : on n'en cognoist point d'autre, personne n'est hōme de bien, qu'induit & cōvié par cause & occasion, *nemo gratis bonus est*. Or ie veux en mon Sage vne prud'homme essentielle & invincible, qui tienne en soy-mesme, & par sa propre racine, & qui aussi peu s'en puisse arracher & separer, que l'humanité de l'homme. Je veux que jamais il ne consente au mal, quand bien per-

homme n'en scauroit iamais riē, ne le ſçait il pas luy?
 que faut-il plus? Tout le monde enſemble n'eſt pas
 tant, *quid tibi prodeſt non habere conſcium, habenti
 conſcientiam?* Ny quand il en en deuroit receuoir vne
 tres-grande recompenſe, car qu'elle peut elle eſtre
 qui luy touche tant que ſon eſtre propre? Ce ſeroit
 comme vouloir auoir vn meſchant cheval, moyen-
 nant qu'il euſt vne belle ſelle. Je veux donc que ce
 ſoient choſes inſeparables eſtre & conſentir de vi-
 ure homme, eſtre & vouloir eſtre homme de bien.
 Ce premier eſt aſſez inculqué, venons au ſecond.
 Or le patron & la regle pour l'eſtre, c'eſt ceſte
 Nature meſme qui requiert ſi abſolument que
 le ſoyons, c'eſt, diſ-je, ceſte equité & raiſon vniuer-
 ſelle qui eſclaire & reluit en vn chacun de nous; qui
 agit ſelon elle, agit vrayement ſelon Dieu, car c'eſt
 Dieu, ou bien ſa premiere, fondamentale, & vni-
 uerſelle loy qui l'a mis au monde, & qui la premie-
 re eſt ſortie de luy: car Dieu & Nature ſont au mô-
 de, comme en vn eſtat, le Roy ſon auteur & fon-
 dateur, & la loy fondamentale qu'il a baſtie pour
 la conſeruation & regle dudit eſtat. C'eſt vn eſclat
 & rayon de la diuinité, vne defluxion & dependan-
 ce de la loy Eternelle qui eſt Dieu meſmes, & ſa
 volonté : *quid natura niſi Deus, & diuina ratio toti
 mundo & partibus eius inſerta?* Il agit auſſi ſelō ſoy,
 car il agit ſelōn le timon & reſſort animé qu'il a de-
 dans ſoy, le mouuāt & agitant. Ainſi eſt-il homme
 de bien eſſentiellement, & non par accident & oc-
 caſion : car ceſte loy & lumiere eſt eſſentielle &
 naturelle en nous, dont auſſi eſt appellé Nature &
 loy de nature. Il eſt auſſi par conſequent homme
 de bien touſiours & perpetuellement, vniforme-

6.
Et l'en-
ſeigne,

De la l y
de Natu-
re.

ment & egaleme[n]t, en tout temps & tous lieux : Car ceste loy d'equité & raison naturelle est perpetuelle en nous, *edictum perpetuum*, inuiolable qui ne peut iamais estre esteinte ny effacee, , *quam nec ipsa delet iniquitas : vermis eorum non morietur*, vniuerselle & constante par tout, & tousiours mesme, egale, vniforme que les temps ny les lieux ne peuvent alterer ny desguiser ; ne reçoit point d'accez ny recez, de plus & de moins, *substantia non recipit magis nec minus*. Que vas tu chercher ailleurs ? loy, ou regle au mōde ? Que te peut on dire ou alleguer que n'ayes chez toy & au dedans, si tu te voulois taister & escouter ? Il te faut dire, cōme au payeur de mauuaise foy, qui demande de quoy, & veut que l'on luy mōstre la cedula qu'il a chez soy, *Quod petit intus habes*. Tu demande ce que tu as dedans ton sein. *Signatum est super nos lumen vultus tui. Gentes naturaliter quę legis sunt faciunt : ostendunt opus legis scriptum in cordib. suis, lex scripta in cordibus nostris*. La loy de Moysen son Decalogue en est vne copie externe & publique, la loy des 12. Tables, & le droit Romain, les enseignemens moraux des Theologiens & Philosophes, les aduis & conseils des Iuriconsultes, les edits & ordonnāces des souuerains ne sont que petites & particulieres expressions d'icelle. Que s'il y a aucune loy qui s'escarte le moins du monde de ceste premiere & originelle matrice, c'est vn monstre, vne fausseté, vne erreur. Bref toutes les loix du monde ne sont que des copies & des extraits produits en iugement, contre toy qui tiens caché l'original, & feins ne sçauoir que c'est, estouffant tant que tu peux, ceste lumiere qui t'esclaire au dedans, *Qui veritatem Dei detinet iniustitia*, mais

Psalm 4.
Rom. 1.

qui n'ont iamais esté au dehors & humainement publiques, que pource que celle qui estoit au dedans tout celeste & diuine a esté par trop mesprisee & oubliée. Ce sont tous ruisseaux, mais qui n'ont ny tant d'eau ny si viue, que leur source & fontaine inuisible, qui est dedans toy, si tu ne la laissois depérir & perdre: tant d'eau, dis-je, *Quàm multa pietas, humanitas, liberalitas, fides exigūt; quæ extratabulas sunt.* O chetive prud'homme des formalistes, qui se tient aux mots de la loy, & en pèse estre quitte: combien de devoirs requis au delà? *Quam angusta innocentia ad legem bonum esse: latius officiorū patet, quam iuris regula.* Ny si forte & si viue, témoin que pour les bien entendre & sçauoir leur intention, soudre & sortir d'une ambiguïté, difficulté, antinomie, il les faut ramener à la source & rentrant au dedans, les mettre à la touche, & coucher au niveau de la nature, *anima legis ratio.* Voicy dōc vne prud'homme essentielle, radicale, fondamentale, née en nous de ses propres racines, par la semence de raison vniuerselle, qui est en l'ame, comme le ressort & balancier en l'horloge, comme la chaleur naturelle au corps se maintient de soy-mesme forte & invincible, par laquelle l'on agit selon Dieu, selon soy, selon nature, selon l'ordre & la police vniuerselle du monde, qu'il temēt, doucement, & ainsi sombrement & obscurément, sans bruit, comme le bateau qui n'est poussé que du fil & du cours naturel & ordinaire de l'eau: toute autre est entee par art, & par discipline accidentale, comme le chaud & froid des fieures, acquise & conduite par des occasions & considerations estrangeres, agissant avec bruit, esclat & ambitieusement.

Voilà pourquoy la doctrine de tous les Sages porte que bien viure, c'est viure selon nature, que le souverain bien en ce monde, c'est consentir à nature, qu'en suivant nature, comme guide & maistresse, l'on ne faudra jamais, *Naturam si sequaris Seneca. ducem, nusquam aberrabis: bonum est quod secundum naturam, omnia vitia contra naturam sunt: idem beate vivere & secundum naturam*, entendant par nature l'équité & la raison vniuerselle qui luit en nous, qui cōtient & couue en soy les semences de toute vertu, probité, iustice, & est la matrice de laquelle sortent & naissent toutes les bonnes & belles loix, les iustes & equitables iugemens, que pronōcera mesmes vn idiot. Nature a disposé toutes choses au meilleur estat qu'elles puissent estre, & leur a donné le premier mouuement au bien, & à la fin qu'elles doiuent chercher; de sorte que qui la suiura ne faudra point d'obtenir & posseder son bien; & la fin, *Sapientia est in naturam conuerii, & eò restitui vnde publicus error expulerit: Ab illa non deerrare, ad illius legem exemplumque formari sapientia est.* Les hommes sont naturellement bons & ne suivent le mal que pour le profit ou le plaisir: dont les Legislaturs pour les induire à suivre leur inclination naturelle & bonne, & non pour forcer leurs volontez, ont proposé deux choses contraires, la peine & la recompense.

7.
Faut
suivre
nature.

Seneca.

Certes nature en chacun de nous est suffisante & douce maistresse, & regle toutes choses, si nous la voulons bien escouter, l'employer, l'esueiller; & n'est besoin aller quester ailleurs, ny mendier de l'art & des sciences, les moyens, les remedes & les regles qui nous font besoin: vn chacun de nous

Comme
bonne &
suffisante
maistresse.

s'il vouloit, viuroit à son aise du sien. Peut viure content & heureux, il ne faut point estre sçauant, courtisan, ny tant habile; toute ceste suffisance qui est au delà la commune & naturelle, est vaine & superflue, voire apporte plus de mal que de bien. Nous voyons les gens ignorans, idiots & simples, mener leur vie plus doucement, & gayement résister aux assauts de la mort, de l'indigence, de la douleur, plus constamment & tranquillement, que les plus sçauants & habiles. Et si l'on y prend bien garde, l'on trouuera parmy les paysans & autres pauvres gens des exēples de patience, constance, equanimité, plus purs que tous ceux que l'escole enseigne; ils suivent tout simplement les raisons & la conduite de nature, marchent tout doucement & mollement aux affaires, sans s'eschauffer, ou s'eslever, & ainsi plus sainement: les autres montent sur leurs grands chevaux, se gendarment, se bandent & tiennent toujours en ceruelle & en agitation. Un grand maistre & admirable Docteur en la nature a esté Socrates, comme en l'art & science Aristote. Socrates par les plus simples & naturels propos, par similitudes & inductions vulgaires, parlant comme vn paysan, vne femme fournit des preceptes & regles de bien viure, & des remedes contre tous maux, tels, forts & vigoureux, que tout l'art & science du monde ne sçauoit inuēter, ny y arriuer.

9.

Mais nous l'alterons totalement. Par violence.

Mais non seulement nous ne la croyons, n'estou-
tons, & suyons, comme porte le conseil des Sa-
ges, mais encores (sans parler de ces monstres qui
par la violence des vices, desbauches, volōtez trop
de regles & peruerfes, l'estouffent, esteignent tant
qu'est en eux la lumiere, mortifient les semēces)

nous esquivons tous à elle, nous la laissons dormir & chomner, ay mās mieux mendier ailleurs, nostre apprentissage, recourir à l'estude & à l'art, que de nous contenter de ce qui croist chez nous. Nous ^{Par art.} avons vn esprit broüillon, qui s'ingere de maistriser & gouverner par tout, & qui se meue à nostre poste, de guise, change, & brouille tout, veut adiouster, inuenter, changer, & ne se peut arcester à la simplicité & naïfueté, ne trouua rien bon s'il n'y a de la finesse & de la subtilité, *simplex illa & aperta virtus in obscuram & salentem scientiam versa est.* Et puis nous avons ce vice que nous n'estimons point ^{Par ceremonie.} ce qui croist chez nous, nous n'estimons que ce qui s'achete, ce qui couste, & s'apporte de dehors; nous preferons l'art à la nature, nous fermons en plein Midy les fenestres, & allumons les chandelles. Ceste faute & folie vient d'une autre, qui est que nous n'estimons point les choses selon leur vraie & essentielle valeur, mais selon la montre, la parade & le bruit. Combien de gens y a il plus scrupuleux & plus exactes, en ce qui est du droit positif & municipal que du naturel? certes presque tous, voire encor de la ceremonie & loy de civilité que nous nous sommes forgez, au prix de laquelle nous avons honte, & dedaignons la Nature, nous faisons la petite bouche, tenons bonne mine, & gardons soigneusement la bien-seance, & ne faisons difficulté d'aller directement contre Nature, deuoir, la conscience. Ainsi l'ombre nous est plus que le corps, la rachine, la contenance plus que la substance, & la verité solide: Pour n'offenser ^{non} la ceremonie, nous couurons & cachons les choses naturelles, nous n'osons nommer, & rougissons

au son des choses que nous ne craignons aucunement de faire, & licites & illicites. Nous n'osons dire ce qui est permis de faire, nous n'osons appeler à droit nos propres membres, & nous ne craignons les employer à toutes sortes de desbauches, nous prononçons, disons, & faisons sans crainte & sans honte les meschantres choses contre nature, & raison, parjururer, trahir, affronter, tuer, tromper, & rougissons au dire, & au faire des bonnes, naturelles, nécessaires, iustes & legitimes. Il n'y a mary qui n'eust plus de honte d'embrasser sa femme devant le monde, que de tuer, mentir, affronter, ny femme qui ne desire plustost toutes les meschancetez du monde, que de nommer ce en quoy elle prend plus de plaisir, & peut legitimement faire. Iusques aux traistres & assassins, ils espousent les loix de la ceremonie, & attachent là leur devoir: chose estrange, que l'iniustice se pleigne de l'incivilité, & la malice de l'indiscretion; l'art de la ceremonie ne preuaut elle pas contre la nature? La ceremonie nous defend d'exprimer les choses naturelles & licites, & nous l'en croyons; la nature & la raison nous defend les illicites & personne ne l'en croit; l'on enuoye sa conscience au bordel, & l'on tient sa contenance en regle: tout cela est monstrueux, & ne se trouue rien de semblable aux bestes. Je ne veux pas pour tout cecy dire (comme i'entends desja la malice gronder) que la ceremonie & bienséance ne doit estre soigneusement gardee, qui est le sel & assaisonnement de nos actions & conuersations. *Anno verecundiam, in ea ornatus vite & vis decori.* Mais ie leur dis ce que le Sauueur à gens de pareil esprit: *ô hypocrite excolantes en ligem, & tamo-*

Cicer.

Mat. 23.

lum deglutientes, qui minima curatis graviora spernitis : Hac oportet primum facere, cum illa non omittere.

De ceste generale & vniuerselle alteration, & corruption, il est aduenu qu'il ne se cognoist plus rien de nature en nous : s'il faut dire quelles sont ses loix & combien il y en a nous voila bien empeschez : l'enseigne & la marque d'une loy naturelle est l'université d'approbation ; car ce que nature nous auroit veritablement ordonné, nous l'ensuyuons sans doute d'un cōmun consentement, & non seulement toute nation, mais tout homme particulier.

10.
Tellement qu'elle ne se cognoist plus en l'homme.

On y a il aucune chose au monde, qui ne soit contredite & desaduouée, non par vne nation : mais par plusieurs : & n'y a-il chose si estrange & si desnaturee à l'opinion de plusieurs, qui ne soit approuuée & autorisée en plusieurs lieux par usage commun : le nonchaloir d'auoir des enfans, le meurtre des parens, des enfans, de soy-mesme, mariage avec ses plus proches, larcin, trafic de voleries, marchandise publique de sa liberté, & de son corps, tant des masles que des femelles, sont receuës par usage public en des nations.

Certes il ne reste plus aucune image ny trace de nature en nous, il la faut aller chercher aux bestes, où cet esprit broüillé & inquieté, ce vif argent, ny l'art, ny la belle ceremonie ne l'ont peu alterer ; elles l'ont pure & entiere, sinon qu'elle soit corrompue par nostre hantise & contagion, comme elle est aucunement. Tout le monde suit nature, la regle premiere & vniuerselle, que son auteur y a mis & estably, sinō l'homme seul qui trouble la police & l'estat du monde, avec son génil esprit, & son liberal arbitre, c'est le seul deregulé ennemy de nature.

II.
Et la faut chercher ailleurs.

12.
Vraye
prud'hō-
mie.

Voicy donc la vraye prud'homme (fondement & pivot de sagesse) suivre nature, c'est à dire, la raison. Le bien, le but & la fin de l'homme auquel gist son repos, sa liberté, son contentement, & en vn mot sa perfection en ce monde, est viure & agir selon nature, quand ce qui est en luy le plus excellent commande, c'est à dire, la raison, la vraye prud'homme est vne droicte & ferme disposition de la volonté, à suivre le conseil de la raison. Et comme l'aiguille frotée à l'aimant ne s'arreste iamais qu'elle ne voye son Nort, & par là se dresse & conduit la nauigation, ainsi l'homme n'est iamais bien, voire il est comme desnoüé & disloqué s'il ne vise droit, & ne conduit le cours de sa vie, ses mœurs, ses iugemens & volontez selon ceste loy premiere, diuine, naturelle, qui est vn flambeau interne & domestique, toutes les autres ne sont que ses rayons.

13.
Distinction de
la vraye
prud'hō-
mie.

Mais pour l'effectuer & venir à la pratique, il est bien plus aisé aux vns qu'aux autres. Il y en a qui ont leur naturel particulier, c'est à dire, le temperament, & la trempe si bonne & si douce (ce qui vient principalement, de la premiere cōformation au ventre de la mere, & puis du lait de la nourrice, & de toute ceste premiere & tendre education) qu'ils se trouuent sans effort & sans art ou discipline, tous portez & disposez à la bonté & prud'homme, c'est à dire, à suivre & se conformer à la nature vniuerselle, dont ils sont dits bien nés, *gaudeant bene nati*. Ceste telle prud'homme naturelle & aisée, & començee avec nous, s'appelle proprement bonté, qualité d'ame bien née & bien reglée, c'est vne douceur, facilité & debonnaireté de nature, non pas (afin que personne ne se trompe) vne mollesse,

Naturel-
le boncé.

vne feminine, sotte, bonace & vicieuse facilité, qui fait qu'on veut plaire à tous, & ne desplaire ny offenser personne, encor qu'il y ait suiet iuste & legitime, & que ce soit pour le service de la raison, & de la iustice. D'où il auient qu'ils ne veulent s'employer aux actions legitimes, quand c'est contre ceux qui s'en offensent, ny aussi refuser du tout les illegitimes, quand c'est enuers ceux qui y cōsentent: D'eux on dit, & est ceste loüange iniurieuse, il est bon puis qu'il est bon mesme aux meschans; & ceste accusation vraye, cōment seroit-il bon, puis qu'il n'est pas mauuais aux meschans? il faudroit plustost appeler cette telle bonté, innocēce, selon qu'on appelle les petits enfans, brebis, & autres telles bestes innocentes. Mais vne active, forte, masle & efficace bonté, qui est vne prompte, aisee & constante affection, à ce qui est bon, droict, iuste, selon raison & nature.

Il y en a d'autres si mal nés, qu'il semble que cōme des monstres, leur naturel particulier soit faict cōme en despit de la nature vniuerselle, tant ils luy sont reuesches. En ce cas, le remede pour corriger, reformer, addoucir, appriuoiser & redresser ceste mauuaise, aspre, sauvage, & tortuë nature, la ployer & appliquer au niueau de sa generale & grāde maistresse, la nature vniuerselle, est de recourir à l'estude de la Philosophie (cōme fit Socrates) & à la vertu, qui est vn effort & vn combat penible contre le vice, vn estude laborieux qui requiert du temps, de la peine, & de la discipline. *Virtus in arduo & circa difficile, ad ianuā virtutis excubēt labor & sudor: Dij mortalibus virtutem laboris pretio vendiderunt.* Ce n'est pour enter ou introduire vne nouvelle, estrange ou artificielle prud'hōmie, & ainsi accidentale.

Virtu.¹
Acquise

& telle que cy-dessus i'ay dit n'estre la vraye, mais c'est en ostant les empeschemens, pour recueillir & rallumer cette lumiere presque esteinte & languissante, & faire revivre les semences presque estouffées par le vice particulier, & mauvais temperament de l'individu, comme en ostant la raye de devant l'œil, la veüe se recouvre, la poussiere de dessus le miroir, l'on void clair.

12.

Trois de
grés de
perfection

Par tout cecy se void qu'il y a deux sortes de vraye prud'homie; l'une naturelle, douce, aisée, equable dite bonté: l'autre acquise, difficile, pénible & laborieuse dite vertu: mais à bien dire, il y en a encore une troisieme, qui est comme composée des deux, & ainsi seront trois degrez de perfection. Le plus bas est une facile nature & débónaireté, degoustee par soy-mesmes de la debauche & du vice; nous l'avons nommé bonté, innocence: le second plus haut qu'avons appelé vertu est à empescher de vive force le progres des vices, & s'estant laissé surprendre aux émotions premières des passions, s'armer & se bander pour arrester leur course & les vaincre: le troisieme & souverain est d'une haute resolution & d'une habitude parfaite, estre si bien formé, que les tentations mesmes n'y puissent naistre, que les semences des vices en soient du tout destracinees, tellement que la vertu leur soit passée en cõplexion, & en nature. Cestuy dernier se peut appeller perfection: luy & le premier de bonté se ressemblent, & sont differens du second, en ce qu'ils sont sans bruit, sans peine, sans effort: C'est la vraye teinture de l'ame, son train naturel & ordinaire qui ne couste rien: le second est toujours en ceruelle & en contraste. Ce dernier & par-

faict est acquis par vn long estude, & serieux exercice des regles de la Philosophie, ioint à vne belle, forte & riche nature; car il y faut tous les deux, le naturel & l'acquis. C'est à quoy estudioient ces deux Sèctes, la Stoicienne, & encores plus l'Epicurienne (ce qui sembleroit estrange, si Seneque & d'autres encor anciens ne l'attestoient, qui en font bien plus à croire que tous les autres plus modernes) qui auoit pour ses iouïets & esbats la honte, l'indigence, les maladies, les douleurs, les gehennes, la mort; non seulement ils mesprisoient, sustenoient patiemment, & vainquoient toutes aspretez & difficultez: mais ils les recherchoient, s'en esiouïssent & chatouilloient, pour tenir leur vertu en haleine & en action, laquelle ils rendoient non seulement ferme, constante, graue & seueres, comme Caton & les Stoiciens, mais encores gaye, riante, enioüee, s'il est permis de dire, folastre.

Sur la comparaison de ces trois il semble à ausuns (qui n'apperçoient la hauteur, & valeur du troisieme) que le second de la vertu à cause de ses difficultez, dangers, efforts, emporte l'honneur, & comme disoit Metellus, c'est chose par trop lasche & vilaine de mal-faire: faire du bien, où n'y a peine ny danger, c'est chose commune & trop aisée: mais faire bien, où y a danger & peine, c'est le deuoir d'un homme de bien & de vertu: c'est le mot du diuin Philosophe, καλὴ τὰ πάλαι καλὰ. Mais pour en dire au vray ce qui en est, outre que la difficulté, cōme est dit par nous ailleurs, n'est pas vraye, ny iuste & legitime cause d'estimer vne chose, il est certain qu'en chose pareille, le naturel vaut mieux que l'acquis, qu'il est bien plus noble, plus excellent

& diuin d'agir par nature que par art; aisément, également, & uniformément, que péniblement, inégalement, avec doute & danger; Dieu est bon en la première façon: c'est la naturelle & essentielle bonté, nous ne l'oserions appeller vertueux, ny les Anges & esprits bien-heureux, ils sont dictés bons; mais pource que la vertu fait plus de bruit & d'esclat, & agit avec plus de vehemence, que la bonté, elle est plus estimée & admirée du populaire qui est vn loü iuge, mais c'est à tort. Car ces grandes enleueures & extrauagantes productions qui semblent estre tout zele & tout feu, ne sont pas du ieu, & n'appartiennent aucunement à la vraye prud'hommie: ce sont plustost maladies & accez fieux, bien esloignez de la sagesse, que nous requerrons icy, douce, equable & uniforme.

Cecy soit dit en gros de la prud'hommie: car les parties d'icelle & les denoüts seront au troisieme liure, spécialement en la vertu de iustice.

16.
De la grace, pource-
qu'on de-
Nature.

Je veux icy adiouster vn mot selon que i'ay promis pour rebroucer la pointe de la maldisance, & faire cesser les plaintes de ceux qui trouuent mauvais de ce que ie fay tant valoir la nature (bien que ce soit Dieu comme a esté dict, & que ce liure ne parle que du naturel & humain) comme si c'estoit tout, & ne fust plus rien requis. C'est qu'apres tout ce que i'ay dict, il reste encor vne chose pour rendre l'ouurage complet & parfait, c'est la grace de Dieu par laquelle ceste telle prud'hommie, bonté, vertu, est animée, mise à son iour, & reçoit son dernier traict visuel, est releuée, Christianisée, couronnée, c'est à dire, acceptée, vérifiée, homologuée de Dieu; rendue meritoire, & digne

& digne de recompense eternelle. La prud'homme est semblable au bon ioüeur d'orgue, qui touche bien & iustement selon l'art: la grace & l'esprit de Dieu est le soufflé & le vent qui exprime les touches, anime & fait parler l'instrument, & produit la melodie plaisante. Or ce bien ne consiste point en longs discours, preceptes ou enseignemens, ny ne s'acquiert par nostre fait & labeur propre, c'est vn pur don d'en haut, dont il en porte le nom, Grace: mais il le faut desirer, demander, implorer & humblement & ardemment. O Dieu, daignez par vostre immense bonté me regarder de l'œil de vostre clemence, accepter & agréer mon desir, mon essay, mon petit œuvre, qui originellement vient de vous, par l'obligation & instruction que m'en auez donné en la Loy de Nature, qu'auez planté en moy, afin qu'il retourne à vous, & qu'acheuiez ce qu'auez commencé, afin que soyez mon α & ω : Arrousez-moy de vostre grace, tenez & censez-moy vostre, &c. Le moyen de l'obtenir, c'est à dire, de couier Dieu à nous en gratifier, c'est cette prend'homme & obseruation de la Loy de Nature, qui est comme va leurte, vne amorce & attraiet d'icelle, comme la matiere bien preparée appelle à soy la forme, & comme l'ame vegetative & sensitiue, qui est des parens est voye à la raisonnable, qui est de Dieu: ainsi la sagesse humaine est voye à la diuine, la Loy de Nature à la grace, la vertu morale & Philosophique à la Theologale, le deuoir humain à la faueur & liberté diuine. Celuy qui fait ce qu'il peut aux vertus morales, naturelles & humaines, conuie & donne occasion à Dieu de l'estrener & gratifier des vertus surnatu-

Aa

telles & diuines. Car c'est vne equité & regle de de bié seance, que qui a esté loyal & bon melnager en peu, soit commis au plus. A tout cecy s'accordent & les saincts Aphorismes, *Qui in medico fuisti fidelis supra multa te constituam: Deus dat spiritum bonum omnibus petentibus eum: facienti quod in se est, Deus non denegat gratiam. Deus non deficit in necessarijs & disponit omnia suauiter: si homo insipiens habere usuram rationis, & deliberans de seipso ordinauerit seipsum ad debitum finem, per gratiam consequitur remissionem peccati originalis, &c.* Et les sacrez exemples d'Abraham, de Iob, des deux Centeniers, de Naaman Syrië du Pere de saint Gregoire, lesquels Payens & infidelles pour auoir suiuy ceste loy & lumiere de nature, ont esté appelez à la foy qui leur a esté donnee, dit ce saint Pere en recompense de leurs vertus morales, *Mirum probitas eum nobis vendicabat, unde retulit fidem in præmium præcedentium virtutum.* Comme au rebours, contreuenir à la loy de nature, est s'opposer formellement, & empêcher directement la grace comme apres l'Apostre, les Peres, Augustin, Chrysostome & Cyrille discourent, rendans raison pourquoy plusieurs Iuifs n'ont receu l'Euangile, & que le Sauueur n'a point voulu prêcher en plusieurs lieux. Par où se void que la grace n'est pas contraire, ny ne force ou destruit la nature, ains doucement la releue, & la parfait. Ainsi ne la luy faut opposer cōme sa contraire, mais apposer comme sa couronne: elles sont toutes deux de Dieu, il ne les faut donc contreheurter, ny aussi confondre, chacune a sō ressort & son action separee. Ce sont deux, que le iouëur & le souffleur, aussi sont- ce deux, que la prud'homme & la grace, l'a-

ction bonne en loy naturellement, moralement, humainement, & l'action meritoire. Celle là peut bien estre sans cette cy & a son pris, comme en ces Philosophes & grands hommes du temps passé, admirable certes en la nature, & en toute sorte de vertu morale, & qui se trouue encores parmy les mescreans, mais cette-cy ne peut estre sans celle-là, nō plus que le couuert, la couronne & consommation ne peut estre sans le corps esleué. Le joueur peut en tout cas exercer sō art sans le souffleur, ainsi la prud'homie sans la grace: il est vray que ce ne sera que *es sonans & cimbalum tinniens*, mais celle-cy requiert celle-là: en quoy ie voy plusieurs se mesconter biē lourdement, qui n'eurent iamais aucun goust, ny ne congeurent onc l'image de la vraye prud'homie, & demeurent enflés de la persuasion de grace, laquelle ils pensent bien pratiquer, attirer & gagner par certains moyens bien aisez & oyfifs à la Pharisiennē, sur quoy ils se reposent bien contents sans trauailler à la vraye probité, *promoti per saluum*. Maistres sans auoir esté apprentifs, Docteurs & nobles en parchemin. Or ie voy tant & tant de ces gēslà parmy le monde, mais ie ne voy gueres d'Aristides, Phocions, Catons, Regules, Socrates, Scipions, Epaminōdas, c'est à dire Professeurs d'une exacte, vraye & solide vertu morale, & probité Philosophique, la plainte & le reprocher si frequent du souverain Docteur de verité aux hypocrites & Pharisiē aura tousiours lieu, car telles gens ne faudront iamais, voire peut-estre les censures du monde. Or bien apres auoir longuement parlé de la prud'homie, il faut dire & toucher icy vn mot de la contrainte

17.
Descri-
ption de
la mes-
chance-
té.

La meschanceté est contre nature, est laide, dif-
forme & incommode, offense tout bon iugemēt, se
fait haïr estant bien cognüe, dont aucuns on dit,
qu'elle estoit produite de bestise & d'ignorance.
Plus, la meschanceté engendre du desplaisir, & du re-
pentir en l'ame, qui comme vne vlcere en la chair,
luy demange, l'esgratigne, & le fasche, la malice fa-
brique des tourmens contre soy, *malitia ipsa maxi-
mā partem veneni sui bibit: malum consilium consultori
pestimum*. Cōme la mousche guespe qui offense au-
truy, mais bien plus soy-mesme, car elle y perd son
éguillon & sa force pour iamais: le vice a du plaisir,
autremēt il ne seroit pas receu, & ne trouueroit pla-
ce au monde, *nemo enim animi causa malus est*, mais
il engēdre aussi du desplaisir contraire, la peine suit
le peché, dit Platō, voire elle naist avec luy, dit He-
siode, qui est tout le contraire de la volōté & vertu,
qui resioūt & plait: il y a de la congratulation, de la
complaisance & satisfaction à bien faire, c'est la
vraye & essentielle recompense de la bonne ame,
qui ne luy peut faillir, & de quoy elle se doit con-
tenter en ce monde.

18.
S'il n'est
jamais
permis
de faillir.

Il. 3. c. 3.

Personne ne debat que le vice ne soit à éviter &
à haïr sur toutes choses, mais c'est vne question;
s'il se pouuoit presenter tel profit, ou tel plaisir,
pour lequel tel vice fut excusablement faisable. Il
semble bien que ouy à plusieurs: du profit s'il est
public, il n'y a point de doute, (avec les modifica-
tions toutefois, qui se diront en la vertu de pru-
dence politique) mais aucuns en veulent autāt dire
du profit & du plaisir particulier. L'on en pourroit
plus seurement parler & iuger, estant proposé vn
faict & vn exēple certain, mais pour en parler tout

simplement, il se faut tenir ferme à la négative.

Que le péché ne puisse fournir tel plaisir & contentement au dedans, comme fait la prud'homme, il n'y a aucun doute, mais qu'il géhenne & tourmente, comme il a esté dit, il n'est pas vniuersellement ny en tous sens vray : pourquoy il faut distinguer : il y a trois sortes de meschancetez & de gens vicieux. Les vns sont incorporez au mal par discours & resolution, ou par longue habitude, tellement que leur entendement mesme y consent & l'approuue ; c'est quand le péché ayant rencontré vne ame forte ou vigoureuse, est tellemēt entraciné en elle, qu'il est formé & comme naturalisé, elle en est imbuë & teinte du tout. D'autres à l'opposite font mal par boutées, selon que le vent impetueux de la tentation trouble, agite & precipite l'ame au vice, & qu'ils sont surpris & emportez par la force de la passion. Les tiers comme moyens entre ces deux estiment bien leur vice tel qu'il est, l'accusent & le condamnent au rebours des premiers, & ne sont point emportez par la passion ou tentation, comme les seconds, mais en sang froid, après y auoir pensé entrent en marché, le contrebalancent avec vn grand plaisir ou profit, & en fin à certain prix & mesure se prestent à luy, & leur semble qu'il y a quelque excuse de ce faire. De cette sorte sont les vsures & paillardises, & autres pechez reprins à diuerses fois, consultez, deliberez, aussi les pechez de complexion.

19.
Si tout
péché
engendre
repentir.
Distinction de
meschancetez.

De ces trois, les premiers ne se repentent iamais sans vne touche extraordinaire du ciel : car estans affermis & endurcis à la meschanceté, n'en sentent point l'aigreur & la pointe : puis que l'entende-

20.
Comparaison
d'icelles.

ment l'approuue, & l'ame en est toute teinte, la volonté n'a garde de s'en desdire. Les tiers se repentent ce semble en certaine façon, sçavoir considérans simplement l'action deshonneste en soy, mais puis compensée avec le profit ou plaisir, ils ne s'en repentent point, & à vray dire & parler proprement, ils ne s'en repentent point, puisque leur raison & conscience veut & consent à la faute. Les seconds sont ceux vrayement qui se repentent, & se réduisent, & c'est proprement d'eux qu'est dite la penitence, de laquelle ie prendray occasion de dire icy un mot.

21.
De la repentance.

Repentance est un desaveu, & une desdite de la volonté, c'est une douleur & tristesse engendrée en nous par la raison, laquelle chasse toutes autres tristesses & douleurs, qui viennent de causes externes. La repentance est interne, internement engendrée, par quoy plus forte que toute autre, comme le chaud & le froid des fieures est plus poignant que celui qui vient de dehors. La repentance est la médecine des ames, la mort aux vices, la guérison des volontez, & consciences, mais il la faut bien connoistre. Premièrement, elle n'est pas de tout péché, comme a esté dit, non de celui qui est inveteré, habitué, autorisé, par le iugement mesmes: mais de l'accidental, & advenu par surprise, ou par force, ny des choses qui ne sont pas en nostre puissance, desquelles y a bien regret & desplaisir non repentir; ny ne doit advenir en nous pour les issues mauvaises & contraires à nos conseils & desseins. Il est advenu autrement que l'on n'a pensé, conçu, & aduisé, pour cela ne se faut repentir du conseil & de l'advis, si lors l'on s'y est por-

té comme l'on deuoit, car l'on ne peut pas deuiner les issues, si l'on les sçauoit, il n'y auroit lieu de consulter: & ne faut iamais iuger des conseils par les issues: ny ne doit naistre en nous par la vieillesse, impuissance, & desgoust des choses, ce seroit laisser corrompre son iugement: car les choses ne sont pas changees, pour ce que nous sommes changez par l'aage, maladie, ou autre accident: L'assagissement ou amandement qui vient par le chagrin, le desgoust & foiblesse, n'est pas vray ny conscientieux, mais lasche & catarreux. Il ne faut point que la lascheté du corps serue de courier, pour nous ramener à Dieu & à nostre deuoir, ou repentance: mais la vraye repentance, & vray rauissement est vn don de Dieu, qui nous touche le courage, & doit naistre en nous, non par la foiblesse du corps, mais par la force de l'ame, & de la raison.

Or de la vraye repentance, naist vne vraye, & fraîche & consciencieuse confession de ses fautes. Comme aux maladies du corps, l'on vse de deux sortes de remedes, l'un qui guarit, ostant la cause & racine de la maladie, l'autre qui ne fait que pallier & endormir le mal, dont celuy là est plus cuisant que cestuy-cy, mais aussi plus salutaire: ainsi aux maladies de l'ame, le vray remede qui nettoie & guarit, c'est vne serieuse & honteuse confession de ses fautes; l'autre faux, qui ne fait que desguiser & couvrir, est excuse, remede inueteré par l'auteur du mal mesme, dont dit le prouerbe, que la malice s'est elle mesme fait & cousu vne robe, c'est l'excuse, la robe faite de feuilles de figuier des premiers sautiers, qui se couvrirét, & de parole, & de fait, mais.

22.
De la confession & excuse.

c'estoit d'un sac mouillé. Nous deurions donc apprendre à nous accuser, dire, & confesser hardiment toutes nos actions & pensées, car outre que ce seroit une belle & genereuse franchise, ce seroit un moyen de ne rien faire ny penser, qui ne fust honeste & publiable. Car qui s'obligeroit à tout dire, s'obligeroit aussi à ne rien faire de ce qu'on est contraint de cacher: mais au rebours, chacun est secret & discret en la confession, & l'on ne l'est en l'action, la hardiesse de faillir est aucunement compensée & bridée par la hardiesse de confesser, s'il est laid de faire quelque chose, il est encore autant ou plus laid de ne l'oser avouer. Plusieurs grâds & Saints, comme S. Augustin, Origene, Hipocrates, ont publié les erreurs de leurs opinions, il faut aussi le faire de ses mœurs, Pour les vouloir cacher, l'on tombe souvent en plus grand mal, cōme celuy qui nia solennellement avoir paillardé, pensant sauver le plus par le moins, car au rebours il encherit son marché, si ce ne fut en pis (car peut estre mentir publiquement est pire que simplement paillarder) au moins ce fut en multiplication, ce ne fut pas ejection de vice, mais addition.

Avoir un but & train de vie certain.

Second fondement de sagesse.

CHAP. IV.

A Pres ce premier fondement de vraye & inter-
ne prudence, vient comme un second fon-
dement preallable, & nécessaire pour bien regler sa
vie, qui est se dresser & former à un certain & assésé-
rain de vie, prendre une vacation à laquelle on
soit propre, c'est à dire, que son naturel particulier

(suivant toujours la nature vniuerselle, sa grāde & generale sagesse maistresse & regēte, comme porte le precedent & fondamēt al aduis) s'accommode & s'applique volontiers. La Sagesse est vn manimēt doux & réglé de nostre ame, se conduisant avec mesure & proportion, & gist en vne equalité de vie & mœurs, *Perfecta virtus equalitas ac tenor vite per omnia consonans sibi.*

C'est donc vn affaire de grād poids, que ce choisis lequel on se porte biē diuersemēt, & où l'ō se trouue bien empesché, pour tant de diuerses considerations, qui nous tient en diuerses parts, & qui souuēt se heurtent & s'entr'empeschēt. Les vns y sont heureux, lesquels par vne grāde bonté & felicité de nature, ont bien tost & facilement sçeu choisir, ou par vn certain bon-heur, sans grande deliberation, se trouuent comme tous portez dedans le train meilleur pour eux, tellemēt que la fortune a choisi pour eux, & les y a menez, ou bien par la main, amie & prouidente d'autrui y ont esté guidez & conduits.

6.
Chose
difficile,
où l'on
se porte
diuerse-
ment.

Les autres au contraire mal-heureux, lesquels ayans failly dès l'ētrece, & n'ayant eu l'esprit ou l'industrie de se connoistre & r'aduiser de bōne heure, pour tout doucement retirer leur éyngle du jeu, se trouuent tellement engagez, qu'ils ne s'en peuent plus dédire, & sont contrains de mener vne vie pleine d'incommoditez & de repentirs.

Mais aussi vient-il souuent du defaut grand de celuy qui en delibere, qui est, ou de ne se connoistre pas bien, & trop presumer de soy: dont il auiet qu'il faut, ou quitter honteusement ce que l'on a entrepris, ou supporter beaucoup de peine & de tourment en s'y voulant opiniāster. Il se faut sou-

uenir que pour leuer vn fardeau, il faut auoir plus de force que le fardeau, autrement l'on est cōtraint, ou de le laisser, ou de succomber dessus : l'homme sage ne se charge iamais de plus d'affaire, qu'il ne peut executer : ou de ne se pouoir arrester à quelque chose, mais changer de iour à autre, comme fōt ceux à qui rien ne plaist & ne satisfait, que ce qu'ils n'ont pas, tout leur fait mal au cœur, & les mescontente, aussi bien le loisir, que les affaires, le commander que l'obeyr : telles gens vivent miserablement, & sans repos, comme gens contrains : Ceux là aussi ne se peueut tenir coy, ne cessent d'aller & venir sans aucun dessein, font des empeschez, & ne font rien : les actiōs d'un sage homme tendent tousiours à quelque fin certaine, *magnam rem per a vnum hominem agere, prater sapientem nemo vnum agit, multi formos sumus.* Mais la plus part n'en delibere point, ny n'en consulte, l'on se laisse mener comme buffes, ou emporter au temps, compagnie, occasiō, & ne scauroit dire pourquoy il est plustost de certe vacation que d'une autre, sinon que son pere en estoit, ou bien que sans y penser il s'y est trouué tout porté, & y a continué ; tellemēt que comme il n'a bien considéré l'entree, il n'en seroit aussi trouuer l'issue : *pauca sunt consilia se sua que disponant, ceteri eorum more qui fluminibus innatant, non erunt sed feruntur.*

Or pour te bien porter en cecy, bien choisir, & puis bien s'en acquiescer, il faut scauoir deux choses, & deux naturels, le sien, sa complexion, sa portee & capacité, son temperament, en quoy l'on excelle & l'on est foible, à quoy propre, & à quoy inepte : Car aller contre son naturel, c'est tenter Dieu, cracher contre le Ciel, se tailler de la besongne pour uela

Conseil
en cēt af.
faire.

pouvoir faire, *nec quidquam sequi quod assequi nequeas*, & s'exposer à rîse & moquerie. Puis celuy des affaires, c'est à dire, de l'estat, profession, & genre de vie qui se propose, il y en a auquel les affaires sont grands & pesans, autres où sont dangereux, autres où les affaires ne sont pas si grands, mais ils sont meslez & pleins d'embarassemens, & qui trainent apres soy plusieurs autres affaires, ces charges travaillent fort l'esprit. Chaque profession requiert plus spécialement vne certaine faculté de l'ame, l'une l'entendement, l'autre l'imagination, l'autre la memoire: Or *lib. 1. c.* pour connoistre ces deux naturels, le sien & celuy de la profession & train de vie, ce qui a esté dit des temperamens diuers, des parties & facultez internes y seruira beaucoup. Ayant sçeu des deux naturels, les faut confronter ensemble pour voir s'ils se pourront bien ioindre & durer ensemble, car il faut qu'ils s'accordent, si l'on a à contester avec son naturel, & le forcer pour le service & acquit de la fonction & charge que l'on prend, ou au rebours, si pour suivre son naturel, soit de gré & volonté, ou que par force & insensiblement il nous entraîne, l'on vient à faillir ou heurter son deuoir, quel desordre? Où sera l'égalité, la bien-seance? *si quicquam decorum, nihil profecto magis quam æquabilitas vite vniuersæ & singularium actionum, quam conservare non possis: si aliorum imiteris naturam, omittas tuam.* Ce sont contes de penser durer & faire chose qui vaille, & qui aye grace, si le naturel n'y est. *Tu nihil invita dices faciesve Minerva: id quemque decet quod est suum maxime: sic est faciendum. ut contra naturam vniuersam nil contendamus, ea seruata propriam sequamur.*

Que s'il aduient que par malheur, imprudence,

venir que pour leuer vn fardeau, il faut auoir plus de force que le fardeau, autrement l'on est cōtraint, ou de le laisser, ou de succomber dessus : l'homme sage ne se charge iamais de plus d'affaire, qu'il ne peut executer : ou de ne se pouuoir arrester à quelque chose, mais changer de iour à autre, comme font ceux à qui rien ne plaist & ne satisfait, que ce qu'ils n'ont pas, tout leur fait mal au cœur, & les mescontente, aussi bien le loisir, que les affaires, le commander que l'obeyr : telles gens vivent miserablement, & sans repos, comme gens contrainsts : Ceux là aussi ne se peueut tenir coy, ne cessent d'aller & venir sans aucun dessein, font des empeschez, & ne font rien : les actiōs d'un sage homme tendent tousiours à quelque fin certaine, *magnam rem per unum hominem agere, prater sapientem nemo unum agit, multi formes sumus.* Mais la plus part n'en delibere point, ny n'en consulte, l'on se laisse mener comme buffles, ou emporter au temps, compagnie, occasiō, & ne scauroit dire pourquoy il est plustost de cete vacation que d'une autre, sinon que son pere en estoit, ou bien que sans y penser il s'y est trouué tout porté, & y a continué, tellement que comme il n'a bien considéré l'entree, il n'en seroit aussi trouuer l'issue : *pauca sunt consilia se sua que disponunt, ceteri eorum more qui fluminibus innatant, non erunt sed feruntur.*

3.
Conseil
en cét af.
faire.

Or pour te bien porter en cecy, bien choisir, & puis bien s'en acquiter, il faut scauoir deux choses, & deux naturels, le sien, sa complexion, sa portee & capacité, son temperament, en quoy l'on excelle & l'on est foible, à quoy propre, & à quoy inepte : Car aller contre son naturel, c'est tenter Dieu, cracher contre le Ciel, le tailler de la besongne pour ne la

pouvoir faire, *nec quidquam sequi quod assequi nequeas*, & s'exposer à ruse & moquerie. Puis celuy des affaires, c'est à dire, de l'estat, profession, & genre de vie qui se propose, il y en a auquel les affaires sont grands & pesans, autres où sont dangereux, autres où les affaires ne sont pas si grands, mais ils sont meslez & pleins d'embarassemens, & qui trainent apres soy plusieurs autres affaires, ces charges travaillent fort l'esprit. Chaque profession requiert plus spécialement vne certaine faculté de l'ame, l'une l'entendement, l'autre l'imagination, l'autre la memoire: Or *lib. i. c.* pour connoistre ces deux naturels, le sien & celuy de la profession & train de vie, ce qui a esté dit des temperamens diuers, des parties & facultez internes y seruira beaucoup. Ayant sçeu ces deux naturels, les faut confronter ensemble pour voir s'ils se pourront bien ioinre & durer ensemble, car il faut qu'ils s'accordent, si l'on a à contester avec son naturel, & le forcer pour le service & acquit de la fonction & charge que l'on prend, ou au rebours, si pour suivre son naturel, soit de gré & volonté, ou que par force & insensiblement il nous entraine, l'on vient à faillir ou heurter son deoir, quel desordre? Où sera l'égalité, la bien-seance? *si quicquam decorum, nihil profecto magis quam æquabilitas vite vniuersæ & singularium actionum, quam conservare non possis: si aliorum imiteris naturam, omittas tuam.* Ce sont contes de penser durer & faire chose qui vaille, & qui aye grace, si le naturel n'y est. *Tu nihil invita dices faciesve Minerva: id quemque decet quod est suum maxime: Sic est faciendum ut contra naturam vniuersam nil contendamus, ea servata propriam sequamur.*

Que s'il aduient que par malheur, imprudence,

ou autrement l'on se trouue engagé en vne vacatiō, & train de vie penible & incōmode, & que l'on ne s'en puisse plus desdire: ce sera office de prudēce & sagesse, de se resoudre à la supporter, l'adoucir & l'accomoder à soy tant que l'on peut, faisant comme au jeu de hasard, selon le conseil de Platon, auquel si le dé ou la carte a mal dit, lon prēd patiēce, & tasche l'on de rabiller le mauuais sort, & cōme les abeilles, qui du Thim, herbe aspre & seiche, font le miel doux, & cōme dit le Prouerbe, faire de necessité vertu.

ESTVDIER A LA VRAIE PIETÉ.

Premier office de sagesse.

CHAP. V.

LEs preparatifs faits, & les deux fondemens iectez, il est tēps de bastir & dresser les regles de sagesse, dōt la premiere & plus noble regarde la religion, & seruice de Dieu. La pieté tient le premier lieu au rang de nos deuoirs, & est chose de tres-grād poids, en laquelle il est dāgereux & tres-facile de se mescōter & faillir. Il est besoin d'auoir aduis, & scauoir comment celuy qui estudie à la sagesse, s'y doit gouverner. Ce que nous allons faire apres auoir vn peu discoursu de l'estat & succez des religions au monde, remettant le surplus à ce que i'en ay dit en mes trois veritez.

1.
Diuersité
des religions.

C'est premieremēt chose effroyable: de la grande diuersité des religions, qui a esté & est au monde, & encōres plus, de l'estrangeté d'aucuns, si fâtasque & exorbitante, que c'est merueille que l'entendement humain aye peu estre si fort abestuy & enyuré d'impōstures: Car il semble qu'il n'y a rien au monde haut & bas, qui n'aye esté deisié en quelque lieu, &

quin'aye trouué place pour estre adoré.

Elles conuiennent toutes en plusieurs choses, i'entens quant à la montre, & à ce qu'elles alleguent tout haüt, en quoy le Diable est singe de Dieu, & la faulseté quelquesfois plus specieuse & plausible que la verité. Premièrement, elles ont pris naissance presque en mesme climat & air : la Palestine & l'Arabie qui se touchent : (i'entends les plus celebres & fameuses maistresses des autres) elles ont leurs principes & fondemens presque pareils, la creance d'un Dieu, auteur de toutes choses, de sa prouidence & amour enuers le genre humain, immortalité de l'ame, loyer aux bons, chastiment aux meschans apres ceste vie, incertaine profession externe de prier, inuoyer, honorer & seruir Dieu. Pour se faire valoir & receuoir, elles alleguent & fournissent, soit de fait, & en verité, comme les vraies, ou par imposture & beau semblant des Reuelations, Apparitions, Propheties, Miracles, Prodiges, sacrez Mysteres, Saints. Toutes ont leur origine & commencement, petit, foible, humble, mais peu à peu par vne suite & acclamation contagieuse des peuples, avec des fictions mises en auant ont pris pied, & se sont autorisées, tellement que toutes sont tenues avec affirmation & deuotion voire, les plus absurdes. Toutes tiennent & enseignent que Dieu s'appaise, se fleschit & gaigne par prieres, presens, vœux & promesses, festes, encens. Toutes croyent que le principal & plus plaisant seruice à Dieu & puissant moyen de l'appaiser, & pratiquer sa bonne grace, c'est se donner de la peine, se tailler, imposer & charger de force besongne difficile & douloureuse, tesmoin partout le monde, & en tou-

23

Qui sont
les con-
uiennēt
en plu-
sieurs
prin-
cipes.

tes les religions, & encore plus aux fausses qu'aux vraies, au Mahumetisme qu'au Christianisme, tant d'ordres, compagnies, hermitages, & confrairies destinées à certains & diuers exercices, fort pénibles, & de profession étroite, iusques à se deschi-
rer & decouper leurs corps, & pensent par là mé-
riter beaucoup plus que le commun des autres, qui
ne trempent en ses afflictions & tourmens comme
eux, & tous les iours s'en dressent de nouvelles, &
iamais la nature humaine ne cessera, & ne verra la
fin d'inuenter des moyens de se donner de la peine
& du tourment, ce qui vient de l'opinion que Dieu
prend plaisir & se plaist au tourment & deffait de
ses creatures, laquelle opinion est fondamentale
des sacrifices, qui ont esté vniuersels par tout le
monde, auant la naissance de la Chrestienté, & exer-
cez, non seulement sur les bestes innocentes, que
l'on massacroit avec effusion de leur sang, pour vn
precieux present à la diuinité, mais (chose estrange
de l'yuerse du genre humain) sur les enfans, petits,
innocens, & les hommes faits, tant criminels, que
gens de bien; coustume practiquee avec grande re-
ligion par toutes nations : Getes ; qui entr'autres
ceremonies & sacrifices despeschent vers leur Dieu
Zamolxis, de cinq en cinq ans ; vn homme d'entre
eux pour le requerir des choses nécessaires. Et
pour ce qu'il faut que ce soit vn qui meure tout à
l'instant, qu'ils l'exposent à la mort d'vne certaine
façon douteuse, qui est de le lancer sur les pointes
de trois lauelines droites, il auient qu'ils en depes-
chent plusieurs de rang, iusques à ce qu'il aduienne
vn, qui s'enferme en lieu mortel, & expire soudain,
estimans celuy là estre propre & fauorisé, les autres

non : Perles , tefmoin le fait d'Ameltris , mere de Xerxes , qui en vn coup entra tous vifs quatorze iouuenceaux , des meilleures maisons , felon la religion du pais : Anciens Gaulois , Carthaginois , qui immoloient à Saturne leurs enfans , presens peres & meres ; Lacedemoniens , qui mignardoient leur Diane , en faisant fouetter des ieunes garçons en sa faueur , fouuent iusques à la mort : Grecs , tefmoins le sacrifice d'Ilphigenia , Romains , tefmoins les deux Decies, *qua fuit tanta iniquitas decorum ut placari pop. Rom. non possent nisi tales viri occidissent* : Mahumetans , qui se balaffrent le visage , l'estomach ; les membres pour gratifier leur Prophete : Les Indes nouvelles , Orientales & Occidentales : & au Themistitan , cimentans leurs idoles de sang d'enfans. Quelle alienation de sens , penser flatter la diuinité par humanité , payer la bonté diuine par vostre affliction , & satisfaire à sa iustice par cruauté ? *Iam insana sunt ut nemo fuerit dubitaturus furere eos , si cum paucioribus furerent*. Iustice donc affamee de sang humain , sang innocent , tiré & respandu avec tant de douleurs & tourmens , *ut sic dii placentur , quemadmodum ne homines quidem sciunt*. D'où peut venir cette opinion & creance , que Dieu prend plaisir au tourment , & à la defaite de ses œuvres , & de l'humaine nature ? suiuant cette opinion , de quel naturel doit estre Dieu : mais tout cela a esté aboly par le Christianisme : comme a esté dit cy-dessus.

Elles ont aussi leurs differences , leurs articles particuliers , & separez , par lequel elles se distinguent entr'elles , & chacune se prefere aux autres , & se confie d'estre la meilleure , & plus vraye que les au-

Et diffé-
rent.

tres, & s'entrereprochent aussi les vns aux autres quelques choses; & par là s'entrecondamnent & reiettent.

4.

La Chre-
stienne
sur tou-
te,

Mais l'on n'est point en doute ny en peine de sçavoir qu'elle est la vraye, ayant la Chrestienne tât d'avantages & de priuileges si hauts & si authentiques par dessus les autres, & priuatiuement d'icelles. C'est le sujet de ma seconde verité, où est monsté combien toutes les autres demeurent au dessous d'elle.

5.

Les der-
nieres se
font sur
les pre-
cedentes

Or comme elles naissent l'une apres l'autre, la plus ieune bastit tousiours sur son ainee, & prochaine precedente, laquelle elle n'imptrouue ny ne condanne de fonds en comble, autrement elle ne seroit pas ouye, & ne pourroit prendre pied, mais seulement l'accuse, ou d'imperfectiõ, ou de son terme finy, & qu'à cette occasion elle viét pour luy succeder & la parfaire, & ainsi la ruine peu à peu & s'enrichit de ses dépouilles, cõme la Iudaïque qui a retenu plusieurs choses de la gentille Egyptienne son ainee, ne pouvant ce peuple Hebrieu estre si tost senté & nettoyé de ses coustumes: la Chrestienne bastie sur les veritez & promesses de la Iudaïque: la Mahumetaine sur toutes les deux, retenant presque toutes les veritez de Iesus Christ, sauf la premiere, qui est la diuinité, tellemét que pour sauter du Iudaïsme au Mahumetisme, il faut passer par le Christianisme, & se sont trouuez des Mahumetains qui se sont exposez aux tourmens pour soustenir les veritez Chrestiennes, comme vn Chrestien feroit pour soustenir les veritez du vieil Testament, mais les vieilles & ainees condamnent tout à fait & entieremét les ieunes, & les tiennent pour ennemies capitales.

6.

Toutes

Toutes les religions ont cela, qu'elles sont estranges

ges

ges & horribles au sens commun, car elles proposent & sont basties & composées de pieces, desquelles les vnes semblent au iugement humain, basses, indignes & messeantes, dont l'esprit vn peu fort & vigoureux s'en mocque, ou bien trop hautes, esclatantes, miraculeuses & misterieuses, où il ne peut riē cognoistre, dōt il s'en offense. Or l'esprit humain n'est capable que des choses mediocres, mesprise & dédaigne les petites, s'estonne & se transsit des grandes; dont n'est de merueilles s'il se rend difficile à recevoir du premier coup toute religion, où n'y a rien de mediocre & de commun, & faut qu'il y soit induit par quelque occasiō. Car s'il est fort il l'a dédaigne, & l'a en risée; s'il est foible & superstitieux il s'en estonne & s'en scandalise: *Prædicamus Iesum Crucifixum, Iudæis scandalum, gentibus stultitiam*. D'où il aduient qu'il y a tant de mescreans, & irreligieux, pource qu'ils consultent & écoutent trop leur propre iugement, voulans examiner & iuger des affaires de la religion, selon leur portée & capacité, & la traiter par leurs outils propres & naturels. Il faut estre simple, obeissant & debonnaire pour estre propre à recevoir religion, croire & se maintenir sous les loix, par reuerence & obeyssance, assuiettir son iugement, & se laisser mener & conduire à l'autorité publique, *Captiuantes intellectum ad obsequium fidei*.

Mais il estoit requis d'ainsi proceder, autrement la religion ne seroit pas en respect & en admiratiō, comme elle doit: or il faut que cōme difficilement, aussi autoritiquement & reueremment, elle soit receüe & iurée: si elle estoit du goust humain & naturel sans estrangeté, elle seroit bien plus facile;

B b

sont
estran-
ges à la
nature.

6.

Et c'est
avec rai-
son.

tion infernale, & viure comme l'on faiét. Ce sont comptes, choses plus incompatibles que le feu & l'eau. Ils disent qu'ils le croient, ils se font à croire qu'ils le croient, & puis ils le veulent faire à croire aux autres, mais il n'en est riē, & ne sçauēt que c'est que croire: C'est vn croire, maistel que l'Escripture appelle historique, diabolique, mort, infortune inutile, & qui fait plus de mal que de biē. Tels croiās sont des vrays mocqueurs & affronteurs, disoit vn ancien, & vn autre, qu'ils font d'une part les plus fiers & glorieux, & d'autre part les plus laches & vilains du mōde; plus qu'hommes aux articles de leur creance, & pire que pourceaux en leur vie. Certes si nous nous tenions à Dieu & à nostre Religiō, ie ne dy pas par vne grace & vne estainte diuine, comme il fait, mais seulement d'une commune & simple, comme nous croyons vne hystoire & nous tenons à nos amis & compagnōs, nous les mettrions de beaucoup au dessus de toute autre chose pour l'infie bōté qui reluit en eux; pour le moins ieroient ils en mesme rang que l'honneur, les richesses, les amis. Or y en a-il bien peu qui ne craignent moins de faire contre Dieu & quelque point de sa religion, que contre son parent, son maistre, son amy, ses moyens. Tout cecy ne heurte point la dignité, netteté, hautesse de la Chrestienté, non plus que le fumier ne souille le rayon du Soleil qui luit sur luy, car comme a dit vn ancien; *fides non à personis, sed contra*: Mais l'on ne sçauroit trop crier contre les faux hypocrites à qui la verité en veut tant par exprez & preciput, avec tant de ~~un~~ qu'il leur iette & eslance de sa bouche.

Matt. 23

Pour sçavoir qu'elle est la vraye pieté, il faut premietement la separer de la faulſe, feinte & contrefaite, afin de n'equivoquer comme la plus-part du mode fait. Il n'y a rien qui face plus belle mine, & prenne plus de peine à reſſembler la vraye pieté & religion, mais qui luy ſoit plus cōtraire & ennemie que la ſuperſtition : comme le loup qui ne reſſemble pas trop mal le chiē, mais eſt d'un eſprit & humeur tout contraire : & le flatteur qui contrefait le zelé amy, & n'eſt rien moins, & la faulſe monnoye plus parée que la vraye ; *Gens ſuperſtitioni abnoxia religionibus aduerſa*. Et auſſi enuieuſe & ialouſe, cōme l'amoureuſe adultere, qui par les petites mignardieſes, fait ſemblāt de porter plus d'affectiō, & ſe ſoucier plus du mary, que la vraye eſpouſe, laquelle elle veut rēdre odieuſe. Or les notables differēces des deux, ſont que la religion ayme & honore Dieu, met l'hōme en paix & en repos, & loge en vne ame libre, franche & genereuſe ; la ſuperſtition trouble & effarouche l'hōme, & iniurie Dieu, apprenāt à le craindre avec horreur & effroy, ſe cacher & s'enfuir de luy, ſ'il eſtoit poſſible, c'eſt maladie d'ame foible, vile, & paoureuſe, *Superſtitio Auguſt. error infanus, amandes timet, quos colit vi. l. ut : morb. puſilli animi, qui ſuperſtitione imbutus eſt quietus eſſe nuſquam poteſt. Verro ait Deum à religioſo veneri, à ſuperſticioſo timeri*. Parlons de tous les deux à part.

Le ſuperſtitieux ne laiſſe viure en paix ny Dieu, ny les hommes, il apprehende Dieu chagrin, deſpiteux, difficile à contēter, facile à ſe courroucer, long à ſ'appaier, examinant nos actions à la façon humaine d'un iuge bien ſeuere, eſpiant & nous

B b. iij.

9.
Distinction
entre la
vraye &
faulſe
religiō.

10.
Super-
ſtition
deſcrite

guettant au pas; ce qu'il tesmoigne assez par ses façons de le servir, qui est tout de mesmes. Il tremble de peur, il ne peut biē se fier, ny s'asseurer, craignant n'auoir iamais assez bien fait, & auoir obmis quelque chose, pour laquelle obmissiō, tout peut estre ne vaudra rien, il doute si Dieu est bien content, se met en peine de le flater pour l'appaiser & le gagner, l'importune de prieres, vœux, offrādes, se feint des miracles, ay sēment croit & reçoit les supposez par autres, prend pour soy, & interprete toutes choses encores que puremēt naturelles, cōme expressement faictes & enuoyées de Dieu, mord & court à tout ce que l'on dit, comme vn homme fort soucieux, *duo superstitionis propria, nimius timor, nimius cultus*. Qu'est-ce tout cela, sinon en se donnant force peine, viloment, sordidemēt & indignement agir avec Dieu, & plus mecaniquement que l'on ne feroit avec vn homme d'honneur? Generalement toute superstition & faute en religion, vient de ce que l'on n'estime pas assez Dieu, nous le appellons & rauallons à nous, nous iugeons de luy selon nous, nous l'affublons de nos humeurs: quel blaspheme!

11. Or ce vice & maladie nous est quasi comme naturelle, & y auons tous quelque inclination. Plutarque deplore l'infirmité humaine, qui ne sçait iamais tenir mesure, & demeurer ferme sur ses pieds: car elle panche & degendre ou en superstition & vanité, ou en mespris & nonchalance des choses diuines. Nous ressemblons au mal-aduisé mary, coiffé de quelque vilaine rusée, avec laquelle il fait plus, à cause de ses mignotises, & artifices, qu'avec son honneste espouse, qui l'honore & le sert avec vne pudeur simple & naïue; ainsi nous

plaist plus la superstition, que la religion.

Elle est aussi populaire, vient de la foiblesse d'a- 12.
me, d'ignorance, ou mesconnoissance de Dieu biē Popu-
grosiere, dont elle se trouue plus volontiers aux laire.
enfans, femmes, vieillards, malades, assaillis & bat-
tus de quelque violent accident, bref aux barbares,
Inclināt natura ad superstitionem barbari. C'est d'elle
donc, & non de la vraye religion qu'il est vray, ce
que l'on dit apres Platon, que la foiblesse & lasche-
té des hommes a introduit & fait valoir la religion,
dont les enfans, femmes & vieillards seroient plus
susceptibles de Religion, plus scrupuleux & deu-
tieux: ce seroit faire tort à la vraye religion, que luy
donner vne si chetive cause & origine.

Plutarg.
in Ser-
torio.

Outre ces semences & inclinations naturelles à 13.
la superstition, plusieurs luy tiennent la main, & la Nour-
favorisent pour le gain & grand profit qu'ils en ti- rie &
rent. Les grands aussi & puissans, encores qu'ils souste-
sçachent ce qui en est, ne la veulent troubler ny nue par
empescher, sçachant que c'est vn outil tres-pro- raison
pre pour mener vn peuple, d'où il aduient que non humai-
seulement ils fomentent & reschauffent celle qui ne.
est de sia en nature, mais encores quād il est besoin,
ils en forgent & inuentent de nouuelles, comme
Scipion, Sertorius, Sylla, & autres, qui faciunt ani- Curtius
mos humiles formidine diuum, depressi que premunt ad
terram. Nulla res multitudinem efficacius regit, quam
superstitio.

Or quittans cette ordre & vilaine superstition, 14.
(que ie veux estre abominée par celuy que ie desire Entrée
icy duire & instruire à la sagesse) apprenons & gui- au pro-
dons-nous à la vraye religion & pieté, de laquelle pos de
ie veux donner icy quelques traits & pourtraits, religio.

Bb iij

ou autrement l'on se trouue engagé en vne vacatiō, & train de vie penible & incōmode, & que l'on ne s'en puisse plus desdire: ce sera office de prudēce & sagesse, de se resoudre à la supporter, l'adoucir & l'accomoder à soy tant que l'on peut, faisant comme au jeu de hasard, selon le conseil de Platon, auquel si le dé ou la carte a mal dit, lon prēd patiēce, & tasche l'on de rabiller le mauuais sort, & cōme les abeilles, qui du Thim, herbe aspre & seiche, font le miel doux, & cōme dit le Prouerbe, faire de necessité vertu.

ESTVDIER A LA VRAIE PIETÉ.

Premier office de sagesse.

CHAP. V.

LEs preparatifs faits, & les deux fondemens iectez, il est tēps de bastir & dresser les regles de sagesse, dōt la premiere & plus noble regarde la religion, & seruice de Dieu, La pieté tient le premier lieu au rang de nos deuoirs, & est chose de tres-grād poids, en laquelle il est dāgereux & tres-facile de se mescōter & faillir. Il est besoin d'auoir aduis, & scauoir comment celuy qui estudie à la sagesse, s'y doit gouverner. Ce que nous allons faire apres auoir vn peu discoursu de l'estat & succez des religions au monde, remettant le surplus à ce que i'en ay dit en mes trois veritez.

4.
Diuer-
sité des re-
ligions.

C'est premieremēt chose effroyable: de la grande diuersité des religions, qui a esté & est au monde, & encores plus, de l'estrangeté d'aucuns, si fatale & exorbitante, que c'est merueille que l'entendement humain aye peu estre si fort abestuy & enyuré d'impōstures: Car il semble qu'il n'y a rien au monde haut & bas, qui n'aye esté deisié en quelque lieu, &

quin'ay trouué place pour estre adoré.

Elles conuiennent toutes en plusieurs choses, i'entens quant à la montre, & à ce qu'elles alleguēt tout haut, en quoy le Diable est singe de Dieu, & la faulseté quelquesfois plus specieuse & plaufible que la verité. Premièrement, elles ont pris naissance presque en mesme climat & air: la Palestine & l'Arabie qui se touchent: (i'entends les plus celebres & fameuses maistresses des autres) elles ont leurs principes & fondemens presque pareils, la creance d'un Dieu, auteur de toutes choses, de sa prouidence & amour enuers le genre humain, immortalité de l'ame, loyer aux bons, chastiment aux meschans apres ceste vie, incertaine profession externe de prier, inuoquer, honorer & seruir Dieu. Pour se faire valoir & receuoir, elles alleguent & fournissent, soit de fait, & en verité, comme les vraies, ou par imposture & beau semblant des Reuelations, Apparitions, Propheties, Miracles, Prodiges, sacrez Mysteres, Saints. Toutes ont leur origine & commencement, petit, foible, humble, mais peu à peu par vne suite & acclamation contagieuse des peuples, avec des fictions mises en auant ont pris pied, & se sont autorisées, tellement que toutes sont tenuës avec affirmation & deuotion voite, les plus absurdes. Toutes tiennent & enseignēt que Dieu s'appaise, se fleschit & gaigne par prieres, presens, vœux & promesses, festes, encens. Toutes croyent que le principal & plus plaisant seruice à Dieu & puissant moyen de l'appaiser, & pratiquer sa bonne grace, c'est se donner de la peine, se tailler, imposer & charger de force besongne difficile & douloureuse, tesmoin partout le monde, & en tou-

22

Qui toutes conuiennent en plusieurs principes.

tes les religions, & encore plus aux fausses qu'aux vraies, au Mahumetisme qu'au Christianisme, tant d'ordres, compagnies, hermitages, & confrairies destinées à certains & diuers exercices, fort pénibles, & de profession étroite, iusques à se deschi-
rer & decouper leurs corps, & pensent par là mé-
riter beaucoup plus que le commun des autres, qui
ne trempent en les afflictions & tourmens comme
eux, & tous les iours s'en dressent de nouvelles, &
iamais la nature humaine ne cessera, & ne verra la
fin d'inuenter des moyens de se donner de la peine
& du tourment, ce qui vient de l'opinion que Dieu
prend plaisir & se plaist au tourment & deffait de
ses creatures, laquelle opinion est fondamentale
des sacrifices, qui ont esté vniuersels par tout le
monde, auant la naissance de la Chrestienté, & exer-
cez, non seulement sur les bestes innocentes, que
l'on massacroit avec effusion de leur sang, pour vn
precieux present à la diuinité, mais / chose estrange
de l'yuesse du genre humain / sur les enfans, petits;
innocens, & les hommes faits; tant criminels, que
gens de bien; coustume pratiquée avec grande re-
ligion par toutes nations: Getes, qui entr'autres
ceremonies & sacrifices despeschent vêts leur Dieu
Zamolxis, de cinq en cinq ans; vn homme d'entre
eux pour le requerir des choses necessaires. Et
pour ce qu'il faut que ce soit vn qui meure tout à
l'instant, qu'ils l'exposent à la mort d'vne certaine
façon douteuse, qui est de le lancer sur les pointes
de trois lauelines droites, il auient qu'ils en despes-
chent plusieurs de rang, iusques à ce qu'il aduienne
vn, qui s'enferme en lieu mortel, & expire soudain,
estimans celuy là estre propre & fauorisé, les autres

non : Perses , tefmoin le fait d'Amestris , mere de Xerxes , qui en vn coup entra tous vifs quatorze iouuenceaux , des meilleures maisons , selon la religion du pais : Anciens Gaulois , Carthaginois , qui immoloient à Saturne leurs enfans , presens peres & meres ; Lacedemoniens , qui mignardoient leur Diane , en faisant fouetter des ieunes garçons en sa faueur , souuent iusques à la mort : Grecs , tefmoins le sacrifice d'Ilphigenia , Romains , tefmoins les deux Decies, *qua fuit tanta iniquitas decorum ut placari pop. Rom. non possent nisi tales viri occidissent* : Mahumetans , qui se balaffrent le visage , l'estomach ; les membres pour gratifier leur Prophete : Les Indes nouvelles , Orientales & Occidentales : & au Themistitan , cimentans leurs idoles de sang d'enfans. Quelle alienation de sens , penser flatter la diuinité par humanité , payer la bonté diuine par vostre affliction , & satisfaire à sa iustice par cruauté ? *Iam insana sunt ut nemo fuerit dubitaturus furere eos , si cum paucioribus furerent*. Iustice donc affamee de sang humain , sang innocent , tiré & respandu avec tant de douleurs & tourmens , *ut sic dii placentur*, *quemadmodum ne homines quidem sciunt*. D'où peut venir cette opinion & creance , que Dieu prend plaisir au tourment , & à la defaite de ses ceuures , & de l'humaine nature ? suivant cette opinion , de quel naturel doit estre Dieu ? mais tout cela a esté aboly par le Christianisme : comme a esté dit cy-dessus.

Elles ont aussi leurs differences , leurs articles particuliers , & separez , par lequel elles se distinguent entr'elles , & chacune se prefere aux autres , & se confie d'estre la meilleure , & plus vraye que les au-

Et diffé-
rent.

tres, & s'entrereprochent aussi les vns aux autres quelques choses, & par là s'entrecondamnent & rejettent.

4.

La Chre-
stienne
sur tou-
te,

Mais l'on n'est point en doute ny en peine de sçavoir qu'elle est la vraye, ayant la Chrestienne tât d'avantages & de privileges si hauts & si authentiques par dessus les autres, & priuatiuement d'icelles. C'est le sujet de ma seconde verité, où est montré combien toutes les autres demeurent au dessous d'elle.

5.

Les der-
nieres se
font sur
les pre-
cedentes

Or comme elles naissent l'une apres l'autre, la plus ieune bastit tousiours sur son ainee, & prochaine precedente, laquelle elle n'improue ny ne condanne de fonds en comble, autrement elle ne seroit pas ouye, & ne pourroit prendre pied, mais seulement l'accuse, ou d'imperfectiõ, ou de son terme finy, & qu'à cette occasion elle viét pour luy succeder & la parfaire, & ainsi la ruine peu à peu & s'enrichit de ses dépouilles, cõme la Iudaïque qui a retenu plusieurs choses de la gentille Egyptienne son ainee, ne pouvant ce peuple Hebrieu estre si tost seuré & nettoyé de ses costumes: la Chrestienne bastie sur les veritez & promesses de la Iudaïque: la Mahumetaine sur toutes les deux, retenant presque toutes les veritez de Iesus Christ, sauf la premiere, qui est la diuinité, tellemét que pour sauter du Iudaïsme au Mahumetisme, il faut passer par le Christianisme, & se sont trouuez des Mahumetains qui se sont exposez aux tourmens pour soustenir les veritez Chrestiennes, comme vn Chrestien feroit pour soustenir les veritez du vieil Testament, mais les vieilles & ainees condamnent tout à fait & entieremét les ieunes, & les tiennent pour ennemies capitales.

6.

Toutes

Toutes les religions ont cela, qu'elles sont estranges

ges

ges & horribles au sens commun, car elles proposent & sont basties & composées de pieces, desquelles les vnes semblent au iugement humain, basses, indignes & messeantes, dont l'esprit vn peu fort & vigoureux s'en mocque, ou bien trop hautes, esclatantes, miraculeuses & misterieuses, où il ne peut riē cognoistre, dōt il s'en offense. Or l'esprit humain n'est capable que des choses mediocres, mesprise & dédaigne les petites, s'estonne & se transsit des grandes; dont n'est de merueille s'il se rend difficile à recevoir du premier coup toute religion, où n'y a rien de mediocre & de commun, & faut qu'il y soit induit par quelque occasiō. Car s'il est fort il l'a dédaigne, & l'a en risée; s'il est foible & superstitieux il s'en estonne & s'en scandalise: *Prædicamus Iesum Crucifixum, Iudæis scandalum, gentibus stultitiam*. D'où il aduient qu'il y a tant de mescreans, & irreligieux, pource qu'ils consultent & écoutent trop leur propre iugement, voulans examiner & iuger des affaires de la religion, selon leur portée & capacité, & la traiter par leurs outils propres & naturels. Il faut estre simple, obeissant & debonnaire pour estre propre à recevoir religion, croire & se maintenir sous les loix, par reuerence & obeyssance, assuiettir son iugement, & se laisser mener & conduire à l'autorité publique, *Captiuantes intellectum ad obsequium fidei*.

Mais il estoit requis d'ainsi proceder, autrement la religion ne seroit pas en respect & en admiratiō, comme elle doit: or il faut que cōme difficilement, aussi autoritiquement & reueremment, elle soit receuë & iurée: si elle estoit du goust humain & naturel sans estrangeté, elle seroit bien plus facile.

B b

sont
estran-
ges à la
nature.

6.

Et c'est
avec rai-
son.

ment, mais moins reueremment prise.

7.
Par-
quoy ne
doient
estre
prises
humai-
nement.

O estans les religions & creances telles que di^{ct} est, estranges aux sens communs, surpassantes de bien loin toute la portée & intelligence humaine, elles ne doient, ny ne peuvent estre prises, ny loger chez nous, par moyens naturels & humains (autreiment tant de grandes ames, rares & excellentes qu'il y a eu, y fussent arrivées) mais il faut qu'elles soient apportées & baillées par reuelation extraordinaire & celeste, prises & receuës par inspiration diuine, & comme venant du Ciel. Ainsi aussi disent tous qu'ils la tiennent & la croient, & tous vsent de ce jargon, que non des hommes, ny d'aucune creature, ains de Dieu.

8.
Toutes-
fois
elles
sont.

Mais à dire vray, sans rien flatter ny desguiser, il n'en est riē; Elles sont, quoy qu'on dise, tenuës par mains & moyens humains, ce qui est vray en tous sens des faulces religions, n'estans que pures inuentions humaines ou diaboliques, les vraies, comme elles ont vn autre ressort, aussi sont elles & receuës & tenuës d'vne autre main, toutefois il faut distinguer. Quant à la reception, la premiere & générale publicatiō & instalatiō d'icelles a esté, *Domino cooperante, sermonem confirmante sequētibz signis*, diuine & miraculeuse, la particuliere reception se fait biē tous les iours par voye, mains, & moyens humains; la nation, le pays, le lieu donne la religion: lon est de celle que le lieu & la compagnie où l'on est né, tient; l'on est circoncis, baptizé, Iuis & Chrestien, auant que l'on sçache que l'on est homme, la religion n'est pas de nostre choix & electiō, l'homme sans son sçeu est fait Iuis ou Chrestien, à cause qu'il est né dedans la Iuisuerie ou Chrestienté que s'il

fust né ailleurs dedans la Gentilité ou le Mahumetisme, il fust esté de mesmes, Gentil, ou Mahumetain. Quant à l'observance les vrayz & bons professeurs d'icelles, outre la profession externe qui est commune à tous, voire & aux mescredoyans, ont le don de Dieu, le tesmoignage du S. Esprit au dedans, mais c'est chose qui n'est pas commune ny ordinaire, quelque belle mine, que l'on tiennne, tesmoin la vie & les mœurs si mal accordées avec la creance, tesmoin que pour occasions humaines & bien legeres, l'on va contre la teneur de sa religion. Si elle tenoit & estoit plantée par vne attache divine, chose du monde ne nous en pourroit esbranler, telle attache ne se romptroit pas si aysement, s'il y avoit de la touche & du rayon de la divinité, il paroistroit par tout, & l'on produiroit des effets qui s'en sentiroient & seroient miraculeux, comme a dit la verité. Si vous aviez vne seule goutte de foy, vous remuëriez les montaignes. Mais quelle proportion ny convenance entre la persuasion de l'immortalité de l'ame, & d'une future recompense si glorieuse & heureuse, ou si malheureuse & angoustieuse, & la vie que l'on mene? La seule apprehension des choses que l'on dit croire si fermement, feroit esgarer & perdre le sens: la seule apprehension & crainte de mourir par justice & en public, ou de quelqu'autre accident honteux & faicheux, a fait perdre le sens à plusieurs, & les a jettez à des parties bien estranges: & qu'est-ce là au prix de ce que la religion enseigne de l'advenir; Mais seroit il possible de croire en verité, esperer ceste immortalité bien heureuse, & craindre la mort, passage necessaire à icelle? craindre & apprehender ceste puni-

tion infernale, & viure comme l'on faict? Ce sont comptes, choses plus incompatibles que le feu & l'eau. Ils disent qu'ils le croient, ils se font à croire qu'ils le croient, & puis ils le veulent faire à croire aux autres, mais il n'en est riē, & ne sçauēt que c'est que croire: C'est vn croire, maistel que l'Escripture appelle historique, diabolique, mort, infortune inutile, & qui fait plus de mal que de biē. Tels croiās sont des vrays moqueurs & affronteurs, disoit vn ancien, & vn autre, qu'ils font d'une part les plus fiers & glorieux, & d'autre part les plus laches & vilains du mōde; plus qu'hommes aux articles de leur creance, & pire que pourceaux en leur vie. Certes si nous nous tenions à Dieu & à nostre Religiō, ie ne dy pas par vne grace & vne estainte diuine, comme il fait, mais seulement d'une commune & simple, comme nous croyons vne histoire & nous tenons à nos amis & compagnōs, nous les mettrions de beaucoup au dessus de toute autre chose pour l'infinie bōté qui reluit en eux, pour le moins s'eroient ils en mesme rang que l'honneur, les richesses, les amis. Or y en a-il bien peu qui ne craignent moins de faire contre Dieu & quelque point de sa religion, que contre son parent, son maistre, son amy, ses moyens. Tout cecy ne heurte point la dignité, netteté, hautesse de la Chrestienté, non plus que le fumier ne souille le rayon du Soleil qui luit sur luy, car comme a dit vn ancien; *fides non à personis, sed contra*: Mais l'on ne sçauroit trop crier contre les faux hypocrites à qui la verité en veut tant par exprez & preciput, avec tant de *vn* qu'il leur iette & eslance de sa bouche.

Matt. 23

Pour sçavoir qu'elle est la vraie pieté, il faut premièrement la separer de la fausse, feinte & contrefaite, afin de n'équivoquer comme la plus-part du monde fait. Il n'y a rien qui face plus belle mine, & prenne plus de peine à ressembler la vraie pieté & religion, mais qui luy soit plus cōtraire & ennemie que la superstition : comme le loup qui ne ressemble pas trop mal le chié, mais est d'un esprit & humeur tout contraire : & le flatteur qui contrefait le zélé amy, & n'est rien moins, & la fausse monnoye plus parée que la vraie ; *Gens superstitioni abnoxia religionibus adversa*. Et aussi enuieuse & jalouse, cōme l'amoureuse adultere, qui par les petites mignardises, fait semblât de porter plus d'affectiō, & se soucier plus du mary, que la vraie espouse, laquelle elle veut rēdre odieuse. Or les notables différences des deux, sont que la religion ayme & honore Dieu, met l'hōme en paix & en repos, & loge en vne ame libre, franche & genereuse ; la superstition trouble & effarouche l'hōme, & iniurie Dieu, apprenāt à le craindre avec horreur & effroy, se cacher & s'enfuir de luy, s'il estoit possible, c'est maladie d'ame foible, vile, & paoureuse, *Superstitio Augusti error infanus, amandes timer, quos colit vi. Lu : morb. pusilli animi, qui superstitione imbutus est quicquid esse nusquam potest. Verro ait Deum à religioso veneri, à supersticioso timeri*. Parlons de tous les deux à part.

Le superstitieux ne laisse vivre en paix ny Dieu, ny les hommes, il apprehende Dieu chagrin, despitueux, difficile à contēter, facile à se courroucer, long à s'appaiser, examinant nos actions à la façon humaine d'un iuge bien severe, espiant & nous

B b. iij.

9.
Distinction
entre la
vraie &
fausse
religiō.

10.
Super-
stition
descrite

guettant au pas; ce qu'il tesmoigne assez par ses façons de le servir, qui est tout de mesmes. Il tremble de peur, il ne peut biē se fier, ny s'asseurer, craignant n'avoir jamais assez bien fait, & avoir obmis quelque chose, pour laquelle obmissiō, tout peut estre ne vaudra rien, il doute si Dieu est bien content, se met en peine de le flater pour l'appaiser & le gagner, l'importune de prieres, vœux, offrandes, se feint des miracles, aysement croit & reçoit les supposez par autres, prend pour soy, & interprete toutes choses encores que puremēt naturelles, cōme expressement faictes & enuoyées de Dieu, mord & court à tout ce que l'on dit, comme vn homme fort soucieux, *duo superstitionis propria, nimius timor, nimius cultus*. Qu'est-ce tout cela, sinon en se donnant force peine, vilement, sordidement & indignement agir avec Dieu, & plus mecaniquement que l'on ne feroit avec vn homme d'honneur? Generalement toute superstition & faute en religion, vient de ce que l'on n'estime pas assez Dieu, nous le appellons & rauallons à nous, nous iugeons de luy selon nous, nous l'affublons de nos humeurs: quel blaspheme!

ii. Or ce vice & maladie nous est quasi comme naturelle, & y auons tous quelque inclination. Plutarque deplore l'infirmité humaine, qui ne sçait iamaist enir mesure, & demeurer ferme sur ses pieds: car elle panche & degene en superstition & vanité, ou en mespris & nonchalance des choses diuines. Nous ressemblons au mal-aduisé mary, coiffé de quelque vilaine rusée, avec laquelle il fait plus, à cause de ses mignotises, & artifices, qu'avec son honeste espouse, qui l'honore & le sert avec vne pudeur simple & naïfue; ainsi nous

plaist plus la superstition, que la religion.

Elle est aussi populaire, vient de la foiblesse d'a- 12.
me, d'ignorance, ou mesconnoissance de Dieu biē Popu-
grosiere, dont elle se trouue plus volontiers aux laire.
enfans, femmes, vieillards, malades, assaillis & bat-
tus de quelque violent accident, bref aux barbares,
Inclināt natura ad superstitionem barbari. C'est d'elle
donc, & non de la vraye religion qu'il est vray, ce Plutarq.
que l'on dit apres Platon, que la foiblesse & lasche in Ser-
té des hommes a introduit & fait valoir la religion, torio.
dont les enfans, femmes & vieillards seroient plus
susceptibles de Religion, plus scrupuleux & deuo-
tieux: ce seroit faire tort à la vraye religion, que luy
donner vne si chetive cause & origine.

Outre ces semences & inclinations naturelles à 13.
la superstition, plusieurs luy tiennent la main, & la Nour-
fauorisent pour le gain & grand profit qu'ils en ti- rie &
rent. Les grands aussi & puissans, encores qu'ils souste-
sçachent ce qui en est, ne la veulent troubler ny nue par
empescher, sçachant que c'est vn outil tres-pro- raison
pre pour mener vn peuple, d'où il aduient que non humai-
seulement ils fomentent & reschauffent celle qui ne.
est de sia en nature, mais encores quād il est besoin,
ils en forgent & inuentent de nouuelles, comme
Scipion, Sertorius, Sylla, & autres, qui faciunt ani- Curtius
mos humiles formidine diuum, depressi que premunt ad
terram. Nulla res multitudinem efficacius regit, quam
superstitio.

Or quittans cette ordre & vilaine superstition, 14.
(que ie veux estre abominée par celuy que ie desire Entrée
icy duire & instruire à la sagesse) apprenons & gui- au pro-
dons-nous à la vraye religion & pieté, de laquelle pos de
ie veux donner icy quelques traits & pourtraits, la vraye
religiō.

Bb iij

comme petites lumieres. Mais auant y entrer ie
veux dire cecy en general , & comme preface,
que tant de diuerſes religions & manieres de ſer-
uir Dieu, qui ſont ou peuuent eſtre au monde, cel-
les ſemblent eſtre plus nobles , & auoir plus d'ap-
parence de verité, leſquelles ſans grande operatiō
externe & corporelle, retirent l'ame au dedans, &
l'eſleuent par pure contemplation , à admirer &
adorer la grandeur & majeſté immense de la pre-
miere cauſe de toutes choſes , & l'eſtre des eſtres,
ſans grande declaration ou determinatiō d'icelle,
ou preſcription de ſon ſeruite : ains la recognoiſ-
ſent indefiniment eſtre la bonté, perfection, infi-
nité du tout incomprehenſible, & incognoiſſable,
comme enſeignent les Pythagoriens & plus inſi-
gnes Philoſophes. C'eſt s'approcher de la religion
des Anges, & bien pratiquer le mot du fils de Dieu,
adorer en eſprit & verité , & que Dieu demande
tels adorateurs cōme les meilleurs. Et l'autre bout
& extremité ſont ceux qui veulent auoir vne Dēi-
té viſible & preceptible par les ſens, auquel erreur
vilain & groſſier atrempé preſque tout le monde,
& Iſraël au deſert ſe faiſant vn veau: & de ceux-là,
ceux qui ont choiſi le Soleil pour Dieu ſemblent
auoir plus de raiſon que tous autres , à cauſe de ſa
grandeur, beauté, vertu eſclattante & incogneuë,
& certes dignes, voire qui force tout le monde en
admiration & reuerence de ſoy : l'œil ne voit rien
de pareil en l'vniuers , ny d'approchant, il eſt vn,
ſeul, & ſans compagnon. La Chreſtienté comme
au milieu a bien le tout temperé, le ſenſible & ex-
terne avec l'inſenſible & interne , ſeruant Dieu
d'eſprit & de corps, & ſ'accommodant aux grands

Iean 4
24.

& aux petits, dont est mieux establie & plus durable. Mais en icelle mesme, comme il y a diuersité & des degrez d'ames, de suffisance & capacité, de grace diuine, aussi y a-il de manieres de seruir Dieu. Les plus releuez & parfaits tirent plus à la premiere maniere plus spirituelle & contemplatiue, & moins externe, les moindres & imparfaits, *quasi sub pedagogo*, demeurent en l'autre delaiet externe & populaire.

La religion est en la cognoissance de Dieu & de luy mesme: car c'est vne action relative entre les deux, son office est d'éleuer Dieu au plus haut de tout son effort, & baisser l'homme au plus bas, l'abatre cōme perdu, & puis luy fournir des moyēs de se releuer, luy faire sentir sa misere & son rien, afin qu'en Dieu seul, il mette sa confiance & son tout.

L'office de religion est nous lier avec l'auteur & principe de tout bien, reünir & consolider l'homme à sa premiere cause, comme à sa racine, en laquelle tant qu'il demeure ferme & fiché, il se conserue à sa perfection: au contraire quand il s'en separe, il seiche aussi tost sur le pied.

La fin & l'effect de la religion est de rendre fidellement tout l'honneur & la gloire à Dieu; & tout le profit à l'homme: tous biens reuiennent à ces deux choses. Le profit qui est vn amendemēt & vn bien essentiel & interne, est deu à l'homme vuide, necessiteux, & de tous points miserable: la gloire qui est vn ornement accessoire & externe, est deu à Dieu seul, qui est la perfection & la plenitude de tous biens, auquel rien ne peut estre adiousté, *Gloria in excelsis Deo, & in terra pax hominibus*.

Suyuant ce dessus nostre instruction à la pieté, est

15.
Descrip
tiōs di-
uerses
de reli-
gion.

16.

17.

18.

Instru-
ction à
piété,

premierement d'apprendre à cognoistre Dieu: car de la cognoissance des choses procede l'honneur que nous leur portons. Il faut donc premierement que nous croyons qu'il est, qu'il a créé le monde par sa puissance, bonté, sagesse, que par elle mesme il le gouuerne, que sa providence veille sur toutes choses, voire les plus petites, que tout ce qu'il nous enuoye est pour nostre bien, & que nostre mal ne vient que de nous. Si nous estimons maux les fortunes qu'il nous enuoye, nous blasphémions contre luy, pource que naturellement nous honorons qui bien nous fait, & hayssons qui nous fait mal. Il nous faut donc resoudre de luy obeyr & prendre en gré tout ce qui vient de sa main, nous commettre & soubmettre à luy.

19.
Hono-
rer,

Il faut puis apres l'honorer, la plus belle & sainte façon de ce faire, est premierement de leuer nos esprits de toute charnelle, terrienne, & corruptible imagination, & par les plus chastes, hautes, & saintes conceptions, nous exercer en la contemplation de la diuinité: apres que nous l'aurons orné de tous les noms & loiianges les plus magnifiques & excellens, que nostre esprit se peut imaginer, nous reconnaissons que nous ne luy auons encores rien présenté, digne de luy: mais que la faute est en nostre impuissance & foiblesse, qui ne peut rien concevoir de plus haut, Dieu est le dernier effort de nostre imagination vers la perfection, chacun en amplifiant l'idée suivant sa capacité, & pour mieux dire, Dieu est infiniment par dessus tous nos derniers & plus hauts efforts, & imaginations de perfection.

Il faut puis apres le seruir de cœur & d'esprit,

c'est le service qui respond à son naturel : *Deus spiritus est : Si Deus est animus fit tibi pura mente colendus* : c'est celuy qu'il demande, & qui luy agrée : *par tales querit adoratores* : l'offrande plaisante à sa Majesté, c'est vn cœur net, frâc, & humilié : *Sacrificium Deo Spiritus*, vne ame & vne vie innocente : *optimus animus, pulcherrimus Dei cultus : religiosissimus cultus imitari, unicus Dei cultus non esse malum* : l'homme sage est vn vray Sacrificateur du grand Dieu son esprit est son temple, son ame en est son image, ses affections sont les offrandes, son plus grand & solemnel sacrifice, c'est l'imiter, le servir & l'implorer : c'est au grand à donner, & au petit à demander : *Beatius dare quam accipere*.

20.

Servir d'esprit.

Senece.

Laët.

Merc.

Trism.

Ne faut toutesfois mespriser & desdaigner le service extérieur & public, auquel il se faut trouver, & assister avec les autres, & observer les ceremonies ordonnées & accoustumées, avec modération, sans vanité, sans ambition, ou hypocrisie, sans luxe ny avarice, & tousiours avec ceste pensée, que Dieu veut estre servi d'esprit, & que ce qui se fait au dehors est plus pour nous que pour Dieu, pour l'unité & edification humaine que pour la vérité divine, *quæ potius ad morem quàm ad rem pertinet*.

21.

de corps

Nos vœux & prières à Dieu doivent estre toutes réglée & subiectes à sa volonté, nous ne devons rien desirer ny demander, que suivant ce qu'il a ordonné, ayant tousiours pour nostre refrain, *fiat voluntas tua*. Demander chose contre la providence, est vouloir corrompre le iuge, & gouverneur du monde, le penser flatter & gagner par présents & promesses, c'est l'injurier : Dieu ne desire pas nos biens, aussi n'en auons-nous point à vray dire,

22.

Le prie,

tout est à luy, *non accipiam de domo tua vitulos, &c. meus est enim orbis terra & plenitudo eius*, mais seulement que nous nous rendiōs dignes des siens, & ne demāde pas que nous luy donniōs: mais que nous luy demādions, & prenions: en quoy nous l'honorons, *Inuoca me in die tribulationis, eruam te, & honorificabis me*. Aussi est-ce à luy à donner comme grand, & l'homme petit & necessiteux à demander & à prēdre, luy vouloir prescrire ce qu'il nous faut ou nous voulons, c'est s'exposer à l'inconuenient de Midas, mais ce qui luy plaist & sçait nous estre salutaire.

23.
Bien
vser de
son nō.

Bref, il faut pēser, parler, & agir avec Dieu, cōme tout le monde nous entendant viure & conseruer avec le monde, comme Dieu le voyant.

Ce n'est pas respecter & honorer le nom de Dieu cōme il faut, mais plustost le violer, que de le mesler en toutes nos actions & paroles, legerement & promiscuēment, comme par exclamation, ou par coustumes, ou sans y penser, ou bien tumultuairement & en passant; il faut rarement & sobremēt; mais serieusemēt, avec pudeur, crainte, reuerence, parler de Dieu & de ses œuures, & n'entreprendre iamais d'en iuger.

24.
Con-
clusion

Voila sommairement pour la pieté, laquelle doit estre en premiere recommandation, contemplant tousiours Dieu d'une ame franche, allegre, & filiale, non effarouchée ny troublée, comme les superstitieux. Pour les particularitez, tant de la creāce qu'obseruāce, il se faut tenir à la Chrestienne, comme la vraye, plus riche, plus releuée, plus honorable à Dieu, profitable & consolatiue à l'homme, ainsi qu'auons monstre en nostre secon-

de verité, & en icelle demeurent, il faut d'une douce submissiō & obeïssance s'en remettre & arrester à ce que l'Eglise Catholique a de tout temps, vniuersellement tenu & tient, sans disputer & s'embrouïller en nouueauté ou opinion trüée & particuliere pour les raisons déduites en nostre troisieme verité, spécialement les premier & dernier chapitres, qui suffiront à celui qui ne pourra, ou ne voudra lire tout le liure.

Seulement ay-je icy à donner vn aduis necessaire à celui qui pretend à la sagesse, qui est de ne separer la pieté de la vraye prud'homme, de laquelle nous auons parlé cy-dessus, se contentant de l'une; moins encores les confondre & mesler ensemble: ce sont deux choses bien distinctes; & qui ont leurs ressorts diuers, que la pieté & probité, la religion & la prud'homme, la deuotion & la conscience, ie les veux toutes deux iointes en celui que i'instruis icy, comme aussi l'une sans l'autre ne peut estre entiere & parfaite, mais non pas cōfuses. Voicy deux escueils dont il se faut garder, & peu s'en sauuent, les separer se cōtentant de l'une, sans les cōfondre & mesler, tellement que l'une soit le ressort de l'autre.

Les premiers qui les separent, & n'en ont qu'une, sont de deux sortes, car les vns s'addonnent totalement au culte & seruice de Dieu, ne se souciant gueres de la vraye vertu & prud'homme, de laquelle ils n'ont aucun goust, vice remarqué comme naturel aux Iuifs (rare superstitieuse sur toutes, & à cause de ce odieuse à toutes) spécialement aux Scribes & Pharisiens les plus religieux d'entre eux, fort descrié par leurs Prophetes, & puis

25)
Aduis
de bien
cōioin-
dre la
pieté &
probité.

16.
Decaux
qui ont
la pieté
sans pro-
bité.

Scribes
& Pha-
risiens.

premiers, qui ne se fontient que de Religion. Ils pervertissent tout ordre, & brouillent tout, cōfondans la preud'hōmie, la Religion, la grace de Dieu (cōme a esté dit cy-dessus) dont ils n'ont ny vraye preud'hōmie, ny vraye Religion, ny par consequent la grace de Dieu, comme ils pensent, gens tant contés d'eux mesmes, & si prompts à censurer & condamner les autres, *qui confidunt in se & aspernantur aliis.* Ils pensent que la Religion soit vne generalité de tout bien & de toute vertu, que toutes vertus soient comprises en elle, & luy soient subalternes, dont ne recognoissent autre vertu ny preud'hōmie que celle qui se remuë par le ressort de Religio. Or c'est au rebours, car la Religio qui est posterieure, est vne vertu speciale & particuliere, distincte de toutes les autres vertus, qui peut estre sans elles & sans probité, cōme a esté dit des Pharisiens, & Religieux, & meschans: & elles sans Religion, comme en plusieurs Philosophes, bōs & vertueux, toutesfois irreligieux. Elle est aussi comme enseigne toute la Theologie, vertu morale, humaine, piece appartenante à la Iustice, l'une des 4. vertus Cardinales, laquelle nous enseigne en general de rendre à chacun ce qui luy appartient, gardant à chacun son rang. Or Dieu estant par dessus tous, l'auteur & maistre vniuersel, il luy faut rendre tout souverain honneur, service, obéissance, & c'est religio, subalterne & l'hypothese de iustice, qui est la These vniuerselle plus ancienne & naturelle. Ceux-cy veulent au rebours que l'on soit religieux avant preud'homme, & que la Religion qui s'acquiert & s'apprend de dehors, *ex auditu, quomodo credens sine predicante,* engendre la preud'hom-

Contre
ceux qui
confon-
dent la
pieté &
probité

Tho. p.
2. q. 8.

mie, laquelle nous auons monstre deuoir ressortir de nature, Loy & lumiere que Dieu a mis au dedans de nous des nostre origine, c'est vn ordre renuersé. Ils veulent que l'on soit homme de bien, à cause qu'il y a vn Paradis & vn Enfer, dont s'ils ne craignoient Dieu & d'estre damnez (car c'est souuent leur iargon) ils feroient de belles besongnes. Or chetue & miserable preud'homme? Quel gré te faut-il sçauoir de ce que tu fais? coïarde & lasche innocence, *quasi nisi metu non places!* Tu te garde d'estre meschant, car tu n'oses & crains d'estre battu, desia en cela es-tu meschant, *viderunt peccare mali formidine pœna.* Or ie veux que tu l'oses, mais que tu ne vueilles quand bien tu n'en serois iamais tancé? ie veux que tu sois homme de bien, quand bien tu ne deurois iamais aller en Paradis, mais pource que nature, la raison, c'est à dire, Dieu le veut, pource que la Loy & la police generale du monde, d'où tu es vne piece, le requiert ainsi, & tu ne peux consentir d'estre autre que tu n'aïles contre toy-mesme, ton estre, ta fin. Ie ne veux pas du tout reprobuer ny condamner ceste preud'homme acquise & causée par ressort externe de recompense ou pünition comme meschante; car elle vaut beaucoup mieux que rien, est tres-vtile pour reduire les meschans, qu'il faut traicter comme vilains esclaués à coups de baston: mais ie la dy chetue, accidentale, indigne de Sage, noble, & sacrée (auquel est requise vne bien plus haute, forte & genereuse probité qu'au reste du commun & prophane) & comme parle la Theologie, fertile, imparfaite, propre aux rudes & grossiers, encores commençans & apprentifs. Cettes telle
pru-

prud'homme causée par l'esprit de religion, outre qu'elle n'est vraie & essentielle, n'agissant par le bon ressort antheur de nature; mais accidentale, encore est elle tres-dangereuse, produisant quelquefois des tres-vitains & scandaleux effects (comme l'experience l'a de tout temps fait sentir) sous beaux & specieux pretextes de pieté. Quelles execrables meschancetez n'a produit le zele de religion? mais se trouve-il autre sujet ou occasion au monde, qui en aye peu produire de pareilles? Il n'appartient qu'à ce grand & noble sujet, de causer les plus grands & insignes effects.

Tantum religio potuit suadere malorum,

Qua peperit scilicet scelerosas atque impia facta.

N'aymer point, regarder de mauvais œil, comme un monstre, celui qui est d'autre opinion que la leur, penser estre contaminé de parler ou hanter avec luy, c'est la plus douce & la plus molle action de ces gens: qui est homme de bien par scrupule & brider religieuse, gardez-vous en, & ne l'estimez gueres: & qui a religion sans prud'homme, ie ne le veux pas dire plus meschant, mais bien plus dangereux que celui qui n'a ny l'un ny l'autre. Il semble que la Religion seule aiguise les passions, & les eschauffe sous pretexte de zele, *Omnis qui interficiet* Ioan. 16 *vos putabit se obsequium prestare Deo.* Ce n'est pas que la Religion enseigne ou favorise aucunement le mal, comme aucuns, ou trop sottement, ou trop malicieusement voudroient objecter & tirer de ces propos: car la plus absurde & la plus faulce mesmes ne le fait pas; mais cela vient qu'en ayant aucun gout ny image ou cōception de prud'homme, qu'à la suite & pour le service de la Religion

Cc

opinion, qui extermine & condamne totalement les voluptez, puis apprendre comment il s'y faut gouverner.

C'est vne opinion plausible, & étudiée par ceux qui veulent faire les entédus, & professeurs de singuliere sainteté, que mépriser & fouler aux pieds généralement toutes sortes de plaisirs, & toute culture du corps, retirant l'esprit à soy, sans auoir commerce avec le corps, l'esleuât aux choses hautes, & ainsi passer cette vie cōme insensiblement, sans la goûter ou y estre attentif. A ces gens cette phrase ordinaire de passer le tēps comient fort bien: car il leur semble que c'est tres-bien vser & employer cete vie, que de la couler & passer, cōme se desrober & eschapper à elle, comme si c'estoit chose miserable, onereuse & fascheuse: veulent glisser & gauchir au monde, tellement que non seulement les deuis, les recreations & passe-temps leur sont suspects & odieux: mais encores les necessitez naturelles, que Dieu a assaisonné de plaisir, leur sont coruées. Ils n'y viennent qu'à regret, & y estant tiennent tousiours leur ame en haleine hors de là: bref le viure leur est coruée, & le mourir soulas, festoyans cette sentence, qui peut & bien & mal estre prinse & entendue, *Vitam habere in paenitentia, mortem in desiderio.*

Mais l'iniquité de cette opinion, se peut monstrier en plusieurs façons. Premièrement, il n'y a rien si beau & legitime, que faire bien & deuëment l'homme, bien sçauoir viure cette vie. C'est vne science diuine & bien ardue, que de sçauoir iouyr loyalemēt de son estre, se conduire selon le modelle commun & naturel, selon ses propres conditiōs,

Cc ij

1.
Premiere
repartie

Opiniō
du mé-
pris du
monde,

sans en chercher d'autres estranges: toutes ces extrauagāces, tous ces efforts artificiels, & estudiez, ces vices escartées du naturel & commun, partent de folie & de passion, ce sont maladies, ils se veulent mettre hors d'eux, eschappez à l'homme & faire les diuins, & font les sots; ils se veulent transformer en Anges: & se transforment en bestes: *aut Deus, aut bestia homo sum, humani, à me nihil alienum puto*: l'homme est vne ame & vn corps, c'est mal fait de desmembre ce bastiment, & mettre en diuorce cette fraternelle & naturelle ioincture: au rebours il les faut renouer par mutels offices, que l'esprit esueille & viuifie le corps pesant, que le corps arreste la legereté de l'esprit, qui souuent est vn trouble feste; que l'esprit assiste & fauorise son corps, comme le mary sa femme, & non le rebutter, le hayr. Il ne doit point refuser à participer à ses plaisirs naturels, qui sont iustes, & s'y complaire cōiugalement, & apportant comme le plus sage de la moderation. L'homme doit estudier, sauouer, & ruminer ceste vie, pour en rédre graces condignes à celuy qui la luy a octroyée. Il n'y a rien indigne de nostre soing en ce present que Dieu nous a fait, nous en sommes contables iusques à vn poil: ce n'est pas vne commissiō farcesque à l'homme, de se conduire & sa vie selon sa conduction naturelle; Dieu la luy a donnée bien serieusement & expressément.

^{1.}
Voyez
I 3. c. 38.

Mais quelle folie & plus contre nature, que d'estimer les actions viciēses, pource qu'elles sont naturelles: indignes pource qu'elles sont nécessaires? Or c'est vn tres-beau mariage de Dieu, que la nécessité & le plaisir: nature a tres-sagemēt voulu.

que les actions qu'elle nous a enjoint pour nostre besoin, fussent aussi voluptueuses: nous y conuiant non seulement par la raison, mais encores par l'appetit: & ceux-cy veulent corrompre ses regles. C'est pareille faute & iniustice de prendre à cōtre-cœur, & condamner toutes voluptez, cōme de les prendre trop à cœur, & en abuser: il ne les faut ny courir ny fuir, mais les recevoir, & en vser discrettement & modérément, cōme sera tantost dit en la regle. La temperance, qui est la regle des places, condamne aussi bien l'insensibilité & priuation de tout plaisir, *stuporem naturæ*, qui est l'extremité de faillante, cōme l'intemperance *libidinem*, qui est l'extremité excedente. *Contra naturam est torquere corpus suū, faciles odisse manditias & squallorem appetere: delicatas res cupere luxuria est, viciatas & non magno parabiles fugere dementia est.*

Qui a enuie d'écarter sō ame, l'escarte hardimēt s'il peut, lors que le corps se portera mal, & sera en grand douleur, pour la descharger de ceste contagion: mais il ne peut, cōme aussi ne doit-il, car à parler selon le droit & raison, elle ne doit iamais abandonner le corps, c'est singerie que le vouloir faire: elle doit regarder & le plaisir & la douleur d'une veuë pareillemēt ferme, l'un si elle veut seueremēt, & l'autre gayement: mais en tout cas elle doit assister au corps, pour tousiours le maintenir en regle.

Mespriser le monde, c'est vne proposition braue, sur quoy on triomphe de parler & discourir, mais ie ne voy pas qu'ils l'entēdent bien, & encor moins qu'ils le pratiquēt bien: qu'est-ce que mespriser le monde? Qu'est-ce monde? Le ciel, la terre, en vn mot les creatures? Non, ie croy: Quoy

donc? L'usage, le profit, service, commodité que l'on en tire? Quelle ingratitude contre l'auteur qui les a fait à ces fins? quelle accusation contre nature? Et puis comment se peut-il faire de s'en passer? Si en fin tu dis que ce n'est ny l'un ny l'autre, mais c'est l'abus d'icelles, les vanitez, folies, excez, & desbauches qui sont au monde: bien dit, mais cela n'est pas du monde, ce sont choses cōtre le monde & sa police: ce sont additionstiennes: ce n'est pas de nature, mais de ton propre artifice. S'en garder comme la Sagesse, & la regle de cy apres l'enseigne, ce n'est pas mespriser le monde, qui demeure tout entier sans cela: mais c'est bien vser du monde, se bien regler au monde, & comme la Theologie enseigne, s'en servir, en vser, & non iouyr, *vis non frui*. Or ces gens pensent biē practiquer le mespris du monde, par quelques mœurs & façons externes, particulieres, escartées du commun du monde, mais ce sont mocqueurs. Il n'y a rien de si mondain & de si exquis au mōde, le monde ne rit point, & n'est point tant folastie & enioiē chez soy comme dehors, aux lieux où on fait professiō de le fuir & fouler aux pieds. Ce qui est dit contre les hypocrites qui ont tant degeneré de leur principe, qu'il n'en est demeuré que l'habit, encor est-il de beaucoup changé, sinon en la forme, au moins en la matiere, qui ne leur sert que pour les rendre plus entlezz, hardis & effrontez, qui est toute l'opposite de leur institution, *va vobis qui circuitis mare & aridam ut faciatis vnum profectum, & cū factus fuerit, facitis filium gehennæ*. Et non contre l'estat qui est l'eschole de la vraye & sainte Philosophie. C'est donc vne opinion malade, fantasque

Mat. 23.

& desaturée, que rejeter & condamner généralement tous desirs & plaisirs. Dieu est le Createur & Auteur de plaisir. *Plantavi Dominus paradisum voluptatis, posui hominem in paradiso voluptatis, prout omne lignum pulchrum, suave, delectabile,* comme se dira, mais faut apprendre à s'y bien porter, & ouyr la leçon & sagesse là dessus.

Li. 1. ch.
18.

Cette instruction se peut reduire à quatre points, (lesquels si ces mortifiez & grands mespriseurs du monde sçauoient bien mespriser, ils feroient beau coup) sçauoir peu, naturellement, modérément, & par rapport à soy. Ces quatre vont presque tousiours ensemble, & lors font vne regle entiere & parfaite: & pourroit-on, qui voudroit, racourcir & comprendre tous ces quatre en ce mot, naturellement: car nature est la regle fondamentale & suffisante à tout. Mais pour rendre la chose plus claire & facile, nous distinguons ces quatre poincts. Le premier poinct de cette regle est désirer peu: Vn bien court aiséuré moyen de braver la fortune, luy coupant toutes les aneuës, luy ostant toute prinse sur nous pour viure contans & heureux: & en vn mot estre sage, & retrancher fort court ses desirs, ne désirer que bien peu, ou rien. Qui ne desire rien, encores qu'il n'aye rien, equipolle & est aussi riche que celuy qui iouyt de tout: tout deux reuiennent à mesme chose, *nihil in cre est an habeas, an non concupiscas*, dont a esté bien dict que ce n'est pas la multitude & l'abondance qui cõtente & enrichit, mais la disette & le riē. C'est la disette de désirer, car qui est pauvre en desirs, est riche en contentement, *summæ opes inopia cupiditatis*: biefz qui ne desire rien est aucunemēt semblable à Dieu.

6.

Secôde
partie,
la regle
aux
plaisirs
& desirs,

Peu.

& desia comme les bien-heureux, qui sont heureux, non pource qu'ils ont & tiennent tout, mais pource qu'ils ne desirerent rien : *qui desiderium suum elausit, cum loue de felicitate contendit.* Au contraire, si nous laschons la bride à l'appetit, pour suivre l'abondance ou la delicateſſe, nous serons en perpetuelle peine: les choses superflues nous deviendront necessaires, nostre esprit deviendra serf de nostre corps, & ne viurons plus que pour la volupté, si nous ne moderons nos plaisirs, & desirs, & ne les mesurons par le compas de la raison, l'opinion nous emportera en vn precipice, où n'y aura fond ny riue. Par exēple, nous ferōs nos souliers de velours, puis de drap d'or, enfin de broderies, de perles, & diamans: nous bastirons nos maisons de marbre, puis de jaspe, & de porphire.

Or ce moyen de s'enrichir & se rendre content est tres-iuste, & en la main d'un chacun: il ne faut point chercher ailleurs & hors de soy le contentement, demandons-le, & l'obtenons de nous mesmes: arrestons le cours de nos desirs, il est inique & iniuste d'aller importuner Dieu, Nature, le Mōde, par vœux & prieres, de nous donner quelque chose, puis que nous auons en main si beau moyen d'y pouruoir. Pourquoi demanderay-ie plustost à autrui qu'il me dōne, qu'à moy que ie ne desire? *quare potius à fortuna impetrem vti det, quā à me ne petam quare? autem petam obliuſa fragilitatis humanæ?* si ie ne puis & ne veux obtenir de moy de ne desirer point, pourquoi & de quel front, iray-ie presser & extorquer de celuy, sur lequel ie n'ay aucun droit ny pouuoir? Ce sera dōc icy la regle premiere aux desirs & plaisirs, que le (peu) ou biē la mediocrité &

suffisance, qui contentera le sage, & le tiendra en paix: C'est pourquoy i'ay pris pour ma devise, *paix & peu*. Au fol n'y a point d'assez, rien de certain, de content. Il ressemble à la lune, qui demandoit à sa mere vn vestement qui luy fust propre: mais il luy fut respondu, qu'il ne se pouuoit, car elle estoit tantost grande, tantost petite, & tousiours changeante.

L'autre poinct fort germain à ceci-cy, est (naturellement:) Car nous scauons qu'il y a deux sortes de desirs & plaisirs; les vns naturels: ceux-cy s'ont iustes & legitimes, s'ont mesmes aux bestes, sont limitez & courts, l'on en voit le bout, selon eux personne n'est indigent, car par tout il se trouue de quoy les contenter. Nature se contente de peu, & a tellement pourueu, que par tout, ce qui suffit, nous est en main, *parabile est quod natura desiderat & expositum: ad inanum & quod fas est.* C'est ce que nature demande pour la cōseruation de son estre, c'est vne faueur dont nous deuōs remercier la nature, qu'elle a rendu les choses necessaires pour nostre vie, faciles à trouuer, & fait que celles qui sont difficiles à obtenir ne nous sont point necessaires: & cherchant sans passion ce que nature desire, la fortune ne nous en peut priuer. A ce gēre de desir, on pourra adiouter & rapporter (combien qu'ils ne soient vraiment, & à la rigueur naturels, mais ils viennent incontinent apres) ceux qui regardent l'vsage, & la condition d'un chacun de nous, qui sont vn peu au delà, & plus au large que les exactement naturels, & apres eux sont iustes & aussi legitimes. Les autres sont outre nature, procedans de nostre opinion & fantaisie, artificiels, superflus, & vraiment passions, que nous pouuons pour les distin-

7.
Natu-
relle-
ment.

Senec.

guer par nom des autres, appeller cupiditez, desquelles a esté cy-dessus amplement parlé aux passions: & faut que le sage s'en garde entierement & absolument.

8. Le troisiésme, qui est modérément, & sans excès, a grande estendue & diuerfes pièces, mais qui reuiennét à deux chefs, sçauoir sans dommage d'autrui & le sien; d'autrui, son scandale, son offense, sa perte, & preiudice; le sien, de la santé, son loisir, ses fonctions & affaires, son honneur, son deuoir.

9. Le quatriésme est vn court & essentiel rapport à soy: Outre que la carrière de nos desirs & plaisirs doit estre circonscripte, bornée, & courte, encores leur course se doit manier, non en ligne droite, qui fasse bout ailleurs & hors de soy: mais en rond, duquel les deux pointes se tiennent & terminent en nous. Les actions qui se conduisent sans cette reflexion, & ce contour court & essentiel, comme des auaricieux, ambitieux, & tant d'autres, qui courent de pointe, & sont toujours hors eux, sont actions vaines & maladiues.

SE PORTER MODEREMENT ET
esgalement en prosperité & aduersité.

CHAP. VII.

IL y a double fortune avec qui il nous faut combattre, la bonne & la mauuaise, la prosperité & l'aduersité, ce sont deux duels, les deux temps dangereux, ausquels il faut demeurer en ceruelle: ce sont les deux escoles, essais & pierre de touche de l'esprit humain.

Le vulgaire ignorant n'en recognoist qu'un: ne croit pas que nous ayons affaire, ny qu'il y aye de la difficulté & du cōtraſte avec la proſperité, & la douce fortune en laquelle ils ſont ſi tranſportez de joye, qu'ils ne ſçauent ce qu'ils font, & perſonne ne peut durer avec eux: & en affliction ils ſont tous eſtonnez & abbarus, comme les malades qui ſont en angoiſſe, leſquels ne peuuent endurer ny froid ny chaud.

Les ſages recognoiſſent tous les deux, & impu- tent à meſme vice & folie, ne ſçauoir ſe commander en proſperité, & ne pouuoir porter les aduerſitez. Mais qui eſt plus difficile & dāgereux, ils n'en ſont pas du tout d'accord: aucuns diſent l'aduerſité, à cauſe de ſon honneur & ſa rigueur, *difficilius eſt triſtitiā ſuſtinere quā à delectabilibus abſtinere: maius difficilia perſtringere, quā lata moderatio.* Lequel eſt plus difficile à porter, proſperité ou aduerſité. Aristot. Senec. Autres diſent la proſperité, laquelle par ſon rire & ſes mignardes douceurs, agit d'aguet, relache & ramollit l'eſprit, & luy deſtrobe inſenſiblement ſa trempe, ſa force & vigueur, cōme Dalila fit à Samſon, tellement que pluſieurs durs, opiniāſtres, & inuincibles à l'aduerſité, ſe ſōt laiſſés aller aux flatte- ries de la proſperité: *magni laboris eſt ferre proſperitatem: Segerē nimia ſternit vbertas, ſic moderata felicitas rumpit,* & puis l'affliction incite meſme nos ennemis à pitié, la proſperité émeut nos amis à enuie. Item en l'aduerſité ſe voyāt tonbé & abandonné de tous, & que toute l'eſperance eſt reduite à ſoy meſme, l'on préd courage, l'on ſe releue, ſe ramalſe, l'on ſ'euertuē de toute ſa force: & en la proſperité ſe voyāt aſſiſté de tous qui riēt & applaudiſſēt, l'on ſe relache, l'on ſe rēd nonchalāt, l'on ſe fie à tous,

sans apprehension de mal & difficulté, pense l'on que tout est en seureté, en quoy l'on est souuent tropé. Peut estre que selon la diuersité des natures & complexions, toutes les deux opiniõs sont veritables: Mais quant à l'vtilité, il est certain que l'aduersité a l'aduantage, c'est la semence, l'occasion, la matiere de bien faire, le champ des plus heroïques vertus, *virescit vulnere virtus, agra fortuna sana consilia, melius in malis sapimus secunda rectum auferunt.*

41. Or la sagesse nous apprend à tenir égalité en toute
 Aduis des sa-
 ges, sur
 tous les
 deux.
 nostre vie, & mōstrer tousiours vn mesme visage, doux & ferme. Le sage est vn suffisant artisan, qui fait son profit de tout; de toute matiere il forme la vertu, comme l'excellent Peintre Phidias tout simulachre: Quoy qu'il luy vienne ou tombe en main, il y trouue sujet de bien faire: il regarde d'vn mesme visage les deux faces differētes de la fortune, *Ad versosque casus sapiens aptus est, honorū rector, malorum victor, in secundis non confidit, in aduersis nō discedit, nec auiduo periculi nec fugax prosperitatem non expectans, ad verumque paratus; aduersus verūque intrepidus, nec illius tumultu, nec huius fulgore percussus. Contra calamitates fortis & contumax, luxuria non aduersus tantum, sed & infestus: hoc precipuum in humanis rebus erigere animum supra minas & promissa fortuna.* La sagesse nous fournit d'armes & discipline, pour tous les deux combats, contre l'aduersité nous fournit d'esperā, & apprend à esleuer, fortifier, & roidir le courage, & c'est la vertu de force, cōtre la prosperité nous fournit de bride, & apprend à rabaisser les aïles, & se tenir en modestie, & c'est la vertu de temperance: ce sont les deux vertus morales, contre les deux fortunes. Ce que le grand

Senec.

Philosophe Epictete a tres bien signifié, comprenant en deux mots toute la Philosophie Morale, *sustine, & astine*, soustien les maux, c'est l'aduersité, abstien-toy des biens, c'est à dire, des voluptez & de la prosperité. Les aduis particuliers contre les particulieres prosperitez & aduersitez seront au liure troisieme, en la vertu de force & de temperance; icy nous mettrons les aduis generaux, & remedes contre toute prosperité & aduersité, puis qu'en ce liure nous instruisons en general à la sagesse, comme a esté dit en sa preface.

Contre toute prosperité, la doctrine & aduis commun sera en trois points: le premier, que mal & à tort les honneurs, les richesses, & faueurs de la fortune sont estimez & appelez biens, puis qu'ils ne font point l'homme bon, ne reforme point le meschant, & sont communs aux bons & meschans. Celuy qui les appelle biens, & a mis en iceux le bien de l'homme, a bien attaché nostre heur à vn cable pourry, & ancré nostre felicité en vn sable mouuant: car qu'y a-il si incertain & incôstant que la passion de tels biens, qui vont & viennent, passent & s'escolent comme vn torrent? Comme vn torrent ils font bruit à l'arriuéee, ils sont pleins de violence, ils s'ôt troubles: l'entrée en est fascheuse, ils disparoissent en vn moment: & quand ils sont escoulez, il ne demeure que de la bourbe au fonds.

De la
posté-
rité.

Le second point est de se souuenir, que la prosperité est comme vn venin emmiellé, douce & flatteuse, mais tres-dangereuse, pourquoy il se faut bien tenir en ceruelle. Quand la fortune rit, & que tout arriue à souhait, c'est lors que nous

deuons plus craindre & penser à nous, tenir nos affections en bride, composer nos actions par raison, sur tout euitier la presumption, qui suit ordinairement la faueur du tēps. C'est vn pas glissant que la prosperité, auquel il se faut tenir biē ferme, il n'y a raison en laquelle les hōmes oubliēt plustost Dieux: c'est chose rare & difficile de trouuer persōne, qui ne s'attribuē volōtiers la cause de sa felicité. C'est pourquoy en la plus grande prosperité, il faut vser du conseil de ses amis, & leur donner plus d'autorité sur nous, qu'en autre temps. Il faut donc faire cōme vn mauuais & dangereux chemin, aller en crainte & doute, & demander la main d'autrui: Aussi en telle saison le malheur est medecine, car il nous ramene à nous cognoistre.

7. Le troisieme est de retenir ses desirs, & y mettre mesure: la prosperité enfle le cœur, pousse en auāt, ne trouue rien difficile, fait venir l'enuie tousiours de plus grandes choses (ils disent qu'en mangeant l'appetit vient) & nous emporte au delà de nous, c'est là où l'on se perd, l'ō se noye, l'on se fait moquer de soy. C'est cōme la Guenon qui monte de branche en brāche iusques au sommet de l'arbre, & puis monstre le cul. O combien de gens se font perdus & ont pery miserablement, pour n'auoir peu se moderer en leur prosperité: Parquoy il se faut arrester, ou bien aller tout doucemēt, pour iouyr, & n'estre pas tousiours en queste & en poutehas: c'est sagesse que de se auoir establi son repos, son contentemēt, qui ne peut estre, où n'y a point d'arest, de but, de fin. *Si quis finis non possunt, extra sapientiam sunt.*

Contre toute aduersité voicy des aduis generaux.

En premier lieu, il se faut garder de l'opinion commune & vulgaire, etronée & tousiours differente de la vraye raison : car pour descrier & mettre en haine, & en horreur les aduersitez & afflictions, ils les appellent maux & mal-heurs, & tres-grands maux, combien que toutes choses externes ne soient bonnes ny mauuaises à mais, les aduersitez ne fissent meschant vn homme, mais plustost on profite & seruy à reduire les meschans, & sont communes aux bons & aux meschans.

Certes les beaux & tristes accidents sont communs à tous, mais ils ont bien diuers effects, selon la main qu'ils reçoient. Aux fols & reprounez ils ne seruent que de desespoir, de trouble, & de rage; ils les font bien. (s'ils sont pressans & extremes) houerquer, crier à Dieu, & regarder au Ciel : mais c'est tout; car ils n'en valent pas mieux : aux errans & delinquans sont autant d'instructions viues, & de compulsoires pour les ramener auoir de leur deuoir, & de faire recognoistre Dieu : aux gens de vertu sont liers & aiguins pour iouster & exercer leur vertu, se recommander plus, & s'allier à Dieu : aux prudens matiere de bien, & quelques fois planches pour passer, & monter en toute hauteur & grandeur, comme il se lit & se void de plusieurs, auquel estans arrivés de grâdes traverses, quel'on pensoit estre leur malheur & ruine emiere, ils ont esté par ce moyen haut eleuez & agrandis : & au rebours sans ces malheurs demeueroient à l'éclat, come feont bien dire & s'escrier ce grand Capitaine Athenien, *perier amur nisi perissemus*. Vntres-beau & riche exéple de cecy, a esté Ioseph Hebreien, fils de Iacob. Ce sont bié coups du Ciel, mais la vertu

8.
De l'ad-
uersité,
ce n'est
point
mal.

9.
Est co-
mune à
tous,
mais
tres-di-
uerse-
ment,

& prudence humaine luy sert d'instrument propre, dont est prouenu ce tres-beau conseil des Sages, *faire de necessité vertu*. C'est vne tres-belle menagerie, & premier trait de prudence, tirer du mal le bien, manier si dextrement les affaires, & scauoir donner si à propos le vent & le bial, que du malheur l'on s'en puisse preualoir, & en faire la condition meilleure.

10. Les afflictions & aduersitez viennent de trois endroits : ce sont trois auteurs & ouuriers des peines, le peché premier inuenteur, qui les a mis en nature, l'ire & la iustice diuine qui les met en besongne, comme les commissaires & exécuteurs : la police du monde troublée & altérée par le peché : en laquelle comme vne reuolte generale, & tumulte civil : les choses n'estans en leurs places deues, & ne faisant leur offices, source de tous maux : ainsi qu'au corps le denouement des membres, le froissement & dislocation des os apporte des douleurs grandes, & des inquietudes. Cest trois ne nous sont point propices ny fauorables, le premier est à hayr du tout comme ennemy, le second est à craindre & redouter comme terrible, le tiers est à s'en garder comme abuseur. Pour se sauuer & se défaire de tous trois, il n'est que d'employer leurs propres armes, desquelles ils nous battent, comme Goliath de son propre cousteau, faisant de nécessité vertu, profit de l'affliction & de la peine, la faisant rejair contr'eux. L'affliction, vraye engeance de peché, biē prinse est la mort & la ruine, & fait à son auteur ce que la vipere à sa mere, qui la produit : c'est l'huile du scorpion, qui guarit la morsure, pour perir par son inuocation, *perys ascorpiō : parimur quia peccauimus*.

peccauimus, possumus ut non peccemus. C'est la lime de l'ame, qui la desfroüille, la purifie, & l'esclaircit du peché. En consequence de ce, elle appaise l'ire Divine, & nous tire des prisons & liens de la iustice, pour nous remettre, au doux, beau, & clair séjour de grace & misericorde: finalement nous sevre du monde, nous tire de la mammelle, & nous degousté pour son aigreur, comme l'absynthe au tetin de la nourrisse, du doux lait & appast de ceste vie trompeuse.

Vn grand & principal expedient pour se bien comporter en l'aduersité, est d'estre homme de bien. L'homme vertueux est plus tranquille en l'aduersité, que le vicieux en prosperité; comme ceux qui ont la fièvre, sentent avec plus de mal le froid & le chaud, & la rigueur de leur accez, que ne font les sains le froid & le chaud de l'Hyuer & de l'Esté: Aussi ceux qui ont la conscience malade & en fièvre, sont bien plus tourmentez que les gens de bien; car ayans l'interieur sain, ne peuuent estre incommodez par l'exterieur, où ils opposent vn bon courage.

Les aduersitez sont de deux sortes; les vnes sont vrayes & naturelles, comme maladies, douleurs, la perte des choses que nous aymons: les autres faulces & feintes par l'opinion commune ou particuliere, & non en verité. Qu'il soit ainsi, l'on a l'esprit & le corps autant à commandement comme auparavant qu'elles aduinissent. A celle-cy n'y a qu'un mot, ce de quoy tute plains n'est pas douloureux ne fascheux, mais tu en fais le semblant, & te le fais croire.

Quant aux vraies & naturelles, les plus prompts;

Natu-
rels.

Endu-
rer est
naturel
& hu-
main.

& populaires, & plus sains aduis sont les plus naturels, les plus iustes & equitables. Premièrement, il se faut souuenir, que l'on n'endure rien contre la loy humaine & naturelle, puis qu'à la naissance de l'homme toutes ces choses sont annexées & données pour ordinaires. En tout ce qui a accoustumé de nous affliger, considerons deux choses, la nature de ce qui nous arriue, & celle qui est en nous: & vsant des choses selon nature, nous n'en receurons aucunes fascheries. La fascherie qui est vne maladie de l'ame contraire à la nature, ne doit point entrer chez nous. Il n'y a accident au monde qui nous puisse arriuer, auquel la nature n'aye préparé vne habitude en nous, pour le recevoir & le tourner à nostre contentement. Il n'y a maniere de vie si estroite qui n'aye quelque soulas & rafraeschissement. Il n'y a prison si estroite & obscure, qui ne donne place à vne chanson, pour desennuyer le prisonnier. Ionas eut bien le loisir de faire sa priere à Dieu dedans le ventre de la baleine, laquelle fut exaucée. C'est vne faueur de nature, qu'elle noustrouue remede & addoucissement à nos maux en la tolerance d'iceux; estant ainsi, que l'homme est né pour estre sujet à toutes sortes de miseres, *omnia ad qua gemimus, quæ expauescimus, tributa vna sunt.*

14.
Ne tou-
che que
le moi-
dre du
nostre.

Secondement, faut se souuenir qu'il n'y a que la moindre partie de l'homme subiette à la fortune, nous auons le principal en nostre puissance, & ne peut estre vaincu sans nostre consentement. La fortune peut bien rendre pauvre, malade, affligé; mais non vicieux, lasche, abbattu: elle ne nous scauroit oster la probité, le courage, la yertu.

Après il faut venir à la bonne foy, à la raison, & à la iustice: souuent l'on se plaint iniustement, car si parfois il est suruenü du mal, encores plus souuent il est suruenü du bien, ainsi il faut compenser l'un avec l'autre: & si l'on iuge bien, il se trouuera qu'il y a plus de quoy se louer des bös succez que se plaindre des mauuais, & comme nous destournons nos yeux de dessus les choses qui nous offensent, & les iettons sur les couleurs verdoyantes & gayer, ainsi deuons-nous diuertir les pensées des choses tristes, & les addonner à celles qui nous sont plaisantes & agreables. Mais nous sommes malicieux, ressemblans aux ventouses, qui tirent le mauuais sang & laissent le bon, l'auaricieux qui voudroit le meilleur vin, & beuroit le pire, les petits enfans, auxquels si vous ostez vn de leurs iouïets ils iettent tous les autres par despit. Car s'il nous aduient quelque mesaduenture? nous nous tourmentons & oublions tout le reste qui nous demeuroit entier: voire y en a qui se disent mal heureux en toutes choses, & qui iamais n'eurent aucun mal, tellement qu'une once d'aduersité leur porte plus de desplaisir, que deux mille de prosperité ne leur apporte de plaisir.

Aussi faut il regarder sur tant de gens, qui sont en beaucoup pire condition que nous, & qui se sentiroient heureux d'estre en nostre place.

16.
Est peu
par cõ-
paraisõ.

Cum tibi displiceat rerum fortuna tuarum,

Alterius spectat, quo sis discrimine peior.

Il faudroit pour ces pleignans, pratiquer le dire & aduis d'un sage, que tous les maux que souffrent les hommes, fussent rapportez en commun & en bloc, & puis que le partage s'en fist egale,

17.
Aduis
studis.

ment: Car lors se trouuans beaucoup plus châtigés par le departement, seroit descouuerte l'iniustice de leur plainte.

Accoustumance. Apres tous ces aduis, nous pouuons dire qu'il y a deux grands remedes cōtre tous maux & aduersitez, lesquels reuiennent presque à vn : l'accoustumance pour le vulgaire grossier, & la meditatiō pour les sages. Tous deux sont prins du temps, l'emplastre commun & tres-puissant à tous maux: mais les sages le prennent auant la main, c'est la preuoyance, le foible vulgaire apres. Que l'accoustumance puisse beaucoup, nous la voyons clairement, en ce que les choses plus fascheuses se rendent douces par l'accoustumance. *Natura calamitatum mollimentum cōsuetudinem inuenit.* Les forçats pleurent, quant ils enttent en la galere, au bout de trois mois ils y chantent. Ceux qui n'ont pas accoustumé la mer, pallissent mesmes en temps calme, quand on leue l'anchre, les mathelots rient durāt la tempeste, la femme se desespera à la mort de son mary, dedans l'an en ayme vn autre. Le temps & l'accoustumance fait tout: ce qui nous offense est la nouueauté de ce qui nous arriue, *omnia nouitate grauiora sunt.*

18. Preuoyance. La meditation fait le mesme office à l'endroit des sages, car à force de penser aux choses, ils se les rendēt familières & ordinaires, *quæ alij diu patiēdo a leui faciunt, sapiens leui facit diu cogitando.* Considerons exactement la nature de toutes les choses qui nous peuuent fascher, & nous representons ce qui nous peut arriuer de plus ennuyeux & insupportable, comme maladie, pauvreté, exil, iniures, & examinons en tout cela ce qui est selon nature ou

contraire à elle. La preuoyāce est vn grand remede contre tous maux, lesquels ne peuuent apporter grande alteration ny changement, estans arriuez à vn homme qui s'y attendoit, comme au contraire ils blessent & endommagent fort ceux qui se laissent surprendre. La meditation & le discours est ce qui donne la trempe à l'ame, qui la prepare, l'affermir cōtre tous assants, la rend dure, acérée, & impenetrable à tout ce qui la veut entamer ou fausser: les accidens, tant grands soient ils, ne peuuent donner grand coup à celuy qui se tient sur ses gardes, & est prest de les recevoir, *præmeditati mali mollis ictus venit: quicquid expectatum est diu, lenius accedit.* Or pour auoir ceste preuoyāce, il faut premierement sçauoir que nature nous a mis icy comme en vn lieu fort scabreux, & où tout branle: que ce qui est arriué à vn autre, nous peut aduenir aussi; que ce qui panche sur tout peut tomber sur vn chacun, & en tous affaires que l'on entreprend, premediter les inconueniens, & mauuaises rencontres, qui nous y peuuent aduenir, afin de n'en estre surprins. O combien nous sommes deceus & auons peu de iugement, quand nous pensons que ce qui arriue aux autres, ne puisse arriuer iusques à nous, quand ne voulons estre preuoyans & desia, de peur que l'on ne nous tienne pour craintifs. Au contraire si nous prenions cognoissance des choses, ainsi que la raison le veut, nous nous estonnerions plustost de ce que si peu de trauerses nous arriuent, & que les accidens qui nous suyuent de si apres, ont tant tardé à nous attrapper; & nous ayant atteint, comme ils nous traittent si doucement. Celuy qui prend garde & considere l'aduer-

sité d'autrui, comme chose qui luy peut aduenir, auant qu'elle soit à luy : il est armé. Il faut penser à tout & conter tousiours au pire ; ce sont les sots & mal aduisez qui disent : ie n'y pensois pas. L'on dict que l'homme surpris est à demy battu, & au contraire vn aduerty en vaut deux : l'homme sage en temps de paix, fait ses preparatifs pour la guerre : le bon marinier auant surgit du port, fait provision de ce qu'il faut pour resister à la tempeste : c'est trop tard s'apprester, quand le mal est aduenu. A tout ce, à quoy nous sommes preparez de longue main, nous nous trouuons admirables, quelque difficulté qu'il y aye. Au cōtraire, il n'y a chose si aisée, qui nous empesche, si nous y sommes nouueaux. *Id videndum ne quid inopinatū sit nobis, quia omnia nouitate grauiora sunt.* Certes, il semble bien que si nous sommes aussi preuoyans, que nous deuons & pouuons estre, nous ne nous estonnerions de rien. Ce que vous auez preuenu, vous arriue, pourquoy vous en estonnez vous ? Faisons donc que les choses ne nous surprennent point ; tenons nous en garde contre elles, regardons les venir. *Animus aduersus omnia firmandus, ut dicere possimus, non ulla laborum, O Virge, noua mi facies, inopināue surgit, Omnia percepi atq; animo mecum ipse peregi. Tu hodie ista denun-
tias : ego semper denuntiavi mihi : hominem parani ad
humana.*

OBEYR ET OBSERVER LES
loix, coustumes, ceremonies du pays,
comment, & en quel sens.

CHAP. VIII.

TOut ainsi que la beste sauvage & farouche ne se veut laisser prendre, conduire, & manier à l'homme; mais ou s'enfuit & se cache de luy, ou s'irrite & s'esleue contre luy, s'il en veut approcher; tellement qu'il faut vser de force meslée avec ruse & artifice, pour l'auoir, & en venir à bout: ainsi en faiët la folie reuesche à la raison, & sauuage à la sagesse, contre laquelle elle s'irrite & s'affoilit dauantage, dont il la faut auoir & mener comme vne beste farouche (ce que l'homme est à la beste, l'homme sage est au fol,) l'estonner, luy faire peur, & l'arrester tout court, pour puis à l'aise l'instruire & le gaigner. Or le moyen propre à ce, est vne grande autorité, vne puissance & gravité esclatante, qui l'esblouyt de la splendeur & de son esclair. *sola auctoritas est qua cognitiuitos vt ad sapientiam festinent.* En vne meslée & sedition populaire, s'il suruient & se presente quelque grand, ancien, sage & vertueux personnage, qui aye gagné la reputation publicque d'honneur & de vertu, lors ce peuple mutin frappé & esblouy de la splendeur & de l'esclair de ceste autorité, se tient coy, & attend ce qu'il veut dire.

Origine institution & autorité de la loy.

August.

*Veluti magno in populo cum saepe coorta
Seditio est, seu itaque animus ignobile vulgus,
Lingue faces & saxa volant, furor arma ministrant.*

D d iij.

*Impietate grauem ac meritis, si forte virum quem
Conspexere, silent, arrectisque auribus astant,
Ille regit dictis animos, & pectora mulcet.*

Il n'y a rien plus grand en ce monde, que l'autorité, qui est vne image de Dieu, vn messager du ciel : elle est souveraine, elle s'appelle Majesté, si subalterne, autorité, & se soustient de deux choses, admiration & crainte meslée ensemble. Or ceste maiesté & autorité, est premierement & proprement en la personne du souverain, du Prince, & Legislatent, où elle est viue, agente, & mouuante ; puis en ses commandemens & ordonnances, c'est à dire, en la loy, qui est le chef d'œuvre du Prince, & l'image de la maiesté viue & originelle. Par icelle sont reduit, conduits, & guidez les fols. Voylà de quel poids, nécessité, vtilité & l'autorité, & la loy au monde.

2. La prochaine & plus pareille autorité à la loy, Et de la est la coustume qui est vne autre puissante & impérieuse maistresse ; elle empiete & vsurpe ceste puissance traistreusement & violemment, car elle plante peu à peu à la desrobée & comme insensiblement, son autorité, par vn petit doux ; & humble commencement ; l'ayant assis & estably par l'ayde du temps : elle descouure puis vn furieux & tyrannique visage, contre lequel il n'y a plus de liberté ny puissance de hausser seulement les yeux, elle prend son autorité de la passion & de l'usage, elle grossit & s'annoblit en roulant comme les riuieres ; il est dangereux de la ramener à sa naissance.

3. La loy & la coustume establisent leur autorité bien diuersement, la coustume peu à peu, avec vn

long-temps, doucement & sans force, d'un consentement commun de tous, ou de la pluspart, & à son auteur le peuple. La loy sort en un moment, avec autorité & puissance, & prend sa vigueur de qui a puissance de commander à tous, & souvent contre le gré des subiets : dont quelqu'un la compare au tyran, & la coustume au Roy. D'auantage la coustume ne porte loyer ny peine : la loy porte tout les deux, pour le moins la peine, toutesfois elles peuuent bien mutuellement prester la main, & aussi s'entre-destruire. Car la coustume qui n'est qu'en souffrance, homologuée par le souverain, sera plus assurée : & la loy aussi affermit son autorité par la possession & l'usage, au contraire aussi la coustume sera cassée par une loy contraire, & la loy s'en ira auau-l'eau par souffrance de coustume contraire, mais ordinairement elles sont ensemble, c'est loy & coustume : les sçauans & spirituels la considerent comme loy ; les idiots & simples comme coustume.

C'est chose estrange de la diuersité des loix & coustumes qui sont au monde, & de l'extrauagance d'aucunes. Il n'y a opinion & imagination si bigearre, si forcenée, qui ne soit establie par loix ou coustumes en quelque lieu. Je suis content d'en reciter quelques-vnes, pour monstrier à ceux qui font difficulté de le croire, iusques où va cette proposition, ne m'arrestant point à parler de ce qui est de la religion, qui est le suiet où se trouuent de plus grandes estrangeretz, & impostures plus grossieres : mais pour ce qu'il est hors du commerce des hommes, & que ce n'est proprement coustumes, & où il est aisé d'estre trompé, ie le laisseray.

4.
Diuerfi-
té &
estran-
geré.
Des loix
& cou-
stumes
au mô-
de.

Voyci donc des plus remarquables en estrangeté: tuer par office & pieté les parens en certain aage, & les manger: aux hosteleries: prester leurs enfans: femmes, & filles, à iouyr aux hostes en payant, bordeaux publics des masses: les vieillards prester leurs femmes à la ieunesse: les femmes estre communes, honneur aux femmes d'auoir accointé plusieurs masses, & porter autant de belles houpes au bord de leur robe: les filles monstrier à descouvert par tout leurs parties honteuses, les mariées non, ains les couvrir soigneusement? les filles s'abandonner à leur plaisir, & deuenues grosses, se faire auorter au ven & sceu d'un chacun; mais mariées estre chastes & fidelles à leurs maris: les femmes mariées la premiere nuit, auant l'accointance de leur espoux, receuoir tous les masses qui sont de l'estat & profession du mari. conuiez aux nopces, & puis estre loyales à leurs maris, les mariées presenter leur pucelage au Prince auant qu'au mary: mariages de masses, les femmes aller à la guerre & au combat avec les maris: femmes mourir & se tuer lors ou tost apres le decez de leurs maris: femmes vefues se pouuoir remarier si les maris sont morts de mort violente & non autrement: les maris pouoir repudier leurs femmes sans alleguer cause, les vendre si elles sont steriles, tuer sans cause, sinon pource qu'elles sont femmes, & puis emprunter femmes des voisins au besoin: les femmes s'accoucher sans plainte & sans effray; tuer les enfans pource qu'ils ne sont pas beaux, bien formez, ou sans cause: en mangeant essuyer ses doigts à ses genitoires & à ses pieds: viure de chair humaine, manger chair & poisson tout

crud; coucher ensemble plusieurs masles & femelles, iusques au nombre de dix & douze: saluer en mettant le doigt à terre, & puis le leuant vers le ciel; tourner le dos pour saluer, & ne regarder iamais celuy que l'on veut honorer; receuillir en la main les crachats du Prince, ne parler au Roy que par sarbatane: ne couper en toute sa vie ny poil ny ongle: couper le poil d'un costé, & les ongles d'une main & non de l'autre; les hommes pisser accroupis, & les femmes debout, faire des trous & fossettes en la chair du visage, & aux tetins, pour y porter des pierreries & des bagues: mépriser la mort, la festoyer, la briguer, & plaider en public, pour en estre honoré cōme d'une dignité & grande faueur, & y estre preferé, sepulture honorable estre mangé des chiës, des oyseaux, estre cuit & pilé, & la poudre auallée avec le breuusage ordinaire.

Quand se vient à iuger de ces coustumes, c'est le
bruit & la querelle: le sot populaire & pedant ne
s'y trouue point empesché, car tout destrouffement
il condamne comme barbarie & bestise tout
ce qui n'est de son goust, c'est à dire, de l'usage
commun, coustume de son pays. Car il tient pour
regle vnique de verité, iustice, bien seance, la loy
& coustume de son pays. Que si on luy dit qu'ainsi
en iugent & parlent les autres en leur rang, autant
offensez de nos coustumes & façons, comme nous
des leurs, il tranche tout court à sa mode, que ce
sont bestes & barbares, qui est tousiours dire mes-
me chose. Le sage est bien plus retenu, comme se-
ra dit, ne se haste point d'en iuger, de peur de s'es-
chauder, & faire tort à son iugement: & de faict
il y a plusieurs loix & coustumes, qui semblent

Ex-
mi-
nation
& iuge-
ment.

Natu-
rels.

Endu-
rer est
naturel
& hu-
main.

& populaires, & plus sains aduis sont les plus naturels, les plus iustes & equitables. Premièrement, il se faut souuenir, que l'on n'endure rien contre la loy humaine & naturelle, puis qu'à la naissance de l'homme toutes ces choses sont annexées & données pour ordinaires. En tout ce qui a accoustumé de nous affliger, considerons deux choses, la nature de ce qui nous arrive, & celle qui est en nous: & usant des choses selon nature, nous n'en receurons aucunes fascheries. La fascherie qui est vne maladie de l'ame contrainte à la nature, ne doit point entrer chez nous. Il n'y a accident au monde qui nous puisse arriuer, auquel la nature n'aye préparé vne habitude en nous, pour le receuoir & le tourner à nostre contentement. Il n'y a maniere de vie si estroite qui n'aye quelques soulas & rafraeschissement. Il n'y a prison si estroite & obscure, qui ne donne place à vne chanson, pour desennuyer le prisonnier. Ionas eut bien le loisir de faire sa priere à Dieu dedans le ventre de la baleine, laquelle fut exaucée. C'est vne faueur de nature, qu'elle noustrouue remede & addoucissement à nos maux en la tolerance d'iceux; estant ainsi, que l'homme est né pour estre sujet à toutes sortes de miseres, *omnia ad qua gemimus, quæ expauescimus, tributa vitæ sunt.*

14.
Ne tou-
che que
le moi-
dre du
nostre.

Secondement, faut se souuenir qu'il n'y a que la moindre partie de l'homme subiette à la fortune, nous auons le principal en nostre puissance, & ne peut estre vaincu sans nostre consentement. La fortune peut bien rendre pauvre, malade, affligé; mais non vicieux, lasche, abbattu: elle ne nous scauroit oster la probité, le courage, la vertu.

monde: & s'estant essayé de persuader aux Indiens de brusler les corps de leurs peres cōme les Grecs, y trouue encores plus d'honneur, & de difficulté. l'en adiousteray encore vne autre, qui n'est que de la bienseāce, plus legere & plus plaisāte: vn qui se mouchoit tousiours de sa main reprins d'inciuité, pour se defendre, demāda quel priuilege auoit ce sale excremēt, qu'il luy fāille apprestier vn beau linge à le receuoir, & puis qui plus est à l'empaquer & serrer soigneusement sur soy: que cela deuoit faire plus de mal au cœur, que de le verser & ietter où que ce soit, voila comment par tout se trouue raison apparente: dont il ne faut rien si tost & legerement condamner.

Mais qui croiroit combien est grande & impetueuse l'autorité de la coustume? Qui l'a dit estre vne autre nature ne l'a pas assez exprimé, car elle fait plus que nature, elle combat nature: Pourquoi les plus belles filles n'attirent point l'amour de leurs peres, ny les freres plus excellens en beauté l'amour de leurs sœurs, ceste espece de pudicité n'est proprement de nature, elle est de l'vsage des loix & coustumes, qui le defendent, & font de l'inceste vn grand peché & non nature, comme il se void au fait, non seulement des enfans d'Adam, où c'estoit necessité forcée, mais d'Abraham & Nachor freres de Iacob, de Iudas Patriarches, Amram Pere de Moyse, & autres saints personnages: Et c'est la loy de Moyse qui l'a deffendu en ces premiers degrez, mais aussi qui l'a quelquefois dispensé non seulement en ligne laterale, comme entre les freres & la belle sœur ce qui estoit commandement & non dispense: & qui plus est entre la

9.
Leur au-
thorité
quelle.

Gen. 11.
10. 29.

3. 6.
Exod. 6.
Leuit. 8.
Deut. 1.

2. Reg.
12.

3 Reg. 1. propre frere & la propre sœur des diuers liëts: mais
 Caicta. encores en ligne droicte d'alliance, sçauoir, du fils
 Tolet in avec sa belle mere: car en ligne droicte de sang, il
 3. Lucæ. semble bien estre du tout contre Nature, non ob-
 stant le faict des filles de Loth avec leur pere, qui
 toutefois fut produit purement par nature en l'ex-
 treme apprehensiõ & crainte de la fin du genre hu-
 main, dont elles en sõt excusées par les plus grãds.
 Chryf. Or contre nature n'y a point de dispense aucune
 Am. si Dieu son seul superieur ne la donne. Au reste des
 brof. incestes fortuits & non volontaires, le monde en
 August. est tout plein, cõme enseigne Tertullien. Mais en-
 In Apol. cores plus elle force les regles de nature, tesmoins
 les medecins qui souuēt quittēt leurs raisons natu-
 relles de leur art, à son authorité, tesmoin ceux qui
 par accoustumance ont gaigné de se nourrir & vi-
 uir de poisõ, d'araignées, formis, laizards, crapaux,
 comme practiquent les peuples entiers aux Indes.
 Aussi elle habete nos sēs, tesmoin ceux qui demeu-
 rent près des cataraëtes du Nil, clochers, armu-
 riers, moulins, & tout le monde selon les Philoso-
 phes, au sō de la musique celeste & des mouuemēs
 vers des ciels roulans & s'entrefrottās l'un l'autre.
 Bref (& c'est le principal fruit d'icelle) elle vainc
 toute difficulté, rend les choses aisées, qui sem-
 bloient impossibles, addoucit tout aigreur, dont
 par son moyen l'on vit content par tout: mais elle
 maistrise nos ames, nos creances, nos iugemens,
 d'une tres-iniuste & tyrannique authorité. Elle fait
 & desfaiët, authorise, & des-authorise tout ce qu'il
 luy plaist, sans rime ny raison, voire souuent con-
 tre toute raison: elle fait valoir, & establit parmy le
 monde, contre raison & iugement toutes les opi-

nions, religions, creances, obseruances, mœurs, & manieres de viure les plus fantasques & farousches, comme a esté touché cy-dessus. Et au rebours elle degrade iniurieusement, raualle & desrobbe aux choses vrayement grandes & admirables, leur prix, leur estimation, & les rend viles.

Nil adeò magnum nec tam mirabile quidquam

Principio, quod non cessent mirari et omnes.

Paulatim.

C'est donc vne tres-grande & puissante chose que la coustume. Platon ayant reprins vn enfant de ce qu'il iouïoit aux noix, & qui luy auoit respondu, tu me tances pour peu de chose, dit, la coustume n'est pas pen de chose: mot bien remarquable à tous ceux qui ont la ieunesse à conduire. Mais elle exerce sa puissance avec vne si absoluë autorité, qu'il n'est plus permis de regimber ny reculer, non pas seulement de rentrer en nous pour discourir & raisonner de ses ordonnances. Elle nous enchante si bien qu'elle nous fait croire que ce qui est hors de ces gonds, est hors des gonds de raison, & n'y a rien de bon & iuste que ce qu'elle approuue, *ratione non componimur, sed consuetudine.* Senec.
abducimur: honestius putamus quod frequentius: rectè apud nos locum tenet error, ubi publicus factus. Cécyl est tolerable parmy les idiots & populaires, qui n'ayans la suffisance de voir les choses au fonds, iuger & trier: font bien de se tenir & arrester à ce qui est communément tenu & receu: mais aux sages qui iotient vn autre rolle, c'est chose indigne de se laisser ainsi coiffer à la coustume.

Or l'aduis que ie donne icy à celuy qui veut estre sage, est de garder & obseruer de parole & de faict gesse,

7.
Auis
de sa-
gesse,

les loix & coustumes que l'on trouue establies au pays où l'on est : par mesme moyen respecter & obeyr aux Magistrats, & à tous superieurs, mais le tout d'un esprit & d'une façon noble & genereuse, non seruite, pedantesque, superstitieuse : ne s'offensant cependant ny condamnant legerement les autres loix & coustumes estrangeres, mais iugeant & examinant librement & saineement les vnes & les autres, comme a esté dict, & n'obligeant son iugement & sa creance qu'à la raison. Voicy quatre mots. En premier lieu selon tous les sages, la regle des regles, & la generale loy des loix, est de suyure & obierver les loix & coustumes du pais où l'on est, *οἱ μὲν ἐπεὶ οὐκ οἷσι ἐς χάρις καὶ λόγος*, euitant soi-

1.
Les loix
& cou-
stumes
sont à
obser-
uer.

gneusement toute singularité & particularité extrauagante, escartée du commun & ordinaire, car quelle qu'elle soit tousiours elle heurte & blesse autrui, suspecte de folie, hypocrisie, passion ambitieuse, quoy que soit d'ame malade & dénouée. *Non conturbabit sapiens publicos mores, nec populorum in se nouitate uis a conuertet*. Il faut tousiours cheminer sous le couuet des loix, coustumes, superieurs, sans disputer ou tergiverser, sans entreprendre tantost de s'en dispenser, tantost les encherir pour faire le bon ualec, sans hausser, ny baisser.

3.
Non
pour
iustice
& equi-
té.

Mais que ce soit (& c'est le second mot) & d'esprit & de façon, noblement & sagement, non pour l'amour ny pour la crainte d'elles, non pour la iustice ou equité qui soit en elles, ny aussi pour la punition qui en peut aduenir, ne leur obéissant pas: Bref, non par superstition ny par seruitude, contraincte, scrupuleuse & paoureuse, *eadem qua populis, sed non eodem modo, nec eodem proposito faciet sapiens*.

piens, mais librement & simplement pour la reuerence publique, & à cause de leur autorité : les loix & coustumes se maintiennent en credit, non pource qu'elles sont iustes & bonnes, mais pource qu'elles sont loix & coustumes, c'est le fondement mystique de leur autorité, elles n'en ont point d'autre, ainsi est-il des superieurs, à cause qu'ils s'ont superieurs, *quia super Cathedram sedent*, & nō de leur vertu & probité, *quia faciunt nolite facere*. Celuy qui leur obeyt par autre ressort ne leur obeyt pas parce qu'il doit ; c'est vn mauuais & dangereux sujet, ce n'est pas vraye obeyssance, qui doit estre pure & simple, *unde vocatur depositio discretionis, mera executio, abnegatio sui*. Or la vouloir regler par la iustice, le merite, la bonté des loix & superieurs, c'est en les soumettant à son iugement, leur faire le procès, & mettre en doute & dispute l'obeyssance, & par consequent l'Estat & la Police selon la souplesse & diuersité des iugemens. Combien de loix au monde iniustes & estranges, non seulement aux iugemens particuliers, mais de la raison vniuerselle, avec lesquelles le monde a vecu long-temps en profonde paix & repos. & avec telle satisfaction, que si elles eussent esté tres-iustes & raisonnables ; & qui les voudroit changer & rabiller, se montreroit ennemy du public, & ne seroit à recevoir, la nature humaine s'accommode à tout avec letēps, & ayant vne fois prins son ply, c'est acte d'hostilité de vouloir rien remuer : il faut laisser le monde où il est, ces broüillons remuēurs de mesnage, sous pretexte de reformer, gaster tout.

Tout remuēment & changement des loix, crean-
ces, coustumes, & obseruances, est tres-dangereux, des loix.

Ec

Contre
les no-
uateurs

& qui produit tousiours plustost mal que bien, il apporte des maux tout certains & presens, pour vn bien à venir & incertain. Les nouateurs ont bien tousiours des specieux & plausibles titres, mais ils n'en font que plus suspects, & ne peuvent eschapper la note d'vne ambitieuse presumption, de penser voir plus clair que les autres, & qu'il faut pour establir leurs opinions, renuerter vn estat; vne police, vne paix, & repos public.

3.
Ne cō-
damner
legere-
ment
les cho-
ses eltriā
ges.

l. 3. ch.

Je ne veux pas dire pour tout ce dessus, qu'il faille absolument obeyr à toutes loix, & à tous commandemens de superieurs, car à ceux que l'on cognoist éuidemment contre Dieu ou Nature, il n'y faut pas obeyr, ny aussi rebeller & troubler l'Estat. Comment se faut gouverner en tels cas, sera enseigné cy-apres, en l'obeyssance deuë aux Princes, car à la verité cet inconuenient & malheur se trouue plustost, & plus souuent aux commandemens des Princes qu'aux loix. Ce n'est encores assez de n'obeyr aux loix & superieurs, à cause de leur valeur & merite, mais ny aussi seruillement, craintiuement, c'est à faire au commun & prophane: le sage ne fait rien par force ny crainte, *soli hoc sapienti contingit, ut nil faciat iniustus, rectè sequitur, gaudet officio*: il fait ce qu'il doit, & garde les loix, non pour crainte d'elles, mais pour l'amour de soy, estant ialous de son deuoir, il n'a que faire des loix pour biē faire, c'est enquoy il differe du commun, qui ne peut bien faire, & ne sçait ce qu'il doit sans loix, elles luy sont requises, *at iusto & sapienti non est lex posita*. Par droit le sage est par dessus les loix, mais par effect externe & public, il est leur volontaire & libre sujet, obeissant.

En troisieme lieu, c'est le fait de legereté & presumption iniurieuse, voire tesmoignage de foiblesse & insuffisance, de condamner ce qui est conforme à la loy & coustume de son pays. Cela vient de ne prendre pas le loisir, ou n'avoir pas la suffisance, de considerer les raisons & fondements des autres: c'est faire tort & honte à son iugement, dont il faut puis souvent se desdire, c'est ne se souvenir pas que la nature humaine est capable de toutes choses. C'est laisser endormir & piper à la loque accoustumance, la veüe de son esprit, & endurer que la prescription puisse sur nostre iugement.

Finalemēt, c'est l'office de l'esprit genereux & de l'homme sage (que ietatsche de peindre icy) d'examiner toutes choses, considerer à part & puis comparer ensemble toutes les loix & coustumes de l'univers qui luy viennent en cognoissance, & les iuger, (non pour là regler l'obeyssance, comme a esté dit, mais pour exercer son office, puis qu'il a l'esprit pour cela) de bonne foy & sans passion, au niveau de la verité, de la raison & nature universelle, à qui nous sommes premierement obligez sans se flatter & tacher son iugement de fausseté, & se contenter de rendre l'obeyssance & obeyssance à celles, auxquelles nous sommes secondement & particulièrement obligez, & ainsi aucun n'aura de quoy se plaindre de nous. Il adviendra quelques fois que nous ferōs par une secōde particuliere & municipale obligatiō (obeissant aux loix & coustumes du pais) ce qui est contre la première & plus ancienne, c'est à dire, la nature & raison universelle, mais nous luy satisfaisons tenāt nostre iugement & nos opinions saintes & iustes selon elle,

Examiner toutes choses ensemble

Car aussi nous n'auons rien nostre, & dequoy nous puissions libremēt disposer que de cela, le monde n'a que faire de nos pensées, mais le dehors est engagé au public, & luy en deuons rēdre conte: ainsi souvent nous ferons iustement ce que iustement nous n'approuuons pas: il n'y a remede, le monde est ainsi fait.

8.
De la
ceremo-
nie.

Après ces deux maistresses loy & coustume, viēt autroisiēme, qui n'a pas moins d'autorité & puissance, à l'endroit de plusieurs, voire est encore plus rude & tyrannique à ceux qui s'y asservissent par trop. C'est la Ceremonie du monde, qui à vray dire, pour la pluspart, n'est que vanité; mais qui tient tel rang, & vſurpe telle autorité, par la lascheté & corruption contagieuse du monde, que plusieurs pensent que la sagesse consiste à la garder & obseruer, & s'en rendent volontaires esclaves: tellement que pour ne la heurter, ils preiudicient à leur santé, cōmodité, affaires, liberté, conscience, qui est vne tres-grande folie: c'est le mal & malheur de plusieurs courtisans, idolatres de la Ceremonie. Or ie veux que mon Sage se garde bien de cette captiuité, ie ne veux pas que lourdement ou laschement il blesse la Ceremonie, car il faut condonner quelque chose au monde, & tant que faire se peut au dehors se conformer à ce qui se pratique, mais ie veux qu'il ne s'y oblige & ne s'y asservisse point, ains que d'une galante & genereuse hardiesse, il seache bien s'en deffaire quād il voudra & faudra, & de telle facon qu'il donne à cognoistre à tous, que ce n'est lascheté ou delicatelle, ny ignorance ou mesgarde, mais c'est qu'il ne l'estime pas plus qu'il ne faut, & qu'il ne veut

laisser corrompre son iugement & sa volonté a telle vanité, & qu'il se preste au monde quand il veut, mais qu'il ne s'y donne jamais.

SE BIEN COMPORTER

avec autrui.

CHAP. IX.

CETTE matiere appartient à la vertu de iustice, qui apprend à viure bien avec tous, & rēdre à vn chacun ce qui luy appartient, laquelle sera traitée au liure suiuant, où serōt baillés les aduis particuliers & diuers, selon les diuerses personnes : icy les generaux seulement, suiuant le dessein & sujet de ce liure.

Ily a icy double consideration (& par ainsi deux parties en ce chapitre) selō qu'il y a deux manieres de cōuerſer avec le mōde, l'vne simple, generale & cōmune, le cōmerce ordinaire du monde, auquel le temps, les affaires, les voyages & rencōtres iournellemēt nous menent, & mettent & changēt avec gens cognēus & incognēus, estrangers, sans nostre choix ou applicatiō de volōté : l'autre speciale, est en cōpagnie affectée, & accointāce ou recherchée & choisie, ou qui s'estāt presētée, a esté embrassée, & ce pour le profit, ou plaisir spirituel ou corporel, en laquelle y a de la cōference, cōmunication, priuauté & familiarité, chacune aura ses aduis à part. Mais auāt qu'y entrer pour preface, ie veux dōner vn aduis general & fondamētal de tous les autres.

C'est vn vice grand (duquel se doit garder & garantir nostre Sage) & vn defect importun à soy, &

Ee iij

1.

2.

3.

Facile :

& vñ.

uerfali-
té d'hu-
meurs.

à autrui, que d'estre attaché & sujet à certaines humeurs & complexions, à vn seul train, c'est estre esclau de soy-mesmes, d'estre si prins à ses propres inclinations, qu'on ne les puisse tordre & ceder, tesmoignage d'ame chagrine & mal née, trop amoureuse de soy, & partiale. Ces gens ont beaucoup à endurer & contester, au rebous, c'est vne grande suffisance & sagesse, de s'accommoder à tout, *Istud est sapere, qui ubicunque opus sit animum possit flectere*, d'estre souple & maniable, sçauoir tantost se monter & bader, tantost se raualler & relascher quād il faut. Les plus belles ames & mieux nées sont les plus vniuerselles, les plus communes, applicables à tous sens, communicatiues & ouuertes à toutes gens. C'est vne tres-belle qualité, qui ressemble & imite la bonté de Dieu; c'est l'honorable que l'on rend au vieil Caton, *huic versuile ingenium, sic pariter ad omnia fuit, ut natum ad id vnum diceret, quodcumque ageret.*

4.
2. Partie. Voyons les aduis de la premiere consideration, de la simple & commune conuersation, i'en mettray icy quelques vns, dont le premier sera de garder silence & modestie.

Le second, de ne se formaliser point des sottises, indiscretions, & legeretez qui se feront ou commettront en presence: car c'est importunité de choquer tout ce qui est de nostre goust.

5.
6. Le troisieme, esparagner & mesnager ce que l'on sçait, & la suffisance que l'on a acquise, & estre plus volontaires à ouyr qu'à parler, à apprendre qu'à enseigner, car c'est vice d'estre plus prompt à se faire cognoistre, parler de soy, & se produire, que prendre la cognoissance d'autrui: & d'em-

pioiter sa marchandise, qu'en acquerir de nouvelle.

Le quatrième, de n'entrer en discours, en contestation contre tous, non contre les plus grands & respectables, ny contre ceux qui sont au dessous, & non de pareille luitte.

Le cinquième, auoir vne douce & honneste curiosité de s'enquerir de toutes choses, & les sçachant les mesnager, & faire son profit de tout.

Le sixième & principal, est d'employer en toutes choses son iugement, qui est la piece maistresse qui agit, domine, & fait tout, sans l'entendement toutes autres choses sont aueugles, sourdes, & sans ame, c'est le moindre de sçauoir l'histoire, il en faut iuger. Mais cestuy-cy regarde de soy, & non la compagnie.

Le septième est de ne parler iamais affirmatiuement, magistralement, & imperieusement, avec opiniastrété & resolution; cela heurte & blesse tous. L'affirmation & opiniastrété sont signes ordinaires de bestise & ignorance: le style des anciens Romains portoit, que les témoins deposans, & les Iuges ordonnans de ce qui estoit de leur propre & certaine science, exprimoient leur dire par ce mot, *il semble (ita videtur)* que doiuent faire tous autres: Il seroit bon d'apprendre à vser des mots qui addouciissent & moderent la temerité de nos propositions, peut estre, l'on dit, ie pense, quelque, aucunement, il semble, & en respondant, ie ne l'entens pas, qu'est-ce à dire, il pourroit estre, est-il vray? le clorray cette premiere partie generale, en ce peu de mots: Auoir le visage & la monstre ouuerte & agreable à tous, l'esprit & la pensée couuerte & cachée à tous, la langue sobre & dis-

7.

8.

9.

Conclu
son.

cette: tousiours se tenir à soy, & sur les gardes, *frons aperta, lingua parca, mens clausa, nulli fidere*, voir & ouyr beaucoup, parler peu, iuger tout, *Vide, audi, dica*.

10.
2. par-
ties de
la spe-
ciale
conuer-
sation.

Venons à l'autre consideration & espece de conuersation plus speciale, de laquelle voicy les aduis.

Le premier est de chercher, conferer, & se froter avec gens plus fermes & plus habiles, car l'esprit se roidit & fortifie, & se hausse au dessus de soy, comme avec les esprits bas & foibles, l'esprit s'abastardit & se perd: la contagion est en cecy, comme au corps, & encor plus.

11.

Le second est, ne s'estonner ou blesser des opinions d'autrui, car tant contraires au commun, tant estranges, tant friuoles ou extrauagantes semblent elles, si sont-elles fort ables à l'esprit humain, qui est capable de produire toutes choses, & c'est foiblesse de s'en estonner.

12.

Letiers est de ne craindre, ny s'estonner des corrections, rudesses, & aigreurs de paroles, ausquelles il faut s'accoustumer & s'endurcir. Les galans hommes s'expriment courageusement; cette edreur & douceur craintifue & ceremonieuse est pour les femmes; il faut vne societé & familiarité forte & virile, il faut estre masle, courageux, & à corriger, & à souffrir de l'estre. C'est vn plaisir fade, d'auoir affaire à gens qui cedent, flattent, & applaudissent.

13.

Le quatrième est de viser & tendre tousiours à la verité, la recognoistre, & luy ceder ingenuëment & alaigrement, de quelque part qu'elle sorte, v'sat tousiours & par tout de bonne foy, & non comme plusieurs, spécialement les Pedans, à tort ou à droit se defendre & se defaire de sa partie. C'est

Vne plus belle victoire se rengier bien à la raison, & se vaincre soy-mesme, que vaincre sa partie, à quoy ay de souuent sa foiblesse : parquoy arriere toute passion. Reconnoistre sa fauté, confesser son doute ou ignorance, ceder quand il faut, sont tous de iugement de candeur & sincerité, qui sont les principales qualitez d'un honnesté & sage homme: l'opiniastreté accuse l'homme de plusieurs vices & defauts.

Le cinquième, en dispute ne faut employer tous les moyens que l'on peut auoir, mais bien les meilleurs, plus pertinens & pressans, & avec briueté, car mesmes aux choses bonnes l'on peut trop dire, ces longueurs, trainieres de propos, répétitions, tesmoignent vne enuie de parler, vne ostentation, apportent ennuy à la compagnie.

Le sixiesme & principal est de garder par tout la forme, l'ordre, la pertinence, ô qu'il y a de peine de disputer & conferer avec vn sot, inepte, & impertinent. C'est ce semble la seule iuste excuse de rompre & quitter tout : car qu'y gagneriez vous que tourment, puis qu'avec luy vous ne pouuez bien aller? Ne sentir pas l'opposition que l'on fait, se suiure soy-mesme, & ne respondre à la partie, s'arrester à vn mot, à vn incidant, & laisser le principal, mesler & troubler la dispute, craindre tout, nier ou refuser tout, ne suiure point le fil droit, vser de prefaces & digressions inutiles, crier & s'opiniastrer, s'arrester tout en vne formule artiste, & ne voir rien au fonds, ce sont choses qui se pratiquent ordinairement par les Pedans & Sophistes. Voicy comment se cognoist & se remarque la sagesse & pertinence, d'avec la sottise & imperti-

14.

15.

nence, cette-cy est presomptieuse, temeraire, opiniastre, assésurée celle-là ne satisfait iamais bien, est craintive, retenuë, modeste : celle-là se plaît, sort du combat, gaye, glorieuse, comme ayant gagné, avec vn visage, qui veut faire croire à la compagnie qu'elle est victorieuse.

16.

Le septième, s'il y a lieu de contradiction, il faut aduiser qu'elle ne soit hardie, ny opiniastre, ny aigre. En cestrois cas, elle ne seroit bien venue, & feroit à son autheur plus de mal qu'à tout autre. Pour estre bië prinse de la compagnie, faut qu'elle naisse tout à l'heure mesme du propos qui le traite, & non d'ailleurs, ny d'autre chose precedente; qu'elle ne touche point la personne, mais la chose seulement, avec quelque recommandation de la personne, s'il y eschet, & qu'elle soit doucement raisonnée.

SE CONDUIRE PRUDEMMENT

aux affaires.

CHAP. X.

Cecy appartient proprement à la vertu de prudence, de laquelle sera traité au commencement du liure suivant; où seront touchez particulièrement les conseils & aduis diuers, selon les diuerses especes de prudence, & occurrence des affaires. Mais ie mettray icy les points & chefs principaux de prudence, qui seront aduis generaux & communs: pour instruire en gros nostre disciple à se bien & sagement conduire, & porter au trafic & commerce du monde, & au maniment de tous affaires, & sont huit.

1.

Le premier consiste en intelligence, c'est de bië

cognoistre les personnes avec qui il a affaire, leur naturel propre & particulier, leur honneur, leur esprit, leur inclination, leur dessein & intention, leur procedure: cognoistre aussi le naturel des affaires que l'on traite, qui se proposent, non seulement en leur superficie & apparence, mais penetrer au dedans, non seulement voir & cognoistre les choses en soy, mais encores les accidens, les consequences, la suite. Pour ce faire, il les faut regarder à tous visages, les considerer en tous sens: Il y en a qui par vn costé sont tres-specieuses & plausibles, & par vn autre sont tres-vilaines & pernicieuses. Or il est certain que selon les diuers naturels des personnes, & des affaires, il faut changer de style & de façon de proceder, comme vn nautonnier, qui selon les diuers endroits de la mer, la diuersité des vents, il conduit diuersement les voiles & les aurons. Et qui voudroit par tout se conduire & porter de mesme façon, gasteroit tout, & feroit le sot & ridicule. Or cette cognoissance double de personnes & d'affaires, n'est pas chose fort facile, tant l'homme est desguisé & fardé, l'on y parvient en les considerant attentiuement & meurement, & les repassant souvent par la teste, & à diuerses fois, sans passion.

Il faut puis apres apprendre à bien iustement estimer les choses, & leur donner le prix & le rang qui leur appartient, qui est le vray fait de prudence & suffisance. C'est vn haut point de Philosophie, mais pour y paruenir, il se faut bien garder de passion & de iugement populaire. Il y a six ou sept choses, qui meuuent & menent les esprits populaires, & leur font estimer les choses à faulx enseignes, dont les sages se garderont, qui sont nou-

Co-
gnoiss-
ce des
person-
nes &
des af-
faires.

2.
Estima-
tion des
choses.
Non se-
lon le
iuge-
ment
popu-
laire.

uelleté, rareté, estrangeté, difficulté, artifice, inuention, absence, & priuation ou desny, & sur tout, le bruit, la monstre, & la parade. Ils n'estiment point les choses si elles ne sont releuées par art & sciēce, si elles ne sont pointuës & enflées. Les simples & naïfues, de quelque valeur qu'elles soient, on ne les apperçoit pas seulement, elles eschappent & coulent insensiblement; ou bien l'on les estime plattes, basses, & naïses, grand tesmoignage de la vanité & foiblesse humaine, qui se paye de vent, de fard, & de faulxe monnoye au lieu de bōne & vraye. De là vient que l'on prefere l'art à la Nature, l'acquis au naturel, le difficile & estude à l'aisé, les boutées & secousses à la complexion & habitude: l'extraordinaire à l'ordinaire, l'ostentation & la pompe à la verité douce & secrette, l'autrui, l'estranger, l'emprunte au sien propre & naturel. Et quelle plus grande folie est-ce que tout cela? Or la regle des sages est de ne se laisser coiffer & emporter à tout cela, mais de mesurer, iuger & estimer les choses premierement par leur vraye, naturelle & essentielle valeur, qui est souuent interne & secrette, puis par l'vtilité, le reste n'est que piperie. C'est bien chose difficile, estant ainsi toutes choses desguisées & sophistiquées: souuent les faulxes & mechantes se rendent plus plausibles, que les vrayes & bonnes: & dit Aristote, qu'il y a plusieurs faulxetez qui sont plus probables, & ont plus d'apparece, que des verités, mais comme elle est difficile, aussi est-elle excellente & diuine: *si separaueris pretiosum à vlli, quasos meum eris; & necessaires auant tout œuure, quàm necessariū pretia rebus imponere*, car pour neāt entre l'on à sçauoir les pre-

Mais se
lon les
sages.

Diffici-
le, ex-
cellen-
te, ne-
cessaire.

Isai.
Senec.

ceptes & regles de bien viure, si premierement l'on ne sçait en quel rang l'on doit tenir les choses, les richesses, la santé, la beauté, la noblesse, la science, &c. & leurs contraires. C'est vne haute & belle science que de la presseance & préeminence des choses, mais bien difficile, principalement quand plusieurs se presentent ensemble, car la pluralité empesche, & en cecy l'on n'est iamais tous d'accord. Les gousts & les iugemens particuliers sont fort diuers, & tres-vtilement, afin que tous ne courent ensemble à mesme, & ne s'entr'empeschent. Par exemple, Prenons ces huit principaux chefs de tous biens spirituels & corporels, quatre de chacune sorte, sçauoir, Prud'hōmie, Santé, Sageſſe, Beauté, Habilité, Noblesse, Science, Richesse. Nous prenons icy ces mots selon le sens & vsage commun, Sageſſe pour vne prudente & discrete maniere de viure, & se comporter avec tous & enuers tous, Habilité pour suffisance aux affaires, Science pour cognoissance des choses acquises des liures, les autres sont assez clairs. Or sur l'arrangement de ces huit, combien d'opinions diuerses ? l'ay dit la mienne, ie les ay meslez & tellement entrelassez ensemble, qu'apres & apres vn spirituel il y a vn corporel, qui luy respond, afin d'accoupler l'esprit & le corps: la santé est au corps ce que la prud'hōmie est en l'esprit: c'est la prud'hōmie du corps, la santé de l'ame: *mens sana in corpore sano*: La Beauté est comme la Sageſſe, la mesure, proportion & bien-seance du corps est la Sageſſe, beauté spirituelle: La Noblesse est vne grande habitude & disposition à la vertu: les Sciences sont les richesses de l'esprit. D'autres arrangeront ces

D'elle
vient
la co-
gnois-
sance
des cho-
ses.

Des
huit
chefs de
bien,

pieces tout autrement qui mettra tous les spirituels auant que venir au premier corporel, & le moindre de l'esprit au dessus du meilleur du corps: & qui a part ensemble les arrangera autrement, chacun abonde en son sens.

1.
Choix
& ele-
ction
des cho-
ses.

Après, & de cette suffisance & partie de prudence, de sçauoir bien estimer les choses, vient & naist cette autre, qui est sçauoir bien choisir: où se monstre, aussi souuent, non seulement la conscience, mais aussi la suffisance & prudence. Il y a des choix bien aysez, comme d'une difficulté & d'un vice, de l'honneste & de l'utile, du deuoir & du profit: Car la préeminence de l'un est si grande au dessus de l'autre, que quand ils viennent à se choquer, le champ doit tousiours demeurer à l'honneste, sauf, peut-estre, quelque exception bien rare & avec grande circonspection, & aux affaires publiques seulement, comme sera dit après en la vertu de prudence: mais il y a des choix quelquefois bien fascheux & bien rudes, comme quand l'on est enfermé entre deux vices, ainsi que fut le Docteur Origene, d'idolatrer, ou se laisser ioiyr charnellement à un grand vilain Ethiopien. La regle est bien tousiours que se trouuant en incertitude & perplexité au choix des choses non mauuaises, il se faut ietter au party où y a plus d'honesteté & de iustice. Car encore qu'il en mesaduiene, si donnera il tousiours une gratification & gloire d'auoir choisi le meilleur, outre que l'on ne sçait (quand l'on eust prins le party contraire) ce qui fut aduenü, & si l'on eust eschappé son destin, quand on doute quel est le meilleur & le plus court chemin, il faut tenir le plus droit. Et aux mauuaises (desquelles il n'y a ia-

mais choix) il faut éuiter le plus vilain & iniuste: cette regle est de conscience, & appartient à la prudence d'homme. Mais sçauoir quel est le plus hōeste, iustice & vtile, quel plus deshōeste, plus iniuste & moins vtile, il est souuent tres-difficile, & appartient à la prudence & suffisance. Il semble qu'en tels destroits, le plus seur & meilleur est de suivre la nature, & iuger celuy-là le plus iuste & hōeste, qui s'approche plus de nature, celuy plus iniuste & deshōeste, qui est le plus éloigné de la nature. Aussi auōs nous dit que l'on doit estre hōme de bien par le ressort de la nature. Auant que sortir de ce propos, du choix & élection des choses, vuidons en deux petits mots cette questiō. D'où viēt en nostre ame le choix de deux choses indifferentes & toutes pareilles, les Stoiciens disent que c'est vn manimēt de l'ame extraordinaire, desreglé, estranger, & temeraire: mais l'on peut dire que iamais deux choses ne se presentent à nous, ou n'y aye quelque difference pour legere qu'elle soit: & qu'il y a tousiours quelque chose en l'vne, qui nous touche & pousse au choix, encores que ce soit imperceptiblemēt, & que le puissiōs exprimer. Qui seroit également balancé entre deux enuies, iamais ne choisiroit; car tout choix & inclination porte inégalité.

Vn autre precepte en cette matiere est de prendre aduis & conseil d'autrui, car se croire & se fier en soy seul est tres-dangereux; or icy sont requis deux aduertissemēs de prudēce, l'vn est au choix de ceux à qui l'on se doit adresser pour auoir conseil, car il y en a de qui plustost il se faut cacher & garder. Ils doiuent estre premieremēt gens de bien & fideles (c'est icy mēme chose) puis biē sēsez & aduisez,

4.
Consultation.

sages, experimentez. Ce sont les deux qualitez de bons Conseillers, prud'homme & suffisance: l'on peut adiouter vn troisieme, qu'ils n'ayent, ny leurs proches & intimes, aucun particulier interest en l'affaire, car encores que l'on puisse dire, que cela ne les empeschera de bien conseiller, estans, comme dit est, prud'hommes, ie pourray repliquer qu'outre que cette tant grande, forte, & philosophique prud'homme, qui n'est touchée de son propre interest, est bien rare, encore est-ce grande imprudence de les mettre en cette peine & anxiété, & comme le doigt entre deux pierres. L'autre aduertissement est de bien oïr & recevoir les conseils, les prenans d'heure, sans attendre l'extremité avec iugement & douceur, ayant qu'on dise librement & franchement la verité. L'ayant suiuy comme bon, venant de bonne main & amis ne s'en faut point repentir, encores qu'ils ne succede ainsi que l'on auoit esperé. Souuent des bons conseils en arriuent de mauuais effets, mais le Sage se doit plustost contenter d'auoir suiuy vn bon conseil, qui aura eu mauuais effect, qu'un mauuais conseil suiuy d'un bon effect, comme Marius, *sic correptè Marij temeritas gloriam ex culpa inuenit*, & ne faire comme les fots, qui apres auoir meurement deliberé & choisi, pensent apres auoir prins le pire, parce qu'ils ne pensent plus que les raisons de l'opinion contraire, sans y apporter le contrepoix de celles qui l'ont induit à cela. Cecy est bien dit briuement pour ceux qui cherchent conseil: pour ceux qui le donnent, sera parlé en la vertu de prudence, de laquelle le conseil est vne grande & suffisante partie.

L. 9. c. 2.
art. 27.

Le

Le cinquiesme aduis que ie donne icy à se bien conduire aux affaires, est vn temperament & mediocrité entre vne trop grande fiance & deffiance, crainte & assurance? Trop se fier & assurer souvent nuit, & deffier offence: il se faut bien garder de faire demonstration aucune de deffiance, quand bien elle y seroit & iustement. Car c'est desplaire, voire offencer & donner occasion de nous estre contraire. Mais aussi ne faut il vser d'une si grande lasche & molle fiance, si ce n'est à ses bien assurez amis: il faut tousiours tenir la bride à la main; non la lascher trop, ou tenir trop roide. Il ne faut iamaïs dire tout, mais ce que l'on dit soit vray: il ne faut iamaïs tromper ny affiner: mais bien se faut-il garder de l'estre, il faut temperer & marier l'innocence & simplicité colombine, en n'offensant personne, avec la prudence & astuce serpentine, en se tenant sur ses gardes, & se preservant des finesse, trahisons & embusches d'autrui. La finesse à la defensiue est autant loüable comme deshonneste à l'offensiue: il ne faut donc iamaïs tant s'auancer & s'engager que l'on n'aye moyen, quand l'on voudra & faudra se retirer & se r'auoir, sans grand dommage & regret. Il ne faut iamaïs abandonner le mêche, ne iamaïs tant de se estimer autrui, & s'assurer de soy, que l'on en vienne en vne presumption & nonchalance des affaires, comme ceux qui pensent que personne ne void si clair qu'eux, ou que tout plie sous eux: & qu'on n'oseroit penser à leur desplaire, & par là viennent à se relascher, & mespriser le soin, & enfin sont affinez, surprins, & bien mocquez.

Vn autre aduis & bien important, est de prendre

7.
Tem-
pera-
ment
entre la
crainte
& l'as-
surance;

Prendre
l'occa-
sion &
le tēps.

Contre
la pre-
cipita-
tion.

Lasche-
té.

toutes choses en leur temps & saison, & bien à propos. Et pource il faut sur tout euitier precipitation, ennemie de sagesse, maistré de toute bonne action, vice fort à craindre aux gens ieunes & boüillans. C'est à la verité vn tour de maistré & bien habile homme, de sçauoir bien prendre les choses en leur point, bien mesnager les occasions & cōmoditez, se preualoir du temps & des moyēs. Toutes choses ont leur saison, & mesmes les bonnes, que l'on peut faire hors de propos: or la hastiueté & precipitation est bien contraire à cecy, laquelle trouble, confond & gaste tout: *canis festinās cecos facit carulos*. Elle vient ordinairement de passion qui nous emporte, *Nam qui cupit festinat: qui festinat euertit: unde festinatio improuida & ceca: duo aduersissima reſt. & mentis celeritas & ira:* & assez souvent aussi d'insuffisance. Le vice contraire, lascheté, pareille, nonchalāce qui sēble aucunesfois auoir quelque air de maturité, & de sagesse, est aussi pernicieux & dangereux, principalement en l'execution. Car l'on dit qu'il est permis d'estre en la deliberation & consultation pesant & long, mais non en l'execution, dont les sages disent qu'il faut consulter lentement, executer promptement: deliberer à loisir, & vitemment accomplir. Il s'est biē veu quelquesfois le contraire, que l'on a esté heureux à l'euenement, encores que l'on ait esté soudain & temeraire en la deliberation: *subiti consilij euen us saliores*: mais c'est rarement & par coup d'auenure, à quoy ne se faut pas regler, & se bien garder que l'enuie ne nous en prenne, car le plus souvent vne longue & inutile repentance est le salaire de leur course & hastiueté. Voicy donc deux

esueils & extremitez qu'il faut pareillement éviter; car c'est aussi grande faute de prendre l'occasion trop verte, & trop crüe, que la laisser trop De ces
deux vi-
ces.
meurir & passer: le premier se fait volontiers par les ieunes, prompts & boüillans, qui à faute de patience, ne donnent pas loisir au temps & au ciel de faire rien pour eux: ils courent & ne prennent rien: le second par les stupides, lasches, & trop lourds. Pour cognoistre l'occasion & l'empoigner, il faut auoir l'esprit fort & esueillé, & aussi patient: il faut preuoir l'occasion, la guetter, l'attēdre, la voir venir, s'y preparer, & puis l'empoigner au point qu'il faut.

Le septiesme aduis sera de se bien porter & conduire avec les deux maistres & surintendants des 7.
Indu-
strie &
fortune.
affaires du monde, qui sont l'industrie ou vertu, & la fortune. C'est vne vieille question, laquelle des deux a plus de credit, de force, & d'autorité: car certes toutes deux en ont, & est trop clairement faux, que l'une seule face tout, & l'autre rien. Il seroit peut-estre bien à desirer qu'il fust vray, & que vne seule eust tout l'Empire: les affaires en iroient mieux: l'on seroit du tout regardant & attentif à celle-là: la difficulté est à les ioindre, & entēdre à toutes deux. Ordinairement ceux qui s'arrestent à l'une, mesprisant l'autre, les ieunes & hardis regardent & se fient à la fortune, en esperant bien: & souuent par eux elle opere de grandes choses, & semble qu'elle leur porte faueur: les vieux & tardifs sont à l'instruire: ceux-cy ont plus de raison. Que s'il les faut cōparer & choisir l'un des deux, ceuy de l'industrie est plus honnesto, plus seur & plus glorieux: car quand bien la fortune luy

sera cōtraire, & rendra toute l'industrie & diligēce vaine, si est-ce que ce contentemēt demeure, qu'ō n'a point chōmé, on s'est trouué *in officio*, on s'est porté en gens de cœur. Ceux qui suiuent l'autre party sont en danger d'attendre en vain, & quād bien il succederoit à souhait, si n'y a-il pas tāt d'hōneur & de gloire. Or l'aduis de sagesse porte de ne s'arrester pas du tout, & tant à l'vne, qu'on excluē & mesprise l'autre: car toutes deux y ont bōne part, voire souuent se prestent la main, & s'entendent mutuellement. Il faut donc se cōporter avec toutes deux, mais inegalement, car l'aduātage & préeminence doit estre donné, comme dit est, à la vertu, industrie, *virtute duce, comite fortuna.*

Encor est requis cēt aduis de garder discretiō, qui assaisonne & donne bon goust à toutes choses, ce n'est pas vne qualité particuliere, mais commune, qui se mesle par tout: L'indiscretion gaste tout, & oste la grace aux meilleures, soit à bien faite à autrui, car toutes gratificatiōs ne sont pas bien faites à toutes gens; à s'excuser, car excuses incōsiderées seruent d'accusation: à faire l'honneste & le courtois, car l'on peut bien excéder & degenerer en rusticité, soit à n'offrir ou n'accepter.

SE TENIR TOVSIOVS PREST
la mort, fruit de Sagesse.

CHAP. XI.

I.
Iour de
la mort.

LE iour de la mort est le maistre iour, & iuge de tous les autres iours, auquel se doiuent toucher & esprouuer toutes les actions de nostre vie,

Lors se fait le grand essay, & se recueille le grand fruit de tous nos estudes. Pour iuger de la vie, il faut regarder commēt s'en est porté le bout, car la fin courōne l'œuvre, & la bōne mort honore toute la vie, la mauuaise diffame: l'on peut bien iuger de quelqu'un, sās luy faire tort, que l'on ne luy aye veu iouer le dernier acte de la comedie, qui est sās doute le plus difficile. Epaminondas le premier de la Grece, enquis lequel il estimoit plus de trois hommes, de luy, Chabrias, & Iphicrates, il nous faut voir premierement mourir tous trois auant en resoudre: la raison est, qu'en tout le reste il y peut auoir du masque, mais à ce dernier roulet, il n'y a que seindre.

Nam vera vocis tui denique pectore ab imo.

Ereuntur, & eripitur persona, manet res.

D'ailleurs, la fortune semble nous guetter à ce dernier iour, comme à poinct nommé, pour monstrier la puissance, & renuerser en vn momēt ce que nous auons basty & amassé en plusieurs années, & nous faire crier avec Libérius, *nimirum hac die vna plus vixi mihi, quam viuendum fuit*: & ainsi a esté bien & sagement dit par Solon à Cresus, *ante obitum nemo beatus*.

C'est chose excellēte que d'apprendre à mourir, c'est l'estude de Sagesse, qui se resout toute à ce but il n'a pas mal employé la vie, qui a appris à bien mourir, il l'a perduë qui ne la sçait bien acheuer, *malè viuer, quisquis nesciet bene mori: non frustra ca-*
scitur qui bene moritur: nec inutiliter vixit, qui feliciter desit: Mori tota vita descendum est, & præcipuum ex vita afficiis est. Il ne peut bien agir qui ne vise au but & au blanc: il ne peut bien viure qui ne regar-

2.
Science
de mou-
rir.

Senec.

de à la mort, bref, la science de mourir, c'est la science de liberté, de craindre rien, de bien doucement, & paisiblement viure: sans elle n'y a aucun plaisir à viure, non plus qu'à iouyr d'une chose, que l'on craint toujours de perdre.

Premierement, & sur tout il faut s'efforcer, que nos vices meurent devant nous: secondement, se tenir tout prest, ô la belle chose, pouuoir acheuer sa vie auant la mort, tellemēt qu'il n'y aye plus rien à faire qu'à mourir: qu'on n'aye plus besoin de rien, ny du temps, ny de loy-mesme, mais tout saoul & content, qu'on s'en aille disant tout doux.

Vixi, & quem dedisti cursum fortunæ peregi;
tiercement, que ce soit volontairement, car bien mourir, c'est volontiers mourir.

4.
Cinq
manieres de se
porter
en la
mort.

Il semble que l'on le doit porter à l'endroit de la mort en cinq manieres: la craindre & fuyr comme vntres grand mal: l'attendre doucement & patiemment cōme chose naturelle, inenitabile, raisonna- ble: la mespriser comme chose indifferente, & qui n'importe de beaucoup: la desirer, demander, chercher, comme le port vni que des tourmes de cette vie, voire vntres grand gain: le la donner soy-mesme. De ces cinq, les trois du milieu sōt bones, d'ame bonne & rassise, bien quodiuersement, & en differente condition de vie: les deux extremes, viciēx & de foiblesse, bien que soit à diuers vilages: de chacune nous parlerons.

5.
Cinq
manieres de se
porter
en la
mort.

La premiere n'est approuuée de personne d'entendement, bien qu'elle soit pratiquée par la plupart, tesmoignage de grande foiblesse. Contre ceux-là, & pour consolation contre la mort siennē aduenir, ou celle d'autrui, voicy de uoy. Il n'y a

choses que les humains craignent tant, & ayent en horreur que la mort: toutesfois il n'y a chose, où y aye moins d'occasion & de sujet de craindre, & au contraire il y aye tant de raisons pour l'accepter & se resoudre: dont il faut dire, que c'est vne pure opinion & erreur populaire, qui a ainsi gagné tout le monde. Nous nous en fions au vulgaire inconsideré, qui nous dit que c'est vn tres-grand mal, & en mesfroyons la sagesse, qui nous enseigne que c'est l'affranchissement de tous maux, & le port de la vie. Jamais la mort presente ne fit mal à personne, & aucun de ceux qui l'ont essayé & scauēt que c'est, ne s'en est plaint, & si la mort est dite estre mal, c'est donc de tous les maux le seul qui ne fait point de mal, c'est l'imagination seule d'elle absente, qui fait ceste peur. Ce n'est donc qu'opinion, non verité, & c'est vrayement où l'opinion se bāde plus cōtre la raison, & nous la veut effacer avec le masque de la mort: il n'y peut auoir raison aucune de la craindre, car on ne scait que c'est. Pourquoy & comment craindra-on ce qu'on ne scait que c'est? Dont disoit bien le plus sage de tous que craindre la mort, c'estoit faire l'entendu & le suffisant, c'estoit seindre scauoir ce que personne ne scait, & practiqua ce sien dire en l'oy-mesme: car sollicité par ses amis de plaider deuant ses Iuges, pour la iustification, & pour sauuer la vie, voicy la harangue qu'il leur fit. Messieurs, si ie vous prie ne me faire point mourir, i'ay peur de m'enfermer & parler à mon dommagé, car ie ne scaay que c'est de mourir, ny quel il y faict: ceux qui craignent la mort, presuppōsent qu'ils la cognoussent: quant à moy, ie ne scaay quelle elle est, ny ce que l'on fait

C'est
d'opi-
nion.

Et non
de rai-
son.

en l'autre monde : à l'adventure, la mort est chose indifferente, à l'adventure chose bonne & desirable. Les choses que ie sçay estre mauuaisés, côme offencer son prochain, ie les fuy, celles que ie ne cognoy point du tout, comme la mort, ie ne les puis craindre. Parquoy ie m'en remets à vous. Car ie ne puis sçauoir quel est plus expedient pour moy, mourir, ou ne mourir pas, par ainsi vous en ordonnerez comme il vous plaira.

6.
C'est
foibles-
se.

Tant se tourmenter de la mort, c'est 1. grande foiblesse & couiardise : il n'y a femelette qui ne s'appaise dans peu de iours de la mort la plus douloureuse qui soit, de mary, d'enfant : pourquoy, la raison, la sagesse ne fera-elle en vne heure voire tant promptement (comme nous auons mille exemples) ce que le temps obtiendra d'un fort & d'un foible ? Que sert à l'homme la sagesse, la fermeté, si elle ne haste le pas, & ne fait plus & plustost que le fort & le foible ? C'est de cette foiblesse que la plus part des hommes mourans ne peuuent du tout se resoudre, que ce soit leur derniere heure, & n'est endroit, où la piperie de l'esperance amuse plus : cela aduient aussi peut estre de ce que nous estimons grande chose nostre mort, & nous semble que l'université des choses a interest de compatir à nostre fin, tant fort nous nous estimons.

7.
Iniusti-
ce,

Et puis tute monstres iniuste : car si la mort est bonne chose, comme elle est, pourquoy la crains-tu ? si c'est vne mauuaise chose, pourquoy l'empies-tu ? & adioustes mal sur mal, à la mort encores de la douleur ? côme celuy qui despouillé d'une partie de ses biens par l'ennemy, rette le reste en la mer, pour dire qu'en ceste façon il regrette

qu'il a esté deualisé.

Finale^{8.}ment craindre la mort, c'est estre ennemy ^{8.} de soy & de sa vie, car celuy ne peut viure à son aise, & content, qui craint de mourir. Celuy-là vit ^{8.} ennemy de sa vie, ^{8.} vraiment libre, qui ne craint point la mort : au contraire le viure est seruir, si la liberté de mourir en est à dire. La mort est le seul appuy de nostre liberté, commune & prompte recepte à tous maux : c'est d'oc estre bien miserable (& ainsi le sont presque tous) qui troublent la vie par le soin & crainte de la mort, & la mort par le soin de la vie.

Mais ie vous prie, quelles plaintes & murmures y auroit-il contre-nature, s'il n'y auoit point de mort, & qu'il fallust dementir icy bō gré mal gré, certes l'on la maudiroit. Imaginez combien seroit moins supportable, & plus penible vne vie perdurable, que la vie avec la condition de la laisser. Chiron refusa l'immortalité, informé des conditions d'icelle par le Dieu du tēps Saturne son pere. Certes la mort est vne tres-belle & riche inuention de nature, *Optimum naturæ inuentum nusquam satis laudatum*, & vn expedient tres-propre & vtile à plusieurs choses : si elle nous estoit ostée nous la regretterions beaucoup plus que nous ne la craignons, & si elle n'estoit nous la souhaiterions plus fort que la vie : c'est vn remède à tant de maux, & vn moyen à tant de bien. Que seroit-ce d'autre part s'il n'y auoit quelque peu d'amertume meslé en la mort : certes l'on y courroit trop auide^{8.}ment & indiscrettement : pour garder moderation, qui est à ne trop aymer ny fuir la vie, à ne craindre ny courir à la mort, tous les deux sont temperez & destrempez de la douceur & de l'aigreur.

10.
Remede
despour
ne crain
dre la
mort.

Le remede que baille en cecy le vulgaire, est trop fort, qui est de n'y penser point, n'en parler iamais: outre que telle nonchalance ne peut loger en la teste d'homme d'entendement, encores en fin cousteroit-elle trop cher: car aduenant la mort au despourueu, quels tourmens, cris, rage, desespoir? La sagesse, conseille bien mieux de l'attendre de pied ferme, & la combattre: & pour ce faire nous donc vn aduis tout contraire au vulgaire, c'est de l'auoir tousiours en la pensée, la pratiquer, l'accoustumer, l'appriouiser, se presenter à toutes heures, & s'y roidir, non seulement aux pas suspects & d'age-reux, mais au milieu des festes & ioyes, que le refrain soit que nous sommes tousiours en butte à la mort, que d'autres sont morts qui pēsoient en estre autant loin que nous maintenant, que ce qui peut aduenir vng autrefois peut aussi aduenir maintenant: & ce suiuant la coustume des Egyptiens qui en leurs banquets tenoient l'image de la mort: & des Chrestiens & tous autres, qui ont leurs cemetieres près des tēples, & lieux publics & frequentez, pour tousiours (disoit Licurge) faire penser à la mort. Il est certain, où la mort nous attend, attendons-la par tout, & que tousiours elle nous trouue prest.

Omne crede diem tibi diluxisse supremum

Grata superueniet quæ non sperabitur hora:

11.
Respõ-
se aux
regrets
& excu-
ses des
crain-
tifs.

Mais entendons les regrets & excuses que les paoureux alleguent, pour pallier leurs plaintes, qui sont toutes niaises & frivoles: ils se fâchent de mourir ieunes: & se plaignent tant pour eux que pour autrui, que la mort les anticipe, & les moissonne encores au verd & au fort de leur aage.

1.

Plainte du vulgaire qui mesure tout à l'aune, &

n'estime rien de précieux, que ce qui est long & qui dure, ou au contraire les choses exquisites & excellentes sont ordinairement subtiles & deliées. C'est un trait de grand maître d'enclorre beaucoup en peu d'espace: & peut-on dire qu'il est quasi fatal aux hommes illustres, de ne pas vivre long temps. La grande vertu, & la grande ou longue vie ne se rencontrent guères ensemble: la vie se mesure par la fin, pourveu qu'elle en soit belle, tout le reste la proportion: la quantité ne sert de rien pour la rendre plus ou moins heureuse, non plus que la grandeur ne tend pas le cercle plus rond que le petit, la figure y fait tout. Un petit homme est homme entier comme un grand, ny les hommes ny leurs vices ne se mesurent à l'aune.

Ils ont regret de mourir loing des leurs, ou d'estre tuez, ou de mourir sans sepulture: ils souhaitentont de mourir en paix, dedans le lit & entre les leurs, consolés d'eux, & en les consolant. Tant de gens qui vont à la guerre & prennent la poste pour se trouver en une bataille, ne l'ont pas de cec advis: ils vont mourir tout en vie, & chercher un tombeau entre les morts de leur ennemis: les petits enfans craignent les hommes masquez: decouurez leur le visage, il n'en ont plus de peur: aussi croyez le feu, le fer, la flamme nous estonnent, cōme nous les imaginons avec leur masque, la mort dont ils nous menacent, n'est que la même mort, dont meurent les femmes & les enfans.

Ils ont regret de laisser tout le monde, & pourquoy? Tu y es tout, un jour est egal à tous, il n'y a point d'autre lumiere, ne d'autre nuit, d'autre Soleil, ny d'autre grand au monde: au pis aller

tout se void en vn an: l'on y void la ieunesse, l'adulescence, la virilité, la vieillesse du monde: il n'y a autre finesse que de recommencer.

4. Les parens & amis: vous en trouuerez encor plus où vous allez, & tels que n'avez encores iamais veu: & puis ceux d'icy que vous regrettez vous suivront bien tost.

5. De petits enfans orphelins, sans conduite & sans support, cōme si ces enfans-là estoient plus à vous qu'à Dieu, cōme si vous les aymiez dauantage que luy, qui en est le premier & plus vray pere, cōbien de tels sont paruenus grands plus que d'autres?

6. Peut estre que vous craignez de vous en aller seul, c'est grande simplesse: tant de gens meurent avec vous, & à mesme heure que vous.

7. Au reste vous allez en lieu où vous ne regretterez point cette vie, comment regretter, si'il estoit loisible de la reprendre, si'on la refuseroit: & si l'on eust scou que c'estoit auât que de la recevoir, l'on n'en eust point voulu, *Nitā nemo accipiet si daretur scitatus*. Pourquoy regretter, puis que tu seras, ou du tout rien, selon les mescreans, ou beaucoup mieux: ce disent tous les sages du monde. Pourquoy donc t'esfarouches-tu de la mort, puis que tu es si grief? Le mesme passage que tu as fait de la mort, c'est à dire, du né à la vie, sans passio, sans frayeur, refais de la vie à la mort, *prout unde ventris, quid graue est*.

8. Peut estre que le spectacle de la mort te desplaist, à cause que ceux qui meurent sont laide mine: ouy, mais ce n'est pas la mort, ce n'est que son masque. Ce qui est dessous cache est tres beau, la mort n'a rien d'espouuantable: nous auons enuoyé de

lasches & peureux espions pour la cognoistre, ils ne nous rapportent pas ce qu'ils en ont veu, mais ce qu'ils en ont ouy dire, & ce qu'ils en craignent.

Mais elle nous rait des mains tant de choses, ou plustost nous rait à elles, & nous rait à nous-mesmes, nous oste de ce que nous cognoissons, & au ostant tant accoustumé, pour nous mettre en vn estat incognu, *at horremus ignota*, nous oste de la lumiere pour nous mettre en tenebres: bref, c'est nostre fin, ruine, dissolution. Ce sont les plus pressans objets, à quoy l'on peut en vn mot respondre, qu'estant la mort la loy de Nature ineuitable, comme sera dit cy-apres, il ne faut point tant disputer, c'est folie de craindre ce que l'on ne peut euer. *Dementis est timere mortem, quia certa expectantur, dubia metuuntur, mors habet necessitatem aequam & iniectam.* Mais voicy que ces gens font bien mal leur cōpte. car c'est tout le cōtraire de ce qu'ils disent, au lieu de nous rair aucune chose, elle nous donne tout, au lieu de nous oster à nous-mesme, elle nous rend & restituë libres à nous, au lieu de nous mettre en tenebres, elle nous en oste, & nous met à la lumiere, & nous fait le mesme tour que nous faisons à tous fruiçts, les despoüillant de leurs estuys, boëttes & enuelopures, espics, balles, coques, escorces pour les mettre en veüe, en vñage, en nature, *ita solum fieri, percipi semper vel amēta nascentiū*, elle nous oste d'un lieu estroit, incōmode, catarreux, obscur, d'où l'on ne void qu'une biē petite partie du ciel, & la lumiere que de loing: & par deux petits trous des yeux pour nous mettre en pleine liberté, santé assurée clarté perpetuelle, en tel lieu, & tel estat que tous entiers nous voyons le ciel entier, & la

toute en s^{on} lieu: *aqualiter tibi splendeat omne celi latitudo, tota lucē suo loco propè totus aspicias, quā nunc per angustas signas, aculorum vias procul inuis & miraris.*
 Bref, toutis oste de la mort, qui auoit cōmençé au v^e ~~re~~ la mete, & finit maintenāt pour nous mettre en la vie qui ne finira iamais: *Dies iste quem tanquam extremum reformidas, aeterni natalis est.*

11.
 Attend-
 re la
 mort est
 bon.

La seconde est d'ame bonne, douce & réglée, & se pratique iustement en vne vie cōmune, équable, & paisible, par ceux qui avec raison estiment beaucoup cette condition de vie, & se contentent d'y durer: mais se rangeans à la raison, l'acceptent quand elle vient. C'est vne attrempée medioerité, sortable à telle condition de vie entre les extrémités, qui sōt desirer & craindre, chercher & fuyr vicieuses, & semblables (*Summum ne metuas diem, ne optes: mortem concupiscentes & timentes aequè obiurgat Epicurus*): si elles ne sont couuertes & excusées par quelque raisō non commune & ordinaire, comme sera dit en son lieu Desirer & chercher est mal, c'est iniustice de vouloir mourir sans cause, c'est porter enuie au monde, à qui nostre vie peut estre vtile: c'est estre ingrat à nature, que de mespriser & ne vouloir vser du meilleur présent qu'elle nous puisse faire: & estre par trop chagrin & difficile des'ennuier & ne pouuoir durer en vn Estat qui ne nous est point onereux, & par trop en charge, la fuyr & craindre c'est aller contre nature, raison, iustice, & tout deuoir: d'autant que mourir est chose naturelle, nécessaire, & inéuitable, iuste & raisonnable. Naturelle, car c'est vne piece de l'ordre de l'vniuers, & de la vie du monde, voulez-vous qu'on ruine ce monde, & qu'on en face vn tout nouveau

11.
 Le mou-
 rir est
 naturel.

pour vous? La mort tient vn tres-grand rang en la police, & grande republique de ce monde, & est de tres-grande vtilité, pour la succession & durée des œuvres de nature: la defaillance d'une vie est passage à mille autres: *sic rerum summa non aitur*. Et non seulement c'est vne piece de ce grād tout, mais de ton estre particulier, non moins essentielle, que le viure, que le naistre: en fuyant de mourir tu la fuis toy-mesmes: ton estre est également party en ces deux, à la vie & à la mort, c'est la condition de ta creation. Si tu te fasches de mourir, il ne falloit pas naistre, on ne vient point en ce monde à autre marché que pour en sortir, qui se fasche d'en sortir, n'y deuoit pas entrer. Le premier iour de ta naissance t'oblige & t'achemine à mourir comme à viure.

*Nascentes morimur finisque ab origine pendet,
Sola mors ius æquum est generis humani, viuere noluist
Qui mori non vult, vitæ cum exceptione mortis data est,
Tam stultus qui timet mortem, quàm qui senectutem.*

Se fascher de mourir, c'est se fascher d'estre homme, car tout homme est mortel, donc disoit tout froidement vn sage, ayant receu nouuelles de la mort de son fils, ie sçauois bien que ie l'auois engendré mortel. Estant donc la mort chose naturelle & essentielle, & pour le monde en gros, & pour toy en particulier, pourquoy l'as-tu en si grand horreur? Tu vas contre nature: la crainte de douleur est bien naturelle, mais de la mort, non: car estant de si grand seruice à nature, & elle l'ayāt instituée, à quoy faire nous en auroit-elle imprimé la haine & l'horreur: Les enfans, les bestes ne craignēt pas la mort, voire la souffrēt gayemēt: ce n'est donc pas nature qui nous apred à la craindre

plustost nous apprend elle à l'attendre & recevoir comme enuoyée par elle.

4.
Necessaire.

Secondement, est nécessaire, fatale, inévitable, & tu ne le sçais toy qui crains & pleures : quelle plus grande folie que se tourmenter pour neant & à son escient ? Qui est le sot qui va prier & importuner celui qu'il sçait estre inexorable, & frapper à vne porte qui ne s'ouvre point ? Qui a-il plus inexorable & sourd que la mort ? Il faut craindre les choses incertaines, se remuer pour les remediabiles, mais les certaines comme la mort, il les faut attendre, & se resoudre aux irremediabiles. Le sot craint & fuit la mort : le fol la cherche & la court, le sage l'attéd : c'est sottise de regretter ce qu'õ ne peut recourir, craindre ce que l'on ne peut fuir, *feras non culpes, quod vitari non potest*. L'exēple de David est beau, lequel ayant entendu la mort de son petit tāt cher, prend ses habillemens de feste & veut banqueter, disant à ceux qui s'esbaissoiēt de cette façon de faire, qu'il auoit voulu essayer à gagner Dieu pour luy sauuer son fils, mais qu'estant mort cela estoit fait, & n'y auoit point de remede. Le sot pense biē repliquer, disant, que c'est proprement pourquoy il se deult & se tourmente à cause qu'il n'y a point de remede, mais il redouble & acheue sa sottise, *sciēter frustraniti, extrema dementia est*. Or estant ainsi nécessaire & inévitable, non seulement ne sert de rien de la craindre, mais faisant de necessité vertu, il la faut accueillir & recevoir doucement, car il est plus commode d'aller à la mort, que si elle venoit à nous, & la prendre, que si elle nous prenoit.

Iuste &
raison-
nable.

Tiercement, c'est vne chose raisonnable & iuste que de mourir : c'est raison d'arriuer au lieu où on ne cesse

on ne cesse d'aller, si lon y craint d'arriver, il ne faut pas cheminer, mais s'arrester ou rebrousser chemin ce que l'on ne peut. C'est raison que tu faces place aux autres, puisque les autres te l'ont fait: si vous avez fait vostre profit de la vie, vous estes repen & satisfait, allez vous en, comme celui qui appelé en vn banquet a prins sa refection. Si vous n'en avez peu viter & quelle vauz soit inmi- le, que vous chaut il de la perdre? à quoy faire la voulez vous encores? C'est vne dette qu'il faut payer, c'est vn deposit qu'il faut redre à toute ven- te qu'il est redemandé. Pourquoy plaidez-vous contre vostre cedula, vostre foy, vostre deuoir? C'est contre raison d'oc de regimber contre la mort puisque par là vous vous acquittez de tant, & vous vous deschargez d'un grand conte. C'est chose ge- nerale & commune à tous de mourir, pourquoy t'en fasche-tu? veux-tu auoir vn priuilege nouveau & non encores veu, & estre seul hors du sort com- mun de tous? Pourquoy crains-tu d'aller où tous le monde va, où tant de millions sont desia, & où tant de millions te suivront? la mort est égalemet cer- taine à tous, & l'egalité est premiere partie de l'e- quité, *omnes eodem cogimur, omnium iuxta eundem rursus: ferius, ocyus fore exitura, &c.*

16.

La troisieme est d'ame forte & genereuse, qui se pratique avec raison, en vne condition de vie publique, eleuée, difficile, affairieuse, ou y peut auoir plusieurs choses pieferables à la vie, pour les- quelles il ne faut douter de mourir. Au pis aller, il se fait tousiours plus aymer, & estimer que sa vie, qui se met sur le trottoier & l'eschaffaut de ce monde, faut qu'il se resoluë à ce marché, pour es-

Mespr-
fer la
mort est
bon, si
s'est pour
chose qui
meurt.

clairer aux autres, & faire plusieurs belles choses utiles & exemplaires : il faut qu'il couche de la vie & la face courir fortune. Qui ne sçait mespriser la mort non seulement il ne fera iamais rien qui vaille, mais il s'expose à diuers dangers : car en voulant tenir couuerte, assurée la vie, il met à descouuert & au hazard son deuoir, son honneur, sa vertu & prend'hómie. Le mespris de la mort est celuy qui produit les beaux, braues, & hardis exploits, soit en bien ou en mal. Qui ne craint de mourir il craint plus rien, fait tout ce qu'il veut, se rend maître de la vie & sienne & d'autrui. Le mespris de la mort est la vraye & viue source de toutes les belles & genereuses actions des hommes. De là sont deriuées les braues resolutions, & libres paroles de la vertu, prononçant les sentences par la voix de tant de grands personnages. Eluidius Priscus à qui l'Empereur Vespasien auoit mandé, de ne venir au Senat, ou y venant ne dire son aduis, respondit qu'estant Senatier il ne faudroit se trouuer au Senat, & s'il estoit requis de dire son aduis, il diroit librement ce que sa cōscience luy cōmanderoit ; estant menacé par le mesme, que s'il parloit il en mourroit : vous y ie iamais dit (respondit il) que ie fusse immortel : vous ferez ce que voudrez, & moy ce que ie deuray : il eut en vous de me faire mourir iniustement, & en moy de mourir constamment. Les Lacedemoniens menacez de beaucoup souffrir s'ils ne s'accōmodyent bien tost avecq Philippe pere d'Alexandre, qui estoit entré en leur pays avec main armée, vn pour tous respondit, que peuuent souffrir ceux qui ne craignent de mourir ? & leur ayant esté demandé par le mesme Philippe, qu'il

rôproit & empescheroit tous leurs desseins, dirent, Quoy? nous empescheras tu aussi de mourir? Vn autre, interrogé du moyen de viure libre, répondit, mesprisant la mort: & Vn autre enfant prins & vendu pour serf, dit à son acheteur, tu verras ce que tu as achéré: ie serois bien sot de viure serf, puis que ie puis estre libre: & ce disant, se ietta de la maison en bas: Et disant vn sage à vn autre, delibérant de quitter cette vie pour se deliurer d'un mal, qui le pressoit, tu ne deliberes pas de grâde chose, ce n'est pas grande chose de viure, & tes valets & tes bestes vivent, mais c'est grande chose mourir honnestement, sagement, constamment. Pour clore & couronner cette article, nostre religion n'a point eu de plus ferme & assésuré fondement, & auquel son auteur aye plus insisté, que le mespris de la vie. Mais il y a icy des feintes & des mecores: plusieurs font mine de la mespriser, qui la craignent, plusieurs ne se soucient d'estre morts, voire le voudroient estre, mais le mourir les fasche. *Emor̃ nolo, sed me esse mortuum nihil estimo*: plusieurs deliberent tous sains & rassis, de souffrir fermes la mort, voire se la donner: c'est vn rolle assez cōmun, auquel Helio-gabale mesmes a trouué place, faisant tāt d'aprests somptueux à ces fins: mais estant venu aux prinses, aux vns le nés a leigné, cōme à Lucius Domitius qui se repētit des'estre empoisonné. Les autres en ont destourné les yeux & la pēsee, & se sont cōme desrobés à elle, l'auilans & engtourillans insensiblement comme pillules, selon le dire de Cesar, que la meilleure estoit la plus courte, & de Pline, que la courte est le souverain bien de la vie humaine. Or nul ne se peut dire résolu à la mort qui craint de

l'affronter & la soustenir les yeux ouuerts, comme ont fait excellemment Socrates; qui eut trente jours entiers à ruminer & digerer le decret de sa mort, ce qu'il fit sans esmoy alteration, voire sans aucun effort: mais tout mollement & gayement? Pomponius Atticus, Tullius Marcellinus Romains, Cleantes Philolophe, tous trois presque de mesme façon, car ayans ellayé de mourir par abstinence, pour sortir des maladies qui le tourmentoyent se trouuans guaris par elle, ne voulurent s'en desister, mais acheuerent, prenant plaisir à defaillir peu à peu, & considerer le train & progrès de la mort; Othon & Caton, car ayans fait les apprests pour se tuer, sur le point de l'exécution se mirent à dormir profondement, ne s'estônans non plus de la mort que d'un autre accident ordinaire & bien leger.

17. La 4. est d'ame forte & resoluë pratiquée authentiquement par de grands & saints personnages, en deux cas, l'un qui semble le plus naturel & legitime, est vne vie fort penible & douloureuse ou apprehension d'une beaucoup pire mort: bref, un estat miserable, auquel l'on ne peut remedier, c'est lors desirer la mort comme vne retraite & le port unique des tourmens de cette vie, le souverain bien de nature: seul appuy de nostre liberté. C'est bien foiblesse de ceder aux maux, mais c'est folie de les nourrir: il est bien temps de mourir, lors qu'il y a plus de mal que de bien à viure: car de conserver nostre vie à nostre tourment & incômodité, c'est contre nature: Dieu nous donne assez congé, quand il nous met en cet estat. Il y en a qui disent qu'il faut mourir, pour fuir les voluptez qui sont

selon nature. Combien plus pour fuir les douleurs qui sont contre nature: il y a plusieurs choses en la vie pires beaucoup que la mort pour lesquelles il vaut mieux mourir, & ne viure point que de viure: dont les Lacedemoniens asprement menacez par Antipater, s'ils ne s'accordoient à sa demande, luy respondirent, si tu nous menace de pis que la mort, nous ayons mieux mourir: & les sages disent que le sage vit tant qu'il doit, & non pas tāt qu'il peut, & puis la mort nous est bien plus en main & à commandement, que la vie. La vie n'a qu'une entrée: & encore depend elle de la volonté d'autrui. La mort depend de la nostre: & plus elle est volontaire plus elle est belle: & à elle y a cēt mille issues: nous pouons auoir faute de terre pour y viure; mais nō pour mourir. La vie peut estre ostée à tout homme par tout homme, la mort non, *Vbi que mors est, optimè hoc cauit Deus, eripere vitam nemo non homini potest, at nemo mortem: mille ad hanc aditus patent.* Le presēt plus fauorable que nature nous aye fait, & qui nous oste tout moyen de nous plaindre de nostre conditiō, c'est de nous auoir laissé la clef des champs. Pourquoy te plains tu en ce monde, il ne te tiēt pas: si tu vis en peine, ta lascheté en est la cause: à mourir il n'y a que le vouloir.

L'autre cas en est vne viue apprehension & desir de la vie aduenir, qui leur fait souhaitter la mort, cōme vn grand gain, semence de meilleure vie, pont aux lieux delicieux, voye à tous biens, vne reserve à la resurrection. La ferme creance & esperance de ces choses est incompatible avec la crainte & l'ennuy de la mort: elle induit plustost à s'ennuyer icy & desirer la mort, *vitam habere impatientia.* &

mortem in desiderio, d'auoir la vie en affliction, & la mort en affectiō, le viure leur est coruée, & le mourir soulas, dont leurs vœux & leurs voix, font *cupio dissolui, mihi mori. lucrum: quis me liberabit de corpore mortis huius?* Dont bien iustement a esté reproché aux Philosophes & Chrestliés, (ce qui est à entendre des laches & trop foibles, non de tous) qu'ils font des affronteurs & moqueurs publics, & ne croyéc pas en verité ce qu'ils disent tant, haut louians, & preschans de l'imortalité bien-heureuse, & tant de delices en la vie seconde, puis qu'ils palissent & redoutent si fort la mort, passage & traict & necessaire pour y aller.

18. La cinquiemesme & extreme, c'est l'exécution de la precedente, qui est se donner la mort. Cette cy semble bien venir de vertu & grâdeur de courage, ayant esté anciennement pratiquée par les plus grands, & plus excellents hommes & femmes de toute nation & religion, Grecs & Romains, Egyptiens, Perses, Medois, Gaulois, Indois, Philosophes de toutes sectes, Iuifs, tesmoin ce bon vieillard Razias, nommé le pere des Iuifs, pour sa vertu, & ces femmes lesquelles sous Antiochus apres auoir circoncis leurs enfans s'alloient precipiter quand & eux: Chrestiens, tesmoin ces deux Saintes canonisées, Pelagie & Sophronia, dont la premiere avec sa mere & ses sœurs se precipita dedans la riuere, & cette cy se tua d'un couteau pour esuiter la force de Maxentius Empereur: voire par des peuples & communes toutes entieres comme de Capoua en Italie, Astupa, Numance en Espagne assiegés par les Romains: des Abideens pressés par l'philippe: vne ville aux Indes assiegée par Alexan-

Se donner la mort.
Il est permis.
2. Mach.
14.

dre: mais encores approuuée & authorisée en plusieurs Republiques par loix & reglemens sur ce faicts, comme à Marseille, en l'Isle de Cea de Negrepoint & autres nations, comme en Hyperborée, & iustificée par plusieurs grâdes raisons deduites au precedent article, qui est du iuste desir & volonté de mourir. Car s'il est permis de desirer, demander, chercher la mort pourquoy sera il mal fait se la donner; si la propre mort est permise & iuste en la volonté, pourquoy ne le sera elle en la main & en l'exécution: Pourquoy attendray-je d'autrui ce que ie puis de moy mesmes? & ne vaut il pas mieux encores se la donner que la souffrir: courir à son iour que l'attendre? Car la plus volontaire mort est la plus belle. Aureste ie n'offense pas les loix faites contre les larrons, quand i'emporte le mien, & ie coupe ma bourse: aussi ne suis-je tenu aux loix faites contre les meurtriers pour m'auoir osté la vie. D'ailleurs elle est reprouuée par plusieurs non seulement Chrestiens, mais Iuifs, comme dispute Iosephe contre les Capitaines en la fosse du Puis: & Philosophes, comme Platon, Scipion, lesquels tiennent en cete procedure, non seulement pour vice de lascheté, couardise, & tout d'impatience: car c'est s'aller cacher & rappir pour ne sentir les coups de la fortune. Or la vraye & viue vertu ne doit iamais ceder: les maux & les douleurs sont les alimens: il y a bien plus de constance à user la chaine qui nous tient, qu'à la rompre: & plus de fermeté en Regulus qu'en Caton,

Non
permis.

Rebus in aduersis, facile est contemnere vitam.

Fortius ille facit qui miser esse potest.

Si facilius illabatur orbis

Impavidum ferient ruinae.

Mais encore pour crime de desertion: car l'on ne doit abandonner sa garnison, sans l'express commandement de celuy qui nous y a mis, nous ne sommes icy pour nous seuls, ny maistre de nous mesmes. Cecy donc n'est pas sans dispute & sans doute.

- 19 Il est premierement sans doute qu'il ne faut pas entendre à ce dernier exploit, sans tres grande & tres iuste raison: afin que ce soit comme ils disent *εὐλογητὴν ἐξ ἀγῶνι*, vne honneste & raisonnable issue & departie. Ce ne doit dōc pas estre pour vne legere occasion, quoy que disent aucuns, que l'on peut mourir pour causes legeres, puis que celles qui nous tiennēt en vie ne sont gueres fortes, c'est ingratitude à nature ne vouloir vser de son present, c'est signe de legereté & d'estre trop chagrin & difficile, de s'en aller & rompre compagnie pour peu de choses; mais pour vne grāde & puisante, & icelle iuste & legitime. Parquoy ne peuuent auoir suffisante excuse, ny cause assez iuste en leur mort, tous ceux cy: Pomponius Atticus, Marcellinus & Cleantes, dont a esté parlé, qui n'ont voulu arrester le cours de leur mort, pour cette seule consideration, qu'ils s'y trouuoient de-
 2 ia presque à mesme; ces femmes de Petus, de Scaurus, de Labeo, Fulcius familier d'Auguste, de Senecque, & tant d'autres, pour accompagner leurs maris en leur mort, ou les y inuiter:
 3 Caton & autres despitent contre le succez des affaires, & de ce qu'il leur falloit venir és mains de leurs ennemis, desquels toutefois ils ne craignoient aucun mauuais traitement: Ceux qui

sefont tuez pour ne viure à la mercy & de la grace
 de tel qu'ils abominoient, comme Grauius Silua-
 nius & Staius Proximus ja pardonnés par Neron:
 Ceux qui pour couurir vne hôte & reproche pour
 le passé, comme Luerece Romaine, Sparzapizes
 fils de la Royne Tominis, Bogues Lieutenant du
 Roy Xerxes: Ceux qui sans aucun mal particulier,
 mais pour voir le public en mauuais estat, comme
 Nerua grand Iurifconsulte, Vibius Virius, Iuuel-
 lus en la prinse de Capouz: Ceux qui pour satieté
 ou ennuy de viure. Et ne suffit qu'elle soit grâde &
 iuste, mais qu'elle soit necessaire & irremediable,
 & que tout soit essayé iusques à l'extremité: par-
 quoy la precipitatio & le desespoit anticipé est icy
 tres vicieux, comme en Brutus, & Cassius, qui se
 tuans auant le temps & l'occasion, perdirent les
 reliques de la liberté Romaine, de laquelle ils
 estoient protecteurs. Il faut disoit Cleomenes,
 mesnager sa vie, & la faire valoir iusques à l'extre-
 mité: car s'en deffaire l'on le peut tousiours, c'est vn
 remede que l'on a tousiours en main: mais les cho-
 ses se peuuent changer en mieux. Iosephe & tant
 d'autres ont tres vtilement pratiqué ce cōseil: les
 choses qui semblent du tout desesperées prennent
 quelquefois vn train tout autre, *aliquis carnisferi
 suo superstes fuit.*

Multa dies variisque labor mutabilis aui

Retulit in melius.

Il faut comme pour sa deffense enuers vn autre af-
 saillant, aussi en son endroit se porter, *cum modera-
 mine inculcata, tutele*, essayer tout auant venir à cet-
 te extremité.

Secondement, c'est sans doute qu'il est beaucoup

meilleur & plus loüable de souffrir & garder vne cōstance ferme iusques à la fin, que ceder & s'enfuir, foiblesse & couardise: mais pour ce qu'il n'est pas donné à tous non plus que la continance, *non omnes capiunt verbum istud, unde melius nubere quam uri*: la question est si aduenant vn mal insupportable & irremediable, qui soit pour bouleuerfer & atterrer toute nostre resolution, & pousser nostre esprit en quelque meschant party de desespoir, despit, & murmure contre le Souuerain, s'il seroit pas plus expedient, ou moins mal, de s'en deliurer courageusement, aiant encore son sens entier & rassis, qu'en voulant demeurer par crainte de mesprendre s'exposer au danger de succomber & se perdre: est ce pas moins mal de quitter la place, que s'y opiniastrer & perir, s'enfuir qu'estre pris: il le semble bien par toute raison humaine: & philosophique pratiquée, comme a esté dit, par tant de gens signalez, de tout air & climat, qu'il sēble estre vne opinion vniuerselle. Les Stoiciens n'y veulent pastant de façon: car sans tant de raisons ils permettent de deloger à qui bon semble, comme il se void en Seneque & autres, les autres Philosophes sont vn peu plus retenus, mais tous le permettent avec quelque raison. Voila comme on en dispute en l'Academie; mais en l'Eglise non. Car la Chrestienté ne le peut pas, & n'en donne aucune dispense, & la verité & sagesse diuine condamne tout à plat tout tel depart fait, & congé prins de sa propre volonté & auctorité priuée: tellement que ce que cy dessus a esté dict estre meilleur, & a esté donné par conseil en la Philosophie, est commandement en la vraye Theologie.

Au reste, c'est vn grád trait de sagesse, de scauoir connoistre le point & prendre l'heure de mourir: il y a à tous vne certaine saison de mourir, les vns l'anticipent, les autres la retardent: il y a de la foiblesse & de la vaillance en tous les deux, mais il y faut de la discretion: combien de gens ont suruecu à leur gloire, & pour l'enuie d'allonger vn peu leur vie, ont obscurcy & de leur viuant aidé à enseuelir leur honneur? Ce qui a resté depuis ne sentoit rien du passé, c'estoit comme vn vieil haillon & quelque chetifue piece cousüe au bout d'vn ornement riche & beau. Il y a vn certain temps de cueillir le fruit de dessus l'arbre: si dauantage il y demeure, il ne fait que se perdre & empirer, c'eust esté aussi grand dommage de le cueillir plustost. Plusieurs Saincts ont fuy à mourir, pour ce qu'ils estoient encore vtiles au public, cōbien que pour leur particulier ils eussent bien voulu s'en aller. C'est acte de charité vouloir viure pour autruy: *Si populo tuo sum necessarius, non recuso laborem.*

La mort a des formes plus aisées les vnes que les autres, & prend diuerles qualitez selon la fantaisie de chacun: entre les naturelles celle qui vient d'affoiblissement & appesantissement est plus douce & plus molle, entre les violentes la meilleure est la plus courte, & la moins premeditee. Aucuns desirent faire vne mort exemplaire & demonstratiue de constance & suffisance: c'est considerer autruy, & chercher encores lors reputation: mais c'est vanité, car cecy n'est pas acte de societé, mais d'vn seul personnage: il y a assez d'affaires chez soy au dedans de se consoler sans considerer autruy: & puis lors cesse tout interest à la repu-

ration. Celle est la meilleure mort qui est bien recueillie en soy, quiète, solitaire, & toute à celuy qui est à mesmes. Cette grande assistance des parens & amis apporte mille incommoditez: presse, & estouffe le mourant: on luy tourmente l'un les oreilles, l'autre les yeux, l'autre la bouche: les cris & les plaintes si elles sont vrayes serrent le cœur, si feintes & masquées font despir. Plusieurs grands personages ont cherché de mourir loin des leurs, pour eluiter cette incommodité: c'est aussi vne puerile & sorte humeur vouloir esmouuoir par ses maux dueil & compassion en ses amis: nous louons la fermeté à souffrir la mauuaise fortune, nous accusons & haïssons celle de nos proches: quand c'est la nostre, ce ne nous est pas assez qu'ils s'en ressentent: mais encores qu'ils s'en affligent: vn sage malade se doit contenter d'yne contenâce rassise des assistés.

SE MAINTENIR EN VRAIE

*tranquillité d'esprit, le fruit & la couronne
de sagesse, conclusion de ce liure.*

CHAP. XLII.

LA tranquillité d'esprit est le souverain bien de l'homme. C'est ce tant grand & riche thesor, que les sages cherchent par mer & par terre, à pied & à cheual: tout nostre soin doit tendre là; c'est le fruit de tous nos labeurs & estudes, la couronne de sagesse: mais afin que l'on ne se mesconte, il est à sçauoir que cette tranquillité n'est pas vne retraite, vne oisiveté ou vacation de tous affai-

res, vne solitude delicieuse & corporellement
plaisante, ou bien vne profonde nonchalance de
toutes choses: s'il estoit ainsi, plusieurs femmes,
faineants, poltrons & voluptueux iouïroient à
leur aise d'un si grand bien, auquel aspirent les sa-
ges avec tant d'estude: la multitude ny rarité
des affaires ne fait rien à cecy. C'est vne belle,
douce, esgale, vnie, ferme & plaisante assiete &
estat de l'ame, que les affaires, ny l'oisiveté, ny
les accidents bons & mauuais, ny le temps ne peut
troubler, alterer, éleuer ny raualler, *vera tranquil-
litas, non concuti.*

Les moyens d'y paruenir del'acquerir & con-
seruer sont les points que j'ay traité en ce liure
second, dont en voicy le recueil; & gisent à se dé-
faire & garentir de tous empeschemens, puis se
garnir des choses qui l'entretiennent & conser-
uent. Les choses qui plus empeschent & trou-
blent le repos & tranquillité d'esprit sont les opi-
nions communes & populaires, qui sont pres-
que toutes erronées; puis les desirs & passions
qui engendrent vne delicatesse & difficulté en
nous: laquelle fait quel'on n'est iamais content,
& icelles sont reschauffées & esmuës par les deux
contraires fortunes, prosperité & aduersité, com-
me par vents impetueux & violens: & finalement
cette vile & basse captiuité, par laquelle l'esprit
(c'est à dire, le iugement & la volonte) est assouui
& dérony esclaué comme vne beste, sous le ioug
de certaines opinions & regles locales & particu-
lières. Or il se faut emanciper & affranchir de tous
ces cops & iniustes subiections, & mettre son
esprit en liberté, le rendre à soy libre, vniuersel,

ouuert, & voyant par tout, s'esgayant par toute l'estenduë belle vniuerselle du monde & de la nature. *In commune ingentus, mundum vi vnam domum spectans, totum se inferens mundo, & in omnes eius aethus contemplatiouem suam mittens.*

3

La place ainsi nettoyée & apprestée, les fondemens premiers y ietter sont vne vraye prudence, & estre en un estat & vacation, à laquelle l'on soit propre. Les parties principales qu'il faut esleuer & asséurer, sont premierement vne vraye pieté, par laquelle d'une ame non estonnée, mais nette, franche, respectueuse, deuote, l'on contemple Dieu ce grand maistre souverain & absolu de toutes choses, qui ne se peut voir ny connoistre: mais le faut reconnoistre, adorer, honorer & seruir de tout son cœur, esperer tout bien de luy, & n'en craindre point de mal; puis cheminer rondement en simplicité & droiture: selon les loix & costumes, viure à cœur ouuert aux yeux de Dieu & du monde, *conscientiam suam aperiens, semperque tanquam in publico viuens, se magis veritus quam alios.* Garder en soy & avec autrui, & generallyment en toutes choses, pées, paroles, desseins, actions, moderation, mere ou nourrice de tranquillité; lâissant à part toute pöpe & vanité, regler les desirs, se contenter de médiocrité & suffisance. *Quod se esse velit nihilque mali,* se reioir en la fortune. La tēpeste & l'orage a beaucoup moins de prinse & de moyé de nuire, quād les voiles sont recueillies, que quād elles sont au vent, s'affermir cōtre tout ce qui peut blesser ou heurter, s'esleuer par dessus toute crainte, mesprisant tous les coups de la fortune & la mort, la tenant pour fin de tous maux, & non cau-

se d'aucun cōtemptor omnium, quibus torquetur *Vita*,
supra omnia quæ contingunt acciduntque eminens, im-
perturbatus intrepidus. Et ainsi se tenir ferme à soy,
 s'accorder bien avec soy, viure à l'aise sans aucune
 peine ny dispute au dedans, plein de ioye, de paix,
 d'allegresse & gratification enuers soy mesme, *Sa-*
piens plenus gaudio; hilaris, placidus cum diis ex pari
viuit: Sapientia effectus gaudii aequalitas solus sapiens
gaudet: s'entretenir & demeurer cōtant de soy, qui
 est, le fruit & le propre effet de sagesse, *Nisi sa-*
pientis sua non placent: omnis stultitia laborat fastidio
sui. Non est beatus, esse se qui non putat.

Bref, à cette tràquillité d'esprit, il faut deux cho-
 ses, l'innocence & bonne conscience, c'est la pre-
 miere & principale partië, qui arme & munit mer-
 ueilleusement d'assurance, mais elle ne pourroit
 pas suffire tousiours au fort de la tempeste, comme
 il se voit souuent de plusieurs qui se troublent & se
 perdent: *Erit tanta tribulatio ut seducantur iusti.* Par-
 quoy, il faut encores l'autre, qui est la force & la
 fermeté de courage, comme aussi cestuy seul ne
 seroit assez: car l'effort de la conscience est mer-
 neilleux, elle nous fait trahir, accuser & combattre
 uous mesmes, & à faute de tesmoin étranger, elle
 nous produit contre nous.

Occultum quatiens animo tortore flagellum.

Elle nous fait nostre procez, nous condamne,
 nous execute & bourelle. Aucune cachette ne sert
 aux meschans, disoit Epicurus, parce qu'ils ne se
 peuuent assurer d'estre cachez, la conscience les
 descourant à eux mesmes. *Prima est hac ultio, quod*
se iudice nemo nocens absoluitur. Ainsi l'ame foible &
 paoureuxse, toute saincte qu'elle soit, ny la forte &

l'affronter & la soutenir les yeux ouuerts, comme ont fait excellemment Socrates; qui eut trente iours entiers à ruminer & digerer le decret de sa mort, ce qu'il fit sans esmoy alteration, voire sans aucun effort: mais tout mollement & gayement? Pomponius Atticus, Tullius Marcellinus Romains, Cleantes Philosophe, tous trois presque de mesme façon, car ayans essayé de mourir par abstinence, pour sortir des maladies qui le tourmentoyent se trouuans guaris par elle, ne voulurent s'en desister, mais acheuerent, prenant plaisir à defaillir peu à peu, & considerer le train & progrès de la mort; Othon & Caton, car ayans fait les apprests pour se tuer, sur le point de l'exécution se mirent à dormir profondement, ne s'estônans non plus de la mort que d'un autre accident ordinaire & bien léger.

17. La 4. est d'ame forte & resoluë pratiquée authentiquement par de grands & saints personnages, en deux cas, l'un qui semble le plus naturel & legitime, est une vie fort penible & douloureuse ou apprehension d'une beaucoup pire mort: bref, un estat miserable, auquel l'on ne peut remedier, c'est lors desirer la mort comme vne retraite & le port vniue's des tourmens de cette vie, le souuerain bien de nature: seul appuy de nostre liberté. C'est bien foiblesse de ceder aux maux, mais c'est folie de les nourrir: il est bien temps de mourir, lors qu'il y a plus de mal que de bien à viure: car de cōseruer nostre vie à nostre tourment & incōmodité, c'est contre nature: Dieu nous donne assez congé, quand il nous met en cet estat. Il y en a qui disent qu'il faut mourir, pour fuir les voluptez qui sont

selon nature. Combien plus pour fuir les douleurs qui sont contre nature: il y a plusieurs choses en la vie pires beaucoup que la mort pour lesquelles il vaut mieux mourir, & ne viure point que de viure: dont les Lacedemoniens asprement menacez par Antipater, s'ils ne s'accordoient à sa demande, luy respondirent, si tu nous menace de pis que la mort, nous ayons mieux mourir: & les sages disent que le sage vit tant qu'il doit, & non pas tât qu'il peut, & puis la mort nous est bien plus en main & à commandement, que la vie. La vie n'a qu'une entrée: & encore depend elle de la volonté d'autrui. La mort depend de la nostre: & plus elle est volontaire plus elle est belle: & à elle y a cét mille issues: nous pouons auoir faute de terre pour y viure: mais nō pour mourir. La vie peut estre ostée à tout homme par tout homme, la mort non, *Vbi que mors est, optimè hoc cauit Deus, eripere vitam nemo non homini potest, at nemo mortem: mille ad hanc aditus patent.* Le presēt plus fauorable que nature nous aye fait, & qui nous oste tout moyen de nous plaindre de nostre conditiō, c'est de nous auoir laissé la clef des champs. Pourquoy te plains tu en ce monde, il ne te tiēt pas: si tu vis en peine, ta lascheté en est la cause: à mourir il n'y a que le vouloir.

L'autre cas en est vne viue apprehension & desir de la vie aduenir, qui leur fait souhaitter la mort, cōme vn grand gain, semence de meilleure vie, pont aux lieux delicieux, voye à tous biens, vne reserve à la resurrection. La ferme creance & esperance de ces choses est incompatible avec la crainte & l'ennuy de la mort: elle induit plustost à s'ennuyer icy & desirer la mort, *Vitam habere impatientia, &*

mortem in deficietio, d'auoir la vie en affliction, & la mort en affectiō, le viure leur est coruée, & le mourir soulas dont leurs vœux & leurs voix, sont *cupio dissolui, mihi mori lucrum: quis me liberabit de corpore mortis huius?* Dont bien iustement a esté reproché aux Philosophes & Chrestiens, (ce qui est à entendre des laches & trop foibles, non de tous) qu'ils font des affronteurs & moqueurs publics, & ne croyēt pas en verité ce qu'ils disent tant, haut loüans, & preschans de l'imortalité bien-heureuse, & tant de delices en la vie seconde, puis qu'ils palissent & redoutent si fort la mort, passage & traict & necessaire pour y aller.

18.
Se don-
ner la
mort.
Il est
permis.
2 Mach.
14.

La cinquieme & extreme, c'est l'execution de la precedente, qui est se donner la mort. Cette cy semble bien venir de vertu & grâdeur de courage, ayant esté anciennement pratiquée par les plus grands, & plus excellents hommes & femmes de toute nation & religion, Grecs & Romains, Egyptiens, Perses, Medois, Gaulois, Indoïs, Philosophes de toutes sectes, Iuifs, tesmoin ce bon vieillard Razias, nommé le pere des Iuifs, pour la vertu, & ces femmes lesquelles sous Antiochus apres auoir circoncis leurs enfans s'alloient precipiter quand & eux: Chrestiens, tesmoin ces deux Saintes canonisées, Pelagie & Sophronia, dont la premiere avec la mere & ses sœurs se precipita dedans la riuiere, & cette cy se tua d'un couteau pour esuiter la force de Maxentius Empereur: voire par des peuples & communes toutes entieres comme de Capoua en Italie, Astupa, Numance en Espagne assiegés par les Romains: des Abideens pressés par Philippe: vne ville aux Indes assiegée par Alexan-

dre: mais encores approuuée & autorisée en plusieurs Republiques par loix & reglemens sur ce faits, comme à Marseille, en l'Isle de Cea de Negrepoint & autres nations, comme en Hyperborée, & iustificée par plusieurs grâdes raisons deduites au precedent article, qui est du iuste desir & volonté de mourir. Car s'il est permis de desirer, demander, chercher la mort pourquoy sera il mal fait se la donner; si la propre mort est permise & iuste en la volonté, pourquoy ne le sera elle en la main & en l'exécution: Pourquoy attendray-je d'autrui ce que ie puis de moy mesmes? & ne vaut il pas mieux encores se la donner que la souffrir: courir à son iour quel l'attendre? Car la plus volontaire mort est la plus belle. Aureste ie n'offense pas les loix faites contre les larrons, quand i'emporte le mien, & ie coupe ma bourse: aussi ne suis-je tenu aux loix faites contre les meurtriers pour m'auoir osté la vie. D'ailleurs elle est reprouuée par plusieurs non seulement Chrestiens, mais Iuifs, comme dispute Iosephe contre les Capitaines en la fosse du Puis: & Philosophes, comme Platon, Scipion, lesquels tiennent en cete procedure, non seulement pour vice de lascheté, couardise, & tour d'impatience: car c'est s'aller cacher & rappir pour ne sentir les coups de la fortune. Or la vraye & viue vertu ne doit iamais ceder: les maux & les douleurs sont les alimens: il y a bien plus de constance à user la chaine qui nous tient, qu'à la rompre: & plus de fermeté en Regulus qu'en Caton,

Non
permis.

Rebus in aduersis, facile est contemnere vitam.

Fortius ille facis qui miser esse potest.

Si facilius illabatur orbis

Impavidum ferient ruinae.

Mais encore pour crime de desertion : car l'on ne doit abandonner sa garnison, sans l'expres commandement de celui qui nous y a mis, nous ne sommes icy pour nous seuls, ny maistre de nous mesmes. Cccy donc n'est pas sans dispute & sans doute.

19

Il est premierement sans doute qu'il ne faut pas entendre à ce dernier exploit, sans tres grande & tres iuste raison : afin que ce soit comme ils disent *ὁλοκαυτὶς ἀγαθὴ*, vne honneste & raisonnable issuë & departie. Ce ne doit dōc pas estre pour vne legere occasion, quoy que disent aucuns, que l'on peut mourir pour causes legeres, puis que celles qui nous tiennēt en vie ne sont gueres fortes, c'est ingratitude à nature ne vouloir vser de son present, c'est signe de legereté & d'estre trop chagrin & difficile, de s'en aller & rompre compagnie pour peu de choses; mais pour vne grāde & puisante, & icelle iuste & legitime. Parquoy ne peuvent auoir suffisante excuse, ny cause assez iuste en leur mort, tous ceux cy : Pomponius Atticus, Marcellinus & Cleantes, dont a esté parlé, qui n'ont voulu arrester le cours de leur mort, pour cette seule consideration, qu'ils s'y trouuoient de-
 2
 ia presque à mesme ; ces femmes de Petus, de Scaurus, de Labeo, Fuluius familier d'Auguste, de Seneque, & tant d'autres, pour accompagner leurs maris en leur mort, ou les y inuiter ;
 3
 Caton & autres despittez contre le succez des affaires, & de ce qu'il leur falloit venir és mains de leurs ennemis, desquels toutefois ils ne craignoient aucun mauuais traictement : Ceux qui

se font ruez pour ne viure à la mercy & de la grace
 de tel qu'ils abominoient, comme Granius Silua-
 nius & Staius Proximus ja pardonnés par Neron:
 Ceux qui pour couvrir vne hôte & reproche pour
 le passé, comme Lucrece Romaine, Sparzapizes
 fils de la Royné Tominis, Bogues Lieutenant du
 Roy Xerxes: Ceux qui sans aucun mal particulier,
 mais pour voir le public en mauuais estat, comme
 Nerua grand Iuriconsulte, Vibius Virius, Inuel-
 lus en la prinse de Capouz: Ceux qui pour satieté
 ou ennuy de viure. Et ne suffit qu'elle soit grâde &
 iuste, mais qu'elle soit necessaire & irremediable,
 & que tout soit essayé iusques à l'extremité: par-
 quoy la precipitatiō & le desespoit anticipé est icy
 tres vicieux, comme en Brutus, & Cassius, qui se
 tuans avant le temps & l'occasion, perdirent les
 reliques de la liberré Romaine, de laquelle ils
 estoient protecteurs. Il faut disoit Cleomenes,
 mesnager sa vie, & la faire valoir iusques à l'extre-
 mité: car s'en deffaire l'ō le peut tousiours, c'est vn
 remede que l'on a tousiours en main: mais les cho-
 ses se peuuent changer en mieux. Iosephe & tant
 d'autres ont tres vilement pratiqué ce cōseil: les
 choses qui semblent du tout desesperées prennent
 quelquefois vn train tout autre, *aliquis carnisfici
 suo superstes fuit.*

Multa dies variisque labor mutabilis anni

Retulit in melius.

Il faut comme pour la deffense enuers vn autre al-
 saillant, aussi en son endroit se porter, *cum modera-
 mine inculcata, tutele*, essayer tout avant venir à cer-
 te extremité.

Secondement, c'est sans doute qu'il est beaucoup

meilleur & plus loüable de souffrir & garder vne cōstance ferme iusques à la fin, que ceder & s'enfuir, foiblesse & couardise: mais pour ce qu'il n'est pas donné à tous non plus que la continance, *non omnes capiunt verbum istud, unde melius nubere quam vri*: la question est si aduenant vn mal insupportable & irremediable, qui soit pour bouleuerfer & atterrer toute nostre resolution, & pousser nostre esprit en quelque meschant party de desespoir, despit, & murmure contre le Souuerain, s'il seroit pas plus expedient, ou moins mal, de s'en deliurer courageusement, aiant encore son sens entier & rassis, qu'en voulant demeurer par crainte de mesprendre s'exposer au danger de succomber & se perdre: est ce pas moins mal de quitter la place, que s'y opiniastrer & perir, s'enfuir qu'estre pris: il le semble bien par toute raison humaine: & philosophique pratiquée, comme a esté dit, par tant de gens signalez, de tout air & climat, qu'il s'éble estre vne opinion vniuerselle. Les Stoiciens n'y veulent pastant de façon: car sans tant de raisons ils permettent de deloger à qui bon semble, comme il se void en Seneque & autres, les autres Philosophes sont vn peu plus retenus, mais tous le permettent avec quelque raison. Voila comme on en dispute en l'Academie; mais en l'Eglise non. Car la Chrestienté ne le peut pas, & n'en donne aucune dispense, & la verité & sagesse diuine condamne tout à plat tout tel depart fait, & congé prins de sa propre volonté & auctorité priuée: tellement que ce que cy dessus a esté dict estre meilleur, & a esté donné par conseil en la Philosophie, est commandement en la vraye Theologie.

Au reste, c'est vn grád trait de sagesse, de scauoir connoistre le point & prendre l'heure de mourir: il y a à tous vne certaine saison de mourir, les vns l'anticipent, les autres la retardent: il y a de la foiblesse & de la vaillance en tous les deux, mais il y faut de la discretion: combien de gens ont suruecu à leur gloire, & pour l'enuie d'allonger vn peu leur vie, ont obscurcy & de leur viuant aidé à enseuelir leur honneur? Ce qui a resté depuis ne sentoit rien du passé, c'estoit comme vn vieil haillon & quelque chetifue piece cousüe au bout d'vn ornement riche & beau. Il y a vn certain temps de cueillir le fruit de dessus l'arbre: si dauantage il y demeure, il ne fait que se perdre & empirer, c'eust esté aussi grand dommage de le cueillir plustost. Plusieurs Saincts ont fuy à mourir, pour ce qu'ils estoient encore vtiles au public, cōbien que pour leur particulier ils eussent bien voulu s'en aller. C'est acte de charité vouloir viure pour autrui: *Si populo tuo sum necessarius, non recuso laborem.*

21.

La mort a des formes plus aisées les vnes que les autres, & prend diuerfes qualitez selon la fantaisie de chacun: entre les naturelles celle qui vient d'affoiblissement & appesantissement est plus douce & plus molle, entre les violentes la meilleure est la plus courte, & la moins premeditee. Aucuns desirent faire vne mort exemplaire & demonstratiue de constance & suffisance: c'est considerer autrui, & chercher encores lors reputation: mais c'est vanité, car cecy n'est pas acte de societé, mais d'vn seul personnage: il y a assez d'affaires chez soy au dedans de se consoler sans considerer autrui: & puis lors cesse tout interest à la repu-

ration. Celle est la meilleure mort qui est bien recueillie en soy, quiere, solitaire, & toute à celuy qui est à mesmes. Cette grande assistance des parens & amis apporte mille incommoditez: presse, & estouffe le mourant: on luy tourmente l'un les oreilles, l'autre les yeux, l'autre la bouche: les cris & les plaintes si elles sont vrayes serrent le cœur, si feintes & masquées font despir. Plusieurs grands personages ont cherché de mourir loin des leurs, pour eluiter cette incommodité: c'est aussi vne puerile & sottie humeur vouloir esmouvoir par ses maux dueil & compassion en ses amis: nous louïons la fermeté à souffrir la mauuaise fortune, nous accusons & haïssons celle de nos proches: quand c'est la nostre, ce ne nous est pas assez qu'ils s'en ressentent: mais encores qu'ils s'en affligent: vn sage malade se doit contenter d'vne contenâce rassise des assistés.

SE MAINTENIR EN VRAIE

*tranquillité d'esprit, le fruit & la couronne
de sagesse, conclusion de ce liure.*

CHAP. XLII.

LA tranquillité d'esprit est le souverain bien de l'homme. C'est ce tant grand & riche thesor, que les sages cherchent par mer & par terre, à pied & à cheual: tout nostre soin doit tendre là; c'est le fruit de tous nos labeurs & estudes, la couronne de sagesse: mais afin que l'on ne se mesconte, il est à sçauoir que cette tranquillité n'est pas vne retraite, vne oisiveté ou vacation de tous affai-

res, vne solitude delictieuse & corporellement
plaisante, ou bien vne profonde nonchalance de
toutes choses: s'il estoit ainsi, plusieurs femmes,
faincants, poltrons & voluptueux iouïroient à
leur aise d'un si grand bien, auquel aspirent les sa-
ges avec tant d'estude: la multitude ny rareté
des affaires ne fait rien à cecy. C'est vne belle,
douce, esgale, vnie, ferme & plaisante assiete &
estat de l'ame, que les affaires, ny l'oisiveté, ny
les accidents bons & mauvais, ny le temps ne peut
troubler, alterer, éleuer ny ranaller, *vera tranquil-
litas, non concuti.*

Les moyens d'y paruenir de l'acquérir & con-
seruer sont les points que j'ay traité en ce liure
second, dont en voicy le recueil; & gisent à se dé-
faire & garentir de tous empeschemens, puis se
garnir des choses qui l'entretiennent & conser-
uent. Les choses qui plus empeschent & trou-
blent le repos & tranquillité d'esprit sont les opi-
nions communes & populaires, qui sont pres-
que toutes erronées; puis les desirs & passions
qui engendrent vne delicatesse & difficulté en
nous: laquelle fait quel'on n'est iamais content,
& icelles sont reschauffées & esmuës par les deux
contraires fortunes, prosperité & aduersité, com-
me par vents impetueux & violens: & finalement
cette vile & basse captiuité, par laquelle l'esprit
(c'est à dire, le iugement & la volonté) est asservi
& déronné esclau comme vne beste, sous le ioug
de certaines opinions & regles locales & particu-
lières. Or il se faut emanciper & affranchir de tous
ces ceppes & iniustes subiections, & mettre son
esprit en liberté, le rendre à soy libre, vniuersel,

se d'aucun *cōtemptor omnium, quibus torquetur vita, supra omnia quæ contingunt acciduntque erwinens, imperturbatus intrepidus.* Et ainsi se tenir ferme à soy, s'accorder bien avec soy, viure à l'aïse sans aucune peine ny dispute au dedans, plein de ioye, de paix, d'allegresse & gratification enuers soy mesme, *Sapiens plenus gaudio; hilaris, placidus cum diis ex pari vivit: Sapiencia effectus gaudii aequalitas solus sapiens gaudet:* s'entretenir & demeurer cōtant de soy, qui est le fruit & le propre effet de sagesse, *Nisi sapienti sua non placent: omnis stultitia laborat fastidio sui. Non est beatus, esse se qui non putat.*

Bref, à cette trāquillité d'esprit, il faut deux choses, l'innocence & bonne conscience, c'est la premiere & principale partie, qui arme & munit merueilleusement d'assurance, mais elle ne pourroit pas suffire tousiours au fort de la tempeste, comme il se voit souuent de plusieurs qui se troublent & se perdent: *Erit tanta tribulatio ut seducantur iusti.* Par quoy, il faut encores l'autre, qui est la force & la fermeté de courage, comme aussi cestuy seul ne seroit assez: car l'effort de la conscience est merueilleux, elle nous fait trahir, accuser & combattre nous mesmes, & à faute de tescmoin étranger, elle nous produit contre nous.

Occultum quatiens animo tortore flagellum.

Elle nous fait nostre procez, nous condamne, nous execute & bourelle. Aucune cachette ne sert aux meschans, disoit Epicurus, parce qu'ils ne se peuuent assieurer d'estre cachez, la conscience les descouurant à eux mesmes. *Prima est hac ultio, quod se iudice nemo nocens absolutur.* Ainsi l'ame foible & paoureuse, toute sainte qu'elle soit, ny la forte &

courageuse, si elle n'est saine & nette, ne iouïra point de cette tant riche & heureuse tranquillité. Qui a le tout, fait merueille, comme Socrates, Epaminondas, Caton, Scipion, duquel il y a trois exploits admirables en ce subiet. Ces deux Romains accusez en public ont fait rougir leurs accusateurs, entrainé les inges, & toute l'assemblée beante à leur admiration & suite: il avoit le cœur trop gros de nature, dit Tite-Live, parlant de Scipion, pour sçavoir estre criminel & se demettre à la bassesse de defendre son innocence.



DE LA SAGESSE,

LIVRE TROISIESME.

*Auquel sont traittez les aduis particuliers de la
Sagesse, par les quatre Vertus morales.*

P R E F A C E.

D V I S O Y E nostre dessein en ce liure est
d'instruire par le menu à la Sagesse, &
en donner les aduis particuliers apres
les generaux, touchez au liure prece-
dent, pour y tenir vn train & vn ordre certain, nous
auons pensé, que ne pouuons mieux faire que de
suiure les quatre vertus maistresses & morales,
Prudence, Iustice, Force, & Temperance : car en
ces quatre presque tous les devoirs de la vie sont
comprins. La prudence est comme vne generale
guide & conduitte des autres vertus, & de toute la
vie, bien que proprement elles s'exerce aux affaires.
La iustice regarde les personnes, car c'est rendre à
chacun ce qui luy appartient. La force & tempe-
rance regardent tous accidens bons & mauuais,
ioyeux & fascheux, la bonne & mauuaise fortune.
Or en ces trois, personnes, affaires & accidens, est
comprinse toute la vie & la condition humaine, le
trafic de ce monde.

Hh

De la prudence en general.

CHAP. I.

1. **P**rudence est vne raison mise au premier rang, comme la Royne, generale, surintendante & guide de toutes les autres vertus, *ariga virtutum*; sans laquelle il n'y a rien de beau, de bon, de bien-seant & aduenant; c'est le sel de la vie, le lustre, l'agencement, l'assaisonnement de toutes actions, l'esquierre, la reigle de tous affaires, & en vn mot, l'art de la vie, comme la medecine est l'art de la santé.

2. **D**efinition. C'est la cognoissance & le choix des choses, qu'il faut desirer ou fuyr; c'est la iuste estimation & le triage des choses, c'est l'œil qui tout void, qui tout conduit & ordonne. Elle consiste en trois choses qui sont de rang; bien consulter & deliberer, bien iuger & resoudre, bien conduire & executer.

3. **E**st vniuerselle. C'est vne vertu vniuerselle, car elle s'estend generalement à toutes choses humaines, non seulement en gros, mais par le menu à chacune: ainsi elle est infinie comme les indiuidus.

4. **D**ifficile. Tres-difficile, tant à cause de l'infinité ja dicté, car les particularitez sont hors de science, comme hors du nombre. *si qua finiri non possunt, extra sapientiam sunt*, que de l'incertitude & inconstance grâde des choses humaines, encor plus grâde de leurs accidens, circonstances, appartenances; depêdances d'icelles, temps, lieux, personnes: tellement qu'au changement d'une seule, & de la moindre circonstance toute la chose se change; & aussi en son

office qui est en l'assemblage & temperament des choses contraires; distinction & triage de celle qui sont fort semblables. La contrariété & la ressemblance l'empeschent.

Tres-obscur, pource que les causes & ressorts des choses sont incogneuës, les semences & racines sont cachées, lesquelles l'humaine nature ne peut trouuer ny ne doit rechercher. *Occultat eorū semina Deus, & plerumque bonorum malorumque causa sub diuersa specie latet.* Et puis la fortune, la fatalité (vlez des mots que vous voudrez) cette souveraine, secrète, & inconnuë puissance & autorité maintiēt toujours son auantage au trauers de tous les conseils & precautions : d'où vient souuent ; que les meilleurs conseils ont de tres-mauuaises yssuës: vn mesme conseil tres-vtile à vn, mal-heureux à vn autre en pareil cas: & à vn mesme homme succeda & reüssi heureusement hier, qui auourd'huy est mal-encontr'eux. C'est vne sentence iustement receuë, qu'il ne faut pasiuger les conseils, ny la suffisance & capacité de personnes par les euemens. Dont respondit quelqu'vn à ceux qui s'estonnoient comment les affaires succedoient si mal, veu que ses propos estoient si sages, qu'il estoit maistre de ses discours, non du succez de affaires. C'estoit la fortune: laquelle semble se iquer de tous nos beaux desseins & conseils: renuerse en vn momēt tout ce qui a esté par si long-tēps proietté & deliberé, & nous semble tant bien appuyé, nous cloiant, cōme on dit, nostre artillerie. Et de fait la fortune pour monstrier son autorité en toutes choses, & rabattre nostre presomptiō, n'ayāt peu faire les malhabiles sages, elle les fait heureux

Obscure.

Plin. in
Panegi.

à l'envy de la vertu: Dont il aduient souuēt, que les plus simples mettēt à fin de tres-grādes besoins & publiques & priuées. C'est donc vne mer sans fonds & sans riuē, qui ne peut estre bornée & prescrite par preceptes & aduis que la Prudence. Elle ne fait que tourner à l'enuiron des choses, vn nuage obscur, & souuent bien vain & frivole.

6. Toutesfois elle est de tel poids & nécessité, que seule elle peut beaucoup: & sans elle tout le reste n'est rien: non seulement les richesses, les moyens, force, *Vis consilij expers molerunt sua, Mens vna sapiens plurimum vincit manus: & multa quæ natura impedita sunt consilio expediuntur.* Et la cause principale de cete nécessité est le mauuais naturel de l'hōme, le plus farouche & difficile à dompter de tous animaux, *Impatiens æqui, nedum seruitutis,* & qu'il faut manier avec plus d'art & d'industrie. Car il ne s'esleue point plus volontiers contre aucun, que cōtre ceux qu'il sent le vouloir maistriser. Or la prudence est l'art de le manier, & vne bride douce qui le ramene dedans le rond d'obeyssance.

Xenoph. 1. pedag. 7. Or combien que la semence de prudence, cōme des autres vertus soit en nous de nature: si est ce qu'elle s'acquiert & s'apprend plus que toute autre, & ce aucunement par preceptes & aduis, c'est la Theorique, mais beaucoup mieux & principalement, (combien qu'avec plus de temps) par experience pratique, qui est double: l'vne & la vraye est la propre & persōnelle, dont elle en porte le nom, c'est la cognoissāce des choses, que nous auons veuës ou maniées: l'autre est estrangere par le faict d'autrui, c'est l'histoire que nous sçauons par ouy dire, ou par lecture. Or l'experience &

l'usage est bien plus ferme & plus assuré, *usus est- Plin.*
facissimus omnium rerum magister, le pere & le mai-
 stre des arts, mais plus long, il est vieil, *seris venit*
usus ab annis, plus difficile, penible, rare. La sciëce
 de l'histoire, cōme elle est moins ferme & assurée,
 aussi est elle plus aisée, plus frequente, ouverte &
 cōmune à tous. On se rend plus resolu & assuré à
 ses despens, mais il est plus facile aux despens d'au-
 truy. Or ces deux proprement experience & histoire
 vient la prudēce, *usus me gennit, mater peperit memo-*
ria, seu memoria anima & vita historia.

Or la prudence se peut & doit diuersement di-
 stinguier, selon les personnes & les affaires. Pour 8.
 les personnes, il y a prudence priuée, soit elle Distin-
 taire & indiuiduelle, qu'à grand' peine peut-elle ctions.
 bien estre dite prudence, ou sociale & œcumeni-
 que en petite compagnie, & prudence publique &
 politique. Cette-cy est bien plus haute, excellēte,
 difficile: & à laquelle plus proprement conuiennēt
 toutes ces qualitez susdites & est double, pacifique
 & militaire.

Pour le regard des affaires, d'autant qu'ils sont de
 deux façōs, les vns ordinaires, faciles, les autres ex-
 traordinaires. Ce sont accidēts, qui apportēt quel-
 que nouuelle difficulté & ambiguïté. Aussi l'on
 peut dire y auoir prudence ordinaire & facile, qui
 chemine selon les loix, coustumes & train ja esta-
 bly: l'autre extraordinaire & plus difficile.

Il y en a encor vne autre distinction de prudēce,
 tant pour les personnes, que pour les affaires, qui
 est plustost de degrez, que d'especes, Sçauoir pri- Hesiod.
 dence propre, par laquelle on est sage, & prend on Liuius.
 aduis de soy-mesme: l'autre empruntée par laquelle Cicero.

l'on suit le conseil d'autrui. Il y a deux sortes & degrez de Sages disent tous les Sages. Le premier & souverain est de ceux qui voyent clair par tout, & sçauent d'eux mesmes trouuer les remedes & expedies, où sont ceux-là ? ô chose rare & singuliere: L'autre est de ceux qui sçauent prendre, suyre & se preualoir des bons aduis d'autrui, car ceux qui ne sçauent donner ny prendre conseil, sont fols.

9.

Les aduis generaux & communs, qui conuiennent à toute sorte de prudēce, toutes sortes de personnes & d'affaires, ont esté touchez & brefue-ment deduits au liure precedent & sont huit, 1. co-
 gnoissance de personnes & d'affaires. 2. estimatiō
 des choses. 3. choix & election d'icelles. 4. prendre
 conseil sur tout. 5. temperament entre crainte & af-
 feurāce, fiance & defiance. 6. prendre toutes cho-
 ses en saison, & se saisir de l'occasion. 7. se bien
 comporter avec l'industrie & la fortune, 8. discre-
 tion par tout. Il faut maintenant traicter les parti-
 culiers, premieremēt de la prudence publique, qui
 regarde les personnes, puis de celle qui regarde les
 affaires.

Cap. 10;

DE LA PRUDENCE POLITIQUE DU Souuerain pour gouverner Estats.

P R E F A C E.

Cette doctrine est pour les Souuerains & gou-
 uerneurs d'estats. Elle est vague, infinie, diffi-
 cile, & quasi impossible de ranger en ordre, clore,
 & prescrire en preceptes: mais il faudra tascher

d'y apporter quelque petite lumiere & adresse. Nous pouuons rapporter toute cette doctrine à deux chefs principaux, qui seront les deux deuoirs du Souuerain. L'un comprend & traite les appuis & soustiens de l'Estat, pieces principales & essentielles du gouvernement public, comme les os & les nerfs de ce grand corps, afin que le Souuerain s'en pouruoye & munisse son Estat, lesquels peuvent estre sept capitaux: cognoissance de l'Estat, vertu, mœurs & façons, conseils, finances, forces & armes, alliances. Les trois premiers sont en la personne du Souuerain, le quatriesme en luy, & près de luy; les trois derniers hors luy. L'autre est à agir, bien employer, & faire valoir les susdits moyens, c'est à dire en gros, & en un mot bien gouverner, & se maintenir en autorité & bien-vueillance tant des subiets, que des estrangers, mais distinctement: cette partie est double, pacifique & militaire. Voilà sommairement & grossièrement la besongne taillée, & les premiers grands traicts tirez, qui sont à traiter cy-apres. Nous diuiserons donc cette matiere politique & d'Estat en deux parties. La premiere sera de la prouision, sçauoir des sept choses necessaires: La seconde, & qui presuppose la premiere, sera de l'action du Souuerain. Cette matiere est excellemment traitée par Lypsius, à la maniere qu'il a voulu: la moëlle de son liure est icy. Je n'ay point prins, ny du tout suivy sa methode ny son ordre, comme desia se void icy en cette generale diuision, & se verra encores apres: en ay laissé aussi du sien, & en ay adiousté d'ailleurs.

PREMIERE PARTIE DE CETTE
*prudence politique & gouvernement d'Estat,
 qui est de la prouision.*

C H A P. II.

I.
 Chef de
 cette
 prou-
 ision, co-
 gnois-
 sance
 del'E-
 stat.

LA premiere chose requise auât tout ceuvre, est la cognoissâce de l'Estat: car la premiere regle de toute prudēce est en la cognoissâce, comme a esté dit au liure precedēt. Le premier en toutes choses est sçauoir à qui on a affaire. Parquoy d'autant que cette prudence regente & moderatrice des Estats, qui est vne adresse & suffisâce de gouverner en public, est chose relative, qui se manie & traite entre les souverains & les subiets: le deuoir & office premier d'icelle, est en la cognoissâce des deux parties, sçauoir, des peuples & de la souveraineté, c'est à dire, de l'Estat. Il faut donc premierement bien cognoistre les humeurs & naturels des peuples. Cette cognoissâce façonne & donne aduis à celuy qui les doit gouverner. Le naturel du peuple en general a esté depeint & au long au premier liure (leger, inconstant, mutin, baudard, amateur de vanité & nouveauté, fier & insupportable en la prosperité, couïard & abbatu en l'aduersité) mais il faut encor en particulier le cognoistre: car autant de villes & de personnes, autant de diuers humeurs. Il y a des peuples choleres, audacieux, guerriers, timides, addonnez au vin, suiets aux femmes, & les vns plus que les autres, *non scenda natura vulgi est, & quibus modis semperanter habeatur.* Et c'est en ce sens que se doit entendre le dire des Sages: *Qui n'a pas obey, ne peut bien commander, nemo bene imperat*

nisi qui ante paruerit imperio. Ce n'est pas que les Souverains se doivent ou puissent tousiours prendre du nombre des subjets, car plusieurs sont nez Roys & Princes, & plusieurs Estats sont successifs: mais que celuy qui veut bien commander, doit cognoistre les humeurs & volonte'z des subjets, comme si luy mesme estoit de leur rang, & en leur place. Faut aussi cognoistre le naturel de l'Estat, non seulement en general tel qui a esté descript, mais en particulier celuy que l'on a en main, sa forme, son establissement, sa portée, c'est à dire, s'il est vieil ou nouveau, escheu par succession ou par eslection, acquis par les loix, ou par les armes, de quelle estëduë il est, quels voisins, moyens, puissance il a. Car selon toutes ces circonstances, & autres, il faut diuersement manier le sceptre, ferrer ou lascher les resnes de la domination.

Après cette cognoissance d'Estat, qui est comme vn preallable, la premiere des choses requises est la vertu, tant necessaire au Souuerain, non tant pour soy que pour l'Estat. Il est premierement bien conuenable, que celuy qui est par dessus tous, soit le meilleur de tous, selon le dire de Cyrus. Et puis il y va de sa reputation: car le bruiet commun recueille tous les faicts & dits de celuy qui le maistrise, il est en veüe de tous, & ne se peut cacher non plus que le Soleil. Dont, ou en bien, ou en mal, on parlera beaucoup de luy. Et il importe de beaucoup, & pour luy & pour l'Estat en quelle opiniõ il soit. Or non seulement en soy & en sa vie le Souuerain doit estre reuestu de vertu, mais il doit soigner que ses subjets luy ressemblent. Car, comme ont dit tous les Sages, l'Estat, la ville, la compagnie,

1.
1. Chef
de cette
proui-
sion,
vertu.
Senec.

Sallust
ad C

Plin.
pan.

ne peut durer ny prosperer, dont la vertu est bânie. Et ceux-là equiuoquent bien lourdement, qui pensent que les Princes sont tant plus asseurez, que leurs subiets sont plus meschans. A cause, disent-ils, qu'ils en sût plus propres & plus naiz à la seruitude, & au ioug, *patiētiōres seruitutis, quos non decet nisi esse seruos*. Car au rebours les meschans supportent impatiemment le ioug: & les bons & debonnaires craignent beaucoup plus, qu'ils ne sont à craindre. *Pessimus quisque a se perrimè rectorem patitur*

Sallust.
ad Cael.

contra facile imperium in bonos, qui metuētes magis quā in metuendi. Or le moyen tres-puissant pour les induire & former à la vertu, c'est l'exemple du Prince, car comme l'experience le monstre, tous se moulent au patron & modelle du Prince, la raison est, que l'exemple presse plus que la loy. C'est

Plin.
paneg.

une loy muette, laquelle a plus de credit, que le commandement, *nec iam imperio nobis opus quā exemplo, & mitius iubetur exemplo*. Or tousiours les yeux & les pensées des petits sont sur les grands; admirent, & croyent tout simplement que tout est bon & excellent ce qu'ils font: & d'autre part ceux qui commandent pensent assez enioindre & obliger les inferieurs à les imiter en faisant seulement. La vertu est donc honorable & profitable au Souuerain, & toute vertu.

3.
Princi-
pale-
ment.
4 Vertu.

Mais par preciput, & plus specialement la pieté, la iustice, la vaillance, la clemēce. Ce sont les quatre vertus principales & princesses en la principauté. Dont disoit Auguste cetant grand Prince, la pieté & la iustice deshient les Princes. Et Senèque dit, que la clemence conuient mieux au Prince, qu'à tout autre. La pieté du Souuerain est au

soin qu'il doit employer à la conservatiō de la Religion cōme son protecteur; cela fait à son hōneur & à la conservatiō propre: car ceux qui craignent Dieu, n'osent attenter ny penser chose contre le Prince qui est son image en terre, ny cōtre l'estat: car cōme enseigne souuēt Laërte, c'est la religiō qui maintiēt la societé humaine, qui ne peut autrement subsister, & se remplira tost de melchācetez, cruantez bestiales, si le respect & la crainte de religion ne tient les hommes en bride. Et au contraire l'estat des Romains s'est accru & rédu si florissāt, plus par la Religion, disoit Cicéron mesmes, que par tous autres moyēs. Parquoy le Prince doit loigner, que la religiō soit conservée en son entier selon les anciēnes ceremonies & loix du pays, & empêcher toute innouatiō & brouillis en icelle: chastier rudement ceux qui l'entreprennent. Car certainement le changemēt en la Religion & l'iniure faite à icelle traîne avec soy vn changement & empirement en la Republique, comme discours très-bien Me cenās à Auguste.

Dion.

Après la pieté vient la iustice, sans laquelle les estats ne sont que brigandage, laquelle le Prince doit garder & faire valoir, & en soy & aux autres: en soy, car il faut abominer ces paroles tyranniques & barbares, qui dispensent les Souverains de toutes loix, raison, equité, obligatiō: qui les disent n'estre tenus à aucun autre deuoir qu'à leur vouloir & plaisir; qu'il n'y a point de loix pour eux; que tout est bon & iuste, qui accommode leurs affaires, que equité est la force, leur deuoir est au pouuoir. *Principi leges nemo scripsit; licet, si libet. In Sen. iuina fortuna id aqius quod validius: nihil iniustum iur.*

42
1. Juice
& loy.Plin. fā.
Tacit.,

Senec.
Eurip.

quod fructuosum: Sanctitas, pietas, fides priuata bona sunt qua inuat reges eant. Et leur oppose les beaux & saints aduis des Sages, que plus doit estre réglé & retenu qui plus a de pouuoir: La plus grande puissance doit estre la plus estroite bride: La regle du pouuoir est le deuoir, *Minimū decet libere cui nimis licet, non fas potentes posse, fieri quod nefas.* Le Prince donc doit estre le premier iuste & equitable, gardant bien & inuiolablement sa foy, fondement de iustice à tous & vn chacun quel qu'il soit. Puis il doit faire garder & maintenir la iustice aux autres: car c'est sa propre charge, & il est installé pour cela. Il doit entendre les causes & les parties, rendre & garder à chacun ce qui luy appartient equitablement selon les loix, sans longueur, chicanerie, inuolution de procez, chassant & abolissant ce vilain & pernicieux mestier de plaiderie, qui est vne foire ouuerte, vn legitime & honorable brigandage, *concessum latrocinium*, euitant la multiplicité de loix & ordonnances, tesmoignage de republique malade: *Corruptissima Respubl. plurima leges*, comme force medecines & emplastres, du corps mal disposé: afin que ce qui est estably par bonnes loix ne soit destruit par trop de loix. Mais il est à sçauoir, que la iustice, vertu, & probité du souuerain chemine vn peu autrement que celle des princez, elle a ses alleures plus larges & plus libres, à cause de la grande, pesante & dangereuse charge qu'il porte & conduit, dont il luy conuient marcher d'vn pas qui sembleroit aux autres detraqué & desreglé, mais qui luy est necessaire, loyal & legitime. Il luy faut quelquesfois esquiuier & gauchir, mester la prudence avec la iustice, &

Colum.
Tacit.

Plin. p.
Auer-
risme-
ment.

comme l'on dit condre à la peau de Lyon si elle ne suffit, la peau de renard. Ce qui n'est pas tousiours & en tout cas, mais avec ces trois conditions, que ce soit pour la necessité ou evidente & importante vtilité publique, (c'est à dire, de l'Estat & du Prince, qui sont choses coniointes) à laquelle il faut courir, c'est vne obligation naturelle & indispensable, c'est tousiours estre en deuoir que proeurer le bien public.

Pour le
bien du
public.

Salus populi suprema lex esto.

Que ce soit à la defenſiue & non à l'offenſiue, à se conseruer & non à s'agrandir : à se garantir & sauuer des tromperies, & finesses ou bien meschancetez & entreprises dommageables, & non à en faire. Il est permis de iouir à fin contre fin, & pres du renard le renard contrefaire. Le monde est plein d'artifices & de malices : par fraudes & tromperies ordinairement les estats sont subuertis, dit Aristote. Pourquoy ne sera-il loisible, mais pourquoy ne sera-il requis d'empescher & destourner tels maux, & sauuer le public par les mesmes moyens, que l'on ne veut miner & ruiner? vouloir tousiours & avec telles gens suiure la simplicité & le droit fil de la vraye raison & equité, ce seroit souuent trahir l'Estat & le perdre. Il faut aussi que ce soit avec mesure & discretion, afin que l'on n'en abuse pas, & que les meschans ne prennent d'ici occasion de faire passer & valoir leurs meschancetez : Car il n'est iamais permis de laisser la vertu & l'honneste pour suiure les vice & le deshonneste. Il n'y a point de composition ou compensation entre ces deux extremitez. Parquoy arriere toute iniustice, perfidie, trahison & desloyauté, maudite la doctrine

À la deſ
fenſiue
& conser-
uation.

Discre-
tement
sans vi-
ce &
meschā-
ceté.

de ceux qui enseignent (comme a esté dit) toutes choses bônes & permises aux souuerains: mais biẽ est-il quelquesfois requis de messer l'vtilẽ avec l'honneste, & entrer en cõposition & compensation des deux. Il ne faut iamais tourner le dos à l'honneste, mais bien quelquesfois aller à l'entour & le costoyer, y employant l'artifice & la ruse: car il y en a de bonne, honneste & loüable, dit le grãd S. Basile, *καλὸν ἔστι παυερτὺς παύρητος*, & faisant pour le salut public cõme les meres & medecins, qui amusent & trõpent les petits enfãs, & les malades pour leur santé. Bref, faisant à couuert, ce que l'on ne peut ouuertement, ioindre la prudence à la vaillance, apporter l'artifice & l'esprit, où la nature & la main ne suffit: estre, cõme dit Pindare, Lyon au corps, & renard au conseil; colombe & serpent comme dit la verité diuine.

6.
Deffia-
cere-
quiseau
Prince.

Et pour traicter cecy plus distinctemẽt est requise au souuerain la deffiance, & se tenir couuert, sãs toutes fois s'esloigner de la vertu & l'equitẽ. La deffiance, qui est la premiere est du tout necessaire, comme sa cõtraire la credulitẽ & lasche fiance est vicieuse, & tres-dangereuse au souuerain. Il veille & doit respondre pour tous, ses fautes ne sont pas legeres; parquoy il y doit biẽ aduiser. S'il se fie beaucoup, il se descouure & s'expose à la hõnte & à beaucoup de dangers, *opportunus fit iniuria*, voire il cõuie les perfides, & les trõpeurs pourroiẽt avec peu de danger & beaucoup & de recompense, cõmettre de grandes meschancetez, *aditũ nocendi per-*
spicuar: fido prastat fides. Il faut donc qu'il se couure de ce bouclier de deffiance, que les Sages ont estimẽ vne grande partie de prudence, & les nerfs de sagesse

Senec.
Epichar.
Euripid
Cicero.

c'est à dire veiller, ne rien croire, de tout se garder : & à cela l'induit le naturel du monde tout confit en menteries, feint, fardé & dangereux, nommément près de luy, en la Cour & maisons des grands. Il faut donc qu'il se fie à fort peu de gens, & iceux cognus de longue main, & essayez souuēt, & encor ne faut-il qu'il leur lasche & abandonne tellement toute la corde, qu'il ne la tiennetousiours par vn bout, & en'y aye l'œil. Mais faut qu'il couure & disguise sa desfiāce, voire qu'en se desfiant il fasse mine & visage de se fier fort. Car la desfiance ouuerte iniurie, & conuie aussi bien à trōperie, que la trop lasche fiance, & plusieurs mōstrans crainte d'estre trompez ont enseigné à l'estre. *Multi fallere docuerunt, dum timens falli*, comme au contraire la fiance declarée à fait perdre l'enuie de tromper, a obligé à loyauté, & engendré fidelité: *vult quisque sibi credi, & habita fides ipsam plerumque obligat fidem.* Senec.

De la desfiance vient la dissimulation son engeance : Car si celle-là n'estoit, & qu'il y eust par tout fiance & fidelité, la dissimulation qui ouure le front, & couure la pensée n'auroit lieu. Or la dissimulation, qui est vicieuse aux particuliers, est tres-necessaire aux Princes, lesquels ne scauroient autrement regner ne bien commander. Et faut qu'ils se feignent souuent, non seulement en guerre aux estrāgers & ennemis, mais encor en paix, & à leurs subiets, combien que plus chichemēt. Les simples & ouuerts, & qui portent, comme on dit, le cœur au front ne sont aucunement propres à ce mestier de commander : & trahissent souuent & eux, & leur Estat : mais il faut qu'ils ioient ce roolle dextrement, & bien à poinēt, sans excez & ineptie,

6.
Et diffi-
mulatiō

A quel propos vous cachez & couurez vous, si l'on vous void au trauers; finesſes & mines ne ſont plus finesſes ny mines, quand elles ſont cognües eſuentées. Il faut donc que le Prince, pour couvrir ſon Art, qu'il faiſſe profeſſion d'aimer la ſimplicité, qu'il careſſe les francs, libres & ouuerts, comme ennemis de diſſimulation, qu'aux petites choſes il procede tout ouuertement, afin que l'on le tienne pour tel.

8.
Practi-
bues.

Tout cecy eſt plus en omiſſion à ſe retenir, & non agir, mais il luy eſt quelques fois requis de paſſer outre, & venir à l'action, icelle eſt double. L'une eſt à faire & à dreſſer pratiques & intelligences ſecrettes, attirer finement les cœurs & les ſerui-ces des officiers, ſeruiteurs & confidens des autres Princes & Seigneurs eſtrangers, ou des ſubjets. C'eſt vne ruſe qui eſt fort en vogue & toute commune entre les Princes, & vn grand traitt de prudence, dit Ciceron. Cecy ſe fait aucunement par perſuaſion, mais principalement par preſens & pēſions, moyens ſi puiffans, que non ſeulement les Secretaires, les premiers du Conſeil, les amis, les mignons ſont induits par là à donner aduis & détourner les deſſeins de leur maiſtre, les grands Capitaines à preſter leurs mains en la guerre, mais encore les eſpouſes ſont gagnées à deſcouvrir les ſecrets de leurs maris. Or ceſte ruſe eſt alloüée & approuuée de pluſieurs ſans difficulté & ſans ſcrupule. A la verité, ſi c'eſt contre ſon ennemy, contre ſon ſujet qu'on tient pour ſuſpect, & encor contre tout eſtranger, avec lequel on n'a point d'alliance, ny de conuentiō de fidelité & amitié, il n'y a point de doute: mais contre ſes alliez, amis & cōfederez, il ne

il ne peut estre bon, & est vne espee de perfidie, qui n'est iamais permise.

L'autre est gagner quelque aduantage, & par-
 uenir à son dessein par moyens conuerts, par equi-
 uoques & subtilitez, affiner par belles paroles, &
 promesses, lettres, ambassades, faisant & obtenant
 par subtils moyens ce que la difficulté du temps &
 des affaires empesche de faire autrement: & à cou-
 uert ce que l'on ne peut à descouuert. Plusieurs
 grands & sages disent cela estre permis & loisible, *Plato:*
crebromendacia & fraude vti imperantes debent ad *Plin.*
commodum subditorum. Decipere pro moribus tempo- *Val.*
rum, prudentia est. Il est bien hardy de tout simple- *Maxim;*
 ment dire, qu'il est permis. Mais bien pourroit-on
 dire, qu'en cas de necessité grande, temps trouble
 & confus, & que ce soit non seulement pour pro-
 mouoir le bien, mais pour destourner vn grand
 mal del'estat, & contre les meschans, ce n'est pas
 grande fraude, si c'est faute.

Mais il y a bien plus grande doute & difficulté
 en d'autres choses, pour ce qu'elles sentent & tien-
 nent beaucoup de l'iniustice: Ie dy beaucoup &
 non du tout: car avec leur iniustice, il se trouue
 quelque gain meslé de iustice. Ce qui est du tout
 & manifestement iniuste, est repprouué de tous,
 mesmes des meschans, pour le moins de parole &
 de mine, sinon de fait. Mais de ces faits mal meslés,
 il y a tant de raisons & d'autorités de part & d'au-
 tre, que l'on ne sçait pas bien à quoy se resoudre.
 Ie les reduiray icy à certains chefs. Se despescher
 & faire mourir secrettement ou autrement sans
 forme de iustice certain qui trouble, & est perni-
 cieux à l'estat, & qui merite bien la mort, mais l'on

9.
Subtili-
té.

Plato:
Plin.
Val.
Maxim;

10.
Iniusti-
ce vtile
au pu-
blic,

ne peut sans trouble & sans danger l'entreprendre & le reprimer par voye ordinaire, en cela il n'y a que la forme violée. Et le Prince n'est-il pas sur les formes & plus.

Ronger les aisles & racourcir les grands moyens de quelqu'un, qui s'esleue & se fortifie trop en l'estat, & se rend redoutable au souverain, sans attendre qu'il soit inuincible, & en sa puissance, si la volonté luy aduenoit d'attenter quelque chose contre l'estat & la teste du souverain.

Prendre d'autorité & par force des plus riches en vne grande necessité & pauvreté del'estat.

Affoiblir & casser quelques droits & priuileges, dont iouyssent quelques sujets, au preindice & diminution de l'autorité du souverain.

Preoccuper & se saisir d'une place, ville, ou province fort commode à l'estat, plustost que la laisser prendre & occuper à vn autre puissant & redoutable, au grand dommage, subiection, & perpetuelle alarme dudit estat.

Toutes ces choses sont approuuées comme iustes & licites par plusieurs grands & sages, pourueu qu'elles succedent bien & heureusement, dequels voicy les mots & les sentences. Pour garder iustice aux choses grandes, il faut quelquefois s'en destourner aux choses petites; & pour faire droit en gros il est permis de faire tort en detail: qu'ordinairement les plus grands faits & exemples ont quelque iniustice, qui satisfait aux particuliers par le profit qui en reuiet à tout le public, *omne magnum exemplum habet aliquid ex iniquo, quod aduersus singulos utilitate publica rependitur.* Que le prudent & sage Prince non seulement doit scauoir commander

Plutar-
que.

Tacit.

Plutar.
in vita
Flamin.

les loix, mais encore aux loix mesmes, si la necessité le requiert: & faut faire vouloir aux loix, quand elles ne peuvent ce qu'elles veulent. Aux affaires confuses & deplorées le Prince doit suivre non ce qui est beau à dire, mais ce qui est nécessaire d'estre exécuté. La necessité, grand support & excuse à la fragilité humaine, enfreint toute loy, dont ce-luy-là n'est gueres meschant, qui fait mal par contrainte. *Necessitas magnū imbecillitatis humanae patrocinium, omnem legem frangit: non est nocens quicumque non sponte est nocens.* Si le Prince ne peut estre du tout bon, suffit qu'il le soit à demy, mais qu'il ne soit point du tout meschant: Qu'il ne se peut faire que les bons Princes ne commettēt quelque iniustice. A tout cela ie voudrois adiouster pour leur iustification ou diminution de leurs fautes, que se trouuans les Princes en telles extremitez, ils ne doiuent proceder à tels faits qu'à regret, & en soupirant, recognoissans que c'est vn malheur & vn coup disgratié du Ciel, & s'y porter comme le pere quand il faut cauterizer ou couper vn membre à son enfāt, pour luy sauuer la vie, ou s'arracher vne dent pour auoir du repos. Quant aux autres mots plus hardis, qui rapportent tout au profit, lequel ils égalant ou preferent à l'honneste, l'homme de bien les abhorre.

Curtius

Senec.

Aristot.
in politi-
cis.Demo-
crit.

Nous auons demeuré long-temps sur ce point de la vertu de iustice, à cause des doutes & difficultez qui prouiennent des accidents & necessitez des estats, & qui empeschent souuent les plus resolu & aduisez.

Après la iustice vient la vaillance. I'entēs la ver-
tu militaire, la prudence, le courage, & la suffisance. lance

III

Veil-

ce de bien guerroyer necessaire du tout au Prince, pour la defense & seureté de soy, de l'estat, de ses sujets, du repos & de la liberté publique, & sans laquelle à peine merite-il le nom de Prince.

12. Venons à la quatriesme vertu principesque, qui
 Clem.
 ce. est la clemēce, vertu qui fait encliner le Prince à la douceur, remettre & lascher de la rigueur de la iustice avec iugement & discretion. Elle modere & manie doucement toutes choses, deliure les coupables, releue les tombez, sauue ceux qui s'en vont perdre. Elle est au Prince ce qu'au commun est l'humanité: elle est contraire à la cruauté, & trop grande rigueur, non à la iustice de laquelle elle ne s'esloigne pas beaucoup, mais elle l'adoucit, la manie: elle est tres-necessaire à cause de l'infirmité humaine, de la frequence des fautes, facilité de faillir: vne grande & continuelle rigueur & seuerité, ruiner tout, rend les chastimens contemptibles. *Seueritas amittit assiduitate auctoritatem*: irrite la malice: par despit l'on se fait meschant, suscite les rebellions. Car la crainte qui retient en deuoir doit estre temperée, & douce: si elle est trop aspre & continuelle se change en rage & vengeance.
- Idem. *Temperatus timor est qui cohibet, assiduus & acer in vindictam excitat*. Elle est aussi tres-vtile au Prince & à l'estat, elle acquiert la bien-veillāce des sujets, & par ainsi assure & affermit l'estat, *firmissimum id imperium quo obedientes gaudent* (comme sera dict apres) aussi tres-honorable au souuerain: car les sujets l'honoreront & adoreront, comme vn Dieu leur tuteur, leur pere: & au lieu de la craindre, ils craindront tous pour luy, auront peur qu'il ne luy mesaduienne. Ce sera dōc la leçon du Prince, sça-
1. Liuius
 aucō-
 mence-
 ment du
 3. ch. de
 celiure.

voir tout ce qui se passe, ne reueler pas tout, voire
dissimuler souuēt, aymāt mieux estre estimé auoir
trouué de bons sujets, que les auoir rendus tels, ac-
cōmoder le pardon aux legeres fautes, la rigueur
aux grādes, ne chercher pastoufiours les supplices
(qui sont aussi honteux & infames au Prince, qu'au
Medecin plusieurs morts de maladies) se cōtenter
souuent de la repentance, comme suffisant chastiment.

Tacit. in
Agricol

----- *Ignoscere pulchrum*

Iam misero, pœnaque genus vidisse precantem.

Et ne faut point craindre ce qu'aucuns obiectent
tres-mal, qu'elle relasche, auilit & enerue l'autho-
rité du souuerain & de l'estat: car au rebours, elle
la fortifie à vn tres-grand credit & vigueur: Et le
Prince aimé fera plus par icelle, que par vne grāde
crainte, qui faict craindre & trembler, & non bien
obeyr: & comme disoit Saluste à Cesar, ces estats
menés par crainte ne sont point durables. Nul ne
peut estre craint de plusieurs, qu'il ne craigne aussi
plusieurs. La crainte qu'il veut verser sur tous, luy
retombe sur la teste. Vne telle vie est douteuse, en
laquelle, l'on n'est iamais couuert, ny par deuāt, ny
par derrière, ny à costé: mais tousiours en bransle,
en danger, & en crainte. Il est vray, comme a esté
dit au commencement, qu'elle doit estre avec iu-
gement, car comme temperée & bien cōduite est
tres-venerable; aussi trop lasche & molle est tres-
pernicieuse.

Salust.
ad Cesar

Après ces quatre principales & royales vertus,
il y en a d'autres, bien que moins illustres & neces-
saires, toutesfois en second lieu bien vtils & re-
quises au souuerain, sçauoir la liberté tant con-

19.
Après
lesquel-
les sont
requi-
ses.

aussi Li-
berali-
té.

Double
libera-
lité.

uenable au Prince, qu'il luy est moins melleât d'estre vaincu par armes, que par magnificence. Mais en cecy est requise vnetres-grande discrecion, autrement elle seroit plus nuisible qu'vtile.

Il y a double liberalité, l'vne est en despense & en montre : ceste-cy ne sert à gueres. C'est chose mal à propos aux souuerains vouloir se faire valloir, paroistre par grandes & excessiues despenses, mesmement parmy leurs subiets, où ils peuuent tout. C'est tesmognage de pusillanimité & de ne sentir pas assez ce que l'on est, outre qu'il semble aux sujets spectateurs de cestriomphes, qu'on leur fait montre de leurs despoüilles, qu'on les festoye à leurs despens, qu'on repaist leurs yeux de ce qui deuoit paistre leur ventre. Et puis le Prince doit penser qu'il n'a rien proprement sien : il se doit soy-mesme à autruy. L'autre liberalité est en dons faits à autruy : ceste-cy est beaucoup plus vtile & louïable : mais si doit elle estre bien réglée, & faut aduiser à qui, combien, & comment, l'on donne. Il faut donner à ceux qui le meritent, qui ont faict service au public, qui ont couru fortune & tra-uaille en guerre. Personne ne leur enuira, s'il n'est bien meschant. Au contraire, grande largesse employée sans respect & merite fait honte, & apporte enuie à qui la reçoit, & se reçoit sans grace, reconnaissance. Destyrās ont esté sacrifiez à la haine du peuple par ceux mesmes qu'ils auoient auancez, se raillans par là avec le cōmun, & ailleu-rans leurs biens en montrant auoir à mespris & à haine celuy, duquel ils les auoient receus. Et avec mesures autrement la liberalité viendra en ruine de l'estat & du souuerain, si elle n'est réglée : & que

l'on donne à tous, & à tous propos, c'est iouer à tout perdre. Car les particuliers ne seront iamais fous, & se rendront excessifs en demandes, selon que le Prince le fera en dons, & se railleront non à la raison, mais à l'exemple: le public defaudara & sera l'on contrainct de mettre les mains sur les biens d'autrui, & remplacer par iniquité ce que l'ambition & prodigalité aura dissipé, *quod ambitione exhaustam per scelera supplendum*. Or il vaut beaucoup mieux ne donner rien du tout, que d'oter pour donner: car lon ne sera iamais si auant en la bonne volonté de ceux qu'on aura vestus, qu'en la maluëillance de ceux qu'on aura despoüillez: & à sa ruine propre, car la fontaine se tarit si lon y puise trop. *Liberalitate liberalitas perit*. Il faut aussi faire filer tout doucement la liberalité, & non donner tout à coup. Car ce qui se fait si viste-ment tant grand soit-il, est quasi insensible, & s'oublie bien-tost. Les choses plaisantes se doiuent exercer à l'aise & tout doucement, pour auoir loisir de les goustier: les rudes & cruelles (s'il en faut faire) au rebours se doiuent viste-ment aualler. Il y a donc de l'art & de la prudence à bien donner & exercer cette liberalité. *Falluntur quibus luxuria specie liberalitatis imponit: perdere multi sciunt, donare nesciunt*. Et pour en dire la verité, la liberalité n'est pas proprement des vertus royales: elle se porte bien avec la tyrannie mesme. Et les gouuerneurs de la ieunesse des Princes ont tort d'imprimer si fort à leur esprit & volonté cette vertu de largesse, de ne rien refuser, & ne penser rien bien employé que ce qu'ils donnent (c'est leur iargon) mais ils le font à leur profit, ou n'aduient pas à qui

Hieron.

Tacit.

ils parlent. Car il est trop dangereux d'imprimer la liberalité en celuy qui a dequoy fournir autant qu'il veut aux despens d'autrui. Vn Prince prodigue ou liberal sans discretion & sans mesure est encores pire que l'autre: & l'immoderée largesse rebutte plus de gens, qu'elle n'en pratique. Mais si elle est bien réglée, comme dit est, elle est tres-bien seante au Prince, & tres-vtile à luy & à l'estat.

14.
Magna-
nimité
& mo-
deratiō
de cho-
lere.
Senec.
Tacit.

La magnanimité & grandeur de courage à mes-
priser les iniures & mauuais propos, & moderer sa
cholere: iamaïs ne se despiter pour les outrages &
indiscretions d'autrui. *magnam fortunam magnus ani-
mas decet: iniurias & offensiones superne despiciere, in-
dignus Caesaris ira.* S'en facher c'est s'en confesser
coupable: n'en tenant compte cela s'esuanoïit,
conuicia si irascere, agnita videtur spreta exolescunt.

Tacit.

Ques'il y a lieu, & se faut courroucer, que ce soit
tout ouuertemēt, & sans dissimuler, sans dōner oc-
casion de soupçonner qu'on couure vn maltalent:
ce qui est à faire à gens de neāt, de mauuais naturel
& incurables: *obscuri & irrevocabile reponū odia: Sa-
ua cogitationis indicin secreto suo satiari.* Il est moins
mesleant à vn grand d'offenser que de hayr: les au-
tres vertus sont moins royales & plus communes.

15.
Chef de
cette
proui-
sion.
Mœurs
du sou-
uerain.

Après la vertu viennent les mœurs; façon &
contenances qui seruent & appartiennent à la Ma-
jesté tres-requise au Prince. Ie ne m'arreste point
icy; seulement comme en passant ie dy que la na-
ture fait beaucoup à cecy: mais aussi l'art & l'estu-
de. A cecy appartient la bonne & belle compo-
sition de son vilage, son port, son pas, son parler, ses
habillemens. La reigle generale en tous ces points
est vne douce, moderée, & venerable grauité, che-

minant entre la crainte & l'amour, digne de tout honneur & reuerence. Il y a aussi sa demeure & sa hantise: sa demeure soit en lieu magnifique & fort apparent, & tant près que se pourra du milieu de tout l'Estat, afin d'auoir l'œil sur tout comme vn soleil qui tousiours du milieu du Ciel esclaire par tout: car se tenant en vn bout il donne occasion au plus loin de plus hardiment se remuer, comme se tenant sur vn bout d'vne grande peau, le reste se leue. Sa hantise soit rare, en beaucoup se monstrier & se communiquer, rauale la Maiesté, *Concinuus aspectus minus verendos magnos homines ipsa satietate facit. Maiestas maior ex longinqua reuerentia, quia omne ignotum pro magnifico est.* Liuius. Tacit.

Après cestrois choses, cognoissance de l'estat, vertu, & mœurs, qui sont en la personne du Prince, viennent les choses qui sont après & au tour de luy. Sçauoir en 4. lieu, Conseil, le grand & principal point de cette doctrine politique, & si important que c'est quasi tout: c'est l'ame de l'estat, & l'esprit, qui donne vie, mouuement, & action à toutes les autres parties: & à cause d'icelle il est dit, que le maniment des affaires consiste en prudence. Or il seroit à desirer, que le Prince eust de soy-mesme assez de conseil & de prudence, pour gouverner & pouruoir à tout: c'est le premier & plus haut degré de sagesse, comme a esté dit: en tels cas les affaires iroient beaucoup mieux, mais c'est chose qui ne se voit pas; soit à faute de bon naturel, ou de bonne institution, & il est quasi impossible qu'vne seule teste puisse fournir à tant de choses, *Neque princeps sua scientia cuncta complecti, nec vnus mens tant a molis est capax.* 16. Chef de ceste prouision conseil. Tacit.

& n'oit que bien peu. Or les Rois ont besoin de beaucoup d'yeux & de beaucoup d'oreilles. Les grands fardeaux, & les grands affaires ont besoin de grandes aides. Parguoy il luy est requis de se pourvoir & garnir de bon conseil & de gens, qui le luy scachent donner: & celuy quel qu'il soit, qui veut tout faire de soy, est tenu pour superbe plustost que pour sage. Le Prince a donc besoin d'amis

Tit. liu.

Tacit.

Plin.

Xenop.

Platon.

Aristot.

r 17.

Dilcre-

tion de

bons

conseil-

lers. Fi-

delité,

Plin.

Suffisan-

ce.

Myrid.

in Sallu

Curtius

fideles & seruiteurs qui soient les aides, *quos assumat in partem curarum*. Ce sont les vrais thresors, les instrumens, tres-viles de l'estat. A quoy sur tout il doit travailler de les choisir, & les auoir bons, & y employer tout son iugement. Il y en a de deux sortes, les vns luy aydent de leur esprit, conseil & langue; & sont dits Conseillers: les autres le seruent de leurs mains & leurs faits, & peuuent estre dits Officiers. Les premiers sont beaucoup plus honorables: Car ce disent les deux plus grands Philosophes, c'est vne chose sacrée & diuine, que bien deliberer & donner bon conseil.

Or les Conseillers doiuent estre premierement fideles, c'est à dire, en vn mot gens de bien, *optimum quemque fidelissimum puto*. Secondemēt, suffisans en ceste part, c'est à dire, cognoissāz biē l'estat, diuersemēt experimentez & essayez (car les difficultez & afflictions sont de belles leçons, & instructions, *Mihi fortuna multis rebus ereptis usum dedit bene suadendi*) & en vn mot sages & prudents, moyennemēt vifs, & non point trop poinētus: car ceux-cy sont trop remuans, *non audis, quam gerendis rebus aptiora ingenia illa ignea*. Et pour estre tels, faut qu'ils soient agez & mœurs, outre que les ieunes gens pour la tendreur & mollesse de leur aage, sont aisément

trompez facilement croient & reçoivent impressiō.
 Il est bon qu'autour des Princes il y en aye des sages & des fins : mais beaucoup plus les sages qui sont requis pour l'honneur, & pour tousiours : les fins pour la necessité quelquesfois. Tiercement, qu'en proposant & donnant bons & salutaires cōseils ils s'y portent librement & courageusement sans flatterie ou ambiguité & desguisement, n'accōmodans point leur langage à la fortune presēte du Prince: *Ne cum fortuna potius principis loquantur quàm cum ipso.* Mais sans espargner la verité, ils disent ce qu'il cōuient. Car combien que la liberté, rondeur, & fidelité heurte & offence pour l'heure, ceux auxquels elle s'oppose : apres elle est reuerēce & estimée: *In presentia quibus resistis, offendis, deinde illis suspiciuntur laudaturque.* Et constamment sans ployer, varier, & chāger à tous propos pour plaice & suiure l'humeur, le plaisir, & la passion d'autrui, mais sās opiniastreté & esprit de contradictiō, qui trouble & empesche toute bōne deliberatiō, voire quelquefois faut tourner son opinion, ce qui n'est incōstāce, mais prudence. Car le sage ne marche pas tousiours d'un mesme pas, encotes qu'il suyue mesme chemin, il ne change point, ils l'accōmodent *non semper in uno gradu sed una Via: non semel at sed aptat.* Comme le bon marinier fait des voiles selon le temps & le vent, il conuiēt souuēt tourner & obliquement arriuer où l'on ne peut à droit fil: c'est habilité. Religieux à tenir secretes les deliberatiōs, chose extremēt necessaire aux manimēt des affaires, *res magna sustineri nequeunt ab eo cui tacere graue est.* Et ne suffit d'estre secret, mais ne faut fureter ny trocheter les secrets du Prince : c'est

Liberté

Tacté

 4.
 Constā.
 ce sans
 opinia-
 streté
 Sallust.
 ad Cels

 6.
 Sillice.
 Cur-
 tius.

Tacit. chose mauuaise & dangereuse ; *exquirere abditos principis sensus illicitū & anceps*, voire ie diray qu'il faut euitier de les sçauoir. Voylà les principales

Les vi- ces qu'ils doiuent fuir, cōfiance presomptueuse. bōnes conditions & qualitez des Conseillers; cōme les mauuaises, dont ils se doiuent bien garder, sont confiance presomptueuse, qui faict deliberer & opiner audacieusement; car le Sage en deliberāt pense & repense, redoutant tout ce que peut aduenir, pour puis estre hardy à executer. *Nam animus, veteri qui scit, scit tui d'aggredi.* Au contraire le fol est hardy & chaud à deliberer: & quand il faut ioin- dre, le nez luy seigne, *Consilia calida & audacia prema*

Ti. Li- ulus. Passion. *specie lata sunt, tracta dura, euentū tristitia.* Puis toute passion de cholere, enuie, despit, hayne, auarice, cupidité, & toute affection particuliere, la poison mortelle du ingemēt & tout bon sentimēt, *pruata res semper officere officientque publicis consilijs, pessimum veri affectus & iudicij venenum sua cuique veni- litas.* Et precipitation ennemie de tout bon cōseil, & seulement propre à mal faire. Voilà comme doiuent estre les bons Conseillers.

18. Deuoir du Prin- ce à choisir bons conseil- liers. Or le Prince les doit choisir tels, ou par sa propre science & iugement, ou s'il ne le peut, par la reputation, laquelle ne trompe gueres; dont disoit vn d'entre eux à son Prince, tenez-nous pour tels que nous sōmes estimez. *Nam singuli decipere & decipi possunt, nemo omnes; nominē omnes se fellerrunt.* Et se bien garder des mignons, courtisans, flatteurs, esclauies, qui font honte à leur maistre, & le trahissent. N'y a rien plus pernicieux que le conseil du cabinet. Et les ayant choisis & trouuez, il s'en doit seruir prudemment, en prenant conseil d'eux à tēps & heure, sans attendre au point de l'execution &

perdre le temps en les escoutant: & avec iugemēt, sans se laisser aller laschement à leur aduis, cōme ce sot d'Empereur Claude, & avec douceur aussi sans roidir trop, estāt plus raisonnable, comme disoit le sage Marc Antonin, de suivre le cōseil d'un bon nombre de ses amis, qu'eux soient cōtraincts de fleschir sous sa volonté. Et s'en seruāt avec vne autorité indifferente sans les payer par presens pour leurs bons conseils, afin de n'attirer les mauuais sous espoir de recōpense, ny aussi les rudoyer pour leurs mauuais conseils. Car il ne setroueroit plus qui voulut donner conseil; s'il y auoit danger à donner. Et puis souuent les mauuais reüssissent bien & mieux que les bons, ainsi disposant la souveraine pouruoyance. Et ceux qui donnent les bōs conseils, c'est à dire heureux & asseurez, ne sont pas pour cela tousiours les meilleurs & plus fideles seruiteurs, ny pour leur liberté à parler, laquelle il doit plustost aggreer, & regarder obscurément les craintifs & flatteurs: car miserable est le Prince, chez qui l'on cache ou l'on desguise la verité, *chius aures ita formatæ sunt, vt aspera quæ utilia, & nil nisi iucundum & læsurum accipiant*, & enfin celer son aduis & sa resolution, estāt le secret l'ame du conseil, *nulla meliora consilia, quàm quæ ignorauerit aduersarius, antequam fierent.*

Curtius

Tacit.

Veget.

Quant aux officiers, qui viennent apres, & qui seruent le Prince & l'estat en quelque charge, il les faut choisir gens de bien, de bonne & honneste famille. Il est a croire, qu'ils n'en feront que meilleurs: & n'est beau que des gens de peu s'approchent du Prince, & commandent aux autres, sauf qu'une grande & insigne vertu les releue, &

19.
Des of-
ficiers,

supplée le défaut de noblesse : mais nos gens infame, doubles, dangereux, & de quelque odieuse condition. Aussi doivent-ils estre gens d'entendement, & employez selon leur naturel. Car les vns sont propres aux affaires de la guerre, les autres aux affaires de la paix. Aucuns sont d'aduis de les choisir d'une douce & mediocre vertu, car ces outrez & invincibles, qui se tiennēt tousiours sur la pointe, & ne veulent rien quitter, ne sont communement propres aux affaires, *ut pares negotiis, neque supra sint recti, non erecti.*

20.
1. Chef
de ceste
prou-
ision.
Finan-
ces.

Après le conseil nous mettons les finances grād & puissant moyen: ce sont les nerfs, les pieds, les mains de l'estat. Il n'y a glaive si tranchāt & penetrant que celui d'argent, ny maistre si imperieux, ny orateur si gaignant les cœurs & volentez, ny conquerant, tant preneur de places, comme les richesses, parquoy le sage Prince doit pourvoir, que les finances ne faillent ny ne tarissent iamais.

Science
finan-
cière en
trois
points.

Ceste science cōsiste en trois points, fonder les finances, les bien employer, & auoir tousiours en reserve & espargne vne bonne partie pour le besoin. En tous les trois le Prince doit euitier deux choses, l'iniustice & la sordidité, en conseruant le droit enuerstous, & l'honneur pour soy.

21.
1. Fon-
der les
finances.
1.

Pour le premier, qui est faite fonds & accroistre les finances, il y a plusieurs moyens: & les sources sont diuerses, qui ne sont pastoutes perpetuelles ny également a fleurées. Sçauoir le domaine & reuenu public de l'estat, qu'il faut mesnager & faire valoir, sans iamais l'aliener en aucune façon, comme aussi est il de sa nature sacré & inalienable. Les conquestes faictes sur les ennemis, qu'il faut ap-

profiter & non prodiguer ny dissiper , comme le pratiquoient bien les anciens Romains, rapportās à l'espargne de tres-grandes sōmes & threlors des villes & pays vaincus, comme Tite-Liue raconte de Camillus, Flaminius, Paul Æmile, des Scipiōs, Luculle, Cesar; & puistirant des pays conqueitez, soit des naturels y laissez , ou des colonies y enuoyées, certain reuenue annuel. Les presens, dons
3.
4.
gratuits, pensions, octrois, tributs des amis alliez & subiects par testamens, donations entre vifs, ou autrement; les entrées, sorties & passages de marchandises aux havres, ports & portes, tant sur les estrangers, que sur les subiets, moyen ancien; general, iuste & legitime, & tres-vtile avec ces cōditions; ne permettre la traite des choses necessaires à la vie, que les subiets n'en soient pourueuz, ny des matieres creuēs; afin que le subiet les mettē en œuvre, & gaigne le profit de la main: mais biē permettre la traite des œuvres; & au cōtraire permettre l'apport des cruēs & non des ouurées : & en toutes choses charger beaucoup plus l'estranger que le suiet. Car l'impositiō foraine grāde accroît les finances, & soulage le suiet : moderer toutefois les impôts sur les choses necessaires à la vie que l'on apporte. Ces quatre moyens sont non seulement permis, mais iustes, legitimes, & hōnestes. Le cinquieme, qui n'est gueres hōneste, est le trafic, que le souuerain fait par ses facteurs : & s'exerce, en diuerſes manieres plus ou moins laide, mais le plus vilain & pernicieux est des-hōneurs, estats, offices, benefices. Il y a biē vn moyē qui approche du trafic: & pource peut-il estre mis en ce rāg, qui n'est pas fort des-hōneste, & a esté pratiqué par de

Antonin.
Pius
Seuerus
August,

tres-grands & sages Princes, qui est de mettre les deniers de l'espargne & de reserve, à quelque petit profit, comme à cinq pour cent, & les bien asséurer sous bons gages, ou caution suffisante & solvable. Cela sert à trois choses: à accroistre & faire profiter les finances, à donner moyens aux particuliers de traffiquer & gagner, & qui est bien le meilleur, à sauuer les deniers publics des griffes des larrons de court, importunes demandes, & flatteries des mignons, & facilité trop grande du Prince. Et pour cette seule raison aucuns Princes ont presté l'argent public sans aucun profit ny interest, mais seulement à peine du double à faute de payer au iour. Le sixiesme & dernier est aux emprunts & subsides des subiets, auquel il ne faut venir qu'à regret & lors que les autres moyens de faillent, & que la nécessité presse l'estat. Car en ce cas il est iuste, selon la reigle; Que tout est iuste, qui est nécessaire: mais il est requis que ces conditions y soient, apres cette premiere de la nécessité.

1.

1. Leuer par emprunt (aussi se trouuera-il plustost argent à cause de l'esperance de recouurer le sien

Desim. posts & subsides & quel'on ny perdra rien, outre la grace d'auoir secouru le public) & puis rendre la nécessité passée & la guerre finie, comme firent les Romains mis à l'extremité par Annibal.

2.

2. Que si le public est si pauvre; qu'il ne puisse rendre, & qu'il faille proceder par imposition, il faut que ce soit avec le consentement des sujets, leur representant & faisant comprendre la pauvreté & nécessité: & preschant le mot du bon Roy des Rois, *Dominus his opus habet.* Iusques à leur faire voir, si besoin est la recepte & la despense. La persuasion y peut estre employée

sans

sans venir à la contrainte, comme disoit Themistocles, *Impetrare melius quàm imperare*. Il est vray que les prieres des Souuerains sont cōmandemens, *Satis imperat qui rogat potentia, armat & sunt preces regum*: mais que ce soit par forme d'octroy, & don gratuit, au moins que ce soient deniers extraordinaires pour certain temps prefix, & non ordinaires, & ne prescrire iamais ce droit sur les subiets, si ce n'est de leur consentement.

3. Et quelles impositions se leuent sur les biens & non sur les testes (estant la capitulation odieuse à tous gens de bien) soient reelles, & non personnelles (estant iniuste que les riches, les grands, les nobles, ne payent point, & que les pauvres gens du plat pays payent tout.) Et esgalemēt sur tous. L'inegalité afflige fort, & à ces fins le respandre sur les choses dont tout le monde a besoin, cōme sel, vin, afin que tous trempent & contribuēt à la necessité publique. Bien peut & doit-on mettre imposts ordinaires & gros sur les marchandises & autres choses vicieuses, & qui ne seruent qu'à corrompre les subjets, comme tout ce qui fait au luxe, à la desbauche, curiosité, superfluité en viures, en habillemens, voluptez, mœurs, & maniere de viure licentieuse, sans autrement defendre ces choses. Car la defence éguise l'appetit.

Le second poinct de ceste science, est de bien employer les finances. Voicy par ordre les articles de ceste emploitto & despenſe: entretenement de la maison du Prince, payement de la gendarmerie: gages des officiers, loyers iustes de ceux qui ont bien merité du public, pensions, & secours charitables aux personnes recommandables. Ces cinq

3.
L. 1. de
caduc.
tollend.
C.

2. Em-
ployer
les fi-
nances;

sont necessaires: apres lesquelles viennent ceux-cy tres-vtiles, reparer les villes, fortifier & munir les frontieres, refaire & racoustrer les chemins, ponts & passages, establir les colleges d'honneur, de vertu & de sçauoir, edifier maisons publiques. De ces cinq sortes de reparations, fortifications, & fondations en viennent de tres-grands profits, outre le bien public, les arts & artisans sont entretenus: l'enuie & despit du peuple à cause de la leuée des deniers cesse, quand il les void bien employez: & deux pestes des republiques sont chassées, sçauoir l'oy sueté & la pauvreté. Au contraire, les grandes liberalitez & donations démesurées enuers quelques particuliers mignons, les grands bastimens superbes & non necessaires, les despenses superflües, & vaines sont odieuses aux subiects, qui murmurent qu'on en despoüille mille pour en vestir vn: que l'on piasse de leur substance, l'on bastisse de leur sang & leur suent.

23.
3 Faire
reserue
& espar-
gne.

Le troisieme poinct est en la reserue, qu'on doit faire pour la necessité, afin que l'on ne soit contrainct au besoin de recourir aux moyens & remedes prompts, iniustes & violens: c'est ce que l'on appelle l'espargne. Or comme d'assembler de fort grands thresors, & faire si grand amas d'or & d'argent, encores que ce soit par moyens iustes & honnestes, ce n'est pas tousiours le meilleur. C'est vne occasion de guerre actiue ou passiue: car où il fait venir l'enuie de la faire mal à propos, se voyant abondance de moyens: ou c'est vne amorce à l'ennemy de venir. Et seroit plus honorable de les employer comme a esté dit. Aussi despendre tout & n'auoir rien en reserue est encores bien pire, c'est

Isaie 30

ioüier à tout perdre. Les Sages Souuerains s'en gardent bien. Les plus grands trefors, qui ont anciennement esté, sont celuy de Darius, dernier Roy des Perles ; chez lequel Alexandre trouua quatre-vingts milliōs d'or. Celuy de Tybere, 67. milliōs, Trajan 55. milliōs gardez en Egypte. Mais celuy de David passe de beaucoup tous ceux là (chose incroyable en vn si petit & si chetif Estat) qui estoit de six-vingts millions. ^{1. Parap. lip.}

Or pour garder que ces grands thresors ne se despendent point, ou ne soient violez ou desrobbez, les anciens les faisoient fondre, & reduire en grandes masses & boules, comme les Perles & Romains, ou les mettoient dedans les temples des Dieux, comme lieu de toute seureté, comme les Grecs au temple d'Appollon, qui toutesfois a esté souuent pillé & volé : les Romains au temple de Saturne. Mais le meilleur & plus asseuré, & le plus vtile est, comme a esté dit, le prester avec quelque petit profit aux particuliers sous bons gages, ou caution suffisante. Aussi faudroit-il pour garder les fināces des larrons, non pas vendre à gens de basse & mechanique condition, mais donner à Gentils-hommes & gens d'honneur le maniment des fināces, & les offices fināciers, comme les anciens Romains, qui en estrenoient les ieunes hommes des plus nobles & grandes maisons, & qui aspiroient aux plus grands honneurs & charges de la Republique.

Après le Conseil & les Finances, ie pense bien mettre les armes, qui ne peuvent subsister, ny estre bien & heureusement leuées & conduites sans ces deux. Or la forte armée est bien necessaire au ²⁴¹ 6. Chef de cette prou. lion.

Force
armée.

Princes, pour garder sa personne & son Estat : car c'est abus de penser gouverner vn Estat long tēps sans armes. Il n'y a iamais de seureté entre les foibles & les forts : & y a tousiours gens qui se remuent dedans ou dehors l'Estat. Or cette force est ou ordinaire en tout temps , ou extraordinaire en temps de guerre. L'ordinaire est aux personnes & aux places. Les personnes sont de deux sortes : Il y a les gardes du corps , & de la personne du Souuerain, qui seruent, non seulement à la seureté & conseruation , mais aussi pour son honneur & ornement. Car le beau & bon dire d'Agefilaus n'est pas perpetuellement vray , & auroit trop de danger de l'essayer, & s'y fier, que le Prince viura bien assure sans gardes, s'il commande à ses sujets comme vn bon pere à ses enfans; car la malice humaine ne s'arreste pas en si beau chemin. Et les compagnies certaines entretenues , & tousiours prestes pour les prompts necessitez & soudaines occurrences, qui peuuent suruenir. Car attendre au besoin à leuer gens, c'est grāde imprudēce. Quant aux places, ce sont les forteresses & citadelles aux frontieres, au lieu desquelles aucuns & les anciens approuent plus les colonies & nouvelles peuplades. L'extraordinaire est aux armes, qu'il luy conuient leuer, & dresser en temps de guerre, comme il s'y doit gouverner, c'est à dire, entreprendre & faire la guerre : c'est pour la seconde partie, qui est de l'action: cette premiere est de la prouision. Seulement, ie dis icy, que le Prince sage doit, outre les gardes de son corps , auoir certaines gens tous prests & experimentez aux armes, en nombre plus grād, ou plus petit, selon l'e-

Au
chap.
suivant.

stenduë de son Estat, pour reprimer vne soudaine rebellion ou esmotion, qui pourroit aduenir dedàs ou dehors son Estat, reseruant à faire plus grande leuëe lors qu'il faudra faire la guerre à bon esciët, & de propos deliberé, offensiue ou defensiue, & cependant tenir les arsenals & magasins bien garnis & pourueus de toutes sortes d'armes offensiues & defensiues, pour equipper gens de pied & de cheual: plus des munitiõs de guerre, d'engins, d'outils. Vn tel appareil, non seulement est necessaire pour faire la guerre, car ces choses ne se trouuent ny ne s'apprestēt en peu de temps, mais encores il empesche la guerre. Car l'on n'est pas si hardy d'attaquer vn Estat, que l'on sçait bien prest & bien garny. Il se faut apprestē à la guerre pour ne l'auoir point, *quæ cupit pacem, parat bellum.*

Après toutes ces prouisions necessaires & essentielles, nous mettons finalement les alliances, qui n'est pas vn petit appuy & soustiē de l'Estat. Mais il faut de la prudēce à les choisir & bien bastir, re- garder avec qu'il l'on s'allie, & cōment. Il faut s'al- lier avec des puissans & voisins: car s'ils sont foibles & éloignez, dequoy pourront-ils aider, si ce n'est que tel soit assailly, de la ruyne duquel doine venir la nostre? Car lors il doit le secourir, & se joindre à luy, quel qu'il soit: & s'il y a du danger à qui le faire ouuertement, que ce soit par alliance secrette, car c'est vn tour de maistre de traiter alliance avec l'vne au veu & sceu de tous, & avec l'autre par pratique secrette, mais que ce soit sans perfidie & meschācerē, qui est dessēduë, mais non pas la prudence mesmemēt pour la defensiue & pour la seureté de son Estat.

2.
7. Chef
de cetter
prouisiō
Allian-
ce,

2.
Avec

2.
Com-
ment.

Aureste, il y a plusieurs sortes & degrez d'alliance: la moindre & plus simple est pour le cōmerce & trafic seulement: mais ordinairement elle cōprend amitié, commerce & hospitalité: & elle est, ou defensiue seulement, ou defensiue ou offensiue ensemble, & avec exception de certains Princes & Estats, ou sans exceptiō. La plus estroite & parfaite est celle qui est offensiue & defensiue enuers tous & contre tous, pour estre amy des amis, & ennemy des ennemis: & telle est bon de faire avec des puissans, & par égale alliance. Aussi l'alliance est, ou perpetuelle, ou limitée à certain temps: ordinairement elle se fait perpetuelle: mais le meilleur & plus asséuré est de la limiter à certain temps: afin d'auoir moyen de reformer, oster ou adiouter aux articles, ou s'en departir du tout, s'il est besoin, selon que l'on iugera estre expedient. Et quand bien on les iugeroit telles qu'elles deussent estre perpetuelles, si est-ce, qu'il faut mieux les renouveler (ce que l'on peut & doit-on faire auant le temps expiré) & renouer, que les faire perpetuelles. Car elles s'allanguissent & se relaschent: & qui se sentira greué la rompra plutost, si elle est perpetuelle, que si elle est limitée: auquel cas il attendra le terme, voilà nos sept promissions necessaires.

SECONDE PARTIE DE LA PRUDENCE

Politique, & du gouvernement d'Etat, qui est de
l'action & gouvernement du Prince.

CHAP. III.

AYant traité de la prouision, & instruit le
Souverain, de quoy & comment il doit gar-
nir & munir soy & son estat, venons à l'action: &
voyons comment il se doit employer & se preu-
voir de ces choses, c'est à dire, en vn mot, bien com-
mander & gouverner. Auant traiter cecy distin-
guement selon le partage, que nous en auons fait,
nous pouuons dire en gros, que bien gouverner &
se bien maintenir en son estat gist à s'acquérir deux
choses, Bien-vueillance & Autorité. La bien-
vueillance est vne bonne volonté & affection en-
uers le Souverain & son Estat. L'autorité est vne
bonne & grãde opinion, vne estime hõorable du
Souverain & de son Estat. Par le premier le Sou-
uerain & l'estat est aymé: par le second il est craint
& redouté. Ce ne sont pas choses contraires, mais
bien differentes, comme l'amour & la crainte.
Toutes deux regardent les subiects & les estran-
gers: mais il semble que plus proprement la bien-
vueillance regarde les subiects, & l'autorité les
estrangers: *amorem apud populares, metum apud hostes
quarant.* A parler tout simplement, & absolument
l'autorité est plus forte & vigoureuse, plus auguste
& plus durable. Le temperamēt & l'harmonie des
deux est chose parfaite: mais selõ la diuersité des

Descri-
ption
som-
maire
de l'a-
ction
du Prin-
ce.

Bien-
vueillā-
ce, Au-
thorité
deux
soustiēs
du Prin-
ce & de
l'estat.

estats, de peuples, leurs naturels, & humeurs, l'une est plus aisée, & aussi plus requise en aucuns lieux qu'en autres. Ses moyens d'acquiescer tous les deux, sont touchez & compris en ce qui a esté dit cy-dessus, spocialement de la vertu & des mœurs du souverain, nonobstant nous en parlerons de chacune vn peu.

2. Bien
vueillan
ce qui
s'ac-
quiert
par dou-
ceur.

La bien-vueillance (chose tres-vtile & quasi du tout necessaire, tellement que seule vaut beaucoup, sans elle tout le reste est peu asseuré) s'acquiert par trois moyens, douceur non seulement en paroles & faits, mais encores plus aux commandemens & en l'administration, ainsi le requiert le naturel des hommes qui sont impatiens, & de servir du tout, & se maintenir en vne entiere liberté, *nec totam seruimus imperi, nec toti libertatem.* Ils

Tacit.

obeyssent bien volontiers en subiets, mais non en esclauues, *domiti vi parant, non vi seruiant.* Et à la verité l'on obeyt plus volontiers à celuy qui commande doucement: *remissius imperanti melius paratur* :

Senec.

qui vult amari languida regnet manu. La puissance, disoit Cesar grand docteur en cette matiere, mediocrement exercée conserue tout : mais qui commande indifferement & eshontément n'est ny aymé ny asseuré. Il ne faut pas toutesfois vne douceur trop lasche, molle ny abandonnée, afin que l'on ne vienne en mespris, qui est encores pire que la crainte, *Sed incorrupto duces bonore.* C'est le tour de prudence de temperer cecy, ne rechercher d'estre redouté en faisant du terrible, ny aymé en trop s'abbaislant.

Tacit.

3.
Benefi-
cence.

Le second moyen d'acquiescer la bien-vueillance est Beneficence, i'entends premierement enuers

tous, mesmement le petit peuple, par vne prouidence & bonne police, par laquelle le bled & toutes choses necessaires ou soustien de ceste viene manquent, mais soit à bonne raison, voire abondent s'il est possible : que la cherté ne trouble point les subiects. Car le menu peuple n'a soin du public que pour coregard, *vulgo una ex republica annona cura.* Tacit.

Le troisieme moyen est la liberalité (beneficence plus speciale) qui est vn amorce, voire vn enchantement pour attirer, gagner & captiuer les volontez: tant est chose douce que de prendre, honorable de donner. Tellement qu'un Sage a dit, qu'un estat se gardoit mieux par biens-faits que par armes. Elle a principalement lieu à l'entrée & en un estat nouveau. A qui combien, & comment il faut exercer liberalité a esté dit cy-dessus. Les moyens de bien-vueillance ont esté sagement pratiquez par Auguste, *qui multis donis, populum annona, cunctos dulcedine oris pellexit.* Tacit.

L'autorité est l'autre appuy des estats, *Maiestas imperij, salutis tutela*: La forteresse invincible du Prince, par laquelle il sçait auoir raison de ceux, qui osent le mespriser & faire teste. Aussi à cause d'icelle l'on ne l'ose attaquer, & tous recherchent d'estre bien avec luy. Elle est composée de crainte & de respect. Par ces deux le Prince & son Estat est redoutable à tous & asseuré. Pour acquérir cette autorité, outre la prouision des choses surdites, il y a trois moyens, qui se doiuent soigneusement garder en la forme de commander. Le premier est la seuerité, qui est meilleure, plus salutaire, asseurée, & durable que l'ordinaire douceur &

4.

Libera:

lié.

Aug. ch.
art. 13.

Tacit.

5.

Autori-
té.Qui
s'ac-
quiert
parSeueri-
té.

grande facilité. Ce qui vient premierement du naturel du peuple, lequel, comme dit Aristote, n'est pas si bien nay qu'il se range au deuoir par amour, ny par honte, mais par force & crainte des supplices : puis de la corruption generale des mœurs & desbauche contagieuse du monde, à laquelle ne faut pas penser pouruoit par douceur, qui ayde plustost à mal faire. Elle engendre mespris & esperance d'impunité, qui est la peste des Republiques & des estats, *Illecebra peccandi maxima spes impunitatis.*

Cicero.

C'est vne grace enuers plusieurs, & tout le public, de quelquefois en chastier bien quelqu'un. Et faut par fois couper vn doigt pour empescher la gangrene de se prendre à tout le bras, selon la belle response d'un Roy de Thrace, à qui l'on disoit qu'il faisoit l'enragé & non le Roy, que sa rage rendoit ses subiects sains & sages. La seuerité maintient les officiers & magistrats en deuoir, chasse les flateurs, courtiers, meschans, impudens, demandeurs, & petits tyranneaux. Au contraire la trop grande facilité ouvre la porte à tous ces gens-là, dont il aduient vn espuisement de finances, impunité des meschans, apauurissement du peuple ; comme les catarrhes & fluxions en vn corps flouët & maladif tombent sur les parties plus foibles. La bôté de Pertinax, la licence d'Helioabale penserent perdre & ruiner l'Empire : la seuerité de Seuer, & puis d'Alexandre le restablit & remit en bon estat. Il faut toutesfoi que cette seuerité soit avec quelque retenue, par intermission & à propos, afin que la rigueur enuers peu de gens, tiennetout le monde en crainte, *Vi paena ad paucos, metus ad omnes.* Et les rares supplices

seruent plus à la reformation de l'Estat, a dit vn ancien, que les frequens. Cela s'entend si les vices en serenforcent, & ne s'opiniastre pas : car lors il ne faut pas espargner le fer & le feu, *crudelem medicum intemperans ager facit.*

Le second est la constâce, qui est vne fermeté & 7.
resolutiō, par laquelle le Prince marchât tousiours *Con-*
de mesme pied, sans varier ny changer, maintient *stang.*
tousiours. & presse l'observatiō des loix & coustumes anciennes. Le changer & s'adviser, outre que
c'est argument d'incōstâce & irresolutiō, apporte & aux loix, & au souuerain, & à l'Estat, du mépris & mauuaise opinion. Dont les sages defendēt tant, de rien remuer & rechanger aux loix & coustumes, fust-ce en mieux : car le remuëmēt apporte, tousiours plus de mal, d'incommodité, outre l'incertitude & le danger, que ne peut apporter de biē la nouveauté. Parquoy tous nouateurs sont suspects, dangereux, & à chasser. Et n'y peut auoir assez forte & suffisante cause ou occasion de changer, si ce n'est vne tres-grande, euidente, & certaine utilité ou necessité publique. En ce cas, encores faudroit-il y proceder cōme d'aguet, doucement & lentement, peu à peu, & quasi insensiblement, *leniter & lente.*

Le troisième est à tenir tousiours ferme en main 8.
letimō de l'Estat, les resnes du gouuernemēt, c'est à dire, l'honneur & la force de commander & ordonner, & ne s'en fier, ny mettre point à d'autre, & s'euoyer toutes choses au conseil, afin que tous ayēt l'œil sur luy, & sçachēt que tout depend de luy. Le souuerain, qui quitterait peu que ce soit de son autorité, gaste tout. Parquoy il ne doit esleuer ny a-

Aristot. grã dir par trop personne, *Communis custodia principatus neminem vnum magnum facere.* Que s'il y en a desia quelqu'un tel, il se faut ravalier & reculer, mais doucement, & ne faire point les grandes & hautes charges perpetuelles, ny à longues années:

Senec. afin que l'on n'aye moyen de se fortifier à l'encōtre du maistre, comme il est souuent aduenu. *Nil tam utile, quàm breuem potestatem esse, quæ magna sit.*

9. Voyla les moyens iustes & honnestes au souue-
Contre rain, pour maintenir avec la bien-vueillance l'au-
l'inlustre thorité, & se faire aymer, craindre & redouter tout
authori- ensemble: car l'un sans l'autre n'est ny assésuré, ny
té, tyrā- raisonnable. Parquoy nous abominōs vne autho-
nic. rité tyrannique, & vne crainte ennemie de bien-
 vueillance, qui est avec la haine publique, *oderint, quem metunt,* que les meschās acquerēt, abu-
 sans de leur puissāce. Les cōditions d'un bō Prin-
 ce & d'un tyran sont toutes notoirement dissem-
 blables, & aisées à distinguer. Elles reuiennēt tou-
 tes à ces deux poincts: l'un, garder les loix de Dieu
 & de nature, ou les fouler aux pieds: l'autre, faire
 tout pour le bien public & profit des subiects, ou
 faire tout seruir à son profit & plaisir particulier.
 Or le Prince, pour estre tel qu'il doit, faut qu'il se
 souuiennēt tousiours, que comme la felicité est de
 pouuoir tout ce que l'on veut: aussi est-ce vraye
Plin. de grandeur de vouloir tout ce que l'on doit: *Cæsari*
Tiola. *cum omnia licent, propter hoc minus licet: vi felicitatis*
est posse quantū velit, sic magnitudinis velle quantum
possis, vel potius quantū debeant. Le plus grãd mal-
 heur qui puisse arriuer à un Prince, c'est de croire
 qu'il luy est loisible tout ce qu'il peut, & luy plaît.
 Sitost qu'il a cōsenty à ce pensēmēt, de bon il de-

vient meschant. Or cette opinion leur vient des flatteurs, qui ne manquent iamais à leur prescher tousiours la grâdeur de leur pouuoir, & bien peu y a de fideles seruiteurs, qui leur osent dire l'obligation de leur deuoir. Mais n'y a au monde plus d'agereuse flatterie, que celle qui se fait à soy-mesme, quand c'est vn mesme, le flatteur & le flatté: il n'y a plus de remede à ce mal. Neantmoins il arriue quelquefois par consideration des temps, personnes, lieux, occasions, qu'il faut qu'un bon Roy fasse des choses, qui par apparence peuuent sembler tyranniques, comme quand il est question de reprimier vne autre tyrannie, sçauoir d'un peuple forcené, duquel la licence est vne vraye tyrannie, ou bien des nobles & riches, qui tyrannisent les pauvres & le menu peuple: ou bien quand le Roy est pauvre & necessiteux, qui ne sçait ou prendre argent, & fait des emprunts sur les riches. Et ne faut pas estimer estre tousiours tyrannie la seuerité d'un Prince, ou bien les gardes & forteresses, ou bien la majesté, des commandemens imperieux, qui sont quelquesfois vriles, voire necessaires: & sont plus à souhaitter que les douces prieres des tyrans.

Voila les deux vrayes soustiens du Prince & de l'Estat, si en iceux aussi le Prince se sçait maintenir: & se preseruer des deux contraires, qui sont les meurtriers du Prince & de l'Estat, sçauoir haine & mespris, desquels il faut dire vn mot, pour mieux y pouruoir, & s'en garder. La hayne contraire à la bien-vueillance est vne mauuaise & obstinée affection des subiets contre le Prince & son Estat: elle procede ordinairement de crainte pour l'aduenir,

10.
Haine
& mes-
pris,
deux
meur-
triers
du Prin-
ce.
Arist l.
pol
Haine,

ou de desir de vengeance pour le passé, ou de tous les deux. Cette hayne, quand elle est grande, & est de plusieurs, à grande peine le Prince peut-il échapper, *Multorumque nulla opes possunt resistere*. Il est exposé à tous, & n'en faut qu'un pour y mettre fin. *Multa illis manus, illi una ceruix*. Il faut donc qu'il s'en preserve, ce qu'il fera, en fuyant les choses qui l'engendrēt, sçavoir, cruauté & auarice, les contraires aux instrumens susdits de bien-vueillance.

11. Il faut qu'il se garde pur & net de cruauté vilaine, indigne de grandeur, tres-infame au Prince: Mais au contraire, qu'il s'arme de clemence, comme a esté dit cy dessus aux vertus requises au Prince.

12. Mais pource que les supplices, bien qu'ils soient iustes & necessaires en un estat, ont quelque image de cruauté, il doit prendre garde de s'y porter dextrement: & pource, luy en voulons donner aduis. 1. par exprés il ne doit mettre la main au glaive de iustice, que bien tard, & cōme à regret, *libet et damnat, qui cito, ergo illi parsimonia etiam vilissimi sanguinis*, 2. forcé pour le bien public, & plustost pour exemple, & empescher que l'on n'y retourne, que pour punir le coupable; sans cholere ny ioye, ou autre passion; que s'il en falloit monstrier aucune, ce seroit compassion: 4. à la maniere accoustumée du pays, & non par nouueaux supplices, tesmoignages de cruauté: 5. sans assister ny se trouuer à l'exécution: 6. s'il en faut punir plusieurs, il les faut depescher vistement, & tout en un coup, car les faire longuement trainer les uns apres les autres, semble que l'on s'y plaist, & s'en paist.

13. Il faut aussi qu'il se garde d'auarice bien mesleante en un grand. Elle le monstre, ou à trop exiger &

tirer, ou à trop peu donner. Le premier desplait fort au peuple avaré de nature, & à qui le bien, c'est le sang & la vie: c'est dequoy plus volontiers il se depite, le second aux hommes de service & de merite, qui ont travaillé pour le public, & pésent qu'il leur est deu quelques entretiē. Or cōment le Prince se doit gouverner en tout cela, & en matiere de finance, tant à faire fonds & imposer, qu'à despendre & reserver, il a esté biē au lōg discoursu au chapitre precedent. Sealemēt diray icy, que le Prince se doit soigneusement garder de trois causes, l'une de ressembler par trop grandes & excessives impositions, ces tirans longe-subiects, mange-peuples, qui deuorant plebem sicut escam panis, *Διπλοκοποι* quorum ararium spoliarium cinium, cruentarumque prædæ receptaculum, car il y a danger de tumultes, tesmoin tant d'exemples & vilains accidens: secondement fordidité: tant à amasser (*Indignum lucrum ex omni occasione odorari: & ut dicitur, etiam, à mortuo auferre*: parquoy ne se doit seruir à cela d'accusations, confiscations, despouilles iniuste) qu'à rien donner, ou dōner trop peu & mercenairemēt, & se laisser par trop importuner par requestes & longue poursuite: tiercement de violence en la leuée de fourrage, pillerie: & que s'il est possible lon ne vienne à saisir les meubles, les outils du labourage. Cecy regarde principalement les receueurs & exacteurs, qui par leurs rigueur exposent le Prince à la haine du peuple, & le diffamēt: gēs fins, cruels, à six mains & troistestes, dit quelqu'un. A quoy le Prince doit pourvoir, qu'ils soient preud'hommes: puis s'ils faillent les chasser rudement avec rude chastiment, & grosses amendes, pour leur

faire rendre & regorger comme esponge ce qu'ils ont succé & tiré induëment du peuple.

13. Venons à l'autre pire ennemy, mespris, qui est
Mespris vne sinistre, vile, & abiecte opinion du Prince & de l'estat: c'est la mort des Estats, comme l'autorité est l'ame & la vie. Qui maintient vn homme seul, voire vieil & cassé sur tant de milliers d'hommes, sinon l'autorité & la grande estime? si elle s'en va & se perd par mespris, il faut que le Prince & l'estat donne du nez en terre. Et tout ainsi que
En ce comme a esté dit, l'autorité est plus forte & auguste, que la bien-vueillance, aussi le mespris est plus
ch. art. contraire & dangereux, que la haine, laquelle n'ose rien estant retenuë par la crainte, si le mespris, qui secoüe la crainte, ne l'armé & ne donne le courage d'excuter. Il est vray que le mespris vient rarement, mesmement s'il est vray & legitime Prince: sinon qu'il soit du tout fayneant, & qu'il se degrade
Plin. in & prostituë soy-mesme, & *videatur exire de imperio.* Toutesfois, il faut voir d'où il peut venir pour
paneg. s'en garder. Il vient de choses contraires aux moyens d'acquérir autorité, & specialement de trois, sçauoir:

Qui De la forme de gouverner trop lasche, effeminée
vient de molle, languissante & nonchalante, ou bien legere
mauui- & volage, sans aucune tenuë, c'est estat sans estat:
se façon Sous tels Princes les sujets se rendent hardis, insolens, que tout est permis, que le Prince ne se soucie
de gouverner. de rien. *Malum, principem habere sub quo nihil ulli liceat: peius, enim sub quo omnia omnibus.*

Mal- Secondement, du malheur du Prince, soit en ses
heur. affaires, qui ne succedent pas bien, ou en lignée, s'il est sans enfans, qui seruent d'un grand appuy au Prince

Prince, ou au moins certitudẽ de successeurs, dont se plaignoit Alexandre le Grand, *Orbitis mea, quod sine liberis sum, spernunt. Minus enim aulæ regis liberi.*

Tiercement, des mœurs, spécialement dissolus, lâches, & voluptueux, yrongerie, gourmandise: aussi de lourdisse, ineptie, laidet. Mœurs
vaines;

Voyla en gros parlé de l'action du Souuerain. Pour le traiter plus distinctement & particulièrement, il se faut souuenir, comme a esté dit au commencement, qu'elle est double, pacifique & militaire, i'entens icy l'action pacifique, l'ordinaire, qui se fait tous les iours, & en tout temps, de paix, ou de guerre, la militaire, qui ne s'exerce qu'en temps de guerre. Distin-
tion de
l'action
du Prin-
ce,

La pacifique & ordinaire du Souuerain ne se peut de la
du tout prescrire, c'est chose infinie, & consiste au- pacifi-
tant à le garder de faire, comme à faire. Nous en que.
donnerons icy des aduis principaux & necessaires. Aduis
Pour vn premier, le Prince doit prouoir à ce qu'il pour
soit fidelement & diligemment aduertý de toutes icelle
choses. Car toutes choses reuiennẽt à deux chefs,
dont y a deux sortes d'aduertissemens & d'aduer-
tisseurs, qui tous doiuent estre bien confidens &
assurez, prudẽs, & secrets: bien qu'aux vns est re-
quisẽ vne plus grande liberte, serueté, & franchise
qu'aux autres. Les vns sont pour l'aduertir de son
honneur & deuoir, de ses defauts, & luy dire ses ve-
ritez. Il n'y a gens au monde qui ayent tant de besoin
de tels amis, come les Princes, qui ne voyẽt & n'en-
tendent que par les yeux, & par les oreilles d'au-
truy. Ils soustiennent vne vie publique, ont à satis-
faire à tant de gens, on leur cele tant de choses, que
sans le sentir ils se trouuent engagez en la hayne &

detestation de leurs peuples ; pour des choses fort aisées à euter, s'il en eussent esté aduertis d'heure. D'autre part les aduertissemens libres, qui sont les meilleurs officiers de la vraye amitié, sont dangereux à l'endroit des souverains : combien qu'ils soient bien délicats & bien foibles, si pour leur bien & profit ils ne peuvent souffrir vn libre aduertissement : qui ne leur pince que l'oye, estant le reste de l'operation en leur main. Les autres sont pour l'aduertir de tout ce qui se passe & se remüe, non seulement parmy ses subjets, & dedans l'enclos de son estat, mais encôres chez ses voisins : de tout, dis-je, qui touche de loing ou pres l'Estat sien & de ses voisins. Ces deux sortes de gens respondent aucunement à ces deux amis d'Alexandre, Ephesion & Cratæus, dont l'un ay moit le Roy, & l'autre Alexandre, c'est à dire, l'un l'Estat, & l'autre la personne.

15. En second lieu, le Prince doit tousiours auoir en main vn petit memorial & liure contenant trois choses, principalement vn registre abrégé des affaires d'Estat, afin qu'il sçache ce qu'il faut faire, ce qui est commencé de faire, & qu'il ne demeure rien imparfait & mal executé : vne liste des plus dignes personnaiges, qui ont bien mérité, ou sont capables de bien meriter du public, vn memoire des dons qu'il a fait, à qui, & pourquoy : autrement & sans cest trois il luy aduiendra de faire de grandes fautes. Les grands Princes & sages Politiques l'ont ainsi bien pratiqué, Auguste, Tibere, Vespasian, Trajan, Adrian, les Antonins.

16. En tiers lieu, d'autant que l'un des principaux devoirs du Prince est à discerner & ordonner des

2. Auoir
vn me-
morial
des
1. affai-
res.
2. Per-
sonnes.
3. Dons.

16.
Ordon-
ner des
loyers.

loyers & des peines, & pource que l'un est favorable, & l'autre odieux, le Prince doit retenir à soy la distribution des loyers & bien-faits, qui sont estats, honneurs, offices, benefices, priuileges, pensions, exemptions, immunités, restitutions, graces & faueurs, & renvoyer à ses officiers à faire & prononcer condamnations, amendes, confiscations, priuations, supplices, & autres peines.

En la distribution des loyers, dons & bien-faits, il s'y doit porter prompt & volontaire, les donner auant qu'il soient demandez, s'il se peut, & n'attendre pas qu'il luy faille les refuser, & les donner luy-mesme s'il se peut, ou les faire donner en la presence. Par ce moyen les dons & bien-faits seront beaucoup mieux receus, auront plus d'efficace : & l'on euitera deux grands inconueniens ordinaires, qui priuent les gens d'honneur & merite des loyers qui leur sont deus, l'une est vne longue poursuite, difficile & pleine de despenſe, qu'il conuient faire pour obtenir ce que l'on veut & l'on pense auoir merité : ce qui est grief à gens d'honneur & de cœur. L'autre qu'apres auoir obtenu du Prince le don auant qu'en pouuoir iouyr, il couste la moitié & plus de ce que vaut le bien-fait, & encore quelquefois viendra à rien.

Venons à l'action militaire du tout necessaire à la tuition & defense du Prince, des sujets & de tout l'Estat, traittons la briefuement. Toute ceste matiere reuiet à trois chefs, entreprendre, faire finir la guerre. A l'entreprise faut deux choses : iustice & prudence, & fuyr du tout les contraires, l'iniustice & la temerité. Il faut premierement que la guerre soit iuste : la iustice doit marcher deuant, la vaillance.

Iustice

Plin. in
pan.

Sallust.

19.
Trois
choſes
rendent
l'entre-
priſe iu-
ſte.20.
Cicer.
pro M.
lione. In
oficiis.21.
22.
23.
24.
25.
26.
27.
28.
29.
30.

lance, comme le deliberer va deuant l'exécuter. Il faut abominer ces propos, que le droit eſt en la force, que l'uſſu'en decidera; que le plus fort l'éportera. Il faut regarder à la cauſe, au fonds & au mérite, & nō à l'uſſu: la guerre a ſes droict & loix, cōme la paix. Dieu fauoriſe les iuſte guerres, donne les victoires à qui il luy plaift, & s'en faut rēdre capable, premierement par la iuſte entrepriſe. Il ne faut dōc pas pour toute cauſe ou occaſion cōmencer la guerre, *non ex omni occaſione querere triumphū.* Et ſe bien garder que l'ambitiō, l'auarice, la cholere, ne nous y ſourrent, qui ſont toutesfois à vray dire, les plus ordinaires motifs des guerres: *Vna & ea vtriusq; ſabellandi eſt profunda cupido imperij & diuitiarum; maxima gloria in maximo imperio putant.* *Rapere ſædus inſipius lucri furor, & ira preceps.*

1. Pour rēdre la guerre de tous pōints iuſte, il faut trois choſes; 1. qu'elle ſoit indiète & entrepriſe par celui qui pēnt, qui eſt le ſeul ſouuerain.

2. Pour cauſe iuſte, telle eſt abſolument la deſenſe iuſtiſiēe par toute raiſon aux Sages, par neceſſité aux Barbares, par la couſtume à toutes gens: par la nature aux beſtes deſeſme, dy je, de ſoy, où ie cōprend la vie, la liberté, ſes parens, & ſa partie. De ſes alliez & cōfoderez, c'eſt pour la foy dōnée, pour les malheurez oppreſſez, *Qui non defendit nec deſiſtit, ſi pot'eſt, iniuria, iam eſt in viro, quā ſi par'et' aut patriam, aut ſeios deſerat.* Ceſtrois chefs de deſenſe ſont cōmprins en la iuſtice paſ S. Ambroſe. *Fortitudo quæ per bellat iherim à Barbaris patriam, vel deſedit inſermos, vel à latronib' ſocios, plena iuſtitia eſt.* Vn autre plus court la met en deux, foy & ſalut. *Nallum belum à ciuitate optima, ſuſcipitur, niſi aut pro*

fide aut pro salute, & l'offensive avec deux conditions; qu'il y ait eu offense precedente, cōme outrage ou usurpation, & apres auoir redemandé clairement par le heraut exprez ce qui a esté prins (post clarigatum) & recherché la voye de la iustice, qui doit tous iours aller premiere. Car si l'on y veut entendre, & se soumettre à la raison, faut s'arrester, & par ainsi necessaire est iuste & permis, instum bellum, quibus necessarium; pia arma quibus nulla nisi in armis relinquitur spes.

3. A vne bonne fin, sçauoir, la paix & le repos. *Sapientes pacis causa bellum gerunt, & laborem spe omni sustentant: ut in pace sine iniuria uiuant.*

Après la iustice vient la Prudence, qui fait meurer deliberer auant que corner la guerre. Dont pour nes'y eschauffer pastāt & se garder de temerité, il est bon de penser à ces poincts: Aux forces & moyens, tant siens que de son ennemy.

2. Au hazard & dangereuse reuolution des choses humaines, specialemēt des armes qui sont iournalieres; & auxquelles la fortune a plus de credit, & exerce plus son empire, qu'en toute autre chose, dont l'illuē peut estre telle, qu'en vne heure elle emportera tout, *simul pars ac sperata decora unius hora fortuna euertere potest.*

3. Aux grands maux, malheurs, & miseres publiques & particulieres qu'apporte necessairement la guerre qui sont telles, que la seule imagination est lamentable; 4. aux calomnies, maledictions & reproches, que l'on iette & verse sur les auteurs de la guerre, à cause des maux qui en arriuent: Car il n'y a rien plus sujet aux langues & iugements, que la guerre. Mais tout tombe sur le chef, *inquisit*

Tacit.

ma bellorum conditio hac est, prospera omnes sibi venditant, aduersa uni imputatur. Toutes ces choses

font que la plus iuste guerre est detestable, dit S. Augustin, & que le Souuerain n'y doit entrer que par grande necessité, cōme il est dit d'Auguste: & ne se laisser gagner à ces boute-feux & flambeaux de guerre, qui par quelque passion particuliere l'y veulent eschauffer: *Quibus in pace durius seruitiū est in idnati ut nec ipsi quiescant, neque alios sinans.* Et sont souuent ceux à qui le nez saigne, quand il faut venir au fait. *Dulce bellum inexpertis.* Le sage souuerain se cōtiendra paisible, sans prouoquer ny aussi craindre la guerre, sans remuer son estat & celuy d'autrui, entre esperance & crainte, & venir à ces extremittez de perir ou faire perir les autres.

Pindar.

11.
1. Chef.
Faire la
guerre,
où y a 1.
points
1. Proui-
sions &
muni-
tions.

e pre-
ced.

Le second chef de l'action militaire est à faire la guerre. A quoy sont requises trois choses, munitions, hommes, regles de guerre. La premiere est la prouision & munition de toutes choses necessaires à la guerre, qui doit estre faite de bonne heure: car ce seroit grande imprudence d'attendre au besoin à chercher ce qu'il faut auoir tout prest. *Binapparendum est, ut vincas celerius.* Or de la prouision requise pour le bien du Prince & de l'Estat ordinaire & perpetuelle en tout temps, a esté parlé en la premiere partie de ce chap. qui est toute de ce sujet. Les principales prouisions & munitiōs de guerre sont trois; 1. Deniers, qui sōt l'esprit vital & les nerfs de la guerre, dont a esté parlé. 2. Armestāt offensives que defensives, desquelles a esté aussi parlé. Ces deux sont ordinaires, & en tout temps. 3. Viures, sās lesquels on ne peut vaincre ny viure, & est on défait, sans coup ferir, le soldat se débau-

che, & n'en peut-on venir à bout. *Disciplinam non servas ieiunus exercitus*: mais c'est vne prouision extraordinaire, & non perpetuelle, qui ne se fait que pour la guerre, dont n'a esté parlé cy-dessus. Il faut donc en delibérant de la guerre faire de grands magazins de viures, bleds, chairs salées, tant pour l'armée qui est en campagne, que pour les garnisons des frontieres, qui peuvent estre assiegées.

La seconde chose requise à faire la guerre, sont les hommes propres à assaillir & à defendre. Il les faut distinguer. La premiere est en soldats ou gens-d'armes, & chefs ou capitaines. Il en faut de tous les deux. Les soldats sont le corps, les chefs sont l'ame, la vie de l'armée, qui donnent mouvement & action. Or nous parlerons icy premieremēt des gens-d'armes & soldats, qui sont le gros. Il y en a de diuerses sortes: il y a les pietons & les gens de cheval, les naturels du pays, & les estrangers, les ordinaires & les subsidiaires. Il les faut premierement tous comparer ensemble, pour sçauoir qui sont meilleurs, & à preferer: & puis nous verrons comment il les faut bien choisir, & apres les gouverner & discipliner.

En ceste comparaison tous ne sont d'accord. Les vns, mesmes les rudes & barbares preferent les gēs de cheval aux pietons, les autres au contraire. On peut dire que les pietons tout simplement & absolument sont meilleurs: car ils seruent & tout du long de la guerre, & en tous lieux, & en tous affaires, là où aux lieux nouveaux, scabreux & estroits, & à assieger places, la caualerie est presque inutile. Ils sont aussi plustost près, & coustent beaucoup moins: & s'ils sont bien conduits & bien armez,

24.
2. Auoir
hommes.

25.
1. plu-
stost
pietons,
que ca-
ualerie.

comme il faut, ils soustiennent le choq de la cavalerie. Aussi sont-ils preferez par ceux qui sont docteurs en ceste besongne. On peut dire que la cavalerie est meilleure au combat, & pour avoir plus tost fait; *Equestrium virum proprium citoparare, cito cedere victoriam*. Car les pietons n'ont pas si tost fait: mais ils agissent bien plus seurement.

26. Quant aux naturels & estrangers, aussi ne sont-ils tous d'accord sur la preference, mais sans doute les naturels sont beaucoup meilleurs: car ils sont plus loyaux que les estrangers mercenaires.

Et naturels.
qu'estrangers.

Venalesque manus, ibi fas, ubi maxima merces.

Plus patiens & obeyssants, se portans avec plus d'honneur & de respect envers les chefs; de courage aux combats, d'affection à la victoire, & au bien du pays, & coustent moins, & sont plus prests que les estrangers souvent mutins, mesmes au besoin, & faisans plus de bruit que de service, & la plupart importans au public, cruels à ceux du pays, qu'ils fourragent comme ennemis: qui coustent à les faire venir & retourner, & les faut attendre souvent avec dommage grand. Que si en vne necessité extreme il en faut, soit, mais qu'ils soient en beaucoup plus petit nombre que les naturels, & ne fassent qu'un membre & partie de l'armée, non le corps: Car il y a danger, que s'ils se voyent autāt ou plus forts que les naturels, ils se rendēt maistres de ceux qui les ont appellez. Car celuy est maistre de l'État, qui est maistre de la force: & aussi qu'ils soient, s'il se peut, tirez des alliez & confederez, qui apportent plus de fidelité & services, que les simples estrangers: mais de se servir plus d'estrangers,

que naturels, est à faire aux tyrans, qui craignent leurs sujets: parce qu'ils les traitent comme ennemis, se font hayr d'eux, dont ils les redoutent, & ne les osent armer ny aguerir.

Quant aux ordinaires & subsidiaires, il en faut de ^{27.} Tant
tous les deux: mais la différence entre eux est, que ^{ordi-}
les ordinaires sont en petit nombre, sont toujours ^{naires}
en paix & en guerre, sur pied, & en armes: & d'eux ^{que sub-}
a esté parlé en la prouision, gens du tout destinez ^{sidiaires.}
& confinez en la guerre, formé à tout exercice des
armes, résolus. C'est la force ordinaire du Prince, ^{c. 2 art.}
son honneur en paix, sa sauuegarde en guerre; tel- ^{11.}
les estoient les legions Romaines. Ceux-cy doiuent
estre separez par troupes en tēps de paix, afin qu'ils
ne puissent rien remuer. Les subsidiaires sont en
beaucoup plus grand nombre: mais ils ne sont pas
perpetuels, ny du tout destinez à la guerre: ils ont
d'autre vacations: au besoin & en temps de guerre,
ils sont appelez au son du tambour, enroollez,
duits & instruits à la guerre. Et venant la paix, se
retirent & retournent à leurs vacations.

Nous auons entendu leurs distinctions & diffé- ^{28.}
rences, maintenant faut aduiser à les bien choisir: ^{1. Bien}
c'est à quoy il faut diligemment aduiser, non pas à ^{choisis.}
en amasser tant & en si grand nombre, lequel n'em- ^{Non le}
porte pas la victoire, mais la vaillance: & ordina- ^{nombre}
irement peu sont qui font la desroute. Vne effrenée ^{mais la}
multitude nuist plus qu'elle ne profite. *Nō vires ha-* ^{vaillāce.}
bet sed pondus, potius impedimentū, quā auxiliū. Ce
n'est donc pas au nombre, mais en la force & vail-
lance, *manibus opus est bello, nō multis hominibus.* Il faut
bien donc les choisir (non les acheter indifferem-
ment, avec quelque somme legere par mois) qu'ils

ne soient auanturiers, ignorās la guerre, racaille de ville, corrompus, vicieux, dissolus en toutes façōs, piaffeurs, hardis à la picorée, & loing de coups, cerfs, & lievres aux dangers, *Affueri latrocinii latorū insolentes, galeati lepores, purgamenta urbiū, quibus obegestatem & flagitia maxima peccandi necessitudo.*

29. Pour les bien choisir, il faut du iugement, de l'at-
Electio tention & de l'adresse, & à ces fins il faut conside-
 de sol- rer ces cinq choses : le pays, c'est à dire le lieu de
 dats en leur naissance & nourriture. Il les faut prendre des
 5. choix champs, des mōtagnes, lieux steriles, raboteux, ou
 a Pays. voisins de la mer, nourris à toute sorte de peine. *Ex-*
 Verges. *agris supplendum præcipuè robur exercitus, aptior armis*
rustica plebs sub dio & in laboribus enurrita, ipso terra
sua solo & celo acris animantur. Et minus mortem ti-
ment, qui minus deliciarum nonit in vita. Car ceux des
 villes nourris à l'ombre, aux delices, au gain, sont
 plus lasche & insolēs, effeminez, *vernacula multitu-*
Tacit. *do, lasciuia sueta, laborum intolerans.* 2. L'aage, qu'ils
 1. Aage. soient prins ieunes à 18. ans, ils en sont plus soupplés
 & obeyssans, les vieils ont des vices, & ne se plient
 pas si bien à la discipline. 3. Le corps, duquel la sta-
 1. Corps ture grande, est requis d'aucuns, comme de Marius
 & de Pyrrhus, mais encores qu'elle ne soit que
 mediocre, moyennant que le corps soit fort lec,
 vigoureux, nerueux, d'un regard fier, c'est tout un.
Tacit. *Dura corpora, stricti artus, minax vultus, maior ani-*
mi vigor. Les gros, gras, fluides n'y valent rien.
 4. Esprit 4. L'esprit, qui soit vit, resolu, hardy, glorieux, ne
 craignant rien tant que le deshonneur & le repro-
 che. 5. Cōdition, qu'il importe de beaucoup; car ceux
 5. Con- qui sont de vilaine & infame condition, de qualité
 dition. deshonneste, ou bien qui se sont meslez de me-

stiers sedentaires, seruaus à delices & aux femmes, sont mal propres à c'este perfection.

Après le choix & l'electiō vient la discipline, car Bien
ce n'est pas assez de les auoir choisis capables d'e- discipli-
stre bon soldats, si l'on ne les fait, s'ils sont faits, si pliner.
l'on ne les garde & entretient tels. Nature fait peu
de gens vaillans, c'est la bonne institution & discipli- Vegar.
pline. Or l'on ne sçauoit assez dire combien vaut
& est vtile la bonne discipline en la guerre : c'est Recom-
tout, c'est elle qui a rendu Rome si florissante, & manda-
lay a acquis la seigneurie du monde : aussi l'auoient- tion de
ils en plus grande recōmandation, que l'amour de la discipli-
ne.
leurs enfā. Or le principal point de la discipline
est l'obeyssāce, à laquelle sert cet ancien precepte,
Que le soldat doit plus craindre son chef que l'en-
nemy.

Or ceste discipline doit tendre à deux fins : à ren- 11.
dre les soldats vaillans & gens de bien : & ainsi elle Elle a 2.
a deux parties, la vaillance & les mœurs. A la vail- parties.
lance trois choses seruent, l'exercice assidu aux ar- 1. Vaillā-
mes, auquel il les faut contenir sans relasche, c'est ce qui
d'où est venu le mot latin *exercitus*, qui signifie ar- s'aqui-
mée. Cet exercice des armes est vne instruction à te par
les bien manier & s'en seruir, se dresser aux com- exerci-
bats, tirer bien des armes, dextrement s'ayder du ce.
bouclier, discourir & se représēter tout ce qui peut
aduenir aux cōbats, & venir à l'essay, cōme en ba-
taille rangée, proposer prix aux adroits pour les es-
chanffer. Le trauail qui est tant pour les endurcir
à la peine, à la sueur, à la poussiere, *exercitus labore* 2. Le tra-
proficit, et 10 confcscit, que pour le bien & seruice uail.
de l'armée & fortification du camp, dont les faut
apprendre à bien foyser, planter vne palissade,

dresser vne barricade, courir, porter fardeaux pe-
 sans, ce sont choses necessaires, tant pour se defen-
 3. Ordre dre, que pour presser & enclorre l'ennemy. L'or-
 dre qui est de grand vſage & doit estre en plusieurs
 façons gardé en la guerre: Premièrement, en la di-
 stribution des troupes, en bataillons, regimens,
 enseignes, camerades. Secondement, en l'assiette
 du camp, qu'elle soit en quartiers disposez avec
 proportion, ayant ses places, entrées, issiës, logis à
 propos pour ceux de cheual & de pied, dont il soit
 ayſé à chacun de trouuer son quartier, son com-
 pagnon. Tiercemēt, au marcher par campagne &
 contre les ennemis, que chascun tienne son rang,
 qu'ils soient également distans les vns des autres,
 sans trop se presser ny s'esloigner. Tout cet ordre
 est bien necessaire, & sert à plusieurs choses. Il est
 fort beau à voir, resioiuit les amis, estonne les enne-
 mis, assure l'armée, facilite tout ses remuëmens
 & les commandemens des chefs: tellement que
 sans bruit, sans confusion, le General commande,
 & de main en main son intention paruiet iusques
 aux plus petits. *Imperium ducis simul omnes copie sen-
 tiunt, & ad nutum regentis sine tu multu respondent.*
 Bref, cet ordre bien gardé red l'armée presque in-
 uincible. Et au contraire plusieurs se sont veuës
 perdre à faute d'ordre & de bonne intelligen-
 ce.

11.
 2. Re- garde les mœurs qui sont volontiers bien desbau-
 glemēt chés & difficilement se reglent parmy les armes,
 des *assidue dimicantibus difficile moru custodire mensurā.*
 mœurs. Toutesfois il y faut mettre peine, & specialement
 En con- y installer: s'il se peut, trois vertus, continence,

par laquelle toute gourmandise, yurognerie, pail-
lardise, & toute volupté infame soit chassée, la-
quelle apoltronise & relâche le soldat, *Degenerat à*
robore ac virtute miles assuetudine voluptatū; tel moine Taci-

Annibal qui fut amolý par delices en vn hyuer, &
fut vaincu par les vices, luy qui estoit inuincible, &
vainquoit tout par armes. Modestie en paroles, Mode-
chassant tout vanité, vanterie, brauerie de paroles, stie,

la vaillâce ne remuë point la lāgue, mais les mains
n'est point harāgueuse, mais execute. *Viri nati mi-*

litia factis magni, ad verborū linguæque certaminarū

des: discrimen ipsum certaminis differt, viri fortes, in

opere acres, ante id placidi. Et au contraire les grands
parleurs ne valent rien. *Namq̃ verbis, lingua feroces.*

Or la langue est pour le conseil; la main pour le
combat, dit Homere, En faits (c'est vne simple &
prompte obeyllance sans marchander ou contre- Absti-
rooller les commandemēs des chefs) *hæc sunt bona* nence,

militia, velle vereri, obedire. Abstinēce, par laquel-

le les soldats gardent leurs mains nettes de toute
violēce, fourrage, larcin. Voila en somme la disci-

pline militaire; laquelle le General fera valoir par
loyer & recompense d'honneur enuers les bons, &

vaillans, & punitions seueres contre les defaillans:
car l'indulgence perd les soldats.

C'est assez parlé des soldats: disons maintenant 13.
deux mots des chefs, sans lesquels les soldats ne va- Des
lent rien: c'est vn corps sans ame, vn nauire avec chefs.

des vogueurs sās maistre, qui tiēt le gouuernail. Il

y en a de deux sortes, il y a le General & premier:

& puis les subalternes, Maistre de camp, Colon- Du ge-
nels: mais le General (qui ne doit iamais estre neral.
qu'vn, sans peine de perdre tout) c'est tout. C'est

*celerius opprimitur quam qui non timet. Nil tui in hoste
despicitur: quem spreueris, valentiorē negligentia facies.*
Il ne faut rien mespriser en guerre: car il n'y a rien
de petit: & souuent de ce que l'on pense bien petit,
il en aduient de grands effets. *Sape paruis momentis
magni casus: ut nihil timendi, sic nihil contemnendi.*

3. S'enquerir fort soigneusement, & sçauoir l'estat
& affaires de l'ennemy, spécialement ces poincts
cy. 1. Le naturel, la portée & les desseins du chef, 2.
le naturel, les mœurs & maniere de viure des enne-
mis, 3. la situation des lieux, & le naturel du pays
où l'on est. Annibal estoit excellent en cela.

35.
Pour les
combats,

6. Pour le fait du combat, il faut aduiser plu-
sieurs choses, quand, où, contre qui, & comment,
afin que ce ne soit mal à propos. Et ne faut venir à
cette extremité qu'avec grande deliberatiō: choi-
sir plutost tout autre moyen, & chercher à rompre
son ennemy par patience, & le laisser battre au
temps, au lieu, au defaut de plusieurs choses, que
venir à ce hazard. Car l'issue de batailles est tres-
incertaine & dangereuse: *incerti exitus periculum:
dilectus communis, qui saepe spoliantem & iam exultantem
energit, & pertulit ab obiecto.*

Quand,

8. Il ne faut donc venir à cela que rarement, c'est
à dire, en la necessité, ou pour quelque grande oc-
casion: necessité, comme si les difficultez croissent
de vostre part, les viures, les finances defaillent,
les hommes se dégouttent, & s'en vont, on ne peut
plus gueres subsister, *capienda nobis in malis praecipua
via est.* Occasion, comme si vostre party est touc
clairement plus fort: que la victoire semble vous
tendre la main, que l'ennemy est à present foible,
& sera bien-tost plus fort, & presentera le combat
qu'il ne

qu'il ne s'en doute pas, & pense que l'on soit bien loin, il est las & recreu, il repaist, les cheuaux sont en la litiere.

6. Faut considerer le lieu, car il est de grande consequence aux batailles. En general ne faut point attendre, s'il se peut, que l'ennemy entre dedans vos terres. Il faut aller au deuant, au moins l'arrestier à la porte. Et s'il y est entré ne hazarder point la bataille, si ce n'est que l'on aye vne autre armée prestee; autrement c'est ioier & mettre son estat au hazard: particulierement considerer le champ de bataille, s'il est propre pour soy ou pour l'ennemy. Le champ donne quelquefois vn tres-grand aduantage. La plaine campagne est bonne pour la caualerie, les lieux estroits, garnis de mareils, fossés, fauorisent l'infanterie.

Regarder avec qui, non avec les plus forts i'entens plus forts non d'hommes, mais de courage. Or il n'y a chose qui donne tant de courage, que la necessité, ennemy inuincible. Parquoy ie dis, qu'il ne faut iamais se battre avec des desesperés. Cecy s'accorde avec le precedent, qui est de ne hazarder bataille dedans son propre pays, car l'ennemy entré y combat comme desesperé, sachant que s'il est vaincu, il ne peut eschapper la mort, n'ayant forteresse ny retraite ou secours aucun. *Inde necessitas in loco spes in virtute, salus in victoria.*

La maniere plus aduantageuse, quelle qu'elle soit, est la meilleure; surprinle, ruse, à couuert, feignant d'auoir peur pour attirer l'ennemy, & le prendre au piege, *spe victoria inducere, ut vincantur*; guetter & marquer ses fautes, pour s'en preuoir & les charger de ce pas.

Tacit.

ma bellorum conditio hæc est, prospera omnes sibi vendi-
tans, aduersa uni imputatur. Toutes ces choses

sont que la plus iuste guerre est detestable, dit S. Augustin, & que le Souuerain n'y doit entrer que par grande necessité, cōme il est dit d'Auguste: & ne se laisser gagner à ces boute-feux & flambeaux de guerre, qui par quelque passion particuliere l'y veulent eschauffer: *Quibus in pace durius seruitiū est in id nati ut nec ipsi quiescant, neque alios sinans.* Et

Pindar.

sont souuent ceux à qui le nez saigne, quand il faut venir au fait. *Dulce bellum in experitis.* Le sage souuerain se cōtiendra paisible, sans prouoquer ny aussi craindre la guerre, sans remuer son estat & celuy d'autrui, entre esperance & crainte, & venir à ces extremittez de perir ou faire perir les autres.

31.

2. Chef.
Faire la
guerre,
où y a 1.
points
2. Proui-
sions &
muni-
tions.

Le second chef de l'action militaire est à faire la guerre. A quoy sont requises trois choses, munitions, hommes, regles de guerre. La premiere est la prouision & munition de toutes choses necessaires à la guerre, qui doit estre faite de bonne heure: car ce seroit grande imprudence d'attendre au besoin à chercher ce qu'il faut auoir tout prest. *Diu apparendum est, ut vincas celerius.* Or de la prouision requise pour le bien du Prince & de l'Estat ordinaire & perpetuelle en tout temps, a esté parlé en la premiere partie de ce chap. qui est toute de ce sujet. Les principales prouisions & munitiōs de guerre sont trois; 1. Deniers, qui sōt l'esprit vital & les nerfs de la guerre, dont a esté parlé. 2. Armes tāt offensives que defensives, desquelles a esté aussi parlé. Ces deux sont ordinaires, & en tout temps. 3. Viures, sās lesquels on ne peut vaincre ny viure, & est on defait, sans coup ferir, le soldat se débau-

9 pre-
ced.

che, & n'en peut-on venir à bout. *Disciplinam non servas ieiunus exercitus*: mais c'est vne provision extraordinaire, & non perpetuelle, qui ne se fait que pour la guerre, dont n'a esté parlé cy-dessus Il faut donc en deliberant de la guerre faire de grands magazins de viures, bleds, chairs salées, tant pour l'armée qui est en campagne, que pour les garnisons des frontieres, qui peuvent estre assiegées.

La seconde chose requise à faire la guerre, sont les hommes propres à assaillir & à defendre. Il les faut distinguer. La premiere est en soldats ou gens-d'armes, & chefs ou capitaines. Il en faut de tous les deux. Les soldats sont le corps, les chefs sont l'ame, la vie de l'armée, qui donnent mouvement & action. Or nous parlerons icy premierement des gens-d'armes & soldats, qui sont le gros. Il y en a de diuerses sortes: il y a les pietons & les gens de cheual, les naturels du pays, & les estrangers, les ordinaires & les subsidiaires. Il les faut premierement tous comparer ensemble, pour sçavoir qui sont meilleurs, & à preferer: & puis nous verrons comment il les faut bien choisir, & apres les gouverner & discipliner.

En ceste comparaison tous ne sont d'accord. Les uns, mesmes les rudes & barbares preferent les gens de cheual aux pietons, les autres au contraire. On peut dire que les pietons tout simplement & absolument sont meilleurs: car ils seruent & tout du long de la guerre, & en tous lieux, & en tous affaires, là où aux lieux nouveaux, scabreux & estroits, & à assieger places, la caualerie est presque inutile. Ils sont aussi plus tost près, & coustent beaucoup moins: & s'ils sont bien conduits & bien armez,

24.
1. Auoir
hommes.

25.
1. plus
tost
pietons,
que ca-
ualerie.

comme il faut, ils soustiennent le choq de la cavalerie. Aussi sont-ils preferez par ceux qui sont docteurs en ceste besongne. On peut dire que la cavalerie est meilleure au combat, & pour avoir plus tost fait; *Equestrum virum propriam cito parare, cito cedere victoriam.* Car les pieçons n'ont pas si tost fait: mais ils agissent bien plus seurement.

26. Quant aux naturels & estrangers, aussi ne sont-ils tous d'accord sur la preference, mais sans doute les naturels sont beaucoup meilleurs: car ils sont plus loyaux que les estrangers mercenaires.

Venalesque manus, ibi fas, ubi maxima merces.

Plus patiens & obeyssants, se portans avec plus d'honneur & de respect envers les chefs; de courage aux combats, d'affection à la victoire, & au bien du pays, & coustent moins, & sont plus prests que les estrangers souvent mutins, mesmes au besoin, & faisans plus de bruit que de service, & la plupart importans au public, cruels à ceux du pays, qu'ils fourragent comme ennemis: qui coustent à les faire venir & retourner, & les faut attendre souvent avec dommage grand. Que si en vne necessité extreme il en faut, soit, mais qu'ils soient en beaucoup plus petit nombre que les naturels, & ne fassent qu'un membre & partie de l'armée, non le corps: Car il y a danger, que s'ils se voyent autāt ou plus forts que les naturels, ils se rendēt maistres de ceux qui les ont appelez. Car celuy est maistre de l'État, qui est maistre de la force: & aussi qu'ils soient, s'il se peut, tirez des alliez & confederez, qui apportent plus de fidelité & services, que les simples estrangers: mais de se servir plus d'estrangers,

que naturels, est à faire aux tyrans, qui craignent leurs sujets: parce qu'ils les traitent comme ennemis, se font hayr d'eux, dont ils les redoutent, & ne les osent armer ny aguerrir.

Quant aux ordinaires & subsidiaires, il en faut de tous les deux: mais la différence entre eux est, que les ordinaires sont en petit nombre, sont tousiours en paix & en guerre, sur pied, & en armes: & d'eux a esté parlé en la prouision, gens du tout destinez & confinez en la guerre, formé à tout exercice des armes, resolu. C'est la force ordinaire du Prince, son honneur en paix, sa sauuegarde en guerre: telles estoient les legions Romaines. Ceux-cy doiuent estre separez par troupes en tēps de paix, afin qu'ils ne puissent rien remuer. Les subsidiaires sont en beaucoup plus grand nombre: mais ils ne sont pas perpetuels, ny du tout destinez à la guerre: ils ont d'autre vacations: au besoin & en temps de guerre, ils sont appelez au son du tambour, enrrollez, duits & instruits à la guerre. Et venant la paix, se retirent & retournent à leurs vacations.

Nous auons entendu leurs distinctions & différences, maintenant faut aduiser à les bien choisir: c'est à quoy il faut diligemment aduiser, non pas à en amasser tant & en si grand nombre, lequel n'emporte pas la victoire, mais la vaillance: & ordinairement peu sont qui font la desroute. Vne effrenée multitude nuist plus qu'elle ne profite. *Nō vires habet sed pondus, potius impedimentū, quā auxilium.* Ce n'est donc pas au nombre, mais en la force & vaillance, *manibus opus est bello, nō multis hominibus.* Il faut bien donc les choisir (non les acheter indifferemment, avec quelque somme legere par mois) qu'ils

27.

Tant

ordi-

naires

que sub-

sidiaires.

c. 2 art.

11.

28.

1. Bien

choisis.

Non le

nombre

mais la

vaillance.

ne soient auanturiers, ignorās la guerre, racaille de ville, corrompus, vicieux, dissolus en toutes façōs, piaffeurs, hardis à la picorée, & loing de coups, cerfs, & lievres aux dangers, *Affueri latrociniis latorū insolentes, galeati lepores, purgamēta urbiū, quibus obegestatem & flagitia maxima peccandi necessitudo.*

29. Pour les bien choisir, il faut du iugement, de l'at-
Electio tention & de l'adresse, & à ces fins il faut confide-
 de sol- rer ces cinq choses : le pays, c'est à dire le lieu de
 dars en leur naissance & nourriture. Il les faut prendre des
 3. choses champs, des mōtagnes, lieux steriles, raboteux, ou
 a Pays. voisins de la mer, nourris à toute sorte de peine. *Ex*
Verges. *agris supplendum præcipuè robur exercitus, aptior armis*
rustica plebs sub dio & in laboribus enutrita, ipso terra
sua solo & calo acris animantur. Et minus mortem ti-
ment, qui minus deliciarum nonis in vita. Car ceux des
 villes nourris à l'ombre, aux delices, au gain, sont
 plus lasche & insolēs, effeminez, *vernacula multitu-*
Tacit *do, lasciuia sueta, laborum intolerans.* 2. L'aage, qu'ils
 a. Age. soient prins ieunes à 18. ans, ils en sont plus sōpples
 & obeyssans, les vieux ont des vices, & ne se plient
 1. Corps pas si bien à la discipline. 3. Le corps, duquel la sta-
 ture grande, est requis d'aucuns, comme de Marius
 & de Pyrrhus, mais encores qu'elle ne soit que
 mediocre, moyennant que le corps soit fort lec,
 vigoureux, nerueux, d'un regard fier, c'est tout un.
Tacit. *Dura corpora, stricti artus, minax vultus, maior ani-*
mi vigor. Les gros, gras, fluides n'y valent rien.
 4. Esprit 4. L'esprit, qui soit vit, resolu, hardy, glorieux, ne
 craignant rien tant que le deshonneur & le repro-
 che. 5. Cōdition, qu'importe de beaucoup; car ceux
 5. Con- qui sont de vilaine & infame condition, de qualité
 dition. deshonneste, ou bien qui se sont meslez de me-

stiers sédentaires, seruaus à delices & aux femmes, sont mal propres à c'este perfection.

Après le choix & l'electiō vient la discipline, car ^{30.} Bien ce n'est pas assez de les auoir choisis capables d'estre bon soldats, si l'on ne les fait, s'ils sont faits, si l'on ne les garde & entretient tels. Nature fait peu de gens vaillans, c'est la bonne institution & discipline. Or l'on ne scauroit assez dire combien vaut & est vtile la bonne discipline en la guerre : c'est tout, c'est elle qui a rendu Rome si florissante, & luy a acquis la seigneurie du monde : aussi l'auoient-ils en plus grande recommandation, que l'amour de leurs enfā. Or le principal poinct de la discipline est l'obeyssāce, à laquelle sert cet ancien precepte, Que le soldat doit plus craindre son chef que l'ennemy. ^{Vegat. Recommandation de la discipline.}

Or ceste discipline doit tendre à deux fins : à rendre les soldats vaillans & gens de bien : & ainsi elle a deux parties, la vaillance & les mœurs. A la vaillance trois choses seruent, l'exercice assidu aux armes, auquel il les faut contenir sans relasche, c'est d'oū est venu le mot latin *exercitus*, qui signifie armée. Cet exercice des armes est vne instruction à les bien manier & s'en seruir, se dresser aux combats, tirer bien des armes, dextrement s'ayder du bouclier, discourir & se représēter tout ce qui peut aduenir aux cōbats, & venir à l'essay, cōme en bataille rangée, proposer prix aux adroits pour les eschariffer. Le trauail qui est tant pour les endurcir à la peine, à la sueur, à la poussiere, *exercitus labore profectus, et sic consensescit*, que pour le bien & seruice de l'armée & fortification du camp, dont les faut apprendre à bien folloier, planter vne palissade, ^{11. Elle a 2 parties. 1. Vaillance qui s'acquie par exercice. 2. Le trauail.}

dresser vne barricade, courir, porter fardeaux pe-
sans, ce sont choses necessaires, tant pour se defen-
dre, que pour presser & enclorre l'ennemy. L'or-
dre qui est de grand vsage & doit estre en plusieurs
façons gardé en la guerre: Premièrement, en la di-
stribution des troupes, en bataillons, regimens,
enseignes, camerades. Secondement, en l'assiette
du camp, qu'elle soit en quartiers disposez avec
proportion, ayant ses places, entrées, issues, logis à
propos pour ceux de cheual & de pied, dont il soit
aysé à chacun de trouuer son quartier, son com-
pagnon. Tiercemēt, au marcher par campagne &
contre les ennemis, que chascun tienne son rang,
qu'ils soient également distans les vns des autres,
sans trop se presser ny s'esloigner. Tout cet ordre
est bien necessaire, & sert à plusieurs choses. Il est
fort beau à voir, resioiuit les amis, estonne les enne-
mis, assure l'armée, facilite tout ses remuēmens
& les commandemens des chefs: tellement que
sans bruit, sans confusion, le General commande,
& de main en main son intention paruiet iusques
aux plus petits. *Imperium ducis simul omnes copiae sen-
tiunt, & ad nutum regentis sine tu multu respondent.*
Bref, cet ordre bien gardé red l'armée presque in-
uincible. Et au contraire plusieurs se sont veuës
perdre à faute d'ordre & de bonne intelligen-
ce.

11. La seconde partie de la discipline militaire re-
2. Re- garde les mœurs qui sont volontiers bien desbau-
glemēt chées & difficilement se reglent parmy les armes,
des *assidue dimicantibus difficile moru custodire mensurā.*
mœurs. Toutesfois il y faut mettre peine, & specialement
En con- y installer: s'il se peut, trois vertus, continence,

par laquelle toute gourmandise, yrognerie, pail-
lardise, & toute volupté infame soit chassée, la-
quelle apoltronise & relasche le soldat, *Degenerat à
robore ac virtute miles assuetudine voluptatū*; telmoïn Tacit.

Annibal qui fut amolý par delices en vn hyuer, &
fut vaincu par les vices, luy qui estoit inuincible, &
vainquoit tout par armes. Modestie en paroles, Mode-

chassant tout vanité, vanterie, brauerie de paroles, stie,
la vaillâce ne remuë point la lāgue, mais les mains
n'est point harāgueuse, mais execute. *Viri nati mi-*

*litia factis magni, ad verborū linguāque certaminarū
des: discrimen ipsum certaminis differt, viri fortes, in
opere acres, ante id placidi.* Et au contraire les grands
parleurs ne valent rien. *Nimij verbis, lingua feroces.*

Or la langue est pour le conseil; la main pour le
combat, dit Homere, En faits (c'est vne simple &
prompte obeyssance sans marchander ou contre- Absti-
rooller les commandemēs des chefs) *hic sunt bona nence,*
militia, velle vereri, obedire. Abstinēce, par laquel-

le les soldats gardent leurs mains nettes de toute
violēce, fourrage, larcin. Voila en somme la disci-
pline militaire; laquelle le General fera valoir par
loyer & recompense d'honneur enuers les bons, &
vaillans, & punitions seueres contre les defaillans:
car l'indulgence perd les soldats.

C'est assez parlé des soldats: disons maintenant
deux mots des chefs, sans lesquels les soldats ne va-
lent rien: c'est vn corps sans ame, vn nauire avec
des vogueurs sās maistre, qui n'ēt le gouuernail. Il
y en a de deux sortes, il y a le General & premier:
& puis les subalternes, Maistre de camp, Colon- Du ge-
nels: mais le General (qui ne doit iamais estre ne-
qu'vn, sous peine de perdre tout) c'est tout. C'est

pourquoy a esté dit que l'armée vaut autant, que vaut son general. Et faut faire plus d'estat de luy, que de tout le reste, *plus induce repones, quàm inexer-*

Tacit. *titu:* Or ce general c'est le Prince mesme & souverain, ou celuy qu'il aura commis & bien choisi. La presence du Prince est de tres-grād poids & efficace, pour obtenir la victoire, redouble la force & le courage des siens, & semble estre requise, quand il y va du salut de son estat, ou d'une province. Aux guerres de moindre cōsequence il s'en peut deporter: *dubijs praliorum exemplis summa rerum & imperij seipsum reseruet.* Au reste vn general doit avoir ces qualitez, sçavant & expérimenté en l'art militaire,

Tacit. ayant veu & senty toutes les deux fortunes, *Secundarum ambiguarumque rerum sciens, eoque interritus.* 2. Prouident, & bien aduisé, & par ainsi rassis, froid & posé, esloigné de toute temerité & precipitatiō: laquelle non seulemēt est folle, mais malheureuse: Or les fautes en la guerre ne se peuuent rhabiller.

Sextor. *Non licet in bello bis peccare:* Parquoy il doit plustōst **Plutarc.** regarder derrière soy, que deuant. *Ducem oportet potius respicere quam prospicere:* 3. Vigilant & actif, & par son exemple menant & faisant faire à ses soldats tout ce qu'il veut. 4. Heureux, le bon-heur vient du Ciel, mais volontiers il suit & accompagne ces trois premieres qualitez.

34.
3. Chefs Apres les munitions & les hommes de guerre
dere- venons aux regles & aduis généraux pour bien fai-
gles & re la guerre. Ce troisiēsmo point est vn tres grand
aduis a & necessaīre instrumēt de guerre, sans lequel & les
faire la munitiōs & les hommes ne sont que phantosmes,
guerre. *Plura consilio quàm vi perficiuntur.* Or de les pres-
crire certains & perpetuels, il est impossible. Car

ils dependent de tant de choses, qu'il faut considérer, & auxquelles il se faut accommoder, dont a esté bien dit, que les hommes ne donnent pas conseil aux affaires, mais les affaires les donnent aux hommes, qu'il faut faire la guerre à l'œil, il faut prendre avertis sur le champ, *Consilium in arena*: car les choses qui surviennent, donnent avertis nouveaux. Il y en a toutefois de si généraux & certains, que l'on ne peut faillir de les dire, & les observer. Nous en deduirons icy brièvement quelques-uns, auxquels tout le l'on pourra tousiours adjoûter. Les uns sont à observer tout du long de la guerre, que nous dirons en premier lieu, les autres sont pour certains endroits & affaires.

Pour
tout le
tem. s
de la
guerre.

Le premier est, de guetter soigneusement, & empocher les occasions, n'en perdre pas une, & ne permettre, s'il se peut, que l'ennemy prenne les siennes: L'occasion a grand cours en tous affaires humains, spécialement en la guerre, où elles ayent plus que la force. 2. Faire son profit des bruits qui courent, car vrais ou faux peuvent beaucoup, mesmes au commencement. *Fama bella constant, fama bellum conficit, in spem metumve impellit animos.*

3. Mais quand l'on est entrain, il ne s'en faut plus donner peine: les considérer bien, mais ne laisser à faire ce qu'on doit & peut, ce que la raison conseille, & demeurer là ferme.

4. Sur tout se garder de trop grande confiance & assurance, par laquelle on mesprise l'ennemy, & se rend-on nonchalant & paresseux, c'est le plus dangereux mal qui soit en guerre. Qui mesprise son ennemy se descouvre, & se trahit soy-mesme. *Frequentissimum inisum calamitatis securitas. Nemo*

*celerius opprimitur quam qui non timet. Nil tunc in hoste
despicitur: quem spreueris, valentiorē negligentia facies.*

Il ne faut rien mespriser en guerre: car il n'y a rien
de petit: & souuent de ce que l'on pense bien petit,
il en aduiet de grands effets. *Sape paruis momentis
magni casus: ut nihil timendi, sic nihil contemnendi.*

5. S'enquerir fort soigneusement, & sçauoir l'estat
& affaires de l'ennemy, specialement ces poinçts
cy. 1. Le naturel, la portée & les desseins du chef, 2.
le naturel, les mœurs & maniere de viure des enne-
mis, 3. la situation des lieux, & le naturel du pays
où l'on est. Annibal estoit excellent en cela.

35.
Pour les
combats.

6. Pour le fait du combat, il faut aduiser plu-
sieurs choses, quand, où, contre qui, & comment,
afin que ce ne soit mal à propos. Et ne faut venir à
cette extremité qu'avec grande deliberatiō: choi-
sir plutost tout autre moyen, & chercher à rompre
son ennemy par patience, & le laisser battre au
temps, au lieu, au defaut de plusieurs choses, que
venir à ce hazard. Car l'issue de batailles est tres-
incertaine & dangereuse. *incerti exitus periculum:
Mars communis, qui saepe spoliam etiam eamque
euerit, & perculit ab obiecto.*

Quand.

8. Il ne faut donc venir à cela que rarement, c'est
à dire, en la necessité, ou pour quelque grande oc-
casion: necessité, comme si les difficultez croissent
de vostre part, les viures, les finances defaillent,
les hommes se dégouttent, & s'en vont, on ne peut
plus guerres subsister, *capienda rebus in malis præcepta
via est.* Occasion, comme si vostre party est tout
clairement plus fort: que la victoire semble vous
tendre la main, que l'ennemy est à present foible,
& sera bien-tost plus fort, & presentera le combat
qu'il ne

qu'il ne s'en doute pas, & pense que l'on soit bien loin, il est las & recreu, il repaist, les cheuaux sont en la litiere.

6. Faut considerer le lieu, car il est de grande consequence aux batailles. En general ne faut point attendre, s'il se peut, que l'ennemy entre dedans vos terres. Il faut aller au deuant, au moins l'arrester à la porte. Et s'il y est entré ne hazarder point la bataille, si ce n'est que l'on aye vne autre armée prests; autrement c'est iouier & mettre son estat au hazard: particulierement considerer le champ de bataille, s'il est propre pour soy ou pour l'ennemy. Le champ donne quelquefois vn tres-grand aduantage. La plaine campagne est bonne pour la caualerie, les lieux estroits, garnis de mareils, fofsez, fauorisent l'infanterie.

Regarder avec qui, non avec les plus forts i'entens plus forts non d'hommes, mais de courage. Or il n'y a chose qui donne tant de courage, que la necessité, ennemy inuincible. Parquoy ie dis, qu'il ne faut iamais se battre avec des desesperes. Cecy s'accorde avec le precedent, qui est de ne hazarder bataille dedans son propre pays, car l'ennemy entré y combat comme desesperé, sçachant que s'il est vaincu, il ne peut eschapper la mort, n'ayant forteresse ny retraitte ou secours aucun. *Unde necessitas in loco spes in virtute, salus in victoria.*

La maniere plus aduantageuse, quelle qu'elle soit, est la meilleure; surprinle, ruse, à couuert, feignant d'auoir peur pour attirer l'ennemy, & le prendre au piege, *spe victoria inducere, ut vincantur*; guetter & marquer ses fautes, pour s'en preuoir & les charger de ce pas.

36.
Pour
les ba-
tailles.

Pour les batailles rangées, sont requises ces choses. La premiere & principale est vne belle & bonne ordonnance de ses gens. 2. Vn renfort & secours tout prest, mais couuert & caché, afin qu'inopinément suruenant il estonne l'ennemy. Car toutes choses subites, encorés que vaines & ridicules, donnent l'espouuante.

Primi in omnibus praeliis oculi vincuntur & aures?

3. Arriuier le premier au cāp & estre rangé en bataille : l'on fait ainsi tout plus à son aise, & sert à croistre le courage des siens & abbatre celuy de son ennemy : car c'est estre assaillant, qui a tousiours plus de cœur que le soustenant. 4. Belle, braue, hardie, resoluë contenāce du general & autres chefs. 5. Harangue pour encourager les soldats & leur remontrer l'honneur, le profit & seurété, qu'il y en a la vaillāce. Le deshonneur, le danger, la mort sont pour les couiards; *minus timoris : minus periculi, audaciam promouere esse, effugere mortem, qui eam contemnit.*

37.
4. Estar
aux
mains,

Estant venu aux mains, si l'armée branle, faut que le general tienne ferme, face tout deuoir d'un chef resolu, & braue gendarme, courir au deuant des estonnez, arrester les reculans, se ietter en la presse, faire cognoistre à tous, siens & ennemis, que la teste, la main, la langue ne luy tremble point.

Si elle a du meilleur & le dessus, la retenir, qu'elle ne s'espande & se desbande par trop à poursuyure obstinémēt les vaincus. Il est à craindre ce qui est adueni souuent, qu'en reprenāt cœur ils iouient au desespoir, facent vn effort, & desfacent les vainqueurs, c'est vne violente maistresse d'escole que le necessité. *Clausis ex desperatione crescit audacia : &*

enim spei nihil est, sumit arma formido. Leur faut plus tost donner passage & faciliter leur fuite : encores moins permettre s'amuser au butin, si vous estes vainqueur. Il faut vser de la victoire prudemment, afin qu'elle ne tourne en mal. Parquoy ne la faut sallir de cruauté en ostant à l'ennemy tout espoir : car il y auroit du danger, *Ignaniam necessitas acuit: saepe desperatio spei causa est, grauisissimi sunt mortis irritatae necessitatis*; au contraire faut luy laisser occasion d'esperer, & ouverture de paix, ne fouler ny rauager le pays cōquis, la fureur & la rage sont dangereuses beites: ny d'insolences, mais s'y cōporter modestement, & se souuenir tousiours du perpetuel flux & reflux de ce monde & reuolution alternative, par laquelle de l'aduersité naist la prosperité, & au contraire. Il y en a qui se noyēt à deux doigts d'eau, & ne peuent digerer vne bonne fortune. *Magnam felicitatem concoquere non possum: fortuna vitrea est, tunc cum splendet frangitur: o infidam fiduciam! & saepe victor victus.* Si vous estes vaincus faut de la sagesse à bien cognoistre & peser la perte, c'est sortile se faire à croire que ce n'est rien, & se paistre de belles esperances, supprimer les nouuelles de la deffaicte. Il la faut considerer toute de son long, autrement comment y remedira l'on? Et puis du courage à mieux esperer, à restaurer ses forces, faire nouuelles leuées, chercher nouveau secours, mettre bonnes & fortes garnisons dedans les places fortes. Et quand le ciel seroit si contraire, comme il semble quelquesfois s'opposer aux armes saintes & iustes: il n'est toutesfois iamais defendu de mourir au liēt d'honneur, qui est meilleur que viure en deshonneur.

18.
Questio
des ru-
ses de
guerre.

Voila le second chef de ceste matiere acheué, qui est de faire la guerre, sans vn scrupule, qui restesçanoir s'il est permis d'vser de ruses, finesse, stratagemes. Il y en a qui tiennent que non, qu'il est indigne de gens d'honneur, & de vertu reietans ce beau dire, *Dolus an virtus quis in hoste requiratur?* Alexandre ne vouloit se preualoir de l'obscurité de la nuit, disant ne vouloir des victoires desrobées, *malo me fortuna pignat, quam victoria pudeat.* Ainsi les premiers Romains remoyâs aux Phaliques leur maître d'escole; à Pyrrhus son traistre medecin, faisans profession de la vertu, desauouans ceux des leurs qui en faisoient autrement, reprouuans la subtilté Grecque, l'astuce Africaine, & enseignans que la victoire vraye est avec la vertu, *qua salua fide & integra dignitate paratur*, celle qui est acquise par finesse n'est genereuse ny honorable, ny asseurée. Les vaincus ne se tiennent pour bien vaincus, *non virtute, sed occasione & arte ductis se victos vati: ergo non fraude neq; oculis sed palâ & armatum hostes suos vlcisci.* Or tout cela est bien dit vray & s'entend en deux cas, aux querelles particulieres & cõtre les ennemis priuez, ou bien quand il y va de la foy donnée, ou alliance traittée. Mais hors ces deux cas, c'est à dire, en guerre & sans prejudice de la foy, il est permis de quelque façon que ce soit desfaire son ennemy qui est de la condamné: & est loisible l'exterminer. C'est apres l'aduis des plus grand guerriers (qui au contraire ont tous preferé la victoire acquise par occasion & finesse à celle de la vüe force ouuerte, dont à celle là ordonnent vn bœuf pour sacrifice, & celle cy vn coq seulement) la decision de ce grand Docteur

Polib.
Plut. in
Marcel.
l. 1. p.
l. 1. de
Prob.

Chrestien, *Cum iustum bellum suscipitur, ut aperte pugnet quis, aut ex insidiis, nihil ad iustitiam interest.* La guerre a naturellement des priuileges raisonnables au preiudice de la raison. En temps & lieu est permis de se preualoir de la sottise des ennemis, aussi bien que de leur lascheté.

August.
questio
sup. 10.
suc.

Venons au troisieme Chef de cette matiere militaire plus court & plus ioyeux de tous, qui est de finir la guerre par la paix. Le mot est doux, la chose plaisante, tres-bonne en toutes façons, *Pax optima rerum, quos homine nouisse datum est, Pax una triumphis innumeris potior, & tres-vtile à tous partis vainqueurs, & vaincus.* Mais premierement aux vaincus plus foibles : ausquels premiers ie donne aduis de demeurer armez, se montrer asseurez & resolus. Car qui veut la paix, faut qu'il se tienne tout prest à la guerre, dōt a esté biē dit, que la paix se traite bien & heureusement sous le bouclier. Mais il faut qu'elle soit honnestē & avec cōditions raisonnables : autrement combien qu'il soit dit qu'une paix fourrée est plus vtile qu'une iuste guerre si est-ce qu'il vaut mieux mourir librement & avec honneur, que seruir honteusement. Et aussi pure & franche, sans fraude & feintise, laquelle finisse la guerre, nō la differe, *pax suspecta turis bellum* : toutesfois en la necessitē il se faut accommoder comme l'on peut. Quand le pilote craint le naufrage, il fait iect pour le sauuer, & souuent il succede bien de se cōmettre à la discretion de l'aduersaire genereux : *Victores, qui sunt alto animo: secunda res in miserationē ex ira vertit.* Aux vainqueurs, ie conseille ne se rendre fort difficiles à la paix, car bien qu'elle soit peut-estre moins vtile qu'aux

39.
Chref
de la
maniere
mili-
taire.
finir la
guerre.

De la
paix de
la part
des
vaincus.

De la
part des
vain-
queurs
ausquels
elle est
vtile.

vaincus, si c'est elle; car la cōtinuation de la guerre est ennuyeuse. Et Lycurgue defend de faire la guerre souuent à mesmes ennemis, car ils apprennent a se defendre, & en fin à assaillir. Les morsures des beste smourantes sont mortelles. *Fractis rebus violētior vltima virtus.* Et puis l'issuë est tousiours incertaine, *Melior tutiorque certa pax sperata victoria, in tua illa, hac in deorū manu est.* Et souuēt à la queue gist le venin: plus la fortune a esté favorable, plus la faut-il redouter: *nemo se tuū diu periculis offerret am crebris potest.* Mais elle est vrayement honorable, c'est gloire, ayāt victoire en main se rendre facile à la paix; c'est montrer que l'on entreprend iustement, & sagement l'on finit la guerre. Et au rebours la refuser, & qu'il arriue vn mauvais succez, c'est honte. Lon dit, la gloire l'a perdu. Il refusoit la paix & vouloit l'honneur: & il a perdu tous les deux, mais faut octroyer vne paix gracieuse & debonnaire: afin qu'elle soit durable. Car si elle est trop rude & cruelle, à la premiere commodité les vaincus se renolteront. *Si bonam dederis, fidam & perpetuam, si malam baud diuturnam.* C'est grandeur de montrer autant de douceur enuers les vaincus supplians, comme de vaillance contre l'ennemy. Les Romains ont tres-bien pratiqué cecy, & s'en sont bien trouuez.

Hono:
rable.

S Ber:
nard.

Liuius.

De la prudence requise aux affaires difficiles & mauvais accidens publics & prinez.

CHAP. IV.

P R E F A C E.

A Pres aoir parlé de la prudence politique requise au Souuerain pour bien agir & gouverner, nous voulons icy separément parler de la prudence requise à se garder, & remedier aux affaires, & accidens difficiles & dangereux, qui suruiennēt tāt au souuerain qu'aux suiets & particuliers. Premièrement, ces affaires & accidens sont en grande diuersité: ils sont publics ou particuliers: sont à venir & nous menassēt, ou ia presens ou pressans: les vns sont seulement douteux & ambigus, les autres sont dangereux & importans à cause de la violence. Et ceuxcy qui sont les plus grāds & difficiles sont ou secrets & cachez, & sont deux, sçauoir, coniuration contre la personne du Prince ou l'estat, & trahison contre les places & compagnies, ou manifestes & ouuerts: & ceux-cy sont de plusieurs sortes. Car ou ils sont sās forme de guerre, & ordre certain, cōme les émotions populaires pour quelque prompt & legere occasion, factions & ligue entre les subiets, des vns contre les autres, en petit & grand nombre, grands ou petits; seditiōs du peuple contre le Prince ou le magistrat, rebellion cōtre l'autorité & la teste du Prince: ou sont meuris & formez en guerre, & s'appellent guerres Ciuiles: qui sont en au-

Diuisiō
de ceste
matie-
re par
distin-
ctiō
d'acci-
dent.

(M m iij)

tant de sortes , que les susdits troubles & remuemens , car s'en sont les causes , fondemens & semences ; mais ont creu & sont venus en consequence & durée. De tous nous dirons distinctement & donnerons aduis & conseil, pour s'y conduire sagement, tant aux souuerains, qu'au particuliers, grands & petits.

I. DES MALIX ET ACCIDENS
qui nous menassent.

AVx accidens contraires, ausquels nous sommes subiets, il y a deux manieres de se porter diuerfes, & peuvent estre toutes deux bonnes, selon le naturel diuers & des accidens , & de ceux à qui ils arriuent: l'une est de contester fort: & s'opposer à l'accident , remuer toutes choses pour le coniuurer & destourner , au moins emousser sa pointe, & amortir son coup , luy eschapper ou le forcer. Cecy requiert vne ame forte & opiniaastre, & a besoin d'un soin aspre & penible. L'autre est de prendre les choses incontinent au pire, & se resoudre à les porter doucement & patiemment , & cependant attendre paisiblement ce qu'il aduendra , sans se tourmenter à l'empescher. Celuy-là estude à ranger les euenemens, cestuy-cy soy mesme: celuy là semble plus courageux, cestuy-cy iouït au seur: celuy-là est suspens, agité entre la crainte & l'esperance: cestuy-cy se met à l'abry, & se loge si bas qu'il ne peut plus tomber de plus haut. La plus basse marche est la plus ferme, & le siege de constance. Celuy là traueille d'en eschapper, cestuy-cy de souffrir: souuent cestuy-cy en

a meilleur marché. Il y a souvent plus de mal & de perte à plaider, qu'à perdre, à fuir & se donner garde qu'à souffrir. L'avaricieux se tourmente plus que le pauvre, le jaloux que le cocu. En celuy là est plus requise la prudence : car il agit, en cestuy-cy la patience. Mais qui empesche que l'on ne faiſt tous les deux par ordre : & que là ou la prudence & vigilance ne peut rien, y succede la patience ? Certes aux maux publics il faut essayer le premier, & y sont tenus ceux qui ont la charge, & le peuvent : aux particuliers chacun choisisse son meilleur.

II. MAUX ET ACCIDENS PRE- sens, pressans, & extremes.

LE moyen propre pour allegier les maux & adoucir les passions, ce n'est pas s'opposer, car l'opposition les picque & despice d'avantage. On aigrit & irrite le mal par la jalousie du debat & du contraste : mais c'est, ou les destournant & diuertissant ailleurs, ainsi que les Medecins qui ne pouvant bien purger & exterminer du tout le mal, le diuertissent, & le font deriuer en vne autre partie moins dangeieuse. Ce qui se doit faire tout doucement & insensiblement : c'est vn excellent remede à tous maux, & qui se pratiquent en toutes choses, si l'on y regarde bien, par lequel l'on nous faiſt aualler les plus rudes morceaux, & la mort mesmes insensiblement : *abducendus animus est ad alia studia, curas, negotia, loci denique mutatione tanquam agroti non conualescentes saepe curandus est.* Comme à ceux qui passent vne profondeur effroyable

tant de sortes , que les susdits troubles & remuemens , car s'en sont les causes , fondemens & semences ; mais ont creu & sont venus en consequence & durée. De tous nous dirons distinctement & donnerons advis & conseil, pour s'y conduire sagement, tant aux souverains, qu'au particuliers, grands & petits.

I. DES MAUX ET ACCIDENS *qui nous menassent.*

AVx accidens contraires, ausquels nous sommes subiets, il y a deux manieres de se porter diuerses, & peuuent estre toutes deux bonnes, selon le naturel diuers & des accidens , & de ceux à qui ils arriuent: il vne est de contester fort: & s'opposer à l'accident , remuer toutes choses pour le coniuier & destourner , au moins emousser sa pointe, & amortir son coup , luy eschapper ou le forcer. Cecy requiert vne ame forte & opiniastre, & a besoin d'un soin aspre & penible. L'autre est de prendre les choses incontinent au pire, & se resoudre à les porter doucement & patiemment , & cependant attendre paisiblement ce qu'il aduient, sans se tourmenter à l'empescher. Celuy-là estude à ranger les euenemens, cestuy-cy soy mesme: celuy là semble plus courageux, cestuy-cy iouït au seur: celuy-là est suspens, agité entre la crainte & l'esperance: cestuy-cy se met à l'abry, & se loge si bas qu'il ne peut plus tomber de plus haut. La plus basse marche est la plus ferme, & le siege de constance. Celuy là travaille d'en eschapper, cestuy-cy de souffrir: souuent cestuy-cy en

ameilleur marché. Il y a souvent plus de mal & de perte à plaider, qu'à perdre, à fuir & se donner garde qu'à souffrir. L'avaricieux se tourmente plus que le pauvre, le jaloux que le cocu. En celuy là est plus requise la prudence : car il agit, en cestuy cy la patience. Mais qui empesche que l'on ne faict tous les deux par ordre : & que là ou la prudence & vigilance ne pent rien, y succede la patience. Certes aux maux publics il faut essayer le premier, & y sont tenus ceux qui ont la charge & le peuvent : aux particuliers chacun choisisse son meilleur.

II. MAUX ET ACCIDENS PRE-

sens, pressans, & extremes.

LE moyen propre pour alleguer les maux & adoucir les passions, ce n'est pas s'opposer, car l'opposition les picque & despire d'avantage. On aigrit & irrite le mal par la jalousie du debat & du contraste : mais c'est, ou les destournant & diuertissant ailleurs, ainsi que les Medecins qui ne pouvant bien purger & exterminer du tout le mal, le diuertissent, & le font deriuer en vne autre partie moins dangereuse. Ce qui se doit faire tout doucement & insensiblement : c'est vn excellent remede à tous maux, & qui se pratiquent en toutes choses, si l'on y regarde bien, par lequel l'on nous faict aualler les plus rudes morceaux, & la mort mesmes insensiblement : *abducendus animus est ad alia studia, curas, negotia, loci denique mutatione tanquam agroti non conualescentes sape curandus est.* Comme à ceux qui passent vne profondeur effroyable

L'on cōseille de clorre ou destourner les yeux. On amuse les enfans lors quel'on leur veut donner le coup de lancette. Faut practiquer l'expedient & les ruses d'Hippomenes, lequel ayant à courir avec Atalante fille d'excellēte beauté, pour y perdre la vie s'il estoit denancé, ou auoir la fille en mariage, s'il gaignoit en la course, se garnit de trois belles pommes d'or, lesquelles il la fît tomber à diuerses fois pour amuser la fille à les recueillir, & ainsi la diuertissant gaigner l'aduātage sur elle: ainsi la cōsideration d'un malheur ou rude accident present, ou la memoire d'un passé nous pèse fort, ou quelque violente passion nous agite & tourmente, que l'on ne puisse dompter, il faut changer & ietter sa pensée ailleurs, luy substituer un autre accident & passion moins dangereuse. Si l'on ne la peut combattre il luy faut eschapper, fouruoyer, ruser, ou bien l'affoiblir, la dissoudre, & destréper avec d'autres amusemens & pensées, la rompre en plusieurs pieces: & tout cela par destours & diuertissemens.

L'autre aduis aux dernieres & tres-dangerenses extremitez, où n'y a plus quetenir, est de baisser un peu la teste, prestor au coup, céder à la necessité, car il y a grand danger qu'en s'opiniastrant par trop à ne rien relâcher, l'on donne occasion à la violence de fouler tout aux pieds. Il vaut mieux faire vouloir aux loix ce qu'elles peuent, puis qu'elles ne peuent ce qu'elles veulent. Il a esté reproché à Caton d'auoir esté trop roide aux guerres civiles de son tēps, & plustost auoir laissé la Repub. encourir toutes extremitez, que la secourir un peu aux despens des loix. Au rebours Epaminondas au besoin continua sa charge outre le terme, bien

que la loy luy prohibast sur la vie : & Philopomen est loiié qu'estant né pour commander, il scauoit non seulement gouverner selon les loix, mais encorés commander aux loix mesmes, quand la necessité publique le requeroit. Il faut au besoin biaiser, ployer vn peu, tourner le tableau de la loy, sinon l'oster, et quier & gauchir pour ne perdre, tout de prudence, qui n'est contraire à raison & iustice.

III. AFFAIRES DOUTEVX & Ambigus.

AVx choses ambiguës, où les raisons sont fortes de toutes parts & l'impuissance de veoir & choisir ce qui est le plus commode, nous apporte de l'incertitude & perplexité, le meilleur est se ietter au party, ou y a plus d'honnesteré & de iustice. Car encorés qu'il en mesaduienne, si restera-il tousiours vne gratification au dedans & vne gloire au dehors d'auoir choisi le meilleur. Outre que l'on ne sçait quand on eust prins le parti contraire, ce qu'il fust aduenü, & si l'on eust eschappé son destin. Quand on doute quel est le meilleur & plus court chemin, il faut tenir le plus droit.

IV. AFFAIRES DIFFICILES & dangereux.

AVx affaires difficiles, comme aux accords, y vouloir apporter de la seureté, c'est les rendre mal asseurez, par ce que l'on y employe plus de temps, plus de gens s'en empeschent, l'on y mesle

*celerius opprimitur quam qui non timet. Nil tui d in hoste
despicitur:quem spreueris, valentiorē negligentia facies.*

Il ne faut rien mespriser en guerre: car il n'y a rien
de petit: & souuent de ce que l'on pense bien petit,
il en aduiet de grands effets. *Sape paruis momentis
magni casus: ut nihil timendi, sic nihil contemnendi.*

5. S'enquerir fort soigneusement, & sçauoir l'estat
& affaires de l'ennemy, specialement ces poinçts
cy. 1. Le naturel, la portée & les desseins du chef, 2.
le naturel, les mœurs & maniere de viure des enne-
mis, 3. la situation des lieux, & le naturel du pays
où l'on est. Annibal estoit excellent en cela.

35. Pour les combats, 6. Pour le faict du combat, il faut aduiser plu-
sieurs choses, quand, où, contre qui, & comment,
afin que ce ne soit mal à propos. Et ne faut venir à
cette extremité qu'avec grande deliberatiō: choi-
sir plutost tout autre moyen, & chercher à rompre
son ennemy par patience, & le laisser battre au
temps, au lieu, au defaut de plusieurs choses, que
venir à ce hazard. Car l'issue de batailles est tres-
incertaine & dangereuse. *incerti exitus periculum:
Mars communis, qui sape spoliantem & iam exultantem
euertit, & pertulit ab obiecta.*

Quand. 8. Il ne faut donc venir à cela que rarement, c'est
à dire, en la necessité, ou pour quelque grande oc-
casion: necessité, comme si les difficultez croissent
de vostre part, les viures, les finances defaillent,
les hommes se dégouttent, & s'en vont, on ne peut
plus guerres subsister, *capienda rebus in malis præcepta
via est.* Occasion, comme si vostre party est tout
clairement plus fort: que la victoire semble vous
tendre la main, que l'ennemy est à present foible,
& sera bien-tost plus fort, & presentera le combat
qu'il ne

qu'il ne s'en doute pas, & pense que l'on soit bien loin, il est las & recreu, il repaist, les cheuaux sont en la litiere.

6. Faut considerer le lieu, car il est de grande consequence aux batailles. En general ne faut point attendre, s'il se peut, que l'ennemy entre dedans vos terres. Il faut aller au deuant, au moins l'arrester à la porte. Et s'il y est entré ne hazarder point la bataille, si ce n'est que l'on aye vne autre armée prestte; autrement c'est ioier & mettre son estat au hazard: particulierement considerer le champ de bataille, s'il est propre pour soy ou pour l'ennemy. Le champ donne quelquefois vn tres-grand aduantage. La plaine campagne est bonne pour la caualerie, les lieux estroits, garnis de marests, fossez, fauorisent l'infanterie.

Regarder avec qui, non avec les plus forts i'entens plus forts non d'hommes, mais de courage. Or il n'y a chose qui donne tant de courage, que la necessité, ennemy invincible. Parquoy ie dis, qu'il ne faut iamais se battre avec des desesperéz. Cecy s'accorde avec le precedent, qui est de ne hazarder bataille dedans son propre pays, car l'ennemy entré y combat comme desesperé, sçachant que s'il est vaincu, il ne peut eschapper la mort, n'ayant forteresse ny retraitte ou secours aucun. *Inde necessitas in loco spes in virtute, salus in victoria.*

La maniere plus aduantageuse, quelle qu'elle soit, est la meilleure; surprise, ruse, à couuert, feignant d'auoir peur pour attirer l'ennemy, & le prendre au piege, *spe victoria inducere, ut vinctum;* guetter & marquer les fautes, pour s'en preuoir & les charger de ce pas.

M m

36.
Pour
les ba-
tailles.

Pour les batailles rangées, sont requises ces choses. La premiere & principale est vne belle & bonne ordonnance de ses gens. 2. Vn renfort & secours tout prest, mais couuert & caché, afin qu'inopinément suruenant il estonne l'ennemy. Car toutes choses subites, encores que vaines & ridicules, donnent l'espouuante.

Primi in omnibus praeliis oculi vincuntur & aures?

3. Arriuer le premier au cāp & estre rangé en bataille : l'on fait ainsi tout plus à son aise, & sert à croistre le courage des siens & abbatre celuy de son ennemy : car c'est estre assillant, qui a tousiours plus de cœur que le soustenant. 4. Belle, braue, hardie, resoluë contenāce du general & autres chefs. 5. Harangue pour encourager les soldats & leur remonstrier l'honneur, le profit & seurieté, qu'il y en a la vaillāce. Le deshonneur, le danger, la mort sont pour les couiards; *minus timoris : minus periculi, audaciam promouere esse, effugere mortem, qui eam contemnit.*

37.
4. Estât
aux
mains.

Estant venu aux mains, si l'armée bransle, faut que le general tienne ferme, face tout deuoir d'un chef resolu, & braue gendarme, courir au deuant des estonnez, arrester les reculans, se ietter en la presse, faire cognoistre à tous, siens & ennemis, que la teste, la main, la langue ne luy tremble point.

Si elle a du meilleur & le dessus, la retenir, qu'elle ne s'espande & se desbande par trop à poursuyure obstinément les vaincus. Il est à craindre ce qui est aduenü souuent, qu'en reprenāt cœur ils iouient au desespoir, facent vn effort, & desfacent les vainqueurs, c'est vne violente maistresse d'escole que le necessité. *Clausis ex desperatione crescit audacia : &*

cum spe nihil est, sumit arma formido. Leur faut plus tost donner passage & faciliter leur fuite : encores moins permettre s'amuser au butin, si vous estes vainqueur. Il faut vser de la victoire prudemment, afin qu'elle ne tourne en mal. Parquoy ne la faut sallir de cruauté en ostant à l'ennemy tout espoir : car il y auroit du danger, *Ignauiam necessitas acuit: sape desperatio spei causa est, grauisissimi sunt morsus irritati & necessitatis:* au contraire faut luy laisser occasion d'esperer, & ouerture de paix, ne fouler ny rauager le pays cōquis, la fureur & la rage sont dangereuses beites: ny d'insolences, mais s'y cōporter modestement, & se souuenir tousiours du perpetuel flux & reflux de ce monde & reuolution alternatiue, par laquelle de l'aduersité naist la prosperité, & au contraire. Il y en a qui se noyēt à deux doigts d'eau, & ne peuent digerer vne bonne fortune. *Magnam felicitatem concoquere non possum: fortuna vitrea est, tunc cum splendet frangitur: o infidam fiduciam! & sape victor victus.* Si vous estes vaincus faut de la sagesse à bien cognoistre & peser la perte, c'est sottise se faire à croire que ce n'est rien, & se paistre de belles esperances, supprimer les nouuelles de la deffaiete. Il la faut considerer toute de son long, autrement comment y remedira l'on? Et puis du courage à mieux esperer, à restaurer ses forces, faire nouuelles leuées, chercher nouueau secours, mettre bonnes & fortes garnisons dedans les piaces fortes. Et quand le ciel seroit si contraire, comme il semble quelquesfois s'opposer aux armes sainctes & iustes: il n'est toutesfois iamais defendu de mourir au liēt d'honneur, qui est meilleur que viure en deshonneur.

18.
Questiō
des ru-
ses de
guerre.

Voila le second chef de ceste matiere acheué, qui est de faire la guerre, sans vn scrupule, qui restesçavoir s'il est permis d'vser de ruses, finesse, stratagemes. Il y en a qui tiennent que non, qu'il est indigne de gens d'honneur, & de vertu reietans ce beau dire, *Dolus an virtus quis in hoste requiratur?* Alexandre ne vouloit se preualoir de l'obscurité de la nuit, disant ne vouloir des victoires desrobées, *malo me fortuna piceat, quam victoria pudcat.* Ainsi les premiers Romains remuoyās aux Phaliques leur maistre d'escole; à Pyrrhus son traistre medecin, faisans profession de la vertu, desauouans ceux des leurs qui en faisoient autrement, reprouuans la subtilité Grecque, l'astuce Africaine, & enseignans que la victoire vraye est avec la vertu, *qua salua fide & integra dignitate paratur*, celle qui est acquise par finesse n'est genereuse ny honorable, ny asscurée. Les vaincus ne se tiennent pour bien vaincus, *non virtute, sed occasione & arte ducti se victos rati: ergo non fraude neq; oculis sed palā & armatum hostes suos ulcisci.* Or tout cela est bien dit vray & s'entēd en deux cas, aux querelles particulieres & cōtre les ennemis priuez, ou bien quand il y va de la foy donnée, ou alliance traittée. Mais hors ces deux cas, c'est à dire, en guerre & sans prejudice de la foy, il est permis de quelque façon que ce soit desfaire son ennemy qui est desia condamné: & est loisible l'exterminer. C'est apres l'aduis des plus grand guerriers (qui au contraire ont tous preferé la victoire acquise par occasion & finesse à celle de la viue force ouuerte, dont à celle là ordonnent vn bœuf pour sacrifice, & celle cy vn coq seulement) la decision de ce grand Docteur

Polib.
Plur. in
Mar-
cel. l. p.
l. i. de
Prob.

Chrestien, *Cum iustum bellū suscipitur, ut aperte pugnet quis, aut ex insidiis, nihil ad iustitiam interest.* La guerre a naturellement des priuileges raisonnables au preiudice de la raison. En temps & lieu est permis de se preualoir de la sottise des ennemis, aussi bien que de leur lascheté.

Venons au troisième Chef de cette matiere militaire plus court & plus ioyeux de tous, qui est de finir la guerre par la paix. Le mot est doux, la chose plaisante, tres-bonne en toutes façons, *Pax optima rerum, quos homine nouisse datum est, Pax una triumphis innumeris potior,* & tres-vtile à tous partis vainqueurs, & vaincus. Mais premierement aux vaincus plus foibles : ausquels premiers ie donne aduis de demeurer armez, se montrer asseurez & resolus. Car qui veut la paix, faut qu'il se tienne tout prest à la guerre, dōt a esté biē dit, que la paix se traite bien & heureusement sous le bouclier. Mais il faut qu'elle soit honnestē & avec cōditions raisonnables : autrement combien qu'il soit diē qu'une paix fourrée est plus vtile qu'une iuste guerre si est-ce qu'il vaut mieux mourir librement & avec honneur, que seruir honteusement. Et aussi pure & franche, sans fraude & feintise, laquelle finisse la guerre, nō la differe, *pax suspecta turis bellum* : toutesfois en la necessitē il se faut accommoder comme l'on peut. Quand le pilote craint le naufrage, il fait iect pour se sauuer, & souuent il succede bien de se cōmettre à la discretion de l'aduersaire genereux : *Victores, qui sunt alto animo: secūda res in miserationē ex ira vertit.* Aux vainqueurs, ie conseille ne se rendre fort difficiles à la paix, car bien qu'elle soit peut-estre moins vtile qu'aux

Augusti
questio
sup. 10.
suc.

39.
Chref
de la
maniere
mili-
taire.
finir la
guerre.

De la
paix de
la part
des
vaincus.

De la
part des
vain-
queurs
ausquels
elle est
vtile.

vaincus, si c'est elle; car la cōtinuation de la guerre est ennuyeuse. Et Lycurgue defend de faire la guerre souuent à mesmes ennemis; car ils apprennent à se defendre, & en fin à assaillir. Les morsures des bestes mourantes sont mortelles. *Fractis rebus uolētior ultima uirtus.* Et puis l'issue est tousiours incertaine, *Melior tutiorque certa pax sperata uictoria, in tua illa, hac in deorū manu est.* Et souuēt à la queue gist le venin: plus la fortune a esté favorable, plus la faut-il redouter: *nemo se tuū diu periculis offerret am crebris potest.* Mais elle est vrayemēt honorable, c'est gloire, ayāt victoire en main se rendre facile à la paix; c'est montrer que l'on entreprend iustement, & sagement l'on finit la guerre. Et au rebours la refuser, & qu'il arriue vn mauuais succez, c'est honte. Lon dit, la gloire l'a perdu. Il refusoit la paix & vouloit l'honneur; & il a perdu tous les deux, mais faut octroyer vne paix gracieuse & debonnaire: afin qu'elle soit durable. Car si elle est trop rude & cruelle, à la premiere commodité les vaincus se renolteront. *Si bonam dederitis, fidam & perpetuam, si malam haud diuturnam.* C'est grandeur de montrer autant de douceur enuers les vaincus supplians, comme de vaillance contre l'ennemy. Les Romains ont tres-bien pratiqué cecy, & s'en sont bien trouuez.

Hono:
rable.

S Ber-
nard.

Liuius;

De la prudence requise aux affaires difficiles & mauvais accidens publics & prinex.

CHAP. IV.

P R E F A C E.

A Pres aüoir parlé de la prudēce politique requise au Souuerain pour bien agit & gouverner, nous voulons icy separément parler de la prudēce requise à se garder, & remedier aux affaires, & accidens difficiles & dangereux, qui suruiennēt tāt au souuerain qu'aux suiets & particuliers. Premièrement, ces affaires & accidens sont en grande diuersité: ils sont publics ou particuliers: sont à venir & nous menassēt, ou ia presens ou pressans: les vns sont seulement douteux & ambigus, les autres sont dangereux & importans à cause de la violence. Et ceux cy qui sont les plus grāds & difficiles sont ou secrets & cachez, & sont deux, sçauoir, coniuratiō contre la personne du Prince ou l'estat, & trahison contre les places & compagnies, ou manifestes & ouuerts: & ceux cy sont de plusieurs sortes. Car ou ils sont sās forme de guerre, & ordre certain, cōme les émotions populaires pour quelque prompt & legere occasion, factions & ligues entre les subiets, des vns contre les autres, en petit & grand nombre, grands ou petits; seditiōs du peuple contre le Prince ou le magistrat, rebellion cōtre l'autorité & la teste du Prince: ou sont meuris & formez en guerre, & s'appellent guerres Ciuiles: qui sont en au-

Diuisiō
de ceste
matie-
re par
distin-
ctiō
d'acci-
dent.

M m iij

tant de sortes, que les susdits troubles & remuemens, car s'en sont les causes, fondemens & semences; mais ont creu & sont venus en consequence & durée. De tous nous dirons distinctement & donnerons aduis & conseil, pour s'y conduire sagement, tant aux souverains, qu'au particuliers, grands & petits.

I. DES MAUX ET ACCIDENS

qui nous menassent.

AVx accidens contraires, ausquels nous sommes subiets, il y a deux manieres de se porter diuerfes, & peuent estre toutes deux bonnes, selon le naturel diuers & des accidens, & de ceux à qui ils arriuent: il vne est de contester fort: & s'opposer à l'accident, remuer toutes choses pour le coniuurer & destourner, au moins emousser sa pointe, & amortir son coup, luy eschapper ou le forcer. Cecy requiert vne ame forte & opiniastre, & a besoin d'un soin aspre & penible. L'autre est de prendre les choses incontinent au pite, & se résoudre à les porter doucement & patiemment, & cependant attendre paisiblement ce qu'il aduendra, sans se tourmenter à l'empescher. Celuy-là estude à ranger les euenemens, cestuy-cy soy mesme: celuy là semble plus courageux, cestuy-cy iouït au seur: celuy-là est suspens, agité entre la crainte & l'esperance: cestuy-cy se met à l'abry, & se loge si bas qu'il ne peut plus tomber de plus haut. La plus basse marche est la plus ferme, & le siege de constance. Celuy là travaille d'en eschapper, cestuy-cy de souffrir: souuent cestuy-cy en

a meilleur marché. Il y a souvent plus de mal & de perte à plaider, qu'à perdre, à fuir & se donner garde qu'à souffrir. L'avaricieux se tourmente plus que le pauvre, le jaloux que le cocu. En celuy là est plus requise la prudence : car il agit, en cestuy cy la patience. Mais qui empesche que l'on ne faict tous les deux par ordre : & que là ou la prudence & vigilance ne peut rien, y succede la patience ? Certes aux maux publics il faut essayer le premier, & y sont tenus ceux qui ont la charge & le peuvent : aux particuliers chacun choisisse son meilleur.

II. MAUX ET ACCIDENS PRE- sens, pressans, & extremes.

LE moyen propre pour alleguer les maux & adoucir les passions, ce n'est pas s'opposer, car l'opposition les picque & despire d'avantage. On aigrit & irrite le mal par la jalousie du debat & du contraste : mais c'est, ou les destournant & diuertissant ailleurs, ainsi que les Medecins qui ne pouvant bien purger & exterminer du tout le mal, le diuertissent, & le font deriuer en vne autre partie moins dangereuse. Ce qui se doit faire tout doucement & insensiblement : c'est vn excellent remede à tous maux, & qui se pratiquent en toutes choses, si lon y regarde bien, par lequel l'on nous faict aualler les plus rudes morceaux, & la mort mesmes insensiblement : *abducendus animus est ad alia studia, curas, negotia, loci denique mutatione tanquam egroti non conualescentes saepe curandus est.* Cōme à ceux qui passent vne profondeur effroyable

que la loy luy prohibast sur la vie : & Philopemen est loüé qu'estant né pour commander, il scauoit non seulement gouverner selon les loix, mais encores commander aux loix mesmes, quand la necessité publique le requeroit. Il faut au besoin biaiser, ployer vn peu, tourner le tableau de la loy, sinon l'oster, esquivier & gauchir pour ne perdre, tout de prudence, qui n'est contrainc à raison & iustice.

III. AFFAIRES DOVTEUX & Ambigus.

AVx choses ambiguës, où les raisons sont fortes de toutes parts & l'impuissance de veoir & choisir ce qui est le plus commode, nous apporte de l'incertitude & perplexité, le meilleur est se ietter au party, ou y a plus d'honnesteté & de iustice. Car encores qu'il en mesaduienne, si restera-il tousiours vne gratification au dedans & vne gloire au dehors d'auoir choisi le meilleur. Outre que l'on ne sçait quand on eust prins le parti contraire, ce qu'il fust aduenü, & si l'on eust eschappé son destin. Quand on doute quel est le meilleur & plus court chemin, il faut tenir le plus droit.

IV. AFFAIRES DIFFICILES & dangereux.

AVx affaires difficiles, comme aux accords, y vouloir apporter de la seureté, c'est les rendre mal aiseurez, par ce que l'on y employe plus de temps, plus de gens s'en empeschent, l'on y mesle

plus de choses, & de clauses, & de là naissent les differents. Joint que c'est ce semble despiter la fortune, & se vouloir exempter de sa iurisdiction, ce qui ne se peut, *vim suorum ingrauentem refringi non vult*. Il est meilleur les faire plus briefuement & doucement avec vn peu de danger, que d'y estre si exacte & chagrin.

Aux affaires dangereux, il faut estre sage & courageux, il faut preuoir & scauoir tous les dangers, ne les faire point plus grâds ne plus petits par faute de iugement, penser qu'ils n'arriveront pas tous & n'auront pas tous leur effect, que l'on en eschappera plusieurs par industrie: ou par diligence, ou autrement, quels sont ceux ausquels l'on pourra estre aydé, & là dessus prendre courage, se resoudre & ne quitter l'entreprise, honneste pour iceux, le sage est courageux, car il pense, discourt & se prepare à tout: le courageux aussi doit estre sage.

V. CONIURATION.

I.
descrip-
tion.

NOUS entrons aux plus grands, importants, & dangereux accidens: parquoy nous les traiterons plus au long & expressement les descriptuant, & puis donnant en chacun les aduis pour le souverain, & à la fin de tous les donnerons pour les particuliers. Coniuration est vne conspiration & entreprise d'vn ou plusieurs contre la personne du Prince ou l'Estat: c'est chose dangereuse, malaisée à eiter ou remedier pource qu'elle est couverte & cachée. Comment se peut l'on sauuer d'vn ennemy couuert, du visage du plus officieux amy:

Comment peut-on sçavoir les volontez & pensées d'autrui? Et puis celui qui mesprise sa vie est maître de celle d'autrui, *contemnit omnes ille, qui mottem prius*. Tellement que le Prince est exposé à la mercy d'un particulier, quel qu'il soit.

Machiauel traite au long comme il faut dresser & conduire les cōiurations: nous allons dire comme il les faut rompre, empêcher & y remédier.

Les aduis & remedes sur ce sont 1. vne secrete recherche & contremine, par gens propres à cela fidelles & discrets, qui font les yeux & les oreilles du Prince, faut descouvrir tout ce qui se dit, & se fait, spécialement par les principaux officiers. Les coniurateurs volontiers diffament çà & là le Prince, ou prestent l'oreille à ceux qui le blasment, & accusent. Il faut donc sçavoir les discours & propos que l'on tient du Prince, & hardiment proposer recompense en deniers & immunité à tels descouurans: mais aussi ne faut-il croire legerement à tout rapport. Faut bien prester l'oreille à tous, non la foy, & examiner bien diligemment, afin de n'accabler les innocens, & se faire hayr & maudire au peuple. Le second est d'essayer par clemence & innocence à se faire aymer de tous; mesmes de ses ennemis, *fidelissima custodi principis innocentia*, n'offensant personne on donne ordre de ne l'estre point, c'est mal à propos faire valoir sa puissance par outrages & offences, *male vim suam potestatem aliorum contumelijs experitur*.

2.
Remede
des &
aduis.

Le troisieme est de tenir bõne mine à l'accoustumé sans rien raualer & publier partout, qu'il est bien aduerty de toutes les menées qu'on dresse, & faire croire que rien ne se remuë qu'il n'en sente

incontinent le vent. Ce fut vn expedient que four-
nit vtilemēt quelqu'un à Denys tyran de Sicile qui
luy cousta vn talent. Le quatriēme est d'attēdre
sans effroy & sans trouble tout ce qui pourra adue-
nir. Cesar pratiqua bien cest trois derniers moyens,
mais non le premier. Il vaut mieux, disoit-il, mou-
rir vne fois, que de mourir tousiours en transse & en
fièvre continuē d'un accident, qui n'a point de re-
mede, & faut en tout cas remettre tout à Dieu.
Ceux qui ont prins autre chemin, & ont voulu
courir au deuant par supplices & vengeance, tres-
rarement s'en font bien trouuez: & n'ont pour ce-
la eschappé, tesmoin tant d'Empereurs Romains.

3.
Puni-
tion des
coniu-
rez, &
les aduis
sur ce.

Mais la coniuration descouuerte, la verité trou-
uée, que faut il faire? punir bien rigoureusement
les coniuerez, elpargner telles gens, c'est trahir
cruellement le public: ils sont ennemis de la liber-
té, bien & repos de tous; la iustice le requiert: si
est ce qu'il y faut de la prudence, & nes'y faut
porter tousiours & par tout de mesme façon. Quel-
quefois il faut soudainement executer, mesmemēt
s'il y a petit nombre de coniuerez. Mais soit en pe-
tit ou grand nombre, il ne faut par gehennes &
tortures vouloir sçauoir les complices (si autre-
ment & secrettement l'on les peut sçauoir, & faire
mine de ne les sçauoir: est bon) car l'on cherche-
roit ce que l'on ne voudroit pastrouuer. Il suffit
que par la punitiō d'un petit nombre, les bons sub-
iects soient contenus en leur deuoir, & destourner
ceux qui ne sont pas ou pensēt n'estre pas decelez.
Vouloir tout sçauoir par tortures, c'est exciter
force gens contre loy. Quelquefois faut delayer la
punition; bien faut il promptement pouiruoir à la

seureté. Mais les coniuerez peuuent estre tels ou la descouuerte faicte en tel temps, qu'il n'en faut pas faire le semblant, & les vouloir punir sur l'heure, c'est ioüir à tout perdre. Le meilleur de tous c'est de preuenir la coniuration, l'eluder & rendre vaine, feignant pour ce coup ne sçauoir les coniuerez: mais faire comme si l'on vouloit pouruoir à autre chose, comme firent les Carthaginois à Hannon leur Capitaine, *optimum & solum sape insidiarum remedium, si non intelligantur*. Mais qui plus est quelquefois faut pardonner, si c'estoit vn grand à qui le Prince & l'Estat sont obligez, duquel les enfans, parens, amis soient puissans. Que ferez-vous? cōment rompre tout cela? s'il se peut avec seureté faut pardonner: ou au moins adoucir la peine. La clemence, en cet endroit est quelquefois non seulement glorieuse au Prince, *nil gloriosus princeps impune laeso*: mais de tres-grande efficace pour la seureté à l'aduenir, destourne les autres de semblable dessein, & fait qu'ils s'en repentent, ou en ont honte, l'exemple en est tres-beau d'Auguste enuers Cinna.

Iust. l. 2.
Tacit.

VI. TRAHISON.

Trahison est vne conspiration ou entreprise **Descrip-
tion.**
secrete contre vne place ou vne troupe: c'est comme la coniuration, vn mal secret, dangereux, difficile à éuiter: car souuent le traître est au milieu & au gyron de la compagnie, ou du lieu qu'il veut vendre, & liurer. A ce malheureux mestier sont volontiers suiets les auaricieux, esprits legers, hypocrites: & ont volōtiers cecy qu'ils fōt

2.
Auis
& re-
medes.

bien sonner la fidelité, la loient & gardent ambitieuse. nent en petites choses, & par là se voulans couvrir ils se descouurent. C'est la marque pour les cognoistre. Les auis y sont presque tous mesmes, qu'en la coniuuration, sauf en la punition, laquelle doit estre icy prompte, griesue & irremissible; car ce sont gens mal nez, incorrigibles, tres-pernicieux au monde, dont ne faut auoir pitié.

VII.

EMOTIONS POPVLAIRES.

2.
Auis &
remedes

IL y en a plusieurs sortes selon la diuersité des causes, personnes, maniere & durée, comme se verra apres: faction, ligue, sedition, tyrannie, guerres ciuiles: mais nous parlons icy tout simplement & en general de celles qui s'esmeuent à la chaude, comme tumultes subits, & ne durent guerres. Les auis & remedes sont leur faire parler & remontrer par quelqu'un, qui soit d'autorité de vertu & reputation singuliere, eloquent, ayant la granité & ensemble la grace & industrie d'ama-douïer vn peuple. Car à la presence de tel homme, comme à vn esclair, le peuple se tient coy.

Velut magno in populo cum saepe coorta

Seditio est, sauitque animis ignobue vulgus

Iamque faces, & saxa volunt, furor arma ministrat.

Tum pietate grauem, ac meritis, si forte virum quem

Conspectere, silent, arrecti, que auribus adstant

Illi regis dictis annos, & pectora mulcet.

Quelquefois le chef mesmes y aille: mais il faut que ce soit avec vn front ouuert, vne foite asseurance, ayant l'ame quitte & nette de toute imagination

nation de la mort, & du pis qu'il peut aduenir: car d'y aller avec contenance douteuse & incertaine, par flatterie, douce & humble remonstration, c'est se faire tort & ne rien aduancer. Cecy pratiquoit excellemment Cesar contre ses legions mutinées & armées contre luy.

----- *Stetit agger fulsi*

Caspitis intrepidus vultu, meruitque timore

Nil metuens

Autant en fit Auguste à ses legions Aetiales, dit Tacite. Il y a doncques deux moyens de ionyr & appaiser vn peuple esmeu & furieux; l'vn est par fiereté, & pure authorité, & raison: cestuy-cy, qui est meilleur & plus noble, conuient au chef, s'il y va; mais il y doit bien penser, comme a esté dit, l'autre plus ordinaire est par flatterie & amadoucement; car il ne luy faut pas résister tout ouverte-ment. Les bestes sauvages, ne s'approuoient iamais à coups de baston, dont les belles parolles, ny les promesses ne doivent estre espargnées. En ce cas les sages permettent de mentir comme l'on fait les enfans & les malades. En cela estoit excellent Pericles, qui gaignoit le peuple par les yeux, les oreilles, & le ventre; c'est à dire par jeux, comedies, festins, & puis en faisoit ce qu'il vouloit. Ceste maniere plus basse & seruite, mais necessaire, se doit pratiquer par celuy que le chef enuoye, comme fit Menenius Agrippa à Rome; car s'il pense l'auoir de haute luite; alors qu'il est hors des gonds de la raison, sans rien quitter, comme vouloient Apprius, Coriolanus, Caton, Phocion: sont comes.

N

Descri-
ption.

Faction ou ligue, est vn complot & assés des vns contre les autres entre les subiects ou entre les grands, ou les petits, en grand ou petit. Elle vient quelquesfois des haynes sôt entre les particuliers & certaines familles le plus souuent d'ambition (peste des estats) cun voulant auoir le premier rang. Celle entre les grâs est plus pernicieuse. Il y en a, vouldra dire, qu'elle est aucunement vtile au rai- rain, & fait le mesme seruice au public, riotes des seruiteurs en la maison, disoit Mais cela ne peut estre vray, sinon aux tyrans craignés, que les subiects soient d'accord, ou petites & legeres querelles d'entre les villes, entre les Dames de la Cour, pour le auoir forces uelles: mais non par fonctions importantes faut estouffer dès leur naissance, & leurs noms, habillement, soubriquets, qui sont quois semences de vilains effets, resmoin le embrasement & les grands meurtres adue Constantinople, pour les couleurs de vert & sous l'instinct deffendre les assemblées se cre peuent seruir à cela. Les aduis sur ce, sont tation est entre deux Seigneurs, le Prince ra par douceur de paroles ou menaces les acc comme fit Alexandre le Grand entre Ephes Craterus, & Archidamus entre deux de se S'il ne peut, il leur doit dōner des arbitres n pects, ny passionnez. Le mesme doit-il faire, ction est entre plusieurs sujets, ou villes & c

Zonaras

2.
Les ad-
uis &
reme-
des,

nautez. S'il faut que luy mesme parle, il le fera avec conseil appelé, pour éviter l'enuie, & la hayne des condamnez. Si la faction est entre gens qui sont en fort grand nōbre, & qu'elle soit si forte qu'elle ne se puisse appaiser par iustice, le Prince y employera la force pour l'esteindre du tout: mais il se gardera de se monstrier affectiōné à l'un plus qu'à l'autre, car à cela y a grand danger: & plusieurs se sont perdus: & est indigne de sa grandeur, se faire compagnons des vns, & ennemy des autres, luy qui est le maistre de tous: & s'il faut venir à punition, il doit suffire que ce soit des chefs plus apparents.

IX. SEDITION.

SEDITION est vn violent mouuement de la multitude cōtre le Prince, ou le Magistrat. Elle naist & vient d'oppressiō ou de crainte: car ceux qui ont fait quelque grande faute craignent la punition: les autres pensent & craignent qu'on leur vueille courir sus: & tous deux par apprehension du mal se remuent pour preuenir le coup. Aussi naist de trop grāde licence, de disette, & necessité, tellement que les gens propres à ce mestier sont les endettez, & mal accommodez de tout, legers éuentez, & qui craignent la iustice. Tous ces gens ne peuvent durer en paix, la paix leur est guerre, ne peuvent dormir qu'au milieu de la sedition, ne sont en franchise que parmy les confusions. Pour mieux cōduire leur fait, ils conferēt ensēble en secret, font de grandes plaintes, vsent de mots ambigus, puis parlent plus honnestemēt, & fōt les zelet

Descri-
ption.
longue

Na ij

2.
à d'avis &
remède.

à la liberté & au bien public, au soulagement du peuple, & sous ces beaux pretextes ils sont suivis de grand nombre. Les avis & remèdes sont premièrement ceux qui servent aux émotions populaires, faire parler à eux, leur remontrer par gens propres à cela, comme a esté dit. 2. Si cela ne profite, il faut s'armer & fortifier, & pour cela ne proceder contr'eux, mais leur donner loisir & terme de mettre de l'eauë en leur vin, aux mauuais de se repentir, aux bons de se révnir. Le temps est vn grãd medecin, mesmement aux peuples plus prests à se mutiner & rebeller, qu'à ~~contenir~~. *Ferocior plebs ad rebellandum, quàm bellandum: tentare magis quàm tueri libertatem.* 3. Cependãt essayer à les esbrasser par esperance & par crainte, ce sont les deux moyens, *spem offer meũ intẽde.* 4. Tascher à les desvnir, & rompre leur intelligence. 5. En gagner & attirer par sousmain quelques vns d'entreux, par promesses & secretes recompenses, dont les vns se retirent d'eux pour venir à vous, les autres demeurent avec eux pour vous y servir, vous aduertissant de leurs menées, & les endormissãt & attiedissãt leur chaleur. 6. A tirer & gagner les autres, leur accordant vne partie de ce qu'ils demandent, & par belles promesses en termes ambigus Il sera puis apres aisé de reuoquer iustemẽt ce qu'ils aurõt extorqué iniultement par sedition: *Irruas facies quæ per seditionem expresserint*, & laver tout par douceur & clemence. 7. S'ils retournent en santé, raison, obeissance, les faut traiter doucement, & se contenter du chastiment de fort peu, des principaux autheurs & bouteux, sans s'enquerir d'auãtage des cõplices: mais que tous se sentent en seureté & en grace

X

LA TYRANNIE ET REBELLION.

LA tyrannie, c'est à dire la domination violente. Descrip-
tion.
 Contre les loix & coustumes est souvent cause
 des grands remuemens publics, d'où il auient re-
 bellion, qui est vne eleuation du peuple contre le
 Prince à cause de sa tyrannie, pour le chasser & de-
 bouter de son siege. Et differe de la sedition en ce
 qu'elle ne veut point recognoistre le Prince pour
 son maistre: la sedition ne va pas iusques là, mais
 elle est mal contente du gouvernement, se plaint
 & veut vn amandement en iceluy. Or ceste tyran-
 nie est exercée par gens mal nez, cruels, qui aimēt
 les meschans, broüillons, rapporteurs, hayssent &
 redoutent les gens de bien & d'honneur, *quibus
 semper aliena virtus formidolosa, nobilitas, opes, omis-
 sique honores pro crimine, ob virtutes certissimum
 exitium, & non minus ex magna forma quam mala.*
 Mais ils sont bien punis, car ils sont hays & enne-
 mis de tous, vivent en perpetuelle crainte & ap-
 prehension; tout leur est suspect: sont bourrellez
 & deschirez au dedans en leurs consciences, & en
 fin perissent de male mort & bien tost: car c'est
 chose tres-rare qu'un vieil Tyran.

Les auis & remedes en ce cas, sont au lōg deduits
 cy apres en lieu plus propre. Les auis reuiennent à
 deux; empescher à l'entrée le tyrā, qu'il ne se rēde
 maistre, estant installé & recognu le souffrir, & luy
 obeir. Il vaut mieux le tolerer, qu'esmouuoir se-
 dition, & guerre ciuile *peius, deteriusque, tyranni-
 de sine iniusto imperio bellum ciuile*, ou n'y gagne
 rien de regimber ou rebeller, en aigrist, & rend en-

2.
 Auis &
 reme-
 des. ch.
 16.
 Plut. in
 Bruto.

cor plus cruels les mauuais Princes: *Nil tam exasperat feruorem vulneris, quàm ferendi impatientia.* La modestie & obeissance les adoucist: car la douceur du Prince, dit ce grand Prince Alexandre, ne consiste pas seulement en leur naturel: mais aussi au naturel des sujets, lesquels souuent par leurs mesdisances & mauuais deportemens irritent & gastent le Prince, ou l'empirent, *obsequio mitigantur imperia, & contra, contumacia inferiorum, lenitatem imperitantis diminui: contumaciam cum pernicië, quàm obsequium cum securitate malunt.*

Curt.
Tacit.

XI.

GVERRES CIVILES.

Descrip-
tion,

QUAND l'vn de ces susdits remuëmens publics, emotions populaires, faction, sedition, rebellion, vient à se fortifier & durer iusqu'à prendre vn train & forme ordinaire: c'est vne guerre civile, laquelle n'est autre chose qu'une prise, & menée d'armes par les subiets, ou entr'eux, c'est esmotion populaire ou faction & ligue: ou contre le Prince, l'Estat, le magistrat, & c'est seditiõ ou rebellio. Or il n'y a mal plus miserable, ny plus honteux, c'est vne mer de malheurs. Et vn Sage a tres-bien dit, que ce n'est pas proprement guerre, mais maladie de l'Estat, maladie chaude & frenaisie. Certes qui en est l'auteur, doit estre effacé du nombre des hommes, & chassé des bornes de la nature humaine. Toute sorte de meschanceté s'y trouue, impieté & cruauté entre les parës mesme, meurtres avec toute impunité, *Occidere palam, ignoscere non nisi fallendo licet, non aras, non dignitas quemquã protegit,*

Nobilitas cū plebe perit, latēque vagatur ensis. Toute
desloyauté, discipline abolie. In omne fas, nefasque
avidos aut venales non sacro, non prophano abstinentes;
 Le petit & inferieur fait du cōpagnon avec le grād.
Rheni mihi Caesar in undis duxerat, hic socius, facinus
quos inquinat, aquat. Lequel n'ose parler, car il est
 du mestier, encor qu'il ne l'approuve, *Obnoxiiis du-*
sibus & prohibere non ausis. C'est vne confusiō hor-
 rible, *metu ac necessitate huc illus mutantur.* Somme
 c'en est que misere. Mais il n'y a rien de miserable,
 que la victoire: car quād pour le mieux elle tōbe-
 roit entre les mains de celuy, qui a le droit de son
 costé, elle le rendroit insolent, cruel, & farouche,
 voire quand il seroit d'un doux naturel, tant ceste
 guerre intestine a charne, & est un venin, qui con-
 sōme toute l'humanité, & n'est en la puissance des
 chefs de retenir les autres. Il y a deux causes à cōsi- Sesca
 derer des guerres civiles. L'une est secreete, laquelle scs.
 comme elle ne se fait & ne se void, aussi ne se peut-
 elle empescher, ny remedier, c'est le destin, la volō-
 té de Dieu, qui veut chastier ou du tout ranger un
 Estat. *In se magna ruunt, latis hunc numina rebus cres-*
cendi posuere modum. L'autre est bien apperceuë par
 les Sages, & s'y peut bien remedier, si l'on veut, &
 que ceux à qui il appartient y mettēt la main. C'est
 la dissolution & generale corruption des mœurs,
 par laquelle les vauneants n'ayans que faire veu-
 lent remuer, mettre tout en combustion, couvrir
 leur playes par les maux de l'Estat. Car ils ayment
 mieux estre accablez de la ruine publique, que de
 la leur particuliere. *Misere cuncta, & privata vul-*
nera Reipublica malis operire: nam ita se res habet,
cui publica ruina quisque malis quàm sua proteri, &
 N n iij

idem passurus minus conspici. Or les aduis & reme-
des à ce mal de guerre ciuile, sont à la finir au plu-
stost, ce qui se fait par deux moyens, accord, ou vi-
ctoire. Le premier vaut mieux, encor qu'il ne fust
pastel que l'on desire, le tēps remediera au reste.
Il faut quelquefois se laisser vn peu tromper, pour
sortir de guerre ciuile, comme il est dit d'Antipa-
ter, *bellum finire cupienti, opus erat decipi.* La victoi-
re est dangereuse: car il est à craindre que le victo-
rieux en abuse, & en suive vne tyrannie. Pour bien
s'y porter, il s'y faut deffaire de tous les auteurs de
troubles, & autres remueurs & sanguinaires, tant
d'vne-part que d'autre, soit en les enuoyant loing,
sous quelque beau pretexte & charge, en les diui-
sant, ou les employant contre l'estranger: & trait-
tant au reste doucement le menu peuple.

XII.

ADVIS POUR LES PARTICVLIERS,
en toutes les susdictes diuisions politiques.

VOila plusieurs especes de troubles & diui-
sions publiques, ausquelles & à chacune d'i-
celles ont esté donnez aduis & remedes pour le re-
gard du Prince: maintenant il en faut donner pour
les particuliers. Cecy ne se vuide pas en vn mot: il
y a deux questiōs: l'vne, s'il est loisible à l'homme
de bien, de prendre party, ou demeurer coy: l'autre
en tous les deux cas: c'est à dire, estant d'vn party,
ou n'en estant point, commēt on s'y doit compor-
ter. Quant au premier point, il se propose pour
ceux qui sont libres; & ne sont encores engagez

Deux
questiōs

La pre-
miere
s'il faut
prendre
party.

à aucun party: car s'ils y sont ja engagez, ceste premiere question n'est pour eux, ils sont renuoyez à la seconde. Je dis cecy à cause que l'on peut bien estre d'un party, non par choix & dessein: voire que l'on n'approuve pas, mais parce que l'on s'y trouue tout porté & attaché par tres-grandes & puissantes liaisons, que l'on ne peut honnestement rompre, qui couurent & excusent assez estās naturelles & equiuales. Or la premiere question a des raisons & exēples contraires. Il semble d'une part que l'homme de bien ne sçauroit mieux faire que de se tenir coy, car il ne sçauroit s'immicer à aucun party sans faillir, pource que toutes ces diuisions sont illegitimes de soy, ne peuvent estre menées n'y subsister sans inhumanité & iniustice. Et plusieurs gens de bien ont abhorré cela, cōme respondit *Asinius Pollio* à *Auguste*, qui le prioit de le suivre cōtre *Marc Antoine*. D'autre-part est-il pas raisonnable de se joindre aux bons, & ceux qui ont le droit? Le sage *Solon* l'a ainsi iugé, voire il chastie rudement celuy qui s'en retire & ne prend party. Le professeur de vertu *Caton* l'a ainsi pratiqué, en se contentant de tenir un party, mais y commandant. Pour vider ce doute, il semble que les hommes illustres qui ont charge publique & credit & suffisance en l'estat, peuuent & doiuent se ranger du party qu'ils iugeront le meilleur: car ils ne doiuent abandonner en la tourmēte le gouuernail du vaisseau, qu'ils cōduisoient en bonace: doiuent seruir en leurs dignitez, pouruoir à la seureté de l'estat, & les priuez ou qui sont moindres en charge & en suffisance d'estat, s'arrester & se retirer en quelque lieu paisible & assuré durāt la diuisiō:

ou se tenir coy.

Velevius
1.2.

& tous les deux se comporter, comme il va estre dit. Au reste pour le choix du party, quelquefois il n'y a point de difficulté, car l'un est si iniuste & mal-heureux, que l'on ne s'y peut mettre avec aucune raison. Mais d'autrefois la difficulté est bien grande, & puis il y a plusieurs choses à penser outre la iustice & le droit des parties.

3. Venons à l'autre point, qui est du comportement de tous. Or il se vuide en un mot par l'aduis & la regle de moderation, suivant l'exemple d'Atticus, tant renommé pour sa modestie & prudence en tels orages, tenu tousiours & estimé pour favoriser le bon party, toutesfoissans s'envelopper aux armes, & sans offence de l'autre party.

1. Parquoy ceux qui sont declarez d'un party s'y doivent porter non outre, mais avec moderation, ne s'embesognant point aux affaires, s'il n'y sont tous portez & pressiez, & en ce cas s'y porter avec tel ordre & atrempance que l'orage passe sur leur teste sans offence, n'ayant aucune part à ces grâds desordres, insolences, qui s'y commettent : mais au rebours les addoucissant, destournans, eludans comme ils pourrôt. Ceux qui ne sont declarez ny engagez à aucun party (desquels la condition est plus douce & meilleure) encores que peut-estre au dedans & en affection ils en ont un, doivent de-

Neutres demeurer neutres, c'est à dire, ne se soucier de l'issue & de l'estat des uns ny des autres, demeurans à eux seuls, & comme spectateurs en theatre, se paissant des miseres d'autrui. Tels sont odieux à tous, & courent en fin grande fortune, comme il se lit des

Jud. 11. Thebains en la guerre de Xerxes, & de l'abes Gai.
Tit. liu. 12. ad. *Neutra iura nec amicos parvi, nec inimicos tollis.*

La neutralité n'est ny belle ny honneste, si ce n'est avec consentement des partis, comme Cesar qui declara de tenir les neutres pour siens: au contraire de Pompée, qui les declara ennemis: ou à vn Incon-
 estranger, ou à tel, qui pour sa grandeur & dignité sans,
 ne s'en doit point mesler, mais plustost estre reclama-
 mé arbitre & modérateur de tous, ny aussi, & moins
 encores inconstans, chancelans, mestifs, Prothées,
 plus odieux encores que les neutres, & offensifs à **Com-
 muns,**
 tous. Mais ils doiuent (demeurans partisans d'affec-
 tion s'ils veulent: car la pensée & l'affection est
 toute nostre) estre communs en actions, offensifs à
 nuls, officieux & gracieux à tous, se complaignans
 du malheur cōmun. Tels ne se font point d'enne-
 mis, ne perdēt leurs amis. Ils sont propres à estre
 mediateurs, & admirables compositeurs, qui sont **Media-
 teurs,**
 encores meilleurs que les communs. Ainsi de nos
 partisans, qui sont quatre: deux sont mauvais, les
 neutres & les inconstans: & deux bons, les com-
 muns & les mediateurs: mais toujours l'un plus
 que l'autre, comme des partisans y en a deux, les
 outrez & moderez.

DES TROUBLES ET
 diuisions priuées.

CHAP. XIII.

AVx diuisions priuées on peut commodēmēt
 & loyalemēt se cōporter entre les ennemis,
 si ce n'est avec vne égale affection, au moins tēpe-
 rée, ne s'engagertant aux vns, qu'ils puissent requie-
 rir tout de nous, & aussi se contenter d'une moy-
 enne mesure de leur grace, ne rapporter que les
 choses indifferentes ou cogneuës, ou qui seruent

en commune, disant rien à l'un que l'on ne puisse dire à l'autre à son heure en changeant seulement l'accent & la façon.

DE LA IUSTICE.

seconde vertu.

De la Iustice en general.

CHAP. V.

1.
Description.

IUSTICE, est à redre à chascun ce qui luy appartient, à soy premierement & puis à autrui : & par ainsi elle comprend tous les devoirs & offices d'un chacun, qui sont doubles, le premier est à soy-mesme, le second à autrui : & sont compris en ce commandement general, qui est le sommaire de toute iustice. Tu aymeras ton prochain comme toy-mesme, lequel non seulement met le devoir envers autrui en second lieu, mais il le monte & le regle au patron du devoir & amour envers soy : car comme disent les Hebreux, il faut commencer la charité par soy-mesme.

2.
Iustice premiere & originelle.

Le commencement donc de toute iustice, le premier, & plus ancien commandement est de la raison sur la sensualité. Auparavant que l'on puisse bien commander aux autres, il faut apprendre à commander à soy-mesme, rendant à la raison la puissance de commander, & assuiettissant les appetits & les pliant à l'obeyssance. C'est la premiere originelle iustice interne, propre, & la plus belle qui soit. Ce commandement de l'esprit sur la partie brutale & sensuelle, de laquelle sourdent les passions, est bien comparé à un escuyer, qui dresse un cheual, pour ce

que se tenant toujours dedans la selle, il la tourne & manie à sa volonté.

Pour parler de la iustice, qui s'exerce au dehors & avec autrui, il faut sçavoir premieremēt qu'il y a double iustice, vne naturelle, vniuerselle, noble Philosophique, l'autre aucunement artificielle, particuliere, politique, faite & contrainte au besoin des polices & estats. Celle-là, est bien mieux réglée, plus roide, nette & belle, mais elle est hors l'usage incommode au monde tel qu'il est. *Veri iurisgetmanaque iustitia solidam & expressam efficiemus nullam tenemus, umbris & imaginibus utimur;* 37. il n'est aucunemēt capable cōme a esté dit. C'est la regle du Polyclète, inflexible, invariable. Ceste-cy est plus lasche & molle, s'accōmodant à la foiblesse & nécessité humaine & populaire. C'est la regle Lesbienne & de plomb, qui ploye & se tord, selon qu'il est besoin, & que le temps, les personnes, les affaires, & accidens le requierent. Ceste-cy permet au besoin & approuue plusieurs choses, que celle-là reietteroit & condamneroit du tout. Elle a plusieurs vices legitimes, plusieurs actions bonnes illegitimes. Cette-là regarde tout puremēt la raison, l'honneste, cette-cy cōsidere fort l'utile, le ioignant tant qu'elle peut avec l'honnesteté. De celle-là, qui n'est qu'en idée & en theorique n'en faut point parler.

La iustice vsuëlle, & qui est en prattique par le monde, est premierement double, sçavoir égale, astreinte aux termes des loix, selon laquelle les Magistrats & Iuges ont à proceder: l'autre equitable, laquelle sans s'affuettir aux mots de la loy marche plus librement, selon l'exigence des cas, 4. De la iustice vsuëlle.

voit quelquesfois contre les mots de la loy, ou pour mieux dire, elle manie & regle la loy selon qu'il faut; dont a dit vn Sage, que les loix mesmes & la iustice ont besoin d'estre menées & conduites iustement, c'est à dire, avec equité, *que expositio & emendatio legis est, exponit sensum, emendat defectum*. C'est la fine fleur de Iustice qui est en la main de ceux qui iugent en souueraineté. Item pour parler particulièrement, il y a double iustice, l'une commutative entre les particuliers, laquelle se manie par proportion Arithemetique: l'autre distributive administrée publiquement par proportion Geometrique, elle a deux parties: la recompense, & la peine.

Or toute cette Iustice vsuelle & de pratique n'est point vraiment, & parfaitement iustice: & l'humaine nature n'en est pas capable non plus que de toute autre chose en sa pureté. Toute iustice humaine est meslée avec quelque grain d'iniustice, faueur, rigueur, trop, & trop peu: & n'y a point de pure & vraye mediocrité, d'où sont sortis ces mots des anciens, Qu'il est force de faire tort en detail, qui veut faire droit en gros; & iniustice en petites choses, qui veut faire iustice en grandes. Les Legislateurs pour donner cours à la iustice commutative, tacitement permettēt de se tromper l'un l'autre, & à certaine mesure, mais qu'elle ne passe point la moitié de iuste prix: & c'est pource qu'ils ne scauroient mieux faire. Et en la iustice distributive combien d'innocens pris, & de coupables absous & relaxez, & sans la faute des Iuges, sans conter le trop, ou le trop peu, qui est presque perpetuel en la plus nette iustice. La iustice s'eposche elle mesme,

5.
N'ya
point de
v a
iustice
au monde.

& la suffisance humaine ne peut voir, ny pourvoir à tout. Voicy entre autres vn grand defect en la iustice distributive, de punir seulement, & non salarier, bien que ce soient les deux parties & les deux mains de la iustice: mais selon qu'elle s'exerce communement elle est manchotte & incline toute à la peine. La plus grande faueur que l'on reçoive d'elle, c'est l'indemnité, qui est vne monnoye trop courte pour ceux qui font mieux que le commun. Mais il y a encores plus: car soyez deferé & accusé à tort, vous voila en peine & souffrez beaucoup: en fin vostre innocence cogneuë vous en sortez absous de la premiere punition, mais sans reparation de l'affliction, qui vous demeure tousiours. Et l'accusateur moyennât qu'il aye apporté si petite couleur que ce soit (qui est facile à faire) s'en va sans punition, tant est escharse la iustice au loyer, & recognoissance du bien, & tout au chastiment. D'ot est venu ce jargon, que faire iustice, & estre subiet à iustice s'entend tousiours de la peine: & est aisé à qui veut, de mettre vn autre en peine, le reduire en tel estat, qu'il n'en sortira iamais qu'avec perte.

De la iustice, & du deuoir y a trois parties principales. Car l'homme doit à trois, à Dieu, à soy, à son prochain, au dessus de soy, à soy & à costé: du deuoir enuers Dieu, qui est la pieté & religion, a esté l. 1. c. 5. dit assez amplement cy-dessus. Il reste donc icy à parler du deuoir enuers soy, & son prochain.

6.

Disiō
de cette
matiere

DE LA IVSTICE ET DEVOIR
de l'homme à soy-mesme.

CHAP. VI.

CEcy est assez compris en tout cet œuvre : au premier liure qui enseigne à se cognoistre & toute l'humaine condition, au second qui enseigne à estre sage, & en donne les aduis & les regles : & au reste de ce liure, spécialement es vertus de force & temperance : toutesfois comme en vn sommaire ie mettray icy quelques aduis plus expres & formels.

Le premier & fondamental aduis est de se resoudre à ne viure point par acquit, à l'incertain & à l'aduanture, cōme font presque tous ceux qui semblent se mocquer, & ne viure pas à bon escient, ne traittent & ne conduisent point leur vie serieusement, attentiuement, vivent du iour à l'autre, comme il aduiendra. Ils ne goustent, ne possèdent, ny ne iouissent de la vie : mais ils s'en seruent pour faire d'autres choses. Leurs desseins & occupations troublent souuent, & nuisent plus à la vie qu'ils ny seruent. Ces gens icy font tout à bon escient, sauf de viure. Toutes leurs actions & les petites pieces de la vie leur sont serieuses : maistout le corps entier de la vie n'est qu'en passant, & cōme sans y penser : c'est vn preiupposé, à quoy ne faut plus penser, ce qui n'est qu'accident leur est principal, & le principal ne leur est qu'accessoire. Ils s'affectionnēt & roidissent à toutes choses, les vns à amasser sciences, hōneurs, dignitez, richesses : les autres à prēdre leurs plaisirs, chasser, iouer, passer le temps,

temps, les autres à des speculations, fantaisies, inventions: les autres à manier & traiter affaires: les autres à autres choses, mais à viure ils n'y pensent pas. Ils viuent comme insensiblement estans bandez & pensifs à autres choses. La vie leur est comme vn terme & vn delay pour l'employer à autre chose. Or tout cecy est tres-iniuste, c'est vn malheur & trahison à soy-mesme: c'est bien perdre sa vie, & aller contre ce qu'vn chacun se doit, qui est viure serieusement, attentiuement & ioyeulement; *bonè viuere & latari: sibi semper valere & viuere doctus*, afin de bien viure & bien mourir c'est la tâche d'vn chacun. Il faut mener & conduire la vie à la façon d'vn grand affaire, de poids, & de conséquence, & comme vn prix fait, duquel il faut rendre compte exactement & par le menu. C'est nostre grand affaire: aussi tout le reste n'est que bagayes, choses accessoires & superficielles. Il y en a qui deliberent bien de ce faire, mais c'est quand il ne leur faut plus viure, ressemblent à ceux, qui attendent à vendre & acheter iusques apres que la foire est passée, & puis font des lottes & vaines plaintes. Ne mesera-il iamais loisible de faire ma retraite, & de viure à moy, *quàm ferum est incipere viuere, cùm desinendum est: quàm stulta mortaliu aeterni obluiō? dam differat, vita transcurrit*. Voyez les. Voila pour quoy les Sages crient de bien mesnager le temps, *tempus parat*, que nous n'auons besoin de chose tant que du temps, disoit Zenon: car la vie est courte, & l'art est longue, non l'art de guérir, mais plustost de viure, qui est la sagesse. A ce premier & capital aquis seruent les suivans.

1. Apprendre & demeurer, se delecter & contenter.

ter seul, voire se passer de tout le monde,
 est, la plus grande chose est de se voir est
 la vertu se contente de soy, & gagnons
 de pauuoir à bon eschient viure seuls, &
 nostre ayse; apprendras à nous passer & n
 prendre de toutes les liaisons, qui nous att
 autrui, & que nostre contentement des
 nous, sans chercher, ny aussi desdaigner o
 les compagnies, voire gayement y aller &
 uer, si le besoin nostre ou d'autrui le requi
 ne nous y acoquiner, & y establi nostre pl
 me aucuns qui sont cōme demy perdus est
 Il faut auoir de la yz foy de quoy s'enteten
 tenter, *Crin spūsus gaudere*. Qui a gagné co
 plaist par tout, & en toutes choses. Il faut b
 red la mīno conformē à la compagnie, & à
 qui se presente & soit aitte, & s'accommo
 trui; triste si besoin est, mais au dedās s'eten
 jours meisme; cecy est la meditation & con
 tion, qui est l'aliment & la vie de l'esprit, *ca
 uere est cogitare*. Or par le benefice de nature
 occupation, que nous faisons plus souuent
 long temps, qui soit plus facile, plus natu
 plus nostre, que mediter & entetenir les p
 Mais elle n'est pas à tous de meisme, ains b
 uer se, selon que les esprits sont: aux vns elle
 ble, aux autres forte; aux vns c'est fectardise,
 te languissante, vacance & disette de tout au
 soigne; mais les grands en font leur princip
 cation, & plus terieux estude, dont ils ne l
 mais plus embelesongnez, ny moins seuls (co
 est dit de Scipion) que quand ils sont seuls,
 iournent d'affaires, à l'imitation de Dieu, qu

se paist d'éternelle pensée. C'est la besongne des Dieux (dit Aristote) de laquelle naist leur beatitude, & la nostre.

Or cette solitaire occupation ; & cet entretien ioyeux ne doit point estre en vanité, moins en chose vicieuse: mais en l'estude & connoissance profonde, & puis diligente culture de soy mesme; c'est le prix fait, le principal, premier & plus plein ouvrage de chacun. Il faut tousiours se guetter, taster, sōder, iamaïs ne s'abandonner, estre tousiours chez soy, se tenir à soy: & trouuant que plusieurs choses ne vont pas biē, soit par vice & defect de nature, ou contagion d'autrui, ou accident suruenu, qui nous trouble, faut tout doucement les corriger, & y pouruoir. Il faut s'arraisonner soy mesmes, se redresser, & remettre courageusement, non pas se laisser aller & couler par desdain & nonchalāce. Il faut aussi en éuitāt toute faineantise & fetardise, qui ne fait qu'eroiiller & gaster & l'esprit & le corps, se tenir tousiours en haleine, en exercice & en office: non toutesfois trop tendu, violent & penible, mais sur tout honneste, vertueux, & serieux: & plustost, pour ce faire, tailler de la besoigne, & se proposer des desseins pour s'y occuper ioyeusement, conferant avec les honnestes hommes, & les bons liures, dispensant bien son tēps, & reglant les heures, & non viure tumultuairement & par hazard.

Mesnager biē & faire son profit de toutes choses qui se presentent, se font, se disent, sans faire leçon, se les appliquer sans en faire bruit ny semblant.

Et pour plus particulariser, nous scauōs que le deuoir de l'homme enuers soy est en trois, cōme il a trois parties, à regler & conduire l'esprit, le corps,

3.
Se con-
noistre
& cul-
tiuer,

4.
Se tenir
en exer-
cice,

5.
Mesna-
ger tou-
tes cho-
ses.

6.
Regler
son es-

prie,
c'est à
dire, son
iuge-
ment.

& les biens. Pour l'esprit, le premier & principal auquel appartiennent premierement & par preciput les aduis generaux, que nous venons de dire, nous sçauons que tous les mouuemens reuiennēt à deux, penser & desirer: l'entendement & la volonté, ausquels respondent la science & la vertu, les deux ornemens de l'esprit. Quant au premier qui est l'entendement, il le faut preseruer de deux choses aucunement contraires & extremes, sçauoir sottise & folie, c'est à dire, de vanitez & niaiseries d'une part, c'est l'abastardir & le perdre: il n'a pas esté fait pour niaiser, *non ad iocum & lusum genitus, sed ad seueritatem potius*, & d'opinions fantafques, absurdes & extrauagantes; d'autre c'est le salir & villaner. Il le faut paistre & entretenir de choses vtiles & serieuses, le teindre & abbreuer des opinions saines, douces, naturelles, & ne faut pas tant estudier à l'esleuer & guider, à le tendre & roidir, comme à le regler, ordonner, & policer. L'ordre & la pertinence c'est l'effet de sagesse, & qui dōne prix à l'ame, & sur tout se garde de presumption, opiniastrerie: vices familiers à ceux qui ont quelque gaillardise & vigueur d'esprit, plustost se tenir au doute en suspens, principalement es choses qui reçoient oppositions & raisons de toutes parts, malaitées à cuire & digerer, c'est vne belle chose que sçauoir bien ignorer & douter, & la plus seure de laquelle ont fait profession les plus nobles Philosophes, voire c'est le principal effect & fruiet de la science.

Pour le regard de la volonté, il faut en toutes choses se regler & sousmettre à la droite raison qui est l'office de vertu, & non à l'opinion volage,

inconstante, faulx ordinairement, moins encores à la passion. Ce sont les trois, qui remuent & regent nos ames. Mais voicy la difference, le Sage se regle & se range à ce qui est selon nature & raison, regarde au deuoir, tient pour apocriphe, & suspect ce qui est de l'opinion, cōdamne tout à fait ce qui est de la passion: & pour ce vit-il en paix, chemine tout doucement en toutes choses, n'est point sujet à se repentir, se desdire, changer: car quoy qu'il aduienne, il ne pouuoit mieux faire ny choisir: & puis il ne s'eschauffe point, car la raison va tout doux. Le fol qui se laisse mener à ces deux, ne fait qu'extrauaguer, se gendarmer: iamaïs ne repose. Il est tousiours à se raduiser, changer, tabiller, repentir, & iamaïs n'est content: aussi n'appartient-il qu'au Sage de l'estre, & qu'à la raison & à la vertu de nous faire & rendre tels. *Nulla placidior quies, nisi quam ratio composuit.* L'homme de bien se doit regenter, respecter, & craindre sa raison & sa conscience, qui est son bon genie, si qu'il ne puisse sans honte broncher en leur presence, *rarum est, ut satis se quisque vereatur.*

Quand au corps l'on luy doit assistance & conduite. C'est folie de vouloir sequestre & desprendre ces deux parties principales l'une de l'autre: au rebours il les faut rallier & reioindre. La nature nous a donné le corps comme instrument nécessaire à la vie: il faut que l'esprit, comme le principal, prenne la tutelle du corps. Il ne le doit pas seruir: ce seroit la plus vile, iniuste, honteuse & onereuse seruitude de toutes: mais l'assister, le conseiller, & luy estre comme mary. Il luy doit donc du soin, & non du seruice; il le doit traiter,

comme seigneur, non cōme tyran: le nourrir, non l'engraisser: luy monstrāt qu'il ne vit pas pour luy, mais qu'il ne peut viure icy bas sās luy. C'est adrefse à l'ouurier de sçauoir bien vser, & se seruir de ses outils: aussi est-ce vn grand aduantage à l'homme de se sçauoir bien seruir de son corps, & le rendre instrument propre à exercer la vertu. Au reste le corps se conserue en bon estat, par nourriture modérée, & exercice bien réglé. Cōment l'esprit doit auoir part & luy faire compagnie aux plaisirs, il a esté dit cy-dessus, & sera encores dit en la vertu de temperance.

Liure. 2.
chap. 5.

9
Pour les
biens.

Quant aux biens, & au deuoir d'un chacun en cét endroit, il y a plusieurs & diuers offices, sont sciences différentes qu'amaſſer des biens, cōseruer, ménager, emploïter, & leur donner tout. Tel est sçauant en l'un, qui n'entend rien en l'autre, & n'y est propre. L'acquisition a plus de parties, que toutes les autres. L'emploitte est plus glorieuse & ambitieuse. La conseruation & la garde, qui est propre à la femme, est sombre.

Ce sont deux extremittez pareillement vitieuses, aymer & affectiōner les richesses: les hayr & reïetter. I'entens richesses, ce qui est outre & par dessus la necessité & la suffisance. Le sage ne fera ny l'un ny l'autre, selon le souhait & priere de Salomō, ny richesses ny pauureté: mais les tiendra en leur rāg, les estimant ce qu'elles sont, chose de soy indifférente, matiere de bien & de mal, vtils à beaucoup de bonnes choses.

Liure 2.
chap. 11.

Les maux & miseres, qui sont à l'affectiōner & à hayr les biens, ont esté dits cy-dessus: voicy maintenant la reigle en la mediocrité, qui est en

cinq mots. 1. Les vouloir, mais ne les aymer point, *sapiens non amat diuitias, sed maunt.* Tout ainsi que l'homme petit, & foible de corps voudroit bien estre plus haut, & plus robuste, mais c'est sans s'en soucier, & sans s'en donner peine, cherchant sans passion ce que la nature desire, la fortune ne nous en scauroit priuer. 2. Encorés beaucoup moins les chercher aux despens & dommages d'autrui, ou par arts & moyens lasches & fardides, afin que personne ne nous les pleure, ploigne ou enuie, s'il n'est malicieux. 3. Aduenans & entrans par la porte honneste de deuant ne les rebutter, ains gayement les accepter & receuoir en sa maison, non en son cœur: en sa possession, non en son amour, comme n'en estans dignes. 4. Les ayant, les employer honnestement & discrettement en bien meritaunt d'autrui: afin que pour le moins soit autant honneste leur sortie que leur entrée. 5. S'en allant d'elles-mêmes, se desrobans, & se perdans ne s'en contrister, ne s'en allant rien du nostre, *si diuitia effluxerint, non auferent nisi semet ipsas.* Bref, celuy ne merite estre accepté de Dieu, & indigne de son amour & de profession de vertu, qui fait cas des biens de ce monde. *Aude hostes contemnere opes, & te quoque dignum. Finge Deo.*

DE LA IVSTICE ET DEVOIR DE l'homme enuers l'homme.

ADVERTISSEMENT.

CE deuoir est grād, & a plusieurs parties. Nous en ferons du premier coup deux grādes: En la

Oo iiii

premiere nous metrons les deuoirs generaux, simples & communs, requis de tous & vn chacun, enuers tous & vn chacun, soient de cœur, de parole, & de fait, qui sont amitié, foy, verité, & admonitiō libre, bien fait, humanité, liberalité, recognoissance: En la seconde seront les deuoirs speciaux, requis par vne speciale & expresse raison & obligation, entre certaines & certaines personnes, comme entre les mariez, parens, & enfans, maistres & seruiteurs, Princes & subiers, magistrats, les grands & puissans, & les petits.

PREMIERE PARTIE, QUI EST
des deuoirs generaux, & communs de tous
enuers tous. Et premierement.

De l'amour ou amitié.

CHAP. VII.

I.
Descri-
ption
d'ami-
tié.

Amitié est vne flâme sacrée allumée en nos poitrines, premieremēt par nature, & a mōstée sa premiere ardeur entre le mary & la femme, les parens, les enfans, les freres & sœurs : & puis se refroidissant a esté allumée par art & inuention des alliances, compagnies, fratries, colleges & communautéz. Mais pource qu'en tout cela estāt diuisée en plusieurs pieces elle s'affoiblissoit, & qu'elle estoit meslée & detrempée avec d'autres considerations vtils, commodés, delectables, pour se roidir, & nourrir plus ardente s'est ramassée toute en foy, & racourcie plus estroitte entre deux vrais amis. Et c'est la parfaite amitié, qui est

d'autant plus chaude & spirituelle que toute autre, comme le cœur est plus chaud que le foye & le sang des veines.

L'amitié est l'ame & la vie du monde plus nécessaire, disent les sages, que le feu & l'eau: *amicitia necessitudo, amici necessary* c'est le soleil, le baston, le sel de nostre vie: car sans icelle tout est tenebres: & n'y a aucune ioye, soutien, ny goust de viure: *amicitia iustitia consors, natura vinculum, ciuitatis praesidium, senectutis solatium, vita humana portus: ea omnia constant, discordia cadunt. Amicus fidelis protectio fortis, medicamentum vitæ & mortalitatis, & qui inuenit illum, inuenit thesaurum.*

Et ne faut penser que l'amitié ne soit vtile & plaisante qu'en priué, & pour les particuliers: car encores l'est elle plus au public, c'est la vraye mere nourrice de la société humaine, conservatrice des estats & polices. Et n'est suspecte ny ne desplaist qu'aux tyrans, & aux monstres, non qu'ils ne l'adorent en leur cœur, mais pource qu'ils ne peuuent estre de l'escot, l'amitié seule suffit à conseruer ce monde. Et si elle estoit en vigueur par tout, il ne seroit ja besoin de loy, qui n'a esté mise que subsidiairement, & comme vn second remede au defect de l'amitié: afin de faire & contraindre par son autorité ce qui deuroit estre librement & volontairement fait par amitié. Mais la loy demeure beaucoup au dessous d'elle. Car l'amitié regle le cœur, la langue, la main, la volonté & les effets; la loy ne peut pouruoir qu'au dehors. C'est pourquoy Aristote, a dit que les bons Legislateurs ont eu plus de soin de l'amitié, que de la iustice: & pource que la loy & la iustice souuent encores perd sō

3.
Cōbien
neces-
saire au
public.

credit, le troisieme remede & moindre de tous a esté aux autres & à la force du tout contraire au premier de l'amitié. Voila par dégrez les 3. moyens du gouvernement public : mais l'amitié vaut bien plus que les autres, aussi les seconds & subsidiaires ne valent jamais tant que le premier, & principal.

Il y a grande diuersité, & distinction d'amitié, celle des anciens en quatre especes, Naturelle, Sociale, Hospitaliere, Venerienne, n'est point suffisante. Nous en pouuons marquer trois ; La premiere est tirée des causes, qui l'engendre, qui sont quatre, Nature, Vertu, Profit, Plaisir, qui marchent quelquesfois toutes en troupe : autres fois deux, ou trois, & assez souuēt vne seule. Mais la vertu est la plus noble & la plus forte : car elle est spirituelle, & au cœur comme l'amitié : la nature est au tang, le profit en la bourse, le plaisir en quelque partie, & sentiment du corps, aussi la vertu est plus libre plus franche & nette : & sans icelle les autres causes sont chetiues, lasches & caduques. Qui ayme pour la vertu ne se lasse point d'aymer, & si l'amitié se rompt, ne se plaint point. Qui ayme pour le profit si elle se rompt, se plaint impudēment, vient en reproche, qu'il a tout fait, & tout perdu. Qui ayme pour le plaisir, si la volupté cesse il se separe, & s'estrange du tout sans se plaindre.

3.
Des
person-
nes.

La seconde distinction, qui est pour le regard des personnes, se fait en trois especes, l'une est en droite ligne entre superieurs & inferieurs, & est ou naturelle, comme entre parens & enfans, oncles, & nepueus, ou legitime, comme entre le Prince & les subiets, le Seigneur & les vassaux, le maistre & les seruiteurs, le docteur & le disciple, le Prelat qu

gouverneur & le peuple. Or cette espee n'est point proprement parler amitié, tant à cause de la grāde disparité, qui est entre eux, qui empesche la priuauté & familiarité & entiere communication, fruit & effet principal de l'amitié, qu'aussi à cause de l'obligation qui y est, qui fait qu'il y a moins de liberté & de nostre choix & affectiō. Voyla pourquoy on leur dōne d'autres noms que d'amitié, car inferieurs on requiert d'eux Honneur, Respect, Obeyssance, aux superieurs, Soing & Vigilāce envers les inferieurs. La secōde espee d'amitié pour le regard des persōnes est en ligne couchée & collaterale entre pareils ou presque pareils. Et ceste cy est encores double, car ou elle est naturelle, cōme entre freres, sœurs, cousins, & cette cy est plus amitié que la precedente: car il y a moins de disparité. Mais il y a de l'obligation de nature, laquelle comme d'un costé elle nouë & serre, de l'autre elle relasche. Car à cause des biens, & partages, & des affaires, il faut quelquefois que les freres & parens se heurtent, outre que souuent la correspondance & relation d'humeurs & volonteiz, qui est l'essence de l'amitié, ne s'y trouue pas, c'est mon frere, mon parent, mais il est meschant, sot: ou elle est libre & volontaire, comme entre compagnons & amis, qui ne se touchent & tiennent de rien que la seule amitié: & cette est proprement & vrayement amitié.

3. La troisieme espee touchant les personnes est mixte & comme composée des deux, dont elle est ou doit estre pl^{us} forte, c'est la cōiugale des mariés: laquelle tiēt de l'amitié en droite ligne à cause de la superiorité du mary, & inferiorité de la femme,

se ou relasche, sujette à accez & recez, comme la fièvre selon la présence ou absence, merites, bien-faits, &c. la parfaite non, tousiours mesme, marchant d'un pas égal, ferme, hautain, & constant.

5. La commune reçoit & a besoin de plusieurs regles & precautions données par les Sages, dont l'une est d'aymer sans interest de la pieté, verité, vertu, *amicus usque ad aras*. L'autre est d'aymer comme si l'on auoit à hayr, & hayr comme si l'on auoit à aymer, c'est à dire, tenir tousiours la bride en la main, & ne s'abandonner pas si profusément, que l'on s'en puisse repentir, si l'amitié venoit à la desnoier.

Item, d'ayder & secourir au besoin sans estre requis: car l'amy est honteux, & luy couste de demander ce qu'il pense luy estre deu. Itē, n'estre importun à ses amis, comme ceux qui se plaignent tousiours à la maniere des femmes. Or toutes ces leçons tres-salutaires és amitez ordinaires n'ont point de lieu en cette souueraine & parfaite amitié.

18.
Description
de parfaite
amitié.

Nous sçaurōs encores mieux cecy par la peinture & description de la parfaite amitié, qui est vne cōfusion de deux ames, tres libre, pleine, & vniuerselle. Voicy trois mots 1. Confusion, non seulement cōiunction & ioincture, cōme des choses solides, lesquelles tant bien attachées, meslées, & noüées soient elles, si peuvent elles estre separées, & se cognoissent bien à part. Des ames en cette parfaite amitié sont tellement plongées & noyées l'une dans l'autre, qu'elles ne se peuvent plus rauoir, ny ne veulent à la maniere des choses liquides meslées ensemble 2. Tres-libres & bastie par le pur choix, & pure liberté de la volonté, sans aucune obligation,

occasion ny cause estrangere. Il n'y a rien qui soit plus libre & volontaire que l'affection. 3. Vniuerselle sans exception aucune de toutes choses, biens, honneurs, iugemens, pensées, volonte, vie. De ceste vniuerselle & si pleine confusion vient que l'un ne peut prester ny donner à l'autre, & n'y a point entr'eux de bien fait, obligation, recognoissance, remerciement & autres pareils deuoirs, qui sont nourrisiers des amitez communes, mais témoignages de diuision & differēce: tout ainsi comme ie ne leay point de gré du seruice, que ie me fay, ny l'amitié que ie me porte ne croist point pour le secours que ie m'apporte. Et au mariages mesmes pour luy donner quelque ressemblance de ceste diuine liaison, bien qu'il demeure bien au dessous: les donations sont defendues entre le mary & la femme; & s'il y auoit lieu de se pouuoir donner l'un à l'autre, ce seroit celuy qui employeroit son amy, & receuroit le bien fait, qui obligerait son compagnon; car cherchant l'un & l'autre sur tout & avec faim de s'entre bien faire, celuy qui en donne l'occasion, & en preste la matiere est celuy, qui fait le liberal, donnant ce contentement à son amy d'effectuer ce qu'il desire le plus.

De ceste parfaite amitié, & communion, nous auons quelques exemples en l'antiquité. Blossius fut comme tres-grand amy de Tyberius Gracchus ia condamné, & interroge ce qu'il eust fait pour luy, ayant respondu toutes choses, il luy fut demandé, comment s'il t'eust prié de mettre le feu aux temples, l'eusses-tu fait? Il respōdit, que iamais Gracchus n'eust eu telle volonté, mais que quand il eust eue, il y eust obey, tres-hardie & dangereuse

9.
Exem-
ples.

prit,
c'est à
dire, son
iuge-
ment.

& les biens. Pour l'esprit, le premier & principal auquel appartiennent premierement & par preciput les aduis generaux, que nous venons de dire, nous sçavons que tous les mouuemens reuiennēt à deux, penser & desirer: l'entendement & la volonté, ausquels respondent la science & la vertu, les deux ornemens de l'esprit. Quant au premier qui est l'entendement, il le faut preseruer de deux choses aucunement contraires & extremes, sçauoir sottise & folie, c'est à dire, de vanitez & niaiseries d'une part, c'est l'abastardir & le perdre: il n'a pas esté fait pour niaiser, *non ad iocum & lusum genitus, sed ad seueritatem potius*, & d'opinions fantasmiques, absurdes & extrauagantes; d'autre c'est le salir & villaner. Il le faut paistre & entretenir de choses vtils & serieuses, le teindre & abbrevier des opinions saines, douces, naturelles, & ne faut pas tant estudier à l'eueuer & guider, à le tendre & croirdir, comme à le regler, ordonner, & policer. L'ordre & la pertinence c'est l'effet de sagesse, & qui dōne prix à l'ame, & sur tout se garde de presumption, opiniastrété: vices familiers à ceux qui ont quelque gaillardise & vigueur d'esprit, plustost se tenir au doute en suspens, principalemēt es choses qui reçoient oppositions & raisons de toutes parts, malaisées à cuire & digerer, c'est vne belle chose que sçauoir bien ignorer & douter, & la plus seure de laquelle ont fait profession les plus nobles Philosophes, voire c'est le principal effect & fruit de la science.

Pour le regard de la volonté, il faut en toutes choses se regler & soumettre à la droite raison qui est l'office de vertu, & non à l'opinion volage,

inconstante, faulx ordinairement, moins encores à la passion. Ce sont les trois, qui remuent & regent nos ames. Mais voicy la difference, le Sage se regle & se range à ce qui est selon nature & raison, regarde au deuoir, tient pour apocriphe, & suspect ce qui est de l'opinion, cōdamne tout à fait ce qui est de la passion: & pource vit-il en paix, chemine tout doucement en toutes choses, n'est point sujet à se repentir, se desdire, changer: car quoy qu'il aduienne, il ne pouuoit mieux faire ny choisir: & puis il ne s'eschauffe point, car la raison va tout doux. Le fol qui se laisse mener à ces deux, ne fait qu'extrauaguer, se gendarmer: iamaïs ne repose. Il est tousiours à se raduiser, changer, rabiller, repentir, & iamaïs n'est content: aussi n'appartient-il qu'au Sage de l'estre, & qu'à la raison & à la vertu de nous faire & rendre tels. *Nulla placidior quies, nisi quam ratio composuit.* L'homme de bien se doit regenter, respecter, & craindre sa raison & sa conscience, qui est son bon genie, si qu'il ne puisse s'as honte broncher en leur presence, *rarum est, ut satis se quisque vereatur.*

Quand au corps l'on luy doit assistance & conduite. C'est folie de vouloir sequestre & desprendre ces deux parties principales l'une de l'autre: au rebours il les faut rallier & reioindre. La nature nous a donné le corps comme instrument nécessaire à la vie: il faut que l'esprit, comme le principal, prenne la tutelle du corps. Il ne le doit pas seruir: ce seroit la plus vile, iniuste, honteuse & onereuse seruitude de toutes: mais l'assister, le conseiller, & luy estre comme mary. Il luy doit donc du soin, & non du seruice; il le doit traiter,

comme seigneur, non cōme tyran: le nourrir, non l'engraisser: luy monstrāt qu'il ne vit pas pour luy, mais qu'il ne peut viure icy bas sās luy. C'est adrese à l'ouurier de sçauoir bien vser, & se seruir de ses outils: aussi est-ce vn grand aduantage à l'homme de se sçauoir bien seruir de son corps, & le rendre instrument propre à exercer la vertu. Au reste le corps se conserue en bon estat, par nourriture modérée, & exercice bien réglé. Cōment l'esprit doit auoir part & luy faire compagnie aux plaisirs, il a esté dit cy-dessus, & sera encores dit en la vertu de temperance.

Liure. 1.
chap. 5.

9
Pour les
biens.

Quant aux biens, & au deuoir d'un chacun en cét endroit, il y a plusieurs & diuers offices, sont sciences différentes qu'amaſſer des biens, cōseruer, ménager, emploïter, & leur donner tout. Tel est sçauant en l'un, qui n'entend rien en l'autre, & n'y est propre. L'acquisition a plus de parties, que toutes les autres. L'emploïte est plus glorieuse & ambitieuse. La conseruation & la garde, qui est propre à la femme, est sombre.

Ce sont deux extremitez pareillement vitieuses, aymer & affectiōner les richesses: les hayr & reïetter. J'entens richesses, ce qui est outre & par dessus la necessité & la suffisance. Le sage ne fera ny l'un ny l'autre, selon le souhait & priere de Salomō, ny richesses ny pauvreté: mais les tiendra en leur rāg, les estimant ce qu'elles sont, chose de soy indifferente, matiere de bien & de mal, vtils à beaucoup de bonnes choses.

Liure 1.
chap. 11.

Les maux & miseres, qui sont à l'affectiōner & à hayr les biens, ont esté dits cy-dessus: voicy maintenant la reigle en la mediocrité, qui est en

cing mots. 1. Les vouloir, mais ne les aymer point, *sapiens non amat diuitias, sed inuult.* Tout ainsi que l'homme petit, & foible de corps voudroit bien estre plus haut, & plus robuste, mais c'est sans s'en soucier, & sans s'en donner peine, cherchant sans passion ce que la nature desire, la fortune ne nous en scauroit priver. 2. Encorès beaucoup moins les chercher aux despens & dommages d'autrui, ou par arts & moyens lasches & fordides, afin que personne ne nous les pleure, ploigne ou envie, s'il n'est malicieux. 3. Aduenans & entrans par la porte honneste de deuant ne les rebutter, ains gayement les accepter & receuoir en sa maison, non en son cœur: en sa possession, non en son amour, comme n'en estans dignes. 4. Les ayant, les employer honnestement & discrettement en bien meritaunt d'autrui: afin que pour le moins soit autant honneste leur sortie que leur entrée. 5. S'en allant d'elles-mêmes, se desrobans, & se petdans ne s'en contrister, ne s'en allant rien du nostre, *si diuitia effluxerint, non auferent nisi semet ipsas.* Bref, celuy ne merite estre accepté de Dieu, & indigne de son amour & de profession de vertu, qui fait cas des biens de ce monde. *Aude hostes contemnere opes, & te quoque dignum. Finge Deo.*

DE LA IVSTICE ET DEVOIR DE
l'homme enuers l'homme.

ADVERTISSEMENT.

CE deuoir est grād, & a plusieurs parties. Nous en ferons du premier coup deux grādes: En la

Oo iij

premiere nous metrons les devoirs généraux, simples & communs, requis de tous & vn chacun, enuers tous & vn chacun, soient de cœur, de parole, & de fait, qui sont amitié, foy, verité, & admonitiō libre, bien fait, humanité, liberalité, recognoissance: En la seconde seront les devoirs speciaux, requis par vne speciale & expresse raison & obligation, entre certaines & certaines personnes, comme entre les mariez, parens, & enfans, maistres & seruiteurs, Princes & iubiets, magistrats, les grands & puissans, & les petits.

PREMIERE PARTIE, QVI EST
des devoirs generaux, & communs de tous
enuers tous. Et premierement.

De l'amour ou amitié.

CHAP. VII.

I.
Descri-
ption
d'ami-
tié.

Amitié est vne flāme sacrée allumée en nos poitrines, premieremēt par nature, & a mōstré sa premiere ardeur entre le mary & la femme, les parens, les enfans, les freres & sœurs : & puis se refroidissant a esté allumée par art & inuention des alliances, compagnies, frairies, colleges & communautéz. Mais pource qu'en tout cela estāt diuisée en plusieurs pieces elle s'affoiblissoit, & qu'elle estoit meslée & detrempée avec d'autres considerations vtils, commodés, delectables, pour se roidir, & nourrir plus ardente s'est ramassée toute en soy, & racourcie plus estroitte entre deux vrays amis. Et c'est la parfaicte amitié, qui est

d'autant plus chaude & spirituelle que toute autre, comme le cœur est plus chaud que le foye & le sang des veines.

L'amitié est l'ame & la vie du monde plus nécessaire, disent les sages, que le feu & l'eau: *amicitia necessitudo, amici necessary* c'est le soleil, le baston, le sel de nostre vie: car sans icelle tout est tenebres: & n'y a aucune ioye, soutien, ny goust de viure: *amicitia iustitia consors, natura vinculum, civitatis praesidium, senectutis solatium, vita humana portus: ea omnia constant, discordia cadunt* *Amicus fidelis protectio fortis, medicamentum vita & mortalitatis, & qui inuenit illum, inuenit thesaurum.*

Et ne faut penser que l'amitié ne soit vtile & plaisante qu'en privé, & pour les particuliers: car encores l'est elle plus au public, c'est la vraye mere nourrice de la société humaine, conservatrice des estats & polices. Et n'est suspecte ny ne desplaist qu'aux tyrans, & aux monstres, non qu'ils ne l'adorent en leur cœur, mais pource qu'ils ne peuuent estre de l'escot, l'amitié seule suffit à conseruer ce monde. Et si elle estoit en vigueur par tout, il ne seroit ja besoin de loy, qui n'a esté mise que subsidiairement, & comme vn second remede au defect de l'amitié: afin de faire & contraindre par son autorité ce qui deuroit estre librement & volontairement fait par amitié. Mais la loy demeure beaucoup au dessous d'elle. Car l'amitié regle le cœur, la langue, la main, la volonté & les effets; la loy ne peut pourvoir qu'au dehors. C'est pourquoy Aristote, a dit que les bons Legislateurs ont eu plus de soin de l'amitié, que de la iustice: & pource que la loy & la iustice souuent encores perd sō

3.
Cōbien
neces-
saire au
public.

credit, le troisieme remede & moindre de tous a esté aux autres & à la force du tout contraire au premier de l'amitié. Voila par dégrez les 3. moyens du gouvernement public : mais l'amitié vaut bien plus que les autres, aussi les seconds & subsidiaires ne valent jamais tant que le premier, & principal.

4.
Distin-
ction 1.
des cau-
ses.

Il y a grande diuersité, & distinction d'amitié, celle des anciens en quatre especes, Naturelle, Sociale, Hospitaliere, Venerienne, n'est point suffisante. Nous en pouuons marquer trois ; La premiere est tirée des causes, qui l'engendre, qui sont quatre, Nature, Vertu, Profit, Plaisir, qui marchent quelquesfois toutes en trouppes : autresfois deux, ou trois, & assez souuēt vne seule. Mais la vertu est la plus noble & la plus forte : car elle est spirituelle, & au cœur comme l'amitié : la nature est au sang, le profit en la bourse, le plaisir en quelque partie, & sentiment du corps, aussi la vertu est plus libre plus franche & nette : & sans icelle les autres causes sont chetives, lasches & caduques. Qui aime pour la vertu ne se lasse point d'aimer, & si l'amitié se rompt, ne se plaint point. Qui aime pour le profit si elle se rompt, se plaint impudément, vient en reproche, qu'il a tout fait, & tout perdu. Qui aime pour le plaisir, si la volupté cesse il se separe, & s'etrange du tout sans se plaindre.

5.
Des
person-
nes.

La seconde distinction, qui est pour le regard des personnes, se fait en trois especes, l'une est en droite ligne entre superieurs & inferieurs, & est ou naturelle, comme entre parens & enfans, oncles, & neveux, ou legitime, comme entre le Prince & les subiets, le Seigneur & les vassaux, le maistre & les seruiteurs, le docteur & le disciple, le Prelat ou

gouverneur & le peuple. Or cette espece n'est point proprement parler amitié, tant à cause de la grāde disparité, qui est entre eux, qui empesche la priuauté & familiarité & entiere communication, fruit & effet principal de l'amitié, qu'aussi à cause de l'obligation qui y est, qui fait qu'il y a moins de liberté & de nostre choix & affectiō. Voyla pourquoy on leur dōne d'autres noms que d'amitié, car inferieurs on requiert d'eux Honneur, Respect, Obeysance, aux superieurs, Soing & Vigilāce envers les inferieurs. La secōde espece d'amitié pour le regard des persōnes est en ligne couchée & collaterale entre pareils ou presque pareils. Et ceste cy est encores double, car ou elle est naturelle, cōme entre freres, sœurs, cousins, & ceste cy est plus amitié que la precedente: car il y a moins de disparité. Mais il y a de l'obligation de nature, laquelle comme d'un costé elle nouë & serre, de l'autre elle relasche. Car à cause des biens, & partages, & des affaires, il faut quelquefois que les freres & parens se heurtent, outre que souuent la correspondance & relation d'humeurs & volonteiz, qui est l'essence de l'amitié, ne s'y trouue pas, c'est mon frere, mon parent, mais il est meschant, sot: ou elle est libre & volontaire, comme entre compagnons & amis, qui ne se touchent & tiennent de rien que la seule amitié: & ceste est proprement & vrayement amitié.

3. La troisieme espece touchant les personnes est mixte & comme composée des deux, dont elle est ou doit estre pl^{us} forte, c'est la cōiugale des mariés: laquelle tiēt de l'amitié en droite ligne à cause de la superiorité du mary, & inferiorité de la femme,

& de l'amitié collaterale estant tous deux de compagnies parties jointes ensemble & se costoyans. Dont la femme a esté tirée non de la teste ny des pieds, mais du costé de l'homme. Aussi les mariez par tout & alternativement exercent, & monstrent toutes ces deux amitiés en public, la droite, car la femme sage honore & respecte le mary ; en priués la collaterale, priuée & familiere. Cette amitié de mariage est encorés d'une autre façon double & composée, car elle est spirituelle, & corporelle, ce qui n'est pas és autres amitiés, sinõ en celle qui est reprouuée par toutes bonnes loix, & par la nature mesmes. L'amitié donc cõjugale par ces raisons est grande, forte & puissante. Il y a toutesfois deux ou trois choses, qui la relaschèt, & empeschent, qu'elle puisse paruenir à perfectiõ d'amitié. L'une qu'il n'y a que l'êtrée du mariage libre: car son progrès & la durée est toute contrainte, forcée, i'entends aux mariages Chrestiens, car partout ailleurs elle est moins contrainte, à cause des diuorces qui sont permis. L'autre est la foiblesse & insuffisance de la femme qui ne peut resoudre, & tenir bon à cette parfaite conference, & communication des pensées & iugemens : son ame n'est pas assez forte & ferme pour fournir & soustenir l'estreinte d'un neud si fort, si serré, si durable, c'est comme noier une chose forte & grosse avec une mince & deliée. Cette cy ne réplissant pas assez s'eschappe, glisse, & se dérobe de l'autre. Encorés y a il icy, qu'en l'amitié des mariés, il s'y mesle de tant d'autres choses estrangeres, les enfans, les parens d'une part & d'autre, & tant d'autres fusées à demesler, qui troublent souuent & relaschent une viue affection.

La troisième distinction d'amitié regarde la force & intention, ou la foiblesse & diminution de l'amitié. Selon cette raison il y a double amitié, la commune & imparfaite, qui se peut appeler bien-vueillance, familiarité, accointance privée: & à une infinité de degrez, l'une plus étroite, intime, & forte que l'autre: & la parfaite, qui ne se voit point, & est un Phoenix au monde, à peine est elle bien conçue par imagination.

Nous les cognoissons toutes deux en les depeignant & confrontant ensemble, & recognoissant leurs différences. La commune se peut bastir & concilier en peu de temps. De la parfaite il est dit, qu'il faut deliberer fort long-temps & manger un muid de sel.

2. La commune s'acquiert, se bastit & dresse par tant de diuerses occasions & occurrences utiles, delectables: dont un sage donnoit ces deux moyens d'y paruenir, dire choses plaisantes, & faire choses utiles: la parfaite par la seule, vraie & viue vertu reciproquement bien eueillée.

3. La commune peut estre avec, & entre plusieurs, la parfaite avec un seul qui est un autre soy-mesme, & ainsi entre deux seulement, qui ne sont qu'un. Elle s'impliqueroit, & s'empescheroit entre plusieurs, car si deux en mesme temps demandoient estre secourus, s'ils me demandoient offices contraires, si l'un commettoit à mon silence choses qu'il est expediât à l'autre de sçauoir, quel ordre ? Certes la diuision est ennemie de perfection; & union sa germaine.

4. La commune reçoit du plus & du moins, des exceptions, restrictions & modifications, s'eschauf-

6.
Des
degrez

7.
Diffé-
rences
de l'a-
mitié
commu-
ne &
parfai-
te.

se ou relasche, sujette à accez & recez, comme la fièvre selon la présence ou absence, merites, bien-faits, &c. la parfaite non, toujours même, marchant d'un pas égal, ferme, hautain, & constant.

5. La commune reçoit & a besoin de plusieurs regles & precautions données par les Sages, dont l'une est d'aimer sans interest de la pieté, verité, vertu, *amicus usque ad aras*. L'autre est d'aimer comme si l'on avoit à hayr, & hayr comme si l'on avoit à aimer, c'est à dire, tenir toujours la bride en la main, & ne s'abandonner pas si profusément, que l'on s'en puisse repentir, si l'amitié venoit à la desnoier.

Item, d'ayder & secourir au besoin sans estre requis: car l'amy est honteux, & luy couste de demander ce qu'il pense luy estre deu. Itē, n'estre importun à ses amis, comme ceux qui se plaignent toujours à la maniere des femmes. Or toutes ces leçons tres-salutaires és amitez ordinaires n'ont point de lieu en cette souveraine & parfaite amitié.

18. Nous sçaurōs encores mieux cecy par la peinture & description de la parfaite amitié, qui est une cōfusion de deux ames, tres libre, pleine, & uniuer-selle. Voicy trois mots 1. Confusion, non seulement cōionction & ioincture, cōme des choses solides, lesquelles tant bien attachées, meslées, & nouiées soient ellēs, si peuvent elles estre separées, & se cognoissent bien à part. Des ames en cette parfaite amitié sont tellemēt plongées & noyées l'une dedans l'autre, qu'elles ne se peuvent plus ravoir, ny ne veulēt à la maniere des choses liquides meslées ensēble 2. Tres-libres & bastie par le pur choix, & pure liberté de la volonté, sans aucune obligation,

Descri-
ption
de par-
faite
amitié.

occasion ny cause estrangere. Il n'y a rien qui soit plus libre & volontaire que l'affection. 3. Vniuerselle sans exception aucune de toutes choses, biens, honneurs, iugemens, pensées, volonte, vie. De ceste vniuerselle & si pleine confusion vient que l'un ne peut prester ny donner à l'autre, & n'y a point entr'eux de bien fait, obligation, recognoissance, remerciement & autres pareils deuoirs, qui sont nourrisiers des amitez communes, mais témoignages de diuision & differēce: tout ainsi comme ie ne soy point de gré du service, que ie me fay, ny l'amitié que ie me porte ne croist point pour le secours que ie m'apporte. Et au mariages mesmes pour luy donner quelque ressemblance de ceste diuine liaison, bien qu'il demeure bien au dessous: les donations sont defendues entre le mary & la femme; & s'il y auoit lieu de se pouoir donner l'un à l'autre, ce seroit celui qui employeroit son amy, & receuroit le bien fait, qui obligerait son compagnon: car cherchant l'un & l'autre, surtout & avec faim de s'entre bien faire, celui qui en donne l'occasion, & en preste la matiere est celui qui fait le liberal, donnant ce contentement à son amy d'effectuer ce qu'il desire le plus.

De ceste parfaite amitié, & communion, nous 9.
 auons quelques exemples en l'antiquité. Exem-
ples,
 pris comme tres-grand amy de Tyberius Gracchus ia condamné, & interrogé ce qu'il eust fait pour luy, ayant respondu toutes choses, il luy fut demandé, comment s'il t'eust prié de mettre le feu aux temples, l'eusses-tu fait? Il respōdit que iamais Gracchus n'eust eu telle volonté, mais que quand il eust eue, il y eust obey, tres-hardie & dangereuse

responce. Il pouuoit dire hardiment que Gracchus
 n'eust iamais eu ceste volonte ; c'estoit à luy à en
 responce, car comme porte nostre description, l'a-
 my parfait non seulement sçait & connoist pleine-
 ment la volonte de son amy, & cela suffit pour en
 responce, mais il la tient en sa manche, & la pos-
 sède entierement. Et ce qu'il adiontte, que si Grac-
 chus l'eust voulu il l'eust fait, ce n'est rien dit, cela
 n'altere n'y n'empire point sa premiere responce,
 qui est de l'assurance de la volonte de Gracchus.
 Cecy est des volonte & iugemens. Voyons des
 biens. Ils estoient trois amis (ce mot trois heurte
 nos regles, & fait penser que ce n'estoit encores
 vne amitié du tout parfaite) deux riches, & vn
 pauvre chargé d'une mere vieille, & d'une fille à
 marier; cestuy-cy mourant fait son testament, par
 lequel il legue à vn de ses amis de nourrir sa mere
 & l'entretenir, & à l'autre marier sa fille, & luy
 donner le plus grand douaire qu'il pourra : & ad-
 uenant que l'un d'eux vienne à defaillir, il substi-
 tue l'autre. Le peuple se moque de ce testament,
 les heritiers l'acceptent avec grand contentement,
 & chascun vient à iouyr de son legat, mais estant
 decedé cinq iours apres celuy qui auoit prins la
 mere, l'autre suruiuant & demeurant seul vniuer-
 sel heritier entretient soigneusement la mere, &
 dedans peu de iours il maria en même iour la fille
 propre vniue, & celle qui luy auoit esté leguée,
 leur departant par ega les parts tout son bien. Les
 Sages selon la peinture iusdite ont iugé, que le
 premier mourant s'estoit monstre plus amy, plus
 liberal, faisant les amis heritiers, & leur donnant
 ce contentement de les employer à son besoin.

3. De la vie, l'histoire est notoire de ces deux amis, dont l'un étant condamné par le Tyran à mourir à certain iour & heure, demande ce delay de reste pour aller pourvoir à ses affaires domestiques, en baillant caution, le tyran luy ayant accordé à ceste condition que s'il ne se representoit au temps, sa caution souffriroit le supplice. Le prisonnier baille son amy, qui entre en prison à ceste condition, & le temps étant venu, & l'amy caution se deliberant de mourir, le condamné ne faillit de se représenter. Dequoy le tyran plus qu'esbay, & deliurant tous les deux, les pria de le vouloit, & adopter en leur amitié pour tiers.

DE LA FOY, FIDELITE,
perfidie, secret.

CHAP. XXXIV.

Tous, voire les perfidies, sçauent & confessent, que la foy est le lien de la société humaine, fondement de toute iustice, & que sur tout elle doit estre religieusement obseruée. *Nil augustius fide, quæ iustitiæ fundamentum est, nec ullares vehementius rem publicam continet & vitam. Sanctissimum humani pectoris bonum.*

I.
Dignité
de la
foy,

*Ante Iouem generata, decus diuinumque hominumque
Qua sine non cellus pacem, non æquora norunt,
Iustitiæ consors tacitumque in pectore numen.*

Toutesfois le monde est plein de perfides: peu en y a, qui bien & entierement gardent leur foy: ils la rompent en diuerses façons, & ne le sentent pas. Moyennant qu'ils trouuent quelque pretexte & couleur ils pensent estre sauez. Les autres estu-

2.
La foy
rare;

P p.

credi, & habita fides ipsum sibi obligat fidem: fides requirit fiduciam, & relativa sunt. L'autre si l'ayant acceptée il la rompoit le premier. *Frangenti fidem, fides frangatur eidem: quando tu me non habes pro Senatore, nec ego te pro Consule.* 1. Le perfide ne merite que la foy luy soit gardée: par droit de nature, sauf que depuis il y aye eu accord, qui couvrift la perfidie, dont ne seroit plus loisible la venger: hors de ces deux cas il la faut garder à quicōque soit, à son subiet, comme sera dit. A l'ennemy, tesmoin le beau fait d'Attilius Regulus, la proclamation du Senat Romain, contre tous ceux qui auoient esté cōgediez par Pyrrhus sur leur foy, & Camillus qui ne vouloit pas seulement auoir part, ny se seruir de la perfidie d'autrui, renuoyant les enfans des Flisques avec leur maistre. 3. Au voleur & criminel public, tesmoin le fait de Pompée aux pirates & brigāds, & d'Auguste à Crocotas. 4. Aux ennemis de la Religion, à l'exemple de Iosué cōtre les Gabaonistes. Mais il ne faut pas bailler à ces deux derniers voleurs & heretiques, ou apostats, ny la receuoit d'eux; car il ne faut capituler ny traicter sciennmēt paix & alliāce avec telles gens, si ce n'est en extreme necessité, ou pour leur reduction, ou pour vn tres-grand bien public: mais leur estant donnée il la faut garder.

Quant à la chose subiecte, si elle est iniuste ou impossible, on en est quitte, & estant iniuste, c'est biē fait de s'en departir, double faute de la garder. Toute autre excuse hors ces deux, n'est point de mise, comme perte, dommage, desplaisirs, incommodité, difficulté, comme ont pratiqué souuent les Romains, qui ont reietté plusieurs aduanta-

Livius. ges grands pour ne rompre leur foy, *quibstanta
utilitate fides antiquior fuit.*

6.
**La ma-
niere
qu'a
esté dō-
née la
foy.**

Quant à la maniere que la foy a esté donnée, c'est où y a pl^s à douter: car plusieurs pensēt que si elle a esté extorquée ou par force & crainte, ou par fraude & surprise, l'on n'y est point suiet, pource qu'en tous les deux cas le promettant n'a point eu de volōté, par laquelle il faut iuger toutes choses. Les autres au contraire & de faict Iosué garda la foy aux Gabaonistes, bien qu'extorquée par grand surprise & faux donné à entendre: & fut déclaré depuis qu'il deuoit ainsi faire. Parquoy il semble que l'on peut dire, qu'où il y a simple parole & promesse l'on n'y est point tenu, mais si la foy donnée a esté reuestue & autorisée par serment, comme au faict de Iosué, on y est tenu pour le respect du nom de Dieu: mais qu'il est loisible apres en iugemēt poursuivre reparation de la tromperie, ou violence. La foy donnée avec sermēt & interuention du nom de Dieu oblige plus que la simple promesse; & l'enfreindre, qui includ pariure avec la perfidie, est beaucoup pire. Mais penser asscurer la foy par sermēs nouveaux & estranges, comme plusieurs font est superflu entre gēs de bien & inutile, si l'on veut estre desloyal. Le meilleur est de iurer par le Dieu Eternel, vengeur des mocqueurs de son nom, & infracteurs de la foy.

7.
**Perfi-
die, in-
iure à
Dieu.**

La perfidie & le pariure est en certain sens plus vilain & execrable que l'atheïsme. L'Atheïste qui ne croit point de Dieu ne luy faict pas tāt d'iniure, ne pensant point qu'il y en ait, que celuy qui le scait, le croit, & pariure par mocquerie. Celuy qui iure pour tromper, se mocque euidentement

de Dieu, & ne craint que l'homme. C'est moindre mal de mescroire Dieu, que s'en mocquer. L'horreur & le desreglement de la perfidie, & du pariure ne scauoit estre plus richement depeint, qu'il a esté par vn ancien, disant, que c'est donner tesmoignage de mespriser Dieu, craindre les hommes. Qu'y a-il plus monstrueux, qu'estre coïard à l'endroit des hommes, braue à l'endroit de Dieu? Le perfide est apres triste & ennemy capital de la société humaine. Car il rompt & destruit la liaisō d'icelle, & tout commerce, qui est la parole, laquelle si elle faut, nous ne nous tenons plus.

Aux hommes.

A l'observation de la foy appartient la garde fidele du secret d'autrui: or c'est vne importune garde, mesmement des grāds, qui s'en peut passer fait sagement: mais encor faut-il fuir à le scauoir, cōme fit ce Poëte à Lysimachus. Qui prend en garde le secret d'autrui, se met plus en peine qu'il ne pèse: car outre le soin qu'il prend sur foy de le bien garder, il s'oblige à se feindre & desaduoir sa pēlée, chose qui fasche fort vn cœur noble & genereux. Toutesfois, qui le prend en garde le doit tenir religieusement: & pour ce faire & estre bon secretaire, il le doit estre par nature, & non par art, ny par obligation.

8.
Garder le secret.

VERITE ET ADMONITION libre.

CHAP. IX.

L'Admonition libre & cordiale est vne tres-salutaire & excellente medecine: c'est le meilleur office d'amitié, c'est aymer sainement que d'en-

1.
Chose excellente.

Pp iij

treprendre à blesser & offenser vn peu, pour profiter beaucoup: c'est vn des plus speciaux & plus utiles commandemens Euangeliques. *Si peccauerit in te frater tuus, corripe illum, &c.*

2. Tous ont quelquesfois besoin de ce remede: mais Vtile à
gui. surtout, ceux qui sont en grande prosperité: car il est tres-difficile d'estre hôteux & sage tout ensemble: Et les Princes qui soustiennēt vne vie tant publique, ont à fournir à tant de choses, ne voyent & n'entendent que par les yeux, & les oreilles d'autrui: & tant de choses leur sont celées: Ils ont extreme besoin d'estre aduertis, autrement ils courent grande forme, où ils sont bien sages.

3. Ce bon office est rendu de bien peu de gens: il y Rare,
difficile, dan-
gereuse. faut, disent les Sages, trois choses, iugement ou discretion, liberté courageuse, amitié & fidelité. Elles s'affaïsonnēt ensemble. Peu s'en meslēt par crainte de desplaisir, ou faute de vraye amitié: & de ceux qui s'en meslent, peu le scauent bien faire. Ors'il est mal-fait, comme vne medecine donnée mal à propos, blesse sans profit, & produit presque le mesme effet avec douleur, que fait la flatterie avec plaisir. Estre loué, & estre repris mal à propos, c'est mesme blessure, & chose pareillemēt laide à celuy qui le fait. La verité toute noble qu'elle est, si n'a-elle pas priuilege d'estre employée à toute heure, & en toute sorte. Vne sainte remonstration peut bien estre appliquée vicieusement.

4. Les aduis & precautions pour s'y bien gouver- Regles,
de la
vraye
admo-
nition. ner seront ceux-cy: s'entend, où n'y a point grande priuauté, familiarité, confidence, ny d'autorité & puissance: car en ces cas n'y a lieu de garder si soigneusement ces regles suivantes. 1. Observer

le lieu & le temps, que ce ne soit en temps n'y lieu de feste & de grande ioye, ce seroit comme l'on dit troubler toute la feste: n'y de tristesse & aduersité, ce seroit lors vn tour d'hostilité, & vouloir acheuer du tout, & accabler: c'est lors la saison de secourir & consoler. *Crudelis in re aduersa obiurgatio: damna-
re est obiurgare, cum auxilio est opus.* Le Roy Perseus se voyant ainsi traité par deux de ses familiers les tua. 2. Non pour toutes fautes indifferemmēt, non pour les legeres & petites, c'est estre enuieux & importun & trop ambitieux repreneur. L'on pourroit dire il m'en veut n'y pour les grandes & dāgereuses, lesquelles l'on sent assez; & l'on s'en craint d'estre en peine. Il pēseroit que l'on le guette. 3. Secrettemēt & non deuant tesmoins, pour ne luy faire hōte, comme il aduint à vn ieune homme, qui la receut avec si grande honte estant repris de Pythagoras: qu'il s'en pendit: Plutarque estime que ce fut pour cela qu'Alexandre tua son amy Clitus, de ce qu'il le reptenoit en compagnie: mais principalement que ce ne soit deuant ceux desquels l'admonestē requiert estre approuué & estimé, cōme deuant sa partie en mariage, deuant ses enfans, ses disciples. 4. D'une naïfueté & franchise simple nonchalante, sans aucun interest particulier, ou émotion tant petite soit-elle. 5. Se cōprendre en la faute & vser de termes generaux, nous nous oublions: à quoy pensons nous? 6. Commencer par loüanges & finir par offices de seruice & secours, cela detrempe fort l'aigreur de la cōtraction, Cela fait aualler plus doucement, telle & telle chose vous sied fort bien, non pas si bien telle & telle. Il y a bien à dire entre celles-là, & celles-cy, l'on

& de l'amitié collaterale estant tous deux de compagnies parties jointes ensemble & se costoyans. Dont la femme a esté tirée non de la teste ny des pieds, mais du costé de l'homme. Aussi les mariez partout & alternatiuement exercent, & monstrent toutes ces deux amitiés en public, la droite, car la femme sage honore & respecte le mary ; en priuée la collaterale, priuée & familiere. Cette amitié de mariage est encores d'une autre façon double & composée, car elle est spirituelle, & corporelle, ce qui n'est pas és autres amitiés, sinõ en celle qui est reprouuée par toutes bonnes loix, & par la nature mesmes. L'amitié donc cõiugale par ces raisons est grande, forte & puissante. Il y a toutesfois deux ou trois choses, qui la relaschèt, & empeschent, qu'elle puisse paruenir à perfectiõ d'amitié. L'une qu'il n'y a que l'êtrée du mariage libre: car son progrès & sa durée est toute contrainte, forcée, i'entends aux mariages Chrestiens, car partout ailleurs elle est moins contrainte, à cause des diuorces qui sont permis. L'autre est la foiblesse & insuffisance de la femme qui ne peut resoudre, & tenir bon à cette parfaite conference, & communication des pensées & iugemens : son ame n'est pas assez forte & ferme pour fournir & soustenir l'estreinte d'un neud si fort, si serré, si durable, c'est comme nouer vne chose forte & grosse avec vne mince & deliée. Cette cy ne réplissant pas assez s'eschappe, glisse, & se dérobe de l'autre. Encores y a il icy, qu'en l'amitié des mariés, il s'y mesle de tant d'autres choses estrangeres, les enfans, les parens d'une part & d'autre, & tant d'autres fusées à demesler, qui troublent souuent & relaschent vne viue affection.

La troisième distinction d'amitié regarde la force & intention, ou la foiblesse & diminution de l'amitié. Selon cette raison il y a double amitié, la commune & imparfaite, qui se peut appeler bien-vueillance, familiarité, accointance privée: & à une infinité de degrez, l'une plus étroite, intime, & forte que l'autre: & la parfaite, qui ne se voit point, & est un Phoenix au monde, à peine est elle bien conçue par imagination.

6.
Des
degrez

Nous les cognoissons toutes deux en les depeignant & confrontant ensemble, & recognoissant leurs differences. La commune se peut bastir & concilier en peu de temps. De la parfaite il est dit, qu'il faut deliberer fort long-temps & manger un muid de sel.

7.
Diffe-
rences
de l'a-
mitié
cômu-
ne &

2. La commune s'acquiert, se bastit & dresse par tant de diuerses occasions & occurrences utiles, delectables: dont un sage donnoit ces deux moyens d'y paruenir, dire choses plaisantes, & faire choses utiles: la parfaite par la seule, vraie & viue vertu reciproquement bien eogne.

parfai-
te.

3. La commune peut estre avec, & entre plusieurs, la parfaite avec un seul qui est un autre soy-mesme, & ainsi entre deux seulement, qui ne sont qu'un. Elle s'impliqueroit, & s'empescheroit entre plusieurs, car si deux en mesme temps demandoient estre secourus, s'ils me demandoient offices contraires, si l'un commettoit à mon silence choses qu'il est expediât à l'autre de sçauoir, quel ordre? Certes la diuision est ennemie de perfection; & union sa germaine.

4. La commune reçoit du plus & du moins, des exceptions, restrictions & modifications, s'eschauf-

se ou relasche, sujette à accez & recez, comme la fièvre selon la présence ou absence, merites, bien-faits, &c. la parfaite non, tousiours même, marchant d'un pas égal, ferme, hautain, & constant.

5. La commune reçoit & a besoin de plusieurs regles & precautions données par les Sages, dont l'une est d'aymer sans interest de la pieté, verité, Vertu, *amicus usque ad aras*. L'autre est d'aymer comme si l'on avoit à hayr, & hayr comme si l'on avoit à aymer, c'est à dire, tenir tousiours la bride en la main, & ne s'abandonner pas si profusément, que l'on s'en puisse repentir, si l'amitié venoit à la desnoier.

Item, d'ayder & secourir au besoin sans estre requis: car l'amy est honteux, & luy couste de demander ce qu'il pense luy estre deu. Itē, n'estre importun à ses amis, comme ceux qui se plaignent tousiours à la maniere des femmes. Or toutes ces leçons tres-salutaires es amitez ordinaires n'ont point de lieu en cette souveraine & parfaite amitié.

18. Nous sçaurōs encore mieux cecy par la peinture & description de la parfaite amitié, qui est une cōfusion de deux ames, tres libre, pleine, & uniuer-selle. Voicy trois mots 1. Confusion, non seulement cōionction & ioincture, cōme des choses solides, lesquelles tant bien attachées, meslées, & noüées soient elles, si peuvent elles estre separées, & se cōnoissent bien à part. Des ames en cette parfaite amitié sont tellemēt plongées & noyées l'une dedans l'autre, qu'elles ne se peuvent plus rauoir, ny ne veulēt à la maniere des choses liquides meslées ensēble 2. Tres-libres & bastie par le pur choix, & pure liberté de la volonté, sans aucune obligation,

18.
Descri-
ption
de par-
faite
amitié.

occasion ny cause estrangere. Il n'y a rien qui soit plus libre & volontaire que l'affection 3. Vniuerselle sans exception aucune de toutes choses, biens, honneurs, iugemens, pensées, volontez, vie. De ceste vniuerselle & si pleine confusion vient que l'un ne peut prester ny donner à l'autre, & n'y a point entr'eux de bien fait, obligation, recognoissance, remerciement & autres pareils deuoirs, qui sont nourrisiers des amitez communes, mais témoignages de diuision & differēce: tout ainsi cōme ie ne scay point de gré du sermice, que ie me fay, ny l'amitié que ie me porte ne croist point pour le secours que ie m'apporte. Et au mariages mesmes pour luy donner quelque ressemblance de ceste diuine liaison, bien qu'il demeure bien au dessous: les donations sont defendues entre le mary & la femme; & s'il y auoit lieu de se pouuoir donner l'un à l'autre, ce seroit celui qui employeroit son amy, & receuroit le bien fait, qui obligeroit son compagnon; car cherchant l'un & l'autre sur tout & avec faim de s'entre bien faire, celui qui en donne l'occasion, & en preste la matiere est celui qui fait le liberal, donnant ce contentement à son amy d'effectuer ce qu'il desire le plus.

De ceste parfaite amitié, & communion, nous 9.
auons quelques exemples en l'antiquité. Exem-
ples, Blossius
pris comme tres-grand amy de Tyberius Gracchus
iacondamné, & interrogé ce qu'il eust fait pour luy, ayant respondu toutes choses, il luy fut demandé, comment s'il t'eust prié de mettre le feu aux temples, l'eusses-tu fait? Il respōdit que iamais Gracchus n'eust eu telle volonté, mais que quand il eust eue, il y eust obey, tres-hardie & dangereuse

responce. Il pouuoit dire hardiment que Gracchus
 n'eust iamais eu ceste volonte, c'estoit à luy à en
 respondre, car comme porte nostre description, l'a-
 my parfait non seulement sçait & connoist pleine-
 ment la volonte de son amy, & cela suffit pour en
 respondre, mais il la tient en la manche, & la pos-
 sède entierement. Et ce qu'il adioutte, que si Grac-
 chus l'eust voulu il l'eust fait, ce n'est rien dit, cela
 n'altere n'y n'empire point la premiere responce,
 qui est de l'assurance de la volonte de Gracchus.
 Cecy est des volontez & iugemens. Voyons des
 biens. Ils estoient trois amis (ce mot trois heutte
 nos regles, & fait penser que ce n'estoit encores
 vne amitié du tout parfaicte) deux riches, & vn
 pauvre chargé d'une mere vieille, & d'une fille à
 marier; cestuy-cy mourant fait son testament, par
 lequel il legue à vn de ses amis de nourrir sa mere
 & l'entretenir, & à l'autre marier sa fille, & luy
 donner le plus grand douaire qu'il pourra: & ad-
 uenant que l'un d'eux vienne à defaillir, il substi-
 tue l'autre. Le peuple se moque de ce testament,
 les heritiers l'acceptent avec grand contentement,
 & chascun vient à iouyr de son legat, mais estant
 decedé cinq iours apres celui qui auoit prins la
 mere, l'autre suruiuant & demeurant seul vnuer-
 sel heritier entretient soigneusement la mere, &
 dedans peu de iours il maria en même iour sa fille
 propre unique, & celle qui luy auoit esté leguée,
 leur departant par egle parts tout son bien. Les
 Sages selon la peinture iusdite ont iugé, que le
 premier mourant s'estoit monstre plus amy, plus
 liberal, faisant les amis heritiers, & leur donnant
 ce contentement de les employer à son besoin.

3. De la vie, l'histoire est notoire de ces deux amis, dont l'un étant condamné par le Tyran à mourir à certain iour & heure, demande ce delay de reste pour aller pourvoir à ses affaires domestiques, en baillant caution, le tyran luy ayant accordé à ceste condition que s'il ne se representoit au temps, sa caution souffriroit le supplice. Le prisonnier baille son amy, qui entre en prison à ceste condition, & le temps étant venu, & l'amy caution se deliberant de mourir, le condamné ne faillit de se représenter. Dequoy le tyran plus qu'esbay, & deliurant tous les deux, les pria de le vouloit, & adopter en leur amitié pour tiers.

DE LA FOY, FIDELITE',
perfidie, secret.

CHAP. XXXIV.

TOUS, voire les perfidies, sçauent & confessent, que la foy est le lien de la société humaine, fondement de toute iustice, & que sur tout elle doit estre religieusement obseruée. *Nibil augustius fide, quæ iustitiæ fundamentum est, nec ullares vehementius rempublicam continet & vitam. Sanctissimum humani pectoris bonum.*

I.
Dignité
de la
foy,

*Ante Iouem generata, decus diuinumque hominumque
Qua sine non cellus pacem, non æquora norunt,
Iustitiæ consors tacitumque in pectore numen.*

Toutesfois le monde est plein de perfides: peu en y a, qui bien & entierement gardent leur foy: ils la rompent en diuerses façons, & ne le sentent pas. Moyennant qu'ils trouuent quelque pretexte & couleur ils pensent estre saueez. Les autres estu-

2.
La foy
rare;

P p.

credi, & habita fides ipsum sibi obligat fidem: fides requirit fiduciam, & relativa sunt. L'autre si l'ayant acceptée il la rompoit le premier. *Frangenti fidem, fides frangatur eidem: quando tu me non habes pro Senatore, nec ego te pro Consule.* 1. Le perfide ne merite que la foy luy soit gardée: par droit de nature, sauf que depuis il y aye eu accord, qui couvrir la perfidie, dont ne seroit plus loisible la venger: hors de ces deux cas il la faut garder à quicōque soit, à son subiet, comme sera dit. A l'ennemy, tescmoin le beau fait d'Attilius Regulus, la proclamation du Senat Romain, contre tous ceux qui auoient esté cōgедiez par Pyrrhus sur leur foy, & Camillus qui ne vouloit pas seulement auoir part, ny se seruir de la perfidie d'autrui, renuoyant les enfans des Elisques avec leur maistre. 3. Au voleur & criminel public, tescmoin le fait de Pompée aux pyrates & brigāds, & d'Auguste à Crocotas. 4. Aux ennemis de la Religion, à l'exemple de Iosué cōtre les Gabaonistes. Mais il ne faut pas bailler à ces deux derniers voleurs & heretiques, ou apostats, ny la receuoit d'eux: car il ne faut capituler ny traicter sciemment paix & alliāce avec telles gens, si ce n'est en extreme necessité, ou pour leur reduction, ou pour vn tres-grand bien public: mais leur estant donnée il la faut garder.

Quant à la chose subiecte, si elle est iniuste ou impossible, on en est quitte, & estant iniuste, c'est biē fait de s'en departir, double faute de la garder. Toute autre excuse hors ces deux, n'est point de mise, comme perte, dommage, desplaisirs, incommodité, difficulté, comme ont pratiqué souuent les Romains, qui ont reietté plusieurs aduanta-

Linius. ges grands pour ne rompre leur foy, *quibus tanta utilitate fides antiquior fuit.*

6.
La ma-
niere
qu'a
esté dō-
née la
foy.

Quant à la maniere que la foy a esté donnée, c'est où y a pl^s à douter: car plusieurs pensēt que si elle a esté extorquée ou par force & crainte, ou par fraude & surprise, l'on n'y est point suiet, pour ce qu'en tous les deux cas le promettant n'a point eu de volōté, par laquelle il faut iuger toutes choses. Les autres au contraire & de faict Iosué garda la foy aux Gabaonistes, bien qu'extorquée par grand surprise & faux donné à entendre: & fut déclaré depuis qu'il deuoit ainsi faire. Parquoy il semble que l'on peut dire, qu'où il y a simple parole & promesse l'on n'y est point tenu, mais si la foy donnée a esté reuestue & autorisée par serment, comme au faict de Iosué, on y est tenu pour le respect du nom de Dieu: mais qu'il est loisible apres en iugemēt poursuivre reparation de la tromperie, ou violence. La foy donnée avec sermēt & interuention du nom de Dieu oblige plus que la simple promesse; & l'enfreindre, qui includ pariure avec la perfidie, est beaucoup pire. Mais penser asséurer la foy par sermēs nouveaux & estranges, comme plusieurs font est superflu entre gēs de bien & inutile, si l'on veut estre desloyal. Le meilleur est de iurer par le Dieu Eternel, vengeur des mocqueurs de son nom, & infracteurs de la foy.

7.
Perfi-
die, in-
iure à
Dieu.

La perfidie & le pariure est en certain sens plus vilain & execrable que l'atheïsme. L'Atheïste qui ne croit point de Dieu ne luy faict pas tāt d'iniure, ne pensant point qu'il y en ait, que celuy qui le sçait, le croit, & pariure par mocquerie. Celuy qui iure pour tromper, se mocque euidentement

de Dieu, & ne craint que l'homme. C'est moindre mal de mescroire Dieu, que s'en mocquer. L'horreur & le desreglement de la perfidie, & du parjure ne sçauoit estre plus richement depeint, qu'il a esté par vn ancien, disant, que c'est donner tesmoignage de mespriser Dieu, craindre les hommes. Qu'y a-il plus monstrueux, qu'estre coïard à l'endroit des hommes, braue à l'endroit de Dieu? Le perfide est prest triste & ennemy capital de la société humaine. Car il rompt & destruit la liaisõ d'icelle, & tout commerce, qui est la parole, laquelle si elle faut, nous ne nous tenons plus.

Aux hommes.

A l'observation de la foy appartient la garde fidele du secret d'autrui: or c'est vne importune garde, mesmement des grãds, qui s'en peut passer fait sagement: mais encor faut-il fuir à le sçauoir, eõme fit ce Poëte à Lysimachus. Qui prend en garde le secret d'autrui, se met plus en peine qu'il ne pèse: car outre le soin qu'il prend sur foy de le bien garder, il s'oblige à se feindre & desaduoir sa pèlée, chose qui fasche fort vn cœur noble & genereux. Toutesfois, qui le prend en garde le doit tenir religieusement: & pour ce faire & estre bon secretaire, il le doit estre par nature, & non par art, ny par obligation.

8.
Garder le secret.

VERITE ET ADMONITION libre.

CHAP. IX.

L'Admonition libre & cordiale est vne tres-salutaire & excellente medecine: c'est le meilleur office d'amitié, c'est aymer sainement que d'en-

1.
Chose excellente.

Pp iij

le lieu & le temps, que ce ne soit en temps n'y lieu de feste & de grande ioye, ce seroit comme l'on dit troubler toute la feste: n'y de tristesse & aduersité, ce seroit lors vn tour d'hostilité, & vouloir acheuer du tout, & accabler: c'est lors la saison de secourir & consoler. *Crudelis in re aduersa obiurgatio: damna- re est obiurgare, cum auxilio est opus.* Le Roy Persus se voyant ainsi traité par deux de ses familiers les tua. 2. Non pour toutes fautes indifferemmēt, non pour les legeres & petites, c'est estre enuieux & importun & trop ambitieux repreneur. L'on pourroit dire il m'en veut n'y pour les grandes & dāgereuses, lesquelles l'on sent assez; & l'on s'en craint d'estre en peine. Il pēseroit que l'on le guette. 3. Secrettemēt & non deuant tesmoins, pour ne luy faire hōte, comme il aduint à vn ieune homme, qui la receut avec si grande honte estant repris de Pythagoras: qu'il s'en pendit: Plutarque estime que ce fut pour cela qu'Alexandre tua son amy Clitus, de ce qu'il le reprenoit en compagnie: mais principalement que ce ne soit deuant ceux desquels l'admonestē requiert estre approuué & estimé, cōme deuant sa partie en mariage, deuant ses enfans, ses disciples. 4. D'une naïfueté & franchise simple nonchalante, sans aucun interest particulier, ou émotion tant petite soit-elle. 5. Se cōprendre en la faute & vser de termes generaux, nous nous oublions: à quoy pensons nous? 6. Commencer par loiianges & finir par offices de seruice & secours, cela détrempe fort l'aigreur de la cōtraction, Cela fait aualler plus doucement, telle & telle chose vous sied fort bien, non pas si bien telle & telle. Il y a bien à dire entre celles-là, & celles-cy, l'on

ne diroit iamais qu'elles sortent de mesme ouurier,

7. Exprimer la faute par mots, qui soient au dessous du poids de mesure de la faute. Vous n'y avez pas du tout bien pensé, au lieu de dire, vous avez mal fait: ne recevez point ceste femme qui vous ruina: au lieu de dire ne l'appellez point, car vous vous ruinez pour elle: ne disputez point avec tel, au lieu de dire, ne luy portez point d'enuie.

8. Apres l'admonition acheuée ne s'en faut aller tout court, mais continuer d'entretenir par autres propos communs & plaisans.

DE LA FLATERIE, MENTERIE
& dissimulation.

CHAP. X.

Flatterie est vn poison tres-dangereux à tous particuliers, & la presque vnique cause de la ruine du Prince, & de l'estat: est pire que faux témoignage, lequel ne corrompt pas le Iuge, mais le trompe seulement, luy faisant donner meschante sentence contre sa volonté & iugement: mais la flatterie corrompt le iugement, enchante l'esprit, & le rend inhabile à plus cognoistre la verité. Et si le Prince est vne fois corrompu de flatterie, il faudra meshuy que tous ceux qui sont autour de luy, s'ils se veulent sauuer, soient flatteurs. C'est vne chose donc autant pernicieuse, comme la verité est excellente: car c'est corruption de la verité. C'est aussi vn vilain vice d'ame lasche, basse & bestiale, aussi laid & meschant à l'homme, que l'impudence à la femme. *Ut matrona meretrici dispareris atque discolor, infido scurræ distabis amicus.* Et sont

Flatterie, chose pernicieuse & vilaine.

comparez les flatteurs aux putains, empoisonneurs, vendeurs d'huile, questeurs de repues franches, aux loups : & dit vn autre Sage, qu'il vaudroit mieux tomber entre les corbeaux que flatteurs.

Il y a deux sortes de gens suiets à estre flattez, ^{2.} c'est à dire, à qui ne manquent iamais gens qui leur ^{Specia-} fournissent de ceste marchandise, & qui aussi aisé- ^{lement} ment s'y laissent prendre : ça uoir les Princes, chez ^{à deux.} qui les meschans gagnent credit par là, & les femmes : car il n'y a rien si propre & ordinaire à corrompre la chasteté des femmes, que les paistre & entretenir de leurs loüanges.

La flatterie est tres-difficile à éviter & s'en gar- ^{3.} der, non seulement aux femmes à cause de leur foi- ^{Diffici-} ble, & de leur naturel plain de vanité, & ama- ^{le à éui-} teur de loüange : & aux Princes à cause que ce sont ^{ter &} leurs parens, amis, premiers officiers, & ceux dont ^{s'en} ils ne se peuvent passer, qui font ce mestier. Ale- ^{garder.} xandre ce grand Roy & philosophe ne s'en peut defendre : & n'y a aucun des priuez, qui ne fit pis que les Roys, s'il estoit assiduellement assayé & corrompu par ceste canaille de gens, comme ils sont, mais generallemēt à tous, voire aux Sages, & à cause de sa douceur, tellement qu'encores qu'on la rebutte, si plaist elle, bien qu'on s'y oppose, toutesfois l'on ne luy ferme iamais du tout la porte, *unde sapē exclusa nouissimè recipitur.* Et à cause de sa ^{Imite &} feinte qui la red tres-difficile à descouvrir : car elle ^{ressem-} est si bien fardée & couuerte du visage d'amitié, ^{ble l'a-} qu'il est malaisé de la dicerner. Elle en vürpe les ^{mitié,} offices, en a la voix, en porte le nom, & la cōtrefait ^{mais} si artificiellement, que vous diriez que c'est elle. ^{s'en est} Elle estude d'agréer & complaire : elle honore & ^{la peste.}

loüe, elle s'embesongne fort, & se remuë pour le bien & seruice, s'accommode aux volontez & humeurs: Quoy plus? elle entreprend mesme le plus haut & plus propre point d'amitié, qui est de remontrer & reprendre librement. Bref, le flatteur se veut dire & monstret superieur en amour à celuy qu'il flatte. Mais au rebours n'y a rien plus contraire à l'amitié; pire & plus contraire que la mesdisance: l'iniure, l'inimitié toute ouuerte: c'est la peste & la poison de la vraye amitié: elles sont du tout incompatibles, *non potes me simul amico & adulateore uti.* Meilleurs sont les aigreurs & pointures de l'amy que les baisers du flatteur. *Meliora vulnera diligentis, quam oscula blandientis.*

4. Parquoy pour ne s'y mesconter, voicy par la Peinture & antitese de la flatterie & amitié. vraye peinture les moyens de la bien recognoistre, & remarquer d'auec la vraye amitié. 1. La flatterie est biē tost suiuite de l'interest particulier, & en cela se cognoist: l'amy ne cherche point le sien. 2. Le flatteur est chageant & diuers en ses iugemens, cōme le miroir & la cire, qui reçoit toutes formes: c'est vn cameleon, vn polypus: faignez de loüer ou vituperer & hayr, il en fera tout de mesmes, se pliant & accommodāt selon qu'il cognoistra estre en l'ame du flatté; l'amy est ferme & cōstāt. 3. Il se portetrop ambitieusement & chaudement en tout ce qu'il fait, au sçeu & veu du flatté, à loüer & s'offrir à seruir *non imitatur amicitiam sed præterit.* Il ne tient pas moderation aux actiōs externes, & au cōtraire au dedans il n'a aucune affection: c'est tout au rebours de l'amy. 4. Il cede & dōnetou siours le haut bout & la victoire au flatté, & luy applaudit n'ayant autre but que de plaire, tellemēt qu'il loüe

tout & trop, voire quelquesfois à ses despens, se
 blasmant & humiliant cōme le luiteur qui se baif-
 se pour mieux atterer son compagnon. L'amy va
 rondement, ne se soucie s'il a le premier ou second
 lieu, & ne regarde pastant plaire, comme d'estre
 vtile & profiter, soit-il doucement ou rudement,
 cōme le bon Medecin à son malade pour le guerir.
 5. Il veut quelquefois vlsurper la liberté de l'amy à
 reprendre, mais c'est bien à gauche: Car il s'arre-
 stera à de petites & legeres chose, feignant n'en
 voir & n'en sentir de plus grandes: il fera le rude
 censeur contre les autres parens, seruiteurs du flat-
 té, de ce qu'ils ne fōt leur deuoir enuers luy: ou biē
 feindra d'auoir entēdu quelque legeres accusatiōs
 contre luy, & estre en grāde peine d'en scauoir la
 verité de luy mēme: & venant le flatté à les nier,
 ou s'en excuser: il prend de là occasion de le louer
 plus fort. Je m'en esbahissois bien, dira-il, & ne le
 pouuois croire, car je voy le contraire: comment
 prendriez-vous de l'autrui: vous donnez tout le
 vostre & ne vous souciez d'en auoir. Ou bien se
 seruira de reprehensiōs pour dauātage flatter, qu'il
 n'a pas assez de soin de soy, n'espargne pas assez sa
 personne, si requise au public, cōme fist vne Sena-
 teur à Tybere en plein Senat avec mauuaise odeur.
 6. Bref, i'acheueray par ce mot, que l'amy tou-
 jours regarde, sert, procure, & pousse à ce qui est de
 la raisō, de l'honneste, & du deuoir: le flatteur à ce
 qui est de la passiō, du plaisir, & qui est ja malade
 en l'ame du flatté. Dont il est instrument propre à
 toutes choses de volupté & de desbauche, & non à
 ce qui est honneste ou penible & dangereux: il sē-
 ble le singe qui n'estant propre à aucun seruice,

comme les autres animaux, pour sa part il sert de ioïet & de risée.

5.
Du mé-
tir sa
laideur
& son
dom-
mage.

A la flatterie est fort conioint & allié le mentir, vice vilain, dont disoit vn Ancien, que c'estoit aux esclaves de mentir, & aux libres de dire verité. Quelle plus grande lascheté que se desdire de sa propre science? Le premier trait de la corruption des mœurs est le bānissement de verité, comme au contraire, dit Pindare, estre veritable est le cōmencement de grande vertu, & pernicious à la société humaine. Nous ne sommes hōmes, & ne nous tenons les vns les autres, cōme a esté dit, si elle nous faut. Certes le silēce est plus sociable que le parler faux. Sil le mēsonge n'auoit qu'vn visage cōme la verité, encores y auroit-il quelque remede; car nous prendrions pour certain le cōtraire de ce que dit le mēteur: mais le reuers de la verité a cent mille figures, & vn champ indefiny. Le bien, c'est à dire, la vertu & la verité, est finy & certain, cōme n'y a qu'vne voye au blanc: le mal, c'est à dire, le vice, l'erreur, & le mēsonge est infiny & incertain, car il y a mille moyēs à desvoyer du blāc. Certes si lon cognoissoit l'horreur & le poids du mēsonge, l'on le poursuuroit à fer, & à feu. Et ceux qui ont en charge de la ieunesse deuoiēt avec toute instance empescher & combattre la naissance & le progres de ce vice, & puis de l'opiniaistreté, & de bonne heure, car tousiours croissent.

6.
De la
feintise.

Il y a vne menterie couuerte & desguisée, qui est la feintise & dissimulation (qualité notable des courtisans, tenuē en credit parmy eux comme vertu) vice d'ame lasche & basse, se déguiser, se cacher sous vn masque, n'oser se monstrier, & se faire

voire tel que l'on est, c'est vne humeur coïarde & ferveile.

Or qui fait profession de ce beau mestier, vit en grande peine, c'est vne grande inquietude, que de vouloir paroistre autre que l'on n'est, & avoir l'œil à soy, pour la crainte que l'on a d'estre descouvert. Le soin de cacher son naturel est vne gehēne, estre descouvert vne cōfusion. Il n'est tel plaisir que viure au naturel, & vaut mieux estre moins estimé, & viure ouvertement, que d'avoir tant de peine à se contrefaire, & tenir couvert: la franchise est chose si belle & si noble.

Mais c'est vn pauvre mestier de ces gens, car la dissimulation ne se porte gueres loing. Elle est tost descouverte, selon le dire, que les choses feintes & violentes ne durent gueres: & le salaire a telle gens est que l'on ne se fie point en eux, ny ne les croit-on quand ils disent verité: l'on tient pour apocryphe, voire pour pippetier tout ce qui vient d'eux.

Or il y a icy lieu de prudence & de mediocrité: Car si le naturel est difforme, vicieux & offensif à autrui, il le faut contraindre, ou pour mieux dire corriger. Il y a difference entre viure franchement, & viure nonchalamment. Item, il ne faut tousiours dire tout, c'est sottise: mais ce que l'on diēt, faut qu'il soit tel que l'on pense.

Il y a deux sortes de gens, auxquels la feintise est excusable, voire aucunement requise, mais pour diuerfes raisons: sçavoir le Prince, pour l'utilité publique, pour le bien & repos sien & de l'Estat, comme a esté dit cy-dessus: Et les femmes pour la bien-seance, car la liberté trop franche & hardie

7.

Sa diffi-
culté.

8.

Inutili-
té.

9.

Conseil
surce.

10.

Feintise
bien
seante
aux fē-
mes.

leur est mellee & gauchit à l'impudence. Les petits desguisemēs, faire la petite bouche, les figures & feintises, qui sentent à la pudeur & modestie, ne trompēt personne que les fots, & leur sied fort biē, sōt là au siege d'hōneur. Mais c'est chose, qu'il ne faut point estre en peine de leur apprēdre: car l'hypocrisie est comme naturelle en elles. Elles y sont toutes formées, & s'en seruēt par tout, & trop, visage, vestemens, paroles, cōtenances, rire, pleurer, & l'exercent non seulement enuers leurs maris viuās, mais encores apres leur mort. Elles feignent un grand dueil, & souuent au dedans rient. *Iactantius morerent quā minus dolent.*

*DU BIEN-FAIT, OBLIGATION,
& reconnaissance.*

CHAP. XI.

LA science & matiere du bien-fait & de la reconnaissance de l'obligation active & passive, est grande, de grand vsage, & fort subtile. C'est en quoy nous faillons le plus: nous ne sçauons ny biē faire, ny le recognoistre. Il semble que la grace tāt le merite, que la reconnaissance soit coruée, & la vengeance ou la mesconnoissance soit à gain, tant nous y sommes plus prompts & ardēs: *Gratia oneri est ultio, in questu habetur: altius iniuria quā merita descendunt*: Nous parlerons donc icy premieremēt du merite & bien-fait, où nous comprenons l'humanité, liberalité, aumosne, & leurs contraires; inhumanité, cruauté, & puis de l'obligation; reconnaissance & mesconnoissance, ou ingratitude, & vengeance.

Tacit.
Senec.

Dieu, nature, & toute raison nous convient à bien faire & meriter d'autrui. Dieu par son exemple, & son naturel, qui est toute bonté ? & ne scaurions mieux imiter Dieu que par ce moyen, *nulla re pro-
pius ad Dei naturam accedimus, quam beneficentia, Deus est mortalem succurrere mortali.* Nature, telmoins qu'un chacun se delecte à voir celuy à qui il a bien fait: c'est son semblable, *nihil tam secundum naturā, quam iuuare cōsortem naturā.* C'est l'œuvre de l'homme de bien & genereux, de bien faire & meriter d'autrui, voire d'en chercher occasions, *liberalis etiam dandi causas querit*, & dit on que le bon sang ne peut mentir, n'y faillir au besoin. C'est grandeur de donner, petitesse de prendre, *Beatius est dare, quam accipere*: qui donne, se fait honneur, se rend maistre du preneur: qui prend se vend. Qui premier, dit quelqu'un, a inuenté les bien-faits a forgé des ceps, & menottes pour lier & captiuer autrui: dōt plusieurs ont refusé de prendre, pour ne blesser leur liberté, spécialement de ceux qu'ils ne vouloient aymer ny recognoistre, comme porte le cōseil des Sages, ne prendre du meschant, pour ne luy estre tenu. Cesar disoit, qu'il n'arriuoit aucune voix à ses oreilles plus plaisante que prieres & demandes, c'est le mot de grandeur, demandez moy: *inuoca me in di tribulationis (erua me) & honorificabis me.* C'est aussi le plus noble & honorable usage de nos moyens, lesquels cependant que les tenons & possedons priuément, portent des noms vils & abiets, maisons, terres, deniers; mais estans mis au iour & employés au secours d'autrui, sont annoblis de titres nouveaux, illustres bien-faits, liberalités, magnificences. C'est meilleure & plus utile employ.

1.
Exhortations
bien-faites par
diverses
raisons
Cic. Pl.
Ambro.

te qui soit *ars questuosissima, optima negotiatio*, par laquelle le principal est bien assuré, & le profit en est tres-grād. Et à vray dire, l'hōme n'a rien vrayement sien que ce qu'il donne, car ce que l'on retiēt & garde si serré, se gaste, diminue, & eschappe par tant d'accidens, & la mort en fin; mais ce qui est donné, ne se peut deperir ou enuieillir: dont Marc Antoine abbatu de la fortune, & ne luy restāt plus que le droict de mourir, s'escria n'auoir plus rien que ce qu'il auoit donné, *hoc habeo quodcumque dedi*. C'est donc vne tres-belle & noble chose en tout sens, que ceste douce, debonnaire, & prompte volonté de bien faire à tous; comme au contraire n'y a vice plus vilain & detestable que la cruauté, & cōtre nature, dōt aussi est appelé inhumanité. Laquelle viē de cause contraire à celle du bien-fait: sçauoir de cōiardise & lascheté, comme a esté dit.

2. **Distinction de bien-fait.** Il y a deux façons de bien faire à autrui, en luy profitant & en luy plaissant: par le premier l'on est admiré, estimé; pour le 2. l'on est aymé, & bien voulu. Le 1. est beaucoup meilleur, il regarde la necessité & le besoin, c'est agir en pere, & en vray amy. Plus y a doubles bien-faits, les vns sont deuoirs, qui sortent d'obligation, naturelle, ou legitime: les autres sont merites & libres, qui partent d'affection pure. Ceux-cy semblent plus nobles: toutesfois si ceux-là se font avec attention & affection, bien qu'ils soient deubs, sont excellens.

3. **Le bien fait interne & externe.** Le bien fait & le merite n'est pas proprement ce qui se donne, se voit, se touche: ce n'en est que la matiere grosse, la marque, la montre: mais c'est la bonne volonté. Le dehors est quelquefois petit, & le dedans est tres-grand: car ç'a esté avec vne
tres;

très-grande faim & affection, iusques à en chercher les occasions: on a donné tant que l'on a peu, & de ce qui faisoit de besoin, ou estoit le plus cher, *in beneficio hoc suspiciendum quod aliter dedit, ablaturus sibi, utilitatis suæ oblitus.* Au rebours de don grād, la grace petite, car c'est à regret, & s'il le fait demander & marchander long-temps, & songe s'il le donneroit: c'est de son trop avec parade, le fait fort valoir, le donne plus à soy & à son ambition, qu'à la nécessité & au bien du receuant. Item, le dehors peut estre incontinent rauy, esuanouy, le dedans demeure ferme, la liberté, santé, l'honneur, qui vient d'estre donné, pour estre tout à l'instant enleué & emporté par vn autre accident, le bien-fait nonobstant demeure entier.

Les aduis pour se conduire au bien-fait seront ceux-cy, selon l'instruction des Sages. Première-
 mēt, à qui? à tous? il semble que bienfaire aux mes-
 chans & indignes, c'est faire tout en vn coup plu-
 sieurs fautes, cela donne mauuais nom au dōneur,
 entretient & eschauffe la malice, rend ce qui ap-
 partient à la vertu & au merite, comme aussi au
 vice. Certes les graces libres & fauorables ne sont
 deuës qu'aux bons & dignes, mais en la nécessité
 & en la generalité, tout est commun: en ces deux
 cas les meschans & ingrats y ont part, s'ils sont en
 nécessité, ou bien s'ils sont tellement meslés avec
 les bons, que les vns n'en puissent auoir sans les
 autres. Car il vaut mieux bien faire aux indignes, à
 cause des bons, que d'en priver les bons à cause des
 meschans. Ainsi fait Dieu du bien à tous, pleuuant
 & eslançant ses rayons indifferemment: mais ses
 dons speciaux, il ne les donne qu'à ceux qu'il a

4.
Regles
du bien
fait.

A qui

Qq

610 DE LA SAGESSE,

choisis pour tiens : *non est bonum sumere panem filiorum & projicere canibus, multum refert utrum aliquem non excludas, an eligas.* Au besoin donc, en l'affliction & nécessité, il faut bien faire à tous, *hominibus prodesse natura iubet, ubicūque homini beneficio locus.* Nature & l'humanité nous apprend de regarder, & nous prester à ceux qui nous tendent les bras, & non à ceux qui nous tournēt le dos : à ceux plustost à qui nous pouuons faire du bien, qu'à ceux qui nous en peuuent faire. C'est generosité se mettre du party battu de la fortune, pour secourir les affligez & soustraire autant de matiere à l'orgueil & impetuosité du victorieux, comme fit Chelonis fille & femme de Roy, laquelle ayant son pere & son mary Mal ensemble, lors que le mary eut le dessus contre son pere, fit la bonne fille, suiuant & seruant son pere partout en ses afflictions : puis venant la chance à tourner, & son pere estant le maître se tourna du costé de son mary, l'accompagnant en toutes les traueses.

En second lieu, il faut bien faire volontiers, & gayement, *non ex tristitia aut necessitate : hilarem datorem diligit Deus : hi sunt gratum, quod opus est si ultro offeras,* sans se laisser prier ny presser aucunement, & ce ne sera point agreable : *Nemo labenter debet quod non accepit sed expressit.* Ce qui est accordé à force de prieres est bien cheremēt vendu : *non tulit gratis, qui accepit rogans, imò nihil carius emitur, quàm quod precibus.* Celuy qui prie s'humilie, se confesse inférieur, couure son visage de honte, honore grandement celuy qu'il prie : dont disoit Cesar, apres s'estre defait de Pompée, qu'il ne prestoit plus volontiers d'oreille, & ne se plaisoit tant en aucune chose, que

d'estre prié, & à ces fins donnoit esperance à tous, voire aux ennemis qu'ils obtiendroient tout ce qu'ils demanderoient. Les graces sont vestuës de robes transparentes & desceintes, libres & non contraintes.

Tost & promptement: cestuy-cy semble dépendre du précédēt, les bien faits s'estiment au pris de la volonté. Or qui demeure long-tēps à secourir & donner, semble avoir esté long-temps sans le vouloir, *qui tardè fecit, diu noluit*. Comme au rebours la promptitude redouble le bien fait: *bis dat, qui celeriter*. La neutralité & l'amusemēt qui se fait icy, n'est approuvé de persōne que des affrōteurs. Il faut vser de diligence en tout eas. Il y a donc icy cinq manieres de proceder, dont les trois sont reprouvées, refuser & tard, c'est double iniure: refuser tost, & donner tard sont presque tout vn: & y en a qui s'offenseroient moins de prompt refus: *Minus decipitur, cui negatur celeriter*. C'est donc le bon de donner tost, mais l'excellent est d'anticiper la demande, deviner la necessité & le desir.

Sans esperance de reddition, c'est où gist principalement la force & vertu du bien fait. Si c'est vertu; elle n'est point mercenaire: *tunc est virtus dare beneficia non reditura*. Le bien-fait est moins richement assigné, où y a retrogradation & reflexion: mais quand il n'y a point de lieu de reuāche; voire l'on ne sçait d'où viēt le bien, là le bien fait est iustement en son lustre. Si l'on regarde à la pareille, l'on donnera tard, & à peu. Or il vaut beaucoup mieux renoncer à toute pareille, que laisser à bien faire & meriter: cherchāt ce payemēt estrange & accidētal, l'on se prine du naturel & vray, qui est, la

6.
Tost.

7.
Sans
esperan-
ce de
red-
diti-
on.

ioye & gratificatiō interne d'auoir bien-fait. Aussi ne faut il estre prié deux fois d'une mesme chose : faire iniure est de soy vilain & abominable , & n'y faut autre chose pour s'en garder. Aussi bien meriter d'autrui , est beau & noble , ne faut autre chose pour s'y eschauffer. Et en vn mot , ce n'est pas bien faire , si l'on regarde à la pareille, c'est traffiquer & mettre à profit : *Non est beneficium quod in quantum mittitur*. Il ne faut pas confondre & mesler des actions tant diuerses : *demus beneficia , non faceremus*. Tels meritent bien d'estre trompez qui s'y attendent ; *dignus est decipi , qui de recipiendo cogitaret , cum daret*. Celle n'est femme de bien , qui pour mieux rappeler & reschauffer, ou par crainte refuse , *quæ quia non licuit non dedit , ipsa dedit*. Aussi ne merite celuy qui fait bien, pour le r'auoir. Les graces sont vierges, sans esperance de retour, dit Hesiodé.

8. Bien faire à la façon que desire , & qui vient à gré à celuy qui reçoit : afin qu'il cognoisse & sente que c'est vrayement à luy que l'on l'a fait. Sur quoy est à sçauoir qu'il y a doubles bien faicts , les vns sont honorables à celuy qui les reçoit , dont ils se doivent faire en public : les autres vtiles qui secourent à l'indigence, foiblesse, honte, & autre necessités du receuant. Ceux cy se doivent faire secretement, voire s'il est besoin, que celuy seul le sçache qui le reçoit : & s'il sert au receuant d'ignorer d'où le bien vient (pource que peut estre il est touché de honte, qui l'empescheroit de prendre, encores qu'il en eust besoin) il est bon & expedient de luy celer, & luy faire couler le bien, & secours par sous main. C'est assez que le bien-faicteur le sça-

che, & sa conscience luy serve de tefmoin, qui en vaut mille.

Sans leſion ou offenſe d'autrui, & ſans preiudice de la iuſtice: biẽ faire ſans mal faire: donner à l'un au deſpens de l'autre, c'eſt ſacrifier le fils en la preſence du pere, dit le ſage.

9.
Sans
de me-
rite au-
cun.

Et prudemment, l'on eſt quelquefois bien empeſché à reſpondre aux demandes & prieres, à les accorder ou reſuſer. Ceſte difficulté vient du mauvais naturel de l'homme, meſmement du demandeur, qui ſe faſche par trop de ſouffrir vn reſus, tant iuſte ſoit-il & tant doux. C'eſt pourquoy aucuns accordent & promettent tout, teſmoignage de foibleſſe, voire ne pouuans, ou qui pis eſt, ne voulans tenir, & remettans à vuider la difficulté au poinct de l'execution, ils ſe fient que pluſieurs choſes arriueront, qui pourrõt empeſcher & troubler l'eſcẽt de la promeſſe, & ainſi deliureront le prometteur de ſon obligation; ou bien eſtant queſtion de tenir, l'on trouuera des excuſes & des echappatoires & cependant contentent pour l'heure le demandeur. Maistout cela eſt reprouué, il ne faut accorder ny promettre que ce que l'on peut, doit, & veut tenir. Et ſe trouuant entre ces deux dangers du mal promettre, car il eſt ou iniuſte, ou indigne & meſſeant, ou faire vn reſus qui irritera & cauſera quelque ſedition ou ruyne, l'aduſ eſt de rompre le coup, ou en dilayant la reſponſe, ou biẽ composant tellement la promeſſe en termes generaux ou ambigus, qu'elle n'oblige point preciſement. Il y a icy de la ſubtilité & finelle, eſloignée de la franchise, mais l'iniuſtice du demandeur en eſt cauſe & le merite.

10.

Qq iij

D'un cœur humain & affection cordiale, *homo sum humani à me nihil alienum puto*: spécialement envers les affligés & indigens, c'est ce qu'on appelle miséricorde. Ceux qui n'ont ceste affectiō ἀγαθῶν & immanes, sont inhumains, & marquez pour n'estre des bōs & esleus. Mais c'est d'une forte, ferme & genereuse, & nō d'une molle, effeminée, & troublée. C'est une passion vicieuse, & qui peut tomber en meschante ame, de laquelle il est parlé en son lieu; car il y a bōne & mauuaise miséricorde. Il faut secourir aux affligés, s'en s'affliger, & adapter à soy le mal d'autrui, n'y rien ravailler de la iustice & dignité: car Dieu dit, qu'il ne faut point auoir pitié du pauvre en iugement: ainsi Dieu & les Saints sont dits misericordieux & pitoyables.

12.
Sans iactance.

Sans se jacter, en faire feste, ny bruit, c'est espee de reproche: ces vanteries ostēt tant la grace, voire descrient & rendent odieux les bienfaits: *hoc est in odium beneficia perducere*. C'est en ce sens qu'il est dit, que le bien-faicteur doit oublier les biē-faicts.

13.
Continuer sans se repētir.

Continuer & par nouveaux bien-faits confirmer, & rajeunir les vieux (cela conuie tout le monde à l'aymer, & rechercher son amitié) & iamaïs ne se repentir des vieux, quoy qu'on sente auoir semé en terre sterile & ingrate, *beneficij tui etiam infelicitas placeat, nusquam hac vox, vellem non fecisse*. L'ingrat ne fait tort qu'à soy, le biē-faict pour cela n'est pas perdu, c'est une chose consacrée, qui ne peut estre violée, ny esteinte par le vice d'autrui. Et pource qu'un autre est meschant, ne faut pas laisser d'estre bon & de continuer son office: mais qui plus est, l'œuvre du noble cœur & genereux, est en continuant à bien faire, rompre & vaincre la malice.

& ingratitude d'autrui, & le remettre en santé : *optimi viri & ingentis animi est tamdiu, ferre ingratum, donec feceris gratum: vincit malos pertinax bonitas.*

Sanstroubler & importuner le receuant en sa iouissance, comme font ceux qui ayant donné vne dignité ou charge à quelqu'un, veulent encores apres l'exercer : ou bien luy procurer vn bien, pour puis en tirer tout ce qui leur plaira. Celuy qui a receu ce bien ne le doit endurer, & pource n'est point ingrat : & le bienfaicteur efface son bien-fait & cācelle l'obligation. Vn de nos Papes refusa à vn Cardinal, qui le prioit peut estre de chose iniuste, & luy alleguant d'estre cause qu'il estoit Pape, respondit bien, laisse moy donc estre Pape, & ne m'oste ce que tu m'as donné.

14.
Ny re-
uoquer
ou trou-
bler le
biē fait.

Après ces regles & aduis de bien faire, il est à sçauoir qu'il y a des biē-faits plus receuables & agreables les vns que les autres, & qui sont plus ou moins obligeans : ceux là sont les mieux venus, qui sortēt de la main amie, de ceux que l'on est disposé d'aimer sans cette occasion : au contraire il est grief d'estre obligé à celuy qui ne plaist, & auquel on ne veut rien deuoir. Ceux aussi qui viennent de la main de celuy qui est aucunement obligé : car il y a de la iustice, & obligent moins. Ceux qui sont faits en la necessité & au grand besoin, ceux-cy ont vne grande force, ils font oublier toutes les iniures & offenses passées, s'il y en auoit eu, & obligent fort, comme au contraire le refus en telle saison est fort iniurieux, & faict oublier tous les precedens bien-faits. Ceux qui le peuēt recognoistre & receuoir la pareille : comme au contraire les autres engēdrent hayne : car celuy qui se sent du

15.
Distin-
ction de
bien-
faits.

tout obligé fâs y pouuoir payer, toutes les fois qu'il
 void son bien facteur, il pense voir le tefmoin de
 son impuiffance, ou ingratitude, & luy fait mal au
 cœur. Il y en a qui plus font honnestes & gracieux,
 plus font pesant au receuant, s'il est homme d'hon-
 neur, comme ceux qui lient la conscience, la vo-
 lonté, car ils serrent bien plus & le font demeurer
 en certuelle, & en crainte de s'oublier & faillir. L'ô
 est bien plus prisonnier sous la parole, que sous la
 clef. Il vaut mieux estre attaché par les liens ci-
 uils, & publics, que par la loy d'honesteté & de
 conscience: plustost deux notaires, qu'un, Ie me
 fie en vous, en vostre foy & conscience: cestuy-cy
 fait plus d'honneur, mais estreint, serré, sollicité,
 & presse bien plus: en celuy-là l'on s'y porté plus
 laschement: car l'on se fie que la loy & les ataches
 externes réueilleront assez, quand il faudra. Où y
 a de la contrainte, là volonté se relasche: où y a
 moins de contrainte, la volonté se reserve: *quod me-
 lus cogit vix à voluntate imperrem.*

6.
 Obliga-
 tiô Me-
 re & fille
 du bien
 faire.

Du bien fait naist l'obligation, & d'elle aussi il
 en sort & est produit: ainsi est il l'enfant & le pe-
 re, l'effect & la cause, & y a double obligation acti-
 ue & passive. Les parens, les Princes & superieurs
 par deuoir de leur charge sont tenus de bien faire
 & profiter à ceux qui leur sont commis, & recom-
 mandez par la nature, ou par la loy: & generale-
 ment tous ayans moyens, enuers tous necessiteux,
 & affligez, par le commandement de nature. Voi-
 là l'obligation premiere, puis des biensfaits, soyent
 ils deubs & emalez de cette premiere obligation,
 ou bien libres & purs merites, sort l'obligation
 seconde & acquit, par laquelle les receuans sont

tenus à la reconnaissance & remerciement : tout cecy est signifié par Herodes, qui a fait les graces, trois en nombre, & s'entretenans par les mains.

La première obligation s'acquie par les bons offices d'un chacun, qui est en quelque charge, lesquels seront tantost discourus en la seconde partie, qui est des devoirs particuliers: mais elle s'affermie & se relasche: & amoindrit accidentalement, par les conditions, & le faict de ceux qui les reçoivent. Car leurs offenses, ingratitude & indignitez deschargent aucunement ceux qui sont obligez d'en avoir soin: & semble que l'on en peut presque autant dire de leurs défauts naturels. L'on peut iustement moins aimer son enfant, son cousin, son sujet, non seulement malicieux & indigne, mais encôres laid, bossu, malheureux, mal né, Dieu mesmes luy en a rabattu cela de son prix & estimation naturelle: mais il faut en se refroidissant, garder moderation & iustice: car cecy ne touche pas le secours de la nécessité, & les offices deus par la raison publique, mais l'attention & affection qui est l'interne obligation.

15.
Obliga-
tiō pre-
miere &
merc.

La seconde obligatiō née des biens-faits, est celle que nous auons à traicter & regler maintenant. Premièrement, la loy de reconnaissance & remerciement est naturelle, tésmoins les bestes, non seulement priuées & domestiques, mais farouche & sauuages, auxquelles se trouuēt des notables exemples de reconnaissance, comme du Lyon enuers l'esclaué Romain: *Officia etiam fera sentiant*. Secôdement c'est acte certain de veu & tésmoignage de bonne ame, dont est plus à estimer que le bien-fait, lequel souuent vient d'abondance, puissance,

16.
Secô de
& fidelle
reco-
gnis-
sance
recom-
mandée

amour de son propre interest, rarement de la pure vertu: la recognoissance tousiours d'un bon cœur, dont le biē fait peut estre plus desirable, mais recognoissance plus loüable. Tiercemēt, c'est vne chose aisée, voir plaisante, & qui est en la main d'un chacun. Il n'y a rien si aisē que d'agir selon nature, riē si plaisant que de s'acquitter & demeurer libre.

17. **Del'in-**
grati-
tude. Partout cecy est aisē à voir combien est lasche & vilain vice la mescognoissance & ingratitude, des-

Senec: plaisant & odieux à tous, *Dixeris maledicta cuncta cum ingratum hominem dixeris*: contre nature, dont Platon parlant de son disciple Aristote, l'appelloit l'ingrat mulet: elle est aussi sans excuse, & ne peut venir que d'une meschante nature, *grau vitium, intolerabile quod dissociat homines*. La vengeance qui suit l'iniūre, cōme la mescognoissance le bien fait, est bien plus forte & pressante (car l'iniūre presse plus que le bien fait, *altius iniuria quam merita descendunt*) c'est vne tres-violēte passion, mais nō pas de beaucoup près si vilain & difforme vice, que l'ingratitude: c'est comme des maux, qu'il y a qui ne sont point d'agereux: mais sont plus douloureux & pressés que les mortels: en la vengeance y a quelque espee de iustice, & ne s'en cache l'ō point: en l'ingratitude n'y a que toute poltronnerie & honte.

18. **Regles**
de la re-
cognois-
sance. La cognoissance pour estre telle qu'il faut, doit auoir les conditions: premierement, recevoir gracieusemēt le bien fait avec visage & parole amiable & riante: *qui gratē beneficiū accipit, primum eius pensionē soluit*. Secondemēt, ne l'oublier iamais, *Ingratissimus omnium qui oblitur: nusquam enim gratus fieri potest, cui totum beneficium elapsū est*. Le tiers office est le publier: *ingenui pudoris est fateri per quos pro-*

Senec.
Idem.
Plin.

fecerimus, & hac quasi merces auctoris. Comme on a trouué le cœur & la main d'autrui ouverte à bien faire, aussi faut il avoir la bouche ouverte à le prescher : & afin que la memoire en soit plus ferme & solennelle, nōmer le bien fait & le presēt, du nom du bienfaicteur. Le quatriesme, est à rēdre avec ces quatre mots d'aduis. Que ce ne soit tout promptement : ny trop curieusement, cela à mauvais odeur, & sēble que l'on ne vueille rien deuoir, mais payer le bien fait : c'est aussi donner occasion au bien faisant de pēser, que son bien-fait n'a pas esté bien receu : se montrer trop ambitieux & soigneux de rendre, c'est encourir soupçō d'ingratitude. Il faut dōc que ce soit quelque temps apres, & non fort long, afin de ne laisser vieillir le presēt : (les graces sont peintes ieunes) & avec belle occasiō, laquelle s'offre de soy mesme, ou bien soit estudiée sans esclat, & sās bruit. 2. Que ce soit avec v sure & surpasse le bien fait, comme la bonne terre, *ingratus est, qui beneficium reddit sine usura*, ou à tout le moins, l'esgale avec toute demonstratiō, que lon estoit obligé à mieux, & que cecy n'est pas pour satisfaire à l'obligatiō, mais pour mōtrer qu'on se recognoist obligé. 3. Que ce soit tres-volōtiers & de bon cœur. *Ingratus est qui metu gratus est* : Si ainsi il a esté donné : *Eodem animo beneficium debetur, quo datur : erat si quis beneficium liberentius accipit quā reddit*. 4. Si l'impuissance y est de le rēdre par effet, au moins la volōté y doit estre, qui est la premiere & principale partie, & comme l'ame tant du bien-fait que de la recognoissance : mais elle n'a point de tesmoin que soy mesme : & faut recognoistre non seulement le bien receu : mais encores celuy qui a esté offert

2.

3.

4.

& qui pouvoit estre receu, c'est à dire la volonté du bien faëteur, qui est, comme a esté dit, le principal.

*SECONDE PARTIE, QUI EST
des devoirs speciaux de certains à certains, par
certaine speciale obligation.*

P R E F A C E.

AYant à parler des devoirs speciaux & particuliers differens, selon la diuersité des personnes & de leurs estats, soient inégaux, comme supérieurs & inférieurs, ou égaux, nous commencerons par les mariez qui sont mixtes, & tiennent de tous les deux, Égalité & inégalité. Aussi faut-il premierement parler de la Justice, & des devoirs priuez, & domestiques, avant que des publics, car ils precedent; comme les familles & maisons sont premières que les republiques, dont la justice priuée qui se red en la famille est l'image, la source & le modelle de la republique. Or ces devoirs priuez & domestiques sont trois, sçauoir, entre le mary & la femme, les parens & les enfans, les maistres & seruiteurs. Voila toutes les parties d'une maison & famille, laquelle prend son fondement du mary & de la femme, qui en sont les maistres & auteurs. Parquoy premierement, des mariez.

DEVOIR DES MARIEZ

CHAP. XII.

SELON les deux considerations diuerſes, qui ſont au mariage, cōme a eſté dit, ſçauoir Equa-
 lité, & Inégalité, auſſi ſont de deux ſortes les deu-
 uoirs & offices des mariez: les vns meſmes & com-
 muns à tous deux, eſgalemēt reciproques & de
 pareille obligation, encores que ſelon l'vſage du
 monde ne ſoient de pareille peine, reproche, in-
 conuenient, ſçauoir vne entiere loyauté, fidelité,
 communauté, & communication de toutes cho-
 ſes, puis vn ſoing, autorité ſur la famille & tout
 le bien de la maiſon. De cecy plus au long au liure
 premier.

Deuoirs
com-
muns.

Les autres ſont particuliers & differēs ſelon l'ine-
 galité, qui eſt entre eux: car ceux du mary ſont,
 Inſtruire ſa femme, l'enſeigner avec douceur de
 toutes choſes, qui eſt de ſon deuoir, hōneur & biē,
 & dont elle eſt capable. 2. La nourrir, ſoit qu'elle
 aye apporté doüaire, ou non. 3. La veſtir. 4. Cou-
 cher avec elle. 5. L'aymer & la defendre: les deux
 extremités ſont laides & vicieuſes, les tenir ſuiettes
 comme ſeruantēs, & ſ'aſſuierir à elles cōme mai-
 ſtreſſes. Voya les principaux. Ceux cy viennent
 apres, la penſer malade, la deliurer captiue, l'enſe-
 uelir morte, la nourrir demeurant veſue, & les en-
 fans qu'il a eu d'elle par prouiſion teſtamentaire.

2.
Parti-
culiers
du mary

Les deuoirs de la femme ſont rendre honneur,
 reuerence & reſpect à ſon mary, comme à ſon mai-
 ſtre & bō ſeigneur: ainſi ont appellé leurs maris les

3.
De la
femme.

sages fêmes, & le mot hebreu *Baal* signifie tout les deux, mary & seigneur. Celle qui s'aquitte de ce deuoir, fait plus pour soy & son honneur, que pour son mary: & faisant autrement ne fait tort qu'à elle.

2. Obeyssance en toutes choses iustes & licites, s'accommodant & se ployant aux mœurs & humeurs de son mary, comme le bon miroir, qui represente fidelement la face, n'ayant aucun dessein, amour, pensément particulier: mais comme les dimensions & accidēs, qui n'ont aucune action ou mouuement propre, & ne se remuent qu'avec le corps, elles se tiennent en tout & par tout au mary. 3. Seruice, cōme luy appareiller par soy ou par autrui ses viures, luy lauer ses pieds. 4. Garder la maison, dōt est comparée à la tortuë, & est peinte ayāt les pieds nuds, & principalement le mary absent. Car esloignée du mary elle doit estre comme inuisible, & au rebours de la Lune ne paroistre point, & pres de son Soleil paroistre. 5. Demeurer en silence & ne parler qu'avec son mary ou par son mary: & pour ce que c'est chose rare & difficile, que la femme silencieuse, elle est dite vn dō de Dieu precieux. 6. Vacquer & estudier à la mesnagerie, c'est la plus vtile & honorable science, & occupation de la femme, c'est sa maistresse qualité, & qu'on doit en mariage chercher principalement en moyenne fortune: c'est le seul doüaire, qui sert à ruiner, ou à sauuer les maisōs: mais elle est rare. Il y en a d'auaricieuses, mais des mesnageres peu. Or il y en a bien à dire des deux. *De la menasgerie tost apres à part.*

4.
Auis
sur l'a-
cointance.

En l'acointance & vñage de mariage, il faut de la moderation, c'est vne religieuse & deuote liaison: voila pourquoy le plaisir, qu'on entretient doit

estre meslé à quelque severité, vne volupté prudente & consciencieuse. Il faut toucher la femme seurement & pour l'honnesteté, comme dit est, & de peur comme dit Aristote, qu'en la chatouillant trop lasciuement le plaisir ne la fasse sortir hors de gōs de raison, & pour la santé: car le plaisir trop chaud & assidu altere la semence, & empesche la generation. A fin d'autre part qu'elle ne soit trop languissante, morfonduë & sterile, s'y faut presenter rarement. Selon l'a taillé à trois fois le mois: mais il ne s'y peut donner loy, ny regle certaine.

privee
des ma-
riez.

Plutar.
in Solo.

ne.

La doctrine de la mesnagerie suit volontiers, & est annexée au Mariage.

MESNAGERIE.

CHAP. XIII.

LA mesnagerie est vne belle, iuste, & vtile occupation. C'est chose heureuse, dit Platon, de faire ses affaires particulieres sans iniustice. Il n'y a rien si beau qu'un mesnage biē réglé, biē paisible.

C'est vne occupation, qui n'est pas difficile, qui sera capable d'autre chose, le sera de celle-là: mais elle est empeschante, penible, espineuse, à cause d'un si grand nombre d'affaires: lesquels biē qu'ils soient petits & menus, toutesfois pour ce qu'ils sont drus, espais, & frequens, faschent & ennuyēt. Les espines domestiques piquent, pource qu'elles sont ordinaires: mais si elles viennent des personnes principales de la famille, elles rongent, vlcerent, & sont irremediabiles.

Avoir à qui se fier, & sur qui se reposer, c'est un

grand seiour & moyen propre pour viure à son aise : il le faut choisir loyal & entier , comme l'on peut , & puis l'obliger à bien faire par vne grande confiance : *habita fides ipsam obligat fidem, multi fallere domuerunt, dum tamen fallit : & aliis inu percrendi, suspicando dederunt.*

4. Les preceptes & aduis de menagerie principaux sont ceux-cy. Acheter & despandre toutes choses en temps & saison, elles sont meilleures & à meilleur pris. 2. Garder que les choses qui sont en la maison ne se gastent & perissent, ou le perdent & s'emportent, cecy est principalement à la femme : à laquelle Aristote dōne par preciput cette autorité & ce soin. 3. pourvoir premierement & principalement à ces trois, Necessité, Netteté, Ordre : & puis s'il y a moyen l'on aduifera à ces trois autres (mais les Sages ne s'en donneront pas grand peine : *non ampliter sed munditer conuiuium: plus salis quā in sumptis.*) Abondance, pompe & parado, exquise & riche façon. Le contraire se pratique souvent aux bonnes maisons, où y aura lits garnis de soye, pourfilés d'or, & n'y aura qu'une couuerture simple en hyuer, sans aucune commodité de ce qui est le plus nécessaire. Ainsi de tout le reste.

5. Regler sa despence : ce qui faict en ostant la superflue, sans faillir à la nécessité , deuoir de bien-seance, vu ducat en la bourse fait plus d'honneur, que dix mal despédus, disoit quelqu'un. Puis, mais c'est l'industrie & la suffisance , faire mesme despenses à moindre frais, & sur tout ne despandre jamais sur le gain aduenir & esperé.

6. Auoir le loin & l'œil sur tout : la vigilance & presence du maistre, dit le prouerbe, engresse le che-
ual &

ual & la terre. Mais pour le moins le maistre & la maistresse doiuent celer leur ignorance & insuffisance aux affaires de la maison, & encores plus leur nonchalance, faisant mine de s'y entendre & d'y penser: car si les officiers valets croient que l'on ne s'en soucie, ils en feront de belles.

DEVOIR DES PARENS

& enfans.

CHAP. XIV.

LE deuoir & obligation des parens & enfans est reciproque & reciproquement naturelle: si celle des enfans est plus estroite, celle des parens est plus ancienne, estans les parens premiers auteurs & la cause & plus importante au public: car pour le peupler & garnir de gens de bien & bons citoyens est necessaire la culture, & bonne nourriture de la ieunesse, qui est la semence de la republique. Et ne viēt point tāt de mal au public de l'ingratitude des enfans enuers leurs parens, comme de la nonchalance des parens en l'instruction des enfans: dont avec grande raison en Lacedemone, & autres bonnes polices, y auoit punition & amende contre les parens, quand leurs enfans estoient mal complexionnez. Et disoit Platō, qu'il ne scauroit point en quoy l'homme deust apporter plus de soin & de diligence, qu'à faire vn bon fils. Et Crates s'ecrioit en cholere, à quel propos tant de soin d'accumuler des biens, & ne se soucier à qui les laisser. C'est comme se soucier du soulier & non de son pied. Pourquoi des biens à vn qui n'est pas sage,

Rr



Et n'en sçait user. Comme vne belle & riche selle sur vn mauvais cheual. Les parens donc sont doublement obligez à ce deuoir, & pour ce que ce s'ont leurs enfans, & pour ce que ce sont les plantes tendres & l'esperance de la republique; c'est cultiver la terre, & celle du public ensemble.

2.
Divisiō
de l'of-
fice des
parens

Or cet office à quatre parties successives, selon les quatre biens que l'enfant doit receuoir successivement de ses parens; la vie, la nourriture, l'instruction, la communication. La premiere regarde le temps, que l'enfant est au ventre jusques à la sortie inclusivement; la seconde le temps de l'enfance au berceau jusques à ce qu'il sçache marcher & parler; la tierce toute la jeunesse; cette partie sera plus au long & le plus ensemble traitée, la quatrieme est de leur affection, communication, & comportement enuers leurs enfans ja homme faits, touchant les biens, pensées, desseins.

3.
Premiere
re par-
tie, l'of-
fice des
parens.

La premiere qui regarde la generation & portée au ventre n'est pas estimée & observée avec telle diligence qu'elle doit; & combien qu'elle aye tant ou plus de part au bien & mal des enfans, tant de leurs corps que de leurs esprits, que l'educatiō & instruction apres qu'ils sont nez, & grâdelets. C'est elle qui donne la subsistance, la trempe, le temperament; le naturel. l'autre est artificielle & acquise & s'il se commet faute en cette premiere partie la seconde, ny la troisieme ne la repatera pas non plus que la faute en la premiere cōcoction de l'estomac ne se rabille pas en la seconde, ny troisieme. Nos hommes vont à l'estourdissement & au couplage, poussez par la seule volupté & ennuy de se descharger de ce qui les chatouille & les presse: s'il en adient conce,

ption, c'est rencontre, c'est cas fortuit : personne n'y va d'aguet, & avec telle deliberation & disposition precedente, comme il faut, & que nature requiert. Puisque donc les hommes se font à l'avanture & au hazard, ce n'est merueilles si tant rarement il s'en trouue de beaux, bons, sains, sages & bien-faiçts. Voicy donc bien briefuement selon la philosophie les aduis particuliers sur ceste premiere partie, cest à dire, pour faire des enfans masles, sains, sages & aduisez: car ce qui sert à l'une de ces choses, sert aux autres. 1. L'homme s'accouplera de femme, qui ne soit de vile, vilaine & lasche condition, ny de mauuaise & vicieuse composition corporelle. 2. s'abstiendra de ceste action & copulation sept ou huit iours: 3. durant lesquels se nourrissant de bonnes viandes plus chaudes & seiches qu'autrement, & qui se cuisent bien en l'estomach: 4. face exercice peu plus que mediocre. Tout cecy tend à ce que la semence soit bien cuite & assaisonnée, chaude & seiche, propre à vn temperament masle, sain, & sage. Les fayneants, lascifs, grâds mangeurs, qui pour ce mal cuisent, ne font que filles ou hommes effeminez & lasches (comme raconte Hippocrates des Scythes) 5. & s'approche de sa partie aduertie d'en faire tout de meismes, long-tēps apres le repas, c'est à dire, le ventre vuide & à ieun (car le ventre plein ne fait rien qui vaille, pour l'esprit ny pour le corps, dont Diogenes reprocha à vn ieune homme desbauché, que son pere l'auoit planté estant yure: & la loy des Carthaginois est louée de Platon, qui enioint s'abstenir de vin le iour qu'on s'approche de sa femme) 6. loing des mois de la femme, six ou sept iours deuant, & autant ou plus.

après. 7. Et sur le point de la conception & retention des semences, elle se tournant & ramassant du costé droit setienne & recoy quelque tēps. 8. Lequel reglement touchant les viandes & l'exercice se doit continuer par la mere durant le temps de la portée,

4. Pour venir au second point de cet office apres la naissance de l'enfant ces quatre points s'observeront. 1. L'enfant sera laué d'eau chaude & salée, pour rendre ensemble souples & fermes les membres, essuyer & desseicher la chair & le cerueau, affermir les nerfs, coustume tres-bonne d'Orient & des Juifs. 2. La nourrisse si elle est à choisir, soit ieune, de temperament le moins froid & humide qui se pourra, nourrie à la peine, à coucher dur, manger peu, endurcie au froid & au chaud. I'ay dit si elle est à choisir: car selon raison & tous les Sages, lce doit estre la mere, dont ils crient fort contre elle, quand elle ne prend ceste charge, y estant conuiee & cōme obligée par nature, qui luy appreste à ces fins le lait aux mamelles, par l'exemple des bestes, par l'amour & ialousie qu'elle doit auoir de ses petits, qui reçoivent vn tres-grand dommage au changement de l'aliment ja accoustumé en vn estranger, & peut-estre tres-mauuais & d'un temperament tout cōtraire au premier, dont elles ne sont meres qu'à demy. *Quod est hoc contra naturam imperfectum, ac dimidiatū matris genus peperisse, & statim ab se abicisse aluisse in utero sanguine suo nescio quid quod non videret: non alere autem nunc suo lacte, quod videret iam viventem, iam hominem, iam matris officia implorantem?* La nourriture outre la mamelle soit lait de chevre, ou plustost beurre, plus subtile & aërée

1. Partie
del'offi-
ce de
parens.

Ezech. 6

Aul
Gel. l. 12
c. 1.

partie du lait cuit avec miel & un peu de sel. Ce sont choses tres propres pour le corps, & pour l'esprit par l'advis de tous les Sages & grāds Medecins Grecs & Hebreux. *Butyrum & mel comedet, ut sciat reprobare malum, & eligere bonum.* La qualité du lait ou beurre est fort tēperée & de bonne nourriture, la siccité du miel, & du sel consomme l'humidité trop grande du cerueau, & le dispose à la sagesse. 4. L'enfant soit peu à peu accoustumé & endurcy à l'air, au chaud, & au froid, & ne faut craindre en cela, veu qu'en Septentrion ils lauent bien leurs enfans sortans du ventre de la mere en eau froide, & ne s'en trouuent pas mal.

Galen,
multis
locis.

Homer.
10. l. ad
Isai. 7.

Les deux premieres parties de l'office de parens ont esté bien-tost expediées : par où il apparoit, que ceux ne sont vrais peres, qui n'apportent le soing, l'affection, & la diligence à ces choses susdites : qui sont cause, ou occasion par nonchalance ou autrement, de la mort, ou auortement de leurs enfans, qui les exposent estant nez, dont ils sont priuez par les loix de la puissance paternelle. Et les enfans à la honte des parens demeurent esclaves de ceux qui les esleuent & nourrissent ; qui n'ont soing de les esleuer & preserver du feu, de l'eau, & de tout encombre.

La troisieme partie qui est de l'instruction, sera plus serieusement traitée. Si tost que cet enfant marchant & parlant, commencera à remuer son ame avec le corps, & que les facultez d'icelle s'ouvriront & desuelopperont, la memoire, l'imagination, la ratiocination, qui sera à quatre ou cinq ans, il faut auoir un grand soing & attention à le bien former : car ceste premiere teinture & liqueur,

6.
3. Partie
del'office
des
parens.
Instru-
ctio cō-
bien im-
portan-
te,

R. r. iij.

de laquelle sera imbuë cette ame, aura vne tres-grande puissance. Il ne se peut dire combien peut ceste premiere impression & formation de la ieunesse: iusques à vaincre la nature mesmes: Nourriture, dit-on, passe nature. Lycurgue le fist voir à tout le monde par deux petits chiens de mesme ventrée, mais diuersement nourris, produits en public: ausquels àyant présenté des souppes, & vn petit lievre, le nourry mollemēt en la maison s'arresta à la soupe, & le nourry à la chasse quittāt la soupe court apres le lieure. La force de ceste instruction vient de ce qu'elle y entre facilement & difficilement sort: car y entrāt la premiere y prend telle place & creance, que l'on veut, n'y en ayant point d'autre precedente, qui la luy conteste ou dispute. Ceste ame donc toute neufue & blanche, tendre & molle, reçoit fort aisement le ply & l'impression quel'on luy veut donner, & puis ne le perd aysement.

Or ce n'est pas petite besongne, que cette cy, & ose l'on dire la plus difficile & importante qui soit. Qui ne void qu'en vn estat tout depēd de là? Toutesfois (& c'est la plus notable, pernicieuse, facheuse, & deplorable faute qui soit en nos polices, remarquēe par Aristote & Plutarque) nous voyons que la conduite & discipline de la ieunesse est de tous abandonnée à la charge & mercy des parens, qui qu'ils soient, souuent nonchalans, fols, meschans, & le public n'y veille, n'y ne s'en soucie point: c'est pourquoy tout va mal. Presque les seules polices, Lacedemonienne & Cretence, ont commis aux loix la discipline de l'enfance: la plus belle discipline du monde, pour la ieunesse estoit

la Spartaine, dont Agefilaus conuioit Xenophon à y enuoyer ses enfans: car l'on y apprend, dit-il, la plus belle science du monde, qui est de bien commander & de bien obeir, & où l'on forge les bons Legislateurs, Empereurs d'armes, Magistrats citoyens. Ils auoient cette ieunelle & leur instructiō en recommandation sur toutes choses, dont Antipater leur demandant cinquante enfans pour ostages, ils dirent qu'ils aymoient mieux donner deux fois autant d'hommes faits.

Or auant entrer en cette matiere, ie veux donner icy vn aduertissement de poids. Il y en a, qui trauaillent fort à descouurir leurs inclinatiōs, & à quoy ils seront propres: mais c'est chose si rendre, obscure, & incertaine, qu'à chasque fois l'on se trouue trompé apres auoir fort despendu & trauail-
lé. Parquoy sans s'arrester à ces foibles & legeres diuinations & prognostiques tirées des mouuemens de leur enfance, il faut luy donner vn instruction vniuersellement bonne & vtile, par laquelle il deuienne capable, prest, & disposé à tout. C'est trauailler à l'assuré, & faire ce qu'il faut tousiours faire: ce sera vne teinture bonne à receuoir toutes les autres.

Pour entrer maintenant en cette matiere, nous la Diuisiō pourrons rapporter à trois points, former l'esprit, de cette dresser le corps, regler les mœurs. Mais auant que matic donner les aduis particuliers seruans à ces trois, il se y en a de generaux, qui appartiennent à la maniere de proceder en cet affaire pour s'y porter dignement & heureusement, qu'il faut scauoir par vn prealable.

Le premier est de garder soigneusement son ame.

R. r. iiii.

Aduis
general
sur l'in-
stru-
ction,
garder
les
oreilles.

pucelle & nette de la contagion & corruption du
mōde, qu'elle ne reçoive aucunetache ny atteinte
mauvaise. Et pour ce il faut diligemment garder les
portes, ce sont oreilles principalement, & puis les
yeux, c'est à dire, donner ordre, qu'aucun, fust-il
mesmes son parent, n'approche de cet enfant, qui
luy puisse dire ou souffler aux oreilles quelque
chose de mauvais. Il ne faut qu'un mot, un petit
propos pour faire un mal difficile à reparer. Gar-
der les oreilles sur tout, & puis les yeux. A ce pro-
pos Platon est d'advis de ne permettre que valets,
servantes, & viles personnes entretiennent les en-
fans: car ils ne leur peuvent dire que fables, propos
vains, & niais, si pis ils ne disent. Or c'est de s'ab-
breuer & embaboilliner ceste tendre jeunesse de
sottises, & niaiseries.

II.
3. Aduis
gene-
ral,
choix
des in-
stru-
cteurs,
propos,
& liures

Le second advis est au choix, tant des personnes,
qui auront charge de cet enfant, que des propos
que lon luy tiendra, & des liures que l'on luy bail-
lera. Quant aux personnes: ce doiuent estre gens de
bien, bien nais, doux & agreables, ayant la teste
bien faite, plus pleine de sagesse que de science, &
qu'ils s'entendent bien ensemble, de peur que par
propos, aduiscōtraires, ou par dissemblables voye de pro-
& liures ceder, l'un par rigueur, l'autre par flatterie, ils ne
s'entre-empeschent, & ne troublent leur charge
& leur dessein. Les liures & les propos ne doiuent
point estre choses petites, sottes, friuoles; mais
grandes, serieuses, nobles, & genereuses: qui reglēt
les sens, les opinions, les mœurs, comme ceux qui
font cognoistre la condition humaine, les branles
& ressorts de nos ames, afin de se cognoistre, & les
autres: luy appredre ce qu'il faut craindre, aymer,

desirer : que c'est que passion, vertu, ce qu'il y a dite entre l'ambition & l'avarice, la servitude & la subiection, la liberté & la licence. Aussi bien leur fera on aualler les vnes que les autres. L'õ se trõpe. Il ne faut pas plus d'esprit à entẽdre les beaux exẽples de Valere Maxime, & toute l'histoire Grecque & Romaine (qui est la plus belle science & leçon du monde) qu'à entẽdre Amadis de Gaule, & autres pareils comptes vains. L'enfant qui peut sçauoir combien il y a de poulle chez sa mere, & cognoistre ses poussins, comprendra cõbien il y a eu de Rois, & puis de Césars à Rome. Il ne se faut pas deffier de la portée & suffisance de l'esprit : mais il le faut sçauoir bien conduire & manier.

Le troisiẽme est de se porter enuers luy, & proceder de façon non austere, rude & seuer : mais douce, riante, enioiẽe. Parquoy nous condamnõs icy tout à plat la coustume presque vniuerselle de battre, foietter, iniurier & crier apres les enfans, & les tenir en grande crainte & subiection, comme il se fait aux colleges. Car elle est tres-inique & punissable : comme vn Iuge & Medecin, qui seroit animé & esmeu de cholere contre son criminel & patient : preiudiciable & tout contraire au dessein que l'on a qui est de les rendre amoureux & pouruians de la vertu, sagesse, science, honnesteté. Or cette façon imperieuse & rude leur en fait venir la hayne, l'horreur, & le despit : puis les effarouche, & les enteste, leur abbat & oste le courage, tellement que leur esprit n'est plus que seruite, bas & esclauẽ, aussi sont-ils traictez en esclauẽs. *Parent. Coloss. 3. 21. ne prouocetis, ad iracundiam filios vestros, ne despondeant animus.* Se voyans ainsi traittez en font.

12.
1. Aduis
general
instru-
ction
douce
& fran-
che.

plus rien qui vaille, maudissent le maistre & l'apprentissage. S'ils font ce que l'on requiert d'eux, c'est pource qu'on les regarde, c'est par crainte, & non gayement, & noblement, & ainsi non honnestement. S'ils y ont failly, pour se sauuer de la rigueur, ils ont recours aux remedes lasches & vilaines menteries, faulses excuses, larmes de despit, cachettes, fuittes, toutes choses pires que la faute qu'ils ont fait.

Terent. *Dum id rescitum iri credit, tantisper cauet
Si sperat fore clam, rursus ad ingenium redit:
Ille, quem beneficio adiungas, ex animo facit:
Sindet par referre, praesens, absensque idem erit.*

Je veux qu'on le traite librement & liberalement, y employant la raison, & les douces remontrances, & luy engendrant au cœur les affections d'honneur & de pudeur. La premiere luy seruira d'esperon au bien; la seconde de bride, pour le retirer, & degouter du mal. Il y a ie ne sçay quoy de seruile & de vilain en la rigueur & contrainte ennemie de l'honneur & vraye liberté. Il faut tout au rebours leur grossir le cœur d'ingenuité, de franchise, d'amour, de vertu, & d'honneur.

Terent. *Pudore & liberalitate liberos retinere
Satiус esse credo, quàm metui.
Hoc patrium est potius consue facere filium
Sua sponte rectè facere, quàm alieno metu.
Hoc pater ac dominus interest: hoc qui nequit
Fateatur se nescire imperare liberis.*

Les coups sont pour les bestes, qui n'entendent pas raison, les iniures & crieres sont pour les esclaves. Qui y est vne fois accoustumé, ne vaut plus rien. Mais la raison, la beauté de l'action, la ressen-

blance aux gens de bien, l'honneur, l'approbation de tous, la gratification, qui en demeure au dedans, & qui au dehors en est renduë par ceux qui la sçavent, & leurs contraires, la laideur & indignité; de fait, la honte, le reproche, le regret au cœur, l'improbation de tous, ce sont les armes, la monnoye, les aiguillons des enfans bien nez, & que l'on veut rendre honnestes. C'est ce qu'il leur faut tousiours sonner aux oreilles : si ces moyens ne font rien, tous les autres de rudesse n'ont garde de profiter. Ce qui ne se peut faire par raison, prudence, adresse, ne se fera jamais par force : & quand il se feroit, ne vaudroit rien. Mais ces moyens icy ne peuvent estre invtiles : s'ils y sont employez de bonne heure, auāt qu'il y aye encores rien de gasté. Je ne veux pour cela aprouver ceste lasche & flatteuse indulgence, & sottë crainte de cōtrister les enfans, qui est vne autre extrémité aussi mauuaise. C'est cōme le lierre, qui tuë, & rēd sterile l'arbre qu'elle embrasse, le Singe qui tuë les petits par force de les embrasser, & ceux qui craignēt d'empoigner par les cheueux celuy qui se noye de peur de luy faire mal, & le laissent perir. Contre ce vice le sage Hebreu parle tant. Il faut cōtenir la ieunesse en discipline non corporelle des bestes, ou des forçats, mais spirituelle, humaine, liberale, de la raison.

Prou 13
Ecc' 30

Venons maintenant aux particuliers & plus expré- 13.
auez de ceste instruction. Le premier chef Aduis
d'iceux est, comme auons dit d'exercer, esguiser, particu-
& former l'esprit. Surquoy y a diuers preceptes, liers
mais le premier, principal, & fondamental des au- touchāt
tres, qui regarde le but & la fin de l'instruction, & l'esprit.
que ie desire plus inculquer à cause qu'il est peu

1. Fôda-
mental
de la fin
& du
but de
l'instru-
ction de
la jeu-
nesse.

L.i.c. 7.

Tacit,

embrassé & suivi, & tous courent apres son con-
traire, qui est vn erreur tout commun & ordinaire.
C'est d'auoir beaucoup plus, & tout le principal
soing, d'exercer, cultiuer & faire valoir le naturel
& propre bien, & moins amasser & acquérir de l'e-
tranger: plus rendre à la sagesse qu'à la science,
& à l'art: plus à former bien le iugement, & par
consequent la volonté & la conscience, qu'à rem-
plir la memoire & reschauffer l'imagination. Ce
sont les trois parties maistresses de l'ame raison-
nable, mais la premiere est le iugement, comme a
esté discouru cy-dessus, où ie renuoye expressement
le Lecteur. Or le monde fait tout le contraire, qui
court tout apres l'art, la science, l'acquis. Les pa-
rens pour rendre leurs enfans sçauans font vne
grande despence, & les enfans prennent vne grande
peine, *ut omnium rerum, si literarum in temperantia
laboramus*: & bien souuent tout est perdu: mais de
les rendre sages, honnestes, habiles, à quoy n'y a
tant de despense ny de peine, ils ne s'en soucient
pas. Quelle plus notable folie au monde, qu'admi-
rer plus la science, l'acquis, la memoire, que la sa-
gesse, le naturel? Or tous ne commettent pas ceste
faute de mesme esprit, les vns simplement menez
par la coustume pensent que la sagesse & la scien-
ce ne sont pas choses fort differentes, ou pour le
moins qu'elles marchent tousiours ensemble, &
qu'il faut auoir l'vne pour auoir l'autre: ceux-cy
meritent d'estre remontrez & enseignez: les autres
y vont de malice, & sçauent bien ce qui en est:
mais à quelque prix que ce soit, ils veulent l'art &
la science, car c'est vn moyen maintenant en l'Eu-
rope Occidentale d'acquérir bruit, reputation, ri-

chesses. Ces gens-cy font de sciēce mestier & marchandise, sciēce mercenaire, pedentesque, sordide, & mécanique: ils achetēt de la sciēce pour puis la reuendre. Laissons ces marchās cōme incurables. Au rebours ie ne puis que ie ne blasme & ne note icy l'opiniō & la façon d'aucuns de nos Gentilhommes François (car és autres nations ceste faute n'est si apparēte) qui ont à tel desdain & mespris la sciēce, qu'ils en estiment moins vn honneste homme, pour ce seulmēt qu'il a estudié, la décriēt comme chose qui semble heurter aucunemēt la Noblesse. En quoy ils montrent bien ce qu'ils sont, mal nez, mal sensez, vrayement ignorans de la vertu & de l'honneur, aussi le montrent-ils bien en leurs deportemens, lasche oy siueté, impertinence, & insuffisance, en leurs insolences & vanitez, & en leur barbarie.

Pour enseigner les autres, & descouurir la faute qui est en tout cecy, il faut monstrier deux choses, l'une que la science & la sagesse sont choses fort différentes; & que la sagesse vaut mieux que toute la science du monde, cōme le ciel vaut mieux que toute la terre, & l'or que le fer: l'autre que non seulement elles sont différentes, mais qu'elles ne vont presque iamais ensemble, qu'elles s'entr'empeschent l'une l'autre ordinairement, qui est fort sçauant n'est guere sage: & qui est sage n'est pas sçauant. Il y a bien quelques exceptions en cecy, mais elles sont bien rares. Ce sōt des grādes ames, riches, heureuses. Il y en a eu en l'antiquité, mais il ne s'en trouue presque plus.

Pour ce faire, il faut premierement sçauoir que c'est que science & sagesse. Science est vn grand

14.
Compa-
raison
de sciē-
ce & sa-
gesse.

15.
Defini-
tions de

science & sageſſe. amas & prouiſion du bien d'autrui, c'eſt vn ſoiſ
& ſageſſe. gneux recueil de ce que l'on a veu, ouy dire & leu
ſe. aux liures, c'eſt à dire, des beaux dictſ & faiſts des

grands perſonnages, qui ont eſté en toutes natiōs. Or le gardoir & le magazin, ou demeure & ſe garde ceſte grande prouiſion, l'eſtuy de la ſcience & des biens acquis, eſt la memoire. Qui a bonne memoire, il ne tient qu'à luy, qu'il n'eſt ſçauant: car il en a le moyen. La ſageſſe eſt vn manimēt doux & réglé de l'ame: celui-là eſt ſage, qui ſe conduit en ſes deſirs, penſées, opinions, paroles, faiſts, reglemēs, avec meſure & proportion. Bref, en vn mot la ſageſſe eſt la reigle de l'ame: celui qui manie ceſte reigle, c'eſt le iugement qui voit, iuge, eſtime toutes choſes: les arrange cōme il faut, rend à chacun ce qui luy appartient. Voyons maintenant leurs différences, & de combien la ſageſſe vaut mieux.

16.

La ſcience eſt vn petit & ſterile bien, au prix de la ſageſſe. Car non ſeulement elle n'eſt point neceſſaire, car des trois parties du monde les deux & plus s'en paſſent bien: mais encores elle eſt peu vtile, & ſert à peu de choſes. Elle ne ſert point à la vie: combien de gens riches & pauvres, grands & petits vivent plaiſamment & heureuſement ſans auoir ouy parler de ſcience? Il y a bien d'autres choſes plus vtilles au ſeruice de la vie, & ſociété humaine, comme l'honneur, la gloire, la nobleſſe, la dignité: qui toutesfois ne ſont neceſſaires. 2. Ny aux choſes naturelles, lesquelles l'ignorant fait auſſi bien que le ſçauant. La nature eſt à cela ſuffiſante maiſtreſſe. 3. Ny à la prud'homie, & à nous rendre meilleurs, *paucis eſt opus literis ad bonam mentem*, pluſtoſt elle y empêche. Qui voudra bien

regarder, trouvera non seulement plus de gens de bien, mais encores de plus excellens en toute sorte de vertu, ignorans que sçauans, telmoyn Rome, qui a esté plus preude, encores ieune & ignorante que la vieille, fine & sçauante, *Simplex illa & aperta virtus in obscuram & salertem scientiam versa est.* La science ne sert qu'à inuenter finesse, subtilitez, artifices, & toutes choses ennemies d'innocence, laquelle loge volontiers avec la simplicité & l'ignorance. L'atheisme, les erreurs, les sectes & troubles du monde sont forties de l'ordre des sçauans. La premiere tentation du diable, dit la Bible, le commencement de tout mal & de la ruine du genre humain, a esté l'opinion, le desir, & enuie de science. *Eritis sicut di, scientes bonum & malum.* Les Serpens pour piper & attraper Vlyses en leurs filets, luy offrent en dō la sciēce, & S. Paul aduertit des'en dōner garde, *ne quis vos seducat per Philosophiā.* Un des Salomon plus sçauans qui a esté, parle de la science cōme de chose non seulement vaine, mais encores nuisible, penible, & facheuse. Bref la science nous peut rendre plus humains & courtois, mais non plus gēs de bien. 4. Ne sert de rien aussi à nous addoucir, ou nous deliurer des maux qui nous pressent en ce monde, au rebours elle les aigrit, les enfle & grossit, telmoyn les enfans, idiots, simples, ignorans qui mesurant les choses au seul goust present, ont beaucoup meilleur marché des maux, & les suportent plus doucemēt que les sçauāns & habiles, & le laissent plus facilement tailler, intiser. La science nous anticipe les maux, tellement que le mal est plustost en l'ame par la sciēce, qu'en nature. Le sage a dit, que qui acquiert science, s'acquiert du travail & du tourmēt.

Salomon en son Ecclesiast.

In Ec-
clesiast.

l'ignorance est vn bien plus propre remede contre tous maux; *invers malorum remedium ignorantia est*: d'où viennent ces conseils de nos amis, ny pensez plus: ostez cela de vostre teste & de vostre memoire: est-ce pas nous renuoyer & remettre entre les bras de l'ignorance, comme au meilleur abry & couuert qui soit? C'est bien vne mocquerie, car le souuenir & l'oubly n'est pas en nostre puissance. Mais ils veulent faire comme les chirurgiens, qui ne pouuans guerir la playe la patient & l'endormée. Ceux qui conseillent se tuer aux maux extremes & irremediabiles, ne renuoyent-ils pas bien à l'ignorance, stupidité insensibilité? La Sagesse est vn bien necessaire & vniuersellemēt vtile à toutes choses: elle gouuerne & regle tout, il n'y a rien qui se puisse cacher ou desrober de sa iurisdiction & cognoissance. Elle regente par tout, en paix, en guerre, en public, en priuē: elle regle mesmes les desbauches les ieux, les dances, les baquets, & y apporte de la bride & de la moderation. Bref, il n'y a rien qui ne se puisse, & ne se doie faire, sagement, discrettement, & prudemment. Au contraire sans sagesse tout s'en va en trouble & en confusion.

17.

Secondement la science est seruille, basse, & mécanique au prix de la Sagesse: c'est vne chose empruntée avec peine. Le sçauant est comme la corneille reuestue & parée de plumes desrobées des autres oyseaux. Il se montre & entretient le monde, mais c'est aux despens d'autrui: & faut qu'il mette tousiours la main au bonnet, pour recognoistre & nommer avec honneur celuy de qu'il a emprunté ce qu'il dit. Le Sage est comme celuy qui vit de ses rentes. La Sagesse est vn bien propre & sien:

& sien : c'est vn naturel bon, bien cultivé & labouré.

Tiercement, les conditions sont bien autres, plus belles & plus nobles de l'vne que de l'autre, 1. La science est fiere, presomptueuse, arrogante, opiniastre, indiscrete, quereleuse, *scientia instat*, la sagesse modeste, retenue, douce & paisible. 2. La science est caqueteresse, enuieuse de se mōstrer, qui toutesfois ne sçait faire aucune chose, n'est point active: mais seulement propre à parler & en compter: La sagesse fait, elle agit & gouverne tout.

La science donc & la sagesse sont choses biē différentes, & la sagesse est bien plus excellēte, plus à priser & estimer que la science. Car elle est necessaire, vtile par tout, vniuerselle, active, noble, honneste, gracieuse, ioyeuse. La science est particuliere, non necessaire, ny guere vtile, point active, noble, seruile, mecanique, melancolique, opiniastre, presomptueuse.

Venons à l'autre point, qui est qu'elles ne sont pas tousiours ensemble, mais au rebours elles sont presque tousiours separée. La raison naturelle est comme a esté dit, que les temperamens sont contraires. Car celuy de la science & memoire est humide; & celuy de la sagesse & du iugement est sec. Cecy aussi nous est signifié en ce qui aduint aux premiers hommes, lesquels si tost qu'ils letterent leurs yeux sur la science, & en eurent enuie, ils furent de spoüillez de la sagesse, de laquelle ils auoient esté inuestis dès leur origine, par experience, nous voyons tous les iours le mesmes. Les plus beaux & florissans Estats, Repub. Empires anciens & modernes ont esté & sont gouvernez tres-sagement

18.

19.

Science
& sagesse
se ne se
renco-
rent
pas l. 1.
ch. 7.

S

Sageſſe en paix & en guerre ſans aucune ſcience. Rome ſans ſcience. les premiers cinq cens ans qu'elle a flory en vertu & vailſance, eſtoit ſans ſcience: & ſi toſt qu'elle a commencé à deuenir ſçauante, elle a commencé de ſe corrompre, ſe troubler par guerres civiles & ſe ruiner. La plus belle police qui fut iamais: la Lacedemonienne baſtie par Lyncurgue, qui a produit les plus grands perſonnages, n'auoit aucune profeſſion de lettres: c'eſtoit l'eſcole de vertu, de ſageſſe, & s'eſt rendue victorieuſe d'Athenes, la plus ſçauante ville du monde, l'eſchole de toutes ſciences, le domicile des Muſes, le magazin des Philoſophes. Tous ces beaux, grãds & floriffans Royau- mes Indois, d'Orient, & d'Occident, ſe ſont bien paſſez de ſcience partant de ſiecles, voire de toutes lettres & eſcritures, ils apprennent maintenant pluſieurs choſes par la bonne grace de leurs nou- ueaux maîtres aux deſpens de leur liberté, & des vices & des finelles, dont ils n'auoient iamais ouy parler. Ce grand, & peut eſtre le plus grand & flo- riffant Eſtat & Empire qui ſoit maintenant au mō- de, c'eſt celui du grand Seigneur, lequel comme le Lion de toute la terre, ſe fait craindre, redouter par tous les Princes & Monarques du monde: & en cet Eſtat il n'y a aucune profeſſiō de ſcience, ny eſchole, ny permiſſion de lire ny enſeigner en pu- blic, non pas meſmes pour la religion. Qui conduit & fait meſmes proſperer cet eſtat: la Sageſſe, la prudence. Mais venōs aux eſtats, auxquels les let- tres & la ſcience ſont en credit. Qui les gouuernent? Ce ne ſont point les ſçauans. Prenons pour exēple ce Royaume, auquel la ſciēce & les lettres ont eſté en plus grand honneur qu'en tout le reſte du man-

de, & qui semble avoir succédé à la Grece. Les principaux officiers de ceste couronne, Connestable, Mareschaux, Admiraux, & puis les Secretaires d'Etat, qui expediēt tous les affaires, sont gens ordinairement du tout sans lettres. Certes plusieurs grands Legislatifs, fondateurs & Princes ont banny & chassé la science, comme le venin & la peste des Repub. Licinius, Valentiniā, Mahomet, Lycurgue. Voila la sagesse sans science. Voyōs la science sans sagesse, il est bien aisé. Regardōs vn peu ceux qui font profession des lettres, qui viennent des escoles & vniuersitez, & ont la teste toute pleine d'Aristote, de Ciceron, de Bartole. Ya-il gens au monde plus ineptes, & plus sots, & plus mal propres à toutes choses? Dont est venue le proverbe, que pour dire sot, inepte, l'on dit vn clerc, vn pedant. Et pour dire vne chose mal-faite, l'on l'a dit faite en clerc. Il semble que la science enteste les gens, & leur donne vn coup de marteau, (comme l'on dit) à la teste, & les faiēt deuenir sots ou fols, selon que disoit le Roy Agrippa à S. Pauli *Multa te litera ad insaniam adducunt.* Il y a force Aētōr, gens, que s'ils n'eussent iamais esté au college, ils seroient plus sages: & leurs freres, qui n'ont point estudié sont plus sages. *Vt melius fuisset non didicisse: nam postquam docti prodierunt. boni desunt.* Venez à la pratique, prenez moy vn des sçauanteaux, menez le moy au conseil de ville en vne assemblée, en laquelle l'on delibere des affaires d'estat, ou de la police, ou de la menasgerie, vous ne vistes iamais homme plus estonné, il pallira, rougira, blemera, roussira: mais en fin il ne sçait qu'il doit dire. S'il se metle de parler ce seront de longs

Science
sans sa-
gesse.

Sageſſe en paix & en guerre ſans aucune ſcience. Rome ſans ſcience. les premiers cinq cens ans qu'elle a flory en vertu & vaillance, eſtoit ſans ſcience: & ſi toſt qu'elle a commencé à deuenir ſçauante, elle a commencé de ſe corrompre, ſe troubler par guerres civiles & ſe ruiner. La plus belle police qui fut iamais: la Lacedemonienne baſtie par Lyncurgue, qui a produit les plus grands perſonnages, n'auoit aucune profeſſion de lettres: c'eſtoit l'eſcole de vertu, de ſageſſe, & s'eſt renduë victorieuſe d'Athenes, la plus ſçauante ville du monde, l'eſchole de toutes ſciences, le domicile des Muſes, le magazin des Philoſophies. Tous ces beaux, grâds & floriffans Royumes Indois, d'Orient, & d'Occident, ſe ſont bien paſſez de ſcience partant de ſiecles, voire de toutes lettres & eſcritures, ils apprennent maintenant pluſieurs choſes par la bonne grace de leurs nouveaux maîtres aux deſpens de leur liberté, & des vices & des finelles, dont ils n'auoient iamais ouy parler. Ce grand, & peut eſtre le plus grand & floriffant Eſtat & Empire qui ſoit maintenant au monde, c'eſt celuy du grand Seigneur, lequel comme le Lyon de toute la terre, ſe fait craindre, redouter par tous les Princes & Monarques du monde: & en cet Eſtat il n'y a aucune profeſſiō de ſcience, ny eſchole, ny permiſſion de lire ny enſeigner en public, non pas meſmes pour la religion. Qui conduit & fait meſmes proſperer cet eſtat: la Sageſſe, la prudence. Mais venōs aux eſtats, auxquels les lettres & la ſcience ſont en credit. Qui les gouuerne? Ce ne ſont point les ſçauans. Prenons pour exēple ce Royaume, auquel la ſciēce & les lettres ont eſté en plus grand honneur qu'en tout le reſte du mon-

de, & qui semble avoir succédé à la Grèce. Les principaux officiers de ceste couronne, Connestable, Marechaux, Admiraux, & puis les Secretaires d'Etat, qui expediēt tous les affaires, sont gens ordinairement du tout sans lettres. Certes plusieurs grands Legislaturs, fondateurs & Princes ont banny & chassé la science, comme le venin & la peste des Repub. Licinius, Valentiniā, Mahomet, Lycurgue. Voila la sagesse sans science. Voyōs la science sans sagesse, il est bien aisé. Regardōs vn peu ceux qui font profession des lettres, qui viennent des escoles & vniuersitez, & ont la teste toute pleine d'Aristote, de Ciceron, de Bartole. Ya-il gens au monde plus ineptes, & plus fots, & plus mal propres à toutes choses? Dont est venu le proverbe, que pour dire sot, inepte, l'on dit vn clerc, vn pedant. Et pour dire vne chose mal-faite, l'on l'a dit faite en clerc. Il semble que la science enteste les gens, & leur donne vn coup de marteau, (comme l'on dit) à la teste, & les faict devenir fots ou fols, selon que disoit le Roy Agrippa à S. Paul: *Multa te litera ad insaniam adducunt.* Il y a force d'Actor, gens, que s'ils n'eussent iamais esté au college, ils seroient plus sages: & leurs freres, qui n'ont point estudié sont plus sages. *Vt melius fuisset non didicisse: nam postquam docti prodierunt. boni desunt.* Venez à la pratique, prenez moy vn des sçauanteaux, menez le moy au conseil de ville en vne assemblée, en laquelle l'on delibere des affaires d'estat, ou de la police, ou de la menasgerie, vous ne vistes iamais homme plus estonné, il pallira, rougira, blefmira, toussira: mais en fin il ne sçait qu'il doit dire. S'il se melle de parler ce seront de longs

Science
sans sa-
gesse.

discours, des definitions, diuisions d'Aristote, *ergo* *glor.* Escoutez en ce mesme conseil vn marchand, vn bourgeois, qui n'a iamais ouy parler d'Aristote, il opinera mieux, donnera de meilleurs aduis & expediens que les sçauans.

20.
Est
cher-
chée la
raison
de ceste
separa-
tion.

Or ce n'est pas assez d'auoir dit le fait, que la sagesse & la science ne vōt guere ensemble: il en faut chercher la raison, & en la cherchant ie payeray & satisferay ceux qui pourroient estre offensez de ce que dessus, & penser que ie suis ennemy de la science. C'est donc vne question d'où vient que sçauant & sage ne se rencontrent gueres ensemble? Il y a bien grande raison de ceste questiō: car c'est vn cas estrange & contre raison, qu'un homme pour estre sçauant n'en soit pas plus sage: car la science est vn chemin, vn moyen & instrumēt propre à la sagesse. Voicy deux hommes, vn qui a estudié, l'autre non: celui qui a estudié doit & est obligé d'estre beaucoup plus sage, que l'autre: car il a tout ce que l'autre a, c'est à dire le naturel, vne raison, vn iugement, vn esprit, & outre cela il a les aduis, les discours, & iugemens de tous les plus grands hommes du monde, qu'il trouue par les liures. Ne doit il donc pas estre plus sage, plus habile, plus honnestes que l'autre, puis qu'avec les moyens, propres & naturels, il en a tant d'estrangers, acquis, & tirez de toutes parts? Comme dit quelqu'un, le bien naturel joint avec l'occidental fait vne bonne composition, & neantmoins nous voyons le contraire, comme a esté dit.

21.
Respōse
à la mau-
uaise di-
scipline.

Or la vraye raison & respōse à cela, c'est la mauuaise & sinistre facon d'estudier, la mauuaise instruction. Ils apprennent aux liures & aux escolles de

tres bonnes choses; mais de tres-mauvaises mains. Dont il aduient que tous ces biens ne leur profitent de rien, demeurent indignes & necessiteux au milieu des richesses & de l'abondance, & comme Tentalus prez de la viande & meurt de faim; c'est qu'arriuant aux liures & aux escoles ils ne regardent qu'à garnir & remplir leur memoire de ce qu'ils lisent & entendent, les voila sçauans, & nō à polir & former leur iugement, pour se rendre sages; comme celuy qui mettroit le pain dedans sa poche, & non dedans son ventre, il auroit en fin la poche pleine & mourroit de faim. Ainsi avec la memoire bien pleine ils demeurent fots, *Student non sibi & vna sed alijs & schola*. Ils se preparent à estre rapporteurs, Ciceron a dit, Aristote, Platon a laisse par escrits; &c. & eux ne sçauent rien dire. Ils font deux fautes, l'une qu'ils n'appliquent pas ce qu'ils apprennent à eux-mesmes, à se former à la vertu, sagesse, resolution, & ainsi leur science leur est inutile: l'autre est que pendant ce long temps, qu'ils employent avec grande peine & despense, d'amaïsser & empocher ce qu'ils peuuent desrober sur autrui inutilement pour eux, ils laissent chommer leur propre bien, & ne l'exercent. Les autres qui n'estudient, n'ayant recours à autrui, aduisent de cultiuer leur naturel, s'entrouuent souvent mieux, plus sages & resolus, encore que moins sçauans, & moins gagnans, & moins glorieux. Quelqu'un a dit cecy vn peu autrement & plus briefuement, que les lettres gastent les cerueaux & esprits foibles, parfont les forts & bons naturels.

Or voicy la leçon & l'aduis que ie donne icy. Il ne faut pas s'amuser à retenir & garder les opiniōs Labon.

S. f. iij.

ne disci. & le sçavoir d'autrui, pour puis le rapporter & en
 pline. faire montre & parade à autrui, ou pour profit for-
 dide & mercenaire, mais il les faut faire nostres. Il
 ne faut pas les loger en nostre ame, mais les incor-
 porer & transubstancier. Il ne faut pas seulement
 en arrouser l'ame, mais il la faut tendre, & la ren-
 dre essentiellement, meilleure, sage, forte, bonne,
 courageuse : autrement dequoy sert d'estudier ?
Non paranda nobis solùm, sed fruenda sapienda est. Il
 ne faut pas faire comme les bouquetieres, qui pil-
 le tout par cy par là des fleurs toutes entieres, &
 telles qu'elles sont, les emportent pour faire des
 bouquets, & puis des presens ainsi font les mauuais
 estudians qui amassent des liures plusieurs bonnes
 choses, pour puis en faire parade & montre aux au-
 tres: mais il faut faire comme les mouches à miel,
 qui n'emportent point les fleurs comme les bou-
 quetieres, mais s'assieans sur elles, comme si elles
 les couuoient, en tirent l'esprit, la force, la vertu,
 la quinte essence, & s'en nourrissent, en font sub-
 stance, & puis en ont de tres bon & doux miel, qui
 est tout leur: ce n'est plus thym, ny mariolaine.
 Aussi faut il tirer des liures la moielle, l'esprit (sans
 s'assubiettir à retenir par cœur les mots, comme
 plusieurs font, moins encores à retenir le lieu, le li-
 vre, le chapitre, c'est vne sottise & vaine superstition
 & vanité, qui fait perdre le principal) & ayant suc-
 cé & tiré le bon en paistre son ame, en former son
 iugement, & instruire & regler sa conscience & ses
 opinions, rectifier sa volonté, bref en faire vn ou-
 urage tout sien, c'est à dire, vn honneste homme,
 sage, aduisé, resolu. *Non ad pompam nec ad speciem
 nec ut nomine magnifico sequi otium velis, sed quo sis*

mior aduersus fortuita rem publicam capeffas.

Et à cecy le choix des sciences y est nécessaire. Celles qui les recommandent sur toutes, & qui seruent à la fin que ie viens de dire, sont les naturelles & morales, qui enseignent à viure & bien viure, la nature & la vertu, ce que nous sommes & ce que nous deuons estre. Sous les morales sont comprises les Politiques, Economiques, les histoires. Toutes les autres sont vaines & en l'air, & ne s'y faut arrester qu'en passant.

23.
1. Aduis
choix
des sci-
ces.

Cette fin & but de l'instruction de la jeunesse & comparaison de la science & Sagesse m'a tenu fort long-temps, à cause de la contestation. Pour-
suivons les autres parties & aduis de ceste instru-
ction. Les moyens d'instruction sont diuers. Pre-
mierement deux : l'un par parole, c'est à dire, pre-
ceptes, instructiōs & leçons verbales: ou bien par
conferences avec les honnestes & habiles hommes,
frottant & limant nostre ceruelle contre la leur,
comme le fer qui s'esclaircit, se nettoye & embel-
lit par le frotter. Ceste façon est agreable, douce,
naturelle.

24.
Moyen
d'ap-
prendre.
Par pa-
role.

L'autre par faits, c'est l'exemple, qui est pris
non seulement des bons par imitation & similitu-
de, mais encores des mauuais par discomonance.
Il y en a qui apprennent mieux de cette façon par
opposition & horreur du mal en autrui. C'est un
usage de la iustice d'en condamner un pour seruir
d'exemple aux autres. Et d. soit le vieux Caton,
que les sages ont plus à apprendre des fols, que
les fols des Sages. Les Lacedemoniens, pour re-
tirer leurs enfans de l'yvrognerie, faisoient eny-
urer deuant eux leurs serfs, afin qu'ils en eussent

25.
Par exem-
ple.

Cōpa-
raison
de cea
deux.

horreur par ce spectacle. Or ceste seconde maniere par exemple nous apprend & plus facilement & avec plus de plaisir. Apprendre par preceptes est un chemin long, parce que nous avons peine à l'entendre: les ayant entendus à les retenir: après les avoir retenus à les mettre en usage. Et difficilement nous promettons-nous d'en pouvoir tirer le fruit, qu'ils nous promettent. Mais l'exemple & imitation nous apprennent sur l'ouvrage mesme, nous invitent avec beaucoup plus d'ardeur, & nous promettent quasi semblable gloire, que celle de ceux que nous prenons à imiter. Les semences tirent à la fin la qualité de la terre où elles sont transportées: & deviennent semblables à celles qui y croissent naturellement. Ainsi les esprits & les mœurs des hommes se conforment à ceux, avec lesquels ils fréquentent ordinairement. Il passe par contagion des choses une grande part de l'une à l'autre.

26.
Des vi-
uans.

Or ces deux matieres de profiter par parole, & par exemple, encores sont-elles doubles. Car elles s'exercent & se tirent des gens excellents, ou viuans par leur frequentation & conference sensible & externe, ou morts par la lecture des liures. Le premier commerce des viuans est plus vif & plus naturel, c'est un fructueux exercice de la vie, qui estoit bien en usage parmy les anciens, mesmement les Grecs, mais il est fortuit dependant d'autrui & rare: il est malaisé de rencontrer telles gens & encores plus d'en iouir. Et cecy s'exerce, ou sans guerres s'esloigner de chez soy, ou bien en voyageant & visitant les pays estrangers, non pour s'y paistre de vanitez comme la pluspart, mais pour en rapporter la consideration principalement des humeurs

& façon de ces nations-là. C'est vn exercice profitable, le corps n'y est ny oyfif ny travaillé : ceste modérée agitatiō le tient en haleine, l'ame y a vne continuelle exercitation à remarquer les choses incognuës & nouvelles. Il n'y a point de meilleure escole pour former la vie, que veir incessamment la diuersité de tant d'autres vies, & gouter vne perpetuelle variété des formes de nostre nature.

L'autre commerce avec les morts par le benefice des liures, est bien plus feut & plus à nous, plus constant & qui moins couste. Qui s'en sçait bien seruir, en tire beaucoup de plaisir & de secours. Il nous décharge du poids d'une oyfueté ennuyeuse, nous distrait d'une imagination importune, & des autres choses externes, qui nous faschèt: nous console & secourt en nos maux & douleurs: mais aussi n'est-il bon que pour l'esprit, dont le corps demeure sans action, s'attriste & s'altere.

Il faut maintenant parler de la procédure & formalité que doit tenir l'instructeur de la ieunesse, pour bien & heureusement arriuer à son point. Elle a plusieurs parties: nous en toucherons quelques vnes. Premièrement il doit souvent interroger son escholier, le faire parler & dire sō aduis sur tout ce qui se presente. Cecy est au rebours du stile ordinaire, qui est que le maistre parle tousiours seul, & enseigne cet enfant avec autorité, & verse de l'ans sa teste, comme dedans vn vaisseau, tout ce qu'il veut: tellement que les enfans ne sont que simplement escoutans, & receuans, qui est vne tres mauuaise façon, ob est plerumque iis, qui discere volunt, auctoritas eorum qui docent. Il faut re-

27.

Et des
morts
par les
liures.

28.

4. Avoir
faire
parler
raison-
ner le
disciple

veiller & eschauffer leur esprit par demandes, les
 fait opiner les premiers, & leur donner mesmes
 liberté de demander, s'enquerir, & ouvrir le che-
 min quand ils voudront. Si sans les faire parler
 on leur parle tout seul, c'est chose presque perduë,
 l'enfant n'en fait en rien son profit, pour ce qu'il
 pense n'en estre pas d'escol: il n'y preste que l'o-
 reille, encores bien froidement: il ne s'en pique
 pas, comme quand il est de la partie. Et n'est assez
 leur faire dire leur aduis, car il leur faut toujours
 faire soustenir & rendre raison de leur dire, afin
 qu'ils ne parlent pas par acquit, mais qu'ils soient
 soigneux & attentifs à ce qu'ils diront: & pour
 leur donner courage faut faire conte de ce qu'ils
 diront au moins de leur essay. Ceste façon d'instrui-
 re par demandes est excellemment observée par
 Socrates (le premier en ceste besogne) comme
 nous voyons par tout en Platon, ou par vne lon-
 gue enfileure de demandes dextrement faictes, il
 mène doucemēt au giste de la verité: & par le Do-
Matt. 16 ctur de verité en son Euangile. Or ces demandes
& 11. ne doivent pas tant estre des choses de sciences &
Luc. 10. de memoire, comme a esté dit, que des choses de
& 14. iugement. Parquoy à cet exercice tout servira,
 mesmes les petites choses, comme la sottise d'un
 laquay, la malice d'un page, un propos de table,
 car l'œuvre de iugement n'est pas de traiter & en-
 tendre choses grandes & hautes: mais estimer & re-
 soudre iustement & pertinemment, quoy que soit.
 Il leur faut donc faire des questions sur le iugemēt
 des hommes, & des actions, & le tout raisonner:
 afin que par ensemble ils forment leur iugement
 & leur conscience. L'instructeur de Cyrus en Xe-

nophon pour sa leçon luy propose ce fait. Vn grand garçon ayant vn petit saye le donna à vn de ses compagnons de plus petite taille, & luy osta son saye, qui estoit plus grand : puis luy demande son aduis & iugement sur ce fait? Cyrus respond que cela alloit bien ainsi, & que tous les deux garçons demeuroient ainsi bien accommodez. Son instructeur le reprend & le tance bien aigrement, de ce qu'il auoit considéré seulement la bien-seance, & non la iustice qui doit aller beaucoup deuant, & qui veut que personne ne soit forcé en ce qui est sien : voila vne belle forme d'instruire : Et aduenant de rapporter ce qui est dedans les liures, ce qu'en dict Cicéron, Aristote, ce ne doit pas estre pour seulement le reciter & rapporter, mais pour le iuger : & pour ce il le luy faut tourner à tous vsages, & luy faire appliquer à diuers subiets. Ce n'est pas assez de reciter, comme vne histoire, que Caton s'est tué à Utique, pour ne venir aux mains de Cesar, & que Brutus & Cassius sont auteurs de la mort de Cesar, c'est le moindre : mais ie veux qu'il leur fasse le procez, & qu'il iuge, s'ils ont bien fait en cela : s'ils ont bien ou mal merité du public, s'ils s'y sont portez avec prudence, iustice, vaillance : en quoy ils ont bien & mal fait. Finalement & generally il faut requerir en tous ses propos, demandes, responces, la pertinence, l'ordre, la verité, œuvre du iugement & de la conscience. En ces choses ne luy faut quitter ou dissimuler aucunement, mais le presser & tenir subiect. 29.

Secondement, il doit le durer & façonner à vne honeste curiosité de sçauoir tout : par laquelle pre-
Aduis.
curiosité hon-
nest.

micrement il aye les yeux par tout à cōsiderer tout ce qui se dira, & fera, remura à l'entour de luy, & ne laisser riē passer, qu'il iuge & repasse en son esprit, puis qu'ils s'enquiere tout doucement des autres choses, tant du droit, que du fait. Qui ne demande rien ne sçait rien, dit-on : qui ne remuē son esprit il s'entoïille & demeure sot : & de tout il doit faire son profit, l'appliquer à soy, en prendre aduis & conseil, tant sur le passé pour ressentir les fautes qu'il a fait, que pour l'aduenir afin de se regler & s'assagir. Il ne faut pas laisser les enfans seuls resuer, s'endormir, s'entretenir : car n'ayans la suffisance de se fournir matiere belle & digne, ils se paistront de vanité : il les faut embesongner & tenir en haleine, leur engendrer ceste curiosité, qui les pique & resueille : laquelle, telle que dit est, ne sera vaine en soy, ny importune à autrui.

30. Il doit aussi luy former & mouler son esprit au
 6. Auis modèle & patron general du mode & de la nature, le rendre vniuersel, c'est à dire, luy représenter en toutes choses la face vniuerselle de nature : que tout le monde soit son liure : que de quelque sujet que l'on parle, il iette sa veüe & sa pēsee sur toute l'estendue du monde, sur tant de façons & d'opinions différentes qui ont esté & sont au monde sur ce sujet. Les plus belles ames & les plus nobles sōt les plus vniuerselles & plus librés : par ce moyen l'esprit se roidist, apprend à ne s'estonner de rien, se forme à la resolution, fermeté, constance. Bref, n'admire plus rien, qui est le plus haut & dernier poinct de sagesse. Car quoy qu'il aduienne & que l'on luy dise, il trouue qu'il n'y a rien de nouveau & d'estrange au monde ; que la condition humaine

est capable de toutes choses; qu'il s'en est bien passé d'autres, & s'en passe encore ailleurs de plus vertes, plus grandes. C'est en ce sens que Socrate le sage se disoit citoyen du monde. Au contraire, il n'y a chose qui abbaïtardisse & asservisse plus un esprit, que ne luy faire goûter & s'êtir qu'une certaine opinion, creance & maniere de viure. O la grãde sotise & foiblesse de penser que tout le monde marche, croit, dit, fait, & meurt, cõme l'on fait en son pays, cõme font ces badaux, lesquels quãd ils oyent reciter les mœurs & opinions d'ailleurs fors differêtes ou contraires aux leurs, ils tremoussent, ils mescroient, ou bien tout détroussement, disent, que c'est barbarie, tant ils sont asservis & renfermez dedans leur berceau, gens comme l'on dit, nourris dans une bouteille, qui n'ont veu que par un trou. Or cet esprit uniuersel doit acquierir de bonne heure par la diligence d'un maistre instructeur, puis par les voyages & communications avec les estrangers, & par la lecture des liures & histoires de toutes nations.

Finalemẽt, il doit luy apprendre à ne rien recevoir à credit & par authorité: c'est estre beste & se laisser conduire comme un buffle: mais d'examiner tout avec la raison; luy proposer tout, & puis qu'il choisisse: S'il ne sçait choisir, qu'il doute. C'est peut-estre le meilleur, le plus seur, mais luy apprendre aussi à ne rien resoudre tout seul, & se deffier.

Après l'ame vient le corps, il en faut auoir soing tout quand & quand l'esprit; & n'en faire point à deux fois. Tous deux font l'homme entier. Or il faut chasser de luy toute mollesse & delicateſſe au

31.

32.

Auis
touchant
le corps

vestir, coucher, boire, manger, le nourrir grossièrement, à la peine, & au travail : l'accoustumer au chaud, au froid, au vent, voire aux hazards, luy roidir & endurcir les muscles & les nerfs (aussi bien que l'ame) au labeur, & de là à la douleur, car le premier dispose au second, *labor callū obducit dolori* : bref le rendre verd & vigoureux, indifférent aux viandes & au goût. Tout cecy sert non seulement à la santé, mais aux affaires & au service public.

33. Venons au troisieme chef, qui est des mœurs; Aduis auxquels ont part & l'ame & le corps. Cecy est touchât double; empêcher les mauuaises, enter & cultiver les bonnes. Le premier est encores plus necessaire, & auquel faut apporter plus de soin & d'attention. Il faut donc de tres-bonne heure & ne scauroit-on trop tost empêcher la naissance de toutes mauuaises mœurs & complexions, spécialement ceux icy qui sont à craindre en la ieunesse.

1. Mœurs mau-
uaises. Mentir, vice vilain & de valets, d'ame lasche & craintive, mais souuent la mauuaise & trop rude instruction en est cause.

2. Vne sottise honte & foiblesse, par laquelle ils se cachent, baissent la teste, rougissent à tous propos, ne peuvent supporter vne correction, vne parole aigre sans se changer tout. Il y a souuent en cela du naturel: mais il le faut corriger par estude.

3. Toute affection & singularité en habits, port, marcher, parler, gestes, & toutes autres choses: c'est tesmoignage de vanité & de gloire : & qui heurte les autres mesmes en bien faisant. *Licet sapere sine pompa, sine inuidia.*

4. Sur tout la cholere, le despit, l'opiniastreté : & pour ce il faut tenir bon, que l'enfant n'obtienne

iamais rien pour sa cholere, ou larmes de despit: & qu'il apprenne que ces arts luy sont du tout inutilles, voire laide, & vilaines: & à ces fins il ne le faut iamais flatter. Cela les gaste & corrompt, leur apprend à se despiter, s'ils n'ont ce qu'ils veulent, & en fin les rend insolens, & que l'on n'en peut plus venir à bout. *Nihil magis reddit iracundos, quàm educatio mollis & blanda.*

Il faut par mesme moyen luy enter les bonnes & honnestes mœurs, & premierement l'instruire à craindre & reuerer Dieu, trébler sous ceste infinie & incognüe maiesté, parler raremēt & tres sobre- mēt de Dieu, de sa puissāce, eternité, sagesse, volō- té, & de ses œuures, non indifferemment & à tous propos, mais craintiuement, avec pudeur & tout respect. Ne disputer iamais des mysteres & points de la religion, mais simplement croire, recevoir, & obseruer ce que l'Eglise enseigne & ordonne.

En second lieu, luy remplir & grossir le cœur d'ingenuité, franchise, candeur, integrité, & l'appredre à estre noblement & fieremēt homme de bien, non seruiement & mecaniquemēt, par crainte ou es- pérāce de quelque honneur, ou profit, ou autre cōsi- deration que de la vertu mesmes: Ces deux font principalement pour luy mesmes.

Et pour autrūy & les compagnies, le faut instrui- re à vne douceur, soupplēse, & facilité à s'accom- moder à toutes gens, & à toutes façōs. *Omnis Ari- stippum decuit dolor, & status & res.* En cecy estoit excellent Alcibiades: Qu'il apprend à pouuoir & sçauoir faire toutes choses, voire les excez & les desbauches, si besoin est; mais qu'il n'ayme à faire que les bonnes: Qu'il laisse à faire le mal,

34.
Mœurs
bonnes.

2.

3.

non à faute de courage, ny de force, & de science, mais de volupté. *Mulum interest utrum peccare quis nolit, aut nesciat.*

34. Modestie, par laquelle il ne conteste & ne s'attaque ny à tous comme aux plus grands, & respectables, & à ceux qui sont beaucoup au dessous, ou en condition, ou en suffisance: ny pour toutes choses, car c'est importunité, ny opiniastrement, ny avec mots affirmatifs, resolutifs, & magistrats: mais doux, moderez. De cecy a esté dit ailleurs. Voila les trois chefs du deuoir des parens aux enfans expediez.

Voyez
le l. 2.
ch. 9.

35.
4. Partie
du de-
voir des
parens.
Amour
des pa-
res plus
fort que
celuy
des en-
fans,
pour-
quoy

Le quatriesme, est de leur affection & communication avec eux, quand ils sont grands & capables, à ce qu'elle soit réglée. Nous sçauons que l'affection est reciproque & naturelle entre les parens & les enfans: mais elle est plus forte & plus naturelle des parens aux enfans, pource qu'il est donné de la nature allant en auant, poussant & auançant la vie du monde & sa durée. Celuy des enfans aux peres est à reculons, dont il ne marche si fort ne si naturellement: & semble plustost estre payement de debte, & recognoissance du bien fait, que purement, vn libre, simple & naturel amour. D'auantage celuy qui donne & fait du bien, aime plus que celuy qui reçoit & doit. Dont le pere & tout ouvrier aime plus qu'il n'est aimé. Les raisons de cette proposition sont plusieurs. Tous aiment d'estre (lequel s'exerce & se montre au mouuement & en l'affection) Celuy qui donne & fait bien à autrui est auement en celuy qui reçoit. Qui donc & fait bien à autrui, exerce chose honneste, & noble, qui reçoit n'en fait point: l'honneste est pour le premier,

LIVRE TROISIEME.

premier, l'utile pour le second. Or l'honneste est
 beaucoup plus digne, ferme, stable, amiable, que
 l'utile, qui s'esvanouit. Item les choses sont plus
 aimées, qui plus nous coustent: plus est cher ce
 qui est plus cher. Or engendrer, nourrir, eleuer,
 couste plus que de recevoir tout cela.
 Or cet amour des parens est d'uyble, bien que
 nous nous en ayons, mais d'uyblement: l'un est sim-
 plement & universellement naturel, & comme un
 simple instinct, qui se trouve aux bestes, selon le-
 quel les parens aiment & cherissent leurs petits
 comme des begayans, espi gnans, & tectans, & en
 aiment comme de jouets & petit singes. Cet amour
 n'est point vraiment humain. L'homme pour-
 uoir de raison ne doit point si servilement s'assuie-
 tir à la nature comme les bestes: mais plus noble-
 ment la surmonter avec discours de raison. L'autre donc
 est plus humain & raisonnable, par lequel l'on ay-
 me les enfans plus ou moins, si qu'on s'aperçoit que l'on y
 voit intelligir & beaucoup de sens, de sagesse & d'estime
 de vertus, bonté, habilité. Il y en a qui esquivent
 & transportent au premier, ont peu de soin de ce
 qu'ils ont, & n'ayant point plainte de pence tant
 que les enfans ont esté fort petits, la plaignent
 quand il deviennent grands & profitent. Il sem-
 ble qu'ils portent envie & font despit de ce qu'ils
 croissent, s'advancent, & se font honnestes gens:
 & petits sont aux & inhumains. Or selon ce second, & paternel amour, en-
 d'uyblement les parens doivent recevoir leurs en-
 fans, & s'ils en sont capables, ils leur font & partage
 des biens, à l'intelligence, conseil, & aide des af-
 faires domestiques, & encores à la communica-

36.
 Paternal
 amour
 naturel
 double.

37.
 Du vray
 amour
 paternel
 les enfans
 grands.

DE LA SAGESSE

en com-
munica-
tion.

tion de ses desseins, opinions & penſées, voire con-
ſentir & contribuer à leurs honneſtes eſbats &
paſſe-temps, ſelon que le cas le requiert, ſe reſer-
uant toujours ſon rang & autorité. Parquoy
nous condamnons, ceſte troigne aſtere, magiſtra-
le, & imperieufe de ceux qui ne regardent jamais
leurs enfans, ne leur parlent qu'avec autorité & ne
veulent eſtre appelez peres, mais ſeigneurs; & bien
que Dieu ne reſuſe point ce nom de pere, ne ſe ſou-
ciét d'eſtre aimez cordialement d'eux, mais craints,
redoutez, adorez. Et à ces fins leur donnent chi-
chement & les tiennent en neceſſité, pour par là
les contenir en crainte & obeyſſance, les mena-
ſent de leur faire petite part en leur diſpoſition te-
ſtamentaire. Or cecy eſt vne ſotte, vaine & ridicule
farce; c'eſt ſe deſſier de ſon auctorité propre,
vraye, & naturelle, pour en acquerir vne artiſi-
ſie. C'eſt ſe faire mocquer & deſeſtimer, qu'eſt-ce
le rebours de ce qu'ils pretendent. C'eſt eſchouer
les enfans à finement ſe porter avec eux, & con-
ſpirer à les tromper & abuſer. Les peres d'ordinaire
de bonne heure auoir reiglé leurs ames au deuoir
par la raiſon, & non auoir recours à ces moyens
plus tyranniques, que paternels.

*Et al longe, mea quidam ſententia, non ſine causa p-
e. Qui imperium credit eſſe gravioris aut ſtabilius, ſed
e. Ut quod ſit, quatenus illud quod dominicia adiungitur.*

38. En la diſpenſation dernière des biens, le meilleur
Les ſai- & plus ſein eſt de ſuſtenter les loix & couſtumes du
aux pays. Les loix y ont mieux penſé que nous: & vaut
reſta- mieux les laiſſer ſuſtenter, que de nous hazarder de
mens ſe laiſſer en noſtre propre charge. C'eſt abuſer de la li-
ber- berté que nous y auons, que d'en ſouffrir nos perices
loix.

fantaisies, friuoles & priuées passions, comme ceux qui se laissent emporter à des recentes actions officieuses, aux flatteries de ceux qui sont presens, qui se jouient de leurs testamens, à gratifier ou chastier les actions de ceux qui y pretendent interest, & de loing promettent ou menassent de ce coup, folie. Il se faut tenir à raison & obseruance publique, qui est plus sage que nous: c'est le plus seur.

Venons maintenant au deuoir des enfans aux pères, si naturel, si religieux, & qui leur doit estre rendu, non point comme à hommes purs & simples, ains comme à demy-dieux; dieux terriens, mortels, visibles. Voila pourquoy Philon Iuif a dit, que le commandement du deuoir des enfans estoit escrit moitié en la premiere table, qui cōtenoit les commandemens qui regardēt le droit de Dieu; & moitié en la seconde table, ou sont les cōmandemens, qui regardent le prochain, cōme estant moitié diuin & moitié humain. Aussi est-ce vn deuoir si certain, si estroittement deu & requis, qu'il ne peut estre dispensé ny vaincu par tout autre deuoir, ny amour, encores qu'ils soit plus grand. Car aduenāt qu'un aye son pere & son fils en mesme peine & dāger, & qu'il ne puisse secourir à tous deux, il faut qu'il aille au pere, encores qu'il ayme plus son fils, comme a esté dit cy-dessus. Et la raison est, que la dette du fils au pere est plus ancienne & plus privilégiée, & ne peut estre absoute & effacée par vne suiuite dette.

Or ce deuoir consiste en cinq poincts compris sous ce mot d'honorer les parens: le premier est la reuerence, non seulement externe en gestes, & cōtenances, mais encores plus interne, qui est vne

391
Du de-
uoir des
enfans
aux pa-
rens,

401
Lequel
consiste
en cinq
poincts,

T c ij

saincte & haute opinion & estimatiō, que l'enfant doit auoir de ses parens comme auteur, cause & origine de son estre & de son bien, qualité qui les fait ressembler à Dieu.

2. Le second est obeyssance, voire aux plus rudes & difficiles mandemens du pere, cōme porte l'exemple des Rechabites, qui pour obeyr au pere se priperent de boire vin toute leur vie : & Isaac ne fit difficulté de tendre le col au glaive de son pere.

3. Letiers est de secourir ses parens en tout besoin, les nourrir en leur vieillesse, impuissāce, necessité, les secourir & assister en toutes leurs affaires. Nous auons exēple & patron de cela mesme aux bestes, en la cicoigne, cōme saint Basile fait tant valoir. Les petits cicogneaux nourrissent leurs parens vieux, les couurent de leurs plumes lors qu'elles leurs tombent, ils s'accouplent & se ioignent pour les porter sur leur dos, l'amour leur fournissant cet art. Cet exemple est si vif, & si exprez, que le deuoir des enfāns aux parens a esté signifié par le faict de ceste beste *απιπελαργειν* *reciconiare*. Et les Hebreux appellent ceste beste à cause de cecy, *chasida*, c'est à dire, la debonnaire, la charitable. Nous en auons aussi des exemples notables en l'humanité. Cymon fils de ce grand Miltiades ayant son pere trespasé en prison, & n'ayant de quoy l'enterrer (aucuns disent que c'estoit pour payer les debtes, pour lesquelles l'on ne vouloit laisser emporter le corps, selon le style des anciēns) se vendit & sa liberté, pour des deniers prouenant estre pourueu à sa sepulture. Il ne secourut pas son pere de son abondance, ny de son bien, mais de sa liberté; qui est plus chere que tous les biens, & la

vie. Il ne secourut pas son pere viuant & en necessité , mais mort & n'estant plus pere ny homme. Qu'eust il fait pour secourir son pere viuant, indigent , le requerant de secours; cet exemple est riche. Au sexe foible des femmes nous auons deux pareils exemples de filles, qui ont nourry & allaité, l'une son pere, l'autre sa mere prisonniers, & condamnez à perir de faim, punitiō ordinaire aux anciens. Il semble aucunement contre nature, que la mere soit nourrie du lait de la fille, mais c'est bien selon nature, voire de ses premieres loix, que la fille nourrisse sa mere.

Le quatriesme est de ne rien faire, remuer, entreprendre, qui soit de poix , sans l'aduis, consentement, & approbation des parens, surtout en son mariage. 4.

Le cinquiesme est de supporter doucement les vices, imperfections, aigreur, chagrin des parens, leur seuerité & rigueur, Manlius le pratiqua bien; car ayant le Tribun, Pomponius, accusé le pere de ce Manlius enuers le peuple de plusieurs fautes, & entre autres, qu'il traittoit trop rudement son fils, luy faisant mesmes labourer la terre : le fils alla trouver le Tribun en son liēt & luy mettant le couteau à la gorge, luy fit inter qu'il desisteroit de la poursuite qu'il faisoit contre son pere , ayant mieux souffrir la rigueur de son pere , que de le voir poursuuy de cela. 5.

L'enfant ne trouuera difficulté en tous ces cinq devoirs, s'il cōsidere ce qu'il a cousté à ses parens, & de quel soing & affection il a este esleué: mais il ne les sçaura iamais bien, iusques à ce qu'il aye des enfans , comme celuy qui fut trouué à cheuau;

Tt iij

chons sur vn baston se ioiant avec les enfans, pria celuy qui l'y surprint de n'en rien dire iusques à ce qu'il fust pere luy-mesme, estimant que iusques alors il ne seroit iuge equitable de ceste action.

DEVOIR DES MAISTRES
& seruiteurs.

CHAP. XV.

Liv. I.
 ch. 48.

Vient apres la troisieme partie & derniere de la iustice priuée & domestique; qui est des devoirs des maistres & seruiteurs, surquoy faut sca- uoir la distinction des seruiteurs: car il y en a principalement de trois sortes. Il y a les esclaves, dont tout le monde estoit plein au temps passé, & encores l'est-il: sauf en vn quartier d'Europe, & n'y en a endroit plus net que la France. Ils n'ont en leur puissance ny corps ny biens, mais sont du tout à leurs maistres, qui les peuvent donner, engager, vendre & reuendre, eschanger, & en faire comme bestes de service. De ceux-cy a esté parlé au long. Il y a les valets & seruiteurs, gens libres, maistres de leurs personnes & biens, voire ne peuvent par contract ny autrement faire aucun preiudice à leur liberté. Mais ils doiuent honneur, obeyssance, & service à tel certain temps & telles conditions, qu'ils ont promis, & les maistres ont sur eux commandement, correction & chastiment avec moderation & discretion. Il y a les mercenaires qui sont encores moins suiets, car ils ne doiuent service ny obeyssance, mais seulement quelque travail & industrie pour argent: & n'a-on sur eux aucune

correction ny commandement.

Les devoirs des maistres envers leurs serviteurs tant esclaves que valets, sont, ne les traicter cruellement, se souvenans qu'ils sont hommes & de mesme nature qu'eux, que la seule fortune y a mis la difference, laquelle est veritable, & se ioüe à faire les grands petits, & les petits grands. Dont la distance n'est pastelle, qu'il les faille rebutter si loin. *Sunt homines, contubernales, humiles amici, conserui, æque fortuna subiecti.* Traiter humainement ses serviteurs, & chercher plustost à se faire aymer que craindre, est tesmoignage de bonne nature: les rudoyer par trop, montre vne ame cruelle, & que la volonté est toute pareille envers les autres hommes, mais que le defect de puissance empesche l'execution. Aussi avoir soin de leur santé & instruction de ce qui est requis pour leur bien & salut.

Senec.

Les devoirs des serviteurs sont, honorer & craindre leurs maistres, quels qu'ils soient & leur rendre obeyssance, & fidelité, les seruans non par acquit au dehors seulement, par contenance mais cordialement, serieusement, par conscience & sans feinte. Nous lisons de tres-beaux, nobles & genereux services avoir esté faicts par aucuns à leurs maistres, iusques a avoir employé leur vie pour sauuer celle de leurs maistres, ou leur honneur.

Tt iij

DEVOIR DES SOUVERAINS & des subiects.

CHAP. XVI.

DEs Princes & Souuerains, leurs descriptions, marques, humeurs, miseres & incommoditez, a esté parlé au liure 1. chap. 49. de leur deuoir à gouverner estats, a esté parlé tres-amplement au liure present chap. 2. & 3. qui est de la prudence politique : toutesfois nous touchetons icy les chefs & traits generaux de leur deuoir.

Deuoir
des sou-
uerains.

I.
Estre re-
ligieux.

Le Souuerain comme mediateur entre Dieu & les peuples, & debiteur à tous deux, se doit tousiours souuenir qu'il est l'image viue, l'officier & Lieutenant general du grand Dieu son souuerain, & aux peuples vn flambeau luisant, vn miroir esclairant, vn theatre esleué, auquel tous regardent, vne fontaine en laquelle tous vont puiser, vn esguillon à la vertu, & qui ne fait aucun bien qu'il ne porte sur plusieurs, & ne soit mis en registre & en compte. Il doit donc premierement estre craignant Dieu, deuot, religieux, obseruateur de pieté, non seulement pour soy & sa conscience, comme tout autre homme, mais pour son estat & comme souuerain. La pieté que nous requérons icy au Prince est le soin qu'il doit auoir & monstrier à la conseruation de la religion & des ceremonies anciennes du pays, pouruoyant par loix & peines à ce qu'il ne se fasse aucun changement ny trouble, ny innouation en la religion. C'est chose qui faict grandement à son honneur & seureté (car tous reuerent, obeyssent plus volontiers, & plus tard en-

treprennent cōtre celuy qu'ils voyēt reuerer Dieu:
& croient estre sa tutelle & sauuegarde, *una custo-*
diapueras: pium virum nec malus genius nec fatum de-
vincit: Deus enim eripit eum ab omni malo) Et aussi de
son estat, car comme ont dit tous les sages, la reli-
gion est le lien & le ciment de la société humaine.

Le Prince doit aussi se rendre suiet & inuiolable-
ment garder, & faire garder les loix de Dieu & de
nature, qui sont indispensables: qui attente contre
elles, n'est pas seulement tyran, mais vn monstre.

Quant aux peuples, il est obligé, premierement,
de garder ses promesses & conuentions, soit avec
ses suiets ou autres y ayans interest. C'est l'équité
naturelle & vniuerselle. Dieu mesmes garde ses
promesses. Dauantage le Prince est caution & ga-
rant formel de la loy & des conuentions mutuel-
les de ses suiets. Il doit donc par dessus tout garder
la foy, n'y ayant rien plus detestable en vn Prince,
que la perfidie & le pariure, dont il a esté bien dit,
qu'on doit mettre entre les cas fortuits si le Prince
contreuient à sa promesse, & qu'il n'est pas à pre-
sumer au contraire. Voire il doit garder les pro-
messes & conuentions de ses predecesseurs, s'il
est leur heritier, ou bien si elles sont au bien & pro-
fit public. Aussi se peut-il releuer de ses promesses
& conuentions defraisonnables & malfaites, tout
ainsi & pour les mesmes causes, que les particu-
liers se font releuer par le benefice du Prince.

Il doit aussi se souuenir que combien qu'il soit
par dessus la loy (civile & humaine s'entend) com-
me le Createur par dessus sa creature: car la loy est
l'œuvre du Prince, laquelle il peut changer, &
abroger à sō plaisir, c'est le propre droit de la sou-

Mercur
Trism.

2.

Garder
les loix
de ses
super-
ieurs.

3.

Garder
ses pro-
messes.

4.

Obser-
uer les
loix.

ueraineté (si est-ce que cependant qu'elle est en vigueur & credit, il la doit garder, viure, agir & iuger, selon elle : & celuy seroit deshonneur & de tres-mauuais exemple d'aller au contraire, & comme se desmentir. Le grand Auguste pour auoir vne fois fait contre la loy en son propre fait, en pensa mourir de regret : Lycurgue, Agesilaus, Seleucus, ont donné de tres-nobles exemples en ceste part, & à leurs despens.

5.
Faire
iustice.

Tiercement, le Prince est debiteur de iustice à tous ses sujets: & doit mesurer la puissance au pied de la iustice. C'est la propre vertu du Prince vraiment Royal & principesque, donc iustement fut dit par vne vieille au Roy Philippe, qui dilayoit luy faire iustice, disant n'auoir le loisir, qu'il desistast donc & laissast d'estre Roy. Mais Demetrius n'en eut pas si bon marché, qui fut despoüillé de son Royaume par ses sujets, pour auoir ietté du pont en bas en la riuere plusieurs de leurs requestes, sans y auoir respondu & faict droit.

6.
Soi-
gner & me,
affect 6.
ner le
bien
public.

Enalement, le Prince doit aymer, cherir, veiller & auoir soin de son Estat, cōme le mary de sa femme, le pere de ses enfans, le pasteur de son troupeau ayant tousiours deuant les yeux le profit & le repos de ses suiets. L'heur & le bien de l'estat est le but & contentement d'un bon Prince, *ut respub. opibus firma, copiis locuples, gloria ampla, virtute honesta sit.* Le Prince qui s'arrete à soy s'abuse: car il n'est pas à soy, ny l'estat aussi n'est lié, mais il est à l'estat. Il en est biē le maistre, non pas pour maistriser, mais pour le maintenir. *Cui non ciuium seruitus tradita, sed tutela:* pour le soigner & veiller, afin que sa vigilance garde tous les suiets dormans, son

travail les fasse chommer, son industrie les maintienne en delices, son occupatiō leur donne vacations, & que tous les sujets sçachent & sentent qu'il est autant pour eux, que par dessus eux.

Pour estre tel & bien s'acquiter, il se doit porter, comme a esté dit bien au long au 2. & 3. ch. de ce liure, c'est à dire, faire & auoir prouisiou de bon conseil, de finances, & de forces dedans son Estat, d'alliance, & d'amis au dehors pour agir & commander en paix & en guerre, de telle sorte qu'il se fasse aymer & craindre tout ensemble.

Et, pour comprendre tout en peu de parolles; il doit craindre Dieu sur tout, estre prudent aux entreprises, hardy aux exploits, ferme en sa parole, sage en son conseil, soigneux des subiets, secourable aux amis, terrible aux ennemis, pitoyable aux affligez, courtois aux gens de bien, effroyable aux meschans, & iuste enuerstous.

Le deuoir des subiets est en trois choses, rendre l'honneur aux Princes comme à ceux qui portent l'image de Dieu, ordonnez & establis par luy, dōt sont tres-mal ceux qui en detractent & en parlent mal, engeance de Cham & Chanaam. 2. Rendre obeyllance sous laquelle sont cōpris plusieurs deuoirs, comme aller à la guerre, payer les tributs & imposts mis sous leur autorité. 3. Leur desirer tout bien & prosperité, & prier Dieu pour eux.

Mais la question est s'il faut tēdre cestrois droits generalement à tous princes, aux meschants, aux tyrans. La decisiō de cecy ne se peut faire en vn mot: il faut distinguer. Le Prince est tyran & meschant, ou à l'entrée, ou en l'exercice. Si à l'entrée, c'est à dire qu'il enuahisse la souueraineté par force

7.

8.

Deuoir
des su-
iets.

Exod. 12

Que-
stiō s'il
est per-
mis
d'atten-
ter à la
person-
ne du
tyran.
Double
tyran.
A l'en-
trée.

& de sa propre autorité sans droit aucun, soit-il au reste bon ou meschant (& c'est en ce sens que se doit prendre ce mot de tyran) c'est sans doute qu'il luy faut resister ou par voye de iustice, s'il y a tēps & lieu, ou par voye de fait: & y auoit anciennemēt entre le Grecs, dit Ciceron, loyers & honneurs decernez à ceux qui en deliuroient le public. Et ne se peut dire, que ce soit resister au Prince, ne l'estant encores ny de droit ny de fait, puis qu'il n'est receu, ny recogneu.

ii.
En l'exercice,
& ce en trois manieres.
De trois voyes cy dessus c.
4. au c. de la tyrannie & rebellion.

Si en l'exercice, c'est à dire, qu'il soit entré deuëment, mais qu'il commande indnēment, cruellement & meschammēt, c'est à dire, selō le iargō du vulgaire tyranniquement, il vient encores à distinguer. Car il peut estre tel en trois manieres, & à chacun y a aduis particulier. L'une est en violant les loix de Dieu & de nature, c'est à dire, contre la religion du pays, commandemens de Dieu, & forçant les consciences. Et en ce cas il ne luy faut pas rendre l'obeissance suiuant les axiomes saincts qu'il faut plustost obeyr à Dieu, qu'aux hommes, & plus craindre celuy qui a puissance sur l'homme entier, que ceux qui n'en ont que sur la moindre partie. Mais aussi ne se faut-il pas esleuer contre luy par voye de fait, qui est l'autre extremité, ains tenir la voye du milieu, qui est s'enfuyr ou souffrir, *fugere aut pati*, les deux remedes nommez par la doctrine de verité en telles extremitéz. 2. L'autre moins mauuaise, qui ne touche les consciences, mais seulement les corps & les biens, & en abusant des subiets, leur deniant iustice, rauissant la liberté des personnes, & la probité des biens. Auquel cas il faut avec patience & recognoissance de l'ire de

Dieu rendre les trois devoirs susdits , Honneur, Obeïssance, Vœux & Prières , & se souvenir de trois choses, que toute puissance, est de Dieu, & qui résiste à la puissance, résiste à l'ordonnance de Dieu *principi summum rerum iudicium Deo dederunt. Subditis obsequij gloria relicta est : bonos principes voto expetere. qualescumque tolerare* : & qu'il ne faut pas obéir au supérieur, pour ce qu'il est digne & digne-ment commande, mais pour ce qu'il est supérieur; non pour ce qu'il est bon, mais pour ce qu'il est vrai & légitime. Il y a bien grande différence entre vrai & bon, tout ainsi qu'il faut obéir à la loi non pour ce qu'elle est bonne & juste, mais tout simplement pour ce qu'elle est loi. 2. Que Dieu fait régner l'hypocrite pour les péchez du peuple, & l'impie au jour de sa fureur, que le méchant Prince est l'instrument de sa justice, dont le faut souffrir comme les autres maux, que le ciel nous envoie ; *quomodo Tacit. sterilitatem aut nimios imbres & cetera natura mala, sic luxum & avaritiam dominantium tolerare.* 3. Les exemples de Saül, Nabuchodonosor, de plusieurs Empereurs avant Constantin, & quelques autres depuis luy, méchants, tyrans au possible, auxquels toutes fois ces trois devoirs ont été rendus par les gens de bien , & enjoint de leur rendre par Prophètes & Docteurs de ces temps , iuxte l'oracle du grand Docteur de vérité, qui porte , d'obéir à ceux qui sont assis en la chaire, nonobstant qu'ils imposent fardeaux insupportables ; & qu'ils gouvernent mal.

La troisième concerne tout l'Estat quand il le veut changer, ruiner, le voulant rendre d'électif, héréditaire, ou bien d'Aristocratique ou Demo-

cratique le faire Monarchique ou autrement: en ce cas il luy faut résister, & l'empescher par voye ou de iustice, ou autrement: car il n'est pas maistre de l'Estat, mais seulement gardien & depositaire. Mais cet affaire n'appartient pas à tous, ains aux tuteurs de l'Estat, ou qui y ont interest, comme aux Electeurs és Estats electifs, aux Princes, parés és Estats hereditaires: aux Estats generaux, és Estats qui ont loix fondamentales: & c'est le seul cas auquel il est loisible de résister au tyran. Et tout cecy est dit des sujets, auxquels il n'est jamais permis d'attêter cō-non dirātre le Prince Souverain, pour quelque cause que ce soit, & est coupable de mort celuy qui attente, qui donne conseil, qui le veut & le pense seulement, disent les loix: Bien est-il permis à l'Estranger, voire c'est chose tres-belle & magnifique à vn Prince de prendre les armes pour venger tout vn peuple injustement opprimé, & le deliurer de la tyrannie. comme fit Hercules, & depuis Dion. Timoleon, & Tamerlan Prince des Tartares, qui defit Bajazet Turc assiegeant Constantinople.

I. Cogitationis ff. de poen.
I. Si quis non dicātre C. de la-crois. Ecc.

12. Examinationis des souverains apres leur mort.

Ce sont les devoirs des sujets envers leurs souverains vivans: mais c'est acte de iustice, apres leur mort d'examiner leur vie. C'est vne vñance iuste, tres-vtile, qui apporte de grandes commoditez aux nations où elles s'observe: & qui est desirable à tous bōs Princes, qui ont à se plaindre de ce qu'on traite la memoire des meschans comme la leur. Les Souverains sont compagnons, sinon maistres des loix: ce que la iustice n'a peu sur leurs testes. c'est raison, qu'elle l'ait sur leur reputation, & sur les biens de leurs successeurs. Nous devons la sujction & obeyssance esgalement à tous Rois, cas

elle regarde leur office : mais l'estimation & affection nous ne la devons qu'à leur vertu. Souffrons les patiemment tels & indignes qu'ils sont selon leurs vices, car leur autorité & l'ordre politique, où nous vivons, a besoin de nostre commun apuy : mais apres qu'ils s'en sont allez, ce n'est pas raison de refuser à la iustice, & à nostre liberté l'espression de nos vrais ressentimens : voire c'est un tres-bon & utile exemple que nous devons à la posterité, d'obeyr fidelement à un maistre, duquel les imperfections sont bien cognues. Ceux qui pour quelque obligation prinée, espousent la memoire d'un Prince meschant, font iustice particuliere au despens de la publique. O la belle leçon pour le successeur, si cecy estoit bien observé.

DEVOIR DES MAGISTRATS

CHAP. XVI.

LEs gens de bien en la republique aymeroient mieux iouir en repos du contentement, que les bons & excellens esprits se scaient donner en la consideration des biens de nature, & des effects de Dieu, qu'à prendre charges publiques, n'estoit qu'ils craignent d'estre mal gouvernez, & par les meschans : parquoy ils cōsentent estre Magistrats : mais de briguer, & poursuivre les charges publiques, mesmemēt de iudicature, c'est chose vilaine, condānée par toutes bonnes loix, voire des Payes, tesmoin la loy *Julia de ambitu* : indigne de personne d'hōneur & ne scauroit-on mieux s'en deciarer incapable. De les acheter est encores plus vilain

Pour-
quoy
on ac-
cepte le
Magi-
strat.

Lampri.

& puant, & n'y a point de plus sordide & vilaine marchandise que celle là: car il faut que celuy qui a acheté en gros, reuende en detail: dont l'Empereur Seuerus parlant contre telle faute dit que lon ne peut bien iustement condamner celuy qui vend ayant acheté.

2.

Prepara-
tion à
exercer
le Magi-
strat.

Tout ainsi que l'on s'habille, l'on se pare, & se met l'on en sa bien-seance auant sortir de la maison, & se monstrier en public: aussi auant que prendre charge publique, il faut en son priuë apprendre à regler ses passions, bien establir son ame. On n'amene pas au tournoy vn cheval neuf, n'y s'en sert on en affaire d'importance, s'il n'a esté dompté & appris auparauant: aussi deuant que se mettre aux affaires, sur la montre du monde, il faut dompter ceste partie de nostre ame farouche, luy faire ronger son frein: luy apprendre les loix & les mesures, avec lesquelles elle se doit manier en toutes occasions. Mais au rebours c'est chose piteuse & bien absurde, disoit Socrates, que bien que personne n'entreprenne d'exercer vn mestier & art mechanic, que premierement il ne l'aye appris: toutesfois aux charges publiques, & à l'ait de bien commander & bien obeyr; de gouverner le monde, le mestier plus difficile de tous, ceux y sont receus & l'entreprenent, qui n'y scauent du tout rien.

Descri-
ption
genera-
le du
Magi-
strat.

Les Magistrats sont personnes mixtes, & metoyennes entre le souverain & les particuliers, dont il faut qu'ils sçachent commander & obeyr, qu'ils sçachent obeyr au Souuerain; ployer sous la puissance des Magistrats superieurs à soy, honorer leurs égaux, commander aux subiets, defendre les
petits

petits, bien dit à propos, que le Magistrat descouvre la personne, ayant à iouer en public tant de personnages.

Pour le regard de son Souverain, le Magistrat selon la diuersité des mandemens doit diuersemēt se gouverner ou promptement, ou nullement obeyr, ou surseoir l'obeissance. 1. Aux mandemens, qui luy attribuent cognoissance, comme sont toutes lettres de iustice, & toutes autres où y a ceste clause ou equiualence (s'ils vous appert) ou bien qui sans attribution de cognoissance sont de soy iustes ou indifferentes, il doit obeyr, & luy est aisé de s'en acquiter sans scrupule. 2. Aux mandemens qui ne luy attribuoient aucune cognoissance, mais seulement l'exécution, comme sont lettres de mandement, s'ils sont contre le droit & la iustice civile, & qu'il y aye clause derogatoire, il doit simplement obeyr, car le Souverain peut derogar au droit ordinaire, & c'est proprement en quoy gist la souveraineté. 3. A ceux qui sont contraires au droit, & ne contiennent la clause derogatoire, ou bien qui sont contre le bien, & l'utilité publique, quelque clause qu'il y aye, ou bien que le Magistrat sçait estre faux & nuls, mal impetrez & par surprise; il ne doit en ces trois cas proprement obeyr: mais les tenir en souffrance, & faire remonstration vne ou deux fois, & à la seconde ou troisieme iussion obeir. 4. A ceux qui sont cōtre la loy de Dieu & de nature, il doit se mettre & quitter sa charge, voire souffrir tout, plustost que d'y obeyr ou consentir: & ne faut dire que là dessus pourroit y auoir du doute: car la iustice naturelle est plus claire que la splendeur du Soleil.

4.
Deuoirs
du Ma-
gistrat,
quant
au Sou-
uerain

Vu

5. Tout cecy est bon pour les choses à faire, mais apres qu'elles sont faictes par le Souuerain, tant melchantes qu'elles soyent, il vaut mieux les dissimuler, & d'en enseuelir la memoire que l'irriter, & perdre tout (comme fit Papinian). *frustra niti & nihil aliud, nisi odium querere, extrema demeritum est.*

Quant aux particuliers Pour le regard des particuliers subiects, les Magistrats se doiuent souuenir. 1. que la puissance qu'ils ont sur eux, ils ne l'ont qu'en depost, & la tiennent du Souuerain qui en demeure tousiours Seigneur & propriétaire, pour l'exercer durant le temps qui leur a esté prefix.

2. Le magistrat doit estre de facile accez, prest à ouyr & entendre toutes plaintes & requestes, tenant sa porte ouuerte à tous, & nes'absenter point, se souuenant qu'il n'est à soy, mais à tous, & seruiteur du public, *Magnus seruitus magna fortuna.* A ceste cause la loy de Moyse vouloit que les Iuges & les iugemens se tinssent aux portes des villes, afin qu'il fut aisé à chacun de s'y adresser.

3. Il doit aussi esgalement recevoir & escouter tous, grands & petits, riches & pauures, estre ouuert à tous, dont vn Sage le compare à l'autel, auquel on s'adresse, estant pressé & affligé, pour y recevoir du secours & de la consolation.

4. Mais ne se communiquer point à plusieurs, & ne se familiariser, si ce n'est avec fort peu, & iceux bien sages & sensez, & secrettement; car cela auilit l'autorité, trouble & relasche la fermeté & vigueur necessaire. Cleon appelé au gouuernement du public assembla tous ses amis; & renonça à leur amitié, comme incompatible avec sa charge,

Par dit Ciceron , celuy despoüille le personnage d'amy, qui soustient celuy de iuge.

Cic. l. 2.
Offic.
c. 1.

5. Son office est principalement en deux choses, soustenir & garder l'honneur, la dignité & le droit de son souverain, & du public qu'il represente: *gerere personam civitatis, eius dignitatem & decus sustinere*, avec auctorité & vne douce severité.

6. Puis comme bon & loyal truchement & officier du Prince faire garder exactement sa volonté: c'est à dire, la loy, de laquelle exacteur, & est sa charge de la faire observer à tous, dont il est appelé la loy viue, la loy parlante.

7. Combien que le Magistrat doive prudemment attrêper la douceur avec la rigueur, si vaut-il mieux vn Magistrat severe & rigoureux, qu'un doux, facile, & pitoyable: & Dieu défend d'avoir pitié en iugement. Le severe retiét les subiets en l'obeyssance des loix: le doux & pitieux fait mespriser les loix, & les Magistrats, & le Prince, qui a fait tous deux. Bref, pour bien s'acquitter de ceste charge, il faut deux choses, preud'hōmie & courage. Le premier a besoin du second. Le premier gardera le Magistrat net d'avarice, d'acceptiō de personnes, de presēs, qui est la peste & le bannissement de la verité, *Acceptatio munerum pro avaricatio est veritatis*, de corruptiō de la iustice, que Platō appelle vierge sacrée: aussi des passions de haine, d'amour & autres, toutes ennemies de droiture, & equité. Mais pour tenir bon contre les menaces des grands, les prieres importunes des amis, les cris & pleurs des misérables, qui sont toutes choses violentes, toutes-fois avec quelque couleur de raison & iustice, & qui emportent souvent les plus asseurez, il faut du

courage: C'est vne principale qualité & vertu de Magistrat, que la constance ferme & inflexible, afin de ne craindre les grands & puissans, & ne s'amollir à la misere d'autrui, & encore que cela aye quelque espece de bonté: mais il est defendu d'auoir pitié du pauvre en iugement.

DE VOIR DES GRANDS

& des petits.

CHAP. XVIII.

LE deuoir des grâds est en deux choses, prestet main forte & employer leurs moyens & sang à la manutention & conseruation de la pieté, iustice du Prince & de l'estat, & generalemēt du bien public, duquel ils doiuent estre les colonnes, le soutien, & puis à la defense & protection des petits affligez & opprimez, resistant à la violence des meschans: & comme le bon sang courir à la partie blessée, selon le prouerbe, que le bon sang, c'est à dire, noble & genereux ne peut mentir, c'est à dire, *Exod. 2* faillir, où il fait besoin. Par ce moyen Moïse se rendit capable d'estre le chef de la nation des Iuifs, entreprenant la deffense des iniuriez & foulez iniustement. Hercule fut deslé deliurant de la main des tyrans, les oppressez. Ceux qui ont fait le semblable ont esté dits heroës & demy-Dieux, & à tels tous honneurs ont esté anciennement decerneez, sçauoir est aux bien-meritans du public & libera-teurs des oppressez, Ce n'est pas grandeur de faire craindre & redouter, (sinon à ses ennemis) & faire trembler le monde, comme font aucuns, qui aussi se fōt haïr, *Oderint dum munitur*. Il vaut mieux

estre aimé qu'adoré. Celavient d'un naturel altier, fatouche, dont ils morguent & desdaignēt les autres hommes comme l'ordure & la voirie du monde, & comme s'ils n'estoient pas aussi hommes, & de là degenerent à la cruauté, & abusent des petits, de leurs corps & biens, chose toute contraire à la vraye grandeur & noblesse, qui en doit prendre la defense.

Le deuoir des petits enuers les grands est aussi en deux choses, les honorer & respecter non seulement par ceremonie, & cōtenance, qui se doit rendre aux bons & aux méchans, mais de cœur & d'affectiō, s'ils le meritēt & sont amateurs du public. Ce sont deux, honorer & estimer, deubs aux bons & vrayement grāds: aux autres ployer le genouil, faire inclination de corps non de cœur, qui est estimer & aimer. Puis par humbles & volontaires seruices leur plaire & s'insinuer en leurs graces.

Principibus placuisse viris non ultima laus est, & se rendre capables de leur protection. Que si l'on ne peut se les rendre amis; au moins ne les auoir pas pour ennemis: ce qui se doit avec mesure & discretion. Car trop ambitieusement decliner leur indignation, ou rechercher leur grace, outre que c'est témoignage de foiblesse, c'est tacitement les offenser & accuser d'iniustice ou cruauté. *Non ex professo cauere aut fugere: nam quem quis fugit, damnat;* ou bien leur faire venir l'enuie de l'exercer, & d'exceder, voyans vne si profonde & paoureuse submission.

DE LA FORCE TROISIEME

Vertu.

P R E F A C E.

LEs deux vertus precedentes reglēt l'homme en compagnie, & avec autrui: ces deux suivātes le reglēt en soy, & pour soy: regardent les deux visages de la fortune, les deux chefs & genres de tous accidens, Prosperité & Aduersité: car la force l'arme contre l'aduersité, la temperance le cōduit en la prosperité: moderent les deux parties brutales de nostre ame, la force regle l'irascible, la temperance la concupiscible. Toutes ces deux vertus pourroient estre comprises & entendues par ce mot de constance, qui est vne droite & equable fermeté d'ame, pour toutes sortes d'accidens & choses externes: par laquelle elle ne s'esleue pour la prosperité, ny ne s'abaisse pour l'aduersité, *Nec aduersis frangitur nec prosperis astat.*

DE LA FORCE OV VAILLANCE

en general.

CHAP. XIX.

1.
Des-
criptiō
de la
vaillan-
ce.

VAillance (car cette vertu est bien plus proprement dite ainsi, que force) est vne droite & forte assurance, equable & vniforme de l'ame à l'encontre de tous accidens dangereux, difficiles & douloureux: tellement que son obiet & la matiere, apres laquelle elle s'exerce, c'est la difficulté & le danger: Bref tout ce que la foiblesse humaine, peut craindre, *Timendorū contemptrix, quaterribilia,*

Et subiugum libertatem nostram mittentia despicit, pro- Senec,
uocat, frangit.

De toutes les vertus la plus en honneur & esti-
me, & la plus noble est cette-cy : laquelle par pre-
rogative est apelée simplement vertu. C'est la plus
difficile, la plus glorieuse qui produit de plus grâds
esclats, & excellens effets, elle comprend magna-
nimité, patience, constance, perséuerance, invinci-
ble, vertus heroïques, dont plusieurs ont recherché
les maux avec faim pour en venir à ce noble exer-
cice. Ceste vertu est le rempart imprenable, le har-
nois complet, l'armure acérée & à l'épreuve à
tous accidens, *Munimentum imbecillitatis humanae* Senec,
inexpugnabile: quod qui circum dedit sibi, securus in hac
vita obsidione perdurat.

2.
Sage-
cōman-
dation.

Mais pource que plusieurs se mescontent, & ima-
ginent des faulx & haïtardes vaillances, au lieu de
l'unique, vraye vertu, ie veux en expliquant plus au
long la nature & definition, secouer & rejeter les
erreurs populaires qui se fourrēt icy. Nous remar-
querons donc en ceste vertu quatre conditions. La
premiere, est generally & indifferemment
contre toutes sortes de difficultez & dangers, par-
quoy faillent ceux qui n'estiment autre vaillance
que la militaire, laquelle seule ils mettent en prix,
pource que peut-estre elle est plus pompeuse &
bruyante, & qu'elle apporte plus de reputation &
de gloire, qui est la langue & la trompette de l'im-
mortalité, car à vray dire il y a plus d'esclat & de
bruit, que de peine & danger. Or ce n'est qu'une
petite parcelle, & bien petit rayon de la vraye, en-
tiere, parfaite & vniuerselle, pour laquelle l'hom-
me est tel, seul, qu'en compagnie, en vn lit avec les

3.
Des im-
parfai-
tes ou
faulx
vaillan-
ces.
Vaillan-
ce mili-
taire.

douleurs, qu'au camp, aussi peu craignant la mort, en la maison qu'en l'armée. Cette militaire vaillance est pure & naturelle aux bestes, chez lesquelles elle est pareilles aux femelles qu'aux mâles, aux hommes elle est souvent artificielle, acquise par crainte & apprehension de captivité, de morts, de douleur, de pauvreté, de quels choses la beste n'a point de peur. La vaillance humaine est vne sage coïardise, vne crainte accompagnée de la science d'eiter vn mal par vn autre, cholere est la trempe & son fil, les bestes l'ont toute pure. Aux hommes aussi elle s'acquiert par l'usage, institution, exemple, coustumes, & se trouue és âmes basses & viles: de valet & facteur de boutique se fait bon & vaillant soldat, & souvent sans aucune teinture de la vertu & vraye vaillance Philosophique.

4. La seconde condition, elle presuppose cognoissance, tant de la difficulté, peine & danger, qu'il y a au fait qui se presente, que de la beauté honnesteté, iustice, & deuoir requis en l'entreprise ou soustenement d'iceluy. Parquoy faillent ceux, qui mettent vaillance en vne temerité inconsiderée, ou bien bestise & stupidité. *Non est inconsultat temeritas nec periculorum amor, nec formidabilium appetitio, diligentissima in tutela sui fortitudo est, & eadem patientissima eorum quibus falsa species malorum est.*

Senec. La vertu ne peut estre sans cognoissance & apprehension, l'on ne peut vrayement mespriser le danger, que lon ne sçait, si lon ne veut aussi recognoistre ceste vertu aux bestes. Et de fait ceux ordinairement qui entreprennent sans auoir apprehendé & reconnu, quand se vient au poinct de l'exécution le nez leur seigne.

4.
Temerité ou
stupidité.

Senec.

La troisièſme condition, c'eſt vne reſolution & fermeté d'ame, fondée ſur le deſoir, & ſur l'honneur & juſtice de l'entrepriſe, laquelle reſolution ne relâſche iamais, quoy qu'il aduienne, mais qui acheue genereuſement ou l'entrepriſe, ou la vie.

5.
Force
corporelle.

Contre ceſte condition faillent pluſieurs, premièrement & bien lourdement ceux qui cherchent ceſte vertu au corps, en la force, & roideur des membres. Or vaillance n'eſt pas qualité de corps, mais d'ame: fermeté non des bras & des iambes, mais du courage. L'eſtimation & le prix d'un homme conſiſte au cœur & à la volonté: c'eſt où giſt ſon vray honneur: & le ſeul aduantage & la vraye victoire ſur l'ennemy, c'eſt l'eſpouuenter & faire force à ſa conſtance & vertu: tous autres aduantages ſont eſtrangers & empruntez, roideur de bras & de iambes eſt qualité d'un porte faix: faire broncher ſon ennemy, luy faire ſiller les yeux à la lueur du Soleil, c'eſt un coup de la fortune. Celuy qui eſt ferme en ſon courage pour quelque danger de mort, ne relâſche rien de ſa conſtance & aſſurance: biẽ qu'il tombe, il eſt battu non de ſon aduerſaire, qui eſt poſſible en eſſet un poltron, mais de la fortune d'où il faut accuſer ſon malheur & n'õ ſa laſcherie: les plus vaillans ſont ſouuent les plus infortunez. Encores plus faillent ceux, qui s'eſmouuent & font cas de ceſte vaine & Traſonienne trongne de ces eſpouuantez vieillagues, qui par un port hautain, fiere contenance & parole braue, veulent acquerir bruit de vaillans & hardis, ſi on leur vouloit tant preſter à credit, que de les en croire.

Ceux auſſi qui attribuent la vaillance à la rufe & fineſſe, ou bien à l'art & industrie: mais c'eſt trop la

7.
Art &
industrie.

prophaner, que la faire ioüer vn roolle si bas & chetif. C'est desguiser les choses, & substituer vne faulxe pierre pour vne vraye. Les Lacedemoniens ne vouloient point en leurs villes des maistres, qui apprinssent à luitter: afin que leur ieunesse le sceust par nature & non par art. Noust enons pour hardy & genereux de combattre avec le Lion, l'Ours, le Sanglier, qui y vont selon la seule nature: mais non avec les mousches guespes, car elles vsent de finesse. Alexandre ne vouloit point iouer aux Olympiques, disant que la partie seroit mal faicte: pource qu'un particulier y pourroit vaincre, & un Roy y estre vaincu. Ainsi n'est-il bien seant qu'un homme d'honneur se fonde, & mette la preuue de valeur en chose, en laquelle vn poltron a appris en l'escole pour gagner. Car telle victoire ne viét de la vertu ny de courage, mais de quelque souplesse & mouuemens artificiels: esquels les plus vilains feront ce qu'un vaillant ne scauroit, ny ne se soucieroit de faire. L'escrime est vn tour d'art, qui peut tomber en personnes lasches & de neant. Et combien de vau-neans par les villes, & de coquins, tous prests à faire à coups d'espée & à se battre: s'ils voyoient l'ennemy, ils s'enfuyroient? Autant en est il de ce qui se fait par longue habitude & accoustumance, comme les coureurs, batteurs, mariniers qui feront choses hazardées plus hardiment, que les plus vaillans, y estans duits & stylez de ieunesse.

7. **Passion.** Finalement ceux qui ne gardans pas assez le motif & ressort des actions attribuent faulxement à la vaillance & vertu ce qui appartient & part de quelque passion ou intencion particuliere. Car com-

me ce n'est proprement vertu, ny justice d'estre loyal & officieux à l'édroit de ceux que l'on ayme particulièrement, ny temperance de s'abstenir de l'accointance voluptueuse de sa sœur ou de sa fille, ny liberalité à l'endroit de sa femme & enfans, aussi n'est-ce vraiment vaillance de s'exposer aux dangers pour son interest & satisfaction priuée & particuliere. Parquoy si c'est par auarice, comme les espions, pionniers traistres, marchans sur mer, soldats mercenaires; si par ambition & pour la reputation, pour estre veus & estimez vaillans, comme la plus part de nos gens de guerre, qui disent tout naïfvement en y allant, que s'ils pensent laisser la vie, ils n'yroient point: si par ennuy de viure en peine & douleurs, comme le soldat d'Antigonus, qui trauaillât & viuant en peine à cause d'une fistule, estoit hardy & s'eslançoit aux dangers, estant guarý les fuyoit: si pour fuyr honte, captiuité, ou quelque autre mal, si par fureur & boüillō de cholere, bref si par passiō ou cōsideration particuliere, cōme Ajax, Catilina, ce n'est vaillance ny vertu. *Sicut non martirē pœna, sic nec fortē pugna, sed causa facit.*

La quatriesme condition. Elle doit estre en son execution prudente & discrete, par où sont reiet- 8.
Indis-
cretion.
tée plusieurs faulces opinions en cette matiere, qui sont de ne se couvrir point des maux & inconueniens, qui nous menassent; n'auoir peur, qu'il nous surprennent, ne s'enfuyr, voir ne sentir point les premiers coups, cōme d'un tōnerre, d'une arquebusade, d'une ruine. Or c'est mal entendre: car moyennāt que l'ame demeure ferme, & entiere en son assiette & en son discours, sans alteration, il est permis de se remuer, ressentir au dehors. Il est permis,

voir loüable d'esquiver, gauchir, & se garantir des maux par tous moyēs & remedes honnestes: & où n'y a remedes, s'y porter de pied ferme. *Mens im-mota manet: lachryma voluntur inanes.* Socrates se mocque de ceux qui condamnoient la fuite, quoy, dit-il, seroit-cela scheté de les battre & vaincre, en leur faisant place? Homere loüe en son Ulysses la science de fuir: Les Lacedemoniens professeurs de vaillance en la iournée des Platées, reculerēt pour tant mieux rompre & dissoudre la troupe Persienne, qu'ils ne pouuoient autrement, & vainquirent. Cela ont pratiqué les nations plus belliqueuses. D'ailleurs les Stoiciens mesmes permettēt de pâlir & tremousser aux premiers coups inopinez, moyennāt que cela ne passe plus outre en l'ame, Il y a des choses qui sont iustement à craindre & fuir, cōme les naufrages, les foudres, & celles où n'y a de remede, ny lieu à la vertu, prudence, vaillance. Voicy de la vaillance en gros.

Propo-
sition &
partitiō
de ceste
matie-
re.

De la force ou vaillance en particulier.

Pour tailler la matiere & le discours de ce qui est icy à dire, ceste vertu s'occupe & s'employe cōtre tout ce que le mōde appelle mal. Or ce mal est double, externe & interne: l'un vient de dehors, on l'appelle d'une infinité de noms, diuersité, afflictiō, iniure, malheur, accident mauuais & sinistre: l'autre est au dedās en l'ame, mais causé par celuy de dehors: ce sōt les passiōs fascheuses de crainte, tristesse, cholere, & tant d'autres. Il nous faut parler de tous les deux, fournir remedes & moyens de les vaincre, domter & regler. Ce sont les argumēs & aduis de nostre vertu, de force & vaillance. Il y aura dōc icy deux parties, l'une des maux, ou mau-

uais accidens, l'autre des passions qui en naissent. Les aduis generaux contre toute fortune bonne & mauuaise ont esté dits cy-dessus : nous parlerons icy plus specialement & particulierement.

PREMIERE PARTIE DES
maux externes,

CHAP. XX.

NOus considerons ces maux externes en trois manieres, en leurs causes, ce qui se fera en ce chapitre, puis en leurs effects, finalement en eux-mesmes distinctement, & particulierement chacune espee d'iceux : Et par tout fournirons aduis & moyens de s'affermir par vertu contre iceux.

Les causes des maux & fascheux accidens, qui arriuent à vn chacun de nous, sont ou publiques & generales, quand en mesmestemps elles touchent plusieurs : comme Peste, Famine, Guerre, Tyrannie. Et ces maux sôt pour la pluspart fleaux enuoyez de Dieu, & du Ciel, au moins la cause propre & prochaine n'est pas aisée à cognoistre ; ou particulieres & cognuës, sçauoir par le fait d'autrui. Ainsi on fait deux sortes de maux, publics & priuez. Or les maux publics, c'est à dire, venans de cause publiques, encor qu'ils touchent vn chacun en particulier, sont en diuers sens & plus & moins grieus, poisons, & dangereux que les priuez, qui ont leur cause cognuë. Ils le sôt plus, car ils viennent à la foule, assaillent plus impetueusement avec plus de bruit : de tempeste & de furie : ont plus grande suite & trainée : sont plus esclattans, produisent plus de desordre & confusion. Ils le sont

F.
Distin.
tion &
compa-
raison
des
maux
par
leur
causes

moins : car la generalité & communauté semble rendre à chacun son mal moindre. C'est espece de soulas de n'estre seul en peine : l'on pense que c'est plustost malheur commun, ou le cours du monde, & que la cause en est naturelle, qu'affliction personnelle. Et de fait ceux que l'homme nous fait picquent plus fort, navrent au vif, & nous alterent beaucoup plus. Toutes les deux sortes ont leurs remedes & consolations.

Avis
contre
les
maux
publics.
Proui-
dence
desti-
née.

Contre les maux publics, il faut considerer de qui & par qui ils sont enuoyez, & regarder à leur cause. C'est Dieu, sa prouidence, de laquelle vient & dépend vne necessité absolüe, qui gouuerne & moderetout, à laquelle tout est suiet. Ce ne sont pas à vray dire, deux loix distinctes en essence, que la prouidēce, & la destinée, ou necessité, *ὁ θς οὐκ ἔστιν ἄλλος* ne sont qu'une. La diuersité est seulement en la consideration & raison differente. Or Gron-der & se tourmenter au contraire, c'est premiere-ment impiété telle, qu'elle ne se trouue point ail-leurs : car toutes choses obeyssent doucemēt, l'hō-me seul fait l'enragé. Et puis c'est folie : car c'est en vain & sans rien auancer. Si l'on ne veut suiure cet-te souveraine & absolüe maistresse de gré à gré, elle entrainera & emportera tout par force : *ad hoc sacra-mentum adacti sumus. ferre mortalia, nec perturbari ijs, quæ vitare nostra potestas non est, in vno nati sumus, deo parere libertas est.*

Desine fata deūm flecti spectare querendo.

Il n'y a point de meilleur remede, que de vou-loir ce qu'elle veut ; & selon l'avis de l'ageſſe faire de necessité vertu. *Non est aliud effugiū inecessitatis, quam velle quod ipsa cogat.* En nous voulāt elcimer

ou disputer contre elle, nous ne faisons qu'aigrir & irriter le mal. *Lato animo ferre quicquid acciderit quasi tibi volueris accidere: debuisses enim velle, si scisses ex decreto Dei fieri.* Outre que nous en aurons meilleur marché, nous ferons ce que nous devons, qui est de suivre nostre general & souverain, qui l'a ainsi ordonné. *Optimum pati, quod emendare non possis: & deum, quo auctor cuncta proueniunt, sine marmuratione comitari.* Malus miles est, qui imperatorem gemens sequitur. Et sans contester trouuer bon ce qu'il veut. C'est grandeur de courage de se donner à luy, *Magnus animus qui se Deo tradidit.* C'est lascheté & desertion, que gronder & disputer, pusillus & degener qui oblectatur, de ordine mundi male existimat, & emendare mauult Deum, quam se.

- Contre les maux priuez, qui nous viennent du fait d'autrui, & nous penetrēt plus, il faut premièrement 3.
Distinction. bien les distinguer, afin de ne se méconter. Il y a des plaisirs, il y a offēse. Nous receuons souuent des plaisirs d'autrui, qui toutesfois ne nous a point offēse de fait ny de volōté, cōme quād il nous a demandé ou refuté quelque chose avec raison, mais qui estoit lors mal à propos pour nous; de telles choses c'est trop grande simplicité de s'en fâcher, puisque ne sōt offēses. Or les offēses sont de deux sortes, les vnes trauerseient nos affaires cōtre equité, c'est nous faire tort: les autres s'adressēt à la persōne, qui est par elle méprisée & traitée autrement qu'il n'appartient, soit de fait ou de parole. Celles-ci sōt plus aigres & plus difficiles à supporter, que toute autre sorte d'affliction. 4.
Des maux priuez.

Le premier & general aduis contre toutes ces sortes de maux est d'estre ferme & resolu à ne se laisser aller à l'opinion commune, mais considerer Aduis contre iceux en general.

sans passion ce que portent & poisent les choses, selon verité & raison. Le monde se laisse persuader & mener par impression. Combien en y a il qui font moins de cas de recevoir vne grande playe, qu'un petit soufflet, plus de cas d'une parole, que de la mort: Bref tout se mesure par opinion, & l'opinion offense plus, que le mal, nostre impatience nous fait plus de mal, que ceux, desquels nous nous plaignons.

5.
Particu-
liers ti-
rez de
nous
mesmes

Les autres plus particuliers aduis (& remedes, se tirent premierement de nous mesmes, & c'est où il faut premierement ietter ses yeux & sa pensée. Ces offenses prétendues naissent peut-estre de nos defauts, fautes & foiblesse. C'en est peut-estre qu'une gosserie fondée sur quelque defaut, qui est en nostre personne, que quelqu'un veut contre-faire par moquerie. C'est folie de se fâcher & se soucier de ce qui ne vient pas de sa faute. Le moyen d'oster aux autres occasions d'en faire leurs contes, est d'en parler le premier, & montrer que l'on le sçait bien: si c'est de nostre faute, que l'injure a pris sa naissance, & qu'auons donné occasion à cet affront: pourquoy nous en courroucerons-nous: ce n'est pas offense, c'est correction, laquelle il faut recevoir & s'en servir comme d'un chastimēt. Mais bien souuent elle vient de nostre propre foiblesse, qui nous rend trop doüillet. Or il se faut défaire de toutes ces tendres delicateſſes, qui nous font vivre mal à nostre aise, mais d'un courage massé, fort & ferme mesprier & fouler aux pieds les indiscretions & folies d'autrui. C'en est pas signe qu'un homme soit sain, quand il s'escrie à chaque fois qu'on le touche. Jamais vous ne serez en repos.

VOUS

Vous vous formalisez de tout ce qui se presente.

Ils se tirent aussi de la personne, qui offense. Re-
 presentons nous en general les mœurs, & humeurs
 des personnes, avec lesquelles il nous faut viure
 au monde. La pluspart des hommes ne prend plai-
 sir qu'à mal faire, ne mesure sa puissance que par
 le desdain & iniure d'autrui. Tant peu y en a qui
 prennent plaisir à bien faire. Il faut d'oc faire estat,
 que de quelque costé que nous nous tournions,
 nous trouverons qui nous heurtera & offensera, par
 tout où nous trouverons des hommes, nous trou-
 verons des iniures. Cela est si certain & si neces-
 saire, que les Legislateurs mesmes, qui ont vou-
 lu regler le commerce, & les affaires du monde, ont
 conuié & permis en la iustice distributive & com-
 mutative plusieurs passedroits. Ils ont permis de se
 decevoir & blesser iusques à la moitié de iuste prix.
 Ceste necessité des'entreheurter & offenser vient
 premierement de la contrariété & incompatibili-
 té d'humeurs & de volonte. D'où vient que l'on
 s'offense, sans le vouloir faire. Puis de la concu-
 rence & opposition des affaires, qui porte que le
 plaisir, profit & bien des vns, est le desplaisir, dom-
 mage, & mal des autres : & ne se peut faire autre-
 ment, suyuant ceste commune & generale pein-
 ture du monde, si celuy qui nous offense est vn in-
 solent, fol, & temeraire (comme il est, car vn hom-
 me de bien ne fait iamaistort à personne) pourquoy
 vous plaignez-vous, puis qu'il n'est non plus à soy
 qu'un insensé ? vous suportez bien d'un furieux
 sans vous plaindre, voire en avez pitié, d'un bouf-
 fon, d'un enfant, d'une femme, vous vous en riez :
 un fol, yurongne, colere, indiscret ne vaut pas

6.

De ceux
 qui of-
 fencent,

X x

LIVRE TROISIEME.

691

iniures n'arriuent point iusques à luy : Ioint qu'il ny aura celuy, qui n'estime l'agresseur meschant & luy pour homme de bien, ne meritant tel outrage. Quant à celuy qui vous a offensé, si vous le iugez impertinent & mal sage, traitez le comme tel, & le laissez-là: s'il est autre excusez le, presumez qu'il en a eu occasion, que ce n'a pas esté par malice, mais par inaduertance & mesgarde: il en est fasché luy-mesme. Et voudroit ne l'auoir pas fait. Encores diray-je, que cōme bons mesnagers nous deuons faire nostre profit, & nous seruir de la commodité, que nous presentent les iniures & offenses. Ce que nous pouuons pour le moins en deux sortes qui regardent l'offensant & l'offencé. L'une qu'elles nous font cognoistre ceux, qui nous les font, pour les fuir vne autrefois. Tel a mesdit de vous, concluez il est malin: & ne vous fiez plus à luy. L'autre qu'elles nous montrent nostre infirmité & l'endroit par lequel nous sommes battables, afin de le remparer; amender le defaut, afin qu'un autre n'aye sujet de nous en dire autant ou plus. Quelle plus belle vengeance peut-on prendre de ses ennemis, que de profiter de leurs iniures, & en conduire mieux & plus seurement ses affaires.

*DES MAUX EXTERNES CONSIDEREZ
en leurs effets & fruits.*

CHAP. XXI.

A Pres les causes des maux venons aux effects & fruits, où se trouueront aussi des vrayes an-

X x ij

Effets
gene-
raux
tres.
vtile.

tidotes & remedes. Ces effets sont plusieurs, sont grands, sont generaux & particuliers. Les generaux regardent le bien, maintien, & culture de l'univers. Premièrement, le monde s'estoufferoit, se pourriroit & perdrait, s'il n'estoit changé, remüé, & renouüelé par ces grands accidens de peste, famine, guerre, mortalité, qui moissonnent, taillent, esmondent: afin de sauver le reste, & mettre le total plus au large, à l'aise. Sans iceux l'on ne pourroit icy se remuer ny demeurer. D'avantage outre la variété, vicissitude & changement alternatif, qu'ils apportent à la beauté & ornement de cet Univers, encores toute partie du monde s'accommode. Les barbares & farouches sont polies & policées, les arts & sciences sont respanduës & communiquées à tous. C'est comme en vn grand plantier, auquel certains arbres sont transplantez, d'autres entez, autres coupez & arrachez, le tout pour le bien & la beauté du verger. Ces belles & uniuerfelles considerations doiuent arrester & accoiser tout esprit raisonnable & honneste, & empêcher que l'on ne trouue ces grands & esclattās accidens si estranges & sauvages, puis que ce sont œuvres de Dieu & de nature, & qu'ils font vn si notable seruice au gros & general du monde: car il faut penser que ce qui semble estre perte en vn endroit, est gain en l'autre. Et pour mieux dire rien ne se perd; mais ainsi le monde change & s'accommode. *Vir sapiens nihil indignetur sibi accidere, sciatque illa ipsa, quibus lædi videtur, ad conseruationem vniuersi pertinere, & ex his esse, quæ cursum mundi officiumque consummant.*

2.

Les particuliers sont diuers selon les diuers es-

prits & estats de ceux qui les reçoivent, car ils exercent les bons, releuent & redressent les tombez, deuoyez, punissent les meschans. De chacun vn mot: car il en a esté traité ailleurs. Ces maux externes sont aux bons vn tres-vtile exercice & tres-belle escole, en laquelle (comme les Athletes & Escrimeurs, les Mariniers en la tempeste, les Soldats aux dangers, les Philosophes en l'academie, & toutes autres sortes de gens en l'exercice serieux de leur profession) ils sont instruits, duits, faits & formez à la vertu, à la constance & vaillance, à la victoire du monde & de la fortune. Ils apprennent à se cognoistre, ils s'essayent & voyent la mesure de leur valeur; la force & portée de leurs reins; iusques où ils doiuent esperer & promettre d'eux mesmes, puis s'encouragent & s'affermissent à mieux, s'accoustument & s'endurcissent à tout, se rendent resolus, determinez, inuincibles, ou au contraire le long calme de la prosperité les relasche, r'amollit, & apokronnit. Donc disoit Demetrius, qu'il n'y auoit gens plus miserables, que ceux qui n'auoient iamais senty de trauerse & d'affliction, appellant leur vie la mer morte.

Particuliers, diuers.
Voyez le 1. des 3. veritez. c. II. Exercice.

Aux fautiers & delinquans, vne bride pour les retenir & empescher qu'ils ne bronchent: ou vne reprimande & verge paternelle apres leur cheute, pour les y faire penser & souuenir: afin de n'y retourner plus. C'est vne saignée & medecine, ou preseruatue pour diuertir & destourner les fautes qu'elles n'arriuent: ou purgatiue pour les nettoyer & expier.

3.
Medecine & chastiment.

Aux meschans & perdus punition, vne faucille pour les couper & enleuer, ou les atterrer pour

4.
Suppliee.

Xx. iij.

trainer encores & languir miserablement. Or voilà de tres-salutaires & bien necessaires effects, qui merite bien que non seulement on ne les estime plus maux, que lon les recoiue doucement en patience & en bonne part, comme exploits de la iustice diuine: mais que lon les embrasse comme gages & instrumens du soin de l'amour & prouidence de Dieu, que lon en fasse profit, suivant l'intention de celuy qui les enuoye & departit comme il luy plaist.

DES MAUX EXTERNES EN
eux mesmes & particulièrement.

ADVERTISSEMENT.

Tous ces maux, qui sont plusieurs & diuers, sont priuatis de biens, comme aussi porte le nom & le naturel de mal. Autant donc qu'il y a de chefs de biens, autant y a-il de chefs de maux. Lon Au l. I. Nu. les peut reduire & comprendre au nombre de sept. Maladie, douleurs, ie mets ces deux en vn, Captiuité, Bannissement, Indigence, Infamie, Perte d'amis, Mort, qui sont priuations de Santé, Liberté, Patrie, Moyens, Honneurs, Amis, Vie, desquels a esté parlé cy-dessus au long. Nous chercherons donc icy les antidotes & remedes propres & particuliers contre ces sept chefs de maux, & briefuement sans discours,

DE LA MALADIE ET DOULEUR

CHAP. XXII.

NOus auons dit cy-dessus, que la douleur est le Liure:
 plus grād, & à vray dire le seul mal essentiel, 19.
 qui se fait plus sentir, & on y a moins de remedes &
 d'aduis. Toutesfois en voicy quelques-vns qui re-
 gardent la raison, la iustice, l'vtilité, l'imitation, &
 ressemblance aux grands & illustres.

C'est vne commune necessité d'endurer: ce n'est
 pas raison de faire pour nous vn miracle. Il ne se
 faut pas fascher, s'il aduient à quelqu'un, ce qui
 peut aduenir à chacun.

C'est chose aussi naturelle: nous sommes nez à
 cela, en vouloir estre exempt est iniustice. Il faut
 souffrir doucement les loix de nostre condition.
 Nous sommes pour vieillir, affoiblir, doulouir, estre
 malades: il faut apprendre à souffrir ce que l'on ne
 peut euit.

Si elle est longue: elle est legere & moderée: c'est
 honte de s'en plaindre, si elle est violente, elle est
 courte, & met tost fin ou à soy, ou au patient, qui
 reuient presque tout à vn. *Confide, summus non ha-*
bet tempus dolor; Si grauis, breuis: si longus leuis.

Et puis c'est le corps qui endure: ce n'est pas
 nous qui sommes offensez, car l'offence diminue
 de l'excellence & perfection de la chose: & la ma-
 ladie ou douleur, tant s'en fait qu'elle diminue,
 qu'au rebours elle sert de sujet & d'occasion à vne
 patience loüable, plus beaucoup que la santé & ou-

il y a plus d'occasion de louange, il n'y a pas moins de bien. Si le corps est instrument de l'esprit qui se plaindra, quand l'instrument s'y fera en servant celui à qui il est destiné? Le corps est fait pour servir à l'esprit. Si l'esprit s'affligéoit pour ce qui arrive au corps, l'esprit servirait au corps. Celui-là ne feroit-il pas trop délicat, qui crieroit & huëroit, pource que l'on luy auroit gasté sa robe? que quelque espine la luy auroit accrochée? quelque vn en passant la luy auroit deschirée? Vn vil frippier, peut estre s'en plaindroit, qui en voudroit faire son profit: mais vn grand & riche s'en riroit, & ne feroit compte, comparant ceste perte au reste des biens qu'il a. Or ce corps n'est qu'une robe empruntée, pour en faire paroistre pour vn tēps nostre esprit sur ce bas & tumultuaire theatre, duquel seul de nous faire cas, & procurer son honneur & son repos. Et d'où vient que l'on souffre avec tāt d'impatience la douleur! c'est que l'on n'est pas accoustumé de chercher son contentement en l'ame, *non assueverunt animo esse contenti, nimium illis cum corpore fuit.* L'on a trop de cōmerce avec le corps, il semble que la douleur s'en orgueillisse, nous voyans trembler sous elle.

5. Elle nous apprend à nous degouter de ce qu'il nous faut laisser, & à nous déprendre de la piperie de ce monde, service tres-notable.

6. La ioye & le plaisir de la santé recourée, apres que la douleur aura fait son cours, ce sera comme vne lumiere belle & claire, tellement qu'il semble que nature nous ait presté la douleur, pour l'honneur & service de la volupté, & de l'indolence.

7. Or sus donc, si la douleur est mediocre, la patien-

ce sera facile: si elle est grande, la gloire le sera aussi, si elle semble de trop dure, accusons nostre mollesse & lascheté: si peu y en a qui se puissent souffrir, soyons de ce peu. N'accusons nature de nous avoir fait trop foibles: car il n'en est rien: mais nous sommes trop delicats. Si nous la fuyons, elle nous suiura; Si nous nous rendons à elle laschemēt & nous laissons vaincre, nous n'en serons traittez que plus rudement, & le reproche nous en demeurera. Elle nous veut faire peur, tenons bon, & qu'elle nous trouue plus resolu, quelle ne pense. Nostre tendreur luy apporte ceste aigreur & durescé, *stare sidenter, non quia difficilia non audemus: sed quia non audemus, difficilia sunt.*

Mais afin que l'on ne pense pas que ce soient de beaux mots de rhétorique, mais que la pratique en est impossible, nous avons les exemples tant frequens, & tant riches non seulement d'hommes: mais de femmes & enfans; qui non seulement ont soustenu de longues & douloureuses maladies, avec tant de constance, que la douleur leur a plüstost emporté la vie que le courage: mais qui ont attendu, ont supporté avec gayeté, voire ont cherché les grandes douleurs & les exquis tourmens. En Lacedemone les ieunes enfans s'entre-foient-toient viurement, quelquesfois iusques à la mort, sans montrer en leur visage aucun ressentiment de douleur, pour s'accoustumer à endurer pour le pays. Le page d'Alexandre se laissa brusler d'un charbon sans faire frime aucune ny contenance de se plaindre, pour ne troubler le sacrifice: & un garçon de Lacedemone se laissa ronger le ventre à un renard, plüstost que descouvrir son larrecin.

Pompée surpris par le Roy Gentius, qui le vouloit cōtraindre de deceler les affaires publiques de Rome, pour monstrier qu'aucun tourment ne le luy feroit dire il mit luy-mesme le doigt au feu, & le laissa brusler iusques à ce que Gétius mesmes l'en retira: pareil cas auoit auparauāt fait Mutius deuant vn autre Roy. Porfenna, & plus que tous a enduré le bon vieil Regulus des Carthaginois. Mais sur tous est Anaxarque, qui demy brisé dedās les mortiers du Tyran, ne voulut iamais confesser que son esprit fut touché de tourment, pillez, broyez tout vostre saoul, le sac d'Anaxarque, car quant à luy vous ne le sçauriez blesser.

DE LA CAPTIVITE OV PRISON.

CHAP. XXIII.

Ceste affliction n'est plus rien, & est trop aisée à vaincre apres ce qui a esté dit de la maladie & de la douleur. Car ceux-cy ne sōt presque point sans quelque captiuité au liēt, en la maison, en la gesne: & encherissent beaucoup au dessus d'icelle: toutesfois deux ou trois mots d'elle. Il n'y a que le corps, la manche, la prison de l'ame qui est captiue: l'esprit, demeure tousiours libre & à soy en despit de tous, comment sçait-il, & peut-il sentir qu'il est en prison, puis qu'aussi librement, & encores plus, il peut s'esgayer & promener où il voudra. Les murs & la closture de la prison est bien trop loin de luy pour le pouuoir enfermer. Le corps qui le touche & luy est cōjoinct ne le peut tenir ny arrester. Celuy qui sçait se maintenir en sa libe-

té & vser de son droit, qui est de n'estre pas enfermé mesmes dedans ce monde: se mocquera de ces chetives barrières, *Christianus etiam extra carcerem saculo renuntiavit in carcere etiam carceri: nihil interest ubi sis in saculo, qui extra saculum estis, aufe-* Tertul.
ramus carceris nomē, secessum vocemus & si corpus includitur, caro detinetur, omnia spiritui patent, totum hominem animus circumfert, & quō vult transfert.

La prisō a receu benignemēt en sō sein plusieurs grāds & saints personnages: a esté l'asyle, le port de salut, la fortēresse à plusieurs, qui se fussent perdus en liberté, voire qui ont eu recours à elle pour estre en liberté, l'ont choisie & espousée pour vivre en repos, & se deliurer du monde, *ē carcere in custodierum translati*: Ce qui est clos & fermé sous la clef est biē mieux gardé. Il vaut mieux estre enfermé sous la clef, qu'estre cōtraint & serré par tāt de lacs & de ceps diuers, dōt le mōde est plein, les places publiques, les palais, les cours des grands, que le tracās & tumulte des affaires apporte, les procez, les enuies, malices, humeurs espineuses & violētes, *Si recogitemus ipsum magis mundū carcerem esse, exisse* Tertul.
nos ē carcere, quā in carcerem introisse intelligemus, maiores tenebras habet mundus quā hominū precordia excæcant, grauiores catenas induit, quā ipsas animas constringunt, peiores immūditias expirat libidines hominū, plures postremō reos continet vniuersum genus hominū.
 Plusieurs se sont sauuez de la main de leurs ennemis de grand dangers & miseres par le benefice de la prison. Aucuns y ont composé des liures, s'y sont fait sçauans & meilleurs, *Plus in carcere spiritus acquirit, quā caro amittit*. Plusieurs, que la prison apres auoir gardé & preserué vn temps a y om̃y

& enuoyé aux premieres & souveraines dignitez, monté & assis aux plus hauts sieges du monde: d'autres elle a exhalé au ciel & n'en a receu aucun qu'elle n'aye rendu.

DV BANNISSEMENT ET EXIL.

CHAP. XXIV.

1. **E**Xil est vn changement de lieu, qui n'apporte aucun mal sinon par opinion: & est vne plainte & vne affliction purement imaginaire car selon raison il n'y a aucun mal: par tout, tout est de mesme: ce qui est compris en deux mots, Nature & Vertu. *Duo quæ pulcherrima sunt, quocunque nos morimur, sequuntur. Natura communis & propria Virtus.*
2. **Nature.** Par tout se trouue la mesme nature commune, mesme ciel, mesmes elemens. Partout le ciel & les estoiles nous paroissent en mesme grandeur, estendue, & c'est cela qui est principalement à considerer, & non ce qui est dessous & foulons aux pieds. Aussi ne pouuons nous voir de terre que dix ou douze lieues d'une veüe. *Augustus animus, quæ terrenæ delectant.* Mais la face de ce grand ciel azuré, paré, & contrepointé de tant de beaux & reluisans diamans, se montre tousiours à nous: afin que le puissions tous voir, il tourne continuellement au tour de nous. Il se montre tout à tous & en tous endroits: en vn iour, en vne nuit. La terre qui avec les mers & tout ce qu'elle embrasse, n'est pas la cent soixantième partie de la grandeur du Soleil, ne se montre à nous qu'à l'endroit ou nous l'habitons: mais encores ce changement du plan,

cher de dessous n'est rien. Qu'importe estre nay en vn lieu & viure en vn autre? Nostre mere pouuoit accoucher ailleurs: c'est rencontre que nous naissons çà ou là. Dauantage toute terre porte, produit, & nourrit des hommes: fournit tout ce qui est necessaire. Toute terre porte des parens: la nature nous a tous conjoints de sang & de charité. Toute terre porte des amis, il n'y a qu'à en faire, & se les consilier par vertu & sagesse. Toute terre est pays à l'homme sage: ou plustost nulle terre ne luy est pays. C'est se faire tort, c'est foiblesse & bassesse de cœur de se porter ou penser estrange en quelque lieu. Il faut vser de son droit, & partout viure comme chez soy & sur le sien, *omnes terras tanquam suas videre & suas tanquam omnium.*

Et puis quel changement ou incommodité nous apporte la diuersité du lieu. Ne portons-nous pas 3. Vertus. toujours nostre mesme esprit & vertu? Qui peut empescher, disoit Brutus, que le banny n'emporte avec soy ses vertus? L'esprit ny la vertu n'est point subiet ou enfermé en aucun lieu, est partout esgalement & indifferemment, l'honneste homme est citoyen du monde, libre, franc, joyeux & content partout, toujours chez soy, en son quarré, & toujours mesme, encores que son estuy se remuë & tracasse: *animus sacer & aternus ubique est, diis cognatus, omni mundo & aeo par.* C'est estre chez soy, & en son pays partout, où l'on se trouue bien. Or se trouuer bien ne depend point du lieu, mais de soy-mesme.

Combien de gens se sont bannis volontairement pour diueres considerations: combien d'autres, 4. Exemples. qui s'estans bannis par violence d'autrui, puis

apres rappelez n'ont point voulu retourner, & ont eu leur exil, non seulement tolerable, mais doux & voluptueux: & n'ont pensé auoir vescu, que le temps qu'ils ont esté bannis, comme ces generaux Romains, Rutilius. Marcellus? Combien d'autres ont esté tirez par la main de la bonne fortune hors leurs pays, pour estre grands & puissans en terre estrangere?

DE LA PAUVRETE', INDIGENCE, perte de biens.

CHAP. XXV.

Ceste plainte est du vulgaire sot miserable, qui met aux biens de la fortune son souverain bien, & pense que la pauvreté est un tres-grand mal. Mais pour montrer ce qui en est, il y a double pauvreté, l'une extreme, qui est disette & defect des choses necessaires & requises à nature; cette-cy n'arrive presque jamais, est à nature si equitable & nous ayant formé de ceste façon, que peu de choses nous sont necessaires, & icelles se trouvent partout, ne manquent point. *Parapile est quod natura desiderat, & expositum*, ny encores gueres celles qui sont à suffisance, & regardent l'usage moderé, & le condition d'un chacun. *Ad manum est, quod sat est*. Si nous voulons viure selon nature & raison, son desir, & la regle, nous trouverons tousiours ce qu'il nous faut. Si nous voulons viure selon l'opinion, nous ne le trouverons jamais. *Si ad naturam vivas nunquam eris pauper, si ad opinionem nunquam dives ex ignum natura desiderat: opinio immensum*. Et puis un homme qui a un art ou science, voire à qui

1. Pauvre-
té dou-
ble.
1. Disette
des cho-
ses ne-
cessai-
res.

seulement les bras demeurent de reste, doit il craindre ou se plaindre de ceste pauvreté.

L'autre est faulx des choses, qui sont outre la suffisance requise à la pompe, volupté, delicateſſe. C'est vne mediocrité & fragilité: & c'est à vray dire celle que nous craignons, perdre nos riches meubles, n'avoir pas vn liſt mollet, la viande bien apprestée, estre priué de ses commoditez, en vn mot, c'est delicateſſe qui nous tient, c'est nostre vraye maladie. Or ceste plainte est iniuste; car telle pauvreté est plus à souhaiter qu'à craindre: aussi estoit elle demādee par le Sage, *mendicitatem nec diuitias, sed necessaria*. Elle est bien plus iuste, plus riche, plus douce, paisible & assurée, que l'abondance, que l'on desire tant: plus iuste; l'homme vient nud; *ne monascitur dives*; & s'en retourne nud de ce mode: peut-il dire quelque chose vrayemēt sienne de ce qu'il n'apporte n'y n'emporte avec soy? les biens de ce monde sont comme les meubles d'une hôtellerie. Nous ne nous en devons soucier que tant que nous y sommes: & en auōs besoin. Plus riche: c'est vn Royaume, vne ample Seigneurie, *Magna diuitia lege natura composita paupertas. Magnus quaestus pietas cum sufficientia*. Plus paisible & assurée: elle ne craint rien, se peut defendre soy-mesme contre tous ses ennemis: *etiam in obsessa via paupertas pax est*. Vn petit corps qui se peut recueillir & couvrir sous vn bouclier, va bien plus seurement que ne fait vn bien grand, qui est descouvert & opportun aux coups. Elle n'est sujette à recevoir de grands dommages, ny charges de grands traux. Dont ceux qui sont en cet estat sont toujours plus gais & joyeux: car ils n'ont pas tant de

Prou. 30

Loüange de la suffisance.

1. Tim. 6

foucy, & craignent moins la tempeste. Ceste telle poureté est deliure gaye, asseurée, nous red vrayement maistres de nos vies, dõt les affaires, le querelles, les procez, qui accompagnent necessairement les richesses emportent la meilleure partie. Hé quels biens sont celà, d'où nous viennent tant de maux ? Qui nous fait endurer des iniures, qui nous rend esclaves, qui trouble le repos de l'esprit, qui apporte tant de ialousies, soupçons, craintes, frayeurs, desirs ? Qui se fasche de la perte de ses biens, est bien miserable: car il pert & les biens & l'esprit tout ensemble. La vie des pauvres est semblable à ceux qui nauigent terre à terre: celle des riches à ceux qui se iettent en pleine mer. Ceux-cy ne peuvent prendre terre, quelque enuie qu'ils en ayent: il faut attendre le vent & la marée: ceux-là viennent à bord quand ils veulent.

3. Finalement, il se faut représenter tant de grands & genereux personnages, qui se sont ris de telles pertes, voire l'ont pris à leur aduantage, & ont remercié Dieu, comme Zenon apres son naufrage, les Fabrices, les Serrans, les Curies. Ce doit bien estre quelque chose d'excellent & diuin, que la paureté, puis qu'elle conuient aux Dieux imaginez nuds, puis que les Sages l'ont embrassée, au moins l'ont souffert avec grand contentement. Et pour acheuer en vn mot, entre personnes non passionnées eile est louable, mais entre quels que ce soit, elle est supportable.

DE L'INFAMIE.

CHAP. XXVI.

Cette affliction est de plusieurs sortes. Si c'est priuation ou perte d'honneurs & dignitez, c'est vn grand gain: les dignitez ne sont qu'honorables seruitudes, par lesquelles lon se priue de soy-mesme pour se donner au public. Les honneurs ne sont que flambeaux d'enuie, ialousie, & en fin exil, & pauureté. Qu'on repasse par la memoire l'histoire de toute l'antiquité, l'on trouuera que tous ceux qui ont vescu & se sont portez dignement & vertueusement, ont acheué leur course, ou par exil ou par poison, ou par autre mort violente: tesmoin entre les Grecs Aristides, Themistocles, Phociô, Socrates: à Rome Camille, Scipion, Cicéron, Papinian: entre les Hebreux les Prophetes: tellement que c'est la liurée des plus honnestes homes, c'est la recompense ordinaire du public à telles gens. Si pour vn mauuais bruit commun & opinion populaire, tout galand homme doit mespriser cela, & n'en faire mise ny recepte, celuy se dégrade & declare n'auoir aucunement profité en l'estude de sagesse, qui fait cas & se soucie des iugemens, bruits, & paroles du peuple. Soit en bien ou en mal.

DE LA PERTE D'AMIS.

CHAP. XXVII.

IE comprends, icy parens, enfans, & toutes cheres personnes. Premieremēt, faut sçauoir sur quoy est fondée cette plainte ou affliction pretendue,

Y y

sur leur interest ou sur le nostre. Sur le leur? ie me doute que nous dirons, ouy: mais il ne nous en faut pas croire. C'est vne ambitieuse feinte de pieté, par laquelle nous faisons mine de plaindre & nous douloir du mal d'autrui, du dōmage public: mais si nous tirons le rideau, sondons bien au vif, se trouuera que c'est le nostre particulier, qui est enuelpé, qui nous touche. Nous plaignons nostre chandelle, qui s'y brule & s'y consume, ou est en danger. C'est plustost vne espee d'enuie, que de vraye pieté: car ce que nous lamentons tant sous le mot de la perte de nos amis, de leur absence, & esloignement de nous, c'est leur vray & tres-grand bien: *mœrere hoc euentum inuidi magis quàm amici est.* Le vray vsage de la mort, c'est mettre fin aux miseres. Si Dieu eust fait nostre vie plus heureuse, il l'eust faite plus longue.

2. C'est donc à vray dire sur nostre interest, qu'est fondée ceste plainte, ceste affliction. Or cela est desia messeant; c'est espee d'iniure d'auoir regret au repos de ceux qui nous ayment, pource que nous en sommes incommodez. *Suis incommodis angere non amicum, sed ipsum amantis est.*

3. Apres il y a à cela vn tres-bon remede, que la fortune ne nous peut oster, c'est que suruiuans à nos amis nous auons moyen d'en faire d'autres: l'amitié est aysee à aquerir. Dieu fait les hommes, & les hommes font les amis. A qui la vertu ne manque point, les amis ne manqueront iamais: c'est l'instrument avec lequel on le fait, & avec lequel quand on a perdu les anciens, on en refait des nouveaux. La fortune nous a elle osté nos amis, faisons en de nouveaux: par ce moyen nous ne les aurons pas perdus, mais multipliez.

DE LA MORT.

IL en a esté tant au long & en tout sens parlé en l'vnziesme & penultiesme chapitre du second liure, qu'il ne me reste plus rien à dire icy, dont ie renuoyez là.

SECONDE PARTIE DES MAUX
internes, Passions fascheuses.

P R E F A C E.

DE tous les maux susdits naissent & sourdent en nous diuerſes passions & affectiōs cruelles: car estans iceux pris & considerez tout simplement comme tels, naissent crainte, qui apprehende les maux encores à venir, tristesse, qui les regarde presens, & s'ils sont en autrui, c'est compassion & misericorde. Estans considerez comme venans & procurez par le faict d'autrui, naissent les passions de cholere, hayne, enuie, ialousie, dépit, vengeance, & toutes celles qui nous font regarder de mauvais œil ceux qui nous causent du desplaisir. Or ceste vertu de force & vaillance consiste à reglement, & selon raison, receuoir tous ces maux, s'y porter courageusement, & en ce faisant se tenir & garder net & libre de toutes ces passions qui en viennent. Mais pource qu'elles ne subsistent que par ces maux, si par ce moyen & secours de tant d'aduis & remedes cy-dessus apportez, l'on peut vaincre & mespriser tous ces maux, il ne restera plus aucun lieu à ces passions. Et c'est le vray moyen d'en venir à bout, & s'en garantir, ainsi

que c'est le meilleur pour esteindre le feu, que soustraire le bois qui est son aliment. Toutesfois nous ne laisserons d'apporter encore des aduis particuliers contre toutes ces passions, bien qu'elles ayent esté tellement depeintes cy-dessus, qu'il est tres-facile de les auoir en horreur & en haine.

CONTRE LA CRAINTE.

CHAP. XXVIII.

PRenons loisir d'attendre les maux, peut estre qu'ils ne viendront pas iusques à nous : nos craintes sont aussi subiettes à se tromper, comme nos esperances. Peut-estre que le temps que nous pensons deuoir apporter de l'affliction nous amenera de la consolation. Combien peut-il suruenir de rencontres, qui pareront au coup que nous craignons ? La foudre se destourne avec le vent d'un chapeau, & les fortunes des grands estats avec un petit moment. Un tour de rouë met en haut ce qui estoit en bas, & bien souuent d'où nous attendons nostre ruine, nous receuons nostre salut. Il n'y a rien si subiect à estre trompé, que la prudence humaine. Ce qu'elle espere luy manque, ce qu'elle craint s'escoule, ce qu'elle n'attend point luy arriue. Dieu tient son conseil à part : ce que les hommes ont deliberé d'une façon, il le resout d'une autre. Ne nous rendons point malheureux deuant le temps : & peut estre ne le serons nous point du tout. L'aduenir, qui trompe tant de gens, nous trompera aussi tost en nos craintes, qu'en nos esperances. C'est vne maxime fort celebre en la medecine, qu'és maladies aiguës les predictions ne sont

iamais certaines: ainsi est-il aux plus furieuses menaces de la fortune, tât qu'il y a vie, il y a espérance: l'esperance demeure aussi long-temps au corps, que l'esprit, *quandiu spiro, spero.*

Mais pource que ceste crainte ne vient pas tousiours de la disposition de nature, mais souuent de la trop delicate nourriture (car pour n'auoir esté de ieunesse nourry à la peine & au trauail, nous apprehendons des choses souuent sans raison) il faut de longue main nous accoustumer à ce qui nous peut plus espouuêter, nous représenter les dangers les plus effroyables où nous pouuons tomber, & de gayeté de cœur têter quelquesfois les hazards, pour y essayer nostre courage, deuancer les mauuaises aduantures, & saisir les armes de la fortune. Il nous est bien plus aisé de luy résister, quãd nous l'assaillons, que quand nous nous defendõs d'elle. Nous auons lors loisir de nous armer, nous prenons nos aduãtages, nous pouruoyõs à la retraite: où quand elle nous assaut, elle nous surprend & nous choisit comme elle veut. Il faut donc qu'en l'assillant nous apprenions à nous deffendre, que souuent nous nous donnions de fausses alarmes, nous nous propositions les dangers, qu'ont passé les grands personnages, que nous nous souuenions comme les vns ont euité les plus grands, pour ne s'en estre point estonnez, les autres se sont perdus és moindres, pour ne s'y estre pas bien resolus.

CONTRE LA TRISTESSE.

CHAP. XXIX.

LEs remedescõtre la tristelle, décrite cy-dessus pour la pl^e faicheuse, dõmageable, & iniuste.

Y y iij

passiō, sont doubles: les vnes sont droits, les autres sont obliques. I'appelle les droits ceux que la Philosophie enseigne, & qui consistent à regarder ferme, & affronter les maux, & les desdaigner, ne les estimans point maux, ou si petits & legers (encores qu'ils soient grands & pressans) qu'ils ne sont dignes que nostre esprit s'en esineue & s'en altere: & que s'en plaindre & contrister, c'est vne chose iniuste & messeante, ainsi parlent les Stoiciens, Peripateticiciens, & Platoniciens. Ceste maniere de se preseruer de tristesse & de toute passion douloureuse est tres-belle, & tres-excellente, mais aussi tres-rare des esprits de la premiere classe. Il y en a vne autre aussi Philosophique, encores qu'elle ne soit de si bonne & sainte famille, qui est bien facile & bien plus en vſage, & est oblique, c'est par diuersion & destournement de son esprit & sa pensée à chose plaisante & douce, au moins autre que celle qui nous amene la tristesse; c'est gauchir, decliner, & ruser au mal; c'est chāger d'obiet. C'est vn remede fort frequent, & qui s'vſite presque en tous maux, si l'on y veut prendre garde, tant du corps que de l'esprit. Les Medecins, qui ne peuuent purger le cāterre, le destournent & desuoyent en autre partie moins dangereuse. Ceux qui passent les precipices, à qui il faut appliquer la lancette, le cautere, le fer, ou le feu, ferment les yeux, destournent la veuë ailleurs. Les vaillās en guerre ne goustent & ne considerent aucunement la mort: l'ardeur du cōbat les emporte. Tant qui ont souffert la mort doucement, voire qui se la sont procurée & donnée, ou pour la gloire future de leur nom, comme plusieurs Grecs & Romains, ou pour l'es-

perance d'une meilleure vie, comme les martyrs, les disciples d'Hegeſias, & autres apres la lecture de l'Axioque de Platon; ou pour fuyr les maux de ceste vie, ou pour autres raisons. Tout cela n'eſt ce pas diuerſion? Peu y a qui conſiderent les maux en eux meſmes, qui les gouſtent & accointent comme fit Socrates la mort, & Flavius condamné par Neron à mourir par la main de Niger. Parquoy aux ſiniſtres accidens & meſaduantures, à tous maux externes il faut détourner ſon eſprit à d'autres penſées. Le vulgaire ſçait bien dire, n'y penſez point. Ceux qui ont en charge les affligez, doivent pour leur conſolation prudemment & doucement fournir d'autres obiets à l'eſprit aſſailly. *Abducendus eſt animus ad alia ſtudia, ſollicitudines, curas, negotia, lo-*
ci denique mutatione ſape curandus eſt.

CONTRE LA COMPASSION
 & miſericorde.

CHAP. XXX.

IL y a double miſericorde, l'une forte, bonne & vertueuſe qui eſt en Dieu & aux Saints, qui eſt par la volonté & par effect ſecourir les affligez ſans liuſſe ſ'affliger ſoy-meſme, ſans rien caualler de la iuſtice & dignité, l'autre eſt vne ſotte & feminine pitié paſſionnée, qui vient de la moleſſe & foibleſſe d'ame, de laquelle a eſté parlé aux paſſiōs cy deſſus. Cōtre icelle, la Sageſſe apred de ſecourir l'affligé, mais non pas de flechir & compatir avec luy. Ainſi eſt dit Dieu miſericordieux, Comme le medecin à ſon patient, l'Aduocat à ſa partie, apportent toute diligence & induſtrie, mais ne ſe donnent au

Yy iiij

cœur de leurs maux & affaires : ainsi le sage fait, sans accepter la douleur & noircir son esprit de la fumée. Dieu commande d'avoir soin, & ayder aux pauvres, prendre leur cause en main, ailleurs il defend d'avoir pitié du pauvre en jugement.

CONTRE LA CHOLERE.

CHAP. XXXI.

i. Chef
des re-
medes.
liu. i. ch.
15.

Les remedes sont plusieurs & diuers, desquels l'esprit doit estre autant la main armée & bien muny, comme ceux qui craignent d'estre assiegez, car apres n'est pas temps. Ils se peuvent reduire à trois chefs. Le premier est de couper le chemin & fermer toutes les aduenuës à la cholere. Il est bien plus aisé de la repousser & luy fermer le premier pas qu'en estant saisi, s'y porter bien & reglement. Il faut donc se deliurer de toutes les causes & occasions de cholere, qui ont esté cy-deuant deduites en la descriptiõ, sçauoir, 1. foiblesse, mollesse, 2. & maladie d'esprit en endureissant contre tout ce qui peut aduenir: 3. delicateste trop grande, amour de certaines choses s'accoustumant à la facilité & simplicité, mere de paix & repos. *Ad omnia compositi sumus: quæ bona & paratiora, sine nobis meliora, & gratiora,* c'est la doctrine generale des sages. Cotys Roy, ayât receu en present plusieurs tres-beaux & riches vaisseaux fragiles & aisez à casser, les rompit tous pour n'estre en danger de se cholerer, aduenant qu'ils fussent cassez. Ce fut la deffiance de soy, l'ascheté & crainte, qui le poussa à cela: Il eust bien mieux fait, si sans les rompre, il se fust resolu ne se courroucer pour quoy qu'il en fust aduenu: 4. cu-

riofité à l'exemple de Cefar, qui victorieux ayant recouré les lettres, escrits, memoires de ses ennemis, les brula tous fans les vouloir voir ? 5. legerté à croire: 6. & fur tout l'opinion d'estre mefprisé & iniurié par autrui, laquelle il faut chaffer cōme indigné d'hōme de cœur: car cōbien qu'elle semble estre glorieuse, & venir de trop d'estime de soy (vice grād cependāt) si viēt elle de bassesse & foiblesse: car celuy qui s'estime mefprisé de quelqu'un, est en quelque sens moindre que luy, se iuge, ou craint de l'estre en verité, ou par reputatiō, & se defie de soy. *Nemo non eo, à quo se cōtemptum iudicat minor est.* Il faut donc pēser que c'est plustost tout autre chose, que mefpris, c'est sottise, indiscretiō, necessité & defaut d'autrui. Si le mefpris pretendu viēt des amis: c'est vne trop grāde familiarité. Si de nos subiets sçachās que lon a puissance de les chastier & faire repentir, il n'est à croire, qu'ils y ayent pēsé. Si de viles & petites gēs, nostre hōneur ou dignité, & indignité n'est pas en la main de telle gēs: *indignus Cesaris ira.* Agatocles & Antigonus se rioient de ceux qui les iniurioient, & ne leur firent mal le tenās en leur puissance. Cefar a esté excellent par dessus tous en cette part, mais Moyse, Dauid, & tous les grands en ont fait ainsi, *magnā fortunam magnus animus decet*, la plus glorieuse victoire est d'estre maistre de soy, ne s'esmouvoir pour autrui. S'en esmouvoir c'est se confesser atteint, *cōiunctia, si irascere, agnita videtur, spiritus exolefcunt.* Celuy ne peut estre grand, qui plie sous l'offence d'autrui: si nous ne vainquons la cholere elle nous vaincra, *Iniurias & offensiones supernè despiciere.*

Le second chef est de ceux, qu'il faut employer

1. Chef.

lors que les occasions de cholere se presentent, & qu'il semble qu'elle veut naistre en nous, qui sont.

1. Arrêter & tenir son corps en paix & repos, sans mouvement & agitation, laquelle eschauffe le sang & les humeurs, & se tenir en silence & solitude.
2. Dilation à croire & prendre resolution, d'ôner loisir au iugement de considerer. Si nous pouuôs vne fois discourir, nous arresterons ay sèment le cours de ceste fievre. Vn sage conseilloit à Auguste estât en cholere de ne s'esmouuoir que premierement il n'eust dit & pronôcé les lettres de l'alphabet. Tout ce que nous disons & faisons en la chaude cholere nous doit estre suspect: pource faut il faire alte. *Nil tibi liceat damirascaris. Quare? Quia vis omnia licere.* Nous nous deuôs craindre, & douter de nous mesmes? car tant que nous sommes esmeus nous ne pouuons rien faire à propos: la raison lors empestree des passiôs ne nous sert non plus que les ailes aux oiseaux engluez par les pieds; Parquoy il faut recourir à nos amis & meurer nos choleres entre leurs discours.
3. Aussi la diuersion à toute chose plaisante, à la musique.

3.
3. Chef.

Le troisieme chef est, aux belles considerations desquelles doit estre abreuvé & teint nostre esprit de longue main. Premieremēt, des actions & mouuemens de ceux qui sont en cholere qui nous doiuent faire horreur, tant elles sont meschantes: c'est l'expedient que donnent les sages pour nous en destourner, conseillans de se regarder au miroir. Secondement, & au contraire de la beauté, qui est en la moderation, songeons combien la douceur & la clemence ont de grace, cōme elles sont agreables aux autres & vtils à nous mesmes, c'est l'aimant

qui tire à nous le cœur & la volonté des hommes. Cecy est principalemēt requis en ceux que la fortune a colloqué en haut degré d'honneur, qui doivent avoir les mouvemēs plus remis & temperez.

Car comme leurs actions sont plus d'importance, aussi leurs fautes sont plus difficiles à reparet. Finalement y a l'estime, & l'amour que nous devons porter à la Sagesse que nous estudiōs icy: laquelle se monstre principalemēt à se retenir & se cōmander, demeurer constant & invincible: il faut esleuer son ame de terre & la cōduire à vne disposition semblable à ceste plus haute partie de l'air, qui n'est jamais offusquée de nuées, ny agitée de tonnerres, mais en vne serenité perpetuelle, ainsi nostre ame ne doit estre obscurcie par la tristesse, ny esmeue par la cholere, & fuir toute precipitation, imiter le plus haut des planettes qui va le plus lentement de tous.

Or tout cecy s'entēd de la colere interne, couverte, qui dure, iointe avec mauuaise affection, haine, desir de vengeance, *qua in sinu stulti requiescit, ut qui reponunt odia; quodq; sana cogitationis iudicium est, secreto suo satiantur.* Car ceste externe & ouuerte est couverte vn feu de paille, sans mauuaise affection, qui est pour fuir resētir à autrui la faute, soit aux inferieurs par reprehensiōs & reprimendes, ou autres, pour leur remōtrer le tort & indiscretiō qu'ils ont, c'est chose vtile & necessaire & bien loüable.

Il est bien vtile, & pour soy & pour autrui de quelquesfois se courroucer, mais que ce soit avec moderation & regle. Il y en a qui retiennent leur cholere au dedans: afin qu'elle ne se produise, & qu'ils apparoiſſent sages & moderez: mais ils se

Secho-
lerer
quand
bon &
vtile.

Pour
soy.

rongent au dedās; & se font vn effort, qui leur couste plus que ne vaut tout. Il vaudroit mieux se courroucer & esuenter vn peu ce feu au dehors, afin qu'il ne fust si ardēt, & ne donnast tant de peine au dedans. On incorpore la cholere en la cachant. Il vaut mieux que la pointe agisse vn peu au dehors que la replier contre soy : *Omnia vitia in aperto leuiora sunt, & tunc perniciosissima, cum simulata sanitate subsistunt.*

Si
Pour
autruy
avec cō-
dition.

Aussi contre ceux qui n'entendent, ou ne se laissent gueres mener par raison, comme le genre de valets, qui ne font que par crainte, faut que la cholere y supplée, vraye ou simulée, sans laquelle souuent n'y auroit reglement en la famille. Mais que ce soit avec ses conditions ; 1. non souuent & à tous propos. 2. ny pour choses legeres. Car estāt ordinaire viendrait à mespris, n'auroit poids ny effect; 3. Non en l'air & à coup perdu, grondāt & criaillant en absence. Mais qu'elle arriue & frappe celuy qui en est cause, & de qui l'on se plaint. 4. Que ce soit viuement, pertinemment & serieusement, sans y mesler risée, afin que ce soit vtile chastiment du passé, & prouision à l'aduenir. Bref il en faut vser comme d'une medecine.

Tous ces remedes au long deduits sont aussi contre les suivantes passions.

CONTRE LA HAYNE.

CHAP. XXXII.

POUR se defendre contre la haine, il faut tenir vne reigle qui est vraye, que toutes choses ont deux anses, par lesquelles on les peut prendre : par

l'une elles nous semblent griefues & pesantes, par l'autre aisées & legeres. Prenons donc les choses par la bonne anse, & nous trouverons ce qu'il y a de bon & à aymer en tout ce que nous accusons & haïssons. Car il n'y a rien au monde qui ne soit pour le bien de l'homme. Et en ce qu'il nous offense, nous avons plus de subiet de le plaindre que de le haïr : car il est le premier offensé & en reçoit le plus grand dommage, pour ce qu'il perd en cela l'usage de la raison, la plus grande perte qui puisse estre. Tournons donc en tel accidēt la haine en pitié, & mettons peine de rēdre dignes d'estre aymez ceux que nous voudrions hayr, ainsi que fit Lycurgue à celui qui luy avoit creué l'œil ; lequel il rendit, pour peine de l'iniure, un honneste, vertueux & modeste citoyen par sa bonne instruction.

CONTRE L'ENVIE.

CHAP. XXXIII.

CONTRE ceste passion considerons ce que nous estimōs bien, & enuiōs à autrui. Nous enuiōs es autres volontiers des richesses, des honneurs, des faueurs : c'est faute de sçavoir ce que leur couste cela. Qui nous diroit, vous en aurez autant à mesme prix, nous n'en voudriōs pas. Pour les avoir il faut flatter, endurer des afflictions, des iniures, bref perdre sa liberté, complaire & s'accōmoder aux voluptez & passions d'autrui. Lon n'a rien pour rien en ce mode. Pēser arriuer aux biens, honneurs, estats, offices, autrement, & vouloir pervertir la loy, ou bien la coustume du monde, c'est vouloir avoir le drap & l'argent. Pourquoi toy

qui fait profession d'honneur & de vertu, te fasches-tu, si tu n'as ces biens là, qui ne s'acquierēt que par vne honteuse patience? Ayez donc plustost pitié, des autres, qu'enuie. Si c'est vn vray bien qui soit arrivé à autrui, nous nous en deuons resiouyr; car nous deuons desirer le bien les vns des autres, se plaire au bien d'autrui, c'est accroistre le sien.

CONTRE LA VENGEANCE.

CHAP. XXXIV.

1. **C**ontre ceste cruelle passion, il faut premierement se souuenir qu'il n'y a rien de si honorable que de sçauoir pardonner. Vn chacun peut poursuiure la raison & la iustice du tort qu'il a receu, mais donner grace & remission, il n'appartient qu'au Prince souuerain. Si donc tu veux estre Roy de toy-mesmes, & faire acte royal, pardōne librement, & de grace enuers celui qui t'a offensé.

2. **S**econdement, qu'il n'y a rien de si grand & victorieux, que la dureté & insensibilité courageuse aux iniures, par laquelle elles retournent & rejallissent entieres aux iniurians, cōme les coups roide assenez aux choses tres dures & solides, qui ne font autre chose que blesser & estourdir la main & le bras du frappeur: mediter vengeance est se confesser blessé: se plaindre, c'est se dire atteint & inferieur, *Ultio, doloris confessio est: non est magnus animus quem incuruat iniuria: ingens animus & verus est iurator sui, non vindicat iniuriam, quia non sentit.*

3. **L'**on obiecte, qu'il est dur, grief & hōteux de souffrir vne offence; ie l'accorde & suis d'aduis de ne souffrir, ains de vaincre & demeurer maistre: mais

d'une belle & honorable façon, en la desdaignāt & celuy qui la fait, & encores plus en bien-faisant: en tous les deux Cesar estoit excellent. C'est vne glorieuse victoire de vaincre & faire bouquer l'ennemy par biens-faits, & d'ennemy le rendre amy: & que la grādeur de l'iniure ne nous retiēne point. Au contraire estimons que plus elle est grande, plus est elle digne d'estre pardonnée, & que plus la vengeance en seroit iuste, plus la clemēce est loūable.

Et puis ce n'est raison d'estre iuge & partie, comme lon veut en la vengeance: Il s'en faut remettre au tiers, il faut pour le moins en auoir conseil de ses amis & des Sages, & ne s'en croire pas soy-mesme. Jupiter peut biē seul darder les foudres fauorables & de bon augure, mais, quand il est question de lancer les nuisibles & vengeurs, il ne le peut faire sans le conseil & assistance de douze Dieux. C'est grand cas que le plus grand des Dieux, qui peut de luy mesmes bien faire à tout le monde, ne peut nuire à personne qu'aprez vne solemnelle delibération. La Sagesse de Jupiter craint mesmes de faillir, quand il est question de se vanger; il luy faut du conseil qui le retienne.

Il faut donc nous former vne moderation d'esprit, c'est la vertu de clemence, qui est vne douceur & gracieuseté, qui tempere, retient, & reprimet tous les mouuemens. Elle nous munira de patience, nous persuadera que nous ne pouuons estre offenz que de nous mesmes; que des iniures d'autrui, il n'en demeurera en nous que ce que nous en voudrons retenir. Elle nous conciliera l'amitié de tout le monde, nous apportera vne modestie & bien-seance agreable à tous.

4.

5.
Clemē-
ce.

CONTRE LA IALOUSIE.

CHAP. XXXV.

LE seul moyen de l'euter, est de se rendre digne de ce que l'on desire. Car la ialousie n'est qu'une deffiance de soy-mesme, & vntesmoignage de nostre peu de merite. L'Empereur Aurele, à qui Faustine sa femme demandoit ce qu'il feroit, si son ennemy Cassius gaignoit cōtre luy la bataille, dit ie ne fers point si mal les dieux, qu'ils me veulent enuoyer vne telle fortune. Ainsi ceux qui ont part en l'affection d'autrui, s'il leur aduient quelque crainte de la perdre, disent, ie n'honore pas si peu son amitié qu'il m'en vueille priuer. La confiance de nostre merite est vn grand gage de la volonté d'autrui.

Qui poursuit quelque chose avec la vertu, est ayse d'auoir vn compagnon à la poursuite; car il sert de relief & d'esclat à son merite. L'imbecillité seule craint la rencontre, pource qu'elle pense qu'estant comparée avec vn autre, son imperfection paroistra incontinent. Ostez l'emulation vous ostez la gloire & l'esperon à la vertu.

Le conseil aux hommes contre cette maladie, quand elle leur vient de leurs femmes, c'est que la plus part des grands & galans hommes sont tombez en ce malheur, sans qu'ils en ayent fait aucun bruit, Lucullus, Cesar, Pompée, Caton, Auguste, Antonius, & tant d'autres. Mais diras-tu, le monde le sçait & en parle: & de qui ne parle on en ce sens, du plus grand au plus petit? on engage tous les iours tant d'honnestes hommes en ce reproche en ta presence: si t'en remuës les Dames mesmes

mes s'en moqueront: la fréquence de cet accident doit mesmuy en auoir modéré l'aigreur. Au reste sois tel que l'on te plaigne, que ta vertu estouffe ce malheur, afin que les gens de bien ne s'en estiment rien mollis, mais en maudissent l'occasion.

Quant aux femmes il n'y a point de conseil contre ce mal, car leur nature est toute cōfite en soupçon, vanité, curiosité. Il est vray qu'elles mesmes se guetissent aux despens de leurs maris, versans leur mal sur eux, guerissent leur mal par vn plus grand. Mais si elles estoient capables de conseil, l'on leur diroit de ne s'en soucier ny faire semblant de s'en appercevoir: qui est vne douce médiocrité entre cette folie lalouise, & cette autre façon opposite, qui se pratique aux Indes, & autres nations, où les femmes travaillent d'acquiescer des amis & des femmes à leur maris, cherchant sur tous leur honneur: (or c'est vntestmoignage de la vertu, valeur & reputation aux hommes en ce pays-là, d'auoir plusieurs femmes) & plaisir, ainsi Livia à Auguste, Statonique au Roy Deiotarus: ou bien multiplication de lignée comme Sara, Lia, Rachel & Abraham & Iacob.

DE LA TEMPERANCE

quatrième Vertu.

De la temperance en general

CHAP. XXXVI.

Temperance se prend doublement. En terme general pour vne moderation & douce attēpance en toutes choses. Et ainsi ce n'est point vne le,

Tempe
rance
double
genera-

vertu speciale, mais generale & commune, c'est vn
raisonnement de toutes; & est perpetuellement
requise, principalement aux affaires, où y a de la
dispute & contestation, aux troubles & diuisions.

Pour la garder il n'y a que de n'auoir point d'in-
tentions particulieres, mais simplement se tenir à
son deuoir. Toutes intentions legitimes sont tem-
perées, la cholere, la haine, sont au delà du deuoir
& de la iustice, & seruent seulement à ceux qui ne
se tiennent à leur deuoir par la raison simple.

Speciale pour vne bride & regle aux choses plai-
santes, voluptueuses, qui chatouillent nos sens &
nos appetits naturels. *Habena voluptatis, inter libi-
dinem & stuporem naturae posita, cuius duae partes: ve-
recundia in fugamurpium, honestas in obseruatione de-
ceri.* Nous la prendrons icy vn peu au large pour la
regle & le deuoir en toute prosperité, comme la
force estoit la regle en toute aduersité, & sera la
bride, cōme la force, l'esperō. Avec ces deux nous
dompterons ceste partie brutale, farouche & re-
uesche de passions, qui est en nous, & nous nous
porterons bien & sagement en toute fortune, & en
tous accidens, qui est le haut point de Sagesse. A

3. La temperance a donc pour son liuet & object
general toute prosperité, chose plaisante & plausi-
ble, mais specialement & proprement la volupté
de laquelle elle est retranchement & reglement, re-
perate. tranchement de la superflue, estrangere, vicieuse,
reglement de la naturelle & necessaire: *Voluptatibus
imperat, alios odit & abigit, alias dispensat & ad san-
ctum modum redigit, nec vnquā ad illas propter illas uenit.
Sic optimus esse modum capitorum, non quantum ve-
lit sed quantum debeat.* C'est l'autorité & puissance

De la raison sur les cupiditez & violentes affectiōs, qui portent nos volontez aux plaisirs & voluptez. C'est le frein de nostre ame, & l'instrument propre à escumer les bouillons, qui s'esleuent par la chaleur & intemperance du sang, afin de contenir l'ame unie & égale à la raison, afin qu'elle ne s'accōmode point aux objects sensibles : mais plustost qu'elle les accōmode & face servir à soy. Par icelle nous sevrōs nostre ame du lait doux des delices de ce mode, & la rendōs capable d'une plus solide & succulente nourriture. C'est vne regle, laquelle doucement accommode toutes choses à la nature, à la necessité, simplicité, facilité, sāté, fermeté. Ce sont choses qui vont volontiers ensemble, & sont les mesures & bornes de sagesse, cōme au rebours, l'art, le luxe, & superfluité, la variété & multiplicité, la difficulté, la maladie & delicatesse se font compagnie, suiuant l'intemperance & la folie, *simplici cura constant necessaria, indelictis laboratur, Adparatissimi sumus: nos omnia nobis difficilia faciliū fastidiō fecimus.*

DE LA PROSPERITE ET

aduis sur icelle.

CHAP. XXXVII.

LA prosperité qui nous arriue doucement par le commun cours & train ordinaire du mode, ou par nostre prudence & sage conduite, est bien plus ferme & assée & moins enuieée que celle qui vient, cōme du ciel avec esclat, outre & contre l'opinion de tous, & l'esperance mesme de celuy qui en est estrene.

La prosperité est tres-dangereuse : tout ce qu'il

y a de vain & leger en l'ame se fousleue au premier vent fauorable. Il n'y a chose qui tât perde & face oublier les homes, que la grande prosperité, comme les bleds se couchent par trop grande abondance, & les branches trop chargées se rompent, dont il est bien requis come en vn pas glissant de se bien tenir & garder, & sur tout de l'insolence, de la fierté & presumption. Il y en a qui se noyent à deux doigts d'eau, & à la moindre faueur de la fortune s'enflent, se meiscognoissent, deuiennent insupportables, qui est la vraye peinture de folie.

3. De là il viét qu'il n'y a chose plus caduque & qui soit de moindre durée, que la prosperité mal conseillée, laquelle ordinairement change les choses grandes & ioyeuses en tristes & calamiteuses, & la fortune d'amoureuse mere se change en cruelle marastre.

4. Or le meilleur aduis pour s'y bien porter est de n'estimer gueres toutes sortes de prosperitez & bonnes fortunes, & par ainsi ne les desirer aucunement, si elles arriuent de leur bonne grace, les receuoir tout doucement & allegrement, mais come choses estrangeres, nullement necessaires, desquelles l'on se fust bien passé, dont il ne faut faire se ny recepte, ne s'en hausser ny baïsser. *Non est tuum, fortuna quod fecit tuum, Qui tutam viam agere voles, ista viscata beneficia denitet, nil dignum putare quod speres. Quid dignum habet fortuna quod concupiscas?*

De la Volupté & aduis sur icelle.

CHAP. XXXVIII.

I. Descri. **V**olupté est vne perception & sentiment de ce qui est conuenable à nature, c'est va

mouvement & chatoüillement plaisant ; comme à l'opposite la douleur est vn sentiment triste & desplaisant, toutesfois ceux qui la mettent au plus haut, & en font le souverain bien comme les Epicuriens, ne la prennent pas ainsi, mais pour vne privation de mal & desplaisir, en vn mot. Indolence. Selon eux, n'auoir point de mal est le plus heureux bien estre que l'homme puisse esperer icy. *Nimium boni est cui nihil est mali* : Cecy est comme vn milieu ou neutralité entre la volupté prise au sés premier & commun : & la douleur, c'est comme iadis le sein d'Abraham entre le Paradis & l'enfer des damnez. C'est vn estat & vne assiete douce & paisible, vne equable, cōstante & arrestée volupté, qui ressemble aucunemēt l'euthimie & tranquillité d'esprit, estimée le souverain biē par les Philosophes : l'autre premiere sorte de volupté est active, agēte, & mouuāte. Et ainsi auroit trois estats, les deux extremes, opposites, Douleur & Volupté, qui ne sōt stables ny durables, & toutes deux maladiues. Et celuy du milieu stable, ferme, sain : auquel les Epicuriens ont voulu dōner le nom de Volupté (cōme cel'est aussi, eu esgard à la douleur) la faisāt le souverain bien. C'est ce qui a tāt décrié leur école, cōme Seneque a ingenuēmēt reconnu & dit, leur mal estoit au titre & aux mots, non en la substance, n'y aiāt iamais eu de doctrine, ni de vie plus sobre, modérée & ennemie des débauches & des vices que la leur. Et n'est pas encores du tout sans quelque raison qu'ils ont appellé ceste indolēce & estat paisible, Volupté : car ce chatoüillemēt qui sēble nous esleuer au dessus de l'indolence, ne vise qu'à l'indolence comme à son but, comme par exemple

l'appetit qui nous rait à l'accointance des fēmes, ne cherche qu'à fuir la peine que nous apporte le desir ardent & furieux à l'assouvir, nous exempter de ceste fievre, & nous mettre en repos.

Contre elle. L'on a parlé fort diuerfement trop court, & de-
strouffement de la volupté. Les vns l'ont deifiée, les autres l'ont detestée comme vn monstre, & au seul mot ilstremouffent, ne le prenant qu'au criminel. Ceux qui la condamnent tout à plat, disent que c'est chose, 1. Courte & briefue, feu de paille, mesme si elle est viue & actiue. 2. Fresle & tendre, aisémēt & pour peu corrompuë & emportée, vne once de douleur gastera vne mer de plaisir : cela s'appelle, l'artillerie enclouée; 3. Humble, basse, honteuse, s'exerçant parvils outils en lieux cachez & hōteux, au moins pour la plus part: car il y a des voluptez pompeuses & magnifiques. 4. Sujete biē tost à satieté L'hōme ne scauroit demeurer long-temps en la volupté: il est impatient, dur, robuste autrement à la douleur, comme a esté dit, suiuiue le plus souuent du repentir, produisant de tres-perniciieux effets, ruine des personnes, familles, republiques : & sur tout ils alleguēt que quand, elle est en son plus grand effort, elle maistrise de façon que la raison n'y peut auoir accez.

Pour elle voyez l. 2. c. 6. D'autre part, l'on dit qu'elle est naturelle créée & establie de Dieu au monde, pour sa conseruation & durée, tant en detail des indiuidus, qu'en gros des especes: Nature mere de volupté, cōserue cela qu'és actiōs qui sont pour nostre besoin, elle y a mis de la volupté. Or bien viure est cōsētir à nature. Dieu, dit Moyse, a créé la volupté, *Plātauerat Dominus paradisum voluptatis*, a mis & estably

l'homme en vn estat, lieu, & cōdition de vie voluptueuse : & en fin qu'est-ce que la felicité derniere & souveraine sinon volupté certaine & perpetuelle? *Inebriabuntur ab ubertate domus tua & torrente voluptatis tua potabis eos: suis contenta finibus res est divina voluptas.* Et de fait les plus reglez Philosophes & plus grands professeurs de vertu, Zeno, Caton, Scipion, Epaminondas, Platon, Socrates mesmes, ont esté par effet & amoureux & beuveurs, danseurs, joüeurs, & ont traité, parlé, escrit de l'amour & autres voluptez.

Parquoy cecy ne se vuide pas en vn mot & tout simplement, faut distinguer, les voluptez sont diverses. Il y en a de naturelles & non naturelles: ceste distinction comme plus importante sera tantost plus considerée. Il y en a de glorieuses, fastueuses, difficiles, d'autres sombres & ducereuses, faciles, & prestes. Combien qu'à dire la verité, la volupté est vne qualité peu ambitieuse, elle s'estime assez riche de soy sans y meller le prix de la reputation, & s'ayme mieux à l'ombre. Celles aussi qui sont tant faciles & prestes, sont lasches, & morfonduës, s'il n'y a de la malaisance & difficulté, laquelle est vn allechement, vne amorce, vn aiguillon à icelles. La ceremonie, la vergongne, & difficulté qu'il y a de paruenir aux derniers exploits de l'amour, sont ses aiguise-mēs & allumetes, c'est ce qui lay donne le prix & la pointe. Il y en a de spirituelles & corporelles, non qu'à vray dire elles soyent separées: car elles sont toutes de l'homme entier & de tout le sujet cōposé: & vne partie de nous n'en a point de si propres que l'autre ne s'en sente, tant que dure le mariage & amoureuse liaison de l'es-

4.
 Distinction
 des voluptez.

prit du corps en ce monde. Mais bien y en a auf-
 quelles l'esprit a plus de part que le corps, dont cō-
 uiennēt mieux à l'hōme qu'aux bestes, & sont plus
 durables, cōme celles qui entrent en nous par les
 sens de la veüe & de l'oïye, qui sont deux portes
 de l'esprit, car ne faisant que passer par là, l'esprit
 les reçoit, les cuist & digere, s'en paist & delecte
 long-temps, le corps s'en sent peu. D'autres ou le
 corps a plus de part, comme celles du goust & de
 l'attouchement, plus grossieres & materielles, es-
 quelles les bestes nous font compagnie, telles vo-
 luptez se traittent, exploitent, s'vissent & acheuent
 au corps mesmes, l'esprit n'y a que l'assistance &
 compagnie, & sont courtes, c'est feu de paille.

Avis **sur icel-** **les.** Le principal en cecy est, sçauoir cōment il se faut
 cōporter & gouverner aux voluptez, ce que la sa-
 gesse nous apprendra: & c'est l'office de la vertu de
 temperance. Il faut premieremēt faire grāde & no-
 table differēce entre les naturelles & nō naturelles.
 Par les non naturelles nous n'entendons pas seule-
 ment celles qui sont contre nature, & le droit vīa-
 ge approuuē par les loix: mais encores les naturel-
 les mesmes, si elle degenerent en trop grand excez,
 & superfluité, qui n'est point du roole de la natu-
 re, qui se cōtente de remedier à la necessitē à quoy
 lon peut encores adiouster la bien-seance & ho-
 nesteté commune. C'est bien volupté naturelle,
 d'estre clos & couuert par maison & vestement,
 contre la rigueur des elemens & iniure des mes-
 chās: mais que ce soit d'or, d'argēt, de iaspe & por-
 phyre, il n'est pas naturel. Ou bien si elles arriuent
 par autre voye que naturelle, comme si elles sont
 recherchées, & procurées par artifice, par medica-

Qui sōt
les na-
turelles.

mens, & autres moyēs non naturels, ou bien qu'elles se forgent premierement en l'esprit, suscitées par passion, & puis de là viennent au corps, qui est vn ordre renuersé: car l'ordre de nature est que les voluptez entrent au corps, & soyent desirées par luy, & puis de là montent en l'esprit. Et tout ainsi que le rire, qui est par le chatoüillement des aisselles, n'est point naturel, ny doux, c'est plustost vne conuulsion, aussi la volupté qui est recherchée & allumée par l'ame n'est naturelle.

Or la premiere regle de sagesse aux voluptez est celle-cy, chasser & condamner tout à fait les non naturelles, comme vicieuses, bastardes (car ainsi que ceux qui viennent au banquet sans y estre conuiez, sont à refuser: aussi les voluptez qui d'elles mesmes sans estre mandées & conuies par la nature, se presentent, sont à rejeter) admettre & recevoir les naturelles: mais avec regle & moderation: & voyla l'office de temperance en general, chasser les non naturelles, regler les naturelles.

Or la regle des naturelles est en trois points: premierement, que ce soit sans offense, scandale, dommage, & preiudice d'autrui.

Le second, que soit sans preiudice sien, de son honneur, sa santé, son loisir, son deuoir, les fonctions.

Le tiers, que soit avec moderation, ne les prendre trop à cœur, non plus qu'à contre cœur, ne les courir ny fuir: mais les recevoir & prendre comme on fait le miel, avec le bout du doigt, non en plaine main, non s'y engager par trop, n'y en faire son propre fait & principal affaire, moins s'y asservir, en faire vne necessité, c'est l'extreme misere: ce doit estre l'accessoire, vne recreatiō pour mieux se

6.

Regle
premiere
& generale.

7.

Regle
pour les
naturelles.

remettre, comme le sommeil qui nous renforce, & nous donne haleine pour retourner plus gayement à l'œuvre. Bref en user & non iouir. Mais sur tout se faut garder de leur trahison : car il y en a qui se donnent trop cherement, nous rendent plus de mal & de plaisir, mais c'est traistreusement : car elles marchent devant, pour nous amuser, & tromper, & nous cachent leur suite, cruelles nous chatouillent, & nous embrassent pour nous estrangler. Le plaisir de boire va devant le mal deteste : tels sont les plaisirs & voluptez de l'indiscrete & bouillante jeunesse, qui enyurent. Nous nous plaignons dedans, mais en la vieillesse elles nous laissent comme tous noyez, ainsi que la mer sur la greue en son reflux : les douceurs que nous auons auallé si glouttement se fondent puis en amertumes & repentirs, & remplissent nos esprits d'un humeur venimeux qui les infecte & corrompt.

8. Or comme la moderation & regle aux voluptez
 Déré- est chose tres-belle & vtile selon Dieu, nature, rai-
 glemēt son : aussi l'excez & dereglement est la plus perni-
 preiudi- cieuse de toutes au public & au particulier. La vo-
 ciable, lupté mal prise ramollit & relasche la vigueur de
 l'esprit & du corps. *Debilitatem induxere delicia,*
blandissima domina, apoltronit & effemine les plus
 courageux tesmoin Annibal, dont les Lacedemo-
 niēs qui faisoient professiō de mespriser toutes vo-
 luptez, estoient appelez hommes, & les Atheniēs
 mols & delicats, femmes. Xerxes pour punir les
 Babyloniens reuoltez, & s'asseurer d'eux à l'adue-
 nir, leur osta les armes & exercices penibles & dif-
 ficiles, & permit tous plaisirs & delices. Seconde-
 ment, elle chasse & bannit les vertus principales.

qui ne peuvent durer sous vn Empire si mol & effeminé: *Maximas virtutes iacere oportet voluptate dominante.* Tiercement, elle degenerate bien tost à son contraire, qui est la douleur, le desplaisir, le repentir, comme les riuieres d'eau douce courent & vont mourir en la mer salée, ainsi le miel des voluptez se termine en fiel de douleurs. *In precipiti est, ad dolorem vergit, in contrarium abit, nisi modum teneat. Extrema gaudij luctus occupat.* Finalement c'est le seminaire de tous maux, de toute ruyne. *Malorum esca voluptas.* D'elle viennent les propos & intelligences secretes & clandestines, plus les trahisons, en fin les euerfiōs & ruynes des republicques. Maintenant nous parlerons des voluptez en particulier.

DU MANGER ET BOIRE,
abstinence & sobriété.

CHAP. XXXIX.

LEs viandes sont pour la nourriture, pour soutenir & reparer l'infirmité du corps; l'usage moderé, naturel & plaisant l'entretiēt, le rend propre & habile instrumēt à l'esprit, cōme l'excez au contraire non naturel l'affoiblit, apporte de grādes & fascheuses maladies, qui sont les supplices naturels de l'intemperāce, *Simplex ex simplici causa valetudo: multos morbos, supplicia luxuria multa fercula fecerunt:* L'homme se plaint de son cerueau, de ce qu'il luy enuoye tāt de defluxiōs, fondique de toutes les maladies plus dangereuses: mais le cerueau lui répōd biē. *De sine fūdere, & ego de sinū fluere.* Sois sobre à aualer, & ie serai chiche à couler. Mais quoi,

17
Usage
des
viandes.

l'excez & apparat, la multitude diuersité, & exquis appareil des viandes est venu à honneur: nos gens apres vne grāde somptuosité, & superfluité, prient encores de les excuser, de n'auoir pas assez fait.

8.

Combien est preindiciable & à l'esprit & au corps, la repletion des viandes, la diuersité, curiosité, l'exquis & artificiel appareil, chacun le peut sentir en soy-mesme: la gourmandise & l'yurognerie sont vices lasches & grossiers; ils se descrient assez eux mesmes par les gestes & contenance de ceux qui en sont atteints, desquelles la plus douce & honneste est d'estre assopy & hebeté, inuile à tout bien: iamais homme ayant sa gorge & son ventre, ne fit belle œuvre: aussi sont-ils de gens de peu & bestials: mesmement l'yurongnerie qui mène à toutes choses indignes, témoin Alexandre autrement grand Prince, taché de ce vice, dont il en tua son plus grand amy Clitus, & puis reuenant à soy se vouloit tuer. Bref, elle oste du tout le sens & peruertit l'entendement. *Vinum clauo caret, demen-
tat sapientes, facit repuerascere senes.*

9.

Sobrie-
té reco-
man-
dée.

La sobriété, bien qu'elle ne soit des plus grandes & difficiles vertus, qui ne donne peine qu'aux fots & aux forçats, si est-elle vn progres & acheminement aux autres vertus: elle estouffe les vices au berceau: les suffoque en la semence: c'est la mere de santé, la meilleure & plus seure medecine contre toutes maladies, & qui fait viure longuement. Socrates par la sobriété auoit vne santé forte & acérée. Mafinilla le plus sobre Roy de tous, fit enfans à 86. ans & à 92. vainquit les Carthaginois, où Alexandre s'en yurant mourut en la fleur de son aage, bien qu'il fust le mieux nay & plus sain

de tous. Plusieurs gouteux & atteints de maladies incurables aux Medecins, ont esté guaris par diete, voila pour le corps. Elle sert bien autat ou plus à l'esprit, qui par elle est tenu pur, capable de sagesse, & bon conseil. *Salubrium consiliorum parens sobrietas*. Tous les grands hommes ont esté grandement sobres, non seulement les professeurs de vertu singuliere & plus estroite, mais tous ceux qui ont excellé en quelque chose, Cyrus, Cesar, Iulie l'Empereur, Mahomet: Epicure le grand Docteur de volupté a passé tous en cette part. La frugalité des Curies & Fabrices Romains, est plus haut louée, que leurs belles & grâdes victoires: les Lacedemoniens tant vaillans faisoient profession expresse de frugalité & sobriété.

Mais il faut de bonne heure & dès la jeunesse embrasser cette partie de temperance, & non attendre à la vieillesse douloureuse, & que l'on soit foulé & pressé de maladies, comme les Atheniens, à qui l'on reprochoit qu'ils ne demandoient jamais la paix, qu'en robes de deuil, après avoir perdu leurs parens & amis en guerre, & qu'ils n'en pouvoient plus. C'est trop tard s'adviser. *Serain fundo parsimonia*, c'est vouloir faire le mesnager quand il n'y a plus rien à mesnager, chercher à faire son emploite, apres que la foire est passée.

C'est vne bonne chose de ne s'accoustumer aux viandes delicates, de peur qu'en estant priuez, nostre corps en vienne indisposé, & nostre esprit fascié: & d'vser d'ordinaire des plus grossiers, tant pource qu'elles nous rendent plus forts & plus sains, que pource qu'elles sont plus aysees à recouvrer.

DV LUXE ET DESBAYCHE

en tous conuers & paremens, & de la
frugalité.

CHAP. XL.

Liv. I. c. 6.

La esté dit cy-dessus que le vestir n'est point originel, ny naturel, ny nécessaire à l'homme, mais artificiel, inuenté & usurpé par luy seul au monde. Or à la suite qu'il est artificiel (c'est la coustume des choses artificielles de varier, multiplier sans fin & sans mesure, la simplicité est amie de nature) il s'est estendu & multiplié en tant d'inventions (car à quoy la plus-part des occupations & traffiques du monde, sinõ à la couuerture & parure des corps?) de dissolutions & corruptions, tellement que ce n'a plus esté yne excuse & vn couuert de defauts & necessitez, mais vn nid de vice, *Vexillum superbia, nidus luxuria*, suiet de riottes & querelles; car de là premierement a commencé la propriété des choses, le mien & le tien, & la plus grande communauté qui soit, si sont tousiours les vestemens propres, ce qui est monstré par ce mot François, desrober.

C'est vn vice familier & special aux femmes, que le luxe & l'excez aux vestemens, vray tesmoignage de leur foiblesse, voulans se preualoir & rendre recommandables par ces petits accidens, pour ce qu'elles se sentent foibles & incapables de se faire valoir à meilleures enseignes; celles de grande vertu & courages en souciét beaucoup moins. Par les loix des Lacedemoniens, il n'estoit permis de porter robbes de couleur riches & precieuses,

qu'aux femmes publiques, c'estoit leur part comme aux autres la vertu & l'honneur.

Or le vray & legitime vsage est de se couurir cō-
tre le froid, le vent, & autres rigueurs de l'air. Pour-
ce ne doiuent-ils estre picez à autre fin: & par ainsi
non excessif, ny somptueux, ny aussi vilains & des-
chirez. *Nec affectat a sordes, nec exquisita munditia.*
Caligula seruoit de risée à tous, par la dissolutiō de
ses habillemens. Auguste fut loué de sa modestie,

PLUMSTROCHARNEL,

Chasteté, Coercence.

CHL B-XLF mutation

LA continence est vne chose tres-difficile, & des tres-penible garde. Il est bien malaisé de resister du tout à nature: c'est ioy qu'elle est plus forte & ardente. La colpe de ceulx qui se font si enuoyez

Voyez
1.1.6.22.

Aussi est-ce la plus grande recommandation qu'on
 loye que la difficulté, car au reste elle est sans ac-
 tion & sans fruit, c'est une priuation, un non faire,
 une sans profit, la sterilité est signifiée par la vir-
 ginité, le parle icy de la continence simple & seule
 en toy, qui est chose du tout sterile & inutile, & à
 grand peine louable, non plus que le non gourmander,
 y ronger, & non de la Chrestienne qui a, pour estre
 vertueuse deux choses, propos de liheré de tous siens la
 garder, & ainsi n'est pas pure priuation & non faire,
 & que ce soit pour Dieu, *Non hoc in virginibus præ-
 dicamus, quod sint virginæ sed quod Deo dicantur*, tes-
 moin les Vestales & les folles rebutees parquoy
 c'est un erreur & vanité populaire d'appeller les

35

August:

filles & femmes continentes, femme de bien & d'honneur, comme si e'estoit vertu; & qu'il fust deub honneur à ne faire mal & contre son deuoir. Pourquoy n'appelle l'on de mesmes les hommes continens hommes de bien & d'honneur? Il y auroit encores plus de raison, car il y a plus de difficulté, ils s'ot plus chauds, plus hardis, ont plus d'occasions & de moyens. Tant s'en faut que l'honneur soit deub à non mal faire, qu'il n'est pas deub à tout bien faire, mais seulement comme a esté dit, à celuy qui est vtile au public & où y a de la peine, de la difficulté, du danger. Et combien de continens farcis de vices, au moins n'en eschappe il guerre qui ne soient frappez de gloire & presumption, par laquelle se chatoüillans de bonne opinion de soy sont prompts à loger & à badanner les autres. Et l'experience nous fait voir en plusieurs femmes, combien elles vendent cela cher à leur maris, car delogeant le diable du lieu où elles logent & établissent le point d'honneur comme en son thronne, le font monter plus haut & paroistre en la teste pour faire croire qu'il n'est point ailleurs plus bas. Si toutesfois cette flatterie du mot d'honneur sert à les rendre plus soigneuses de leur deuoir, ie le trouue bon, à quelque chose sert vanité. Aussi l'incontinence simple & seule en soy, n'est pas des grandes fautes, non plus que les autres purement corporelles, & que la nature commet en les astros par excez ou defaillance sans malice. Ce qui la descrie & rend tant dangereuse c'est qu'elle n'est presque iamais seule: mais ordinairement accompagnée & suyvie d'autres plus grandes fautes, infectée de meschantes & vilaines circonstances des personnes,

lieux

lieux, tēps prohibez, exercée par mauuais moyens, menteries, impostures, subornations, trahisons: outre la perte du temps, distractions de ses fonctions, d'où il aduient apres de grands scandales.

Et pource que c'est vne passion violente & ensemble piperelle, il se faut remparer contre elle & se garder de ses appasts: plus elle nous mignarde, plus deffions nous: car elle nous veut embrasser pour nous estrangler: elle nous appaste de miel pour nous saouler de fiel. Parquoy considérons ces choses. La beauté d'autrui est chose qui est hors de nous, c'est chose qui tourne aussi tost en mal qu'au bien: ce n'est en somme qu'une fleur qui passe, chose bien mince, & quasi rien que la couleur d'un corps: recognoissant en la beauté la delicate main de nature, la faut priser comme le Soleil & la Lune, pour l'excellence qui y est: & venant à la iouissance par tous moyens honnestes, se souuenir tousiours que l'usage immodéré de ce plaisir vse le corps, amolit l'ame, affoiblit l'esprit. Et que plusieurs pour s'y estre donnez, ont perdu les uns la vie, les autres la fortune, les autres leur esprit. Et au contraire qu'il y a plus de plaisir & de gloire de vaincre la volupté, qu'à la posséder. Que la continence d'Alexandre & de Scipion a esté plus haut loüée, que les beaux visages des filles & femmes qu'ils ont pris captiues.

Il y a plusieurs sortes & degrez de continence & incontinence. La coniugale est celle qui importe plus de toutes, qui est plus requise & nécessaire pour le public & pour le particulier: parquoy elle doit estre de toutes en plus grande recommandation. Il se faut retenir dedans le chaste sein de la partie.

A a a

3.
Aduis.

qui nous a esté destinée pour compagne. Qui fait autrement, viole non seulement l'õ corps, le faisant vaisseau d'ordure, mais toutes loix, la loy de Dieu qui commande chasteré de Nature, qui defend de faire commun ce qui est propre à vn, & commande de garder la foy; du pays qui a introduit les mariages, le droit des familles, transferans iniustement le labeur d'autrui à vn estrange, la iustice apportant des incertitudes, jalousies & querelles entre les parens; desrobe aux enfans l'amour des peres, & aux parens la pieté des enfans.

DE LA GLOIRE ET

de l'Ambition.

CHAP. XLII.

Liv 1.
ch. 10.
& 60.

L'Ambition, le desir, de gloire & d'hõneur (desquels a esté parlé cy dessus) n'est pas du tout & en tout sens à cõdamner: premierement, il est tres-vtile au public, selon que le monde vit; car c'est luy qui cause la pluspart de belles actions, qui pousse les gens aux essays hazardeux, comme nous voyons en la plus-part des anciens, lesquels tous n'ont pas esté menez d'un esprit Philosophique, de Socrates, Phocion, Aristides, Epaminondas, des Catons & Scipions; par la seule vraye & viue image de vertu, car plusieurs & en bien plus grand nombre, ont esté poussez de l'esprit de Themistocles, d'Alexandre, de Cesar, bien que ces beaux exploits n'ayent pas esté chez leurs auteurs & operateurs, vrayes œuvres de vertu, mais d'ambition; toutesfois les effets ont esté tres-vtiles au public. Outre cette consideratiõ, encores selon les sages, est-il excusable & permis en deux cas: l'un est

des choses bones & vtils, mais qui sont au dessous de la vertu, & communes aux bons & meschans, comme sont les arts & sciences: *Honos alit artes, incenduntur omnes ad studia gloria*, les inuentions, l'industrie, la vaillance militaire; l'autre est pour demeurer en la bien-vaillance d'autrui. Les sages enseignēt de ne regler point ses actions par l'opinion d'autrui, sauf pour eiter les incommoditez qui pourroient aduenir de leurs mespris l'approbation & iugement d'autrui.

Mais au fait de la vertu, & de bien faire pour la gloire, comme si s'en estoit le salaire, c'est vne opinion fausse & vaine. Ce seroit chose bien pitieuse & chetive que la vertu, si elle tiroit sa recommandation & son prix de l'opinion d'autrui, c'est vne trop foible monnoye & de trop bas alloy pour elle, elle est trop noble pour aller mendier vne telle recōpense il faut affermir son ame & de façon telle, composer ses affections, que la lueur des honneurs n'esblouisse point nostre raison: & munir de belles resolutions son esprit, qui luy seruent de barrières contre les assauts de l'ambition.

Il se faut donc persuader, que la vertu ne cherche point vn plus amble ny plus riche Theatre, pour se faire valoir, que sa propre cōscience, plus le soleil est haut, moins fait-il d'ombre, plus la vertu est grande moins cherche elle de gloire, gloire vrayement semblable à l'ōbre, qui suit ceux qui la fuyent; & suit ceux là qui la suiuent, se remettre deuant les yeux que l'on vient en ce monde comme à vne Comedie, où l'on ne choisit pas le personnage que l'on veut iouer, mais seulement l'on regarde à bien iouer celuy qui est donné: ou comme en

vn banquet, auquel l'on vſe des viandes qui ſont deuant, ſans eſtendre le bras à l'autre bout de table, ny attacher les plats d'entre les mains des maîtres d'hôtel. Si l'on nous preſente vne charge dont nous ſoyons capables, acceptons la modèſtement, & l'exerçons ſincèrement, eſtiſſans que Dieu nous a là poſez en ſentinelle, afin que les autres reposent ſous noſtre ſoin: ne recherchons autre recompenſe de noſtre labeur, que la conſciencie d'auoir bien fait, & deſirōs que le teſmoignage en ſoit pluſtoſt graué dedans le cœurdē nos concitoyens, que ſur le front des œures publiques. Bref, tenons pour maxime, que le fruit des belles actions, eſt de les auoir faites: la vertu ne ſçauroit trouuer hors de ſoy recompenſe digne d'elle. Refuſer & meſpriſer les grandeurs, ce n'eſt pas tant grand miracle, c'eſt vn effort qui n'eſt ſi difficile. Qui bien ſ'ayme & iuge ſainement, ſe contente de fortune moyenne & aſſez: les maiſtriles fort tēues & paſſiues, ſont penibles, & ne ſont deſirées que par eſprits malades. Oranès l'vn des ſept qui auoient droit à la ſouueraineté de Perſe, quitta à ſes compagnons ſon droit, pourueu que luy & les ſiens veſcuſſent en cet Empire hors de toute ſubiection & maiſtriſe, ſauf celle des loix anciennes, impatient à commander & eſtre commandé. Diocletian quitta & renonça à l'Empire, Ceſtinius au Papat.

DE LA TEMPERANCE

parler, & de l'Eloquence.

CHAP. XLIII.

CEcy eſt vn grand point de ſageſſe: qui regle bien ſa langue en vn mot, il eſt ſage, qui in verbo non

offendit hic perfectus est. Cecy vient de ce que la langue est tout le monde, elle est le bien & le mal, la vie & la mort comme a esté dit cy-deuant. Or voycy les aduis pour la bien regler. Liu. 1. ch. 31.

Que le parler soit sobre & rare. Sçauoir se taire est vn grand aduantage à bien parler: & qui ne sçait bien l'vn, ne sçait l'autre. 2. Regles Bien dire & beaucoup n'est pas le faict de mesme ouurier; les meilleurs hommes sont ceux qui parlent le moins, disoit vn sage. Qui abonde en paroles, sont steriles à bien dire & à bien faire; comme les arbres qui iettent force feuilles, ont peu de fruit, force paille peu de grain. Les Lacedemoniens grands professeurs de vertu & vaillance, l'estoiēt aussi de silence, ennemis du langage: dont a esté tant loüé & reommâdé par tous le peu parler, la bride à la bouche, *Pone dominus castodiem ori meo.* En la loy de Moïse le vaisseau qui n'auoit son couuercle attaché, estoit immonde: en cecy se cognoist & discerne l'homme: le Sage a la langue au cœur, & le fol a le cœur à la langue.

Vritable l'usage de la parole est d'aider à la vérité, & luy porter le flambeau, pour la faire veoir: & au contraire descouurir & reietter le mensonge: d'autant que la parole est l'outil pour cōmuniquer nos volonteés & nos pensées, elle doit bien estre véritable & fidelle, puis que nostre intelligence se cōduit par la seule voye de la parole. Celuy qui la faulse, trahit la société publique, & si ce moyē nous faut & nous trōpe, nous ne nous tenons plus, nous ne nous entrecognoissons plus. De la menterie en a esté dit. ch. 10.

Naïf, modeste, & chaste: non accompagné de vanité & contention, il sembleroit qu'il y auroit de la passion, non artificiel ny affecté, non desbauché & desreglé, ny licentieux. liure. 4.

Aaa iij

Sérieux & vtile, non vain & inutile: Il ne faut pas s'amuser à compter ce qui se fait en la place ou au theatre, ny à dire sornette & risées, cela tient trop du bouffon, & montre vn trop grãd & inutile loysir, *otio abundantis, & abutentis*. Il n'est pas bon aussi de conter beaucoup de ses actiõs & fortunes: les autres ne prennent pas tant de plaisir à les ouyr, que nous à les conter: mais sur tout non iamais offensif: la parole est l'instrumēt & le courretier de la charité, en vser contr'elle, c'est en abuser contre l'intention de nature, toute sorte de mesdisance, detraction, moquerie est tres-indigne de l'hõme sage & d'hõneur.

6. Facile & doux, non espineux, difficile & ennuyeux: il faut euitier en propos communs les questions subtiles & aiguës, qui ressemblent aux escreuilles où y a plus à esplucher qu'à manger, la fin n'est que cris & contention.

7. Ferme, nerueux & genereux, non mol, lasche, & languissant: & par ainsi faut euitier le parler des pedans, plaideurs, & des filles.

8. A ce point de temperance, appartient celuy de
Chap. 8. garder fidèlement le secret, (dont a este parlé en la
de ce foy) non seulement qui a esté recommandé & don-
liu. né en garde, mais celuy que la prudence & discre-
tion dicte deuoir estre supprimé.

9. Or comme la parole rend l'homme plus excel-
De l'e- lent que les bestes, aussi l'eloquence rend ses pro-
loquen- fesseurs plus excellens que les autres hommes: car
ce, sa re- c'est la profession de la parole, c'est vne plus exqui-
cõman- se communication du discours & de la raison, le
dation. gouuernail des ames, qui dispose les cœurs & les
affections, comme certains tons, pour en faire vn
accord melodieux.


L'eloquence n'est pas seulement vne clarté, pureté, elegance de langage, que les mots soyent bien choisis, promptemēt ageancez, tombans en vne iuste cadence, mais elle doit estre aussi pleine d'ornemens, de grace, de mouuemens, que les paroles soiēt animées, premieremēt d'une voix claire, ronde & distincte, s'elevāt & s'abaissant peu à peu; Puis d'une graue & naïfue action où l'on voye le visage, les mains, & les mēbres de l'Orateur parler avec la bouche, suivre de leur mouuemēt celuy de l'esprit & représenter les affectiōs: car l'Orateur doit vestir le premier les passiōs dont il veut fraper les autres: Cōme Brasidas tira de sa propre playe le dard, dont il tua son ennemy: ainsi la passion s'estant conceüe en nostre cœur, se forme incōtinēt en nostre parole, & par elle sortant de nous, entre en autrui, & y donne semblable impressiō que nous auons nous mesmes par vne subtile & viue contagion. Par là se voit qu'une fort douce nature est mal propre à l'eloquence; car elle ne cōçoit pas les passiōs fortes & courageuses, telles qu'il les faut pour animer bien l'oraison: tellement que quād il faut desployer les maistresses voiles de l'eloquence vne grande & vehemēte action, ces gens-là demeurēt beaucoup au dessous: cōme sceut bien reprocher Cicéron à Calpidius, qui accusoit Gallus avec vne voix & action si froide & lasche, *tu nisi fingeres, sic ageres*: Mais estāt aussi vigoureuse & garnie de ce qu'a esté dit, elle n'auroit pas moins de force & violence, que les cōmandemens des tyrans, enuironnez de leurs gardes & satellites. Elle ne mene pas seulement l'auditeur, mais elle l'entraîne, regne parmy les peuples, s'establit vn violent empire sur les esprits.

A a a iij

Respon-
se aux
obie-
ctions.

L'on peut dire contre l'éloquence , que la vérité se soustient & defend bien de soy mesme , qu'il n'y a rien plus eloquent qu'elle. Ce qui est vray où les esprits sont purs, vuides & nets de passions: mais la pluspart du monde par nature , ou par art, & mauuaises instructions, est preoccupé, mal né & disposez à la vertu & vérité : dont il est requis de traiter les hommes, comme le fer qu'il faut amolir avec le feu, auant que le tremper en l'eau : aussi par les chaleureux mouuemens de l'éloquence , il les faut rendre soupplés & maniables , capables de prendre la trempe de la vérité. C'est à quoy doit tendre l'éloquence : & son vray fruit est armer la vertu contre le vice, la vérité contre le mensonge, & la calomnie. L'Orateur, dit Theophraste , est le vray medecin des esprits , auquel appartient de guarir la morsure des serpens par le chant des fleutes, c'est à dire, les calomnies des meschans , par l'armonie de la raison. Or puisque l'on ne peut empescher, que l'on ne s'empare de l'éloquence, pour executer les pernicieux desseins , que peut-on moins faire que nous defendre de mesmes armes, si nous ne nous en voulons aider, & nous presentons nud au combat, ne trahissons-nous pas la vertu & la vérité? Mais plusieurs ont abusé de l'éloquence à de meschans desseins & à la ruine de leur pays : cela est vray, & pour cela n'est elle à mépriser, cela luy est commun avec toutes les plus excellentes choses du monde, de pouuoir estre teurnée à mal & à bien, selon que celuy qui la possede est mal disposé , la pluspart des hommes abusent de leur entendement, ce n'est à dire qu'il n'en faille auoir.

F I N.



*Recueils des lieux & chapitres des trois
liures de la SAGESSE de PIERRE
CHARRON, suivant la premiere
edition faicte à Bourdeaux 1601. qui
ont esté depuis reueus, changez, ou
corrigez par l'Autheur.*

P R E F A C E.



Il est requis avant tout œuure,
sçauoir que c'est que Sagesse,
& comment nous entendons la
traicter en ce liure, puis qu'il
en porte le nom & le titre: Or
dés l'entrée nous aduertissons,
que nous ne prenons icy ce mot subtilement au
sens hautain & esleué des Theologiens & Phi-
losophes (qui prennent plaisir à descrire & faire
peinture des choses qui n'ont encores esté veuës,
& les releuer à telle perfection, que la nature hu-
maine ne s'en trouue capable, que par imagina-
tion) pour vne cognoissance parfaicte des choses
diuines & humaines, ou bien des premieres &
plus hautes causes & ressorts de toutes choses:
laquelle reside en l'entendement seul, peut-estre

Des-
cription
de Sa-
geſſe.

ſans probité (qui eſt principalement en la volon-
té) ſans vtilité, vſage action, ſans compagnee,
& en ſolitude : & eſt plus que tres-rare & diffi-
cile, c'eſt le ſouuerain bien & la perfection de
l'entendement humain, ny au ſens trop court, bas,
& populaire, pour diſcretion, circonſpection,
comportement aduiſé & bien réglé en toutes
choſes, qui ſe peut trouuer avec peu de pitié &
prud'homme : & regarde plus la compagnee &
l'autrui que ſoy-mesme. Mais nous le prenons en
ſens plus vniuerſel, commun & humain, compre-
nant tant la volonté que l'entendement, voire
tout l'homme en ſon dedans & ſon dehors, en ſoy
ſeul, en compagnee, cognoiſſant & agiſſant. Ain-
ſi nous diſons, que Sageſſe eſt preude prudence,
c'eſt à dire preud'homme avec habilité, probité
bien aduiſée: Nous ſçauons que preud'homme, ſans
prudence eſt fort & indiſcrette, prudence ſans
preud'homme n'eſt que fineſſe : ce ſont deux cho-
ſes les meilleures & plus excellentes, & les chefs de
tout bien: mais ſeules & ſeparées ſont defaillantes,
imparfaites. La Sageſſe les accouple, c'eſt vne
droicteure & belle compoſition de tout l'homme.
Or elle conſiſte en deux choſes : Bien ſe cognoi-
ſtre & conſtamment eſtre bien réglé & mode-
ré en toutes choſes par toutes choſes : L'entends
non ſeulement les externes, qui apparoïſſent au
monde, faiçts & dictz: mais premierement & prin-
cipalement les internes: penſées, opinions, crean-
ces, deſquelles (ou la faute eſt bien grande, &
qui en fin ſe deſcouure) ſourdent les externes.
Je diſ conſtamment, car les fols par fois contre-
font, & ſemblent eſtre bien ſages. Il ſembleroit

peut-estre à aucuns , qu'il suffiroit de dire , que la Sagesse consiste à estre constamment bien réglé & modéré en toutes choses , sans y adiouster bien se cognoistre : mais ie ne suis pas de cet aduis : car aduenant que par vne grande bonté , douceur & souppléssé de nature , ou par vne attentieue imitation d'autrui , quelqu'un se comportant modérement en toutes choses, ignorant cependant & mes-cognoissant soy mesme , & l'humaine condition, ce qu'il a & ce qu'il n'a pas : il ne seroit pourtant sage , veu que sagesse n'est pas sans cognoissance, sans discours & sans estude. L'on n'accordera pas pour estre ceste proposition : car il semble bien que l'on ne peut reglement & constamment se comporter partout sans se cognoistre : & suis de cet aduis. Mais ie dy , que combien qu'ils aillent inseparablement ensemble , si ne laissent-ils d'estre deux choses distinctes, dont il les faut separément exprimer en la description de Sagesse , comme les deux offices : dont se cognoistre est le premier, & est dict le commencement de Sagesse. Parquoy nous disons sage, celuy , qui cognoissant bien ce qu'il est, son bien & son mal, combien & iusques ou nature l'a estrené & fauorisé, & où elle luy a defaillly, estudie par le benefice de la Philosophie, & par l'effort de la vertu à corriger & redresser ce qu'elle luy a donné de mauuais ; recueillir & roidir ce qui est de foible & languissant ; faire valoir ce qui est bon, adiouster ce qui defaut , & tant que faire ce peut la secourir : & par tel estude se regle & conduict bien en toutes choses.

Dessain
& me-
thode

Suiuant ceste briefue declaration, nostre dessein en cet œuure de trois liures , est premierement, de

L'Au-
teur en
cette
œuvre.

enseigner l'homme à se bien cognoistre , & l'hu-
maine condition , le prenant en tout sens , regar-
dant à tous visages ; c'est au premier liure : puis
l'instruire à se bien regler & moderer en toutes
choses : ce que nous ferons en gros , par aduis &
moyens generaux & communs au second liure , &
particulierement au troisieme , par les quatre ver-
tus Morales , sous lesquelles est comprise toute
l'instruction de la vie humaine , & toutes les parties
du deuoir & de l'honneste. Voyla pourquoy cet
œuvre , qui instruit la vie & les mœurs à bien vi-
ure & bien mourir , est intitulé Sagesse , com-
me le nostre precedent , qui instruisoit à bien
croire , a esté appelé verité , ou bien les trois Ve-
ritez , y ayant trois liures en cestuy-cy , comme en
celuy-là. J'adiouste icy deux ou trois mots de bon-
ne foy , l'un que j'ay questé par cy par là & tiré la
plus-part des materiaux de cet ouvrage des meil-
leurs auteurs qui ont traité ceste matiere Morale
& Politique , vraye science de l'homme , tant anciens ;
specialemēt Seneque & Plutarque , grands docteurs
en icelle , que modernes. C'est le recueil d'une par-
tie de mes estudes : la forme & l'ordre sont à moy. Si
ie l'ay arrangé & agencé avec iugemēt , & à propos ,
les Sages en iugeront , car mesuy en ce subiet au-
tre ne peuvent estre mes iuges , & de ceux-là volon-
tiers receuray la reprimande : & ce que j'ay pris
d'autrui , ie l'ay mis en leurs propres termes , ne le
pouvant dire mieux qu'eux. Le second que j'ay icy
vsé d'une grande liberté & franchise à dire mes ad-
uis , & heurter les opinions contraires , bien que
toutes vulgaires & communement receuës , & trop
grandes , ce m'ont dit aucuns de mes amis : auxquels

j'ay respondu, que ie ne formois icy ou instruisois vn homme pour le cloistre, mais pour le monde, la vie commune & ciuile, ny ne faisois icy le Theologien ny le Cathedran, ou dogmatifant, ne m'assubietuant scrupuleusement à leurs formes, regles, stiles, ainsy i'ois de la liberté Academique & Philosophique. La foiblesse populaire, & delicate feminine, qui s'offense de cette hardiesse & liberté de paroles, est indigne d'entendre chose qui vaille. A la suite de cecy, ie dy encores, que ie traitte & agy icy non pedantesquement selon les regles ordinaires de l'eschole, ny avec estendue de discours, & appareil d'eloquēce, ou aucun artifice. La Sageſſe, *quæ fœculis ipſis cernere tur, mirabiles excitat amores ſui*, n'a que faire de toutes ces façons, pour la recommandation, elle est trop noble & glorieuse: les veritez & propositions y sont espeſſes: mais ſouuent toutes ſeches & cruës, comme aphorismes, ouuertures & ſemence du discours. I'y ay parſemé des ſentences Latines, mais courtes, fortes, & poëtiques, tirées de tres bonne part, & qui n'interrompent ny ne troublent le fil du texte François; Car ie n'ay peu encores eſtre induit à trouuer meilleur de tourner toutes telles allegations en François (comme aucuns veulent) avec tel deſchet & perte de la grace & energie, qu'elles ont en leur naturel & original, qui ne le peut iamais bien representer en autre langage.

Au liu. 1. pag. 24. de l' Edition de Bourdeaux ch. 4. qui est le 35. de cette Edition pag. 187. ligne 13.

C'est tousiours deſcouvrir vn autel pour en cou-

urir vn autre état est courte & foible toute la suffisance humaine, qu'elle ne peut bailler ny receuoir vn reglement certain, vniuersel, & constant à estre homme de bien: & ne peut si bien aduiser & pourvoir que les moyens de bien-faire ne s'entr'empeschent souuēt. La charité & la iustice se cōtredisēt, si ie rencontre mon parent & amy en la guerre de cōtraire party, par iustice, ie le doy tuer, par charité l'espargner & sauuer. Si vn homme est blessé à la mort, ou n'y aye aucun remede, & n'y reste qu'vn languir tres-douloureux, c'est œuvre de charité de l'acheuer, mais qui seroit puny par iustice.

Page 25. du mesme ch. 4. de l'Edition de Bourdeaux, qui est la pag. 188. ligne 15. de ceste Edition.

Et cecy se void non seulement au faict de police & de la iustice: mais encores en la religion, qui montre bien que toute la cōsuture & cōduite humaine est bastie & faicte de pieces maladiues.

Pag. 27. du mesme ch. 4. de l'Edition de Bourdeaux qui est la pag. 190. ligne 20 de ceste Edition.

Il semble que commettre au combat les parties, quand l'on ne peut descouvrir la verité (moyen cōdamné par la Chrestienté, & iadis fort en vlage) soit moins iniuste & cruel.

8.
4. Reli-
gion,
sacrifice.

En religion, les plus grâdes & solemnelles actiōs sont marques honteuses, & remedes aux maladies humaines. Les sacrifices qui ont esté anciennemēt en si grande reuerence par tout le monde vniuersel, voire en la religion Iudaïque, & encore sont en

usage en plusieurs endroits du monde, non seulement, des bestes, mais encore des hommes vians, voire des innocens. Qu'elle plus grãde rage & manie peut entrer en l'imagination, que de penser appaiser & gratifier Dieu par le massacre & sang des bestes; *non sanguine colendus Deus: quæ enim ex trucidatione immerentium voluptas est*; Qu'elle folie de penser faire service à Dieu en luy donnãt & presentant, & non plustost en luy demandant & implorant; Car c'est grandeur de donner & non de prendre. Certes les sacrifices estoient ordonnez en la loy de Moysè, non pource que Dieu prinst plaisir, ou que ce fust chose par aucune raison bonne de foy, *si voluisses sacrificium dedissem utique holocaustis non delectaberis, sacrificium & oblationem noluisti, holocaustum pro peccato non postulasti*, mais pour s'accommoder à la foiblesse humaine: car il est permis de folier avec les petits enfans. La penitence est la chose la plus recommandée & des principales de la religiõ, mais qui presupose peché, & est remede contre iceluy, sans lequel ce seroit de foy chose mauuaise: car le repentir, la tristesse & affliction d'esprit est mal. Le iuremẽt de mesme, causé par l'infidelité & meffiance humaine & remede contre icelle, ce sont tous biens, non de foy, mais comme remedes aux maux. Ce sont biens pource qu'ils sont vtils & necessaires, & non au rebours. Ce sont biens, comme l'esternuement & la medecine, bons signes venans de mauuaise cause, guarison de maux: ce sont biens, mais tels qu'il seroit beaucoup meilleur qu'il n'y en eust iamais, & qu'il n'en fust point besoing.

Si l'homme est foible à la vertu, comme il vient d'estre montré, il est encore plus à la verité. C'est

Sence.

Penité-
ce.Iure-
ment.

chose estrange, l'hōme desire naturellemēt sçauoir la verité , & pour y paruenir remuë toute chose: neantmoins il ne la peut souffrir, quand elle se presente, son esclair l'estonne, son esclat l'atterre, ce n'est point de sa faute, car elle est tres belle, tres-amiable, & tres conuenable à l'homme, & peut-on d'elle dire encōre mieux, que de la vertu & sagesse, que si elle se pouuoit bien voir, elle rauiroit & embraseroit tout le monde en son amour. Mais c'est la foiblesse de l'homme qui ne peut recevoir & porter vne telle splendeur, voire elle l'offense. Et celuy qui la presente est souuent tenu pour ennemy, *veritas odium parit*. C'est acte d'hostilité que de luy monstrier ce qu'il ayme & cherche tant. L'homme est fort à desirer, & foible à recevoir. *A ce chap. 16. respondent le 3. & 4. Chapitres de ceste nouvelle Edition.*

*DU CORPS HUMAIN
en general.*

CHAP X.

De l' Edition de Bourdeaux pag. 9.

Anti-
quité.

AYANT à parler de toutes les pieces de l'homme fait commencer par le corps comme par le plus facile & apparent, & qu'il est aussi l'aisné de l'ame, comme le domicile doit estre fait & dressé auant qu'y demourer, & l'atelier auant que l'ouurier y entre pour y ouurer.

²
Diuisiō.

Le corps humain est formé avec le temps & de
tel

tel ordre, que premierement sont basties les trois plus nobles & heroïques parties, le foye, le cœur, le cerueau, distantes en long, & se tenans par ioinctures desliees, qui puis se remplissent tout à la façon d'un formy, ou y a trois parties plus grosses, enflées, ioinctes par entre deux, desliees. Selon ces trois parties principales viennent à considerer trois estages en l'homme (image racourcie du monde) qui respondent aux trois estages & regions de l'univers, la basse du foye, racines des vaines, officine des esprits naturels, & le lieu de l'ame concupiscible, en laquelle sont contenus le ventricule, ou l'estomach, les boyaux, les reins, la ratte, & toutes les parties genitales, respondent à la region elementaire ou se font toutes les generations & corruptions. Celle du milieu ou maistrise le cœur, le tige des arteres, & des esprits vitaux, & le signe de l'ame irascible, separée de celle d'embas par la toile tendue du diaphragme, & de celle d'en haut par le destroit de la gorge en laquelle sont aussi les poulmons, respond à la region ætherée. Celle d'en haut, ou loge le cerueau spongieux, source des nerfs & esprits animaux, du mouuement & sentiment, & le trosne de l'ame raisonnable, *vbi sedet pro tribunali*, respond à la region celeste & intellectu-

Viscera
1.Præcor-
dia

2.

3.

4.
Singula-
ræ.

L'homme en son corps a plusieurs choses, qui luy sont peculieres priuatiuement aux bestes. Statue droicte, 2. forme belle, 3. visage proprement dit, 4. nudité naturelle, 5. mouuement tant diuers des membres, 6. souplesse & mobilité de la main ouuriere de tant de choses, c'est vn miracle, 7. grosseur & abondance de cerueau, 8. le genouil qui est en l'homme

Bbb

me seul au deuant, 9. si grande longueur du pied au deuant, & qui est si court au derriere, 10 saignée du nez, chose estrange, veu qu'il a la teste droite, & les bestes baissée, 11. rougir à la honte, 12. paillir à la crainte, 13. les causes ou raisons de ces singularitez sont belles, mais ne sont de ce nostre prix fait.

4.
Biens.

Les biens du corps sont la santé, la beauté, l'alegresse, la force, la vigueur, l'adresse & disposition, mais la santé passe tout.

5.
Pieces
plus nobles.

Les principales & plus nobles pieces des externes sont les sens corporels, & des internes, le cerueau, le cœur, le foye, & puis les genitoires, & les poulmons.

6.
Excel-
lence.

L'excellence du corps est generalement en la forme, droicture & port d'iceluy: specialement & particulièrement en la face & aux mains, qui sont les deux parties, que nous laissons par honneur nuës. Certes les sages mesmes Stoïques ont tant fait de cas de la forme humaine, qu'ils ont dit vouloir mieux estre fol en la forme humaine, que sage en la forme brutale, preferans la forme corporelle à la sagesse.

7.
Droictu-
re.

Le corps de l'homme touche fort peu la terre: il est droit tédau Ciel, où il regarde, se void & se cognoist, cōme en son miroir, les plantes tout au rebours ont la teste & racine toute dedās la terre, les bestes cōme au milieu l'ont entre deux: mais plus & moins: la cause de ceste droicture n'est pas proprement l'ame raisonnable, cōme il se void aux courbez, bossus, boiteux: nō la ligne droicte de l'espine du dos, qui est aussi aux serpēts, non la chaleur naturelle ou vitale, qui est pareille ou plus grande en certaines bestes, cōbiē que tout cela y peust seruir

de quelque chose: Ceste droicte conuient à l'homme, & comme homme & comme Roy d'icy bas. Aux petits & particulieres royautez y a vne marque & maiesté, comme il se void au Dauphin couronné, ou serpent basilizé, au lyon avec son collier, sa couleur de poil, & les yeux en l'aigle, au roy des abeilles: Mais l'homme Roy vniuersel d'icy bas marche la teste droicte, comme vn maistre en sa maison, regente tout, & en vient à bout par amour ou par force, domptant ou appriuoisant.

Comme il y en a qui ont des contenances, gestes, & mouuements artificiels & affectez, aussi y en a qui en ont de si naturels & si propres, qu'ils ne les sentent, ny ne les recognoissent point, comme pencher la teste, rincer le nez: Mais tous en auôs, qui ne departent point de nostre discours, ains d'une pure naturelle & prompte impulsion, comme mettre la main au deuant en nos cheutes.

*Pag. 100. lign. 20. de la premiere Edition de Bour-
deaux ch. 11. qui est le 9. ch. de cette edition p. 58. lig. 3.*

Nous deurions selon le conseil de Socrates, nous rendre plus attentifs & assidus à considerer les beautez des esprits, & y prendre le mesme plaisir que nous faisons aux beautez du corps, par là nous approcher, r'allier, conioindre, & concilier en amitié, mais il faudroit à cela des yeux propres & Philosophiques.

8.
Conten-
nances

Bbb ij

DE L'ÂME HUMAINE

en general.

CHAP. XV.

De la 1. Edition de Bourdeaux pag. 114.

VOicy vne matiere difficile sur toutes, traittee & agitee par les plus sçauans & sages, mais avec vne grande diuersité d'opinions, & selon les diuerses nations, religions professions & raisons, sans accord & resolution certaine. Les principaux poincts sont de l'origine & de la fin des ames, leur entree & sortie des corps, d'où elles viennent quand elles y entrent, & ou elles vont quand elles en sortent, de leur nature, estat, action, & s'il y en a plusieurs en l'homme ou vne seule.

I. De l'origine de l'ame raisonnable
De l'origine des ames humaines, il y a de tout temps eu tres-grande dispute & diuersité d'opinions entre les Philosophes & Theologiens: il y en a eu quatre opinions celebres, selon la premiere qui est des Stoiciens tenue par Philon Iuif, puis par les Manicheens, elles sont extraictes & produictes comme pareilles de la substance de Dieu, qui les inspire au corps: La seconde d'Aristote tenue par Tertulien, Appolinaris, les Luciferiens, & autres Chrestiens, dict qu'elles viennent & deriuent des ames des parens avec la semence, ainsi que les corps, à la façon des ames brutales, vegetatiues & sensitiues: La troisieme des Pithagoriciens & Platoniciens, tenus par plusieurs Rabins & Docteurs Iuifs, puis par Origene &

autres Docteurs Chrestiens, dict, qu'elles en ont du commencement toutes creées de Dieu, faictes de rien, & reservees au ciel, puis enuoyees cy bas, selon qu'il est besoing aux corps formez & disposez à les recevoir. La quatriesme, receüe en la Chrestienté, est qu'elles sont créées de Dieu & infuses aux corps preparez, tellement que la creation & infusion se face en mesme instant: Ces quatre opinions sont affirmatiues: car il y en a vne cinquiesme plus retenuë qui ne definit rien, & se contente de dire que c'est vne chose secrette & incognuë aux hommes, de laquelle opinion ont esté S. Augustin, S. Gregoire de Nice, & autres: qui toutesfois ont trouué les deux derniers affirmatiues, plus vray semblable que les deux premieres.

Le siege de l'ame raisonnable, *ubi sedes, pro tribunali*, c'est le cerueau & non pas le cœur, cōme auant Platon & Hypocrates, l'on auoit pensé communement, car le cœur a sentiment & n'est capable de sapience. Or le cerueau qui est beaucoup plus grand en l'homme qu'à tous autres animaux pour estre bien faict & disposé, afin que l'ame raisonnable agisse bien; doit approcher de la forme d'un nauire, & n'estre point rond, ny trop grand, ou par trop petit, bien que le plus grand soit moins vitieux; composé de substance & de parties subtiles, delicates & deliées, bien joinctes & vnies sans separation ny entre deux, ayant quatre petits creux ou ventres, dont les trois sont au milieu rangez de front & collateraux entr'eux, & derriere eux tirant en derriere de la teste, le quatriesme seul, auquel se faict la preparation & conionction des esprits vitaux, pour estre puis faicts animaux, & por-

2.

Son siege
& instru-
ment,

tez au trois creux de deuant, ausquels l'ame raisonnable faict & exerce ses facultez: qui: ōt trois, entendement, memoire, imagination, lesquelles ne s'exercent point separément & distinctement, chacune en chacun creux ou ventre, comme aucuns vulgairement ont pensé. Mais communément & par ensemble toutes trois en tous trois & chacun d'eux, à la façon des externes qui sont doubles, & ont deux creux, en chacun desquels le sens s'exerce tout entier: d'où vient que celuy qui est blessé en l'un ou deux de ces trois ventres, comme le Paralytique, ne laisse pas d'exercer toutes les trois, bien que plus foiblement, ce qu'il ne feroit si chacune faculté auoit son creux à part.

3.
Si l'ame
raison-
nable est
organique.

Aucuns ont pensé que l'ame raisonnable n'estoit point organique, & n'auoit besoin pour faire les fonctions d'aucun instrumēt corporel, pensant par là bien prouuer l'immortalité de l'ame; mais sans entrer en vn labyrinthe de discours, l'experience oculaire & ordinaire dément ceste opinion, & cōvainq du contraire: car l'on scait que tous hommes n'entendent ny ne raisonnent de mesme, & esgalement, ains, avec tres-grande diuersité: & vn mesme homme aussi change, & en vn temps raisonne mieux qu'en vn autre, en vn aage, en vn estat & certaine disposition qu'en vn autre, tel mieux en santé qu'en maladie, & tel autre mieux en maladie qu'en santé. Vn mesme en vn temps preuaut en iugemēt, & sera foible en imaginatiō: d'où peuvent venir toutes ces diuersitez & chāgemēs, sinon l'organe & instrumēt changeant d'estat? Et d'où viēt que l'yurognerie, la morsure du chien enragé, vne fièvre ardēte, vncoup en tête, vne fumée

montant de l'estomach, & autres accidens feront culbuter, & renuerferont entierement le iugemēt, tout l'esprit intellectuel, & toute la sagesse de Grece, voire contraindront l'ame de desloger du corps! Ces accidens purement corporels ne peuvent toucher ny arriuer à ceste haute faculté spirituelle de l'ame raisonnable, mais seulement aux organes & instrumens, lesquels estans detraquez & desbauchez, l'ame ne peut bien & reglement agir, & estans par trop forcez & violentez est contrainte de s'absenter, & s'en aller. Au reste se servir d'instrument ne preiudicie point à l'immortalité: car Dieu s'en sert bien, & y accommode ses actiōs: & comme selon la diuersité de l'air, religion & climat, Dieu produit hommes fort diuers en esprit & suffisance naturelle: car en Grece & en Italie il les produit bien plus ingenieux qu'en Moscouie, & Tartarie: aussi l'esprit selon la diuersité des dispositions organiques, des instrumens corporels, raisonne mieux ou moins. Or l'instrument de l'ame raisonnable, c'est le cerueau & le temperament d'iceluy, duquel nous auons à parler.

Temperament est la mixtion & proportion des quatre premieres qualitez, chaud, froid, sec & humide, ou bien vne cinquieme, & cōme l'armonie resultate de ces quatre. Or du temperament du cerueau viēt & depend tout l'estat & l'action de l'ame raisonnable: mais ce qui cause & apporte vne grande misere à l'hōme, est que les trois facultez de l'ame raisonnable, entendement, memoire imagination, requierent & s'exercent par temperamens contraires. Le temperament de l'entendement est sec, d'oū vient que les aduancez en aage preualent en

4.
Du temperament du cerueau, & des facultez de l'ame.
Distinction & contrariété.
Entendement sec: vieillesse midy.

B b b iij

entendement par dessus les ieunes, d'autant que le cerueau s'effuye & s'asseche tousiours plus: aussi les melancholiques, secs, les affligez, indignes, & qui sont à ieun (car la tristesse & le ieune desseiche) sont prudents & ingenieux, *splendor fideus animus sapientissimus: vexatio dat intellectum*. Et les bestes de temperament plus sec comme fourmis, abeilles, elephans, sont prudentes & ingenieuses (comme les humides, telmoïn le pourceau, sont stupides, sans esprit) les meridionaux, secs & moderez en chaleur interne du cerueau, à cause du violent chaud externe. Le temperament de la memoire est humide, d'où vient que les enfans l'ont meilleure que les vieillards, & le matin apres l'humidité acquise par le dormir de la nuit plus propre à la memoire, laquelle est aussi plus vigoureuse aux Septentrionaux, j'entends icy vne humidité non aqueuse, coulante: en laquelle ne se puisse tenir aucune impression, mais aerée, gluante, grasse, & huileuse, qui facilement reçoit & retient fort, comme ce void aux peintures faictes en l'huile. Le temperament de l'imagination est chaud, d'où vient que les Phrenetiques, Maniacles, & malades de maladies ardentes, sont excellens en ce qui est de l'imagination, poésie, diuination, & qu'elle est forte en la ieunesse & adolescence (les Poetes & Prophetes ont fleuri en cest aage) & aux lieux mitoyens entre Septentrion, & Midy.

De la diuersité des temperamens, il aduient que l'on peut estre mediocre en toutes les trois facultés, mais non pas excellent, & que qui est excellent en l'une des trois, est foible és autres. Que les temperamens de la memoire & l'entendement soyent

fort differens & contraires, cela est clair, comme le sec & l'humide: de l'imagination qu'il soit contraire aux autres, il ne semble pas tant, car la chaleur n'est pas incompatible avec le sec & l'humide: toutesfois l'experience montre que les excellens en l'imagination sont malades en l'entendement & memoire, tenus pour fols & furieux: mais cela vient que la chaleur grande qui sert à l'imagination, consume & l'humidité qui sert à la memoire, & la subtilité des esprits, & figures, qui doit estre en la secheresse qui sert à l'entendement, & ainsi est contraire & destruit les autres deux.

De tout cecy, il est evident qu'il n'y a que trois principaux temperamens, qui seruent & facent l'ame raisonnable, & distinguent les esprits, sçavoir le chaud, le sec & l'humidité: le froid ne vaut à rien, n'est point actif & ne sert qu'à empescher tous les mouvemens & fonctions de l'ame: & quant il se lit souuent aux auteurs que le froid sert à l'entendement, que les froids de cerueau, comme les melancholiques & les meridionaux sont prudents, sages, ingenieux, là le froid se prend non simplement, mais pour vne grande moderation de chaleur: car il n'y a rien plus contraire à l'entendement & sagesse, que la grande chaleur, laquelle au contraire sert à l'imagination: & selon les trois temperamens il y a trois facultez de l'ame raisonnable: mais comme les temperamens, aussi les facultez reçoivent diuers degrez, subdivisions, & distinctions.

Il y a trois principaux offices & differences d'entendement, inferer, distinguer, élire: les sciences qui appartiennent à l'entendement sont la Theologie,

5.
Trois
seuls té-
peramens
& facultez
de
l'ame.

6.
Sont divi-
sion des
trois fa-

cultez de
l'ame
raison-
nable.
Entende-
ment.
Memoi-
re.

Imagi-
nation.

scolastique, la Theorique de medecine, la Diale-
ctique, la Philosophie Naturelle & Morale. Il y a
trois sortes differentes de memoire. Recevoir &
perdre facilement les figures. Recevoir facilement
& difficilement perdre. Difficilement recevoir &
facilement perdre. Les sciéces de la memoire sont
la Gramaire, Theorique de Jurisprudéce & Theo-
logie positive, Cosmographie, Arithmetique.

De l'imagination y a plusieurs differences, & en
beaucoup plus grand nombre que de la memoire
& de l'entendement: a elle appartiennent propre-
ment les inuentions, les facettes & brocards, les
pointes & subtilitez, les fictions & menlonges, les
figures & comparaisons, la probité, netteté, ele-
gance, gentillesse. Parquoy appartiennent à elle
la poësie, l'eloquence, musique & generalement
tout ce qui consiste en figure, correspondance,
harmonie, & proportion.

7.

Proprie-
tez &
actions
de facul-
tez avec
l'ordre
d'agir.

De tout cecy appert que la viuacité, subtilité,
promptitude, & ce que le commun appelle esprit,
est à l'imagination chaude: La solidité, maturité,
verité, est à l'entendement sec: L'imagination est
active, bruyante, c'est elle qui remuë tout & met
tous les autres en besongne: L'entendement est
action morne & sombre: La memoire est purement
passive, & voicy comment: l'imagination premie-
rement recueille les especes & figures des choses
tant presentes par le service des cinq sens, qu'ab-
sentes par le benefice du sens commun, puis les
represente, si elle veut à l'entendement, qui les
considere, examine, cuit & iuge; puis elle mesme
les met en depost & conserue en la memoire, cō-
me l'escriuain au papier, pour derechef quand be-

soin sera les en tirer & extraire (ce que l'on appelle reminiscence) ou bié si elle veut les recômander à la memoire, auât les presenter à l'entendement. Parquoy recueillir, presenter à l'entendement, mettre en la memoire, & les extraire, sôt tous œures de l'imaginatiô. Et ainsi a elle appartiét le sés cômun, la reminiscence, & ne sont point puissances separées d'elle, comme aucuns vealent, pour faire plus de trois facultez de l'ame raisonnable.

Le vulgaire, qui ne iuge iamais bié, estime & fait plus de feste de la memoire, que des deux autres ; pource qu'elle en cõpte fort, a plus de monstie & fait plus de bruit en public : & pense il que pour auoir bonne memoire l'on est fort sçauât, & estime plus la science que la sagesse, c'est toutesfois la moindre des trois, qui peut estre avec la folie & l'impertinence : mais raremēt elle excelle avec l'entendement & sagesse, car leurs temperamens sont cõtraires. De cet erreur populaire est venuë la mauuaise instructiô de la ieunesse, qui se void par tout.

Ils sont tousiours apres à luy faire apprédre par cœur (ainsi parlent-ils) ce que les liures disent, afin de les pouuoir alleguer, & à luy réplir & charger la memoire du bié d'autrui, & ne se soucient de luy recueillir & esguier l'entendement, & former le iugement, pour luy faire valoir son propre bien & ses facultez naturelles, pour le faire sage & habile à routes choses. Aussi voyons nous que les plus sçauants qui ont tout Aristote & Cicéron en la teste, sont plus sots & plus ineptes aux affaires, & que le monde est mené & gouuerné par ceux qui n'en sçauēt rien. Par l'aduis de tous les sages, l'entendement est le premier, la plus excellente &

8.

Compa-
raison
des fa-
cultez
de l'ame
en pré-
minence
& digni-
tez.

principale piece du harnois. Si elle ioüe bien tout va bien & l'homme est sage, & au rebours si elle se mesconte, tout va de trauers: en second lieu est l'imagination: la memoire est dans la derniere.

9.
Image
des trois
facultez
de l'ame.

Toutes ces differences s'entendent, peut-estre, encore mieux par ceste similitude, qui est vne peinture ou imitation de l'ame raisonnable. En toute Cour de iustice y a trois ordres & estages, le plus haut des iuges, auquel y a peu de bruit, mais grande action: car sans s'emouuoir & agiter ils iugent, decident, ordonnent, determinent de toutes choses, c'est l'image du iugement plus haute partie de l'ame. Le second des Aduocats & Procureurs, auquel y a grande agitation & bruit sans action; car ils ne peuuent rien vuider, ny ordonner seulement secoüer les affaires, c'est la peinture de l'imagination, faculté remuante, inquieté qui ne s'arreste iamais, non pas pour le dormir profond, & fait vn bruiet au cerueau comme vn pot qui boult, mais qui ne resout & n'arreste rien. Le troisieme & dernier estage est du greffe & registre de la Cour, ou n'y a bruit ny action, c'est vne passion, vn gardoir & reseruoir de toutes choses, qui represente bien la memoire.

II.
L'ame est
de soy
sçauante:

L'ame qui est la nature & la forme de tout animal, est de soy toute sçauante sans estre apprinse; & ne faut point à produire ce qu'elle sçait, & bien exercer ses fonctions comme il faut, si elle n'est empeschee, & moyennant que ses instrumens soyent bien disposez, dont a esté bien & vrayement dit par les Sages, que nature est sage, sçauante industrieuse, & rend habile à toutes choses, ce qui est aisé à monstrier par induction. L'ame vegetatiue de soy sçait in-

struction forme le corps en la matrice tant excel-
 lement, puis le nourrit & le fait croistre, attirant
 la viande, la retenant & cuisant. & reiettant les ex-
 cremens, elle r'engendre & refait les parties qui de-
 faillent, ce sont choses qui se voient aux plantes,
 bestes & en l'hōme. La sensitive de soy sans instru-
 ction fait aux bestes & en l'hōme remuer les pieds,
 les mains & autres membres, les gratter, frotter, se-
 couer, tetter, demener les leures, plorer, rire. La
 raisonnable de mesme, non selon l'opinion de Pla-
 ton par reminiscēce de ce qu'elle sçauoit auant en-
 trer, au corps, cōme si elle estoit plus aagee que le
 corps: ny selon Aristote par reception & acquisition
 venant de dehors par les sens estant de soy vne carte
 blanche & vuide: mais de son & sans instruction,
 imagine, entēd, retient, resonne, discourt. Et pour
 ce que ceste proposition semble plus difficile à croi-
 re de la raisonnable que des autres, elle se prouue
 premierement par le dire des plus grands Philoso-
 phes, qui tous ont dit que les semences des grandes
 vertus & sciences, estoient éparses naturellemēt en
 l'ame: Puis par raison tirée de l'experience, les be-
 stes raisonnent, discourent, font plusieurs choses
 de prudence & d'entendement, comme il a esté bien
 prouué cy dessus. Ce qu'auoiant mesme Aristote,
 a rendu la nature des bestes plus excellente que
 l'humaine, laquelle il fait vuider & ignorante du
 tout: mais les ignorants appellent cela instinct na-
 turel, qui ne sont que des mots en l'air, car après
 ils ne sçauent declarer qu'est-ce qu'instinct natu-
 rel: les hōmes melancholiques, maniaques, phre-
 netiques, & atteints de certaines maladies qu'Hy-
 pocrates appelle diuines, sans l'auoir appris

Empe-
 docles.
 Hypo-
 crate.
 Galen.

Acade-
 mio. Phi-
 lo, Iude.

Ch. 8.
 5.

parlent Latin, font des vers, discourent prudemment & hautement, deuinent les choses secretes & à venir (lesquelles choses les sots ignorans attribueront au diable ou esprit familier) bien qu'ils fussent auparauant idiots & rustiques, & que depuis sont retournez tels apres la guarison. Item, y a des enfans qui bien tost apres estre nays ont parlé, comme ceux qui sont venus de parens vieux : d'où ont-ils appris & tiré tout cela, tant les bestes que les hommes?

11.
Et non
par le be-
nefice
des sens.

Si toute science venoit comme veut Aristote des sens, il s'ensuiuroit que ceux qui ont les sens plus entiers & plus vifs, seroient plus ingenieux & plus sçauans, & se void le contraire souuent, qu'ils ont l'esprit plus lourd & sont plus mal habiles, & plusieurs se sont priuez à escient de l'usage d'iceux, afin que l'ame fist mieux & plus librement ses affaires. Et seroit chose honteuse & absurde, que l'ame tant haute & diuine que stat son bien des choses si viles & caduques, comme les sens : car c'est au rebours que les sens ont tout de l'ame, & sans elle ne sont & ne peuuent rien : & puis en fin que peuuent apperceuoir les sens sinon les accidens & superficies des choses : Car les natures, formes : les tresors & secrets de nature nullement.

12.
Obiectio
& sa res-
ponse.

Mais on demandera pourquoy donc ces choses ne se font elles tousiours par l'ame? Pourquoy ne fait-elle en tout temps ses propres fonctiōs, & que plus foiblement & plus mal elle les fait en vn tēps qu'autre? L'ame raisonnable agit plus foiblement en la jeunesse qu'en la vieillesse : & au contraire la vegetariue forte & vigoureuse en la jeunesse, est foible en la vieillesse, en laquelle elle ne peut refaire les

denstôbées côme en la ieunesse. La raisonnable, fait en certaines maladies ce qu'elle ne peut en santé, & au rebours en santé ce qu'elle ne peut en maladie. A quoy pour toute la response (touchée cy-dessus) est que les instrumens desquels l'ame a besoin pour agir, ne sont ny ne peuvent tousiours estre disposez comme il faut pour exercer toutes fonctions, & faire tous efforts, voire ils sont contraires, & s'entr'empeschent: & pour dire plus court & plus clairement, c'est que le temperamēt du cerueau, duquel a esté rā parlé cy-dessus, par lequel & selon lequel l'ame agit, est diuers & changeant, & estant bon pour vne fonction d'ame, est contraire à l'autre: estant chaud & humide en la ieunesse est bon pour la vegetatiue, & mal pour la raisonnable, & au cōtraire froid & sec en la vieillesse, est bon pour la raisonnable, mal pour la vegetatiue: Par maladie ardente fort eschaufé & subtilisé est propre à l'inuention & diuiniō, mais impropre à maturité & solidité de iugemēt & sagesse.

De l'vnité & singularité ou pluralité des ames en l'hōme, les opiniōs & raisōs sont fort diuerses entre les Sages. Qu'il y en aye trois essentiellemēt distinctes, c'est l'opinion des Egyptiens, & d'aucuns Grecs, côme Platoniciēs: Mais c'est chose estrāge qu'une mesme chose aye plusieurs formes essentielles. Que les ames soiēt singulieres & à chacū hōme la siēne: c'est l'opiniō de plusieurs, cōtre laquelle l'ō dit qu'il faudroit ou qu'elle fust toute mortelle, ou biē en partie mortelle en la vegetatiue & sensitive, & en partie immortelle en la raisonnable, & ainsi feroit diuisible. Qu'il n'y en aye qu'une seule raisonnable generalemēt de tous hōmes, c'est l'opi-

De l'vnité & pluralité des ames.

nion des Arabes, venuë de Themistius Grec, mais réfutée par plusieurs; La plus cōmune opinion est qu'il n'y en a en chacū homme qu'une en substance, cause de la vie & de toutes les actions, laquelle est toute en tout, & toute en chaque partie: mais elle est garnie & enrichie d'un tres-grand nōbre de diuerfes facultez & puisāces merueilleusemēt différentes, voire contraires les vnes aux autres, selon la diuersité des vaisseaux & instrumens ou elle est tenuë & des obiects qui luy sont proposez. Elle exerce l'ame sensitive & raisonnable au cerueau, la vitale & irascible au cœur, la naturelle vegetatiue & concupiscible au foye, la genitale aux genitoires, ce sont les principales & capitales, ne plus ne moins que le Soleil vn en son essence, départāt les rayōs en diuers endroits eschauffe en vn lieu, esclaire en vn autre. fond la cire, seiche la terre, blanchit la neige, noircit la peau, dissipe les nuées, tarit les estangs, mais quand & comment: si tout entiere & en vn coup, ou si successiuemēt elle arriue au corps, c'est vne questiō. La cōmune opiniō venuë d'Aristote est que l'ame vegetatiue & sensitive qui est toute materielle & corporelle, est en la semēce, & avec elle descēduë des parēs, laquelle cōforme le corps en la matrice, & iceluy faiēt, arriue la raisonnable de dehors: & que pour cela il n'y a deux ny trois ames, ny ensemble ny successiuelement, & ne se corrompt la vegetatiue par l'arriuée de la sensitive, ny la sensitive par l'arriuée de la raisonnable: Ce n'est qu'une qui se fait, s'acheue & se parfait avec le tēps, & par degrez, comme la forme artificielle de l'homme, qui se peindroit par pieces l'une apres l'autre, la teste,

14.
Quand
& comment l'a-
me est au
corps.

puis la gorge, le ventre, &c. Autres veulent qu'elle y entre toute entiere avec toutes ses facultez en vn coup, ſçauoir lors que le corps eſt tout organisé, formé, & tout acheué d'eſtre fait, & qu'auparauant n'y a eu aucune ame, mais ſeulement vne vertu & energie naturelle, forme eſſentielle de la ſemence, laquelle agiſſant par les eſprits qui ſont en ladite ſemence, comme par instrument, forme & baſtit le corps, & agence tous les membres : ce qu'eſtât fait, ceste energie ſ'eſuanoit & ſe perd, & par ainſi la ſemence ceſſe d'eſtre ſemence, perdant ſa forme par l'arriuée d'un autre plus noble qui eſt l'ame humaine : laquelle fait que ce qui eſtoit ſemence, eſt maintenant homme.

L'immortalité de l'ame eſt la choſe la plus vniuerſellement, religieusement, & plauſiblement receüe par tout le monde (i'entends d'une externe & publique profeſſion, non d'une interne, ſerieuſe & praye creance, de quoy ſera parlé cy-apres) la plus vtilement creüe, la plus foiblement prouuée & eſtablie par raiſons & moyens humains. Il ſemble y auoir vne inclination & diſpoſition de nature à croire, car l'homme deſire naturellement allonger & perpetuer ſon eſtre, d'où vient auſſi ce grand & furieux ſoin & amour de noſtre poſterité & ſucceſſion. Puis deux choſes ſeruent à la faire valoir & rendre plauſible, l'une eſt l'eſperance de gloire & reputation, & le deſir de l'immortalité du nom, qui tout vain qu'il eſt, a vn merueilleux credit au monde, l'autre eſt l'impreſſion, que les vices qui ſe deſrobent de la vue & cognoiſſance de l'humaine juſtice demeurent toujours en butte à la diuine : qui les chaſſiera, voire apres la mort.

16.
Immortalité de
l'ame.

L. 2. c. 5.

Ce ch. est le 14. de ceste Edition nouvelle, pag. 91.

DES PARTIES DE L'AME
humaine, & premierement.

DE L'ENTENDEMENT; PLUS
haute & noble partie d'icelle, imaginations, raisons,
discours, esprit, iugement, volonté, de la verité, &
de l'Incarnation.

CHAP. XVI.

De la 1. Edition de Bourdeaux, pag. 131.

CEST vn fons d'obscurité plein de creux & de
cachots, vn labyrinthe, vn abisme confus &
bien entortillé, que cét esprit humain: c'est l'éco-
nomie de ceste grande & haute partie intellectu-
elle de l'ame ou y a tant de pieces, facultez, actions,
& mouvements diuers, dont y a aussi tant de noms,
& s'y trouuent tant de difficultez, objections, &
de doutes.

Cet entendement (ainsi l'appellerons nous d'un
nom general) *intellectus mens*, nous est vn sujet ge-
neral, ouuert & disposé à receuoir & embrasser
toutes choses, comme la matiere premiere, & le
miroir de toutes formes. *Intellectus est omnia*. Il est
capable d'entendre toutes choses, mais soy-mesme,
ou point, (telmoyn vne si grande & presque infinie
diversité d'opinions d'iceluy, de doutes & ob-
jections qui croissent tous les iours) ou bien sombre-
ment, indigestement, & par reflexion de la cogni-

Distin-
ction
des pie-
ces de
l'enten-
dement,

fance des choses à soy mesme, par laquelle il sēt & cognoist qu'il entēd, & a puissance & faculté d'entendre, c'est la maniere que les esprits se cognoissent eux mesmes.

P. 150. lig. 23. de la 1. Edition de Bourdeaux, ch. 18. qui est le 16. ch. de ceste Edition, pag. 109. lig. 8.

Ce n'est point le diable ny l'esprit, cōme il pense, mais c'est l'effect de l'imaginatiō ou de celle de l'agent qui fait telles choses, ou du patient & spectateur qui pense voir ce qu'il ne voit point.

P. 137. lig. 17. de la 1. Edition de Bourdeaux, ch. 23. qui est le 22. de la nouvelle, pag. 128. lig. 33.

Qui se despoüille des biens, se descharge de tant de devoirs, & de difficultés qu'il y a bien & loyalement se gouverner aux biens, en leur acquisition, conseruation, distribution, vsage & emplois. C'est donc fuyr la besogne.

P. 197. ligne. 10. de l' Edition de Bourdeaux, ch. 24. qui est le 23. de la nouvelle, pag. 150. lig. 5.

Or c'est passion d'ame foible, c'est vne sottē & ^{2.} Foible
feminine pietē, qui viēt de mollesse & foiblesse d'a- & iniū-
me, esmeuē, & troublēe, elle loge. ste.

Ce ch. est le 48. de l' Edition nouvelle, pag. 295.

SEIGNEURS ET ESCLAVES, maistres & seruiteurs.

CHAP. XLIV.

L' Edition de Bourdeaux, pag. 249.

L' Vsage des esclaves & la puissāce des seigneurs ^{1.} Vsage
ou maistres sur eux, biē que ce soit chose vītēe ^{des es-}claves,

Ccc ij

Vniuer
sel &
contre
nature.

772

DE LA SAGESSE,

par tout le monde, & de tout temps (sauf depuis quatre cens ans qu'elle s'est relaschée, mais qui se retourne mettre sus) la generalité ou vniuersité n'est pas certaine preuue ny marque infailible de nature, tesmoin les sacrifices des bestes, specialement des hommes, obseruez & tenus pour actes de pieté par tout le monde: qui toutesfois sont contre nature. La malice humaine passe tout, force nature, fait passer en force de loy tout ce qu'elle veut: n'y a cruauté ny meschanceté si grande, qu'elle ne face tenir pour vertu & pieté.

Ce ch. respond au 51. de l'Edition nouuelle, pag. 279.

LEGISLATEURS, PRES- cheurs, instructeurs.

CHAP. XLVII.

De la premiere Edition de Bourdeaux, pag. 264.

C'EST vne des vanitez de l'homme, de prescrire des loix & des regles qui excèdent l'usage & la forme humaine: c'est la coûtume des Prescheurs & Legislateurs, de proposer les images de vie, que ny le proposât, ny les auditeurs n'ont esperance aucune, ny bien souuēt, qui plus est, la volōté de suivre. L'homme s'oblige à estre necessaire en faute, & se tait à s'escier de la besogne plus qu'il ne scauroit faire: il n'y a si homme de bien, que s'il est examiné selon les loix & deuoirs en ses actions & pensées, qui ne soit capable de mort cent fois. La Sagesse humaine n'arriue iamais au deuoir qu'elle

mesme se prescrit, outre l'injustice qui est en cecy, c'est exposer en mocquerie à risée toutes choses, il faudroit qu'il y eust plus de proportion entre le commandement & l'obeyssance, le debuoir & le pouuoir. Et ces faiseurs de regles sont les premiers mocqueurs: car ils ne font rien, & souvent encores tout au rebours de ce qu'ils conseillēt, les Prescheurs, Legislateurs, Iuges, Medecins: le mādē vit ainsi, l'on instruit & l'on enioint de suytre les regles & preceptes, & les hommes en tiennent vn autre, non par desreglemēs de vie & mœurs seulement, mais souvent par opinion & par iugement contraire. Autre chose est de parler en chaire & en chambre, donner leçon au peuple & la donner à soy-mesme, ce qui est bon & de mise à soy, seroit scandaleux & abominable au commun, mais Senēque respond à cela, *quoties parū fiducia est in his in quibus imperas, amplius exigendum est quā satis est, ut praestetur quantum satis est, in hoc omnis hyperbole excedit, ut ad verum mendacio veniat.*

Pag. 280. lig. 17. du c. 53. de la premiere Edition, qui est le 57. de la nouvelle. Pag. 263. lig. 6.

Qu'elle frenesie des'exposer à perdre ses membres & recevoir des playes, lesquelles ne font point mourir, mais rendent la vie subiecte, au fer & au feu, plus douloureuse & penible mille fois que la mort. Se sacrifier & se perdre pour tel que tu n'as jamais veu, qui ne se soucie ny pēsa jamais à toy, mais veut monter sur ton corps mort ou estropié, pour estre plus haut & voir de plus loing?

Pag. 293. ligne 18. du cb. 56. de la premiere Edition, qui est le 60. de la nouvelle, pag. 300. lig. 5.

Il semble bien à aucuns que l'honneur n'est seu-

lement ny proprement à bien administrer & s'acquies-
 ter des grandes charges (il n'est pas en la puissance
 de tous s'y employer) mais à bien faire, ce qui est
 de la profession: car toute loüange est à bien faire
 ce que nous avons à faire. Celuy qui sur l'Escha-
 faut ioué bien le personnage d'un valet, n'est pas
 moins loüé, que celuy qui represente le Roy: & à
 celuy qui ne peut travailler en statue d'or: celles
 de cuivre ou de terre ne luy peuvent faillir: où il
 peut aussi bien monstrier la perfection de son art.
 Toutesfois il semble mieux que l'honneur est bien
 deu, que pour les actions, ou y a de la difficulté, ou
 du danger. Toutes iustes & legitimes, & d'obliga-
 tion ne sôt de tel merite, ny dignes de tel loyer: qui
 n'est cōmun ny ordinaire, ny pour toutes persōnes
 & toutes actions. Ainsi toute femme chaste, toute
 preude persōne n'est d'honneur. Il faut outre la
 probité, encores la difficulté, la peine, le danger.
 Encores y adioustes l'on l'utilité publique. Qu'el-
 les soient tant que l'on veut priuément, bonnes &
 utiles, elles auront l'approbation & bonne renom-
 mée parmy les cognoissants, la seuerité & prote-
 ction des loix: mais non l'honneur qui est public &
 a plus de dignité, de splendeur, & d'osclat.

*Au luv. 2. de la 1. Edition, pag. 298, lig. 1. de la preface
 qui respond à la pag. 306. lig. 23. de ceste Edition.*

Je viens apres eux & au dessus eux: mais ie dis de
 bonne foy ce que i'en pense & en croy, claiement
 & nettement, ie ne doute pas que les malicieux, gēs
 de moyen estage ny mordent: & qui s'en peut gar-
 der; mais ie me fie que les simples & de bonnaires
 & les Etheriens & sublimes en iugerōt equitable.

ment. Ce sont les deux bouts & estages de paix & serenité. Au milieu sont tous les troubles, tempestes, & les Metheores, comme a esté dit.

CHAP. I.

D: la 1. Edition, pag. 299. qui respond à la pag. 312. de ceste Edition.

Q Vi a envie d'estre sage, il faut dés l'entrée qu'il se delibere & resolu de se deliurer, preserver & garantir de deux maux, qui sont du tout contraires & formels empeschemens de Sagesse: l'un est externe, ce sont les opinions & vices populaires, la contagion du monde: l'autre interne, ce sont les passions: ainsi se faut-il garder du monde, & de soy-mesme. Desia se void combien cecy est difficile: & comment l'on se pourra deffaire de ces deux? La Sagesse est difficile & rare, c'est icy la plus grande peine, & presque le seul effort qu'il y a pour parvenir à la Sagesse. Cecy gagné, le reste sera aisé: c'est la premiere disposition à la Sagesse, qui est à se garder & preserver du mal contraire à son dessein. Et cecy est le fruit de tout le premier liure, auquel l'on a peu apprendre à cognoistre le monde & soy-mesme. & par ceste cognoissance estre aduerty & induit à s'en bien garder. Et ainsi le commencement de ce liure sera la fin & le fruit du precedent.

Parlons premierement du mal externe.

UNIVERSELLE ET PLEINE LI-
berté d'esprit, tant en iugement qu'en volonté,
seconde disposition à la Sagesse.

CHAP. II.

*Pag. 308. de la 1. Edition, qui respond à la page 321.
de ceste Edition.*

I.
Premie-
re partie
Liberté
de Iuge-
ment.

L I. C. 7.

L' Autre disposition à la Sagesse, qui suit ceste premiere, (qui nous a mis hors ceste captivité & confusion externe & interne populaire & passionnée) c'est vne pleine, entiere, & genereuse liberté d'esprit, qui est double, sçavoir de iugemēt, & de volonté. Pour la premiere du iugement, nous auons assez montré, que c'est foiblesse & sottise niaise de se laisser mener comme buffles, croire & receuoir toutes impressions, que les ayant receuës y opiniastrer ; condamner le contraire c'est folie, presumption ; persuader & induire autrui, c'est rage & iniuste tyrannie. Maintenant nous disons & donnons donc vne belle & des premieres leçons de sagesse, retenir en surseance son iugement, c'est à dire, soustenir, contēhir, & arrester son esprit dedans les barrieres de la consideration, & action d'examiner, iuger, poiser toutes choses, (c'est la vraye vie, son exercice perpetuel) sans s'obliger ou s'engager à opinion aucune, sans resoudre ou determiner, ny se coiffer ou espouser aucune chose. Cety ne touche point les veritez diuines, que la Sagesse eternelle nous a reuelez qu'il faut receuoir avec toute humilité, & submission,

croire, & adorer tout simplement: ny aussi les actions externes & communes de la vie, l'observance des loix, coustumes, & ce qui est en usage ordinaire, *nō enim Deus ista scire, sed tantummodo uti voluit*, car en toutes ces choses il se faut accorder & accommoder avec le commun; ne rien gaster ou remuer. Il en faut rendre compte à autrui: mais les pensées, opinions, iugemens, sont tous nostres & libres.

Or cecy est premierement se maintenir à soy & en liberté, *hoc liberiores & solutiores sumus quia nobis integra iudicandi potestas manet*. C'est garder modestie & reconnoître de bōne foy la cōditiō humaine pleine d'ignorance, foiblesse, incertitude: *Cogitationes mortalium timida, incerta ad inuentiones nostras, & providentia: Deus nouit cogitationes hominū, quoniam vana sunt*. C'est aussi éuiter plusieurs escueils & dangers, cōme sont participer à plusieurs erreurs produicts par la fantaisiē humaine, & dont tout le monde est plein: estre plus contraint de se desmentir & desdire sa creance, car combien de fois le temps nous a il fait voir, que nous estions trompez, & mescontez en nos pensées, & nous a forcez de changer d'opinion? C'est aussi s'infrasquer en querelles, diuisions, disputes; offenser plusieurs parties: car prenons le plus fameux party, & la plus receuë opinion qui soit, encores faudra il attaquer & combattre plusieurs autres partis. Or ceste surseance de iugement nous met à l'abry de tous ces inconueniens. C'est aussi se tenir en repos & tranquillité, loing des agitations & des vices, qui viennent de l'impression de l'opinion & science, que nous pensons auoir des choses. Car de là viennent l'orgueil, l'ambition, les desirs immoderez,

2.
Cōbien
bonne
& vtile

l'opiniastreté, presumption, amour de nouveauté, rebellion, desobeyssance. Et puis apres c'est la doctrine & la pratique de tous les sages, grands & habiles esprits, desquels la plus-part, & les plus nobles ont faict expresse profession d'ignorer & douter; disans qu'il n'y a rien en nature que le doute; qu'il n'y a rien plus certain que l'incertitude: que de toutes choses l'on peut également discouvrir, & cent pareilles. Les autres encores qu'ils ayent fait les dogmatistes & affirmatifs, c'est toutesfois de mines & de paroles seulement, pour monstrier jusques où alloit leur esprit, au pourchas & en la queste de la verité: *quam docti fingunt magis, quam norant*, donnant toutes choses non à autre ny plus fort titre, que de probabilité & vraye semblance: & les traittant diuersement, tantost d'un visage & en un sens, tantost d'un autre, par demandes problematiquement, plustost enquerant qu'instruisant, & monstrent souuent qu'ils ne parlent pas à certes, mais par ieu & par exercice, *non tam id sensisse quod dicerent, quam exercere ingenia materia difficultate voluisse videntur*. Et qui croira que Platon aye voulu donner sa Republique & ses idées, Pythagoras les Nombres, Epicure les Atomes, pour argent contant? ils prenoient plaisir à pourmener leurs esprits en des inuentions plaisantes & subtiles, *quæ ex ingenio finguntur, non ex scientia vi*. Quelquesfois aussi ont-ils estudié à la difficulté, pour courir la vanité de leur subiect, & occuper la curiosité des esprits.

Les dogmatistes & affirmatifs, qui sont venus depuis, d'esprit pedantesque, presomptueux

hayaient & condamnent arrogamment ceste regle de Sagesse, aymans mieux vn affirmatif testu, & contraire à leur party, qu'un modeste & paisible qui doute & sur-soit son jugement, c'est à dire, vn fol qu'un sage : semblables aux femmes qui ayment mieux qu'on les contredise iusques à iniures, que si par froideur & mespris, l'on ne leur dit soit rien : par où elles pensent estre desdaignées & condamnées. En quoy ils montrent leur iniquité. Car pourquoy ne sera-il loisible de douter & considerer comme ambiguës les choses sans rien determiner, comme à ceux d'affirmer? Mais pourquoy ne sera-il permis de candidement confesser que l'on ignore, puis qu'en verité l'on ignore, & tenir en suspens ce de quoy ne sommes aiseurez?

3. Defen-
duë cō-
tre les
dogma-
tistes
presom-
ptueux.

Voicy donc la premiere liberté d'esprit, surseance & arrest de iugement, c'est la plus seure assiette & l'estat plus heureux de nostre esprit : qui par elle demeure droict, ferme, rassis, inflexible, sans branle & agitation aucune, *Inter visa vera vel falsa ad animi assensum nihil inter est.* C'est à peu près & en quelque sens l'Ataraxie des Pyrroniens qu'ils appelloient le souverain bien, la neutralité & indifference des Academiciens, de laquelle est germain ou procede, de rien ne s'estonner, ne rien admirer, le souverain bien de Pythagoras, la vraie magnanimité d'Aristote, *Nihil admirari propriè res est una Numici, sola que que possit facere & servare beatum.*

Où le vray moyen d'obtenir & se maintenir en ceste belle liberte de iugement, & qui sera encore vne autre belle leçon & disposition à la sa-

5. Moyens
de l'ob-
tenir.

Esprit
vniuersel.

gesse, c'est d'auoir vn esprit vniuersel, iettât l'aveuë & consideration sur tout l'vniuers, & non l'asseoir en certain lieu, loy, coustume, & maniere de vie, (avec la modification susdite, tant au croire qu'au faire) estre citoyen du mōde, comme Socrates, & non d'une ville ? embrassant par affection tout le genre humain, c'est sottise & foiblesse que de penser que l'on doit croire & viure par tout comme en son village, en son pays, & que les accidens qui aduiennent icy touchent & son communs au reste du monde. Le sot, si l'on recite y auoir autres creances, coustumes, loix, toutes contraires à celles qu'il voit tenir & vsiter, il les abomine & condamne promptement comme barbarie, ou bien il mescroit tels recits, tant il a l'ame asservie aux siēnes municipales, qu'il estime estre les seules vrayes, naturelles, vniuerselles. Chacun appelle barbarie ce qui n'est pas de son goust & vsage, & semble que nous n'auons autre touche de la verité & de la raison, que l'exēple & l'idée des opinions & vsāces du pays, où nous sōmes. Or il se faut affrāchir de cette brutalité, & se faut représenter cōme en vn tableau ceste grande image de nostre mere nature en son entiere majesté, remarquer là dōs vn Royaume, vn Empire, & peut estre ce Monde (car c'est vne grande & authentique opinion, qu'il y en a plusieurs) cōme le traitt d'une poincte tres-delicatē, & y lire vne si generale & constante varieté en toutes choses, tant d'honneurs, de iugemens, creances, coustumes, loix, tant de remuēmens d'estats, changemens de fortune, tant de victoires & cōquestes enseuelies, tant de pompes, cours, grandeurs esuanouys : par là l'on apprend à se cognoi-

estre, n'admirer rien, ne trouver rien nouveau ny estrange, s'affermir & resoudre par tout.

Pour acquérir & obtenir cet esprit vniuersel, galant, libre, & ouuert (car il est rare & difficile, & tous n'en sont capables non plus que de sagesse) plusieurs choses y seruent? premierement ce qui a esté dit au liure premier de la grande varieté, difference & inégalité des hommes: Ce qui se dira en cestuy-cy de la grande diuersité des loix & coustumes qui sont au monde: Puis ce que disent les anciens de l'aage, estats, & changemens du monde. Les prestres Egyptiens dirent à Herodote, que depuis leur premier Roy (dont y auoit plus d'onze mille ans, duquel & de tous les suiuanz luy firent voir les effigies & statuës tirées au vif) le Soleil auoit changé quatre fois de route. Les Chaldeens du temps de Diodore, comme il dit, & Ciceron, tenoient registre de 4. cens mille tant d'ans! Platon dit que ceux de la ville de Saïs auoient des memoires par escrit de huit mille ans, & que la ville d'Athenes; fust bastie mil ans auant ladite ville de Saïs. Aristote, Pline, & autres, ont dit que Zoroaste viuoit six mille ans auant l'aage de Platon. Aucuns ont dit que le monde est de toute eternité, mortel & renaissant à plusieurs vicissitudes, d'autres & les plus nobles Philosophes ont tenu le monde pour vn Dieu, fait par vn autre Dieu plus grand; ou bien comme Platon assure, & autres, & y a tres-grande apparence en ses mouuemens, que c'est vn animal composé de corps & d'esprit: lequel esprit logeant en son centre s'espand par nombres du musique en sa circonferēce, & les pieces aussi, le ciel, les estoilles composées de corps & d'ame, mortelles a

6.
Moyès
d'ac-
querir
cet es-
prit vni-
uersel c.
37.38.
chap.8.

Ce ch. est le 14. de ceste Edition nouvelle, pag. 91.

DES PARTIES DE L'AME humaine, & premierement.

DE L'ENTENDEMENT; PLUS
hault & noble partie d'icelle, imaginations, raisons,
discours, esprit, iugement, volonte, de la verite, &
de l'Incarnation.

CHAP. XVI.

De la 1. Edition de Bourdeaux, pag. 131.

CEST vn fons d'obscurite plein de creux & de
cachots, vn labyrinthe, vn abisme confus &
bien entortille, que cet esprit humain: c'est l'eco-
nomie de ceste grande & haute partie intellectu-
elle de l'ame ou y a tant de pieces, facultez, actions,
& mouvements diuers, dont y a aussi tant de noms,
& s'y trouuent tant de difficultez, objections, &
de doubtes.

Cet entendement (ainsi l'appellerons nous d'un
nom general) *intellectus mens*, nous est vn suiet ge-
neral, ouuert & dispose a receuoir & embrasser
toutes choses, comme la matiere premiere, & le
miroir de toutes formes, *Intellectus est omnia*. Il est
capable d'entendre toutes choses, mais soy-mesme,
ou point, (tesmoin vne si grande & presque infinite
diversite d'opinions d'iceluy, de doubtes & obie-
ctions qui croissent tous les iours) ou bien sombre-
ment, indigeste met, & par reflectio de la cognos-

fance des choses à soy mesme, par laquelle il sēt & cognoist qu'il entēd, & a puissance & faculté d'entendre, c'est la maniere que les esprits se cognoissent eux mesmes.

P. 150. lig. 23. de la 1. Edition de Bourdeaux, ch. 18. qui est le 16. ch. de ceste Edition, pag. 109. lig. 8.

Ce n'est point le diable ny l'esprit, cōme il pense, mais c'est l'effect de l'imaginatiō ou de celle de l'agent qui fait telles choses, ou du patient & spectateur qui pense voir ce qu'il ne voit point.

P. 137. lig. 17. de la 1. Edition de Bourdeaux, ch. 23. qui est le 22 de la nouvelle, pag. 128. lig. 33.

Qui se despoüille des biens, se descharge de tant de devoirs, & de difficultés qu'il y a bien & loyalement se gouverner aux biens, en leur acquisition, conseruation, distribution, vsage & emplois. C'est donc fuyr la besogne.

P. 197. ligne. 10. de l' Edition de Bourdeaux, ch. 24. qui est le 23. de la nouvelle, pag. 150. lig. 5.

Or c'est passion d'ame foible, c'est vne sottē & ^{2.} Foible
feminine pietē, qui viēt de mollesse & foiblesse d'a- & iniū-
me, esmeuē, & troublēe, elle loge. ste.

Ce ch. est le 48. de l' Edition nouvelle, pag. 295.

SEIGNEURS ET ESCLAVES, maistres & seruiteurs.

CHAP. XLIV.

L' Edition de Bourdeaux, pag. 249.

L' Vsage des esclaves & la puissāce des seigneurs ^{1.} Vsage
ou maistres sui eux, biē que ce soit chose vsitée des es-
claves.

Ccc ij

Vniuer
sel &
contre
nature.

par tout le monde, & de tout temps (sauf depuis quatre cens ans qu'elle s'est relaschée, mais qui se retourne mettre sus) la generalité ou vniuersité n'est pas certaine preuue ny marque infailible de nature, tesmoin les sacrifices des bestes, specialement des hommes, obseruez & tenus pour actes de pieté par tout le monde: qui toutesfois sont contre nature. La malice humaine passe tout, force nature, fait passer en force de loy tout ce qu'elle veut: n'y a cruauté ny meschanceté si grande, qu'elle ne face tenir pour vertu & pieté.

Ce ch. respond au 51. de l'Edition nouvelle, pag. 279.

LEGISLATEURS, PRES-

cheurs, instructeurs.

CHAP. XLVII.

De la premiere Edition de Bourdeaux, pag. 264.

C'EST vne des vanitez de l'homme, de prescrire des loix & des regles qui excèdent l'usage & la forme humaine: c'est la coûtume des Precheurs & Legislateurs, de proposer les images de vie, que ny le proposât, ny les auditeurs n'ont esperance aucune, ny bien souuēt, qui plus est, la volōté de suivre. L'homme s'oblige à estre necessaire en faute, & se tait à sō esciēt de la besogne plus qu'il ne scauroit faire: il n'y a si homme de bien, que s'il est examiné selon les loix & deuoirs en ses actions & pensées, qui ne soit capable de mort cent fois. La Sagesse humaine n'arriue iamais au deuoir qu'elle

mesme se prescrit, outre l'iniustice qui est en cecy, c'est exposer en mocquerie à risée toutes choses, il faudroit qu'il y eust plus de proportion entre le commandement & l'obeyssance, le debuoir & le pouuoir. Et ces faiseurs de regles sont les premiers mocqueurs: car ils ne font rien, & souvent encores tout au rebours de ce qu'ils conseillēt, les Prescheurs, Legislateurs, Iuges, Medecins: le mōde vit ainsi, l'on instruit & l'on enioint de suyure les regles & preceptes, & les hommes en tiennent vn autre, non par desreglemēs de vie & mœurs seulement, mais souuent par opinion & par iugement contraire. Autre chose est de parler en chaire & en chambre, donner leçon au peuple & la donner à soy-mesme, ce qui est bon & de mise à soy, seroit scandaleux & abominable au commun, mais Senēque respond à cela, *quoties parū fiducia est in his in quibus imperas, amplius exigendum est quā satis est, ut præstetur quantum satis est, in hoc omnis hyperbole excedit, ut ad verum mendacio veniat.*

Pag. 280. lig. 17. du c. 53. de la premiere Edition, qui est le 57. de la nouvelle. Pag. 263. lig. 6.

Qu'elle frenesie de s'exposer à perdre les membres & receuoir des playes, lesquelles ne font point mourir, mais rendent la vie subiecte, au fer & au feu, plus douloureuse & penible mille fois que la mort. Se sacrifier & se perdre pour tel que tu n'as iamais veu, qui ne se soucie ny pēsa iamais à toy, mais veut monter sur ton corps mort ou estropié, pour estre plus haut & voir de plus loing?

Pag. 293. ligne 18. du cb. 56. de la premiere Edition, qui est le 60. de la nouvelle, pag. 300. lig. 5.

Il semble bien à aucuns que l'honneur n'est seu-

lement ny proprement à bien administrer & s'acquies-
 ter des grandes charges (il n'est pas en la puissance
 de tous s'y employer) mais à bien faire, ce qui est
 de la profession: car toute loüange est à bien faire
 ce que nous auons à faire. Celuy qui sur l'Escha-
 faut ioue bien le personnage d'un valet, n'est pas
 moins loüé, que celuy qui represente le Roy: & à
 celuy qui ne peut travailler en statue d'or: celles
 de cuivre ou de terre ne luy peuvent faillir: où il
 pourraussi bien monstrier la perfection de son art.
 Toutesfois il semble mieux que l'honneur est bien
 deu, que pour les actions, ou y a de la difficulté, ou
 du danger. Toutes iustes & legitimes, & d'obliga-
 tion ne sôt de tel merite, ny dignes de tel loyer: qui
 n'est cōmun ny ordinaire, ny pour toutes persōnes
 & toutes actions. Ainsi toute femme chaste, toute
 preude personne n'est d'honneur. Il faut outre la
 probité, encores la difficulté, la peine, le danger.
 Encores y adioustes l'on l'utilité publique. Qu'el-
 les soient tant que l'on veut prinēment, bonnes &
 vtilles, elles auront l'approbation & bonne renom-
 mée parmy les cognoissants, la seuerité & prote-
 ction des loix: mais non l'honneur qui est public &
 a plus de dignité, de splendeur, & d'esclat.

*Au luv. 2. de la 1. Edition, pag. 298. lig. 1. de la preface
 qui respond à la pag. 306. lig. 23. de ceste Edition.*

Je viens apres eux & au dessus eux: mais ie dis de
 bonne foy ce que i'en penie & en croy, claiement
 & nettement, ie ne doute pas que los malicieux, gēs
 de moxen estage ny mordent: & qui s'en peut gar-
 der; mais ie me fie que les simples & de bonnaires
 & les Aetheriens & sublimes en iugerōt equitable-

ment. Ce sont les deux bouts & estages de paix & serenité. Au milieu sont tous les troubles, tempestes, & les Metheores, comme a esté dit.

CHAP. I.

De la 1. Edition, pag. 299. qui respond à la pag. 312. de ceste Edition.

Qui a envie d'estre sage, il faut dès l'entrée qu'il se delibere & resolu de se deliurer, preserver & garantir de deux maux, qui sont du tout contraires & formels empeschemens de Sagesse: l'un est externe, ce sont les opinions & vices populaires, la contagion du monde: l'autre interne, ce sont les passions: ainsi se faut-il garder du monde, & de soy-mesme. Desia se void combien cecy est difficile: & comment l'on se pourra deffaire de ces deux? La Sagesse est difficile & rare, c'est icy la plus grande peine, & presque le seul effort qu'il y a pour paruenir à la Sagesse. Cecy gagné, le reste sera aisé: c'est la premiere disposition à la Sagesse, qui est à se garder & preserver du mal contraire à son dessein. Et cecy est le fruit de tout le premier liure, auquel l'on a peu apprendre à cognoistre le monde & soy-mesme, & par ceste cognoissance estre aduerty & induict à s'en bien garder. Et ainsi le commencement de ce liure sera la fin & le fruit du precedent.

Parlons premierement du mal externe.

UNIVERSELLE ET PLEINE LIBERTÉ d'esprit, tant en iugement qu'en volonté,
seconde disposition à la Sagesse.

CHAP. II.

Pag. 308. de la 1. Edition, qui respond à la page 321. de ceste Edition.

I.
Premiere
re partie
Liberté
de Iuge-
ment.

L. I. c. 7.

L'Autre disposition à la Sagesse, qui suit ceste premiere, (qui nous a mis hors ceste captivité & confusion externe & interne populaire & passionnée) c'est vne pleine, entiere, & genereuse liberté d'esprit, qui est double, sçavoir de iugemēt, & de volonté. Pour la premiere du iugement, nous auons assez montré, que c'est foiblesse & sottise niaise de se laisser mener comme buffles, croire & receuoir toutes impressions, que les ayant receuës s'y opiniastres, condamner le contraire c'est folie, presumption; persuader & induire autrui, c'est rage & iniuste tyrannie. Maintenant nous disons & donnons donc vne belle & des premieres leçons de sagesse, retenir en surseance son iugement, c'est à dire, soustenir, contēhir, & arrester son esprit dedans les barrieres de la consideration, & action d'examiner, iuger, poiser toutes choses, (c'est la vraye vie, son exercice perpetuel) sans s'obliger ou s'engager à opinion aucune, sans resoudre ou determiner, ny se coiffer ou espouser aucune chose. Cecy ne touche point les veritez diuines, que la Sagesse eternelle nous a reuelez qu'il faut receuoir avec toute humilité, & submission,

croire, & adorer tout simplement: ny aussi ses actions externes & communes de la vie, l'observance des loix, coustumes, & ce qui est en usage ordinaire, *non enim Deus ista scire, sed tantummodo uti voluit*, car en toutes ces choses il se faut accorder & accommoder avec le commun; ne rien gaster ou remuer. Il en faut rendre compte à autrui: mais les pensées, opinions, iugemens, sont tous nostres & libres.

Or cecy est premierement se maintenir à foy & en liberté, *hoc liberiores & solutiores sumus quia nobis integra iudicandi potestas manet*. C'est garder modestie & reconnoître de bõne foy la condition humaine pleine d'ignorance, foiblesse, incertitude: *Cogitationes mortalium timida, incerta ad inuentiones nostras, & providentia: Deus nouit cogitationes hominum, quoniam vana sunt*. C'est aussi éviter plusieurs escueils & dangers, cõme sont participer à plusieurs erreurs produicts par la fantaisie humaine, & dont tout le monde est plein: estre plus contraint de se desmentir & desdire sa creance, car combien de fois le temps nous a il fait voir, que nous estions trompez, & mescontez en nos pensées, & nous a forcez de changer d'opinion? C'est aussi s'infraiquer en querelles, diuisions, disputes; offenser plusieurs parties: car prenons le plus fameux party, & la plus receuë opinion qui soit, encores faudra il attaquer & combattre plusieurs autres partis. Or ceste surseance de iugement nous met à l'abry de tous ces inconueniens. C'est aussi se tenir en repos & tranquillité, loing des agitations & des vices, qui viennent de l'impression de l'opinion & science, que nous pensons auoir des choses. Car de là viennent l'orgueil, l'ambition, les desirs immoderez,

2.
Cõbien
bonne
& vtile

l'opiniastreté, presumption, amour de nouveauté, rebellion, desobeyssance. Et puis apres c'est la doctrine & la pratique de tous les sages, grands & habiles esprits, desquels la plus-part, & les plus nobles ont faict expresse profession d'ignorer & douter; disans qu'il n'y a rien en nature que le doute; qu'il n'y a rien plus certain que l'incertitude: que de toutes choses l'on peut également discouvrir, & cent pareilles. Les autres encores qu'ils ayent fait les dogmatistes & affirmatifs, c'est toutesfois de mines & de paroles seulement, pour monstrier jusques où alloit leur esprit, au pourchas & en la queste de la verité: *quam docti fingunt magis, quam norunt*, donnant toutes choses non à autre ny plus fort titre, que de probabilité & vraye semblance; & les traittant diuersement, tantost d'un visage & en un sens, tantost d'un autre, par demandes problematiquement, plustost enquerant qu'instruisant, & monstrent souuent qu'ils ne parlent pas à certes, mais par ieu & par exercice, *non tam id sensisse quod dicerent, quam exercere ingenia materia difficultate voluisse videntur*. Et qui croira que Platon aye voulu donner sa Republique & ses idées, Pythagoras les Nombres, Epicure les Atomes, pour argent contant? ils prenoient plaisir à pourmener leurs esprits en des inuentions plaisantes & subtiles, *quæ ex ingenio finguntur, non ex scientia vi*. Quelquesfois aussi ont-ils estudié à la difficulté, pour courir la vanité de leur subiect, & occuper la curiosité des esprits.

Les dogmatistes & affirmatifs, qui sont venus depuis, d'esprit pedantesque, presumptueux

hayssent & condamnent arrogamment ceste regle de Sagesse, aymans mieux vn affirmatif testu, & contraire à leur party, qu'un modeste & paisible qui doute & sur-soit son iugement, c'est à dire, vn fol qu'un sage : semblables aux femmes qui ayment mieux qu'on les contredise iusques à iniures, que si par froideur & mespris, l'on ne leur disoit rien : par où elles pensent estre desdaignées & condamnées. En quoy ils montrent leur iniquité. Car pourquoy ne sera-il loisible de douter & considerer comme ambiguës les choses sans rien determiner, comme à ceux d'affirmer? Mais pourquoy ne sera-il permis de candidement confesser que l'on ignore, puis qu'en verité l'on ignore, & tenir en suspens ce de quoy ne sommes ailleurez?

3.
Defen-
duë cō-
tre les
dogma-
tistes
presom-
ptueux.

Voicy donc la premiere liberté d'esprit, surseance & arrest de iugement, c'est la plus seure assiette & l'estat plus heureux de nostre esprit : qui par elle demeure droict, ferme,assis, inflexible, sans branle & agitation aucune, *Inter visa vera vel falsa ad animi assensum nihil inter est.* C'est à peu près & en quelque sens l'Ataraxie des Pyrroniens qu'ils appelloient le souverain bien, la neutralité & indifference des Academiciens, de laquelle est germain ou procede, de rien ne s'estonner, ne rien admirer, le souverain bien de Pythagoras, la vraie magnanimité d'Aristote, *Nihil admirari propè res est una Numici*, sola que que possit facere & servare beatum.

Où le vray moyen d'obtenir & se maintenir en ceste belle liberté de iugement, & qui sera encores vne autre belle leçon & disposition à la sa-

5.
Moyens
de l'ob-
tenir.

estre, n'admirer rien, ne trouver rien nouveau ny estrange, s'affermir & resoudre par tout.

Pour acquérir & obtenir cet esprit vniuersel, galant, libre, & ouuert (car il est rare & difficile, & tous n'en sont capables non plus que de sagesse) plusieurs choses y seruent? premierement ce qui a esté dit au liure premier de la grande variété, différence & inégalité des hommes: Ce qui se dira en cestuy-cy de la grande diuersité des loix & coustumes qui sont au monde: Puis ce que disent les anciens de l'aage, estats, & changemens du mode. Les prestres Egyptiens dirent à Herodote, que depuis leur premier Roy (dont y auoit plus d'onze mille ans, duquel & de tous les suiuanz luy firent voir les effigies & statuës tirées au vif) le Soleil auoit changé quatre fois de route. Les Chaldeens du temps de Diodore, comme il dit, & Cicéron, tenoient registre de 4. cens mille tant d'ans! Platon dit que ceux de la ville de Saïs auoient des memoires par escrit de huit mille ans, & que la ville d'Athenes; fust bastie mil ans auant ladite ville de Saïs. Aristote, Plin, & autres, ont dit que Zoroaste viuoit six mille ans auant l'aage de Platon. Aucuns ont dit que le monde est de toute eternité, mortel & renaissant à plusieurs vicissitudes, d'autres & les plus nobles Philosophes ont tenu le monde pour vn Dieu, fait par vn autre Dieu plus grand; ou bien comme Platon assure, & autres, & y a tres-grande apparence en ses mouuemens, que c'est vn animal composé de corps & d'esprit: lequel esprit logeant en son centre s'espand par nombres du musique en sa circonferēce, & les pieces aussi, le ciel, les estoilles composées de corps & d'ame, mortelles a

6.

Moyès
d'ac-
querir
cet es-
prit vni-
uersel c.
37. 38.
chap. 8.

cause de leur composition, immortelles par la détermination du Createur. Platon dit, que le monde chage de visage en tous sens: que le ciel, les estoilles, le Soleil, changent & renuersent par fois leur mouvement: tellement que le deuant vient derriere, l'Orient se fait Occident. Et selon l'opinion ancienne fort authentique, & des plus fameux esprits, digne de la grandeur de Dieu. & bien fondée en raison, il y a plusieurs mondes, d'autât qu'il n'y a rien vn, & seul en ce monde: toutes especes sont multipliées en nombre, par ou semble n'estre pas vray semblable, que Dieu aye fait ce seul ouurage sans compagnon, & que tout soit espuisé en cest indiuidu. Que l'on considere aussi ce que la descouuerte du monde nouveau: Indes Orientales & Occidentales nous a appris: car nous voyõs premierement que tous les anciens se sont mescontez, pensans auoir trouué la mesure de la terre habitable & comprins toute la Cosmographie, sauf, quelques Isles escartées, mes croyans les Antipodes: car voila vn monde à peu près, comme le nostre toute en terre ferme, habité, peuplé, policé, distingué par Royaumes & Empires, garny de villes, qui surpassent en beauté, grandeur opulance, toutes celles qui sont en Asie, Afrique, Europe, il y a plusieurs milliers d'années. Et qui doute que d'icy à quelques temps il ne s'en descouure encores d'autres; Si Ptolemée & les anciens se sont trompez autresfois, pourquoy ne se peut tromper encores celuy, qui diroit que maintenant tout est descouvert & trouué? Je m'en voudrois bien fier en luy. Secondement, nous trouuons qu'en ces nouuelles terres, presque toutes les choses que nous esti-

monsicy tant, & lestenons nous auoir esté premierement reuelées & enuoyées du ciel, estoit en creance & obseruance commune plusieurs mille ans auparauant qu'en eussions ouy les premieres nouvelles, soit au fait de religion, cōme la creance d'un seul premier homme pere de tous, du deluge vniuersel, d'un Dieu qui vesquit autrefois en homme vierge & saint, du iour du iugement, du Purgatoire, resurrection des morts, obseruation des ieunes, Carême, Celibat des Prestres, ornemens d'Eglise, surplis, mitres, eau beniste, adoration de la Croix, circoncision pareille à la Iuifue & Mahometane, & contrecirconcision, par laquelle ilstiēnent soigneusement & religieusement couuert le bout de leur membre, tirant la peau avec des cordons, afin qu'il ne voye & ne sente l'air.

P. 328. lig. 4. du ch. 3. de la 1. Edition qui respond à la pag. 353. ligne 31. de ceste Edition.

Or le ressort de ceste prud'hommie, c'est la loy De la loy de Nature. de nature, c'est à dire, l'equite & raison vniuerselle, qui luit & esclate en vn chacun de nous. Qui agit par ce ressort, agit selon Dieu. Car ceste lumiere naturelle est vn esclat & rayon de la diuinité, vne defluxion & dependance de la loy eternelle & diuine. Il agit aussi selon soy, car il agit selon ce qu'il y a de plus noble & de plus riche en soy. Il est homme de bien.

Pag. 333. lig. 10. de la 1. Edition du ch. 3. qui respond à la pag. 361. lig. 20. de ceste Edition.

Mais encores nous la foulons aux pieds, la dedai-

gnons & en auons honte, pour faire valoir la ceremonie, & la loy de civilité, que nous nous sommes forgez, ainsi l'art emporte la nature, l'ombre nous est plus que le corps, la mine, la contenance plus que la substance des choses.

Pag. 335. ligne 28. de la 2. Edition du ch. qui respond à la page 364. ligne 11. de ceste Edition.

Or cecy est en la puissance de l'homme, qui est maistre de sa volonté, il l'a peut disposer & contraindre à son plaisir, & en cela est le propre de l'homme, ainsi la peut-il affermir à luy-même tousjours la raison.

Pag. 351. lig. 24. de la 1. Edition ch. 5. qui respond à la page 381. ligne 2. de ceste Edition.

2.
Qui
toutes
conviennent
en
plusieurs
principes.

Elles conviennent toutes en plusieurs choses, ont presque mesmes principes & fondements, s'accordent en la these, tiennent mesme progres & marchent de mesme pied: Aussi ont elles toutes prins naissance en mesme climat & air: toutes trouvent & fournissent miracles, prodiges, oracles, mysteres sacrez, saints Prophetes, festes, certains articles de foy & creances necessaires au salut.

Pag. 355. ligne 6. ch. 5. de la 1. Edition, qui respond à la page 384. ligne 18. de ceste Edition.

Comme la Iudaïque a fait à la Gentille & Egyptienne, la Chrestienne à la Iudaïque, la Mahumétane à la Iudaïque & Chrestienne ensemble: mais les
vieilles

vieilles condamnent bien tout à fait & entierement les ieunes, & les tiennent pour ennemies capitales.

Pag. 257. lig. 5. du ch. de la 1. Edition qui respond à la page 386. ligne 15. de ceste Edition.

Mais à dire vray sans rien flatter ny desguiser, il n'en est rien. Elles sont, quoy qu'on die, tenues par mains & moyens humains, telmoins premierement la maniere que les religions ont esté receuës au monde, & sont encores tous les iours par les particuliers, la nation, le pays, le lieu, donne la religion, l'on est de celle que le lieu, auquel l'on est né & esleue tient: nous sommes circoncis, baptisez, Iuifs, Mahumettans, Chrestiens, auant que nous sachions que nous sommes hommes; la religion n'est pas de nostre choix & election, telmoins apres la vie & les mœurs si accordantes avec la religion, telmoins que par occasions humaines & bien legeres, l'on va contre la teneur de la religion.

Pag. 363. ligne 5. du chap. 5. de la 1. Edition qui respond à la page 393. ligne 24. de ceste Edition.

De tous ceux qui n'ont voulu se contenter de la creance spirituelle & interne, & de l'action de l'ame, mais encores ont voulu voir & auoir yne diuinite visible, aucunement perceptible que les sens du corps, ceux qui ont choisi le Soleil pour Dieu, sembler auoir plus de raison que tous autres, à cause de sa grandeur, beaulté, vertu esclatante & inconnue, & certes digne; voire qui force tout le monde.

de en admiration & reuerence de soy d'œil ne void
rien de pareil en l'uniuers, ny d'approchant.

*Pag. 365. ligne 29. du chap. 5. de la 1. Edition qui res-
pond à la page 395. ligne 13. de ceste Edition.*

Au rebours de luy penser donner, tout est à luy,
il luy faut demander & l'implorer, c'est au grand à
donner & au petit à demander. *Beatus dare quam ac-
cipere.*

*Pag. 367. ligne 15. du chap. 5. de la 1. Edition qui res-
pond à la page 396. ligne 28. de ceste Edition.*

Pour les particuliaritez, tant de la creance qu'ob-
seruance, il faut d'une douce submission & obey-
sance s'en remettre & arrester entièrement à ce que
l'Eglise en a de tout temps & vniuersellement tenu
& tient, sans disputer & s'embrouiller en aucune
nouueauté ou opinion trice & particulière ;
pour les raisons desdites. Es premier & dernier
chapitres de nostre troisieme Verité, qui suffiroient
à celui qui ne pourra ou ne voudra lire tout le
liure.

*Pag. 369. ligne 21. de la 1. Edition ch. 5. qui res-
pond à la page 398. ligne 33. de ceste Edition.*

Le viens aux autres qui confondent & gastent
tout : ainsi n'ont ny vraye religion ny vraye pri-
d'homme : & de fait ne different gueres des pre-
mieres, qui ne se soucient que de religion : ce sont
ceux qui veulent que la probité luyne & serue à la

religion, & ne recognoissent autre prud'homme, que celle qui se remue par le ressort de la religion. Or outre que telle prud'homme n'est vraye, n'agissant par le bon ressort de nature, mais accidentale & inegale, selon qu'a esté dict au long cy-dessus; encores elle est bien dangereuse, produisant quelquefois de tres-vilains & scandaleux effects (comme l'experience l'a de tout temps fait sentir) sous beaux & specieux pretextes de pieté.

c.3.art.8
& 4.
voyez
la 1.ve.
rité.c.1.
art. 2.

*Pag. 321. lig. 11. du ch. 5. de la premiere Edition qui
respond à la page 402. ligne 15. de ceste Edition.*

Or voicy pour acheuer ce propos, ce que ie veux & requiert en mon Sage, vne vraye prud'homme, & vne vraye pieté, ioinctes & mariées ensemble; que chacune subsiste & se soustienne de soy-mesmes, sans l'aide de l'autre, & agisse par son propre ressort. Je veux que sans paradis & enfer, l'on soit homme de bien : ces mots me sont horribles & abominables, si ie n'estois Chrestien, si ie ne craignois Dieu & d'estre damné, ie ferois cela. O chetif & miserable, quel gré te faut-il sçauoir de tout ce que tu fais? Tu n'es meschant, car tu n'oses, & crains d'estre battu : ie veux que tu oses, mais que tu ne vueilles, quand bien serois assuré de n'en estre iamaistancé: Tu fais l'homme de bien, afin que l'on te paye, l'on t'en dise grand mercy, ie veux que tu le sois quand l'on en deuroit iamaist rien sçauoir : Je veux que tu sois homme de bien, pour ce que nature & la raison (c'est Dieu, le veut: l'ordre & la police generale du monde, dont tu

Con-
clusion
instru-
ctiue du
maria-
ge de la
probi-
té.

és vne piece, le requiert ainsi, pource que tu ne peux consentir d'estre autre, que tu n'aïlles contre toy-mesme, ton estre, ton bien, ta fin, & puis en aduienne ce qu'il pourra. Je veux aussi la pieté & la religion, non qui face, cause, ou engendre la prud'homme ja née en toy, & avec toy plantée de nature, mais qui l'approuue, l'autorise, & la couronne. La religion est postérieure à la prud'homme, c'est aussi chose apprinse, receüe par l'ouye, *fi-
dex ex auditu & per verbum Dei*, par reuelation & instruction, & ainsi ne la peut pas causer. Ce seroit plustost la prud'homme qui deuroit causer & engendrer la religion, car elle est premiere, plus ancienne & naturelle, laquelle nous enseigne qu'il faut rendre à vn chacun ce qui luy appartient, gardant à chascun son rang. Or Dieu est par dessus tous, l'auteur & le maistre vniuersel: & les Theologiens mettent la religion entre les parties de iustice, vertu & piece de prud'homme. Ceux-là donc peruertissent tout ordre, qui font suivre & seruir la probité à la religion.

Pag. 404. ligne 25. du ch. 8. de la. 1. Edition qui respond à la pag. 431. ligne 32. de ceste Edition.

Auis
de Sa-
gesse.

1.

2.

3.

4.

Or l'aduis que ie donne icy à celuy qui veut estre sage, est de garder & observer de parole & de fait les loix & coustumes que lon trouue establies au pays où l'on est: *νόμος ἐπαισταντισι ἐγχαροισ. καλῶι.* & ce non pour la justice ou equité qui soit en elles, mais simplement, pource que ce sont loix & coustumes, non legerement condamner ny s'offenser des estrangeres, mais biē libremēt & sainemēt examiner

& iuger les vns & les autres , n'obligeant sans iugement & sa creance qu'à la raison. Voicy quatre mots. En premier lieu, selon tous les sages, la regle des regles & la generale loy des loix, est de suivre & observer les loix & coustumes du pais où l'on est, *sequi has leges indigenas honestum est*. Toutes facons de faire escartées & particulieres, sont suspectes de folies ou passions ambitieuses : heurtent & troublent le monde.

Les loix & coustumes sont à observer.

En second lieu, les loix & coustumes se maintiennent en credit, non parce qu'elles sont iustes, mais parce qu'elles sont loix & coustumes, c'est le fondement mystique de leur auctorité, elles n'en ont point d'autre, & celuy qui obeyst à la loy, pour ce qu'elle est iuste, ne luy obeyst pas, parce qu'il doit, ce seroit soubsmettre la loy à son iugement, & luy faire son procez, & mettre en doubte & dispute l'obeyssance, & par consequent l'estat & la police selon la soupplasse & diuersité, non seulement des iugemens, mais d'un mesme iugement. Combien de loix au monde iniustes, impies, extravagantes, non seulement aux iugemens particuliers des autres, mais de la raison vniuerselle.

Non pour leur iustice & equité.

Au liure 3. ch. 41. de la 1. Edition, pag. 762. ligne 14. qui respond à la page 735. ligne 16. de ceste Edition.

Aussi est-ce la plus grande recōmandation qu'elle aye que la difficulté, car au reste c'est vne vertu sans action & sans fruit, c'est vne priuation, un non faire, peine sans profit, la sterilité est signifiée par la virginité: comme aussi l'incontinence simple & seule en loy.

Ensuivent les Articles que monsieur le President Jeannin a pris la peine de corriger & addoucir, ayant examiné ces livres par l'ordonnance de Monseigneur le Chancelier, & du Conseil privé du Roy.

À la page 193. de ceste Edition, apres la ligne 20. ce discours doit estre addoucy en ceste sorte, jusques.
à la lig. 33. de la pag. 195.

Sacre-
mens.

Peni-
tence.

ET en fin le fils de Dieu Docteur de verité estant venu pour enseigner la vraye & parfaite cognoissance de son nom les a du tout abolis, ce qu'il n'eust fait si c'eust esté chose de soy, essentiellement bonne, & qui eust plu à Dieu son pere : car au rebours. *Pater non tales quæris, sed tales qui adorent in spiritu & veritate.* Et certes c'est vn des plus beaux effets & fruiets de la Chrestienté apres l'abolition des idoles. Dont Iulien l'Empereur son ennemy capital, comme en despit d'elles en faisoit plus que iamais autre n'en fit au monde, taschant de les remettre sus avec l'idolatrie. Parquoy laissons-les là, voyons les autres pieces principales de la religion. Les Sacremens qu'il a esté besoin nous représenter en matiere commune de pain, vain, huyle, eau, & en action externe de mesmes, ne sont ce pas tesmoignages de nostre pureté & bassesse : La penitence, remede vniuersel à nos maladies, est chose de soy toute honteuse, foible, voire mauuaise, car le repentir, la tristesse & affliction d'esprit est mal, mais necessaire puis qu'il sert

pour nous reconcilier avec Dieu. Le Iurement, <sup>Iure-
ment.</sup> qu'est-ce qu'un symptome & marque honteuse de la mesiance, infidelité, ignorance, impuissance humaine, & en celuy qui l'exige, & en celuy qui le red, & en celuy qui l'ordonne ? *Quod amplius est à malo est*: Bref, nous pouuons dire avec verité que tout ce qui sert à nostre salut rend mesme tesmoignage de nostre foiblesse & imbecilité, *Stulta & infirma mandia elegit Deus*, & se sert pour nous approcher de luy des moyens qui ont quelque proportion & conuenance avec nostre infirmité, autrement comme nous sommes du tout incapables de regarder sa clarté, elle nous esbloüiroit. Si l'homme eust esté sage, & eust perseueré en l'estat auquel Dieu l'auoit mis lors de la premiere creation, il n'eust eu besoin de tels remedes, & n'en aurap plus si tost qu'il sera deliuré de cette capacité pour arriuer à la perfection.

Tout ce discours montre combien est grande ^{Au mal.} la foiblesse humaine au bien, en ce qui est de la police, iustice, verité, religion enuers Dieu, mais qui est plus estrange, elle est aussi tres-grande au mal: car l'homme voulant estre meschant, encores ne le peut il estre du tout, & n'y laisser rien à faire: Il y a tousiours quelque remords & craintive consideration qui ramolit & relasche la volonté, & reserve encores quelque chose à faire, les semences de cette premiere perfection qui estoit en l'homme le retiennent & sont cause qu'il ne peut faire le mal qu'à demy, qui est du bien pour autrui, mais souvent la ruyne de celuy qui a commencé sans acheuer le mal auquel il s'estoit imaginé, & auoit proieté de trouuer son bien & son auancement, & de cette

D.Dd. iij.

foiblesse & sottise, est venu le proverbe à leurs despens. *Qu'il ne faut jamais folier à demy*. Mot dit par jugement, mais qui peut auoir & bon & mauvais sens. Ne dire qu'il faille faire tousiours au pis sans aucune reserve ny respect, c'est vne tres-pernicieuse doctrine: & tres-bien dit le proverbe contraire: *les plus courtes folies sont les meilleures*. Mais aussi en certains cas la voye mediocre est tres-dangereuse, comme à l'endroit d'un ennemy redoutable: que l'on tient à la gorge comme l'on tient le loup par les oreilles: Il le faut ou gagner du tout par courtoisie, ou du tout l'esteindre & s'en deffaire, comme ont tousiours pratiqué les Romains, & tres-prudemment: en plusieurs à l'endroit des Latins, ou Italiens, à la remonstrance de Camillus. *Pacem in perpetuum parere vel seruando vel ignoscendo*, car en tel cas faire à demy, c'est tout perdre, comme firent les Samnites, qui à faute de pratiquer ce Conseil qui leur fut donné par vn bon vieillard expérimenté, à l'endroit des Romains, qu'ils tenoient enserrez, le payerent bien cher, *aut conciliandos aut tollendos hostes, media consilia neque amicos parant neque inimicos valunt*, le premier de la courtoisie est plus noble, honorable & à choisir, & ne faut venir au second, qu'à l'extremité, & lors que l'ennemy n'est capable du premier. Par tout ce dessus se montre l'extreme foiblesse humaine au bien & au mal: il ne peut ny faire, ny fuyr tout bien & tout mal, & ce bien ou mal ou'il fait, ou fait, ce n'est purement ny entièrement: & ainsi n'est en sa puissance d'estre en tout sens tout bon ny du tout meschant.

A la page 389 de ceste Edition, depuis la ligne 15. ce discours doit estre addoucy en ceste sorte iusques à la ligne dernière de la page 388.

E S T V D I E R A LA V R A I E

Pieté.

Premier office de Sageſſe.

C H A P. V.

LEs preparatifs faits, & les deux fondemens ietez, il est temps de bastir & dresser les regles de Sageſſe; dont la premiere & plus noble regarde la religion & ſervice de Dieu. La pieté tient le premier lieu au rang de nos devoirs, & est chose de tres-grand poids, en laquelle il est dangereux & tres-facile de se meſcompter & faillir. Il est beſoin d'auoir aduis, & ſcauoir comment celui qui eſtudie à la Sageſſe ſ'y doit gouverner. Ce que nous allons faire apres auoir vn peu discouru de l'eſtat & ſucces des religions au monde, remettant le ſurplus à ce que i'en ay dit en mes trois veritez.

C'eſt premierement chose effroyable, de la grande diuerſité des religions, qui a eſté & est au monde, & encore plus de l'eſtrangeté d'aucunes, ſi fantaſque & exorbitante, que c'eſt merueille que l'entendement humain, aye peu eſtre ſi fort abeſty & enyuré d'impoſtures. Car il ſemble qu'il n'y a rien au monde haut & bas, qui n'aye eſté deſiré en quelque lieu, & qui n'aye trouué place pour y eſtre adoré.

i. Diuerſité des religions

Outre ce que les hommes ont commis de si lourdes fautes en la forme du cult & adoration de ces fausses deitez, qu'on ne s'en peut souuenir sans horreur : ils se sont mesme imaginez que les Dieux prenoient plaisir au tourment & defaicté de leurs creatures : & cette opinion est fondamentale des sacrifices qui ont esté vniuersels par tout le monde, auant la naissance de la Chrestienté, continuéz aussi parmy quelques nations depuis, & exercez non seulement sur les bestes innocentes, qu'on massacroit avec effusions de leur sang pour vn precieux present à la diuinité, mais (chose estrange de l'yuesse du genre humain) sur les enfans, petits innocens, & les hommes faits, tant criminels, que gens de bien; coustume pratiquée avec grande religion par plusieurs nations. Les Gètes, qui entr'autres ceremonies & sacrifices, depeschent vers leur Dieu Zamolxis, de cinq en cinq ans, vn homme d'entre eux pour le requerir des choses necessaires : & pour ce qu'il falloit que ce fust vn qui meure tout à l'instant, & qu'ils l'exposent à la mort d'vne certaine façon douteuse, qui est de le lancer sur les pointes de trois iauelines droites, il auient qu'ils en depeschoient plusieurs de rang, iusques à ce qu'un s'enfermast en lieu mortel, & expirast soudain, estimans cestuy-là estre propre & fauorisé, les autres non. Les Peres estoient autant inhumains, telmoin le fait d'Amestris, mere de Xerxes, qui en vn coup enterra tous vifs quatorze iouuenceaux, des meilleures maisons, selon la religion du pais : Les Carthaginois immoloient à Saturne leurs enfans en la presence des peres & meres ; Les Lacedemoniens mignardoient leur Diane, en faisant foietter des

jeunes garçons en sa faueur, souuent iusques à la mort : Les Grecs aussi en vsoient, tesmoin le sacrifice d'Iphigenia : les Romains ont fait le semblable, approuuans la mort des deux Decies qui s'y precipiterent eux mesmes pour appaiser l'ire des Dieux enuers leurs pays : Ce qui doit dauantage estre blasmé és Grecs & Romains qui estoient mieux policez & auoient vne plus grãde cognoissance de la diuinité & des loix, qui nous enseignent les bonnes mœurs & droicte façon de viure, que les autres nations qui estoient barbares ou moins ciuilisées : *quæ fuit tanta iniquitas deorum vt placari à pop. Rom. non possent, nisi tales viri occidissent.* Les Mahumetans sont enseignez d'en faire presque autāt en leur faulxe religion, car ils se balaffrēt le visage, l'estomach, les membres, pour gratifier leur Prophete : Le mesme se pratique és Indes nouuelles, tant Orientales qu'Occidentales : & en Themistitan, ils cimentent leurs idoles de sang d'enfans : Quelle alienation de sens penser flatter la diuinité par inhumanité & satisfaire à sa iustice par cruauté, iustice qu'ils feignēt par ce moien estre affamée de sang humain de celuy qui est innocēt, & tiré & répandu avec tant de douleurs & tourmens, *Vt sic dii placentur, quemadmodū ne homines quidē saniant.* D'où peut venir ceste opiniō & creāce si brutale que les Dieux prēnent plaisir au tormēt & en la defaite de leurs œuures & de l'humaine nature, atēdu que toute l'ātiquité a tenu & creu que les Dieux estoient bōs & iustes, ou plustot que la Diuinité estoit la mesme bōté & iustice & que leur propre, entāt que bōs, estoit de conseruer l'estre de leurs creatures, & l'ouurage qu'ils ont fait : comme la iustice à cela de particulier de ne faire mal à l'in-

nocent & de mesurer & proportioner la peine qui doit tousiours preceder le chastiment, & estre cause de prouoquer la iustice à vengeance, dont Dieu vse contre nous. Les plus sages parmy les nations esquelles ceste barbare cruauté estoit practiquée, auoient bien ce sentiment, mais ils ne s'en osoient descouvrir, crainte des loix de leurs pais, & aimoit mieux vn chacun voir le mal, mesme le souffrir quand le sort tomboit sur luy, que d'essayer à rendre capables les autres de ce qu'ils deuoient reietter, pource que la punition eust indubitablemēt suiuy leur liberté, ayant tousiours esté perilleux d'entreprendre quelque changemēt en la religion, quoy qu'elle fust fausse, pour en introduire quelque autre qui fust meilleure. En fin apres plusieurs siecles, la plus part de ces refueries & cruantez ont esté abolies: à quoy le Christianisme à beaucoup aidé, encores qu'en plusieurs endroits le monde soit à present rēply d'impieté & de fausses religiōs: Ceux mesmes qui ont recognu qu'il n'y auoit qu'un seul Dieu autheur de toutes choses qui ont bien senty de sa prouidence & de son amour enuers le gēre humain, de l'immortalité de l'ame, du loyer deu aux bōs, chastiment aux méchā, tant en ceste vie qu'en l'autre, qui ont eu certaine profession externe de prier, inuoker, honorer, & seruir Dieu, n'ont laissé de tomber en de grandes erreurs, telles que nous les voyons en la religion de Mahomet, qui pour mieux deceuoir fait croire qu'elle a eu des reuelations & apparitions, dit qu'elle a des miracles, des prodiges & sacrez mysteres, avec telles impostures a empoisonné vne gtande partie de la terre, empruntant du Christianisme & du Iudaisme aussi ce

qu'elle a estimé pouuoir seruir pour tromper plus aisement les esprits foibles: Mais Dieu nous a fait la grace de ne point douter & n'estre point en peine de sçauoir qu'elle est la vraye religion, ayant la Chrestienne tant d'auantages & de priuileges si hauts & si authentiques par dessus les autres: & priuatiuement à toutes, que ceux qui reiettent ceste lumiere ne sont point excusables. C'est le sujet de ma seconde verité, ou est monsté que les autres sont fausses & demeurent de beaucoup au dessous de celle-cy, soit qu'on cōsidere la pureté de l'inuocation, la police, les miracles, & tout ce qui peut esleuer les esprits des hommes à la cognoissance du vray Dieu.

A la verité toutes les religions ont cela qu'elles semblent estre esloignées du sens commun: Aucunes mesmes ont esté basties & composées de piéces, dont les vnes sont au iugement commun basses, indignes, & messeantes, & telles que l'esprit vn peu fort & vigoureux s'il ne reçoit avec créance & simplicité les mysteres de la foy s'en mocque ou les mesprise, & si elles sont trop hautes, esclatantes, miraculeuses, & mysterieuses, esquelles il ne puisse rien comprendre, il s'en offense. L'esprit humain n'est vrayement capable que de choses mediocres, & faut que les idées & conceptions qui y entrent ayent premierement passé par les sens: ce qui ne peut auoir des choses diuines qui ne tiennent rien de la matiere, & ne se laissent veoir ny toucher; par ainsi il mesprisera & desdaignera plustost les petits, s'estonnera & se transférera des grandes, qu'il n'embrassera les vnes ou les autres: Ce n'est donc de merueille s'il se rend difficile à receuoir du premier coup la religion qu'il se

presente à luy, puis qu'elle ne peut rien auoir de mediocre, & qui soit proportionné à la portée de son esprit: C'est pourquoy il est tousiours requis qu'il y soit induit par quelque occasion, crainte que s'il est fort il ne la dedaigne, comme il a esté dit cy dessus, ou s'il est foible & superstitieux, qu'il ne s'en estonne & s'en scandalise: *Pradicamus Iesum Crucifixũ, Iudais scandalum gentibus stultitiam*: & cette occasion ne peut estre autre pour embrasser la vraye Religion, que la grace & assistance du saint Esprit, qui seul est capable de nous apprendre cette leçon, à laquelle nostre foiblesse ne pourroit sans la guide de ceste lumiere atteindre & paruenir. C'est pourquoy il y a tant de mescreans & irreligieux du nombre desquels sont ordinairement ceux qui consultent & escoutent trop leur propre iugement, voulans examiner & iuger des affaires de la religion selon leur portée & capacité, & la traiter par leurs outils propres & naturels: Il faut estre simple, obeyssant & debonnaire, pour estre disposé à receuoir la vraye religion, croire, & le contenir sous les loix par reuerence & obeissance, assuettir son iugement & se laisser mener & conduire à l'autorité publique, *Captiuantes intellectum ad obsequium fidei*: & c'est le vray ou plustost le seul moyẽ de paruenir à la cognoissance de la vraye religion: On est presque tousiours de celle que le lieu & la compagnie ou on est néient. On est circōcis, baptisez, Iuis & Chrestien, auant qu'on le sçache, & de ceste façon on peut dire que la religion n'est pas de nostre chois & election, que l'homme sans son sçeu est fait Iuis ou Chrestien à cause qu'il est né dedans la Iuifuerie, ou la Chrestienté, que s'il fust né

ailleurs dedans la Gentilité ou le Mathumetisme, il eust esté de mesme Gentil, ou Mahumetan. Mais Dieu nous y conduit apres par des moyens secrets, qui ne dependent & ne peuuent venir que de luy; & lors estant plantée en nos cœurs par vne attache diuine, chose du monde ne la peut esbranler, telle attache ne se rompt iamais, quand il y a de la touche & du rayon de la diuinité, il paroist tousiours partout, & produit des effets qui sont miraculeux, aussi la verité en dit, si vous auiez vne seule goutte de foy, vous remueriez les montaignes: C'est la foy qui est cause de tous ces miracles escrits es sainctes liures que Dieu n'a onques fait en faueur, ny pour le salut de ceux qui croyent en son nom, ou bien qui n'est oient interieurement disposez à receuoir, ceste grace, & à la verité qui voudroit entrer en consideration des points & articles que la vraye religion traite, & en iuger par lo sens commun, combien s'esloigneroit-il de ceste lumiere, qui voudroit encores considerer quelle proportion & conseruance il y a entre la persuation de l'immortalité de l'ame & d'une future recompense si glorieuse & heureuse, ou si mal-heureuse & angoustieuse à la vie que nous menons ne diroit-il pas que nous ne croyons pas vrayement ny l'un ny l'autre, ou que nous estimons pas assez ce bien futur, & ne craignons non plus les tourmens dont nous sommes menacés en l'autre vie, puisque nous nous esliuettissons si peu à suite la pieté & vertus les loix & commandemens de Dieu, sans l'observation desquels nostre foy est morte, & ne nous peut seul faire iouyr de ce bien. Mais au contraire nous rendons familiers & domestiques les vices qui nous conduisent

à vne si malheureuse fin. La seule apprehension des choses qu'on doit croire fermement nous deuroit faire esgarer & perdre le sens, puisque la seule apprehension & crainte de mourir par iustice & en public, ou de quelque autre accident honteux & facheux a fait perdre le sens à plusieurs, & les a lettez à des partis bien estranges. Car ces maux sont peu au prix de ce que la religion nous enseigne de l'advenir, si la grace ne preuenoit nostre foiblesse: Serait-il possible de croire en vérité, & d'espérer cette immortalité bien-heureuse, & de craindre la mort, passage nécessaire à celle, craindre & apprehender ceste punition infernale, & vivre comme on fait. Ce sont choses plus incompatibles que le feu & l'eau, ils disent qu'ils croient, ils se le font à croire, & pis, ils le veulent faire croire aux autres, mais il n'en est rien, & nous scauons que c'est que croire, & le dire est d'auoir en l'esprit ce que l'écriture appelle diabolique, mort infernale, lequel est inutile & fait plus de mal que bien, car il n'y a religion quelle qu'elle soit, qui pour le regard de la loy morale & de tous des gens qu'on enseigne presque vne même chose, & qu'on veut & bien faire en l'un & l'autre. Mais en l'un & l'autre on ne se reconnoît point es que l'un qui a bien fait pendant qu'il étoit en ce corps, du contentement de son loyer & de sa récompense, & de craindre par ailleurs la punition du vice. On peut dire vrayement que la crainte qui vient de la loy ne laisse d'être en ce loy, & de faire de mauvaises actions, mais que la foiblesse & l'impulsion de nostre nature doit rompre, depuis la chute du premier homme en est cause, que la chair est souvent maîtresse de la raison & la

force

force de faire ce qu'elle ne veut pas, *sentio legem in membris meis repugnantem legi mentis meae* : Excuse qui nous accuse tousiours quand nous nous y laissons aller sans nous corriger, & fait qu'és fausses religions les hōmes ont plus d'accasō de craindre les tourmens de la vie future, que d'en esperer le bien: d'autant qu'ils n'ont pas comme nous l'espoir de leur salut, fondé au merite de la passion du vray Dieu, deuenu homme, pour nous sauuer, & faire iouir de la beatitude eternelle: mais croient que le merite du bien nous y doit conduire, & le vice apporter les supplices & tourmēts: Ceste police estoit aussi necessaire parmy eux, pour les empescher de cōmettre les crimes secrets que les Magistrats ne pouuoient punir, & neātmoins nous ne serons non plus exempts que les autres, si nous n'adiouſtons à cette creance les bonnes œures, qui nous sont commandées par nostre religion.

Certes si nous nous teniōs à Dieu, & à nostre religion, ie ne dis pas par vne grace & vne estreinte diuine, comme il faut, mais seulement d'une commune & simple, comme nous croyons vne histoire, & nous tenons à nos amis & compagnons, nous les mettrions de beaucoup au dessus de tout autre chose, pour l'infinité bonté qui y reluit: pour le moins seroient ils en mesme rang que l'honneur, les richesses, les amis. Or y en a il bien peu, qui ne craigne moins de faire contre Dieu, & quelque point de sa religion, que contre son parēt, son maître, son ami, ses moyēs. Tout cecy ne heurte point la dignité, netteté & hauteſſe de la Chreſtiēté, nō plus que le fumier ne ſoüille le rayon du Soleil,

E E c

qui luit sur luy, car cōme a dit vn ancien, *fides enim à personio, sed contra* : Mais l'on ne sçauroit trop crier contre les faux hypocrites, à qui la verité en veut, tant par exprez preciput, avec tant de *ve*, qu'il leur iette & esclance de sa bouche.

A la page 378. de ceste edition, il faut adoucir l'article 27. qui est depuis la ligne 23. iusques à la quatriesme ligne de la page 399. ainsi qu'il s'ensuit.

Ces deux extremittez sont perilleuses; l'une n'esleue point les yeux pour considerer qu'il y a vn Dieu; que le mespris & contemnement de la diuinité, que nous appellons impieté, est le plus grand crime de tous les autres, Car sans la creāce que la foy donne, sans la cognoissance & adoration du vray Dieu, nous ne pouuons rien faire qui serue à nostre salut: l'autre n'a rien de la vraye pieté: mais vne apparence de religion pour tromper & deceuoir autrui: *Da mihi pulchra Lauerna fallere, de sar- Etum instūmque videri.*

F I N.

TABLE DES MATIERES.

A Bregé du monde, c'est l'homme. pag 33	Aduis sur la prosperité. 723. & suiu.
Abstinence. 731. & suiu.	Aduis sur la volupté. 724. & suiu.
Abstinence des soldats. 541	Aduis touchant le corps de l'enfant. 651. 954
Academicien ne sera jamais heretique. 358	Aduis touchant l'esprit des enfans 635
Accidens & maux qui menassent 552	Affaires difficiles & dangereux, 555
Accidens presens, pressans & extremes 553	Affaires douteux, & ambigus 536
Accoustumance aux maux. 420	Afflictions viennent de trois endroits. 4168
Accusations fausses. 196	Affranchissement des erreurs & vices du monde & des passions 312. & suiu.
Action de l'ame. 89. 90. 91	Agitations d'esprit. 180
Action de l'esprit. 97	Agitations publiques. 183
Action du prince. 519	Alliance du prince. 517
Action militaire du prince. 512	Ambition. 110. 121. & suiu.
Action pacifique du Prince 59	Ambition & gloire. 738 & suiu.
Action & facultez de l'ame 55	Ame & sa definition tres-difficile. 51. 53
Admonition libre. 599. & suiu	l'Ame comme exerce ses facultez. 62
Adolescence. 89	l'Ame de quelle nature & essence elle est. 54
Aduersité. 410. & suiu. 415	l'Ame & son estat apres la mort. 65
Aduis à faire la guerre. 542	l'Ame & son existence au corps 59
Aduis contre la coniuration 557	l'Ame & son immortalité. 63
Aduis contre l'aduersité. 417	l'Ame & son origine. 56
Aduis contre les diuisions publiques 568. 569. 570	l'Ame & son siege. 83
Aduis contre les maux publics. 686	
Aduis de faire raisonner le disciple. 649. 650 651	
Aduis de sagesse. 431	
Aduis du choix des sciences. 647	
Aduis pour former l'esprit. 651	
653	

Ecc ij

T A B L E

l'Ame & son vñité.	56.57	Affurance & crainte.	449
l'Ame, l'esprit, la chair.	37	Ataraxie des Pyrrhoniens.	345
l'Ame, quand & comment entre au corps.	59	Attendre la mort.	463
l'Ame raisonnable est organi- que.	83	Avarice.	114.125
l'Ame sensitive.	58	Avarice du Prince.	526.527
l'Ame son siege, & instrumens.	61	Authorité de la coustume.	430.
l'Ame, ses facultez & actions.	54	Authorité de la parole	78
l'Ame vegetative.	66	Authorité du Prince.	319.320
de l'Ame en general.	50		
Amours.	119	B	
Amour charnel.	127.128. & suiu	B Anissement & exil.	699
Amour des parens vers leurs enfans	656.657	& suivi.	
de l'Amour ou amitié.	584	Batailles.	546
585		Beauté de l'esprit & du corps.	49
Amis perdus.	706. & suivi.	Beauté du corps.	45.46
Amitié commune.	589	Beauté du visage.	48
Amitié & flatterie, comme dif- ferent.	601.603	Bestes.	162
Amitié parfaite.	589.590	Bien fait, & ses regles.	606
591.		& suivi.	
de l'Amitié ou amour.	553.585. & suiu.	se Bien comparer avec autrui.	438
Animaux comparez avec l'hom- me	153 & suivi.	Bien vser du nom de Dieu.	396
des Animaux.	212	Biens diuisez en 8 chefs:	446
Apologie de l'Auther de ces liures.	18	Biens du corps, santé, beauté, & autres.	44.45 & suivi.
Appetitive faculté de l'ame.	8	Bien inegalement distribuez.	305
Aristote Prince des Dogmati- stes, & le Dieu des Pedans.	333	Biens perdus	702 & suivi.
Art & industrie.	681.682	Bien-veillance du Prince.	319
		520	
		du Boire.	731. & suivi.
		Bonne discipline.	645.646
		Bonté naturelle.	368
		Brauerie & submissions.	198
		Brieveté de la vie.	169. & suivi.

DES MATIERES.

Brusler les corps morts. 318
But & train de vie certain. 377

C

Captiuité, ou prison. 698
& suiu.
Causes de la colere. 133
Causes des guerres ciuiles. 567
Ceremonie. 362. 363
de la Ceremonie du monde. 437
Cerveau & son temperament. 83
la Chair, l'esprit, l'ame. 37
Chasteté. 736. & suiu.
des Chefs de guerre. 541
Choix des sciences. 647
Choix & eslection des choses. 447
Colere. 133
Colere. 712. & suiu.
se Colerer quand est bon. 716
Choses subites. 199
du Ciel. 222
Classes du monde diuerses. 240
Clemence du Prince. 500. 501
Cognoissance de soy, combien
vtille. 23. 24. & suiu.
Cognoissance des personnes &
des affaires. 443
Cognoistre Dieu. 395
Cognoistre l'Estat. 488
Combats. 544. 545
Commander & obeyr. 247
Comparaison des philosophes
& Theologiens. 5. & 6
Comparaison des temperamēts. 84

Comparaison des faussetez de
l'ame. 87
Comparaison de la volonté
avec l'entendement. 110
Comparaison de l'homme avec
les animaux. 152. 153. &
suiu.
Comparaison de la ieunesse à la
vieillesse. 173
Comparaison de la vie ciuile a-
uec la solitaire. 286. 287
288
Comparaison des meschance-
tez. 374
Comparaison de religion &
preud'homme. 399. & suiu.
Comparaison de la Loy & cou-
stume. 425. & 426.
Comparaison de science & sa-
gesse. 637 & suiu.
Comparaison des maux par
leurs causes. 685
Compassion. 149
Compassion. 712
ne Condamner legerement les
choses estranges. 415
Condition humaine considerée
en cinq manieres. 31
Conduite aux affaires. 443
Conduite d'un chacun est sa
charge. 146
Conference avec les sçauans. 642
de la Confession. 376
Confusion de probité & pieté. 400
Coniuration. 56
la Conscience nous bourrelle. 480

Ecc iij

T A B L E

Conseil du prince.	505 506
Conseil pour choisir vn train de vie.	379
Conseillers du prince.	506.507
Conseils de guerre.	542 & suiv.
Constance du prince.	513
Consulter autrui.	448
Contentement & felicité.	181
Contenance.	736. & suiv.
Contenance des Soldats.	541
Conuersation simple & com- mune.	439
Conuersation speciale.	441
Corps.	25
Corps humain comme se diui- se.	37.38
Courtoisie & ses offices.	180
Coustume.	425
Coustume & loy comparées.	425
Coustume & son autorité.	430
Coustumes & loix diuerses.	426
Coustumes sont à obseruer.	433
Craindre la mort.	455 & suiv.
Crainte.	149
Crainte.	708 & suiv.
Crainte & assurance.	449
Croire.	223.124
Cruauté.	141
Cruauté.	165
Cruauté des Seigneurs contre leurs esclaves.	265
Cruauté du prince.	256
Cupiditez.	131
Curiosité honneste.	652 653

D

Devoir de l'homme à ses biens.	581
Devoir del'homme à son corps	581
Devoir de l'homme à son es- prit.	579.580
Devoir del'homme à soy.	576
	577.578 579. & suiv.
Devoir de l'homme enuers l'homme	583
Devoir des enfans aux parens.	659.660 661
Devoir des grands & des petits.	679
Devoir des maistres & serui- teurs.	661 663
Devoir des magistrats.	671 & suiv.
Devoir des mariez.	68. & suiv.
Devoir des parens & enfans.	615
Devoir des souverains & su- iects.	664. & suiv.
Devoir du Magistrat vers le souverain	673
Devoir du Magistrat vers les particuliers.	674.675
Defauteurs de fortune.	293
Defauteurs de l'esprit.	103.104
Deffiance requise au prince.	494
Degrez d'amitié.	588.589
trois Degrez de gens au mon- de.	240
Degrez & perfection.	367

DES MATIERES.

Delicateſſe & molleſſe.	195	Diuerſitez de formes de mort.	476
Deſbauche.	715	Diuerſité de loix & couſtumes.	426. 427.
Description de la vie humaine.	172	Diuerſité de religions.	181
Description de la vraye preu.	354	Diuerſité des hommes.	231
d'homme.	354	& ſuiu.	231
Description de l'eſprit.	391	Diuerſité d'eſprits.	91. 94
Description de meſchanceté.	372. 373	Diuiſion de l'homme au corps	36
Description de paſſion.	112	de l'ame.	36
Descriptions de religion.	394	Diuiſions priuées.	372
Deſeſpoir.	131	Docteurs.	278
Deſir d'honneur.	101	ſe Donner la mort.	471
Deſirer la mort.	99	Douleur & maladie.	695.
Deſirs.	131	& ſuiu.	695.
Deſirs & plaiſirs reglez.	468	101	
Deſreglement des paſſions.	115	101	
Deſreglement preiudiciable ſes			
voluptez.	1751		
Deſtinée.	686. 687	E ducation des enfans.	638
Deuils publics.	143	Effet & fin de religion.	394
Deuiſe de ie ne ſçay.	335	Effets de la cholere.	136. 137
Difference & inégalité des hô-		Effets de l'imagination.	108
mes.	230. & ſuiu.	Effets des maux extremes.	792
Differens naturels.	234	Egalité & inégalité de biens.	305
Discipline de guerre.	19	Election des choſes.	447
Discipline mauuiſe.	644. 645	Election des ſoldats.	338
Diſcretion.	1453	Eloquence.	344
Diſpoſition à la ſageſſe.	21	Emotions populaires.	360
Diſſimulation.	495	Empeſchemens de ſageſſe.	12
Diſſimulation.	604. & ſuiu.	& 13.	
Diſtinction de prudence.	485.	Employer les finances.	314
486		Endurer eſt naturel.	419
Diſtinction des eſprits.	240	Enfance.	84
Diſtinction des meſchancetez.	174	Enfans en leur deuoir.	615. &
Diſtinction de paſſions.	117	ſuiu.	
Diſtinction de l'amitié.	386.	Enfans & parens.	260
187		Enfans maſles.	317.

Entendement comparé avec
volonté. 110
Enterrer les corps morts. 128
Entrée de l'ame au corps. 158
Enuie. 163
Enuie. 171
Erreurs populaires contraires à
la sagesse. 143
Echelle à la divinité. 122
Esclaves Seigneurs. 165
Espargne & réserve des finan-
ces. 154
Espoir. 133
Espoir. 135
l'Esprit doit estre bridé & rete-
nu. 102
l'Esprit est très-dangereux. 100.
101
l'Esprit & ses défauts. 103
104
l'Esprit son action. 96
l'Esprit humain & ses parties. 1
92
l'Esprit, l'ame, la chair. 137
Esprit prompt & soudain. 96
Esprits diuers. 94
Essays d'honneur. 173
Essence & nature de l'ame. 53
Etat de l'ame apres la mort. 66
de l'Estat. 168 & suiv.
Estimation des choses. 444
445.
Estudier à la vraye pieté. 381
& suiv.
Examen & iugement des con-
stumes. 418
Examination des Souuerains
apres leur mort. 70. 671

Examiner toutes choses meu-
rement. 436
Exemple de parfaite amitié. 191. 192.
Exemption des erreurs, & vices
du monde & des passions. 311
& suiv.
Exercice des facultez de l'ame. 62
Exil & banissement. 700
Existence de l'ame au corps. 60
Facilité d'honneur. 438
439
Façon & maniere de saluer. 317.
Faction & ligue. 61 61
Faculté intellectuelle. 22
Faculté sensitive de l'ame. 68
Faculté vegetative de l'ame. 672
Facultez de l'ame comparées
88
Facultez & actions de l'ame. 45
Faculté imaginative, memora-
tive & appetitive de l'ame. 81
Faillir n'est iamais permis. 373
Faire la guerre. 101. 514
Faveurs & defaveurs de fortu-
ne. 298
Faux soupçons & accusation. 115.
Faut suivre nature. 359

DES MATIERES.

Feintise. 604. & suiv.
 Felicité & contentement. 181
 de la Fidelité. 593. & suiv.
 Fin de guerre. 549
 Fin & effect de religion. 594
 Fin miserable des souverains
 613. 616.
 Finances. 510
 Finesses de guerre. 548
 Flatterie. 600. 601. 603
 Foiblesse. 181. & suiv.
 Foiblesse au mal. 193
 Foiblesse aux extremités. 196
 Foiblesse aux reprehensions. 194
 Foiblesse des sens naturels. 75
 Folie. 167
 Fonctions de l'esprit humain. 91
 Fonder les finances. 511. 512
 de la Force. 678
 Force armée. 116
 Force corporelle. 608
 Force de la parole. 179
 Force ou vaillance. 678. & suiv.
 Force ou vaillance. 684
 se Forger des maux. 202
 Formalitez. 217. 218
 Formation de l'homme. 33
 Formes de morts diverses. 476
 Fortune & industrie. 451
 Fortunes & ses faueurs. 233
 de la Foy. 593. 594. & suiv.
 Foy & iustice du souverain. 461
 492
 Frugalité. 703. 704
 frugalité. 735
 fruits des maux externes. 692
 & suiv.
 281

G

Garder les oreilles des en-
 fans. 612
 des Gehennes & tortures. 188
 du General d'armée. 542
 Gentilshommes françois igno-
 rans. 637
 Gloire & ambition. 739. &
 suiv.
 la Grace, perfection de nature
 369
 Grands & petits. 676
 Guerre entreprise. 331. 332
 Guerre civile. 566

H

Habillemens. 715
 Hayne. 118
 Hayne. 717
 Hayne & mespris du Prince.
 525
 Heresies & troubles d'où vien-
 nent. 337
 l'Histoire & voyager seruent à
 la sagesse. 313
 l'Homme a esté fait le dernier
 17
 l'Homme comme est fait en
 la matrice. 35. 36
 l'Homme iouë deux roalles
 350
 l'Homme comme est formé. 35
 l'Homme comparé avec les
 animaux. 153. & suiv.
 l'Homme considéré en cinq
 manieres. 26

DES MATIERES.

Iustice avec prudence.	491
Iustice en general.	572
Iustice & foy du Prince.	491
492	
Iustice naturelle.	573
Iustice vsuelle	5 3. 574

L

L Angage.	742. & suiv.
Langue bonne ou mauuai- se.	80
Lascheté & paresse.	451
Lecture des liures.	648. 646
Legislateurs.	278
Liberalité du Prince.	500. 503
Liberté.	164
Liberté du iugement.	322. & suiu.
Liberté de volonté.	345
Liberté & seruage.	294
Ligue & faction.	561. 562.
Liures & de la queste d'iceux.	196
Liures & propos des enfans.	611
Loüange de frugalité	703. 704
Loüange des Iesuites & de l'in- stitution de leur vie.	278
279	
Louange de l'inuention.	101
Loy & coustume comparées.	415
Loy & son autorité, & origi- ne	424
de la Loy de nature.	357. & suiu.
Loix & coustumes diuerses.	426

Loix & coustumes sont à ob- seruer.	435
Loyers & peines.	530
Luxe.	735

M

M Agnanimité du Prince.	504
Magistrats.	277
Magistrats.	671. & suiv.
Maistres.	662. 663
Maistres, seruiteurs.	165
Maladie & douleur.	965. & suiu.
Malheur du Prince.	528
Malice & tyrannie de la crainte.	150. 151.
Manie.	167
Manieres diuerses de se porter en la mort.	453 & suiv.
Mariage.	249
Mariage blasmé.	ibid.
Mariage defenou.	252
Mariage descrit.	254
Mariage des souuerains.	272
Mariez, de leur deuoir.	621 & suiu.
Martiale puissance.	256
Marques d'honneur.	300
Marques de preud'hommie.	311
Maux & accidens presens, pres- ens & extremes.	153
Maux & accidens qui menacēt.	152
Maux externes.	685. 692
Maux internes.	707
des Maux priuez.	687. & suiv.

T A B L E

des Maux publics.	686	Mœurs des soldats.	540.541
Memoire.	107	Mœurs des souverains.	270
Memoire humide.	85	Mœurs du Prince	529
Memoratiue faculté de l'ame.		Molleſſe & delicateſſe	196
81		Monde diuiſé en diuers claſſes.	240.241 242
Memorial d'affaire.	503	le Monde mené par opinion.	
Menterie.	604	109	
Mefchanceté diſcrette.	372 373	Monſe partagé en trois.	233
Mefcognoiſſance de ſoy-melme.	22.23	Mort eſt iuſte & raiſonnable.	
Mefcontes dont on ſe doit garder en liſant ces liures.		466	
20.21		Mort eſt neceſſaire.	465
Mefcroire.	224.215	la Mort, & comme il ſ'y faut tenir preſt.	453 & ſuiu.
Mefnagerie.	913 & ſuiu.	Mourir eſt naturel.	463
Mefpris & hayne du Prince.		Moyens d'apprendre.	647
525		Moyens de paruenir à la ſageſſe.	9.&10
Mefpris de la mort.	466. & ſuiu.	Moyens faux de ſe cognoiſtre.	
Mefpris du monde.	404.405 & ſuiu.	30	
Mefpris du prince.	518	Moyens vrais de ſe cognoiſtre.	
Methode de ces liures.	15	31	
Methode pour planter la Chreſtienté.	338	Munitions de guerre.	534
Militaire profeſſion.	291		
Miſere par anticipation.	204		
Miſere de l'homme.	100.& ſuiu.		
Miſere de la volonté.	215		
Miſeres des ſouuerains.	171 & ſuiu.		
Miſeres ſpirituelles.	206. & ſuiu.		
Miſericorde.	712		
Modeſtie des ſoldats.	541		
Modeſtie en proſperité.	411		
Mœurs.	235		
Mœurs de l'enfant.	654.655		

N

Nature corrigée par la vertu & Philoſophie.

366

Nature eſt alterée & violentée par art, & par ceremonie.

362

Nature eſt bonne & ſuffiſante maiſtreſſe.

360

Nature eſt le reſſort de preud'homme.

354.355

Nature & eſſence de l'ame.

54

Nature parfaite par la grace.

369.& ſuiu.

DES MATIERES.

213

Naturel de l'estat.	268	Opinion considérée.	117
Naturel des hommes.	234	Opinion mene le monde.	107.
Noblesse.	295		110
Noblesse acquise.	297	Ordre des facultez de l'ame.	
Noblesse naturelle.	296		87
Nom de Dieu doit estre legere-		Ordres des soldats.	540
ment pris.	397	Origine de l'ame.	58
Nouateurs de loix.	414	Origine & autorité de la loy	
Nourriture & education des			424
enfans.	628	Ouy & sa préeminence.	78
Nudité est naturelle.	50	d'Ouyr, voir & parler.	77.

O

P

O Beyraux loix, coustumes	
& ceremonies de son	
pays	424. &
suiu.	
Obeyr & commander.	247
Obiections contre l'eloquence.	
	745. 746
Obiects contre le mariage.	246
& suiu.	
Obligation.	616. & suiu.
ne s'obliger à rien.	331. & suiu.
Observer loix & coustumes.	
	433
l'Occasion & le temps.	450
Offenses ou iniures.	689
Offices de religion.	394
Office de courtoisie.	180
Office des parens.	726
Officiers.	146
des Officiers.	510
Opiniaftreté.	227
Opinion du mepris du monde	
	404
Opinion & imagination.	107
	108

D E la Paix.	549. 511
Paremens du corps & au-	
tres.	719
Parens & enfans.	260
Parens & leur deuoir.	615
& suiu.	
Paresse & lascheté.	251
Parler, & ses regles.	742. &
suiu.	
du Parler, voir & ouyr.	77
Parole & de sa force & auctori-	
té.	79
Partage du monde.	133
Passion.	682
Passion concupiscible.	117
Passion contraire à l'avarice.	
	117
Passion irascible.	118
Passions & leurs description.	
	113
Passions fascheuses.	707
Paternelle puissance.	260 261
Pauvres & vagabonds.	267
Pauvreté.	702. & suiu.
Pauvreté & richesse.	304

T A B L E

Si Peché engendre repentir.	373	Plaisirs naturels.	412
Pedans.	217. 218	Police.	16
Pedans & Sophistes.	442	Polygamie.	257. 29
Pedant comme iuge des cou- stumes.	422	Pratiques & intelligences.	496
Pedant opposé au contraire au sage.	14	Precaution contre les passions.	319
Pedant que c'est.	13. 14. & 15	Precipitation.	450
Peines & loyers.	530 531	Precipitation.	608
Peinture de ceux qui sont asser- uis.	346	Préeminence de l'ouye.	78
Peinture generale de l'homme	175	Presomption.	719. & suiv.
Peinture generale de sagesse.	307. & suiv.	Presomption & folle amour de soy	311
Penitence.	173	Presomption humaine.	224
Pensées	277	Presomption iniurieuse.	435
Perfection & ses degrez.	367	Prud'homme & religion com- parées.	359
de la Perfidie.	596	Prud'homme populaire & mon- daine.	353
n'est Permis de se donner la mort.	472. 473 474	Prud'homme vraie & essen- tielle.	347. & suiv.
Persuader.	217. 228. & suiv.	Preuoyance des maux.	421. 422
Perte d'amis.	706. & suiv.	Prier Dieu.	396. 397
Pertes des biens.	791. & suiv.	le Prince doit choisir de bons conseils.	509
Petits & grands.	676. 677	le Prince doit moderer sa cole- re.	304
Peuple ou vulgaire.	279. & suiv.	le prince est sur les formes.	498
Philautie peste de l'homme.	21	du Prince & de son action.	519
Philosophes & Theologiens comparez.	4. & 5.	prison ou captiuité.	696. & suiv.
Philosophe corrige la nature	366	probité avec pieté	398
Pieté avec probité.	398	probité sans pieté.	399
pieté du Prince.	490	profession militaire.	291
pieté sans probité.	398. 399	professions diuerses des hom- mes.	281
Pieté vraie.	38 & suiv.	propos qu'on tiendra aux en- fans.	632
Pietons.	535	probité des facultez de l'ame.	87
Plaisir charnel.	736. & suiv.		
Plaisir & desir reglez.	1408		

DES MATIERES.

Proprietez du corps humain.

43

Prosperité. 409. & suiv. 414

Prosperité. 714. 725

Providence. 685. 687

Provisions de guerre. 554

de la Prudence. 482

Prudence avec iustice. 493

Prudence aux affaires difficiles.

551

Prudence difficile, obscure. 481.

483

Prudence du prince en la guerre.

Prudence necessaire. 484

Prudence Politique. 487

& suiv.

Prudence que c'est. 482

Prudence s'acquiert. 484.

485

Puissance des Seigneurs particuliers. 245

Puissance & subiection. 244

Puissance maritale. 259

Puissance paternelle. 260

261.

Puissance souveraine. 244

Punition des coniurez. 558

Punition & supplice. 694

Pyrrhonien ne sera jamais heretique. 339

Q

Qualitez de l'esprit humain

93.

Questes des livres. 296

R

Raison. 91. 93

Raison à tous visages. 95

96

Ratiocination. 158

Rebellion. 564. 565

Recherche inquiete. 306

Reconnoissance du bien-faict.

617

Recommandation de la discipline militaire. 539

Regions du corps. 39 40. 41

Regler ses desirs & plaisirs. 403. & suiv.

Regles pour faire la guerre.

542

Religion. 190

Religion Chrestienne est la vraie. 385

Religion & prud'homme comparées. 346

Religion ne doit estre prise humainement. 387. & suiv.

Religion vraie. 393

Religion vraie ou faulx. 360

Religions diuerses. 388

Religions en quoy conuiennēt. 382

Religions sont estrange au sens commun, & à la nature.

385

Remedes contre la coniuration

557

Remedes contre les passions.

138

Remedes de misere. 107

T A B L E

Remedes pour ne craindre la mort.	459 & suiv.
Remercement du bien fait.	917
de la Repentance.	171
Repentir engendré du peché.	373
Repudiation de femmes.	257
Reserve des finances	514.515.
Response aux objections contre le mariage.	252
Richesses & pauvreté.	304
Ruses de guerre.	348

S

S acremens.	192
Sacrifices cruels.	383
le Sage entre au dedans & au dehors.	327
le Sage se doit exempter des passions.	317
Sagesse comme est dluisée.	3
Sagesse diuine.	3
Sagesse & science comparées.	637. & suiv.
Sagesse & science ne se rencontrent pas.	641
Sagesse humaine.	4
Sagesse humaine descrite.	7
& 8	
Sagesse mondaine.	3
Sagesse que c'est	1
Sagesse sans science.	642
Santé du corps	44
Science.	302. & suiv.
Science a diuerse effects.	12
Science de mourir.	454
Science & sagesse comparées.	637. & suiv.

Science & sagesse ne se rencontrent pas.	641
Science financiere.	510
Science sans sagesse.	643
du Secret.	597
Sedition.	363
Seigneurs esclaués.	265
Seigneurs particuliers.	245
des Sens de nature.	27.73
& suiv.	
Sens naturels foibles & incertains.	75
Separation del'ame & du corps	63.64.65.
Seruage & liberté.	294
Seruir Dieu de Corps.	396
Seruir Dieu d'esprit.	396
Seruiteurs.	661.663
Seruiteurs, maistres.	265
Seruitude.	164
Seuerité du prince.	521.522
Siege de l'ame.	12
Siege & instrumens de l'ame.	61
Signes dela cholere.	135
Singularitez du visage humain.	47
Sobrieté.	732. & suiv.
Soin de l'aduénir.	178
Soldats.	535
Soldats bien choisis.	537.538
Soldats naturels.	536.537
Sophistes & pedans.	442
Sortes differentes de vie.	284
Soupçons faux.	195
Souuerain doit estre vertueux.	89.
du souuerain & de ses meurs	305
souuerain	

DES MATIERES.

Souuerains. 168. & *suiv.*
 Souuerains. 282. & *suiv.*
 Stratagemes. 548
 Stupidité. 318
 Stupidité ou temerité. 680
 Subiection & puissance. 244
 Subiects. 664. & *suiv.* 667
 Submissions & braueries. 197
 Subsidés & imposts. 513
 Subulitez. 497
 Suffisance des hommes. 240
 Suffisance louée. 703. 704
 Superstitieux. 217
 Superstition descrite. 390
 Superstition est naturelle. 391
 Superstition populaire. 391
 Superstition soustenuë par rai-
 son humaine. 391
 Supplice & punition. 694
 Surseance loüable. 331. 335. 336
 337.

T.

T Emérité de condamner
 tout. 226
 Temerité ou stupidité. 680
 Temperamens comparez. 85
 86
 Temperament du cerueau. 84
 Temperament entre crainte &
 assurance. 449
 Temperance au parler. 7412 &
suiv.
 Temperance descrite. 713
 Temperance en general. 712.
 & *suiv.*
 Temps de guerre. 543
 le Temps & l'occasion 450

se Tenir prests à la mort. 451.
 & *suiv.*
 Testament selon les loix. 658
 Theologiens & Philosophes
 comparez. 4 & 5.
 Tortures. 188
 Trahison. 599
 Traict de sagesse de prendre
 l'heure de mourir. 475
 Train & but certain de vie.
 377
 de la Tranquillité d'esprit.
 477 & *suiv.*
 Travail des soldats. 559
 Tristesse. 143. & *suiv.*
 Tristesse. 310. & 311
 Troubles & diuisions priuées.
 371
 Troubles, & heresies d'oü
 viennent. 335
 Tuer n'est pas venger. 141
 Tyran, & s'il est permis at-
 tenter sur sa personne. 667.
 668. 669. 670. *misurp.*
 Tyrannie. 564. 565
 Tyrannie de la crainte. 150
 151
 Tyrannie du Prince. 524

V.

V Agabōds & pauvres. 267
 Vaillance des soldats. 539
 Vaillance du Prince. 500
 Vaillance imparfaicte. 679
 Vaillance militaire. 679
 Vaillance ou force. 678. &
suiv.
 Vanité. 172

FFF

TABLE DES MATIERES.

Vengeance. 140. 141. 719. 720	Vie solitaire. 186. 188
Venger n'est pastuer. 140	Vieillesse comparée avec la jeunesse. 173
du Veoir, ouyr & parler. 77	Virginité. 736. & suiv.
Verité. 92. 99	Village humain. 47. 48
Verité. 189	Visites de courtoisie. 182
Verité difficile à trouver. 99	Vnité de l'ame. 36. 57
Verité doit estre releuée de Dieu. 338	Vniuersalité d'esprit. 339. & suiv.
Verité & admonition libre. 597. 598.	Volonté. 111
Vertu. 164. 165	Volonté comparée avec l'entendement. 111
la Vertu corrige la nature. 366	Volonté & ses miseres. 215
Vertu necessaire au souuerain. 489	Volupté. 726. & suiv.
Vertu viue. 320	Voluptez naturelles. 729. & suiv.
Vertus de bons Conseillers 506. 507.	Voyager. 648. 649
Vertus principales. 491	Voyager & l'histoire seruent à la sagesse. 313
Vestemens de corps. 50	Vraye pieté. 381. & suiv.
Vices de Conseillers d'Estat. 508	Vulgaire ou peuple. 279. & suiv.
Vice des passions. 114	
Victoire des vainqueurs. 547	
Vie civile. 186	
Vie humaine; & sa brieueté. 166. & suiv.	
Vie priuée. 284	
Vie rustique. 290. 291	

Z.

Z Ele de Religion. 401.
403

F I N.


TRAICTE' DE SAGESSE

Composé par P I E R R E C H A R R O N
Parisien , Docteur és Droicts,
Chantre & Chanoine Theo-
logal de Condom.

*Plus quelques discours Chrestiens du mesme
Auteur , qui ont esté trouvez
apres son deceds.*

A Monseigneur D E H A R L A Y,
premier President.


DERNIERE EDITION.



A P A R I S

Chez R O B E R T F E V G E au mont S. Hylaire,
à l'Image S. Sebastien, deuant
le Puits-Certain.

M. DC. XLII.



A

MONSEIGNEVR

M^{re} ACHILLES DE HARLAY,
Cheualier Seigneur de Beaumont.
Conseiller du Roy en ses Conseils
d'Estat & Priuê , premier Presi-
dent en sa Cour de Parlement.



ONSEIGNVR,

*Ayant eu ce bon-heur d'estre du nô-
bre des plus intimes amis & confidens
du defunct Monsieur Charron lors qu'il viuoit Chantre
& Theologal de Condom , personnage des plus rares
& excellents en sa profession, Orateur tres-disert &
grand Philosophe moral , i'ay eu le soin incontiens
apres son decex aduenue soudainement par vne Apo-
plexie de sang le Dimanche 16. de Nouembre 1603. de
faire imprimer en ceste ville ses œuvres, tant Chrestien-
nes que Morales , & en faire part au public suiuant la
recommandation qu'il m'en auoit faite de son vivant.
dont ie suis venu à bout, graces à Dieu, nonobstant plu-
sieurs empeschemens & tranerses d'aucuns enuieux &*

Fff iij

E P I S T R E

jaloux de sa vertu & bonne renommée , qui seroient par trop longs à deduire en ce lieu. Tellement que ie puis dire avec verité en peu de mots, que son innocence, candeur de ses mœurs & bonne vie ont vaincu & surmonté leurs calomnies & medisances , & m'assure que ses livres quoyqu'ils ne soient qu'en langage vulgaire , triompheront de l'enuie , & rendront sa memoire perpetuellement recommandable à la posterité. Il auoit bien senty & proueu que son livre de Sageſſe entre autres , ne seroit pas le bien venu parmy les esprits plats , foibles , populaires & superstitieux , & qu'il seroit censuré par les presumptueux , rogues , affirmatifs & fiers , resoluſ , gens testus , opiniastres , abeurtez , qui pensent tout ſcauoir , & estre les plus sages & aduisez de ce monde , combien que pour la pluspart ils soient les plus ineptes & ignorans , & qu'à bon droit ils deussent estre remis au rang de ceux qui sont touchez de maladie presque incurable & sans remede. C'est pourquoy le ſieur Charron quelque mois auparauant qu'il mourust , dressa vn petit traicté contenant vn sommaire de son livre , vne Apologie & responce aux plaintes & objections qu'on faisoit contre iceluy , ensemble vne bréuue & generale peinture de Sageſſe & declaration de son intention , lequel traicté il me laissa pour le faire imprimer & le vous dedier , Monſeigneur , s'il vous estoit agreable , à ce qu'il vous pleust prendre ses livres en vostre protection & sauue garde , ſachant bien que pour cét effect i' auoit besoin d'hommes tels que vous , cest à dire , qui eussent l'esprit hardy , fort , genereux , releué , & nullement populaire , ny superstitieux. L'auteur de ce traicté , s'il n'eust esté preuenus de mort , vous l'eust présenté luy mesmes : Car c'estoit vne des choses qu'il desiroit le plus , que d'auoir l'honneur d'estre co-

gneu de vous, & d'auoir part en vos bonnes grâces, ayant recogneu qu'en ce temps vous estiez vn vray modelle & regle tres-certaine de Sageſſe, d'un esprit vrayement & entierement noble, ayant tousiours fait profefſion ſinguliere de vertu publique, & principalement en la conduite d'un ſi grand & Auguſte Senat dont eſtes chef: ayant bien ſeruy le Prince & la Patrie durant l'orage des troubles paffez, comme mettoyen entre le Souuerain & les particuliers, & eſtant ſorty & iſſu de parens & anceſtres qui ont fait le meſme. Et quand il a parlè du deuoir des Magiſtrats, diſant que le Magiſtrat doit eſtre preſt à ouyr toutes plaintes & requeſtes, ne ſ'absenter point ſe ſouuenant qu'il n'eſt à ſoy, mais à tous egalemant, receuoir & eſcouter grands & petits, riches & pauvres, eſtre comme l'autel auquel on ſ'addreſſe eſtant preſſé & affligé pour y receuoir du ſecours & de la conſolation, ne ſe communiquer point à pluſieurs, & ne ſe familiarifer ſi ce n'eſt ſecrettement avec fort peu, & encores que ce ſoit avec les plus ſages & bien ſenſez, ſouſtenir & garder l'honneur, la dignité, & les droicts de ſon Souuerain, & du public, rendre la Juſtice & ce qui appartient à vn chacun, faire exactement obſeruer les Loix à tous, attremper prudemment la douceur avec la rigueur, auoir vne grande preud'homme & probité pour ſe garder net d'auarice, d'acception de perſonnes, de corruption de la Juſtice; & des paſſions ennemies de droicture & d'Equité, & finalement auoir la conſtance ferme & inflexible, afin de ne craindre les grands & puiffans, & ne ſ'amollir à la miſere d'autrui. Il ſemble qu'il ſ'eſt voulu regler & prendre patron ſur vous & à vos grandes actions & deportemens, & representer à vn chacun vos vertus,

FFF iij

EPISTRE

dont ie ne diray dauantage en ce lieu , parce que sont choses assez notoires & qui paroissent d'elles-mesmes, sans qu'il soit besoin d'y apporter aucun lustre ny artifice de paroles. Or ce que le sieur Charron n'a peu faire durant sa vie, ie le fais à present, Monseigneur, pour luy & en son nom; & vous presente ce petit Traicté de Sagesse; vous suppliant tres-humblement me vouloir permettre que ie le face marcher en public sous l'auctorité de vostre nom tres-illustre, tenant pour certain qu'il sera bien receu de tous les beaux esprits de ce temps, si l'on connoist qu'il vous vienne à plaisir. I'ay fait suivre apres ce Traicté deux ou trois autres discours Chrestiens du mesme auteur, auxquels il n'auoit mis la derniere main, & son intention n'estoit de les faire imprimer, m'ayant autre fois dit que c'estoient des petits auortons, & que s'ils auoient à aller en public il les voudroit bien plus estendre & parer d'une autre façon: Toute fois les ayant fait voir à des hommes d'honneur capables d'en iuger, ils m'ont certifié qu'ils n'y auoient rien trouué qui ne fust sublime & veritable & digne de leur Pere, lequel s'il viuoit, ne dediroit ses amis qui les voudroient adinger au public. C'est pourquoy i'ay esté curieux de les recueillir comme precieuses reliques, & les publier pour l'affection singuliere que ie porte à la memoire de l'auteur, qui me sollicite assez d'honorer tout ce qui est venu de luy, & pour le desir que i'ay de profiter à tous selon mon pouuoir. I'ay aussi adionsté un Eloge ou discours sommaire de sa vie, autant que i'en ay peu auoir de connoissance par la lecture de ses liures, & par la hantise prinée & frequentation ordinaire que i'ay eüe avec luy par l'espace de quinze ans & plus. En cet Eloge i'ay cõmis d'escrire la maniere d'agir & de traiter les poincts de doctrine dont vsoit le sieur

EPISTRE.

Charron en ses liures, discours & sermons i'espere que ne trouuerez mauuais ny hors de propos, si ie repare ceste insigne omission en cét endroit. Il disoit que selon la diuersité des esprits & facultez naturelles, imagination, memoire & entendement, il y auoit trois facons de discourir & declarer en public ses conceptions: l'une qui se conduisoit selon les regles & preceptes de l'art, par etymologies & distinctions du nom & de la chose, definitions, diuisions, subdivisions, causes, effets, accidens: l'autre par recueil des opinions & allegation des dires d'autrui, avec curieuse cotation des lieux, liures & Chapitres: & la derniere par discours libre & releué, qui contient à peu près, & en substance ce que les deux autres ont, mais c'est sans en faire semblant, & sans s'assuiettir à l'ordre & aux regles de l'art. Que la premiere estoit bonne pour l'Escole & necessaire pour instruire les apprentifs: que la seconde estoit en usage entre les Harangueurs & Predicateurs, dont la pluspart ne faisoit qu'enfiler des allegations, souuent pour estre trop ambitieusement recherchées avec fort peu ou point de discours, que n'ayans rien à dire d'eux mesmes, & estans sans inuention aucune ils faisoient parler autrui: Et disoit au rebours du commun, qui estime sçauant celui qui allegue beaucoup, que c'estoit tesmoignage d'ignorance & de foiblesse, qu'ils se vouloient vray-semblablement faire recommander de grande lecture & memoire (ce qui n'estoit pas tant comme plusieurs pensoient s'il n'y auoit du iugement) le plus souuent à fausses enseignes, comme ceux qui sans auoir iamais veu les fontaines couroient aux ruisseaux, furetoient par les Tables des liures, pillotoient & prenoient de ceux qui auoient faict des recueils & lieux communs, où ils trouuoient la chose toute ramassée, & ainsi

EPISTRE

la debitoient : que les allegations estoient requises aux choses controuersées, qui se deuoient establir & defendre par autorité, mais sobrement, & qu'il failloit qu'elles fussent pertinentes, bien choisies & pressantes : & que ceste maniere estoit à son aduis la moindre de toutes. Et quant à la troisieme, que c'estoit celle qu'il estimoit le plus, & ceux qui faisoient profession de la suivre, qu'il s'y tenoit & s'y exerçoit : Que pour ceste derniere façon il auoit l'antiquité & l'autorité pour luy, veu que les plus excellens Homiliaires du temps passé l'auoient tenue, & que les anciens en quelque profession que ce fust, en leurs escrits & harangues n'alleguoient point, ou fort rarement : qu'il estoit en outre fondé en bonne raison, parce que ceste maniere estoit plus genereuse, tenoit plus du iugement, entendement & imagination, parties bien plus nobles & herciques que la memoire ; & en fin qu'elle estoit plus libre, & plus plaisante & profitable aux auditeurs & lecteurs, & à celui qui en vsoit, que toutes les autres, & que par icelle on tendoit plus à la Sagesse qu'à la science, & qu'on s'accoustumoit plus à former le iugement, & par consequent la volonté, la conscience, qu'à remplir la memoire & l'imagination. Mais ie suis trop long & peut estre ennuyeux, Monseigneur, & crains d'abuser de vostre patience, & si ie manque en cet endroit, ie vous supplie m'en vouloir excuser, & attribuer cela à la parfaicte amitié qui m'a estroittement lié avec l'auteur de ces traictez & discours : duquel la memoire sera tousiours viuement empreinte en mon ame pour l'honorer, & par vostre moyen & faueur la garantir & conseruer entiere contre l'enuie de ceux qui sont plus ingenieux & subtils à deprauar & obscurcir la gloire de ses belles actions, qu'à bien faire. C'est tout ce

E P I S T R E.

que ie vous en diray pour ceste heure, vous priant en toute humilité & submission me faire l'honneur de croire que ie suis & desire demeurer toute ma vie.

MONSEIGNEUR,

**Vostre tres-humble & tres-
obeïssant seruiteur,**

**GABRIEL MICHEL
de Rochemaillet,**

Sur la Figure qui est au frontispice des
liures de Sageſſe.

S O N N E T.

LA Sageſſe eſt à nud, droiète & ſans artiſice,
D Oline & de Laurier ſon chef eſt verdoyant,
Son miroir eſt tenu des doigts du fondroyant,
Et ſ'eſleue au deſſus du Cube de Juſtice.


Sous ſes pieds au Carcan, les meres de tout vice
Forcenent de deſpit, grommelant, abboyant,
Contr'elle en vain l'eſſort de leur rage employant,
Tant de Sageſſe eſt fort & ferme l'edifice.

La Paſſion ſ'anime impetueuſement;
Le peuple fauoriſe & porte obſtinement.
La folle Opiniou, ſourde, auengle & peruerſe.

Tremblante, & ſans ſcauoir la Superſtition
S'eſtrangle d'elle meſme; & la preſomption
De la Pedanterie eſt miſe à la renuerſe.

C. D. E. D. B.

Superanda emnis fortuna ferendo eſt.



PETIT TRAITE DE SAGESSE

PREFACE.



YANT appris & entendu les diuerſes plaintes que l'on faiſoit contre mon liure de Sageſſe, n'aguereſ mis en lumiere, j'ay trouué que les vns parloient de foibleſſe d'eſprits plats & populaires, qui ſ'offenſent non ſeulement de ce qu'il heurte les opinions communes ; mais encores de ſon ſtyle libre & hardy, langage bruſque & maſſe: ie l'auois bien preueu & dit en ma preface: iugeant qu'il ne pouuoit arriuer autrement, d'autant que la Sageſſe n'eſtant commune ny populaire, & venant à deſcrier & condamner d'autorité, & *in re ſuo ſingulari*, les opinions communes & populaires, comme la pluſpart erronées, ne peut qu'elle n'encoure la malgrace & l'enuie du monde, tellement que ce liure n'eſt point pour le commun & bas étage, & ſ'il euſt eſté populairement receu & accepté, il ſe fut trouué bien deſcheu de ſes pre-

tentions. D'autres viennent de ne m'entendre pas bien, ou feindre de ne m'entendre (car ie ne veux pas toucher s'il y a de la passion & malice meslée parmy) & de prendre les choses autrement, en autre sens & d'autre main que ie ne les dōne, rapportant au droict & deuoir ce qui est de faict, au faire ce qui est du iuger, à resolution & determination ce qui n'est que proposé, secoüé & disputé problematiquement & academiquement; à moy & mes propres opiniōs ce qui est d'autrui & par rapport, à l'estat, profession & condition externe, ce qui est de l'esprit & suffisance interieure; à la religion & creance diuine, ce qui est de l'opinion humaine: à la grace & operation surnaturelle, ce qui est de la vertu & action naturelle & morale. Ce sont sept mescontes que i'ay remarqué en leurs plaintes, dont ie me plains. Or pour les vns & les autres qui s'offencent de ce liure (car plusieurs y en a qui en iugent bien autrement, & de leur grace le reçoüēt & l'herbergent humainement) i'ay pris resolution de le reuoir, expliquer & addoucir en plusieurs endroits ce qu'ayant fait & estant prest de mettre au iour, ie me suis aduisé de dresser ce petit traicté, contenant vn sommaire de ce Liure. vne briefue & generale peinture de Sagesse & declaration de mon intention, lequel serue de preface audit Liure, & d'aduertissement audit Lecteur, & qui en tout cas, comme plus portatif & ayle, peut seruir à ceux qui ne voudroient prendre la peine & employer leur loisir à lire tout le Liure, plus gros & importun.

CHAP. I.

1. *Du mot de Sagesse avec une rude & generale description d'icelle.*
2. *Diuision de Sagesse.*
3. *De la Sagesse mondaine.*
4. *De la diuine.*
5. *De la Sagesse humaine, sa definition & comparaison des Philosophes & Theologiens, avec le dessein de l'Auteur.*
6. *Moyens d'obtenir ceste Sagesse humaine.*

1. **T**Ous en general au premier & simple mot de Sagesse facilement concoient & ima-^{Du mot de Sa-}ginent quelque qualité, suffisance ou habitude gesse. non commune, ny populaire, mais excellente, singuliere & releuée par dessus le commun & ordinaire, soit en bien ou en mal, car il se prend & vsurpo (peut estre improprement) en toutes les deux facons: *Sapientes sunt ut faciant mala*. Et ne signifie pas proprement chose bonne & louable, mais excellente, exquise & singuliere, en quoy que soit; dont se dit aussi bien sage Tyran, Pirate, voleur, que sage Roy, Pilote, Capitaine, c'est à dire, suffisant, prudent aduisé: & non simplement, communément & populairement, mais excellemment, singulierement, parquoy s'oppose à la Sagesse non seulement la folie qui est vn dereglement & desbauche, & la Sagesse est vn reglement bien mesuré & proportionné, mais encores la bassesse & simplicité commune & populaire, car la Sagesse est releuée, rare, forte & excellente. Ainsi Sa-

gesse en quoy que soit, bien ou mal, cōprend deux choses, suffisance, c'est la prouision & garniture de tout ce qui est requis & necessaire, & qu'elle soit en haut & fort degré. Voyla ce qu'au premier son & simple mot de Sagesse les plus simples imaginēt que c'est, dont ils aduoient qu'il y a peu de sages, qu'ils sont rares, comme est toute excellēte, & qu'à eux appartient de droit, de cōmander & guider les autres, que ce sont comme oracles, dont est le proverbe, en croire & s'en remettre aux Sages. Mais bien definir la chose au vray & la distinguer par ses parties, tous ne le sçauent, n'y n'en sont d'accord, & n'est pas aysé: autrement le commun, autrement les Philosophes, autrement les Theologiens en parlent: ce sont les trois estages & classes du monde. Ces deux procedent par ordre, regles & preceptes, la premiere confusément & fort improprement.

Diuisio
de Sa-
gesse.

2. Or nous pouuons dire qu'il y a trois sortes & degrez de Sagesse, Diuine, Humaine, Mondaine, qui respondent à Dieu, nature pure & entiere; nature viciée & corrompue. De toutes ces trois sortes, & de chacunes d'icelles discourent & parlent toutes ces trois classes du monde qu'auons dit, chacune selon sa portée & ses moyens, mais proprement & formellement le commun, c'est à dire, le monde de la mondaine, le Philosophe de l'humaine, le Theologien de la Diuine.

Sagesse
mon-
daine.

1. Ioan.

3. La mondaine & plus basse, qui est diuerse selon les trois grands chefs de ce bas monde, opulence, volupté, gloire avec luxure; ambition;

Quidquid est in mundo est concupiscentia oculorum,

concu-

DE SAGESSE.

concupiscentia carnis, superbia vita. Dont est appelée par S. Iacques de trois noms, *Terrena, Animalis, Diabolica*, est reprouvée par la philosophie & Theologie, qui la prononce folie deuant Dieu, *Stultam fecit sapientiam huius mundi*, or d'elle n'en est point parlé en nostre liure de Sagesse, que pour la condamner.

Iacob. 3.

1. Cor. 1.

Sagesse
Diuine.

4. La plus haute & plus excellente qui est la Diuine, est définie & traitée par les Philosophes & Theologiens vn peu diuersement (ie desdaigne & laisse icy tout ce qu'en peut dire le commun, comme prophane & trop indigne pour estre oüy en telle chose) les Philosophes font la toute speculatiue, disent que c'est la cognoissance des principes, des premieres causes & plus hauts ressorts de toutes choses, & en fin de la souveraine, qui est Dieu, c'est la Metaphysique : ceste-cy reside toute en l'entendement, c'est son souverain bien & sa perfection, c'est la premiere & plus haute des cinq vertus intellectuelles, qui peut estre sans probité, action, & sans aucune vertu morale. Les Theologiens ne la font pas du tout tant speculatiue qu'elle ne soit aussi aucunement pratique, car ils disent que c'est la cognoissance des choses diuines, par lesquelles se tire vn iugement & reglement des actions humaines, & la font double : l'vne acquise par estude, & est à peu près celle des Philosophes que ie viens de dire : l'autre infuse & donnée de Dieu, *De sursum descendens*. C'est le premier des sept dons du saint Esprit. *Spiritus Domini Spiritus sapientia*, qui ne se trouue qu'aux iustes & nets de peché, *In maleuolam animam introibit sapientia*, De cette Sagesse diuine n'entendons aussi parler

Arist. 12.
1. meta.
Thom. 1.
957.

Thom.
2. 2. q.
1. 2. 1. 7.
& q. 45.

Iac. 3.

1. 2. 11.

Sap. 1.

GGg

icy: elle est en certain sens & mesure, traitée en ma première vérité, & en mes discours de la Divinité.

Sagesse
humaine.

5. Pourquoi s'ensuit que c'est de l'humaine Sagesse que nostre liure traite & porte le nom. Nous en cherchons donc icy premierement la definition, & puis pour icelle mieux entendre, nous nous estendrons par vne plus ample & particuliere explication & peinture, qui sera comme le sommaire & le resultat de nostre liure. Les descri-

Opinions
du commun.

ptions communes sont diuerses & toutes courtes. Aucuns & la plus part pensent que c'est vne prudence, discretion & comportement aduisé aux affaires & en la conuersation, cecy est digne du commun qui rapporte presque tout au dehors, à l'action, & ne considere gueres autre chose, que l'externe: il est tout aux yeux & aux oreilles, les mouuemens internes le touchent & luy poisent fort peu: Ainsi selon eux la Sagesse peut estre sans pieté & sans probité essentielle: c'est vne belle mine, vne douce & modeste finesse. D'autres pensent que c'est vne singularité farouche & espineuse, vne austerité renfroignée d'opinions, mœurs, paroles, actions & de forme de viure qui pour ce appellent ceux qui sont ferus & touchez de cet humeur, Philosophes, c'est à dire, en bon jargon, fantasques, bigearres, heteroclités. Or telle Sagesse selon la doctrine de nostre liure, est plustost vne folie & extrauagance. Il faut donc apprendre que c'est d'autres que du commun, sçauoir des Philosophes & Theologiens, qui tous deux l'ont traitée en leurs doctrines morales: ceux là plus au lóg & par exprez comme leur vray gibier, leur propre

Des
Philo-
sophes
& theo-
logiens.

& formel sujet : car ils s'occupent à ce qui est de la nature & au faire : la Theologie monte plus haut, s'attend & s'occupe aux vertus infuses theoriques, & diuines, c'est à dire à la Sagesse diuine & au croire. Ainsi ceux-là s'y sont plus arrestez & plus estudez, reglans & instruisans non seulement le particulier, mais aussi le commun & public, enseignans ce qui est bon & utile aux familles, communautez, republiques, empires. La Theologie est plus chiche, & taciturne ceste part, visant principalement au bien & salut de chacun. Les Philosophes la traitent plus doucement & plaisamment, les Theologiens plus austèrement & sechement. La Philosophie qui est l'aînée, cōme la nature est l'aînée de la grace, semble suader gracieusement & vouloir plaire en profitant, reuestue & enrichie de discours, de raisons, inuentions, & pointes ingenieuses, exemples, similitudes, parée de beaux dits, Apophthegmes, mots sententieux, ornée d'eloquence & d'artifice. La Theologie qui est venue apres, sēble commander & enioindre imperieusement & magistralement. Certes les Philosophes ont esté excellens en ceste part, non seulement à la traiter & enseigner, mais encores à la représenter vivement & richement en leurs vies nobles & heroïques. J'entends icy Philosophes & sages, non seulement ceux qui ont porté le nom de Sages, cōme Thales, Soyon, & les autres qui ont esté d'une volée & du tēps de Cyrus, Crœsus, Pisistratus : Ny aussi ceux qui sont venus apres & ont enseigné en public, comme Pythagoras, Socrates, Platon, Aristote, Aristippe, Zenō, Antisthenes, tous chefs de part, & tant d'autres leurs disciples, differents & diuisez en

8 PETIT TRAICTE

Adver-
tisse-
ment.

Defini-
tion de
Sagesse
humai-
ne.

sectes: Mais aussi tous ces grands hommes qui fai-
soient profession singuliere & exemplaire de ver-
té & sagesse, comme Phocion, Aristides, Epami-
nondas, Alexandre, que Plutarque appelle Phi-
losophe aussi bien que Roy, Grecs, Les Frabrics,
Fabians, Catons, Torquates, Regules, Lelies, Sci-
pions, Romains, qui pour la plus-part ont esté ge-
neraux d'armées. Pour ces raisons ie suy & em-
ploye en mon liure plus volontiers les aduis & di-
rè des Philosophes, sans toutesfois obmettre ou
reietter ceux des Theologiens: car aussi en substā-
ce^o sont-ils tous d'accord & tres rarement diffé-
rens, & la Theologie ne desdaigne point d'em-
ployer & faire valoir les beaux direz de la Philoso-
phie. Si eusse entrepris d'instruire pour le cloi-
stre & la vie consiliaire, c'est à dire, à la profession
des conseils Euangeliques, il m'eust fallu suivre
ad amussim, les aduis des Theologiens: mais nostre
liure instruit à la vie ciuile, & forme vn homme
pour le monde, c'est à dire, à la Sagesse humaine
& non diuine. Nous disons donc naturellement
& vniuersellement avec les Philosophes & Theo-
logiens, que ceste Sagesse humaine est vne droi-
cture, belle & noble composition de l'homme en-
tier, en son dedans, son dehors, ses pensées, paro-
les, actions, & tous ses mouuemens: c'est l'excel-
lence & perfection de l'homme comme homme,
c'est à dire, selon que porte & requiert la loy pre-
miere, fondamentale, & naturelle de l'homme,
comme nous disons vn ouvrage bien-faict & ex-
cellent, quand il est bien complet de toutes ses pie-
ces, & que toutes les regles de l'art y ont esté gar-
dées: Celuy qui est homme sage qui sçait bien ex-

cellemment faire l'homme.

6 Pour acquérir & paruenir à ceste Sagesse, il y a deux moyens. Le premier est en la conformation originelle & trempe premiere, c'est à dire, au temperament de la semence des parens, puis au lait nourrissier & premiere education où l'on est dict bien nay ou mal nay, c'est à dire bien ou mal formé & disposé à la Sagesse. L'on ne croit pas combien ce commencement est puissant & important, car si l'on le scauoit l'on y apporteroit autre soin & diligence que l'on ne faict. C'est chose estrange & déplorable, que l'on soit en telle nonchalance, de n'auoir aucun soin de la vie & bonne vie de ceux que nous voulons estre d'autres nous mesmes : es moindres affaires nous y apportons de l'attention, & employons du conseil: icy au plus grand & noble nous n'y pensons pas, tout par hazard & rencontre. Qui est celuy qui se remue, qui consulte, qui se met en deuoir de faire ce qui est requis, se garder & preparer comme il faut, pour faire des enfans massés, sains, spirituels, & propres à la Sagesse; car ce qui sert à l'une de ces choses, sert aux autres, & l'intention de nature vise ensemble à tout cela. Or c'est à quoy l'on pense le moins, & à peine pense l'on tout simplement à faire enfans, mais seulement comme bestes d'assouuir son plaisir: c'est vne des plus remarquables & importantes fautes qui soit en vne republique, dont personne ne s'aduisé & ne se plaint, & n'y a aucune Loy, reglement ou aduis public là dessus. Il est certain que si l'on s'y portoit comme il faut, nous aurions d'autres hommes que nous n'auons: ce qui est requis en cecy & à la premiere nourriture, est dis en

Moyès
d'y par-
uenir
deux.
1. Natu-
rel.

nostre liure troisieme chapitre quatorze.

2. Ac-
quis.

Le second moyen est en l'estude de la Philosophie, ie n'entends de toutes les parties, mais de la morale (sans toutesfois mespriser ny oublier la naturelle) qui est la lampe, la guide & la regle de nostre vie, qui explique & represente tres-bien la loy de Nature, instruit l'homme vniuersellement à tout, en public & en priué, seul & en compagnie, à toute conuersation domestique & ciuile, oste & retranche tout le sauagin qui est en nous, addoucit & appriuoise le naturel rude, farouche & sauvage, le duit & le façonne à la Sagesse. Bref, c'est la vraye sciēce de l'homme, tout le reste au pris d'elle n'est que vanité, au moins non necessaire ny beaucoup vtile: car elle apprend à bien viure & bien mourir qui est tout: elle enseigne vne prudence, vne habile & forte preud'homme, vne probité bien aduisée. Mais ce second moyen est presque aussi peu pratiqué & mal employé que le premier. Tous ne se soucient gueres de cette Sagesse, tant ils sont attentifs à la modaine. Voila les deux moyens de paruenir & obtenir la Sagesse, le naturel & l'acquis: qui a esté heureux au premier c'est à dire, qui a esté fauorablemēt estrené de nature & est d'un temperament bon & doux, lequel produit vne grande bonté & douceur de mœurs, a grand marché du second, sans grande peine il se trouue tout porté & disposé à la Sagesse, qui autrement, il doit avec grand & laborieux estude du second, rabiller & suppléer ce qui luy defaut: comme Socrates vn des plus Sages disoit de soy, que par estude de la Philosophie il auoit corrigé & redressé son mauuais naturel. Cecy soit assez dict en

general de nostre Sagesse humaine, ce que c'est, & les moyens d'y arriuer.

CHAP. II.

1. Description ample de Sagesse par ses traiçts & offices propres, dont le premier est, Se cognoistre & l'humaine condition.
2. Le second, Regler sa vie au dehors selon les loix & coustumes.
3. Le troisieme, exemptions d'erreurs populaires & passions.
4. Le quatrieme, iuger de tout.
5. Le cinquiesme, ne s'obliger à rien.
6. Le sixiesme, preud'homme essentielle.
7. Le septiesme, suivre en tout nature, c'est à dire, la raison, l'equité uniuerselle.
8. Conclusion de ce que dessus.
9. Aduertissement que la grace est requise pour conduire ceste Sagesse humaine à son but, sa perfection, sa couronne.

VEnons maintenant à vne plus ample, claire & particuliere description. Je veux icy tirer au crayon & tracer les vrais & propres traits & lineaments dicelle: cottant briefuement les principaux offices & deuoirs du Sage, qui luy conuiennent, *omni, soli, & semper*. Les communs auxquels tous ont part, ie ne les touche point, mais seulement ceux auxquels comme peculiars separent & releuent le Sage par dessus le commun.

1. Le premier consiste en intelligence, c'est de bien cognoistre le subiect que nous traiçtons &

Se cognoistre & l'humaine condition.

essayons de fermer à la Sagesse, c'est l'homme. Par l'homme j'entends & vniuersellement la condition humaine, & particulièrement la sienne propre. C'est vne tres-belle & vtile science & par vn prealable necessaire. Le premier en toute chose est la cognoissâce de ce que l'on a en main & que l'on traicte, mais elle est bien difficile. Car l'homme est extremement fardé & desguisé, non seulement l'homme à l'homme, mais chacun à soy-mesme; chacun prend plaisir à se tromper, se cacher & dérober, se trahir soy-mesmes. *Ipsi nobis furio subducimur*: Se flattant & chatoüillant pour se faire rire, attenuant ses defauts, en cherissant ce qu'il a de bon. Or pour ce faire il faut premierement cognoistre toutes sortes d'hommes, de tous airs, climats, de tous naturels, aages, estats, professions, (à cecy sert le voyager, & l'histoire) leurs mouuemens, inclinations, actions non seulement publiques, c'est le moins, elles sont toutes artificielles, mais priuées, & specialement les plus simples, & naifues, produites de leur propre & naturel mouuement, aussi toutes celles qui le touchent & interessent particulièrement, car en ces deux se descouure au vray le naturel. Puis qu'il les rapporte toutes ensemble, pour en faire corps entier & iugement vniuersel, mais specialement qu'il entre en soy-mesme, se taiste, se sonde bien attentiuement sans se flatter, qu'il examine chaque pensée, parole, action. Certes en fin il apprendra que l'homme est en verité d'une part, vne fort chetive, faible, pitieuse & miserable chose, & en aura compassion: & d'autre-part le trouuera tout enflé & bouffi de vent d'orgueil, presumption, desirs, dont il

en aura despit, desdain & horreur. Je ne veux pas m'arrester davantage à ce premier poinct: car c'est le sujet de tout mon premier liure, auquel partant de diuers moyens, en tous sens, & à tous vsages & certes iusques au vif, l'homme est depeint & representé, & si fort, qu'à vray dire, car ie le sens biē, plusieurs s'en offensent & s'en plaignent: se fachent que l'on abbaisse & rauale si fort l'homme, que l'on luy descouure si auant les hontes: & moy ie me plains & crie, que personne n'estudie à se connoistre, ny ne s'en soucie, quoy que l'on dise & qu'on le pique, il ne sent point, il ne s'en remue ny n'apprehende. Qui est celuy qui confesse de bonne foy ne se connoistre point: Et où est celuy qui estudie serieusement à se connoistre: personne n'est maistre à foy-mesme, & non gueres à autrui. Aux choses non necessaires tant y a de maistres & de disciples, en ceste-cy point: Nous ne sommes iamais chez nous ny au dedans: mais tousiours au dehors à musier, l'homme cognoist mieux toutes autres choses que foy. Quelle misere: Je voy tous les iours gens qui tiennent rang, qui vont la teste leuée; & font la leçon aux autres, que comme ils font profession, aussi sont-ils en reputation de vertu & de sçauoir, si couuerts & regorgeans de tares, de defauts & de vices, que toutefois ils ne sentent aucunement, voire demeurent tant contents de leurs personnes. Que feriez-vous à cela: maladie incurable. Or le seul Sage se cognoist, & qui bien se cognoist sage est.

2. Le second traict & office de Sagesse qui comprend tout le dehors & les apparences, c'est à dire, tout ce qui regarde le public & autrui, paroles, loix.

Se fe-
gler au
dehors
selon les
loix.

Cecy
est trai-
té l. 2.
c. 8.

actions, tous desseins & mouuemens externes, est de se regler entierement au niveau des loix, coustumes, mœurs & ceremonies de son pays, euitant soigneusement, toute singularité & particularité extrauagante, escartée du commun & ordinaire: car quelle qu'elle soit, tousiours elle heurte & blesse autrui, & est suspecte de folie ou d'ambitiō & hypocrisie, quoy que ce soit d'ame malade detraquée, *non conturbabit sapiens publicos mores, non populum in se nouitate vitæ conueriet eadem sed non eodem modo faciet, nec eodem proposito.* Je veux donc que mon Sage chemine tousiours sous le couuert des loix & coustumes, sans disputer ou tergiverser, sans entreprendre tantost de s'en dispenser, & tantost les encherir pour faire le bon valer, sans hausser ny baisser, ce non pour l'amour d'elles & à cause qu'elles sont iustes & equitables (car il y en a plusieurs qui ne le sōt pas, & puis il n'est loisible d'en disputer ou cōsultier, s'il l'estoit, tout iroit en confusion & desordre) mais tout simplement, pource que ce sont les loix & coustumes du pays: ny aussi pour crainte d'icelles, par superstition & d'une seruitude contraincte, scrupuleuse & pourceuse, mais d'une intention & façon libre, noble & galante. *Soli hoc sapienti contingit, ut nihil faciat inuitum, recta sequitur, gaudet officio.* Le Sage fait son deuoir & garde les loix, non à cause d'icelles, mais de soy mesme: car il est par dessus elles & n'en a besoin, elles sont requises pour le commun: & quād il n'y en auroit point, il n'en feroit ny plus ny moins, & en ce il differe du cōmun qui ne peut bien faire sans loix. *At iustus sapiens non est lex positus.* O. suiuant ceste leçon, le Sage viura sans offen-

se d'autrui, sans heurter le public, ny le particulier, sans scandaliser les foibles & imparfaits & populaires. Toutes ces conditions font que ce second traict est de Sagesse, autrement il seroit du commun: car il n'y a si petit qu'il ne dise qu'il faut viure selon les loix, mais Dieu sçait comment ils s'y portent, en obseruant les loix, ils se moquent, offensent & outragent les loix, qui ne leur sçauent aucun gré ny grace de leur obseruance & obéissance, car elle n'est pas cōme elles veulent & l'entendent.

3. Le troisieme grand & vrayemēt propre traict de Sagesse qui regarde l'esprit, & le dedans, est vne pleine, noble & genereuse liberté, par laquelle le Sage quitte & net de tout erreur & passion, considere & iuge toutes choses, ne se heurte ou attache à aucune, mais demeure à soy tout franc, entier & cōtent. Ceste liberté est le haut point, le propre droit & priuilege du Sage, qui seul est vrayemēt libre. *Nisi sapiens liber nemo: stulti omnes & improbi serui.* Or ceste liberté est en plusieurs choses, dont i'en ay conté trois principales, qui sont trois traicts & offices de Sagesse, l'vne, & qui sera le troisieme traict en rang, est vne exemption & affranchissement de toutes les choses qui troublent, infectent & gastent l'esprit, s'opposent & empeschent la Sagesse, comme sont tous les erreurs populaires, opinions basses, foibles, & souuent fausses, *nihil melius à veritate quàm vulgaris opinio*, dōt tout le monde est plain, & que nous attirons & receuons facilement de la hantise cōtagieuse: & puis les passions qui naissent au dedans de nous, cōme petits tyrans mal menent nostre esprit. Pour se garder & garantir de cette miserable captiuité, & de la main

Exemption des passions & opinions. Cecy est traité. 2. c. 1.

de ces ennemis externes & internes, il faut apprendre & se résoudre à ne croire & ne suivre l'opinion, qui est vne folle, volage, incertaine, inconstante, la guide des fols & du vulgaire, mais toujours & en toutes choses se ranger à la raison, la guide des Sages. C'est vraye liberté & seigneurie que de suivre la raison, dure seruitude de se laisser mener à l'opinion. Cecy est desia faire diuorce & denoncer la guerre au monde, qui est tout confit en erreur, opinion & passion; mais qu'y feroit-on? l'on ne peut autrement s'approcher & alier de Sagesse, c'est vn préalable de se retirer & diuertir de là, si l'on veut saluer le sueil du saint sacraire de Sagesse. *Odi prophanum vulgus & arceo.*

Quatriesme
iuger de
tout.

Cecy
est vrai.
Eté l. 2.
c. 2.

4. La seconde partie de ceste liberté & quatriesme office du Sage, est à voir, considerer, examiner & iuger de toutes choses: rien ne doit eschapper au Sage qu'il ne mette sur le bureau & en la balance. C'est le conseil d'un des plus diuins Sages; *Omnia probata, quod bonum est tenere.* C'est selon luy le priuilege honorable du Sage & spirituel. *Spiritualis omnia diiudicat & à nemine inditatur.* C'est sa vraye occupatiō, son vray & naturel office, c'est pourquoy l'esprit luy a esté donné, & pourquoy il est homme: Pourquoy donc? pour se paistre & entretenir de vanitez & sottises, & faire, comme l'on dict, des chasteaux en Espagne, comme faiēt tout le commun? *Qui nunquam oculos tenebrarum causa habuit:* Le Sage ne se doit laisser mener comme vn buffle, ny à credit, sans entrer en diuision & discussion, receuoir legerement tout ce qui se presentera, encores qu'il soit plausiblement receu de tous, c'est à faire aux prophanes, qui n'ont ny la

force & le courage, ny la suffisance de cuire, iuger, examiner. Je veux bien que l'on viue, l'on parle, l'on face comme les autres & le commun : mais non pas que l'on iuge comme le commun, voire ie veux que l'on iuge le commun. Qu'aura le Sage & sacré par dessus le prophane, s'il faut encores qu'il aye son esprit, son iugement, la principale & heroïque piece esclaué du commun : le public & commun se doit contenter que l'on se conforme à luy en toutes les apparences, qu'a-il affaire de mon dedans, de mes pensées & opinions ? ils gouverneront tant qu'ils voudront ma main, ma langue, mais non pas mon esprit s'il leur plaist, il a un autre maistre. Empescher la liberté de l'esprit & du iugement, l'on ne scauroit : le vouloir faire, c'est la plus grande tyrannie qui puisse estre : Le Sage s'en gardera bien & actiuellement & passiuement, se maintiendra en sa liberté, & ne troublera celle d'autrui. Or de cecy il aduiendra souvent : que le iugement & la main, l'esprit & le corps se contrediront, & que le Sage fera au dehors des choses, combien qu'il iuge en son esprit, qu'il seroit beaucoup meilleur de faire autrement : il iouera vn roolle au dedans, & vn autre au dehors, il le doit faire ainsi pour garder iustice par tout, faisant au dehors pour la reuerence publique & n'offenser personne, ce que loy, la coustume & ceremonie du pays porte & requiert, & encores qu'il ne soit en soy bon, ny iuste : *Error communis facit ius*, & iugeant au dedans ce qui en est au vray selon la raison vniuerselle, pour la reuerence qu'il doit à soy, à son iugement, & à la raison, il se portera aux choses & aux faits, comme Cicéron aux paroles, qui disoit.

Je laisse l'usage du parler au peuple, & ie me garde
 la science des mots: *Loquendum & vivendum extra
 ut multi, sapiendum ut pauci*: Expliquons cecy par
 diuers exemples. l'osteray humblemēt mon bon-
 net, & tiendray la teste nuë deuant mon Superieur,
 car ainsi le porte la coustume de mon pays, & ne
 laisseray pas de iuger que la façon d'Orient est biē
 meilleure de saluer & faire la reuerence, mettant
 la main sur la poitrine, sans se descouvrir au pre-
 iudice de sa santé, & s'incommoder en plusieurs
 façons. Au rebours si i'estois en Orient ie prédrois
 mon repas assis à terre ou accoudé & demy cou-
 ché, regardāt la table de costé, comme ils font là,
 & iadis faisoit le Sauueur avec ses Apostres, *recum-
 bentibus, discumbentibus*, & ne laisserois de iuger, que
 la façon de s'asseoir haut à table & à face droite vers
 icelle, cōme la nostre, est plus honnette, plus scan-
 te & cōmode: ces exemples sont de peu de poids,
 & y en a mille pareils. Prenons en de plus poissans,
 ie veux & consens que les morts soient enterrez &
 abandonnez à la mercy des vers, de la pourriture
 & puantise, car c'est maintenant la façon commu-
 ne & presque generale, par tout: mais ie ne laisse-
 ray pas de iuger que la façon ancienne de les brusler,
 & recueillir les cédres, est beaucoup plus noble &
 plus nette, les donner & recommander au feu, le
 plus noble des Elemens, ennemy de pourriture &
 puantise, voisin du ciel, signe de l'immortalité, &
 duquel l'usage est propre & peculier à l'homme,
 qu'à la terre qui est la lie, marc & l'ordure des
 Elemens, la sentine du monde, mere de corrup-
 tion, & aux vers qui est l'extreme ignominie &
 horreur: & par ainsi apparier & traicter de mesme

l'homme & la beste. La Religion mesme enseigne & commande de disposer de ceste façon de toutes reliques, comme de l' Agneau Paschal que l'on ne pouuoit manger, des Hosties consacrées, des linges teincts en huiles sacrées. Pourquoi n'en fera-il fait de mesmes de nos corps & reliques? Faidtes ie vous prie pite, si vous pouuez, que les mettre en terre à la corruption. Cela ce semble deuroit estre pour ceux qui sont punis du dernier supplice, & gens infames: & que les reliques des gens de bien & d'honneur fussent plus dignemēt traitées. Certes de toutes les manieres de disposer des corps morts, qui reuiennēt à cinq, sçauoir les donner aux quatre Elemēs, & aux ventres des animaux, la plus vile, basse, honteuse, est les enterrer, la plus noble & honorable est les brusler. Ayons en encores vn autre & touchons vne des plaintes contre mon liure. Je veux & consens que mon Sage aux choses naturelles face la petite bouche, qu'il cache & couure les parties & les actions que l'on appelle honteuses, & qui feroit autrement, i'en aurois horreur, & tres-mauuaise opinion: mais ie veux bien cependant qu'il inge que de soy simplement & selon nature elles ne sont non plus honteuses que le nez & la bouche, le boire & le māger, n'ayāt nature, c'est Dieu, rien fait de honteux: mais c'est par ailleurs que par nature, sçauoir par l'ennemy de nature, qui est le peché. La Theologie encores plus pudique que la Philosophie nous dit, qu'en la nature entiere & non encores alterée par le fait de l'homme elles n'estoiēt point honteuses: Honte n'estoit point, elle est ennemie de nature: c'est l'engeance du peché. Je me cōtenteray de ces quatre exēples,

& concluray cette seconde partie de la liberté du Sage, qui est d'examiner & iuger toutes choses. Le commun n'en est capable, ce qui l'empesche, c'est la forte preuention & anticipation d'opinions qui le possede entierement, il en est tellement coiffé, qu'il ne s'en peut plus defaire, ny desdire, & pense qu'il ne luy est permis, tellemēt qu'il vit & agist à peu près cōme la beste par necessité de coustume & de l'opinion anticipée sans y apporter du iugement, de l'examen, comme la beste par necessité & instinct de nature. Or pour iuger il se faut despoillier de tout, se mettre à nud, considerer les choses de sang froid, comme proposées tout de nouveau. Il veut bien iuger & mettre à l'examen les opinions & façons de faire estrangeres, pourquoy n'en faiēt il autant des siennes propres, non pour le changer ou aller au contraire, cela a esté dict, mais pour tousiours chercher la verité & exercer son office, qui est de iuger? Est-il possible que de tant de loix, coustumes, opinions, ceremonies, differentes & contraires aux nostres qu'il y a au monde, il n'y ait que les nostres bonnes? Que tout le reste du monde se soit mesconté: Qui l'osera dire? Et qui doute que les autres n'en disent tout autant des nostres: & que cestuy-cy, qui ainsi condamne les autres, s'il y fust né & nourry ne lestrouuast meilleures & ne les preferast à celles-cy, qu'il estime maintenant les seules bonnes: La coustume, la preuention faiēt tout, & à celuy qui sera si fol de le dire, ie luy respondray que ce conseil sera donc au moins pour tous les autres, afin qu'ils se mettent à iuger & examiner tout, & qu'en ce faisant ils trouuent les nostres meilleures. Mais

eneores

encores puis qu'être mille mēsonges il n'y a qu'une verité, mille opinions d'une mesme chose, vne seule veritable, pourquoy n'examineray-je avec raison, qu'elle est la meilleure, qu'elle plus vraye, plus raisonnable, plus vtile, plus cōmode, puis que j'ay l'esprit & suis hōme pour ce faire? C'est assez parlé de ce poinct, sauf vn mot qu'il me faut ad-iouster, afin que l'on ne se trompe, & qui servira de passage au traict & office suyuant: c'est que ce iuger, examiner, n'est pas resoudre, affirmer, determiner, mais quester la verité, poissant & balançant les raisons de toutes parts, chercher le plus vray semblable: & c'est ce que nous allons dire.

5. La troisieme partie de ceste liberte & cinquies-
me office de Sagesse, qui suit & qu'il faut joindre
au precedent, est vne surseance & indifference de
iugement, par laquelle l'homme considerant tout
comme dict est, froidement & sans passion, ne s'a-
heurte, ny ne se lie ou oblige à aucune chose, mais
se tient libre, vniuersel & ouuert à tout, tousiours
prest à receuoir la verité, si elle se presente, adhe-
rant cependāt au meilleur & plus vray semblable
qui luy apparoit tel, disant & vsurpant en son iu-
gement interne & secret, ce que les anciens en
leurs externes & publiques, *ita videtur*, il semble
ainsi, il y a grande apparence de ce costé-la. Que si
quelqu'un dict qu'il est autrement, il respondra
sans s'esmouuoir, il peut bien estre tout prest à
l'entendre, gardera tousiours place à vne plus for-
te raison, ne iurant à rien. C'est la modestie Aca-
demique tant requise au Sage, par laquelle il est
tousiours prest & capable de verité & raison quand
elle se presente. Ceste modeste & retenue fut;

Cin-
quieme
ne s'o-
bliger à
rien. Ce-
cy est
traicté
l. 2. c. 13

HHh

seance vient du precedent, qui est iuger de tout, car examinant vniuersellement toutes choses sans passion, l'on trouuera par tout de l'apparence qui arreste & empesche de precipiter son iugemēt, & donne crainte de s'eschauder. Ceux qui ne iugent point ne peuuent auoir ceste surseance, tant s'en faut qu'ils s'offensent d'en ouyr parler, & iugeans des autres par eux mesmes, ne croyēt point qu'on y puisse demeurer sans trouble & peine d'esprit. Or elle est fondée premierement sur ces propositions tant celebre entre les Sages. Qu'il n'y a rien de certain, que nous ne sçauons rien, que la seule certitude & science est qu'il n'y a rien de certain, & que nous ne sçauons rien, *solum certum nihil esse certi, Hoc unum scio quod nihil scio*, que nous ne faisons que quęster, enquerir, chercher & tastonner à l'entour des apparences, *scimus nihil opinamur verisimilia*, que la verité n'est point de nostre acquest, inuention ny prise; quand elle se rendroit entre nos mains, nous n'auōs de quoy nous la vendiquer, nous en aſſeurer & la posseder: que la verité & le mensonge entrent chez nous par mesme porte, y tiennent pareille place & credit, s'y maintiennent par mesmes moyens: Qu'il n'y a opinion aucune tenuë de tous & par tout, qui ne soit debattue, contestée, qui n'en ait vne contraire tenuë & soustenuë: Que toutes choses ont deux anses & deux visages: Qu'il y a raisō par tout, qu'il n'y en a aucune qui n'ait la contraire: Que la raison humaine est de plomb: qui se plie, tourne & s'accōmode à tout ce que l'on veut: Dont tous les Sages & plus insignes Philosophes ont fait profession expresse de douter, enquerir, chercher: estre Sage, c'est estre

inquisiteur de verité. C'est ceste belle & grande
 qualité ou suffisance donnée par preciput à Socra-
 tes le Coriphée des Sages, par l'adueu de tous les
 Sages, duquel il est dit, cōme discourt Plutarque, Es que-
stions
Plato-
niques
l. q.
 qu'il n'enfantoit point, mais seruant de Sage-fem-
 me à tous autres les faisoit enfanter. Il est certain,
 selon tous les Sages que nous ignorons beaucoup
 plus de choses, que n'en sçauons, que tout nostre
 sçauoir est la moindre partie & presque rien au re-
 gard de ce que nous ignorons, & ce que nous pen-
 sons sçauoir nous ne le sçauōs, ny ne le tenons pas
 bien, tesmoin que l'on nous l'arrache souuent des
 poings, & si l'on ne l'arrache (pource que l'opinia-
 streté est plus forte) au moins l'on nous le conte-
 ste, l'on nous y trouble. Or comment serons-nous
 capables de sçauoir plus, & mieux, si nous nous
 aheurtons, arrestons & reposons à certaines cho-
 ses, & de telle façon que non seulement nous ne
 cherchons rien plus ny mieux, n'y n'examinōs da-
 uantage ce que nous tenons, mais encores trou-
 uons mauuais que l'on nous vueille donner quel-
 que nouvelle lumiere, comme faict le commun?
 Avec ceste belle, candide & innocente surseance
 nostre esprit demeure premierement libre, vniuer-
 sel, maistre, se promenant par tout : *Magna & ge-
 uerosa res humanus animus, nullos sibi poni nisi commu-
 nes & cum Deo terminos patitur*, contemplant d'un
 regard ferme comme d'une haute guette toutes
 les varietez, changemens, vicissitudes du mon-
 de, sans se changer ou varier aucunement, mais
 se tenant à soy qui est la liurée de la diuinité,
 aussi est-ce le priuilege du Sage, qui est l'image de
 Dieu en terre, sans s'engager & se rendre partial

ou particulier, la partialité est ennemie de liberté & maistrise, le palais preuenü & frappé d'un goust particulier ne peut plus bien iuger des autres, l'indifferent iuge de tous. Qui est attaché en vn lieu, est banny & priué de tous les autres: la carte teinte d'une couleur n'est plus capable des autres, la blanche l'est de toutes, le iuge preuenü inclinant & fauorable à vne part n'est plus droict, entier ny vray iugo. Il demeure ainsi net, exempt de toute erreur & mesconte, doux, paisible, modesto, content, ne remuë rien. D'où viennent les troubles, seditions, rebellions, sectes heresies, que des fiers, affirmatifs, rogues, resolus? Je sçay que ceste liberté est difficile & rare pour deux empeschemens contraires, l'un est presumption & folle persuasion de voir assez clair, d'auoir assez de iugement, de tenir la verité, dont fierement ils condamnent toutes opinions contraires aux leurs, sans dauantage les examiner: & s'ils disputent ce n'est pas pour trouuer la verité & le meilleur, mais seulement pour soustenir leur opinion, & deffendre leur party. L'autre est la crainte & foiblesse, comme de ceux à qui le cœur fait mal estās sur vne haute tour, & regardans en bas, peu de gens ont la force & le courage de se tenir droicts sur leurs pieds, il faut qu'ils s'appuyent, ne peuuent viure s'ils ne sont mariez & attachez, n'osēt demeurer seuls de peur des lutins, craignent que le loup les mange, gens nez à la seruitude.

Con-
clusion
de ces
deux
traicts
deliber-
té,

Je conclus ces deux derniers traicts & offices de Sageſſe qui sont cousins, ausquels ie me suis plus arresté, pour ce que ie sçay qu'ils sont eslongnez du goust du monde, aussi bien que la Sageſſe, &

attaquez par plusieurs, ſçauoir iuger de tout, & ne ſ'acheurter ny ſ'opiniaſtrer à rien. Par leſquelles le Sage excelle par deſſus le commun, ſe garde de deux eſcueils contraires, auxquels tombent les fols & populaires, ſçauoir teſtuës opiniaſtretez, honteuses deſdites, repentirs & changements, & ſe maintiēt libre, liberté d'eſprit que iamais le Sage ne laiſſera raur. Eſt-ce pas choſe eſtrange, que l'homme ne la veut gouſter, voire ſ'offence d'en ouyr parler? N'y a il pas lieu de ſ'eſcrier icy avec Tibere, & plus iuſtement que luy: *O homines ad ſeruitutem nati!* Quel mōſtre eſt cecy de vouloir toutes choſes libres, ſon corps, ſes membres, ſes biens, & non l'eſprit, qui toutesfois eſt nay à la liberté, & non le reſte! Ne craignez point, diēt la Verité, ceux qui ont puſſance ſur le corps, & n'en ont point ſur l'eſprit: *Item*, l'on veut bien ſe ſeruir de tout ce qui eſt au monde, ce qui vient d'Orient, d'Occident, pour le bien & ſeruice du corps, ſanté nourriture, ornement, & le tout accommoder à ſon vſage, mais non pour la culture de l'eſprit, ſon exercice, ſon bien & enrichiſſement, mettent leur corps aux champs, & tiennent leur eſprit ſous la clef enſerré. Vn ſeul mot veux-ie icy adiouſter, encores qu'il ait eſté aſſez diēt, que ceſte liberté tāt au iuger qu'à ſurſoir ne touche point les choſes diuines & ſurnaturelles qui ſont par deſſus nous, deſquelles nous ne parlons en ce liure, leſquelles nous deuons admirer, adorer, & tout ſimplement receuoir.

6. Le ſixieſme office & traiēt du Sage qui regarde la volonté, eſt vne forte & ferme probité & prou-

Sixieſme
me
prou-
d'hom-
mie eſ-
ſentiel-
le.

HHh iij

Cecy
est trai-
té l. 2.
c. 3.

c'est à dire, par la consideration qu'il est homme. Tout-homme se cognoissant homme, est obligé d'estre bon, droict & entier homme, tout tel qu'il doit & peut estre, & que nature & la raison l'oblige d'estre, & ne voulant estre tel, faut qu'il desiste d'estre homme, autrement c'est vn monstre, il va contre soy-mesme. Qui desire & consent à vne chose par necessité, il la veut bonne & entiere, il implique contradiction de desirer & accepter vne chose & ne se soucier qu'elle vaille rien. L'homme veut auoir toutes les pieces bonnes & saines, son corps, sa teste, les yeux, son iugement, sa memoire, voire les chausses, & ses bottes: pourquoy ne voudra il auoir sa volonté aussi de mesmes, c'est à dire, estre bon & sain tout entier? Je veux donc qu'il soit bon, & ait sa volōté ferme & resoluë à la droicture & preud'homme pour l'amour de soy-mesme, & à cause qu'il est homme, scachant qu'il ne peut estre autre sans se renoncer, se dementir & destruire, & ainsi la preud'homme luy sera propre, intime, essentielle, cōme luy est son estre, & comme il est à soy mesme. Ce ne sera donc point pour quelque consideration externe, & venant de dehors quelle qu'elle soit, car telle cause estant, accidentale & au dehors peut venir à faillir, ou s'affoiblir & changer & lors toute la preud'homme appuyée sur icelle en fera de mesmes. S'il est preud'homme pour l'honneur & la reputation, ou autre recompense, estant en la solitude hors d'esperance qu'on le scache, il cessera de l'estre, ou le fera froidement & laschement. Si pour la crainte des loix, magistrats, punitions, pouuāt frauder les loix, circonuenir les Iuges, euitier ou eluder les preuues

& se cacher à la sciēce d'autrui, il ne le fera point: Voyla vne preud'homme caduque, occasionnée, accidentale, & certes bien chetive, c'est celle qui est en vogue & en vsage, l'on n'en cognoist point d'autre: personne n'est hōme de bien qu'induit, & comme par cause ou occasion. *Nemo sponte & gratis bonus est.* Or ie veux en mon Sage vne preud'homme essentielle & invincible, quitienne de soy-mesme, & par sa propre racine, & qui aussi peu s'en puisse arracher & separer que l'humanité de l'homme. Je veux que iamais il ne consente au mal quand bien personne n'en scauroit iamais riē, ne le scait il pas luy? Que faut-il plus? tout le mōde ensemble n'est pas tant. *Quid tibi prodest non habere consciū habenti conscientia?* N'y quād il en deuroit recevoir vne tres-grāde recompēse, car quelle peut-elle estre qui luy touche tant que son estre propre? Ce seroit comme vouloir auoir vn meschant cheual moyennāt qu'il eust vne belle selle. Je veux donc que ce soient choses inseparables estre & consentir de viure homme, estre & vouloir estre homme de bien. Or par le moyen de ceste preud'homme qui comprend les vertus morales, mais qui specialement consiste en la iustice, principale & maistresse de toutes, & qui est à rendre à chacun ce qui luy appartient, le Sage s'acquittera bien & deuēment de tous ses devoirs envers tous, Dieu, soy, son prochain. Dieu premiere-ment souuerain & absolu Seignetur & Maistre du monde souuerain & absolu Seigneur & Maistre du mōde, c'est la pieté, la religion, qui est la premiere partie de iustice & la plus noble des morales, & ainsi la religion est contenuē sous la preud'hōmie,

HHh iiij

voire sous vne partie de la preud'hōmie. Parquoy mon Sage gardien de la loy & vertu morale, honorerà, craindra, aymera, reuerera & seruira Dieu d'esprit & de corps auant & sur toutes choses, puis rendra à soy & à son prochain ce qu'il doit, selon l'ordre & la mesure portée par ladicte loy.

Septiesme.

Sere-
gler en
tout se-
lon na-
ture.

Cecy
est trai-
té l. 1.
c. 3.

Psal. 4.

Rom. 1.

August.

7. Le septiesme & dernier point, mais qui guide & comprend tous les autres, & est pour l'esprit, le corps, le dedans, le dehors, le iugement, la volonte, est de ietter sans cesse sa veuë & sa pensèe sur la loy de nature, & tousiours la croire & suiure comme la regle premiere, souueraine, vniuerselle & infaillible qu'elle est. *Naturam si sequaris ducem nusquam aberrabis: sapientia est in naturam conuertere, & eorestitui unde publicus error expulerit. Ab illa non de errare, ad illius legem exemplumque formari sapientia est: Idem est beatè viuere & secundum naturam: omnia vitia contra naturam sunt.* C'est la raison, l'equité, la lumiere naturelle que Dieu a inspiré en tout homme, & qui comme vn astre flamboiant esclaire & brille sans cesse au dedans de luy, quel qu'il soit, s'il n'est du tout desnature, *Signatum est super nos lumen vultus tui. Gentes naturaliter quæ legis sunt faciunt: ostendunt opus legis scriptum in cordibus suis: lex scripta in cordibus nostris, quam nec ipsa delat iniquitas.* C'est Dieu mesme, ou bien la loy premiere, originelle, & fondamentale, estant Dieu & nature au monde comme le Roy & la Loy en vn Estat. *Quid natura nisi & diuinaratio toti mundo & partibus eius inserta?* Parquoy ainsi que l'aiguille frottée à l'aymant ne s'arreste iamais qu'elle ne voye son Nort, & par là se dresse & conduict la

navigation: Ainsi l'homme n'est iamaïs bien, voire il est comme denoüé & disloqué, s'il ne vise droict & ne conduit le cours de sa vie, ses mœurs, ses iugemens & volentez selon cette loy premiere, diuine & naturelle, qui est vn flambeau interne & domestique, toutes les loix qui ont esté depuis au monde ne sont que petits extraicts tirez d'elle. La loy de Moÿse en son decalogue en est vne coppie externe & publique. La loy des douze tables, les enseignemens moraux des Theologiens & Philosophes, les aduis & conseils des Iuriconsultes, les Edicts & Ordonnances des Souuerains, ne sont que petites & particulieres interpretations & expressions d'icelle: que s'il y en a aucune qui s'escartele moins du monde, de ceste premiere & originelle matrice, c'est vn monstre, vne fausseté, erreur. Or suyuant bien ceste regle la maistresse de toutes il se portera droict & entier en tout & par tout, & marchera d'un pas doux, egal, equitable, vniforme, paisible en toutes choses, n'offensera iamaïs autrui, sera modeste aux prosperitez & aduersitez, prest & patient à la mort, content en soy mesme. Tout ce qui nous trouble vient que nous voulons, desirons, pourchassons, outre, cōtre & par dessus nature. Apprenons des bestes lesquelles se laissent guider à la simplicité de nature, & menent vne vie douce, paisible, innocente avec toute liberté, repos, seureté, exemptes de tant de maux, vices, dereglemens, que l'homme prend pour sa part à faute de croire & suiure nature. Qui a rendu Socrates & tous les autres grands hommes que i'ay nommé au commencement si Sages que la pratique de cette leçon? Il faut bien releuer, forti-

fier & roidir son esprit, non à forcer, violer, & de-
guiser, frauder nature: mais à la seconder, secourir,
& faire valoir: non à la subtilité, finesse, inuention,
moins au vice & desbauche, mais à la verité, soli-
dité, integrité. Ce n'est pas bien aller ny aduancer
chemin, que voltiger, faire sauts, gambades, cour-
ses: mais tenir vn bon pas, ferme, réglé, assésuré, &
durable, c'est à dire, selon nature.

Con-
clusion
des
traicts
de Sa-
gesse.

8. Voyla vne sommaire peinture de nostre Sagesse
humaine en ces sept poincts, cognoistre bien l'hō-
me & soy: regler genereusemēt sa vie au dehors se-
lon qu'il est prescrit au dehors: garder son esprit
net de passions & d'erreurs, iuger de tout, ne s'obli-
ger à rien, prend' hommie essentielle, viser & se cō-
duire tousiours selon nature & raison: le cōmun &
prophane au cōtraire ne se cognoist point, ny l'hu-
maine condition, obeist aux loix seruilemēt, a son
esprit tout esclaué & assésuré, ne iuge de rien, préd
& reçoit tout, comme l'on veut, sa prend' hommie
acquise par cause ou occasiō externe, vise plustost
à toute loy municipale, particuliere & positiue,
qu'à l'vniuerselle & naturelle qui est Dieu. Or
cette peinture est presque toute interne & non ap-
parente, car ces traicts sont en l'esprit: Aussi la Sa-
gesse est qualité spirituelle, non pōpeuse ny bruy-
ante, & à peine apparente. Le Sage ne s'apperçoit
pas, ny n'est cognu tel de tous, il y faut prendre
garde de prez & s'y entendre, toutesfois nous don-
nerons cy après des marques externes pour le co-
gnoistre en le comparant avec le non Sage en
leurs deportemens.

Auer-

uilemēt. 9. Avant sortir de ce propos, ie veux adiouster vn
de la ne- mot qui n'est proprement de ce sujet de la Sagesse

humaine & Philosophique, mais qui servira pour ^{cessité} oster tout le doute & scrupule qui pourroit naistre ^{de la} des propos precedés. C'est qu'en tout ce que nous ^{grace} disons avantageusement de la loy de Nature & de ^{divine.} la Sagesse humaine, nous ne pretendons aucune-
 ment exclure ou derogier à l'honneur & necessité
 de la grace, de l'ayde & secours special de Dieu,
 sans lequel nous confessons que l'homme ne peut
 jamais bien entierement & parfaictement accom-
 plir toute vertu morale & la loy de nature com-
 me il faut: & encores beaucoup moins l'accom-
 plir meritoirement & salutairement à la vie eter-
 nelle, comme vouloit Pelagius: car ce second est
 du tout sans doute. Mais nous disons que l'hom-
 me employant bien cette lumiere de nature, & fai-
 sant ce qui est de soy il se dispose à la grace, que
 l'observation de la loy de nature est cōme vn leur-
 re, vne amorce & vn attraiēt d'icelle, & que celuy
 qui faict ce qu'il peut aux vertus morales, naturel-
 les, & humaines, conuie & donne occasion à Dieu
 de l'estrener & gratifier des vertus surnaturelles &
 diuines: car c'est vne equité & regle de bienseance,
 qui a esté loyal & bon mesnager en peu soit com-
 mis au plus. A cecy s'accordent les saincts Apho-
 rismes. *Quia in modico fuisti fidelis supra multa te con-*
stituam: Deus dat spiritum bonum omnibus petentibus
eum: facienti quod in se est Deus non denegat gratiam:
Deus non deficit in necessarijs, & disponit omnia sua- Thom.
riter: Si homo incipiens habere vsum rationis, & de- 1.2.9.86
liberans de seipso, ordinauerit seipsum ad debitū finem, art 6.
per gratiam consequetur remissionem peccati originalis,
 &c. Et les sacrez exēples d'Abraham, de Iob, des
 deux Centeniers, de Neaman Syrien, du pere de

sainct Gregoire, s'y accordent, lesquels Payens & infideles pour auoir bien suiuy ceste loy & lumiere de nature, ont esté appelez à la foy, qui leur a esté donnée, diët ce S. Pere, en recompense de leurs vertus morales. *Monum probitas eum nobis vendicabat, unde retulit fidem in premium praeccedentium virtutum*: comme au rebours contreuenir à la loy de nature est s'opposer formellement, & empescher directement la grace, comme apres l'Apostre, les Peres, Augustin, Chrysostome, Cyrille, discourët, rendans raison, pourquoy plusieurs Iuifs n'ont receu l'Euangile, & que le Sauueur n'a point voulu prescher en plusieurs lieux. Parquoy se trompët fort ceux qui tiennent autre voye, & qui desdaignans ceste vertu morale & loy de nature, comme trop basse & petite pour eux, & n'ayans aucun vray sentiment de preud'homme, pensent par ailleurs obtenir ceste grace. Ils se flattent, font gloire & se fient d'estre grands & riches, en biens surnaturels & diuins, & se trouuent à chasque pas coupables de la simple loy de nature & du debuoir humain, beaucoup au dessous de la vertu & probité de ces simples Philosophes, qu'ils reiettent & condamnent si fort, ains par eux seront condamnés, comme tant souuent & aigrement les menace le Souuerain Docteur de verité, mais ils n'en sentët rien. Ils scauent quelque finesse par laquelle ils se persuadent d'estre grands cousins & amis de Dieu, sans faire ny garder sa loy, sa vraye loy premiere & fondamentale. Tout cecy est selō l'ordre ordinaire de nature, lequel n'epesche pas que dieu ne le charge quād il luy plaist, faisāt marcher sa grace speciale la premiere, laquelle deuāce toute probité, toute

pensée & deliberation naturellement bonne. Je m'arreste trop icy en digression. Parquoy ie conclus que ceste sagesse humaine est voye à la diuine, la loy de nature à la grace, la vertu morale & Philosophique à la Theologale, le deuoir humain à la faueur & liberalité diuine, ainsi que l'ame vegetatiue & sensitiue, qui est des parens, à l'ame raisonnable, qui est de Dieu.

CHAP. III.

1. *Autre description plus sensible du Sage & de la Sagesse, par opposition de contraire qui est aussi depeint.*
2. *Confrontation du Sage & de son contraire au naturel, mouuemens & inclinations de l'esprit.*
3. *Et en la conuersation, conference & deportemens externes.*

1. **O**R ie veux encotes depeindre & descrire nostre Sage & Sagesse d'une autre façon, sçauoir par dissimilitude, par comparaison & antithese avec son contraire, laquelle description sera peut-estre mieux comprise & entenduë par les simples que la precedente, comme estant plus sensible & apparente, tirée pour la plus part de la conuersation, paroles, actions, deportemens. Ce qui est plus directement, & comme hostilement contraire au Sage & à la Sagesse que nous traitons, est vne certaine qualité & espece d'esprits foibles, plats & naturellement populaires, puis preuenus & aheurtez à certaines opinions, & par

Descri-
ption
contraire à Sagesse.

De la
sciēce.

ainsi incapables d'amendement & assagissement : que si encores ils sont garnis d'acquis & de science, ils sont du tout irremediabiles : car ceste science apporte à la foiblesse & bassesse naturelle, & au heurt & preoccupation d'opinions (qui sont des deux grands empeschemens) encores de la presumption, opiniastrété, & temerité, leur enflant le cœur : *scientia inflat*, & mettēt en mains armes pour soustenir & deffendre leurs opinions anticipes, & c'est pour acheuer du tout de les peindre : car voila le pourtraict de folie tiré au vif de cest trois. Le premier qui est la foiblesse, vient du temperament originel, & puis du defect de bonne culture : & le second, qui est la teinture anticipée d'opinions, se trouue en toutes sortes de gens, de toute qualité, profession & fortune. Le tiers qui est l'acquit des lettres, n'est pas en tous. Et afin que l'on m'entende mieux, & que l'on ne pense que ie vueille icy denigrer la science : le dis que la sciēce est vn tres-bon & vtile baston, mais qui ne le sçait bien manier, en reçoit plus de dommage que de profit, elle enteste & affoiblist, dict vn grand habile hōme, les esprits foibles & malades, polist & parfaict les forts & bons naturels. L'esprit foible ne sçait pas posseder la science, s'en eskrimier & e'en seruir comme il faut : au rebours il plie & demeure esclau sous elle, laquelle mesmes le possede & regente comme l'estomach foible chargé de viandes qu'il ne peut cuire ny digerer, le bras foible, qui n'ayant le pouuoir, ny l'adresse de bien manier son baston trop fort & poissant pour luy, se lasse & s'estourdit tout, l'esprit fort & Sage n'en ioüist, le manie en maistre, s'en sert, s'en preuault à son

bien & aduantage, forme son iugement, rectifie sa
 volonté, & s'en rend plus habile : où l'autre n'en
 deuient que plus sot & inepte. Ainsi la faute ou re-
 proche n'est point à la science, non plus qu'au vin,
 ou autres tres-bonne & forte drogue, qui surmon-
 teroit & accableroit la force & la portée de celuy
 qui la prendroit. *Non est culpa vini, sed culpa biben-*
tis. Or à ces tels esprits foibles de nature, enfiez
 & empeschez de l'acquis cōme ennemis formels
 de Sagesse (laquelle requiert vn esprit de nature
 fort, vigoureux & genereux, & puis doux, mode-
 ste, souple, qui suit volontiers la raison) ie fais
 la guerre par exprez en mon liure, & c'est souuent
 sous ce mot de Pedant, n'entrouuant point d'au-
 tre plus propre, & qui est vsurpé en ce sens par plu-
 sieurs bons auteurs. En la premiere signification
 Grecque, il se prend en bonne part, mais es autres
 langues posterieures, à cause de l'abus & mauuai-
 se façon de se prendre & se porter aux lettres &
 sciences, vile, sordide, questueuse, querelleuse,
 ostentatiue, pratiquée par plusieurs, il a esté vsur-
 pé comme en derision & iniure, & est des mots
 qui avec laps de temps changent de signification,
 comme tyran, Sophiste, & autres. Je sçay que les
 plus aigriz contre mon liure sont ceux qui pensent
 que ce mot les regarde, & que par iceluy i'ay von-
 lu taxer & attaquer les professeurs des lettres &
 instructeurs : mais ils se contenteront, s'il leur
 plaist, de ceste franche & ouuerte declaration que
 ie leur fais icy, de ne designer par ce mot aucun
 estat de robbe longue ou profession literaire, tant
 s'en faut, que ie fay par tout si grād estat des Philo-
 sophes, & m'attaquerois moy-mesme, puis que i'ē

Du mot
 de Pe-
 dant.

suis & en fay profession, bien que des moindres: mais vne certaine qualité & degré d'esprits que i'ay depeint cy-dessus, lesquels se trouuent sous toute robbe, & en toute fortune & condition, *vulgum tam clamydatus quàm coronam voce.* Que l'on me fournisse vn autre mot, qui signifie cestels esprits, ie le quitteray tres-volontiers. Apres ceste mienne declaration de bonne foy qui s'en plaindra s'accusera, & se monstrera trop chagrin. On peut bien opposer au Sage d'autres que Pedant, mais c'est en sens particulier, comme le commun, prophane & populaire, & le fais souuent, mais c'est comme le bas au haut, le foible au fort, le plat au releué, le cōmun au rare, le varlet au maître, le prophane au sacré. Aussi on peut opposer le fol au Sage, & de faict au son des mots, c'est son vray opposé, mais c'est comme le degré au réglé, le glorieux opiniastre au modeste, le partisan & particulier à l'vniuersel, le preuenu & atteint au libre, franc & net, le malade au sain, mais le Pedant, au sens que nous le prenons, comprend tout cela, & encores plus. Car il designe celuy lequel non seulement est dissemblable & contraire au Sage, comme les precedens, mais qui roguement & fierement luy resiste en face, & comme armé de toutes pieces s'esleue contre luy & l'attaque; & pource qu'aucunement il redoute, à cause qu'il le descouure & le void iusques au fonds & au vif, & luy trouble son ieu, il le poursuit d'vne certaine & intestine hayne, entreprēd de le censurer, descrier, & condamner, s'estimant, disant & portant pour le vray Sage.

Con-
fronta-
tion du
Sage &
Pedant
au natu-
rel.

2. Parquoy pour les mieux cognoistre tous deux

ie

ie les veulx confronter en toutes choses, les représenter sur le Theatre & faire ioüer en chacun son personnage. Premièrement, pour leurs humeurs, inclinations, branles & mouuemens de leurs esprits, le Pedant estude principalement à bien garnir & meubler sa memoire, pour en pouuoir compter & entretenir les autres : le Sage à former & regler son iugement & sa conscience. Celuy-là est tousiours hors de soy, vse & consomme ses propres facultez & son vaillant interne, pour cognoistre le dehors: Cestuy cy au rebours se tient au dedans de soy, se sert & rapporte tout le dehors à son dedans, non pour l'empescher & garder, & puis le produire cōme celuy-là, mais pour s'en preualoir en soy-mesme, reellement s'en rendre meilleur, plus habile, resolu, constant, courageux. Celuy-là n'apprend & ne sçait rien que des liures, des preceptes, des maistres & de ce qui est expressement dressé, pour l'enseigner: Cestuy-cy de toutes choses qui se disent, se font, se passent, grand mesnager qui faiet son profit de tout, des niailleries mesmes, choses de neant, rien ne luy eschappe qu'il ne releue; il apprend de soy-mesmes, de l'ignorant, de la femme, de l'enfant, du fol, du Pedāt, & de celuy auquel il ne veut aucunement ressembler. Celuy-là admire & faiet plus de cas de l'art, de ce qui est esclatant, reluisant, bruyant: Cestuy-cy s'arreste & aime mieux ce qui est naturel, doux, coulant, aisé. Celuy-là est attentif aux paroles: Cestuy-cy aux choses, *Sapientia in litteris non est, res attendis non verba*. Celuy-là s'arreste ferme au texte & aux mots de la loy : Cestuy-cy à l'equité & raison. Celuy-là se tient aux extremittez, condamne

- Cestuy-cy modestement & doucement avec mots douteux, & retenus, disent: Je ne sçay, peut-estre, il semble. Celuy-là se fonde tout sur l'autorité, & dire d'autrui, qu'il allegue avec soigneuse cotation des lieux, pour faire monstre de la memoire & grande lecture: Cestuy-cy se range à la raison, au prix de laquelle l'autorité luy est peu. Celuy-là ne regarde qu'à vaincre, soustenir & deffendre son opinion, à tort ou à trauers, se defaire de sa partie: Cestuy-cy vise tousiours à la verité, à laquelle il téd les bras & ioint les mains si tost qu'elle luy apparoit. Celuy-là veut estre creu, s'ebahit & se fasche que l'on ne trouue bon & vray ce qu'il dict, souffre aigrement d'estre contredict & pressé, & lors il trouble la dispute & chicane: Cestuy-cy ne s'en donne de rien, n'ayant rien espoussé, cherchant nuëment la verité, à quoy sert plus la contradiction que l'acquiescement, & cependant se contient tousiours en l'ordre & en la pertinence. En la victoire celuy-là est insolent, il bruit, il braue, & en la perte ne recognoist point bonne foy, pense qu'il iroit de son honneur, s'ils se reduisoit & confessoit son mesconte: Cestuy-cy ne fait point sonner la victoire, plustost la pieté & couure sa partie, si ce n'est à quelque fol, testu, insolent, & opiniastre, auquel il faict (c'est iustice belle aumosne) montrer son derriere tout entier, & en la perte fort galamment il se rend à la raison, & sa confession n'est iamais honteuse, car il n'a iamais affirmé n'y opiniasté.

CHAP. IV.

1. Examen de la susdicte description de Sagesse, & response aux objections & reproches que l'on peut faire contre-elle. Au premier, qui est qu'elle est nouvelle.
2. Au second, qui est qu'elle ne traite point de la Religion.
3. Au troisieme propose contre le quatrieme traitt de la dicte description, qui est inger de tout.
4. Au quatrieme propose contre le cinquiesme traitt, sçavoir, Ne s'obliger à rien, où il est parlé des principes & du Pyrrhonisme.
5. Au cinquiesme, qui est contre le sixiesme traitt sçavoir preud'homme essentielle.
6. Au sixiesme qui est contre le septiesme traitt, sçavoir sçavoir Nature.

OR pour ce qu'aucuns reprouvent & attaquent ceste peinture de Sagesse, il nous faut examiner, ensemble entendre & respondre aux objections & reproches que l'on propose contre elle. Premièrement, ils disent en gros, qu'elle est nouvelle, que ie pretends vn chemin non encores frayé, que mes propositions sont paradoxes, voire ma façon de parler hardie & particuliere. Je ne veux maintenant estrimer ny disputer, si elle est nouvelle ou non, & s'il se peut dire chose qui n'ait esté dicte auparauant; mais bien qu'elle le soit, quoy pour cela? la nouveauté & rareté frappe & estonne les simples & populaires, est puissante à leur faire ou recōmander, ou condamner les choses: mais aux Sages, non, qui sçauent que ces qua-

Examen
de la
descri-
ption
de Sa-
gesse
Obiect.
1.

fier & roidir son esprit, non à forcer, violer, & de-
guiser, frauder nature: mais à la seconder, secourir,
& faire valoir: non à la subtilité, finesse, inuention,
moins au vice & desbauche, mais à la verité, soli-
dité, integrité. Ce n'est pas bien aller ny aduancer
chemin, que voltiger, faire sauts, gambades, cour-
ses: mais tenir vn bon pas, ferme, réglé, assésuré, &
durable, c'est à dire, selon nature.

Con-
clusion
des
traicts
de Sa-
gesse.

8. Voyla vne sommaire peinture de nostre Sagesse
humaine en ces sept poincts, cognoistre bien l'hō-
me & soy: regler genereusemēt sa vie au dehors se-
lon qu'il est prescrit au dehors: garder son esprit
net de passions & d'erreurs, iuger de tout, ne s'obli-
ger à rien, preud'homme essentielle, viser & se cō-
duire tousiours selon nature & raison: le cōmun &
prophane au cōtraire ne se cognoist point, ny l'hu-
maine condition, obeist aux loix seruilemēt, a son
esprit tout esclaué & assésuré, ne iuge de rien, prēd
& reçoit tout, comme l'on veut, sa preud'homme
acquise par cause ou occasiō externe, vise plustost
à toute loy municipale, particuliere & positiue,
qu'à l'vniuerselle & naturelle qui est Dieu. Or
cette peinture est presque toute interne & non ap-
parente, car ces traicts sont en l'esprit: Aussi la Sa-
gesse est qualité spirituelle, non pōpeuse ny bruy-
ante, & à peine apparente. Le Sage ne s'apperçoit
pas, ny n'est cognu tel de tous, il y faut prendre
garde de prez & s'y entendre, toutesfois nous don-
nerons cy après des marques externes pour le co-
gnoistre en le comparant avec le non Sage en
leurs deportemens.

Auer-

tilemēt 9. Avant sortir de ce propos, ie veux adiouster vn
de la ne- mot qui n'est proprement de ce sujet de la Sagesse

humaine & Philosophique, mais qui servira pour
 oster tout le doute & scrupule qui pourroit naistre
 des propos precedés. C'est qu'en tout ce que nous
 disons avantageusement de la loy de Nature & de
 la Sagesse humaine, nous ne pretendons aucune-
 ment exclure ou deroguer à l'honneur & necessité
 de la grace, de l'ayde & secours special de Dieu,
 sans lequel nous confessons que l'homme ne peut
 jamais bien entierement & parfaictement accom-
 plir toute vertu morale & la loy de nature com-
 me il faut : & encores beaucoup moins l'accom-
 plir meritoirement & salutairement à la vie eter-
 nelle, comme vouloit Pelagius : car ce second est
 du tout sans doute. Mais nous disons que l'hom-
 me employant bien cette lumiere de nature, & fai-
 sant ce qui est de soy il se dispose à la grace, que
 l'observation de la loy de nature est cōme vn leur-
 re, vne amorce & vn attraiēt d'icelle, & que celuy
 qui faict ce qu'il peut aux vertus morales, naturel-
 les, & humaines, conuie & donne occasion à Dieu
 de l'estrener & gratifier des vertus surnaturelles &
 diuines : car c'est vne equité & regle de bienseance,
 qui a esté loyal & bon mesnager en peu soit com-
 mis au plus. A cecy s'accordent les saincts Apho-
 rismes. *Quia in modico fuisti fidelis supra multate con-*
stituam : Deus dat spiritum bonum omnibus petentibus
eum : facienti quod in se est Deus non denegat gratiam :
Deus non deficit in necessarijs, & disponit omnia sua-
uiter : Si homo incipiens habere vsum rationis, & de-
liberans de seipso, ordinauerit seipsum ad debitū finem,
per gratiam consequetur remissionem peccati originalis,
&c. Et les sacrez exēples d'Abraham, de Iob, des
 deux Centeniers, de Neaman Syrien, du pere de

cessité
de la
grace
diuine.

Thom.
1.2.q.86
art 6.

sainct Gregoire, s'y accordent, lesquels Payens & infideles pour auoir bien suiuy ceste loy & lumiere de nature, ont esté appelez à la foy, qui leur a esté donnée, dict ce S. Pere, en recompense de leurs vertus morales. *Monum probitas cum nobis vendicabat, unde resulis fidem in præmium præcedentium virtutum*: comme au rebours contreuenir à la loy de nature est s'opposer formellement, & empescher directement la grace, comme apres l'Apostre, les Peres, Augustin, Chrysostome, Cyrille, discourët, rendans raison, pourquoy plusieurs Iuifs n'ont receu l'Euangile, & que le Sauueur n'a point voulu prescher en plusieurs lieux. Parquoy se trompët fort ceux qui tiennent autre voye, & qui desdaignans ceste vertu morale & loy de nature, comme trop basse & petite pour eux, & n'ayans aucun vray sentiment de preud'homme, pensent par ailleurs obtenir ceste grace. Ils se flattent, font gloire & se fient d'estre grands & riches, en biens surnaturels & diuins, & se trouuent à chasque pas coupables de la simple loy de nature & du debuoir humain, beaucoup au dessous de la vertu & probité de ces simples Philosophes, qu'ils reiettent & condamnent si fort, ains par eux seront condamnés, comme tant souuent & aigrement les menace le Souuerain Docteur de verité, mais ils n'en sentët rien. Ils sçauent quelque finesse par laquelle ils se persuadent d'estre grands cousins & amis de Dieu, sans faire ny garder sa loy, la vraye loy premiere & fondamétale. Tout cecy est selõ l'ordre ordinaire de nature, lequel n'empesche pas que Dieu ne le charge quãd il luy plaist, faisât marcher sa grace speciale la premiere, laquelle deuãce toute probité, toute

pensée & deliberation naturellement bonne. Je m'arreste trop icy en digression. Parquoy ie conclus que ceste sagesse humaine est voye à la diuine, la loy de nature à la grace, la vertu morale & Philosophique à la Theologale, le deuoir humain à la faueur & liberalité diuine, ainsi que l'ame vegetatiue & sensitiue, qui est des parens, à l'ame raisonnable, qui est de Dieu.

CHAP. III.

1. *Autre description plus sensible du Sage & de la Sagesse, par opposition de contraire qui est aussi depeint.*
2. *Confrontation du Sage & de son contraire au naturel, mouuemens & inclinations de l'esprit.*
3. *Et en la conuersation, conference & deportemens externes.*

1. **O**R ie veux encotes depeindre & descrire nostre Sage & Sagesse d'une autre façon, sçauoir par dissimilitude, par comparaison & antithese avec son contraire, laquelle description sera peut-estre mieux comprise & entenduë par les simples que la precedente, comme estant plus sensible & apparente, tirée pour la plus part de la conuersation, paroles, actions, deportemens. Ce qui est plus directement, & comme hostilement contraire au Sage & à la Sagesse que nous traitons, est vne certaine qualité & espece d'esprits foibles, plats & naturellement populaires, puis preuenus & aheurtez à certaines opinions, & par

Descri-
ption
contraire à Sagesse.

De la
sciēce.

ainsi incapables d'amendement & assagissement : que si encores ils sont garnis d'acquis & de science, ils sont du tout irremediabiles : car ceste science apporte à la foiblesse & bassesse naturelle, & au heurt & preoccupation d'opinions (qui sont desia deux grands empeschemens) encores de la presumption, opiniastrété, & temerité, leur enflant le cœur : *scientia inflat*, & mettēt en mains armes pour soustenir & deffendre leurs opinions anticipes, & c'est pour acheuer du tout de les peindre : car voila le pourtrait de folie tiré au vif de cestrois. Le premier qui est la foiblesse, vient du temperament originel, & puis du defaut de bonne culture : & le second, qui est la teinture anticipée d'opinions, se trouue en toutes sortes de gens, de toute qualité, profession & fortune. Le tiers qui est l'acquit des lettres, n'est pas en tous. Et afin que l'on m'entende mieux, & que l'on ne pense que ie vueille icy denigrer la science : le dis que la sciēce est vn tres-bon & vtile baston, mais qui ne le sçait bien manier, en reçoit plus de dommage que de profit. elle enteste & affoiblist, dict vn grand habile hōme, les esprits foibles & malades, polist & parfaict les forts & bons naturels. L'esprit foible ne sçait pas posseder la science, s'en elcrimer & e'en seruir comme il faut : au rebours il plie & demeure esclau sous elle, laquelle mesmes le posse de & regente comme l'estomach foible chargé de viandes qu'il ne peut cuire ny digerer, le bras foible, qui n'ayant le pouuoir, ny l'adresse de bien manier son baston trop fort & poissant pour luy, se lasse & s'estourdit tout, l'esprit fort & Sage n'en ioüist, le mane en maistre, s'en sert, s'en preuault à son

bien & aduantage, forme son iugement, rectifie sa
 volonté, & s'en rend plus habile : où l'autre n'en
 deuient que plus sot & inepte. Ainsi la faute ou re-
 proche n'est point à la science, non plus qu'au vin,
 ou autre tres-bonne & forte drogue, qui surmon-
 teroit & accableroit la force & la portée de celuy
 qui la prendroit. *Non est culpa vini, sed culpa biben-*
tis. Or à ces tels esprits foibles de nature, enfliez
 & empeschez de l'acquis cōme ennemis formels
 de Sagesse (laquelle requiert vn esprit de nature
 fort, vigoureux & genereux, & puis doux, mode-
 ste, souple, qui suit volontiers la raison) ie fais
 la guerre par exprez en mon liure, & c'est souuent
 sous ce mot de Pedant, n'entrouuant point d'au- Du mot
de Pe-
dant.
 tre plus propre, & qui est vsurpé en ce sens par plu-
 sieurs bons auteurs. En sa premiere signification
 Grecque, il se prend en bonne part, mais és autres
 langues posterieures, à cause de l'abus & mauuai-
 se façon de se prendre & se porter aux lettres &
 sciences, vile, sordide, questueuse, querelleuse,
 ostentatiue, pratiquée par plusieurs, il a esté vsur-
 pé comme en derision & iniure, & est des mots
 qui avec laps de temps changent de signification,
 comme tyran, Sophiste, & autres. Ie sçay que les
 plus aigriz contre mon liure sont ceux qui pensent
 que ce mot les regarde, & que par iceluy i'ay von-
 lu taxer & attaquer les professeurs des lettres &
 instructeurs : mais ils se contenteront, s'il leur
 plaist, de ceste franche & ouuerte declaration que
 ie leur fais icy, de ne designer par ce mot aucun
 estat de robbe longue ou profession literaire, tant
 s'en faut, que ie fay par tout si grād estat des Philo-
 sophes, & m'attaquerois moy-mesme, puis que i'ē

suis & en fay profession, bien que des moindres: mais vne certaine qualité & degré d'esprits que j'ay depeint cy-dessus, lesquels se trouuent sous toute robbe, & en toute fortune & condition, *vulgum tam clamydatus quàm coronam voce.* Quel'on me fournisse vn autre mot, qui signifie cestels esprits, ie le quitteray tres-volontiers. Apres ceste mienne declaration de bonne foy qui s'en plaindra s'accusera, & se monstrera trop chagrin. On peut bien opposer au Sage d'autres que Pedant, mais c'est en sens particulier, comme le commun, prophane & populaire, & le fais souuent, mais c'est comme le bas au haut, le foible au fort, le plat au releué, le cōmun au rare, le varlet au maître, le prophane au sacré. Aussi on peut opposer le fol au Sage, & de faict au son des mots, c'est son vray opposite, mais c'est comme le degré au réglé, le glorieux opiniastre au modeste, le partisan & particulier à l'vniuersel, le preuenu & atteint au libre, franc & net, le malade au sain, mais le Pedant, au sens que nous le prenons, comprend tout cela, & encores plus. Car il designe celuy lequel non seulement est dissemblable & contraire au Sage, comme les precedens, mais qui roguement & fierement luy resiste en face, & comme armé de toutes pieces s'esleue contre luy & l'attaque; & pource qu'aucunement il redoute, à cause qu'il le descouure & le void iusques au fonds & au vif, & luy trouble son ieu, il le poursuit d'vne certaine & intestine hayne, entreprēd de le censurer, descrier, & condamner, s'estimant, disant & portant pour le vray Sage.

Con-
fronta-
tion du
Sage &
Pedant
au natu-
rel.

2. Parquoy pour les mieux cognoistre tous deux
ic

ie les veulx confronter en toutes choses, les représenter sur le Theatre & faire iouïr en chacun son personnage. Premièrement, pour leurs humeurs, inclinations, branles & mouuemens de leurs esprits, le Pedant estude principalement à bien garnir & meubler sa memoire, pour en pouuoir compter & entretenir les autres : le Sage à former & regler son iugement & sa conscience. Celuy-là est tousiours hors de soy, vse & consomme ses propres facultez & son vaillant interne, pour cognoistre le dehors: Cestuy cy au rebours se tient au dedans de soy, se sert & rapporte tout le dehors à son dedans, non pour l'empescher & garder, & puis le produire cōme celuy-là, mais pour s'en preualoir en soy-mesme, reellement s'en rendre meilleur, plus habile, resolu, constant, courageux. Celuy-là n'apprend & ne sçait rien que des liures, des preceptes, des maistres & de ce qui est expressement dressé, pour l'enseigner: Cestuy cy de toutes choses qui se disent, se font, se passent, grand mesnager qui faiet son profit de tout, des niaïeries mesmes, choses de neant, rien ne luy eschappe qu'il ne releue; il apprend de soy-mesmes, de l'ignorant, de la femme, de l'enfant, du fol, du Pedāt, & de celuy auquel il ne veut aucunement ressembler. Celuy-là admire & faiet plus de cas de l'art, de ce qui est esclatant, reluisant, bruyant: Cestuy cy s'arreste & aime mieux ce qui est naturel, doux, coulant, aisé. Celuy-là est attentif aux paroles: Cestuy cy aux choses, *Sapientia in litteris non est, res attendis non verba*. Celuy-là s'arreste ferme au texte & aux mots de la loy: Cestuy cy à l'equité & raison. Celuy-là se tient aux extremittez, condamne

- tout à plat, loüe outre mesure, soit aux personnes,
 ou aux opinions, reiet tout à faict ou embrasse
 estroitement, du tout amy ou ennemy, d'une ou
 deux particularitez, fera vn iugement vniuersel:
 Cestui-cy tout doucemēt & mediocremēt appoin-
 te & concilie tant qu'il peut, recognoist & dict le
 bien en qui que ce soit, voire en l'ennemy & sien &
 du public, dit le bien volontiers, escharsement le
 mal, ialoux de la verité, de la candeur & integrité
 de son iugement: Celuy-là fait tout avec passion &
 8. emotion qui luy trouble, corrompt & renuerse le
 iugement. Cestui-cy avec froideur, quietement
 9. & paisiblement. Celuy-là est tout à la vanité & au
 10. bruit: Cestui-cy à la verité & solidité: Celuy-là est
 prompt à parler, impatient à ouyr, mal propre aux
 11. affaires: Cestui-cy, tout au rebours. Celuy là est
 tout du monde, desire, cherche avec tourmēt d'es-
 prit & de corps l'honneur, les biēs, les plaisirs: Ce-
 stui-cy se portant modérément en toutes choses, a
 12. ses pensées plus hautes, plus spirituelles. Celuy-là
 est tout attaché aux coustumes, opinions, façons,
 personnes de son pays, tette tousiours la mamelle
 de sa mere, condamne tout detroussement les cho-
 ses estranges de son vsage, & toutes celles qu'il
 n'entend pas. Cestuy-cy regarde de mesme œil, iu-
 ge & considere les choses plus estranges comme
 13. les siennes. Celuy-là est à soy & autrui onereux,
 chagrin, despitieux, opiniastre. Cetuy-cy ioyeux,
 doux, coulant, allegre, ouuert. Celuy-là est hardy,
 14. entreprenāt, presāt, colere: Cestui-cy froid, patiēt
 poissant, considéré. Iulques icy se cognoist assez
 leur genie & naturel, & se void assez l'air des deux.
 3. Venons aux particularitez, à leur deportemens

en compagnie & conuersation. En tout different
 & diuision, celuy-là ne se peut tenir qu'il ne soit En la
 partisan, encores qu'il s'en puisse garder, & le fera conuer-
 outré, transporté: Cestui-cy tant qu'il se peut tient sation
 neutre ou modérateur & commun, & s'il luy con- & con-
 uient estre partisan, il le fera avec moderation, & ference,
 ne fera iamais le pire qu'il pourra au party contrai- L
 re, si ce n'est par force & à l'extremité, *Et cum mo-* 2.
derapine inculpat a tutela En compagnie estrange-
 re & incogneuë, celui là se veut faire sentir & co-
 gnoistre, & que l'on sçache ce qu'il est, ce qu'il
 sçait, ce qu'il a ou pense auoir de bon & recomman-
 dable: Le Sage consent de demeurer incogneu, ou
 bien faudra que quelque suiet ou occasion se pre-
 sente, pour laquelle il luy conuienne se declarer &
 produire. Arrinant où chacun puisse librement 3.
 prendre place, celuy-là prendra ambitieusement
 la plus honorable, ou ineptement la plus basse:
 Cestui-cy discrettement aduifera de prendre la
 plus commode & aisée. Ayant faict quelque cho- 4.
 se belle, bonne, vtile, & officieuse au public ou
 particulier, celui-là s'y porte ambitieusement, le
 faict sonner haut, le repete souuent, s'enquiert de
 ce que l'on en dict, se fasche de ce que l'on n'en
 faict plus de bruiet & de feste: Cestui-cy tout
 doucement escoute ce que l'on en dict, se con- 5.
 tente en soi-mesme d'auoir bien-faict, & se gra-
 tifie de ce qu'il a bien reüssi, & que les gens de
 bien l'approuuent. Si l'on vient en dispute & con-
 ference, celui-là y procedera fierement d'une fa-
 çon Magistrale, avec termes affirmatifs & re-
 solus, condamnant roguement les opinions con-
 traires, comme absurdes, fausses, & ridicules,

- Cestuy-cy modestement & doucement avec mots douteux, & retenus, disent: Je ne sçay, peut-estre, il semble. Celuy-là se fonde tout sur l'autorité, & dire d'autrui, qu'il allegue avec soigneuse cotation des lieux, pour faire monstre de la memoire & grande lecture: Cestuy-cy se range à la raison, au prix de laquelle l'autorité luy est peu. Celuy-là ne regarde qu'à vaincre, soustenir & deffendre son opinion, à tort ou à trauers, se defaire de sa partie: Cestuy-cy vise tousiours à la verité, à laquelle il téd les bras & ioint les mains si tost qu'elle luy apparoit. Celuy-là veut estre creu, s'ebahit & se fasche que l'on ne trouue bon & vray ce qu'il dict, souffre aigrement d'estre contredict & pressé, & lors il trouble la dispute & chicane: Cestuy-cy ne s'en donne de rien, n'ayant rien espoussé, cherchant nuëment la verité, à quoy sert plus la contradiction que l'acquiescement, & cependant se contient tousiours en l'ordre & en la pertinence. En la victoire celuy-là est insolent, il bruit, il braue, & en la perte ne recognoist point bonne foy, pense qu'il iroit de son honneur, s'ils se reduisoit & confessoit son mesconte: Cestuy-cy ne fait point sonner la victoire, plustost la pieté & couure sa partie, si ce n'est à quelque fol, testu, insolent, & opiniastre, auquel il faict (c'est iustice belle aumosne) monstrier son derriere tout entier, & en la perte fort galamment il se rend à la raison, & sa confession n'est iamais honteuse, car il n'a iamais affirmé n'y opiniastreté.

CHAP. IV.

1. Examen de la susdicte description de Sagesse, & response aux objets & reproches que l'on peut faire contre elle. Au premier, qui est qu'elle est nouvelle.
2. Au second, qui est qu'elle ne traite point de la Religion.
3. Au troisieme propose contre le quatrieme trait de la dicte description, qui est inger de tout.
4. Au quatrieme propose contre le cinquiesme trait, sçavoir, Ne s'obliger à rien, où il est parlé des principes & du Pyrrhonisme.
5. Au cinquiesme, qui est contre le sixiesme trait sçavoir preud'homme essentielle.
6. Au sixiesme qui est contre le septiesme trait, sçavoir sçavoir Nature.

OR pour ce qu'aucuns reprouvent & attaquent ceste peinture de Sagesse, il nous la faut examiner, ensemble entendre & respondre aux objets & reproches que l'on propose contre elle. Premièrement, ils disent en gros, qu'elle est nouvelle, que ie pretends vn chemin non encores frayé, que mes propositions sont paradoxes, voire ma façon de parler hardie & particuliere. Je ne veux maintenant estriner ny disputer, si elle est nouvelle ou non, & s'il se peut dire chose qui n'ait esté dicte auparauant; mais bien qu'elle le soit, quoy pour cela la nouveauté & rareté frappe & estonne les simples & populaires, est puissante à leur faire ou recômander, ou condamner les choses: mais aux Sages, non, qui sçauent que ces qua-

Examen
de la
descri-
ption
de Sa-
gesse
Objet.
1.

litez sont communes aux bonnes & aux meschantes choses, & s'arreste seulement à considerer la bonté & valeur interne & essentielle, & l'vtilité qui en reuiert au public & au particulier. Au reste qui ne sçait que le sage est vn paradoxe au monde, vn censeur & mespriseur du monde? Celuy qui en a porté le nom, que fait-il en son Ecclesiastique, que dire des propositions contre le commun: Et toutes les belles propositions & aduis des Sages, sont contraires au goust du monde. Je prends donc ce premier obiet à mon aduantage. Et quant au langage c'est trop grãde delicatelle & foiblesse de s'en plaindre, chacun a son stile, j'ayme le court, significatif & hardy, mais, s'il ne plaist aux vns, il plaist aux autres, ie fais mon coup quand ie me fais entendre, & n'ay prétends autre chose.

Obiect. 2. Le second est, qu'en toute ceste description il ne se parle point de Dieu, de Religion, des vertus infuses & diuines. Je dis premierement qu'il se faut souuenir de deux choses que j'ay dites. Que ie traicte icy de la Sageste humaine & Philosophiquement, & non de la diuine Theologiquement, & que ie ne touche icy generalement tout ce qui est requis en vn Sage: non les traiets communs à tous, & que l'on sçait assez, mais seulement les propres & peculiars au Sage, par lesquels il differe & excelle par dessus le commun. Or la religion est de la commune, generale, voire naturelle obligation. Mais encores ie dis que cet obiet est faux: car tout ce qui regarde Dieu est compris & nommé au sixiesme traict principal, qui est de la preud'homme, de laquelle le premier & plus haut point, est en la pieté & religion, qui est la premiere & plus

noble partie de iustice, en laquelle principalement consiste la preud' hommie, & puis il y a encores vn article de la grace de Dieu.

Venons aux particularitez. Contre les trois premiers traictz qui sont se cognoistre, se rēdre obeissant aux Superieurs, loix, coustumes, se garder net de passions & d'erreurs, ils ne disent rien à quoy il doive estre icy respondu.

3. Au quatriesmettraict, qui est de iuger de tout, ils obiectent que c'est vne liberté trop grande & dangereuse, & qui peut amener vne confusion. C'est premierement mal entendre, & puis mal conclure: y a-il chose plus naturel, propre, & digne de l'homme que iuger, c'est à dire considerer, examiner, poiler les raisons, & contre-raisons de toutes choses, le poids & merite d'icelles? Pour quoy est dict l'homme raisonnable, c'est à dire, discourant, ratiocināt, entendement, iugeant, le vouloir priver de cela, n'est-ce pas vouloir qu'il ne soit plus homme, mais beste? Si cela heurte le naturel & propre de l'homme, que fera-il au Sage, qui est autant par dessus le commun des hommes, comme celui du commun est par dessus les bestes: Qu'est-cecy, que l'homme qui est tant fier & glorieux en d'autres choses, soit si vil & craintif, à faire valoir sa plus haute & noble partie, qui est son esprit: Mais repliquera-on, si ceste liberté n'est moderée & bridée, il y a danger que l'esprit s'egarera & se perdra, se remplissant de folles & fausses opinions: comme souuent s'est veu: cela est tres-vray: mais m'obiecter cela, c'est monstrier que l'on ne prend pas ma peinture toute entiere: car comment se pourra-il perdre,

Iuger
de tout

Li iij

ny seulement faillir aucunement, quand bien il voudroit, s'il ne determine rien, s'il ne s'oblige & ne s'attache à rien, comme veut la cinquiesme & sixiesme leçon de Sagesse. Item, si en iugeant il suit en tout & par tout nature, comme porte la septiesme & derniere leçon, les opinions & iugemens naturels sont tousiours vrais, bons & sains, c'est le seul moyen & infailible de bien entendre les loix, & ainsi font les braues Iuriconsultes quād il s'offre ambiguité, difficulté, antinomie, c'est les confronter & faire toucher à la raison naturelle, *ut ad Lydium lapidem*. Voyla les deux brides & deux regles qui l'empescheront tousiours de faillir. Au reste ceste liberté ne touche ny le croire & la religion, ny le faire & la vie externe, mais seulement le penser, le iuger, & examiner, action propre du Sage: or s'y gouvernant comme ie veux, il est tousiours en seureté.

ne s'o-
blige ra
rien

4. Venons à l'autre suyuant, qui est le cinquiesme traict voisin & allié du precedent, ne s'obliger à rien. Ils obiectent que c'est enseigner icy vne incertitude douteuse & fluctuante, telle que des Pyrrhoniens, laquelle tient l'esprit en grande peine & agitation qu'il faut auoir & se tenir aux principes receus; que ceste indifference est de mauuaile consequence, d'autant qu'elle se peut estendre mesmes aux affaires de la Religion, au faict de laquelle il n'est permis de douter ou chanceler le moins du monde. Je responds premierement, qu'il y a difference entre mon dire & l'aduis des Pyrrhoniens: bien qu'il en ait l'air & l'odeur, puis que ie permets de consentir & adherer à ce qui semble meilleur & plus vray semblable, tousiours prest &

attendant à recevoir mieux s'il se présente. Mais pour venir au point, ie diray ou qu'ils ne m'entendent pas, ou que ie ne les entends point, quand ils disent que ceste indifference & surseance tiét l'esprit en peine: car ie soustiens que c'est le vray repos & séjour de nostre esprit, & tous les grands & plus nobles philosophes & Sages qui en ont fait professiõ, ont-ils eu leur esprit en trouble & en peine? mais disent-ils, douter, balācer, surseoir, est-ce pas estre en peine? Ouy aux fols, non aux Sages: ouy, disie, à gens qui ne peuēt viure libres, esprits presomptueux, partisans, passionnez, qui aheurtez à certaines opinions, condamnent fierement toutes les autres, qui encores qu'ils soient conuaincus ne se rendent iamais, se despitent & mettēt en colere, ne recognoissent bonne foy, ou s'ils changēt d'aduis, les voyla encores retournez aussi resolus & opiniastres que deuant, ne sçauēt rien tenir sans passion. Telles gens ne sçauent rien au vray, & ne sçauent que c'est que sçauoir. Pource que vous pensez voir, vous ne voyez rien, dit le Docteur de verité aux glorieux & presomptueux. Mais aux modestes, sobres, & retenus qui sont aduertis de ce qui a esté dit cy-dessus en l'article cinquiesme, de la verité, raison, science, certitude & leurs cōtraires, ce ne leur est point peine, ains au contraire vn séjour, vn repos, c'est la science des sciences, la certitude des certitudes, pleine de candeur, de bõne foy & recognoissance modeste, tant de la faiblesse humaine, que de la hauteuse mystericuse de la verité: Quant aux principes, auxquels ils veulent que l'on se soumette souverainement & en dernier ressort, c'est vne iniuste tyrānie. Le cōsens pes.

Iob 9.

Des

Princi.

Bien que l'on les reçoive avec honneur, que l'on les employe en tout iugement, & que l'on en face cas: mais que ce soit sans pouvoir regimber, i'y resiste fort & ferme. Qui est celuy au monde, qui ait pouvoir de s'assubiettir les esprits, & donner des principes qui ne soiēt plus examinables, que Dieu seul le souverain esprit, le vray principe du monde, qui seul est à croire, pource qu'il le diōt ? Tout autre est subiect à l'examen & à opposition, & c'est foiblesse de s'y assuiettir. Si l'on veut que ie m'assuiettisse aux principes, ie diray comme le Curé à ses Parroissiens, en matiere du tēps, & vn Prince des nostres aux sectaires de ce siecle en fait de Religio: Accordez-vous premierement de ces principes, & puis ie m'y soubsmettray. Or y a autant de discorde aux principes qu'aux conclusions, & en la These qu'en l'Hypotese, dont y a tant de sectes entre eux: Si ie me rends à l'une, i'offense toutes les autres. Ie viens au 3. poinct de leur reproche, qui est plus de poids, c'est qu'ils veulent tirer en consequence de la Religion ceste mienne surseance. Or ie pourrois me contenter de dire que le texte tant de mon liure, que de ce petit traicté le demēt tout à plat, quand il declare que tout cecy ne s'entend des choses diuines, lesquelles il faut tout simplement croire, recevoir, adorer, sans entreprendre de les iuger. Mais pour les presser davantage, & leur monstrier qu'ils n'entendent pas bien les affaires, ie leur veux dire que cet aduis mien, qu'il leur plaist appeller Phyrionisme, est chose qui fait plus de service à la pieté & operation diuine, que toute autre qui soit, bien loin de la heurter, service dis-je, tant pour la generation & propagation, que

Du Pyr-
rhanit-
me.

pour sa conuersation. La Theologie, mesmement la mystique nous enseigne, que pour bien preparer nostre ame à Dieu & à son operation, & la rendre propre à receuoir l'impressiõ du Saint Esprit, il la faut vuidier, netoyer, despoiiiller & mettre à nud de toute opinion, creance, affection, la rendre comme vne carte blanche, morte à soy & au monde, pour y laisser viure & agir Dieu. Il faut oster vne chose pour y faire entrer l'autre, chasser le vieil possesseur pour y establir le nouveau : *Expurgate vetus fermentum, exuite veterem hominē*. Dont il semble que pour planter & installer la Chrestienté en vn peuple mescreant & infidele, cõme maintenāt est la Chine, se feroit vne tres belle methode de commencer par ces propositions & persuasions. Que tout le sçauoir du monde n'est que vanité & mensonge : Que le monde est confict, déchiré & vilenné d'opinions fantasques, forgées en son propre cerueau : Que Dieu a bien crée l'homme pour cognoistre la verité, mais qu'il ne la peut cognoistre de soy, ny par aucun moyen humain, & faut que Dieu mesmes, au sein duquel elle reside, & qui en a fait venir l'enule à l'homme, lareuele, comme il a fait : mais que pour se preparer à ceste reuelation, & luy faire place, il faut auparauant renõcer & chasser toutes opinions & creances, dont l'esprit est desia anticipé & abbrenué, & le luy presenter nud & blanc, & le soubinettre à luy tres-humblement. Ayant bien battu & gagné ce point & rendu les hommes cõme Academiciens & Pyrrhoniens, faut proposer les principes de la Chrestienté, comme enuoyez du Ciel, apportez par l'Ambassadeur, & parfait confident de la diuinité

autorité, & confirmé en son temps par tant de preuues merueilleuses & tesmoignages tres-authentiques. Ainsi ceste innocente & blanche surseance, & libre ouuerture à tout, est vn grand preparatoire à la vraye pieté & à la receuoir, cōme ie viens de dire, & à la conseruer : Car avec elle n'y aura iamais d'heresies & d'opiniōs triées, particulieres, extrauagantes, iamais Pyrrhonien ny Academicien ne sera heretique, ce sont choses opposites. L'on dira peut-estre qu'il ne sera iamais aussi Chrestien ny Catholique, car aussi biē sera-il neutre & sursoyant à l'vne qu'à l'autre: C'est mal entendre ce qui a esté dit, c'est qu'il n'y a point de surseance à ce qui est de Dieu, qu'il faut laisser Dieu mettre & grauer en nostre ame ce qui luy plaira & non autre.

Preu.
d'hom-
mie es-
sentiel-
le.

5. Au sixiesme traict, qui est de la preud'homme, ils trouuent à redire entr'autres choses, que ie descrie tant la preud'hōmie causée & acquise par cōsideration externe de recompense ou punition: car elle n'est point, disent-ils, reprouée par l'Eglise. Nous sommes tres-bien d'accord en celà: car la Theologie, bien qu'elle ne la condamne, elle dit qu'elle est seruile, & non filiale, imparfaite, de ceux qui sont encores commençants & apprentifs, & non des parfaits. Aussi ie ne la dis pas meschante, combien que la Philosophie le trāche court. *Oderant peccare mali formidine pœna*. Mais ie la dis chetive accidentale, caduque, mal assurée, bref propre pour le commun, mais indigne du Sage noble & sacré, à qui est requis vne bien plus haute, ferme & genereule probité, qu'au reste.

Suyvre
nature.

6. Au septiesme & dernier traict, qui est de suivre

nature, ils s'offensent en ce que ie recommande & fais tant valoir la loy de nature, comme si ie voulois dire qu'elle est suffisante, & forclose la grace, mais l'aduertissement mis au pied de ma peinture de Sagesse ; dement toutes ces belles interpretations & malicieux soupçons. Il est vray que ie ne fais pas de grands & longs discours de la grace & des vertus Theologales ; Pourquoy en ferois-ie ? Je sortirois de mon subiect & de mon prix fait, qui est de la Sagesse humaine & non de la diuine, des actions simplement, naturellement, & moralement bonnes, & non des meritoires. Ioinct que ceste grace est chose qui n'est point de nostre estude, acquest, labeur, de laquelle il ne faut point faire de longs discours ny enseignemens : car c'est vn pur don de Dieu, qu'il faut desirer & demander humblement & ardemment, & s'y preparer tant qu'en nous est par les vertus morales & obseruation de la loy naturelle que i'enseigne icy.

CHAP. V. & dernier.

Response generale aux doutes & plaintes proposées contre le liure de Sagesse, & puis l'argument & sommaire d'iceluy.

IE veux icy pour acheuer & clorre ce liure, & joindre sa fin avec son commencement & preface, respondre en general à ceux qui se plaignent de mon liure de Sagesse, selon que i'en ay peu apprendre, & peut estre encores se plaindront de cestuy petit abbregé, & satisfaire au Lecteur debonnaire & equitable. Ils y trouuent de la hardiesse &

Plaintes
contre
le liure
de Sa-
gesse.

liberté qui les offense, moy ie me plains d'eux, & taxe par tout ceste foiblesse populaire, & delicatesse feminine, cōme indigne & trop tendre pour entendre chose qui vaille, & du tout incapable de Sageſſe. Les plus fortes & hardies propositions ſont les plus ſeantes à l'eſprit fort releué, & ny a rien d'eſtrange à celuy qui ſçait que c'eſt que du monde: c'eſt foiblesſe de s'eſtonner d'aucune choſe, il faut roidir ſon courage, affermir ſon ame & l'aceter à ouyr, ſçauoir entendre, iuger toutes choſes tant eſtranges ſemblent elles (tout eſt ſortable & du gibier de l'eſprit, pourueu qu'il ne manque point à ſoy meſme:) & de meſmes auſſi à ne faire iamais ny ne conſentir qu'aux bonnes & belles, quand tout le monde en parleroit. Ces gens peut eſtre ne ſont capables de l'un ny de l'autre: c'eſt au Sage d'auoir tous les deux. Eſtimer & faire cas de l'Empire & conduite du grand Seigneur: Dire que parmy les Indois, Chinois, Canibales, Turcs, & autres nations qu'ils eſtiment Barbares, il y a de belles loix, polices, couſtumes, mœurs, voire preferables à aucunes des noſtres: Qu'il y a pluſieurs choſes que le peuple eſtime miracles, enchantemens, operation des Demons, qui ſont purement naturelles, artificielles, humaines, effets d'imagination: Que la douleur eſt le ſouuerain & vraiment le ſeul mal: Que la mort, le cocuage, ſterilité d'enfans, pauvreté n'eſt point vraiment & en ſoy mal: Que les actions naturelles ne ſont point de ſoy & naturellement honteuſes: Que la ſcience n'eſt point neceſſaire à la conduite de noſtre vie, enteste & affollit pluſieurs eſprits, ces propositions & autres pareilles les heurtent. Voi-

la pas des esprits bien delicats & bien capables de grandes choses ? Que diroient-ils à de beaucoup plus hardies & estranges, puis qu'ils les appellent ainsi, on les leur proposoit ?

Or à telles gens , outre les sept distinctions, que ie leur ay conté tout au commencement, & ^{2.} Répon-
 preface de ce liuret, que ie ne veux icy redire & ^{so.}
 estendre, & auxquels ils trouueront descouuer-
 tes & soluës leurs fautes & mescontes : voicy ce
 que ie leur dis pour les traicter doucement, &
 les appaiser s'ils en sont capables, c'est qu'en tou-
 testelles choses ie n'y oblige personne, ny ne
 pretends les persuader, bien loing de les dogma-
 tiser : ie les presente seulement & les estalles com-
 me le marchand sur le tablier, qu'on passe sans
 le regarder seulement ie ne m'en soucie, ie ne
 me mets point en colere si l'on ne m'en croid,
 c'est à faire aux Pedans : la passion tesmoigne
 que la raison n'y est pas : Qui se tient par l'une
 à quelque chose, ne s'y tient pas par l'autre, l'une
 ne chasse ou faict place à l'autre. Pourquoi se
 courroucent ces gens icy ; De ce que ie ne suis pas
 en tout & partout de leur aduis ; Ie ne me cour-
 rouce pas de ce qu'ils ne sont pas du mien. De
 ce que ie dis des choses qui ne sont pas de leur
 goust ? Et c'est pourquoy ie les dis : ie ne dis rien
 sans raison s'ils la scauent sentir & gouter : s'ils
 en ont de meilleure qui destruisse la mienne, ie l'es-
 couteray avec plaisir & gratification à qui la dira
 & qu'ils ne pensent me battre d'autorité & alle-
 gation d'autrui, car elle a fort peu de credit en
 mon endroict, sauf en matiere de Religion, où
 seule elle vaut sans raison, c'est là son vray Empire,

comme par tout ailleurs la raison sans elle. Il ne se faut pas esbahir si tous ne sont de mesme aduis, mais bien se faudroit-il esbahir si tous en estoient: il n'y a rien plus seant à la nature & à l'esprit humain que la diuersité. Le Sage diuin nous met tous en liberté par ces mots. **Rom. 14** Que chacun abonde en bon sens, & que personne ne iuge ou condamne celuy qui faict autrement, & est d'aduis contraire, & le dict en matiere biē plus fort chatoillieuse, & qui non seulement consiste en faict & obseruation externe, où nous auons dit qu'il se faut conformer au commun, & à ce qui est prescrit ou coustumier: mais encores en ce qui concerne la religion, sçauoir en l'obseruance des viandes & des iours. Or toute ma liberté & hardiesse, n'est qu'aux pensées, iugemens, opinions, esquelles personne n'a part ny quart, que celuy qui les a chacun en droit loy.

Au reste qui enseigne vne plus grande submission aux loix & aux superieurs, vne plus noble & genereuse probité & vertu, vne plus grande reformation & victoire des passions & des vices, & en fournit plus de moyens & de remedes que ce liure; mais pource que ce n'est pas l'atchement ny Pedantesquement, il n'aggrée pas à aucuns, gens qui tousiours traignent le vêtre par terre. Aussi ie ne parle point à eux ny pour eux: Il n'y a rien si aisé que reprendre & mel'dire, & plusieurs se pensent recōmander en charpentant le nom d'autrui. Parquoy qu'ils me laissent, ou bien qu'ils m'attaquent viuement & ouuertement, ils auront de moy incontinent, ou vne franche confession & acquiescement, ou vn examen de leur impertinence. Au
reste

reste certaines choses qui sembloient à aucuns trop
cruës & courtes, ou rudes & dures pour les simples:
car les forts releuez ont l'estomach assez chaud
pour cuire & digerer tout, ie les ay pour l'amour
d'eux expliqué & addoucy en la seconde editiõ, en
laquelle il y a trois liures. Le premier est tout en la
cognoissance de foy & de l'humaine condition, ce
est traité bien amplement par cinq grandes prin-
cipales considerations, dont chacune en a plu-
sieurs sous foy. Le second contient les regles ge-
nerales de Sagesse, qui sont douze, autant que de
Chapitres, & sont proposées & distinguées en la
Preface dudit Liure: ce sont les principaux traités
& offices du Sage, dont ce petit liure est vn som-
maire & abbrege. Le tiers cõtient les reigles & in-
structions particuliers de Sagesse, & ce par le dis-
cours des quatre vertus principales & morales,
Prudence, Iustice, Force, Temperance, sous les-
quelles est comprise toute l'instruction de la vie
humaine, & toutes les parties du deuoir & de
l'honneste.

F I N.



KKk



EPISTRE, CONTENANT,
 que les fautes qui se commettent au faict
 de la Religion, sont celles qui sont moins
 senties, & plus tard & malaisément corrigées
 & guaries, & que les plus grandes vien-
 nent de n'estimer & ne cognoistre pas Dieu
 comme il faut.



ONSEIGNEUR, ce sont deux
 mots entre autres que ie dis volō-
 tiers en public & priuē, quand ie
 veux noter la fourbe, l'ypocrisie,
 & faulxeté qui se cōmet cōmune-
 ment en la Religion par les faux
 Religieux, desquels le gros de ce monde est cōpo-
 sé. L'un qu'il n'y a fautes en aucun sujet qui soient
 moins senties, & qui plus tard & mal aisément se
 corrigent & guarisēt, que celles qui se cōmettent
 au fait de la Religion. Je parle icy en general. Le
 mōde n'est gueres ou point capable d'amēdemēt,
 & ne quite qu'ēnuis & cōme par force, ce à quoy il
 a vne fois mordu en cestuy tāt noble subiet moins
 qu'en tout autre. C'est ou les remonstrances & re-
 formatiōs sont d'āgereuses & suspectes, & ceux qui
 les entreprennēt courent fortune. Cōbien de cho-
 ses y a-il (sās pour le presēt penetrer plus auāt) que
 l'Eglise n'approuue aucunement *Multa enim tole-
 rat Ecclesia quæ non probat*, que l'ignorāce, l'auarice,
 le zele indiscret, ont introduittes, ou bien sont en-

Aug.

coires des restes du Paganisme, d'où l'on n'a peu-
 dutout separer les peuples, ausquelles si l'on tou-
 che pour les blâmer, l'on crie incontinēt *Haro*, tant
 le peuple, c'est à dire, les esprits populaires de quel-
 que robe, profession, & condition qu'ils soient ;
 est opiniastre à ce qu'il avne fois prins à cœur, il est
 maître de l'observation, & s'en veut faire croire,
 ils pensent qu'en leur ostant ces choses qu'ils ont
 accoustumé de iennesse, que l'on leur enleve aussi-
 quant & quant Dieu, & qu'ils demerrent à sec
 sans Religion : Dont il a semblé à plusieurs qu'il
 n'y faut aucunement toucher, mais laisser le Mou-
 stier où il est, cōme il parle, laisser rouler le mode
 comme il a accoustumé, & se contenter d'en pen-
 ser ce qui en est, que ce n'est raison que les Sages se
 mettent en peine pour les fols opiniastrs. *Mundus Apoc:*
vult decipi, decipiatur, qui sordescit, sordescit adhuc.

Ceste opiniō me semble trop rude & esloignée de
 charité, & y a cōme en toute chose vne mediocri-
 té plus douce qui est de ne forcer ny presser, car il
 n'est loisible n'y dit à tous, *Compellite intrare* ; mais
 tout simplement monstret & proposer le meilleur,
 car il y a tousiours en ce grand nombre quelques-
 uns capables & disposez à suyvre en le leur mon-
 strant seulement au doigt.

Suyvant cet aduis M. ie viens à mon second
 mot qui est que tous les mescontes & fautes qui se
 commettent en la Religion, viennent & fourdent
 de ce que l'on n'estime pas assez Dieu, c'est à dire
 que l'on ne le cognoist pas. Religio est cognoistre
 & servir Dieu. Mais le second depend & suit la
 condition du premier. Si l'on mescognoist Dieu
 & que l'on le prenne pour autre qu'il n'est, comme

faict la plus part du monde, comment le pourra on bien seruir, adorer, aimer, craindre, honorer, prier, invoquer: car toutes ces choses doiuent estre reue-
lées à la cognoissance: Il faudra dire cōme il faut à la plus-part du monde, *Vos nescitis quid adoratis.* Or c'est icy le lieu de s'escrier, où est celuy qui cognoist Dieu, ie dis qui s'essaye & s'estudie à le cognoistre! l'on se peine à le seruir & non à le cognoistre, qui doit marcher le premier, & le seruent sans le cognoistre, c'est pourquoy y a grand danger qu'ils perdent leur peine, & ne l'ent en soit on ny gré ny grace. O que si l'on prenoit autant de peine à bien le cognoistre, que l'on en prend à le seruir tellement qu'ellesment & font souvent mal, la belle chose! Mais à cela il faut l'esprit tout entier, pur & subtil: & à cecy l'on ny fourmilt gueres que le corps, qu'elles pensées & imaginatiōs ie vous prie a l'on de la diuinité? Combien viles, lasches, basses, chetives, & indignes. Mais on ne le cuide pas ainsi, ny l'on ne le sent pas, & comme ils l'imaginent, de mesmes ils en parlent, & le seruent, car on ne peut autrement, cōme a esté dit, donc c'est par là qu'on le cognoist, & qu'on les conuainc de ce qu'ils en pensent & en croyent. Or escoutons tout le monde parler de Dieu, ne diroit-on pas que c'est de quelque petit Iuge de village? Regardons comme ils le seruent, comme ils le traitent & agissent avec luy, tant en public qu'en priuē. Certes vn homme d'honneur & de qualité s'en sentiroit interellé, s'il pouuoit receuoir offense d'autrui (car c'est le priuilege du Sage de ne pouuoir estre blessé) & certes il y auroit bien à penser & à donter si Dieu prenoit plaisir en ces gens icy, & en leur seruice, cōme ils

euident, de quel naturel il deuoit estre. Je ne puis croire qu'eux mesmes voulussent estre ainsi traittez & seruis en leur petit faict. Les vns l'imaginent seuer, cruel, prompt à courroux, difficile à s'appaiser, chagrin, exact, guettant les gens au pas, les prenant au leué, dont ils le redoutent, s'en desfient tremblent, demeurent transis ne pouuās bien s'en assurer: les autres, ou bien ceux là mesmes vn autrefois le croient indulgent, facile, bonasse, sommeillant, & ne soignant les choses que laschement: Aussi se portēt ils enuers luy, assez nonchalamment, les vns doutēt s'il pourra, ou voudra, ou sçaura bien: Pour practiquer & gagner sa bonne grace, ilstiennent diuerses voyes, les vns s'y portent comme enuers vn lasche, foible effeminé, le pensent contenter de mines, le flattent, caressent, mignardent avec des contenances & belles paroles, qu'ils font & disent sans autrement auoir le cœur, pensant que cela vaut, cōme il est nécessaire aussi de soy, & *paye ex opere operato*, & qu'ailleurs la bone pensée seule ne seruiroit de rien: car elle n'apparoist pas, seroit trop sombre & sans bruit & esclat, s'il n'y a du remuēment, nostre cas ne vaulx rien ce nous seroble, seruās ainsi *Secura, & non Deo*. Tant peu y a-il de seruiteurs cordiaux en esprit & verité, dont Dieu les cherche, *Pater tales querit*, à cause de leur rareté. Les autres font à bon escient, & comme s'ils estoient en colere seruent iour & nuit pour esmouuoir & addoucir le plus dur & acéré cœur, sauf que souuent ce n'est pas tout ce que l'on en veut faire croire, car la Religion est le vray champ de l'hypocrisie. Aucuns entrent en marche & en composition avec luy, des au-

tres le pensent gratifier & fort obliger, d'autres encores entreprennent de deguiser, sophistiquer, & faire des fins, tous luy demandent & prellent de choses qu'ils auroient honte d'en parler à vn homme d'honneur, voire à leur amy, des partis cōtraires, & ennemis, chacun le prie à sa faueur & profit, & au desauantage de sa partie, ils croiroient bien d'un homme graue & bien sage, qu'il est tousiours le mesme, ferme, constāt, vniforme, qu'il ne s'esmeut & ne se change pour aucune chose qui tempeste à l'entour de luy, inflexible aux larmes, supplications, presens, menées, submissions, tourmens, tousiours se portant droict selon la Loy & la Religion, mais de Dieu ne le veut pas croire. Bref au lieu d'aller & monter à Dieu pour le cognoistre ils le ravalent, le font venir & s'accommoder à eux, au lieu de se despoiller de toute conception & imagination charnelle & basse, se purifier, subtiliser & eleuer pour auoir accez à la diuinité, ils la enuissent, l'affoublent, & inuestissent de leurs passions & affections propres, & chacun à sa guise la grossissent, & corporalisent, afin de l'approcher à eux mesmes.

A la miennne volonté que tous tels Chrestiens qu'ils sont, voulussent bien remarquer & remarquer le beau & saint & dire de quelques Sages bien que non Chrestiens: Qu'il faut penser & parler de Dieu peu & sobrement, & ce pudiquement, craintivement, vergogneusement, & celui de ce grand Chrestien, Pere, Pasteur & Martyr, qui raisonne les premiers, qu'il est tres dangereux de parler beaucoup de Dieu encores que l'on dise vray, car ils n'en parloient pas, n'y ne se mettoient de le

Arist.
Senec.

S. Ci.
prian.

seruir ainsi promiscuement, indifferemment, legerement & vainement, ny ne resoudroient si affirmatiuement & audacieusement de la diuinité, de la nature & des œuvres de Dieu; violans ainsi par tout sa Majesté. Car ceste tant lasche, & facile frequency d'en parler est d'une part vne espece de prophanation & mespris: Ceste audacieuse & presumptueuse affirmation est vne sorte de blasphemes, la craintive, humble & chaste sobrieté est vn moyen propre de profiter en ceste cognoissance.

I'ay dit cecy tout franchement tant à cause du sujet que ie traicte en ce liure qui est de la diuinité, la cognoissance, les proprietés, & perfections, la prouidence, afin que ce fust vn aduertissement & preparatif à la lecture d'iceluy, que à cause de vous, Monseigneur, qui haïssez toute superstition, bigoterie, hypocrisie, & mocquerie de Dieu, & desirez que le vray, cordial & serieux seruice soit remis, souhait digne d'un grand Prelat cōme vous, mais fort peu en sont capables, C'est vne honte en la Chrestienté qu'estant la plus noble, la plus haute, plus diuine creance du monde, & la plus aduantageuse à l'homme, il s'y soyent meslez & fourrez tant de deguisemens, de petites phantasies humaines, populaires & particulieres, au preiudice de la pureté & simplicité premiere & naifue. C'est que l'on veut trop plaire au peuple: Il seroit expedient que ceux qui parlent à luy en public & en priué luy inculcassent bien ces choses: Mais voicy le mal, ayant eux-mesmes pour la plus-part l'esprit de mesmes, populaire & foible, ils le fomentent & l'entretiennent en cela * *

KKk iij

Ceste Epistre est demeurée imparfaicte, & n'a esté parachenee, parce que l'Auteur d'icelle mourut subitement en la rue de saint Iean de Beauuais, d'une apoplexie de sang qui le suffoqua, le Dimanche 16. Novembre 1603.


F I N.

DISCOVRS
CHRESTIEN,

qu'il n'est permis ny
loisible à vn subiect,
pour quelque cause
& raison que ce soit,
de se liguier, bander
& rebeller contre son
Roy.

*Par P. Charron Parisien, Chantre
& Chanoine Theologal
de Condom.*

M. DC. XXXII.



DISCOVRS CHRESTIEN,

QV'IL N'EST PERMIS AV SV-
jet , pour quelque cause & raison
que ce soit , de se liguier , bander &
rebeller contre son Roy.

*Extrait d'une lettre escrete à un Docteur de la
Sorbonne en Avril 1589. par P. Charron Pa-
risien , Chantre & Chanoine Theologal en
l'Eglise de Condom.*

MAIS ie voudrois bien sçavoir , ce qu'il
vous semble de cetemps: Ceste agita-
tion publique , quand bien les mon-
strueux , horribles, & sanglants ex-
ploicts en feroient hors, ne nous afflige-elle pas ?
par la grace de Dieu quant à mon particulier, i'en
ay bon marché, au regard de tant d'autres. Mais
les secousses & atteintes qu'on reçoit & souffre
mon imagination, sont telles que tout le reste qui
est en moy, en vaut beaucoup moins. Il sēble que
ce n'est pas la rason d'en estre du tout exempt , si
voudroy-ie estre caché en quelque coing , pour
n'entēdre rien qu'aprestout faict, & puis que l'on
m'en fist des comptes. Laissons cela, & venons à
ce qui est de la conscience. Je me confesseray à
vous, & diray tout franchemēt ce qui m'en sēble.

Vn temps a esté que ie marchandois d'estre de la Ligue, & y ay mis vn pied dedans. Car en verité ie n'e suis iamais du tout, ny resolumēt, voire leurs actions m'ont outrēmēt offensé. Ce qui m'y auoit pouillé, estoit principalement le faict de Blois, qui m'a fort affligé, non pour autre raison, que pour le defaut, que ie trouuois en la maniere & procedure de l'execution. Or ce grand boüillon de colere & indignation estant aucunement refroidy, & là dessus ayant ouy parler des gens de toutes sortes, consultant à par moy souuent de ce qu'en conscience il en faut tenir & en croire, en fin ie me suis apperceu le bien changé. Car i'ay trouué premieremēt douteux, puis mauvais, finalement horrible & abominable, ce qui auparauant me sembloit non seulement tolerable, mais bon & expedient, & suis venu à auoir grosse honte de moy mesme, pitié & compassion des autres, que ie voyois encores tremper en mon erreur. Et recherchant pourquoy ie m'estois ainsi égaré, veu que ie sçauois biē auparauant, tout ce qui m'a faict reuenir & me deuidre, i'ay trouué que c'estoit la passion & la rage, & que i'auois esté en quelque opinion de Ligue, i'estois tousiours comme en colere, en fievre & émotion continuē, dont i'ay bien appris à mes despens, qu'il est impossible d'estre esmeu & sage tout ensemble. Le commencement de mon rauillement est venu d'vne sentence du bon Casiodore qui dit : *Nullam facis iustam causam videri posse, aduersus patriam arma capiendā*, qui m'est reuenue en memoire. Ie ne veux point icy plaider la cause du Roy, n'y entrer en accusation & iustification du Roy & de la Ligue, force petits li-

comme par tout ailleurs la raison sans elle. Il ne se faut pas esbahir si tous ne sont de mesme aduis, mais bien se faudroit-il esbahir si tous en estoient: il n'y a rien plus seant à la nature & à l'esprit humain que la diuersité. Le Sage diuin nous met tous en liberté par ces mots. **Rom. 14** Que chacun abonde en bon sens, & que personne ne iuge ou condamne celuy qui faict autrement, & est d'aduis contraire, & le dict en matiere biē plus fort chatoillieuse, & qui non seulement consiste en faict & obseruation externe, où nous auons dit qu'il se faut conformer au commun, & à ce qui est prescrit ou coustumier: mais encores en ce qui concerne la religion, sçauoir en l'obseruance des viandes & des iours. Or toute ma liberté & hardiesse, n'est qu'aux pensées, iugemens, opinions, esquelles personne n'a part ny quart, que celuy qui les a chacun en droit soy.

Au reste qui enseigne vne plus grande submision aux loix & aux superieurs, vne plus noble & genereuse probité & vertu, vne plus grande reformation & victoire des passions & des vices, & en fournit plus de moyens & de remedes que ce liure; mais pource que ce n'est pas l'atchement ny Pedantesquement, il n'aggrée pas à aucuns, gens qui tousiours traignent le verre par terre. Aussi ie ne parle point à eux ny pour eux: Il n'y a rien si aisé que reprendre & meldire, & plusieurs se pensent recomander en charpentant le nom d'autrui. Parquoy qu'ils me laissent, ou bien qu'ils m'attaquent viuement & ouuertement, ils auront de moy incontinent, ou vne franche confession & acquiescement, ou vn examen de leur impertinence. Au
reste

reste certaines choses qui sembloiēt à aucuns trop cruës & courtes, ou rudes & dures pour les simples: car les forts releuez ont l'estomach assez chaud pour cuire & digerer tout, ie les ay pour l'amour d'eux expliqué & addoucy en la seconde editiō, en laquelle il y a trois liures. Le premier est tout en la cognoissance de foy & de l'humaine condition, ce est traicté bien amplement par cinq grandes principales considerations, dont chacune en a plusieurs sous foy. Le second contient les regles generales de Sagesse, qui sont douze, autant que de Chapitres, & sont proposées & distinguées en la Preface dudit Liure: ce sont les principaux traicts & offices du Sage, dont ce petit liure est vn sommaire & abbrege. Le tiers cōtient les reigles & instructions particuliers de Sagesse, & ce par le discours des quatre vertus principales & morales, Prudence, Iustice, Force, Temperance, sous lesquelles est comprise toute l'instruction de la vie humaine, & toutes les parties du deuoir & de l'honneste.

F I N.



KKk



EPISTRE, CONTENANT,
*que les fautes qui se commettent au fait
 de la Religion, sont celles qui sont moins
 senties, & plus tard & malaisément corrigées
 & guaries, & que les plus grandes vien-
 nent de n'estimer & ne cognoistre pas Dieu
 comme il faut.*



MONSEIGNEUR, ce sont deux
 mots entre autres que ie dis volon-
 tiers en public & privé, quand ie
 veux noter la fourbe, l'ypocrisie,
 & fausseté qui se cōmet cōmune-
 ment en la Religion par les faux
 Religieux, desquels le gros de ce monde est cōpo-
 sé. L'un qu'il n'y a fautes en aucun sujet qui soient
 moins senties, & qui plus tard & mal aisément se
 corrigent & guarissēt, que celles qui se cōmettent
 au fait de la Religion. Je parle icy en general. Le
 mōde n'est gueres ou point capable d'amēdemēt,
 & ne quite qu'ēnuis & cōme par force, ce à quoy il
 a vne fois mordu en cestuy tāt noble subiet moins
 qu'en tout autre. C'est ou les remonstrances & re-
 formatiōs sont dāgereuses & suspectes, & ceux qui
 les entreprennēt courent fortune. Cōbien de cho-
 ses y a-il (sās pour le presēt penetrer plus auāt) que
 l'Eglise n'approuue aucunement *Multa enim tole-
 rat Ecclesia quæ non probat*, que l'ignorāce, l'auarice,
 le zeile indiscret, ont introduites, ou bien sont en-

coires des restes du Paganisme, d'où l'on n'a peu-
 durtout separer les peuples, ausquelles si l'on tou-
 che pour les blâmer, l'on crie incontinēt *Haro*, tāt
 le peuple, c'est à dire, les esprits populaires de quel-
 que robbe, profession, & condition qu'ils soient ;
 est opiniastre à ce qu'il avne fois prins à cœur, il est
 maistre de l'observation, & s'en veut faire croire,
 ils pensent qu'en leur ostant ces choses qu'ils ont
 accoustumé de ieunesse, que l'on leur enleve aussi-
 quant & quant Dieu, & qu'ils demerrent à sec
 sans Religion : Dont il a semblé à plusieurs qu'il
 n'y faut aucunement toucher, mais laisser le Mou-
 stier où il est, cōme il parle, laisser rouler le mōde
 comme il a accoustumé, & se contenter d'en pen-
 ser ce qui en est, que ce n'est raison que les Sages se
 mettent en peine pour les fols opiniastres. *Mundus Apoc:*
vult decipi, decipiatur, qui sordescit, sordescat adhuc.
 Ceste opiniō me semble trop rude & estongnée de
 charité, & y a cōme en toute chose vne mediocri-
 té plus douce qui est de ne forcer ny presser, car il
 n'est loisible n'y dit à tous, *Compellite intrare* : mais
 tout simplement monstrier & proposer le meilleur,
 car il y a tousiours en ce grand nombre quelques-
 uns capables & disposez à suyvte en le leur mon-
 strant seulement au doigt.

Suivant cet aduis. M. ie viens à mon second
 mot qui est que tous les mescontes & fautes qui se
 commettent en la Religion, viennent & sourdent
 de ce que l'on n'estime pas assez Dieu, c'est à dire
 que l'on ne le cognoist pas. Religio est cognoistio
 & servir Dieu. Mais le second depend & suit la
 condition du premier. Si l'on mescognoist Dieu
 & que l'on le prenne pour autre qu'il n'est, comme

faict la plus part du monde, comment le pourra on bien seruir, adorer, aimer, craindre, honorer, prier, invoquer: car toutes ces choses doiuent estre reue- lées à la cognoissance. Il faudra dire cōme il faut à la plus-part du monde, *Vos nefecitis quid adoratis.* Or c'est icy le lieu de s'escrier, où est celuy qui cognoist Dieu, ie dis quis s'essaye & s'estudie à le cognoistre, l'on se peine à le seruir & non à le cognoistre, qui doit marcher le premier, & le seruent sans le cognoistre, c'est pour quoy y a grand danger qu'ils perdent leur peine, & ne l'ont en scay on ny gré ny grace. O que si l'on prenoit autant de peine à bien le cognoistre, quel'on en prend à le seruir tellement quellement & fort souuent mal, la belle chose! Mais à cela il faut l'esprit tout entier, pur & subtil, & à cecy l'on ny fournist gueres que le corps, qu'elles pensées & imaginatiōs ie vous prie a l'on de la diuinité? Combiē viles, lafches, basses, chetives, & indignes. Mais on ne le cuide pas ainsi, ny l'on ne le sent pas, & comme ils l'imaginent, de mesmes ils en parlent, & le seruent, car on ne peut autrement, cōme a esté dit, donc c'est par là qu'on le cognoist, & qu'on les conuainc de ce qu'ils en pensent & en croyent. Or escoutons tout le monde parler de Dieu, ne diroit-on pas que c'est de quel que petit Iuge de village? Regardons comme ils le seruent, comme ils le traitent & agissent avec luy, tant en public qu'en priue. Certes yn homme d'honneur & de qualité s'en sentiroit interellé, s'il pouuoit receuoir offense d'autruy (car c'est le priuilege du Sage de ne pouuoir estre blessé) & certes il y auroit bien à penser & à douter si Dieu prenoit plaisir en ces gens icy, & en leur seruice, cōme ils

euident, de quel naturel il deuoit estre. Je ne puis croire qu'eux mesmes voulussēt estre ainsi traittez & seruis en leur petit faict. Les vns l'imaginent seuer, cruel, prompt à courroux, difficile à s'appaiser, chagrin, exact, guettant les gens au pas, les prenant au leuē, dont ils le redoutent, s'en défient tremblent, demeurent transis ne pouuās bien s'en assurer: les autres, ou bien ceux là mesmes vn autrefois le croient indulgent, facile, bonasse, sommeillant, & ne soignant les choses que laschement: Aussi se portēt ils enuers luy assez nonchalamment, les vns doutēt s'il pourra, ou voudra, ou sçaura bien: Pour practiquer & gagner sa bonne grace, ils tiennent diuerses voyes, les vns s'y portent comme enuers vn lasche, foible effeminé, le pensent contenter de mines, le flattent, caressent, mignardent avec des contenance & belles paroles, qu'ils font & disent sans autrement auoir le cœur, pensant que cela vaut, cōme il est necessaire aussi de soy, & paye *ex opere operato*, & qu'au rebours la bōne pensēc seule ne seruiroit de rien: car elle n'apparoist pas, seroit trop sombre & sans bruit & esclat, s'il n'y a du remuēment, nostre cas ne vaulx rien ce nous seroble, seruās ainsi *Secundum non Deo*. Tant peu y a-il de seruiteurs cordiaux en esprit & verité, dont Dieu les cherche, *Pater tales querit*, à cause de leur rareté. Les autres font à bon escient, & comme s'ils estoient en colere se ruent iour & nuict pour esnouuoir & addoucir le plus dur & acéré cœur, sauf que souuent ce n'est pas tout ce que l'on en veut faire croire, car la Religio est le vray champ de l'hypocrisie. Aucuns entrent en marché & en composition avec luy, les au-

tres le pensent gratifier & fort obliger, d'autres encores entreprennent de deguiser, sophistiquer, & faire des fins, tous luy demandent & prellent de choses qu'ils auroient honte d'en parler à vn homme d'honneur, voire à leur amy, des partis cōtraires, & ennemis, chacun le prie à sa faueur & profit, & au desauantage de sa partie, ils croiroient bien d'un homme graue & bien sage, qu'il est tousiours le mesme, ferme, constāt, vniforme, qu'il ne s'esmeut & ne se change pour aucune chose qui tempeste à l'entour de luy, inflexible aux larmes, supplications, presens, menées, submissions, tourmens, tousiours se portant droict selon la Loy & la Religion, mais de Dieu ne le veut pas croire. Bref au lieu d'aller & monter à Dieu pour le cognoistre ils le rabaissent, le font venir & s'accommoder à eux, au lieu de se despoillier de toute conception & imagination charnelle & basse, se purifier, subtiliser & esleuer pour auoir accez à la diuinité, ils la coiffent, l'affoublent, & inuestissent de leurs passions & affections propres, & chacun à sa guise la grossissent, & corporalisent, afin de l'approcher à eux mesmes.

A la mienne volonté que tous tels Chrestiens qu'ils sont, voulussent bien remarquer & remascher le beau & saint dire de quelques Sages bien que non Chrestiens: Qu'il faut penser & parler de Dieu peu & sobrement, & ce pudiquement, craintivement, vergogneusement, & celui de ce grand Chrestien, Pere, Pasteur & Martyr, qui raisonne les premiers, qu'il est tres dangereux de parler beaucoup de Dieu encores que l'on dise vray, car ils n'en parloient pas, n'y ne se mesleront de le

Arist.
Senec.

S. Ci-
prian.

seruit ainsi promiscuement, indifferemment, legerement & vainement, ny ne resoudroient si affirmatiuement & audacieusement de la diuinité, de la nature & des œuvres de Dieu; violans ainsi par tout sa Majesté. Car ceste tant lasche, & facile frequency d'en parler est d'une part vne espece de prophanation & mespris: Ceste audacieuse & presumptueuse affirmation est vne sorte de blasphemes, la craintive, humble & chaste sobriété est vn moyen propre de profiter en ceste cognoissance.

I'ay dit cecy tout franchement tant à cause du sujet que ie traicte en ce liure qui est de la diuinité, la cognoissance, les proprieté, & perfection, la prouidence, afin que ce fust vn aduertissement & preparatif à la lecture d'iceluy, que à cause de vous, Monseigneur, qui haïssez toute superstition, bigoterie, hypocrisie, & mocquerie de Dieu, & desirez que le vray, cordial & serieux seruice soit remis, souhait digne d'un grand Prelat cōme vous, mais fort peu en sont capables, C'est vne honte en la Chrestienté qu'estant la plus noble, la plus haute, plus diuine creance du monde, & la plus aduantageuse à l'homme, ils s'y soyent meslez & fourrez tant de deguisemens, de petites phantasies humaines, populaires & particulieres, au preiudice de la pureté & simplicité premiere & naïue. C'est que l'on veut trop plaire au peuple: Il seroit expedient que ceux qui parlent à luy en public & en priué luy inculcassent bien ces choses: Mais voicy le mal, ayant eux-mesmes pour la plus-part l'esprit de mesmes, populaire & foible, ils le fomentent & l'entretiennent en cela

Ceste Epistre est demeurée imparfaicte, & n'a esté parachenee, parce que l'Authcur d'icelle mourut subitement en la rue de saint Iean de Beauvais, d'une apoplexie de sang qui le suffoqua, le Dimanche 16. Novembre 1603.

F I N.

DISCOVRS
CHRESTIEN,

qu'il n'est permis ny
loisible à vn subiect,
pour quelque cause
& raison que ce soit,
de se liguier, bander
& rebeller contre son
Roy.

*Par P. Charron Parisien, Chantre
& Chanoine Theologal
de Condom.*

M. DC. XXXII.

Vn temps a esté que ie marchandois d'estre de la Ligue, & y ay mis vn pied dedans. Car en verité ie n'e suis iamais du tout, ny resolumét, voire leurs actions m'ont outrémét offensé. Ce qui m'y auoit pouillé, estoit principalement le faict de Blois, qui m'a fort affligé, non pour autre raison, que pour le défaut, que ie trouuois en la maniere & procedure de l'execution. Or ce grand botiillon de colere & indignation estant aucunement refroidy, & là dessus ayant ouy parler des gens de toutes sortes, consultant à par moy souuent de ce qu'en conscience il en faut tenir & en croire, en fin ie me suis aperceu le bien changé. Car i'ay trouué premieremét douteux, puis mauvais, finalement horrible & abominable, ce qui auparauant me sembloit non seulement tolerable, mais bon & expedient, & suis venu à auoir grosse honte de moy mesme, pitié & compassion des autres, que ie voyois encores tremper en mon erreur. Et recherchant pourquoy ie m'estois ainsi égaré, ven que ie scauois bien auparauant, tout ce qui m'a faict reuenir & me delidre, i'ay trouué que c'estoit la passion & la rage, & que i'auois esté en quelque opinion de Ligue, i'estois tousiours comme en colere, en fievre & émotion continuë, dont i'ay bien appris à mes despens, qu'il est impossible d'estre esmeu & sage tout ensemble. Le commencement de mon rauissement est venu d'une sentence du bon Castiodore qui dit : *Nullam facis iustam causam videri posse, aduersus patriam arma capiendâ*, qui m'est reuenue en memoire. Ie ne veux point icy plaider la cause du Roy; n'y entrer en accusation & iustification du Roy & de la Ligue, force petits li-

utres courent par tout cela. I'en ay veu quelques vns, par tout il me semble que l'on peut adionster, & aux accusations & aux iustifications, tellement que le procès n'y est pas tout. Mais ie veux que tout ce que dit la Ligue du Roy soit vray: combien que tout ce qu'ils alleguent contre luy, soit ou calomnie, ou pure imposture, ou bien coniectures & diuinations pour l'aduenir, surquoy il ne seroit pas seulement permis de faire le procez au plus malôtru du monde, & qui fust le plus abominable qui ait iamais esté, & que l'on puisse imaginer. Que veut-on, que peut-on, conclure de cela? Qu'il est permis ou loisible aux François de se fleuer avec main armée contre luy? *Per quam regulam* celà: y a-il loy, reigle, decision, exemple, sentence qui serue à cela? Parlons serieusement en conscience comme deuant Dieu: car ie iure & proteste que ie n'ay autre consideration. Je trouue trois poincts de doctrine en l'Escripture sainte, touchant cette matiere, d'obeyr ou desobeir, aux Souuerains. *Primo*, nous auons commandement tres-exprés d'obeyr aux Rois, Rom. 13. adressant à tous generalement: *Omnis anima potestatibus sublimioribus subdita sit.* Et ce avec deux additions bien notables pour le present, l'une d'obeyr à tous, tant bons que niefchans: car en matiere d'obeyssance, la bonté ou malice du Superieur ne vient aucunement en consideration, ny ne doit aduancer, ou retarder, eschauffer, ou refroidir le subiect à obeyr: car le commandement & l'obligation d'obeyr, est fondé sur ce qui est de Dieu, sçauoir sur son ordonnance, & non sur ce Rom. 13. qui est de l'Homme: *Non est potestas nisi à Deo, & po-*

restas à Deo ordinata est, itaque qui potestati resistit Dei ordinationi resistit. En disant toute puissance estre de Dieu, il n'en excepte, n'y n'en exclud pas vne, disant estre l'ordonnance de Dieu, il defend de baisser les yeux sur les merites ou demerites, valeur, bonté, indignité des personnes. Ce n'est pas raison que le deffaut des hommes rabate rien de l'inuention, & del'ordonnance de Dieu. Apres celà, les exemples de Nabuchodonosor, Saül, de Cesar, en sont si exprez. Alleguer la tyrannie, meschanceté, insuffisance, nonchalance des Roys, c'est les dire meschans, mais ils ne laissent pas d'estre vrayes Roys. Or il leur faut obeyr, non pource qu'ils sont bons, mais pour ce qu'ils sont vrayes, c'est à dire, legitimes, car il faut bien en toutes choses sçauoir distinguer entre vray, & bon, faux, & meschant. Le Fils de Dieu dit bien que l'on se garde des faux Prophetes, mais non pas des meschans. Ce ne seroit iamais fait, il faudroit sortir de ce monde. Au contraire il veut que l'on obeyse aux meschans, tels qu'estoient les Scribes & Pharisiens qui estoient meschans tout à fait, mais pource qu'ils estoient vrayes & assis en la chaire de Moÿse, le Fils de Dieu commande de leur obeyr. L'autre addition est que l'obeyssance leur soit renduë, non pour consideration politique humaine, comme pour la necessité, *quasi malum sit necessarium*, ou pour l'vtilité qui en reuient à la société humaine, ou pour euer les troubles & malheurs qui en attriuctoient, si l'on vouloit desobeyr & remuer rien en l'Estat : Mais pour consideration spirituelle & conscientieuse. *Non solum propter iram*, dit saint Paul, *sed etiam pro-*

Matt. 7.

Rom. 13

*per conscientiam. Et vn peu deuant il auoit dit Qui
 resistunt, ipsi ibi damnationem acquirunt.* Voyla le
 premier point qui contient le commandement
 d'obeyr, tres-expres, tres general, tres ample &
 bien étoffé. Mais ce commandement est-il si ab-
 solu qu'il n'y ait aucune exception; N'y a il ia-
 mais lieu de desobeyr? S'y a: & voicy le second
 point. L'Escripture sainte enseigne de n'obeyr
 point: mais c'est en vn seul certain cas: c'est
 quand ils commandent choses contraires à Dieu.
 Comment, dis-je? Car viuent, pensent, disent,
 font les souverains ce qu'ils voudront contre
 Dieu, nature, & toute loy, cela tombe sur leurs
 coffres: ce n'est pas au subiect d'y regarder: c'est
 crime d'en parler, & d'en mesdire. Qu'elle au-
 dace, qu'elle rage de controller, iuger, condam-
 ner les actions, deportemens de son Souuerain? il
 n'est pas permis de le faire à l'endroit de son pro-
 chain, de son compagnon, l'Escripture le deffend.
 Veut-on auoir plus d'autorité & de droit sur
 son Roy, que le Roy n'en exerce sur ses subiects?
 Il ne va pas voir ny fureter aux cabinets. Cela est
 tres-digne de la malediction de Cham, & de
 Chanaam, de descouurir & publier les hontes
 de son Superieur, de son Roy: mais quand non
 contens de viure, faire, & dire, ils veulent enco-
 res par Edicts & Ordonnances, par commande-
 mens expres & par force contraindre leurs su-
 jets à faire choses contraires à Dieu, lors & en
 ce cas cesse leur superiorité, & leur puissance, qui
 subakene à celle de Dieu, comme ils le reco-
 gnoissent, sedisans Roys par la grace de Dieu.
 Dieu est leur superieur, Dieu est le premier &

Matt. 7.

Rom. 1.

& 14.

Rom. 1.

Rom. 1.

plus ancien creancier, auquel nous sommes plutost obligez, & d'une plus estoitte obligation, à qui nous devons plutost payer & satisfaire: & l'on n'obeyt aux Roys, que pour obeyr à Dieu qui le commande, & les ainstalez: en tels cas la parole de Dieu nous dispense de leur obeir, disant qu'il faut plutost obeyr à Dieu qu'aux hommes. Et nostre Sauueur dit, qu'il ne faut point craindre ceux qui ont puissance sur le corps, & n'en ont point sur l'ame: mais bien celuy qui a puissance sur tous les deux. Mais aussi ne faut-il pas oublier, que cōbien qu'ils commandent choses contraires à Dieu, & qu'en cela il ne leur faille obeyr, si ne laissent-ils pas d'estre vrayes Roys, retenir leur puissance, & autorité, & quel'obeyssance ne leur soit deuë en toute autre chose. Iulian l'Apostat persecutant la Chrestienté, de laquelle il auoit fait profession, & sous le titre de laquelle il estoit entré en possession de l'Empire, fut reconnu vray Empereur, & obey des Chrestiens en la guerre, & toutes autres choses, sauf le renoncement de leur religion, comme disent saint Ambroise & saint Augustin & l'histoire le discourt assez, & n'est receuable, ce qu'aucuns disent que les Chrestiens pour lors n'estoient assez forts pour s'en faire croire. C'est par trop ignorer del'histoire: L'armée, les legions Romaines, voire *totus orbis Romanus*, estoient lors Chrestiens: Que s'il y auoit encores quelque Payé de reste, ce n'estoit pas de cent vn. Les chefs principaux & grands Capitaines estoient Chrestiens, comme il se monstre apres sa mort, que sans aucune dispute ne difficulté, l'Empire fut unanimemēt baillées à vn Chrestien, Iouian qui auoit

A. 8. 5.

Mat. 10.

11. 9. 3.

C. Iulianus.

esté grand, & comme le premier auprès de Iulian. Mais que diront-ils des Empereurs qui sont venus depuis? & ont esté heretiques? comme Valens, Zenon, Leon Isaurique, Arriens, Anastase, Eutichien, & autres qui persecutans les Catholiques, ont toutesfois esté recognus Empereurs, & obeys des Catholiques sans dispute ny contredit? Mais ce n'est pas assez de dire qu'il ne leur faut obeyr: car il n'en faut pas demeurer là: il faut sçavoir ce qu'il conuient faire, & apprendre les remedes licites, iustes & legitimes en tels cas, ou en telle extremite. Voicy le troisieme point. Je trouue que l'Ecriture nous en baille deux, *Fugere aut patri*; de troisieme ie n'en trouue point, l'un de ces remedes est de guerpir, s'enfuyr, quitter le pays, & la terre. L'autre de souffrir & endurer toutes choses. Le fils de Dieu nous a enseigné tous les deux, & de parole & de faict. Si l'on vous persecute en vne ville, fuyez en vne autre: Vous estes bien heureux si vous souffrez pour mon nom? Ainsi ont faict les gens de bien, ainsi le maistre. Ce n'est pas raison que le seruiteur & le disciple en ayent meilleur compte. Le troisieme est de ne s'enfuyr, ny endurer, ou attendre le coup, mais de s'en faire à croire par voye de faict, de s'esleuer avec armes. Où est il escrit? que toute la Sorbonne, que toute la Ligue ensemble, me le monstre si elle peut. Or il est aysé de monstrier le contraire. Nabuchodonosor & Cæsar, outre qu'ils estoient tous deux idolatres, ils n'estoyent point vrayz & legitimes Roys par la voye ordinaire, mais estrangers, vsurpateurs, qui par force d'armes auoyent empieté, & enuahy

& enuahy le pays d'Israel, Roy de faict, & non de droict: toutesfois il est commandé d'obeyr à Nabuchodonosor. Et en Ieremie 27. sont appellez faux Prophetes, tous ceux qui vouloient persuader au peuple de luy obeyr. Et est commandé par nostre Sauueur de rendre à Cesar ce qui est à luy. Et saint Paul appella à Cesar, qui estoit Neron, le plus meschant & malheureux qui iamais nasquit de femme. Tout cela est bien loing de se rebeller. Les exemples susdits de Iulian l'Apostat, & autres Empereurs heretiques aussi monstrent bien le contraire. Il est permis de n'obeyr pas, & ce en vn certain cas seulement, mais se rebeller & vser de voyes de faict iamais. Entre n'obeyr pas, & guerroyer contre, il y a vn bien grand pais, comme entre obmission, & commission, entre l'enfant qui n'obeyst pas à son pere, qui luy commande de tuer sa mere, & l'enfant qui veut couper la gorge à son pere, & le persecute à outrance. O excellence de l'Euangile! O pureté de la Doctrine Chrestienne, qui nous donne vn si bon & doux temperamēt en des extremités si pressées & desesperées vn expedient si propre, que tout se sauue sans violence, tant cōtraire à la charité de mansuetude Chrestienne. Il n'y a point d'antinomie en l'Euangile: Les commandemens d'obeyr à Dieu: ne resister aux souuerain, ne s'entre empescher pour Dieu & le Roy, sont-ils contraires; le deuoir & la force se heurtent-ils? il y a bon remede, qui est en la main d'vn chacun, sans rien rompre. Estu foible de reins? va t'en, retire toy: la terre est au Seigneur, l'ose va bien pourmener pour plus legeres causes: fay place à l'ire, à la force, & sauue toy avec Dieu. As-

72 DISCOVRS CHRESTIEN.

tu bon cœur? iamaie chose ne vient plus à propos
 fay sacrifice à Dieu & tout ce que tu as, & de toy-
 mesmes. Fay d'une pierre deux coups, voire trois:
 haste toy de payer le tribut à nature, ensemble
 pour ta dernière main; fay vn notable service à
 Dieu; & vn tres-grand profit & perpetuel pour
 toy. Voyla la doctrine du Fils de Dieu. Or sus
 donc ie le tranche plus court que tous les autres
 qui disputant, nient, excusent, conuient, iustifient,
 & plaident au long, ie dis en vn mot. Quand bien
 tout ce que la Ligue dit seroit vray, ce que non, &
 encores pis que tout cela: si est-ce que iamaie pour
 quelque cause que ce soit, il n'est permis ny loisi-
 ble d'vser de voye de faict contre son Souuerain;
 ains c'est chose meschante, maudite, & pernicieuse.
 Maintenant qu'elle seuerité en leur cōscience peu-
 vent auoir tous ceux de la Ligue, d'estre ainsi fu-
 rieux contre leur Roy vray, naturel & legitime:
 quand bien il seroit tout tel qu'ils le depeignent.
 Ie dis donc qu'il n'y a point de Paradis pour ceux
 qui font contre le Roy; & mourant en cest estat,
 quand il n'y auroit autre chose à redire en eux, ils
 emportent avec eux leur condamnation: & pour
 le surpois & engregement d'icelle, ils participent
 à tous les meurtres, trahisons, voleries, scandales,
 & meschancetez qui se commettent de toutes
 parts, dont ils sont cause.

F I N.

DISCOVERS
CHRESTIEN,
sur la benediction
donnée par Isaac à
Iacob son fils puisné,
pensant la donner à
Esau son aîné.

*Par P. Charron Parisien, Chantre
& Chanoine Theologal
de Condom.*

M. DC. XXXII.

29V00210

MS 115.1.42

no: Biblenc. 115.1.42

1. 115.1.42

115.1.42

115.1.42

115.1.42

115.1.42

115.1.42

115.1.42

115.1.42

115.1.42

115.1.42

115.1.42

115.1.42

115.1.42



LA ROYNE DESIRE
sçauoir de Monsieur CHA-
RON la resolution de ceste
question.



*Pourquoy Isaac benissant son
fils Iacob en intention de benir
Esau, la benediction ne reussit
sur Esau, encorés qu'elle fust
sur la personne de Iacob, d'au-
tant que c'estoit frauduleuse-
ment. & Isaac fut trompé, & Iacob mesme se
confessoit estre Esau: voyla l'intention de celuy
qui donne, & la fraude de celuy qui prend.*

*La Glose ordinaire dict, que les fruiets de la
benediction procedent de Dieu, & non de la
personne de laquelle Dieu se sert pour la donner:
mais ceste raison ne contente point l'esprit de la
Royne.*

*Partant plaira à Monsieur Charron le
discourir en peu curieusement.*

DISCOURS CHRESTIEN SUR
la benediction donnée par Isaac à Jacob son fils
puîné, pensant la donner à Esau son aîné.

IL semble qu'en l'histoire écrite au Genese chap. 27. de la benediction d'Isaac donnée à ses enfans Esau & Jacob, il y a lieu de s'esbahir, douter, & demander; Pourquoy la benediction du pere Isaac & le fruit d'icelle apporté & posé sur Jacob le puîné & non sur Esau l'aîné; car il semble par toute bonne raison qu'au rebours elle deuoit porter sur Esau. Premièrement, selon le droit de nature, & le droit coustumier elle appartenoit à Esau, pource qu'il estoit l'aîné. La volonté & intention du pere conforme auxdits droits, a tousiours esté de la donner à Esau, comme il a tres expressement déclaré. Outre & par dessus tout cela, le puîné Jacob n'a receu la benediction qu'au nom & sous la personne, l'habillement, & declaration par luy faite qu'il estoit Esau, tellement que quand il y auroit doute de la volonté du pere, ce que non, encores la façon & declaration discrettement faite par Jacob, en vertu de laquelle il a receu ladicte benediction conuainq, que la benediction appartient à Esau, & qu'il se galoit ne faisoit que tenir la place & seruir de Procureur à son frere Esau, respondant & stipulant pour luy. Et n'est pas raisõ que la particuliere affection de la mere (qui ordinairement s'accõmode au dernier plus foible & qui mieux lui ressemble) enuers Jacob, moins encores la ruse & la fraude de laquelle elle vsa, substituant Jacob

au lieu d'Esau, ny la menterie de Jacob & imposture de ses mains veluës, pour tromper le bon homme de pere Isaac, doive preualoir & deroguer à tous ses droicts & raisons: voire plustost semble iniustice que telle fraude & imposture, mesmement faite au temps qu'Esau estoit actuellement occupé au service de son pere, & estoit en action d'obeissance, soit recompensée de tel loyer: car plustost elle merite, quand la benediction luy eust appartenu par quelque droict qu'elle luy fust déniée, & qu'il en fust debouté pour auoir voulu, & essayé d'y paruenir par moyens illicites, mentant & trompant, son pere & son aîné, auxquels il deuoit honneur & respect. Et ne sert rien de dire qu'Esau auparauant auoir vendu à son frere Jacob son droict d'ainesse pour vn partage, car ce n'estoit qu'un marché fait, entre les freres, lequel (outre qu'il n'estoit honneste ny licite, avec trop enorme lesion, & duquel Esau deuoit estre releué) ne pouuoit empescher ny troubler la volōté & libre disposition du pere Isaac, lequel n'estoit tenu de s'arrester aux conuentions particulieres de ses enfans, & au pis aller Jacob s'il se fust voulu seruir & preualoir de ce marché & vente à luy faite par son frere, il le deuoit alleguer à son pere, pour l'induire à luy donner la benediction: ce qui eust esté beaucoup moins impertinent, que de le surprendre & mentir. Mais il se presente encores icy vn autre doute, c'est que le pere Isaac scachant apres la tromperie & surprise qui luy auoit esté faite par Jacob, il n'a point reparé ceste faute & mesconte, ny déclaré que sa benediction appartenoit vrayement à Esau, (car c'estoit son intention) &

non à Jacob, ains au rebours il a dit à Esau se plaignant du tort & surprise qui luy auoit en cela esté faicte par son frere, qu'il auoit donné sa benediction à Jacob, & qu'il demeueroit benist & iouy l'ant du fruit d'icelle.

Prepara-
rauoire
à la res-
ponse.

Pour respondre à tous ces doubtes, & ensemble bien entendre le ressort & le fond de cest affaire, il faut auoir recours à la reigle de Theologie donnée par saint Augustin, & receuë en l'Eglise, qui porte, que quand en la vie & aux faits des Saints il se trouue quelque chose estrange qui heurte les loix, les bonnes mœurs, ou la raison naturelle, il faut croire qu'il y a quelque mystere caché, & que c'est vn ressort plus haut & plus fort que l'ordinaire, qui meut, & faict iouïr les cordes, auquel il faut que la nature & l'humanité cede & serue. Laquelle reigle est d'autant plus volontiers & facilement receuable en ce fait qu'il n'y a aucun doute ny peine d'entrouuer le mystere, estant reuelé dès auparauant, contenu & exprimé dedans le corps de l'histoire, dont n'y aura lieu de soupçonner qu'il soit subtilement inuenté, ou deuiné (comme il faut en plusieurs autres lieux) pour eschapper de ce pas difficile, ou pour abuser de ladicte reigle. Entendons bien l'histoire.

Dis-
cours
de l'hi-
stoire.
Gen. 25.

Rebecca femme d'Isaac estant sterile conceut par grace diuine, & deuenue eueinte de ses deux gemeaux Esau & Jacob les sentant s'entrepousser & heurter en son ventre, en fut en grand esmay, disant que ainsi valoit-il autant n'estre point, ou bien n'auoir iamais conceu. Et sur ce consulta le Seigneur, & luy fut respondu qu'il y auoit deux peuples & nations (c'est à dire, deux

enfants qui seroient chefs de deux peuples) en son ventre, qui s'entre feroient la guerre, que l'un seroit maistre de l'autre, & que le plus grand & l'ainé seruiroit au moindre. Par ceste reuelatiō le pere & la mere (toutesfois il n'est point certain par l'histoire que ladicte reuelation soit venuë à la notice du pere) furent suffisamment aduertis que contre le droict naturel & coustumier, & par vne extraordinaire ordonnance de Dieu, le puisné Iacob seroit le maistre d'Esau, & qu'ainsi l'ainé selon la chair, seroit le puisné selon l'esprit, qui estoit figure que le peuple Gentil auroit l'aduātage & la prerogatiue aux promesses & graces de Dieu, par dessus le Iuif l'ainé. Deslors la mere Rebecca reglatoujours & accommoda ses desirs & affectiōs au niueau de ladicte reuelation, ay mant, caressant, & preferant Iacob le puisné, doux & aymable, à Esau plus robuste, Isaac au rebours, ignorāt peutestre la reuelation faicte à sa fēme, & suiuant tousiours l'affectiō naturelle du pere & charnelle, ay moit & traittoit auantageusement Esau, & comme son ainé, & comme plus masse, courageux, & à son humeur. A quoy ay doit fort aussi ledit Esau, flattant & caressant son pere de potages frains, & viandes apetissantes, qu'il luy apprestoit, de la venaison qu'il luy prenoit à la chasle, c'est par ou sō pere fust appasté & induit à luy promettre & offrir sa benediction, voire auant le temps. Cependant & auant qu'Isaac vint à donner sa benediction, Iacob prenant l'occasion, conuia son frere Esau à luy ceder & vendre son droict d'ainesse, avec interposition de serment, & ce pour tousiours plus faciliter le droict que le ciel luy auoit donné auāt qu'e-

estre nay, & pour en forclorre toute opposition ou empeschement. En quoy vient à noter en passant qu'Esau commist deux tres-grandes fautes, faisant trop peu d'estime & compte de sa primogeniture, en l'alienāt & vendant à si vil prix & pour vn si leger plaisir, & puis entrant en marché de chose sacrée, & qui estoit hors le commerce & trafic du monde, comme estoit la primogeniture, en laquelle en ce temps-là estoit incluse la Prestise : dont pour ces deux fautes il meritoit bien d'estre privé: Mais Jacob n'en fist point, ne pretendait en ce marché que se redimer de toute dispute, doute, & opposition humaine, contre ce qui estoit desia sien par donation & autorité diuine.

Gen. 27

Sur ces entrefaictes la mere Rebecca ayant entendu que Isaac son mary estoit en deliberation de donner sa benediction, & maintenir Esau au droict d'ainesse: & desia s'y preparoit, & voyant que cela aduenant troubleroit & mettroit en dispute le droict que Jacob le puisné auoit desia tant de droict, & de don du ciel, que par la cession qui luy en auoit esté faicte par Esau son frere, elle voulut aller au deuant & essayer de rompre & destourner ce coup: Et pour ce apres en auoir cōsulté avec Jacob, furent ensemble d'aduis, que ledit Jacob preuiendrait son frere, & s'offrirait à son pere avec mains veluës & desguisées, la façon de son frere Esau, pour eluder & tromper l'atouchement de son pere, se disant au reste & portant ferme pour Esau, ce qui fut faict & succeda assez heureuse-

Decisiō ment.

de la Par tout ce discours nous apprenons pour l'é-
questiō. claircissement & decisiō de la question, que l'in-

térion de la mere estoit de suyure, & faire valoir la reuelation, qui luy auoit esté faite de la superiorité du puisné Jacob sur son aîné charnel Esau: que le faict du fils Jacob se conformant au conseil de sa mere, suyuroit aussi ladite reuelation: que le pere Isaac s'en destourneroit, qu'il l'a sceust ou ne la sceust, suiuant tousiours l'amour naturel & charnel, que l'inuention de la mere, & supposition du fils pource qu'ils visioient à mesme but que la reuelation celeste, ont preualu, vaincu emporté la volonté du pere, qui s'en escartoit, & qui pour ce aucunement meritoit d'estre ainsi eludé, & par finesse ramené à son deuoir, puis que plainement & de foy-mesme il ne s'y vouloit rager. Et finalement quetres iustement & conformement à la volonté de Dieu & sa reuelation; la benediction du pere (nonobstant sa particuliere affection) & tout le droit d'ainesse a esté deuolu & porté sur le puisné Jacob, à qui il appartenoit de droit diuin & humain, a cause de la cession à luy faite par son frere, & non sur Esau qui en estoit debouté de Dieu, & outre s'en estoit rendu indigne par le trop bon marché qu'il auoit fait de son droit d'ainesse. Et cecy suffise pour vne generale explication de la question, venons aux doutes particulieres.

On pourroit obiecter contre la mere & son fils Jacob, que tenās le droit chemin, ils n'ont point marché droit, & ont tres-mal plaide vne tres-bonne cause, pensant faire valoir la volonté de Dieu tres iuste par des moyens peu iustes, voire plains de fraude meçerie, imposture, & iniurieux à Dieu, comme si l'ordonnance de Dieu auoit besoin de ces artifices & fraudes pour son execution. Ils de-

uoient commettre & laisser plainement la conduite & l'effect de ceste reuelation à la main de Dieu, qui en estoit l'autheur comme assez puissant pour s'en faire croire, & assez sage pour le sçauoir conduire. A ce doubte l'on pourroit dire, que le tout estât faict par la volonté de Dieu, qui l'a ainsi inspiré, il n'y doit auoir aucun scrupule ny ombre de mal, estant Dieu sur toutes loix & toute iustice humaine, dont tout ce qui est faict sous son autorité, est tellement bien faict que l'obmettre, ou ne le vouloit faire par crainte de mesprendre ou autrement, c'est faillir, la volonté de Dieu reuelée & cogneuë, estant la reigle qui iustifie toutes choses. Mais pource que nous ne sçauons pas, & n'apparoist pas que Dieu l'ayt inspiré, ou l'ayt voulu, car s'il estoit certain, il n'y a plus que tenir, & que seroit autrement apporter vne mauuaise odeur, & vn faux ton à la volonté de Dieu, de dire que pour son execution elle ayt employé des moyens condamnés par elle mesme, comme si elle n'en auoit pas en main d'autres plus doux, & plus contenaibles. Au moins qu'il est bien hardy de le dire, & seroit vne couuerture tres-dangereuse, d'ainsi vouloir couvrir les actions condamnées par la loy de nature, comme si l'on vouloit charger Dieu, pour descharger l'homme. Il semble plus assuré de dire sans le mettre en peine d'excuser & deffendre toutes les actions des bons, comme s'ils estoient sans chair & sang, qu'ils ont peu faillir en cela, voulans bien ce que Dieu vouloit, & à mesme fin, mais non en la mesme façon: que cependant Dieu s'est seruy de leur supposition & menterie, come aussi faict-il de toutes les mauuaises volontez qui sont bien

pires, mais sans les vouloir (car ce sont deux, vser ou s; sernir, & vouloir) ny les iustifier.


Aussi pourroit-on hesiter aucunement, sur ce qu'Isaac ayant toujours voulu donner sa benediction à Esau, toutesfois ayant sceu qu'elle estoit paruenue à Iacob, cōtre son dessein, au lieu de reparet l'equiuoque, & l'appliquer à Esau, suiuant ce qu'il auoit toujours voulu, il l'a cōfirma à Iacob, & s'y resolut ferme. A quoy est aysé respōdre, que ceste resolution & perseuerance pouuoit venir de ce qu'il auoit appris depuis de la volonté de Dieu, ou bien de la souuenance de ladicte reuelation s'il la scauait.

Mais la plus haute question en cecy est de la volonté de Dieu. Parquoy voulut Dieu que contre le train ordinaire, & sans aucun particulier motif, ou cause, Iacob le puisné eust le droict d'ainesse. A laquelle est aysé de respondre briefuement, qu'il n'y a aucun pourquoy, que c'est la pure, premiere & eternelle volonté de Dieu, qui n'a point de cause, que veut signifier l'Escripture, disant qu'auant qu'ils eussent fait aucun bien ny mal, l'un estoit aymé, l'autre rebutté lequel mot (*auant*) ne se rapporte point au temps, cela est trop grossier, Car si Dieu eust esté induit à les aymer, ou hayr, à cause de leur bien ou mal à venir, il les eust aymé & hay apres le mal, non pas fait temporellement par eux ains eternellement veu & cogneu par luy, car la cause precede l'effect au moins naturellemēt, sinō temporellement. Mais à la cause & à l'ordre de nature, c'est autant comme s'il estoit dict, non, pour ny à cause de leur bien ou mal fait futur & eternellement preueu, Dieu a aymé l'un & hay l'autre,

84 DISCOVRS CHRESTIEN.

ains pour ce qu'il luy a pleu : cōme le potier, pour ce qu'il luy plaist, d'une mesme terre faire vn beau ou laid vailleau ; dont la cause de cest amour & hayne n'est point en eux, mais en Dieu, & sa volonté pure.

F I N.



LABORATORIO
DI
RESTAURO



Via del Teatro
di Marcello 32
00186 ROMA





